




四庫全書存目叢書編纂委員會編

齊魯書社

# 四庫全書存目叢書


集部  
第二〇三冊





責任編輯：孫言誠 賀 偉

ISBN 7-5333-0615-5



9 787533 306151 >

EB45/01

# 四庫全書存目叢書·集部二〇三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二〇三冊目次

## 集部・別集類

青箱堂詩集三十三卷文集十二卷遺稿續刻一卷年譜一卷

〔清〕王崇簡撰

山西大學圖書館藏清康熙二十八年王燕刻本

一

東村集十卷附刊一卷

〔清〕李呈祥撰

山西大學圖書館藏清康熙儀一堂刻本

五六四

青箱堂詩集三十三卷文集  
十二卷遺稿續刻一卷年  
譜一卷

〔清〕王崇簡撰

山西大學圖書館藏清康熙二十八年

王燕刻本

附《四庫全書總目·青箱堂文

集三十三卷詩集三十三卷》

提要

序

萊陽宋政文玉撰

勝引者敬哉之樓居著號也築勝引而古  
今在其中矣意之必取乎勝引何也敬哉  
方畢役二三人落焉飲酒樂崔開予曰子  
將以戶庭之內形骸之外而肇錫以嘉名  
也敬哉曰此賢達之務也如名吾樓而不  
荷吾名誣土木矣余曰名居與名人異甚  
苟不先有大吾名之意則不必築吾樓如  
大吾名而築吾樓則莫如讀其書而書在  
樓友其友而友在樓也敬哉曰信夫今日  
之有二三人卽非我獨居之也開予與余  
間曰敬哉之人中慧而勤又交多四方中  
慧故其心達勤故術業兼攻交多四方故

青箱堂詩集

序

宋



耳目資之夫圖史在我生之上而朋友在我生之傍此大哲之才乃能取之我知敬哉善取友者也盍據是義而名樓余曰取架上書策而祝之摘紙遇辭曰逸爵紆勝引訓曰友遂命之余又曰古在斯今在斯其以為銘乎是會也卜夜不去敬哉居樓二年而刻勝引草成余與開予適登其樓

青箱堂詩集

序

二

宋

左右顧而言曰友則猶是也而書加多矣

序

雲間李安舒章撰

余至京師之二日訪王敬哉于城西皆庭蕭然叢竹映戶披帷而得之敬哉為人沉博有大慮善自謙下四方之賢豪長者無不交也而好詩與余言詩欣然而樂見焉大約皆清新真逸獨寫性情之作也而高之入浮雲下之動清泉故予以為王子之詩當去此間數十里外上蘊青松下濯素波登巖壑之間而誦之則冷冷而風發杳杳而情深矣夫京師古之燕國感慨節俠之所出也而今為帝都綺靡繁麗之所會也士大夫之軒蓋交絡於途裘馬劔佩之客日接於耳目而無所避也數十年以來天子庶勞於上殷憂沉積于下紛羽書而馳出禁旅而驅章交公車人滿闕廷而無一分此念者則憂愁勞思之所由作也而王子生于其間作為歌詩淒靜冲放心所其賞興言于素交意有不得寄情於山水其旨忠以厚其氣和而平所謂得

青箱堂詩集

序

李

風人之致者非耶往者司馬子長以楊子雲善  
作詞賦以爲曲終雅奏比于諷諫之流而至今  
讀大人之作固飄飄而凌雲觀羽獵之文亦躍  
躍而從禽矣故曰風人之旨麗以則騷人之旨  
麗以淫雕蟲小技壯夫不爲而我敬哉居京華  
之中生有異才久不得志矣而言有風則不爲  
淫蕩余以爲非有天下之大力者不能其于詩  
也直寓之耳余又安足以知之耶崇禎戊寅春  
日李雯序

序

東海宋琬玉叔撰

吾友王子敬哉北地之偉人也海內之士無識  
不識咸樂與之遊然又最能詩世所傳勝引樓  
梁乃其最初刻余時方少讀之刺刺不甚可解  
然心知其爲純古淡泊雍容懿雅之音心壯氣  
得者之所爲也猶憶上元之夕余與米子吉士  
崔子青蚓從燈市醉歸道經大明門天大雪夜  
少人因下馬狂呼踏藉雪中明旦視之衣履盡

污敬哉獨約手忍寒清吟微笑而已當是時京  
師方晏如敬哉居大市西修廊折徑幽篁怪石  
左列尊彝右敞圖史庭館肅清閑幃靜好雖車  
馬噴咽而咏歌不輟故其爲詩也幽而不纖麗  
而不淫迨存年草成而悼亡嘆逝傷貧嗟遇之  
咏作矣嗟乎士生百年之間其所爲成大名顯  
當世者歲月政無幾耳是故上之則遭遇隆盛  
副明天子任使珥筆承華直廡禁籞侍柏梁之  
雅讌追飛葢于西園詩歌存諸郊廟製作譜於

銓鏞昔賢所嘆良爲盛軌其次則握節邊陲懸  
旌龍戍驟都護之車贊嫖姚之幕水弱山高日  
荒烟紫磨墨盾梁吮毫馬首覽沙磧之悠緬紀  
川原之要害意氣之盛可爲壯哉其或身將隱  
矣遐迹高壤鹿門則妻子同車林慮則麋廩爲  
侶裴梁五嶽向平之姁嫁已終抱影空廬宗炳  
之山川繞壁以至懸敝席以爲門藉短絺以爲  
牖棲半畝之宮卻諸侯之聘秋拾橡栗冬覆烏  
毛彼其孤蹠之性堅於一遯歌頌之聲若出金

青箱堂詩集

序

三

宋

石古之幽人畸士類有然者顧予與微哉所遭  
之時則何如哉或逢年而無貴仕或窮歲而嘆  
斯饑雖數年之間顯晦或有不同然而傷心之  
賦痛切鉅燭門內之戚歎興惟縈悲愁於邑且  
有三百篇所未能盡道者又況乎去椒舉之邦  
而叩庾信之哀乎雖然羈旅之傷達人不免伯  
叔蒙戎旄丘攸嘆是以歲在單閼賈生殞涕地  
當荆楚王粲興嗟越禽代馬霜屬國之襟零雨  
晨風掩子荆之袂以至北征有賦思歸著吟莫

不撫節物而怡懷望關山而始涕迄今風烟靡  
滅數千百年矣是之銷銷爽爽靡纖騎鳴玉珂  
者不知銷沉何地而獨此旅人遊子窮愁孤憤  
之吟得與子見輕輦同鳴天地之慘讀之者感  
嘆流連而不能已焉錄是言之羈旅者小人之  
憂君子之賜也敬哉聞余言而善之於是愈益  
編摩披吟不少間其所爲詩亦益以工余嘗謂  
之曰居衰亂之季有初盛之風宇內之平兆於  
子矣河干多暇聊爲論著如此世有桓譚覽其

青箱堂詩集

序

三

宋

終始之際其殆琴歌之有激楚風詩之有變雅  
乎



序

嵩山孔洞王鐸撰

敬哉相見衣若不勝粥粥謹肅雅好詩其  
尊人博古以不工爲蝮摯吏而貧館中數  
寤言以見晚爲快也後數睇敬哉詩予始  
作而歎曰詩之頗也鮮考省于正則孰是  
負眊先升有是雅聲溫醇有範而不吾吾  
青箱堂詩集 序 王  
也凡人充詘以淫于所恆多不能操磨鏐  
革焉至于越其芒角若一二不恬于物又  
易爲騷抑苛激之氣以抵觸于煙雲花石  
蟲魚鳥獸山溪之間如是果其養之不式  
權無其協材以爲賴乎抑其牢騷者素不  
淑于古無以庀其載而思緯無藝以滑其  
敦厚乎予觀于敬哉有以自下不日且賴

其論閱議峻茂帥以序百物哀敏以熙八  
種昌七事胡爲乎雕鏤之力堪與愁思者  
刮尺劑寸或亦不能無感不能盡有所恆  
鬱積焉而洩于此耶何爲詩猶能雅正乃  
爾孰爲謹肅者不曉冷其神形夸骨佳如  
鍾譚派蹈薄夫之小勇必頗焉以與古人  
相牙鋸哉嗟乎西寇黷葑剝亂之後萬物  
青箱堂詩集 序 王  
焦天菑藪穢藪艱虞困頓爲驢幾何惜其  
從前軼者如彼也不然不禦寇不若不逢  
其不隕獲于煙雲礫石蟲魚鳥獸山谿不  
苟于詞庀其載以淑古有以異歟無以異  
歟是故君子操其所積彰事業而閱峻焉  
則以謹肅之荅也九有一皞皞臻敬哉必  
大有所恬發爲詞章銜華戴實不惟不充

誦必且噌吰無窮夫一詩也足以罄吾敬  
哉之養也乎負肥文壇先升遠樹敬哉不  
弘之不止矣

序

雲間宋徵輿轅文撰

蓋徵輿結髮而游吳越壯而歷淮泗經齊  
魯崎嶇梁宋商周故都之間然後浮沉于  
燕京者幾三載所見天下之有名徵章稱  
能詩者亦已多矣獨於敬哉王先生有不  
可及者三焉先生弱冠即工為詩迄今三

十餘年起家宗陶孟以自然為則已而曰  
不知者將謂我從竟陵于是為沉博絕麗  
之言已又曰不知者將謂我從濟南于是  
規三百準漢魏曰蕃日變人莫之測此其  
不可及一也作者始未嘗不矜奮及稱成  
家輒自夷逸即太白夜郎之日子美西川  
而後視前少緩、不無少疎何況以下乃

先生自盛有詩名後改苦操作三十年不  
怠至近日而篇益富六益改此其不可及  
者二也懸國門布通都其意將以流傳無  
窮豈易事哉今人率然而作必殺青以  
供覆瓿者多矣先生彙數年之詩為一集  
一語不合一字有瑕隨即割剝復徧贅儕  
友端務繩削是以卷帙雖富絕無累篇多

青箱堂詩集

序

二

宋

製之而嚴裁之其不可及者三也徵輿既  
以年家子任校閱盡讀先生之詩為作而  
嘆曰盛哉其大言碩以好其微言廉以深  
其遠言昭以申其隱言闇以的其通言約  
以典當事變之際流連反覆庶幾古者惻  
怛忠厚之旨焉嗟乎是豈不為絕盛者乎  
天下之人徒見其盛而不知其不可及之

實以求幾及難矣習一人一家之說無論  
當與否以寸為丈以杯水為滄海齊則詈  
楚蠻楚復齊曰儉比比是也日月不居曾  
不自咎亦何當於作者之列哉徵輿雲間  
人也習雲間言及走京師從君子長者游  
則聞見頗拓以為雲間之詩古文辭合諸  
古人於詩得十之八九於古文辭十僅得

青箱堂詩集

序

三

宋

四五嘗思退而脩明其業為鄰里負矢先  
驅以求無負往者見知之士然而力不逮  
也時不與也夫心則敬哉先生之心也業  
則旄矣屬在閩海應先生之命敘其詩集  
而有感焉時辛卯秋望聞

天子將幸太學命先生為大司成之月也



青箱堂詩序

此先生自丙申至辛丑六年內所作也先生詩刻不一以年而異丙申後氣大而彌厚學足而愈醇才斂而益老詞鎔而返樸令讀者穆然以靜悠然以遠淵然若有所思或亦閱歷久而見道深持守堅而用意渾耶風雅蔚起家命作者逞其氣之所至

青箱堂詩序一

似灌夫之使酒以為此書法中崩崖墜石也恃其學之所近似濬冲之持籌以為兵法中多多益善也鼓其才之所勝似秦武之舉鼎以為此劍術中之與蛟出沒也擅其詞之所賾似隨苑之綴綵以為此詞品中之鏤金錯繡也嗟乎內處于歎而外見有餘讀先生詩可以退矣六朝弊陳伯玉

出而救之八代衰韓退之出而救之三峽下趨乃見滌潁黃河東注乃有龍門先生其欲救世而必由于是哉亦候至于是有不期然而然者此刻從出山日至解龜之季敘以支干不令體類其留之以俟善讀先生詩者將以論世云

東海小子法若真沐書

青箱堂詩序二

青箱堂詩叙

王敬哉先生詩集既有刻行世久矣辛丑謝病上大宗伯印綬林居清暇乃彙丙申以後六年之詩將續前刻紙書千里走一介謂光曰爲我刪定之千秋之業非他世態可比幸以古道自處也光開緘太息曰先生有古道二字在其胸中出處超然又

青箱堂詩叙

何足異而詩豈徒然作者哉寒夜挑燈爲卒業不敢自避愚賤直陳可否以成先生爲謙之誼既原帙返都門于是復作而歎曰先生之詩是卽先生之古道矣夫詩之古非以時論也六朝靡靡者可退爲叔季開元之盛直接黃初卽近代何李兩大家越元宋而上與開元爲伍然則謂今人之

必不古人若非通論也但古人之詩必有其原則道焉耳道者立人之本萬事所從出而詩其著焉古之詩人大抵稟清剛之德有光明磊落之槩本諸忠孝敷以和平三百篇皆詩皆道也若夫鄙夫俗士日逐逐于榮利之場僞托風雅文其固陋其詩必譏襲汎濫生氣暗然儕輩皆厭之而何

青箱堂詩叙

有于古敬哉先生今之有道者雖歷艱仕常儻然有遺世之想未老投簪逍遙林壑當世望之如龍門而退然若不足試觀高冠大爵以詩名海內者縈繫輦下乃遠尋寂寞之濱問道于無聞之下士則素心可知故其詩不附近代亦不規摹古人直行胸臆蕭疎自遠相提而論古

詩敦穆而澹永似黃初近體遒逸而多風  
似開元所紀載多

朝廷典禮都俞盛事而相與周旋者大半薦  
紳冠蓋之流乃誦其詩謾謾然烟霞之氣  
著于睂宇無異乎深山大澤據松而長嘯  
也非有道者能之歟故夫古道云者卽謂  
先生自目其詩焉可矣

青箱堂詩叙二

中

聰山後學申涵光鳬盟氏題于  
珠草山房

序

詩者六經之一也詩多道君臣夫婦草木  
鳥獸而易皆言之知詩之道與易通詩列  
二南十五國之風以知二南十五國之政  
言政者書也詩又通春秋以筆削詩以褒  
譏又通歐陽修曰詩者樂之苗裔故投壺  
饗射必使工歌以達其意故又通至禮者  
因義而起也詩發乎情止乎義又無不通

序

陳

由此而觀詩以一經而兼數經之理此詩  
之義所以爲弘且遠與然予觀諸經于詩  
第曰通之若禮實輔詩而行不知禮不可  
爲詩故禮于詩爲獨重蓋詩者性情之所  
作也性情之所感有邪正之不同其言卽  
有是非之不一故朱子以爲周南召南親  
被文王之化以成德人皆得其性情之正  
自邶而下先王之風一變矣雅頌之篇皆



成周之世朝廷郊廟樂歌之詞其語和而莊至于賢人君子閔時病俗而雅又一變矣嗚呼詩一也而于此遂分正變者人未盡知禮耳知禮則性情之際必能閒邪以存正樂而不至于淫哀而不至于傷怨誹而不至于亂其發爲詩也然後可以有正而無變朱子又云其感之之雜所發不能無可擇者上之人必思有以勸懲之夫上

序

陳

之人豈能日以詩之爲道勸懲之哉亦設爲禮以閑之而已今讀禮經所載無非教人防淫節性以正人之不正卽其文有曰君子無理不動無節不作不能詩于禮繆又曰詩之所至禮亦至焉非詩與禮實相輔而行耶

大宗伯王公治禮者也自公立

朝凡

朝廷之大禮皆已修明天下之人皆秉禮教罔敢闕越而其間有能詩者亦且感于性情之際發爲和平易直之言是以數年之內詩學漸興于天下予小子居京師公賜之卮酒示青箱堂詩集若干卷自恨學識寡昧未能有會于心然自數年來漸摩于禮教之中覺輕亶亦有以自得噫公之禮教皆公之詩教也况復自爲其詩以教天下哉公之詩有得于二南雅頌之正天下能詩者皆知之予小子何敢以一辭贊與康熙戊申初秋晉陵年家晚學生陳玉珙頓首拜謹撰

陳

序

曩者壬辰登第時大宗伯王公  
為國子祭酒釋褐之日偕同舉  
四百餘人醵持推堂下既而漢  
書館中大司馬王公日侍

先皇帝左右時導從庶常推  
履依咨生年累籍在數焉爾地

曹

猥以淺遜與史局辱兩王公引  
接尤當時之言笑在函丈遂  
御李之懷自新湖攀轡以役大  
司馬公迭領法曹而大宗伯公  
鑒出止之訓亟以政推為山陽  
野之間而爾地亦以放廢主江  
南生頃過荃城適太守薛留林


南序二

公分理離政以青箱堂一編見  
示曰此大宗伯公通年未刻之  
詩也子與公為館中前輩喜一  
言漢之竊唯公之詩自丁卯迄  
今五十餘年天下傳誦久矣遂於  
離林達於衆譯波以之纖錦  
國相以之易金海內瞻之以泰

山北斗峰不出為敬哉先生古  
獨晚年之涉狗爛之極彌造平  
淡此殆詩之化境未能測其而  
至者二三百年以來父子相保  
傳位極人臣者有以垂寶耿雲  
氏陳南光等潼關諸前輩但功  
名恒赫則君之而父采葩流或

未遠也公以文章著於當世  
 韓先生哲人方以周公持前魯公  
 持後為榮而公必以著述為樂  
 博採細書而不倦讀大宗伯  
 公之詩書至乎已歎止之歎已  
 康熙十四年乙卯上巳西浙後  
 學曹爾堪持書於廣陵旅次

曹序



序

憶與先生聚首吳江猶是烽火燭天孤舟  
 兩泣時也自南北分飛升沉異路何意三  
 十年後重逢白髮之老得上青箱之堂炳  
 燭銜杯有疑夢寐問昔時同難諸子則都  
 已魂消異域碧化青燐矣獨予以遲暮飄  
 零老狂仍舊先生誼篤杵臼情殷車笠喜

青箱堂詩集

序

錢

故人之重聚乃賓閣之頻開花時出郭輒  
 用招攜雪夜剪燈多所贈答於其行也寫  
 生綃一幅題長句為別筆墨繾綣黯然神  
 傷已又出未刻稿屬予題敘夫先生詩聲  
 鼓吹海內寧藉予言而欲予有言者蓋重  
 惜予垂老之分攜畱行墨於卷端志不忘  
 之雅意耳甚矣先生之情至也夫詩者性

情之事也世稱北方尚氣故多悲歌慷慨之音若先生之纏綿悱惻其詩一出以柔澹而歸於和平則純乎性情之爲非氣之爲矣夫氣出於性情而後爲真氣而後有真詩吾視先生不矜過高絕人之行不爲蹊刻已甚之事平淡率易善氣迎人好士如渴聞門之內雍雍如也世爭服其典型

青箱堂詩集

序

錢

皆以爲道隆予獨窺其醞藉則以爲情勝蓋道不容測而情無不可知也讀先生詩當以予言爲不妄矣

甲寅暮春月龍眠學人錢澄率題

序

詩本性情其爲人和平敦厚則詩必春容大雅有合乎風人之遺不必問其字句格調之孰爲唐孰爲宋也宛平王先生豈弟篤摯獎掖後進當今之歐陽文忠也先生所居有花竹泉石座有法書名畫每逢勝日攜梓挈榼香山白雲之間往往有阮宣展齒焉先生之詩發乎情根極乎性命懷

青箱堂詩集


序

蔣

人贈友之什纏綿悱惻游覽諸作覺西山爽氣常在筆端先生胸中有烟霞萬斛斜宇間有孤雲艷雪之致故其爲詩恬暢閑遠淡而不槁幽而不畸直足上嗣三百篇豈獨醞藉陶韋澄涵儲孟云爾哉余與彙嘉俞公祖俱游先生之門披風飲醇歷有年所先生之顧我兩人也視之如梗楠愛之如圭璧先生意良厚甲寅乙卯詩刻成

彙嘉屬余序之顧先生立朝大節居家懿  
範海內識與不識望之者若景星卿雲聞  
之者若金鐘大鏞余何足序先生之詩竊  
又自念先生平日之取士也不惟其言惟  
其人小子得握管拂楮傲然而列於編末  
或先生其有所以取之歟

虞山受業門人蔣伊拜艸



序

詩之必唐唐之必盛盛必以杜爲宗定論久矣  
近乃創爲無分唐宋之說於是少陵青蓮眉山  
放翁相提并論其意謂不必專宗唐耳久之潛  
移默化恐遂專公宋而不覺夫唐自大家名家  
而外亦非一格如郊島之孤僻溫李之駢麗元  
白之輕便流弊所至漸亦啓宋之端然而唐之  
詩自在也宋賢自眉山放翁而外如永叔山谷  
聖俞子美非不崢嶸一代然而唐法蕩然至須

溪滄浪枕籍少陵字櫛句比而去之愈遠此其  
故難言也所爭在風神氣象之間而造語疎密  
立意顯晦不與焉至何李諸公端宗盛唐遂已  
超宋而上則後之從事於詩者可知矣予嘗謂  
敬哉先生唐音不絕惟先生可以正之蓋先生  
之詩中正和雅無邪氛雜其筆端自謝政里居  
脩然履杖常在香山臥佛之間勝懷逸韻發爲  
高響所謂胸自有詩不隨世爲遷流者也夫詩  
之日變如巾服綦屨長短闕袂互爲變更惟大

雅者擇中以為矩若宋詩日盛則漸入雜蕪先生不起而正之誰望乎余廢詩且十餘年邇者薄有篇什不自知其鄙陋亦常就正於先生風氣所轉或不免焉酌羣言而正其謬請自光始矣

聰山後學申涵光島盟氏誤

青箱堂詩集

序

中

青箱堂詩集目錄

卷之一 丙寅至辛未

天壇

村家

滴水巖

聽琵琶歌

潞水七章

送陳千人督學粵西

出塞 二首

麗人歌

雪中訪宋文玉

不值

集王敬之

從戒壇至

凌壁峰下

呈熊魚山給諫

送劉同人歸楚

同趙黃澤夜坐

隄行

讀曲歌 二十二首

青箱堂詩集

目錄

從香山過嶺

訪于司直

收雪

旅夕

道出范陽

拜楊椒山先生墓

客夜

與崔青蚓夜對

梅花

雪郊

移具過兩公為別

送宋宗玉

潘殿虎朱宗遠

過談

坐章大力齋中

喜譚聞仲人都

太古洞

潭柘宿風

送韓鐵漢出都 二首

同宋上木

訪崔青蚓

坐徐九一竹下

得宋澄嵐書却寄

鄰寺

裂帛湖遇潭友夏 暮坐

別陳若萊 經舊宅

聞雁 寄金卿非 二首

連雪 同姚文初

聽伐鼓歌 小園思舊

春闈 三首 南山四章

卷之二 壬申至巳卯

與史道鄰談 家兄郊旋夜集

王正譜俗竹枝詞 十首 送姚文初 侍孟長先

送張天如假歸 放言 二首

青箱堂詩集 目錄

歲暮維咏 二首 古意

歲暮 雪游燈市

家園 偶贈

寄宋玉叔 妾命薄 二首

黃卜周同讀書 道院 送趙黃澤匡五如下第

山訪 二首 送黃卜周南游

書懷 書所見

夏夜聽陳敬止 琴 于司直 偕劉同人

送江雪門令平鄉 閔緒 四首 適楚四首

看雪西山 清明

春夜讀書 賣珠易書

初春 仲春讀書功德寺

山居貽內 山緒 二首

坐上華嚴霞游亭憶 癸丑秋侍老母淑人 瞻望愴然有作

河上歌 山中

靜女篇 東卜周

秋日寓邸 感時

秋吟 四首 哭于司直

易木 六章 憶獵

別姜如須 送楊維斗下第

青箱堂詩集 目錄

送宋玉仲 錢于孚來都 訪之彌

丙子秋定興失守 范其生妻媳及三女 赴井死時五芳井

移居 黃卜周楊商賢 樽贈別

四弟來成進士 志 哭宋宗玉 二首

崔開子米吉士 不期 省非 七首

春日夏夔仲 約集白石 上元前數日閨中作

雁聲 三首 黃惟梅讀書太原歸省

玉泉山晚步 功德寺暮眺

夜坐聞簫 夏日閑居

寄贈黃美中 贈別黃石齋先生 二首

過錢牧齋先生 <small>中</small>	秋暮偕家兄弟 <small>夕至玉山</small>
入香山逕	白黑龍潭 <small>蘇宿功</small>
夏夜聽兒女彈琴	宋伯玉九青 <small>招集水關</small>
悼內 <small>五首</small>	
卷之三 庚辰至癸未	
春日悼往	曉自雄南入鄭州路
經任丘懷舊里	雨
寄慨	懷內
落日	道中
村家	旅夜雨
青箱堂詩集	目錄
過商丘	漫成
永城	旅夜夢老母淑人
濠梁道中	磨盤山
過滁陽	儀真
雨過燕子諸山	登采石江亭
夜舟	蕪湖
建平 <small>三首</small>	客宗弓羽園留贈
端午	東門
自白茆山入廣德 <small>道中</small>	初至武林示四弟
謁徐座師	雨中

湖晚	經飛來峯
陳玄倩嚴子岸約同胡思皇 <small>兩游金園子將別歸</small>	
留別四弟	至嘉興
錢孚于留譚信宿	同錢孚于
歸途	旅夕
夢中	南歸
送內弟梁公狄 <small>二首</small>	十月朔日
多憶	史道鄰招飲
亾室初忌	月夜
送史赤豹	歲寒 <small>八首</small>
青箱堂詩集	目錄
元夕	元夕懷內
春悶	張騰甫
病起	同黃幼則 <small>二首</small>
商賢贈鶴	送宋玉仲
送史道鄰	寄宋玉叔
飲孫北海給諫 <small>齋中</small>	秋况
水源看紅葉	送方密之
送周燦甫	贈別
贈葉潤山	訪徐德公
讀書摩訶庵	春日



送楊曼卿

摩訶菴 二首

七夕

摩訶菴

萬明寺

秋暮

秋夕

上元

讀書

自哂

憶昨

夏日

憶內

哭季女

翟園

園夕

秋日

哭葬仲女

高中孚

宋玉叔

青箱堂詩集

目錄

六

哭宋長元

次孟綱宜夜坐韻

高中孚

菊花 四首

卷之四 甲申乙酉

功德寺

哭范若侯 二首

碧雲寺

得至勝方

與高侶鶴坐

勝芳僧舍

携家

酬井旅東

避地文安

僕歸

哭金伯玉 二首

哭孟綱宜

寄悲 六首

過德州

和紀仲霖

金山寺

宋玉叔

張如盤

雞鳴山

歲暮句曲旅夜

上元

靈谷寺

春懷 十二首

寄青蚓

寄高岱與

黃蘊生招飲

晤侯雍瞻

去嘉定 二首

舟次

三月十九日

三首

憶先塋

憶藏書

憶起齋

憶父母像

憶兄弟

青箱堂詩集

目錄

七

憶琴

憶叵室

憶西山

憶女

憶諸親

憶叵女

憶叵室白猫大士

憶同籍

憶同社

憶古瓶

憶蕃劍

憶崔青蚓畫

夜過金間

訪成保慈

送房周垣歸海東

雨過惠泉

暮泊虎丘

寓禹航

病臥

山中

山中	山居
禹航道中	哭張吉友
酬茅望子	客汾湖
旅懷	月夜
懷姚若侯	楊維斗過晤
夜自葉鴻振慶繩兩先生飲歸	
錢仲芳貽粟	閑步
孤興	時過宋 <small>玉伯旅寓</small>
不寐	憶鮑莊
萬年少過晤	雨暮
青箱堂詩集 目錄	八
夜雨	喜趙蘊退馮殿公至
東任潛夫	秋懷
語馮殿公	中秋
舟夜	舟中
臥子約晤	經常州
雨過楊冰如夜談	過寶應
李黼臣	過梁仲木公狄村居
遇王敬之淮陰	丘德俊
舟遇朱子美	蚤行
經匡五如墓	王行之

過王闇子村居	至萊陽
拜宋長元先生墓	晚過趙長公 <small>二首</small>
懷青蚨	弔宋九青司空墓
楊晉占自村中來	宋赤崖
宋澄嵐	酬趙介眉 <small>二首</small>
宋玉叔約游亭山 <small>二首</small>	歸拜先墓
燕京除夕 <small>二首</small>	
卷之五 丙戌丁亥	
京邸有懷	紀堯章
春日 <small>六首</small>	出郭
青箱堂詩集 目錄	九
借宋玉叔	與廓上人談
送高璉珮假歸	送魏咏庵典試江右
孫北海	送杜純一典試浙江
憩金剛寺	鵲橋行
暮秋	九日
姚若侯至	贈宋玉叔納姬
冬日	冬嘯 <small>五首</small>
觀劇懷內 <small>二首</small>	元旦
拜先墓	人日
張百嶼招看花 <small>花鞭歌</small>	送曹秋岳歸里

春日	海棠	送董庶常	高岱輿	同成青壇	憶寓金陵	黃卜周	過成青壇	飲米吉上新宅	舒章至	雨	初秋	述夢	中秋	九日	庵中	秋懷	與鐵山兄言別	送王定爾庶常	送李梅公	青箱堂詩集	目錄	贈別	冬夜憶舊	卷之六	戊子已止	春雪	送鄧元昭假歸	輓金際明	送鄧元昭假歸	酌酒與黃商侯	送張泊水	春感	春暮	唐旼一書來却寄	烏語	寄懷宋上木	宋上木	憶上方山歌	偶過金剛寺	初夏	寄懷
----	----	------	-----	------	------	-----	------	--------	-----	---	----	----	----	----	----	----	--------	--------	------	-------	----	----	------	-----	------	----	--------	------	--------	--------	------	----	----	---------	----	-------	-----	-------	-------	----	----

寄懷	送章道存任儀真丞	東嶽廟	寄懷劉驥甫	秋日	劉憲石	悼姜	中秋感懷	題內妾靈几	哭周寧章	疾間	憶昔	冬夜	送宋玉仲	自笑	歲暮雜興	過丁野鶴	過岳朋海秋舫	和米吉士	初春	青箱堂詩集	目錄	荆石兄偶至都門	荆實君附書	錢仲芳	喜吳玉林至	宋玉叔	初夏感懷	連雨行	與四弟偶談	劉放雲小集	與四弟	送金章凡先生	哭錢子于	季夏	寄姜卿壁	姜如須遷居	寄宋澄嵐	寄張月征	送張嗣留	蕉花篇	哭孫二如
----	----------	-----	-------	----	-----	----	------	-------	------	----	----	----	------	----	------	------	--------	------	----	-------	----	---------	-------	-----	-------	-----	------	-----	-------	-------	-----	--------	------	----	------	-------	------	------	------	-----	------

送陳岱青還里 首 哭黃惟梅 四首

醉謠 憶昔

胡體順來都下 寄陸椒頌

送四弟來守備 汀州古劍篇

贈張公儀 不寐 四首

秋夕 聽曲感懷

除夕 二首

卷之七 庚寅至壬辰

魏嶸芥小集 劉淇瞻 二首

米吉士來自冀州 十六夜憶舊

青箱堂詩集

目錄

上

夢中作 寄傅介侯

送趙會憲映乘 六月六日

牛叶應備兵霧州 送孫毓祺兵備雕陳

初秋 送梁玉立假歸 首

新秋感興 贈錢武子

送張遠林 九日

同胡體舜 來青軒聯句

由柏路上洪光寺 尋水源

功德寺懷舊 歸自玉泉道中

寄懷惲道生 二首 聞李慈軒逝

送朱轅文督學 七閣 讀米吉士 九日登高詩

冬日 歲暮 二首

送胡體舜 次凡仙韻

除夕 王正四日雪 四首

雪期青蛭不至 欄宋玉叔

上元立春 吳巨手 言其已齋之勝 二首

約袁丹叔 小飲齋中 二首 暮登白塔寺

懷賴宇肩 送孫枚先奉常

寄贈申息盟 陳默公

許居 送王覺斯先生 二首

青箱堂詩集

目錄

上

盛順伯 二首 問岳明海 築秋舫齋垂成

夏日 送周西侯還太倉

鳥聲 徐望仁招飲水亭 二首

送高聰珮 二首 七夕 四首

李梅公 二首 張中柱遊西山歸問之

哭張百嶼 嚴方公過談

懷玉立 夜鐘

當前 東青壇若侯

春日憶舊 送唐濟武

答吳幼洪見寄 初夏

送王貞明

送周農父

寄懷楊沐如

懷宋其武

寄懷倫百式

將秋

立秋日

登衍法寺閣

寄郭品禮將軍

送蔣虎臣假歸

秋興答李又白

宮紫玄偶來都下

送宮紫玄旋里

范烈女

寄贈黃上枝

暮秋

送党于姜大司農

送曹真卿

寄赤豹

臘八日雪

青箱堂詩集

目錄

十四

臘之未望

憶昔

卷之八 癸巳

青壇念東吉津王立潛柱宴集

上元前夕作

送張子美督學兩浙

寄王烟客

偶吟

送戴巖竿少司農

介嚴子問尊人

送羅篁菴

吳岱觀

贈張玉調

異井行

送方生牧

送王願五

吳岱觀

憶王覺斯前輩

莫笑

閑居

所懷

無咎

獨坐

送李卿子

睡起

芝麓荔裳

哭岳朋海

送王金章歸養

送范介子

送喬肖寰

偶出郊外

再答念東

送梁析木守饒州

送張瑁

送李素心

癸巳中秋

送諸陶叟督學

送喬白山歸養

青箱堂詩集

目錄

十五

送邵凌玉

秋來

成州國招登新樓

九日

山柏路上洪光寺

碧龍寺

臥佛寺

過萬明寺

初雪

冬日東友

送宋荔裳

冬日感懷

送申鳧盟歸里

冬夜

雪夜

悼妾

卷之九 甲午

年華

堪憐

禮佛	元宵後感懷
觀周妾遺像	清明
春園 <small>二首</small>	送孫枚先
贈別胡彥遠	雨夜感懷
看海棠行	先母淑人忌日
聽紫玄說艸堂	同青壇相國
黃子石招同青壇相國行屋學士 <small>飲品學士園亭</small>	
過紫玄不值	不遇蘭陔東之
夏日	東李立一
送紀伯紫 <small>二首</small>	追送宮紫玄 <small>三首</small>
青箱堂詩集 <small>目錄</small>	十六
難忘	李方州過訪
散步	寄懷李梅公
雨夜	東張月征
哭張中柱相國 <small>四首</small>	立秋前夕
送王蘭陔	秋郊 <small>二首</small>
中元 <small>二首</small>	楊堯叟
贈別賈如雲 <small>二首</small>	秋夜
感懷	送黃存是
送張月征 <small>二首</small>	月夜
夜坐聞笛	送楊天揆 <small>二首</small>

寄友 <small>二首</small>	送領偉南 <small>二首</small>
送 <small>還耦李</small>	送楊質人還闕 <small>二首</small>
贈別黃心甫	送宋上木 <small>四首</small>
和楊猶龍 <small>三首</small>	九日
送趙友沂 <small>三首</small>	冬日
送高念東 <small>首</small>	夜讀戴嚴竿豫州詩
守歲	
卷之十 乙未	
元日	新歲作 <small>四首</small>
卜周 <small>式之堯叟過飲</small>	家弟雪夜登飲
青箱堂詩集 <small>目錄</small>	十七
春雨	游祖將軍園
過李西涯相公墓	寄吳玉鉉 <small>二首</small>
近畿道中 <small>二首</small>	送呂見齋 <small>二首</small>
良鄉北郊十方院	經勝岡塔
送錢仲芳 <small>二首</small>	雜懷 <small>三首</small>
彭燕又過談 <small>二首</small>	初種麥有穫 <small>二首</small>
暮雨	朝起
梁慎可王慧生 <small>過飲</small>	夏日
計甫草 <small>沈昭子彭雲客過飲</small>	張稚恭贈畫
寄董次公 <small>二首</small>	月

送彭燕又 二首

介陳二如 二首

螢 四首

又次王似鶴韻 四首

秋日

晚步功德寺隄上

經玉泉廢寺

臥佛寺

碧雲寺

九日

來青軒月飲 二首

洪光寺柏徑

雪游和四弟韻

雪游

清夜

雪郊

冬感 一首

美人照鏡

送宋上木 二首

青箱堂詩集 目錄

大

卷之十一 丙申

上元

燕九

讀吳六益 燕京秋思詩

送趙韞退

送張稚恭

挽憚道生 二首

順治十三年 仲春應制十首

送朱遂初 二首

端午瀛臺候 召

午日

庭松

東孫北海退谷

寄懷趙彥球

送張仲若 二首

葉素旂至都晤贈

送嚴伯後

寄懷左鶴巖

送沈釋堂 二首

贈別李蓼園孝廉 立秋

寄法宮諭漢卿 二首 送陳吳甫

送馮殿公 送程幼洪

秋日鍾文子招飲 二首 秋日卽事

秋日直廬卽事 月坐

中秋 送施愚山

送錢介之 秋溪

憶山 九日

四弟復任汀州衙 二首 送羅篁舛 一首

侍漏東華門 直中初雪

青箱堂詩集 目錄 九

蚤朝侍從 寄公狄

直中卽事 冬日

羅篁舛招飲話別 對梅感懷 二首

米吉土申見盟 飲小 瑞雪應禱

夜雪 除夕前一直廬述懷

卷之十二 丁酉

元旦 穀日祈穀值雪

上元前夕 二首 上元

十六夜 憶昔

二月直舍書懷 溫仲青以雀青蛭 畫見貽

清明 <small>二首</small>	宿白塔寺
移直瀛臺	瀛臺蚤直
上巳	春興 <small>二首</small>
雨中	哭黃卜周 <small>二首</small>
三月六日	齋所夜坐
寄李又白少司空	遠懷 <small>二首</small>
寄沈無謀	殘春
送梁慎可	大有九章
夏日	端午
吳無稱至	感興
青箱堂詩集 <small>目錄</small>	子
夏日小病偶述 <small>二首</small>	立秋
贈季因是	送吳道止
托中鳧盟寬田	秋旦
秋行高粱堤 <small>見白蓮</small>	直廬望西山
秋曉	楊商賢至夜談
重九	秋夜
寒夜	雪藤歌
冬夜	歲晏 <small>七首</small>
卷之十三 戊戌	
立春次日	新歲

偶過成相國誰園	紅門曉望
送薛行屋少宗伯	瀛臺啓奏
同阿水司馬圍獵	登安肅城
清明	慶都道中
寄書	至真定
送皆陳皆吉還 <small>安肅</small>	旅次寫懷
登真定大佛閣	過安肅
雜興 <small>四首</small>	寧晉郵亭
米吉士將任萊陽 <small>二首</small>	濱州夜雨
定州	中山途次
青箱堂詩集 <small>目錄</small>	子
夾山道中	曲陽恆嶽廟
行唐驛舍	自平山入井陘道中
井陘	貧民謠
邑令謠	憶井陘道中
高邑李相國園亭	隆平散賑畢獨坐
再憶井陘道中	任縣阻雨
王大重下第	鉅鹿
戊戌奉使賑濟恆邢	蚤行
安肅 <small>二首</small>	復命
喜五弟至	寄王硯存



送商賢 <small>四首</small>	送宋直方宗丞
題衍法寺	中秋
送陳堦皆吉 <small>二首</small>	送張爾誠 <small>二首</small>
送金冶公	王迂叟過談
題梁葵石園亭 <small>北卷四首</small>	中秋殿
沈仲連	九日
晚登園亭	秋園 <small>二首</small>
秋日	送高念東
十月十五夜	送王尺五 <small>二首</small>
先大夫忌辰展墓	喜沈仲連至
青箱堂詩集	目錄
題梁蒼巖大司馬柏棠村牡丹園卷	三
戊戌九月十二日 <small>四章</small>	冬至前二日
除夕自省	
卷之十四 巳亥	
元日	人日
送寶生德邁	立春前一日署中作
元宵	送嚴灝亭
晚坐	春夕
送沈仲連	春感
春夢	雪中

清明 <small>二首</small>	經真覺寺
偶暇	戴巖壑夕坐 <small>三首</small>
送陳天祓 <small>二首</small>	小閣
爲趙友沂題	輓王鐵山少保 <small>二首</small>
送王農山 <small>二首</small>	題蒼巖大司馬 <small>蕉林書室</small>
五弟新居 <small>二首</small>	夏日
偶閑	題胡菊潭先生畫竹冊
夕興	秋日
送張堦識之	暮秋 <small>二首</small>
九日 <small>二首</small>	孟冬前夕
青箱堂詩集	目錄
法開三郡丞	贈王次重
寄答唐豫公	冬日感懷
尾從	送姜滙思
靜夜 <small>四首</small>	
卷之十五 庚子	
元旦	偶過放生池
正月五日	十三日
元夕	元宵
送吳玉京	贈梁葵石歸養
春夕	白馬寺

偶酌	宋大參將赴紹興
李敬斧	過萬明寺
過王襄璞	金魚池寓
合祀	贈欽序三
端午	南苑
敝廬	端午薄暮
楊晉占	觀崔青蚓遺畫
送張伯行	恭隨
閣眺	送甥張輯五
送婿米紫來	定省沐 陽二首
青箱堂詩集	目錄
夏夜	久未至摩訶庵
酬錢仲芳	新秋
秋夕	寄懷李又白
賜假	秋夜
八月十二夜	十三夜
中秋	九日
木欄陀	廣應寺白松
孫北海少宰	退翁 宿功德寺
玉泉山	自山中歸
李吉津宮詹	送侯生筠斧

送陸咸一	送熊雪巖
冬夕	憶昔
冬夜	仲冬
憶夢	寄丁右海
冬夜讀書	守歲
卷之十六	辛丑
立春	正月十六夜
仲春	景山
雨中	清明
清明夜飲	暮過五弟宅
青箱堂詩集	目錄
送欽序三	送髯淵下第歸里
黃商侯書來	嚴方公
送宋其武	送白東谷
夏至	寄懷餘杭鮑赤城
夏夜	七月十四日
送孫泚亭冢宰	送王玉銘大司農
夏日	枕上偶感
輓范珠巖太史	秋初
偶成	中秋
暮秋	二首
送陳印倩	

送英無稱	送徐公肅
送顧南陵	暮秋
九日	范太傅先生郊園看菊
十月十五日蚤朝	送孔心一
送侯生筠弁	茅齋
先大夫忌辰	往事 <small>十四首</small>
送宋右之太史	久不得四弟消息
鄭明府	紅梅
得告	歲暮
習靜	偶興
青箱堂詩集	目錄
十二月望日立春	壬寅
卷之十七	壬寅
元旦	新歲
元夕	齋中
客至	挽曹蘊昔孝子
送王印洲水部	送胡相國致政還蜀
曉至香山	清明前二日
喜趙蘊退至	春仲閑居
經嘉禧寺	重經秘魔崖
尋翠微寺	上龍泉菴

登廬師山巔	登皇姑寺樓
過摩訶庵	送葉濟水
送友	送宋上木
汪吉旋 <small>閣亭看牡丹二首</small>	午日
梁公秋書來	送賴平子
送鍾一士	送陸咸一
送徐子望	送宗有六
寄胡大令以溫	沈仲連張爾成偶過
送高弗若少司馬	寄韓心康中丞
夏至後偶興	寄施尚白憲副
青箱堂詩集	目錄
雨晴	草橋荷花
錢仲芳	夏日東五弟
夏夕	雨後
喜雷臣自淮南 <small>寄租至</small>	立秋
初秋	米吉土罷歸
送張介伯	送李長文 <small>二首</small>
秋來	夜雨
中秋	秋夕與五弟夜話
過松林	宿秘魔崖
九日	九日

來青感懷

尋水源

坐退谷寺

送錢大士侍御

送張青弼內翰

金太傅先生七十

雪夜

贈北海少宰七十  
二首

月夜

夜坐感懷

除夕

卷之十八 癸卯

元旦

新歲  
二首

張毅儒過晤

宵感

夜雪

送吳璠如

青箱堂詩集

目錄

元

閨中

送趙生之璧

春感

春日

清明

送施硯山

送李繪先學士

午日

題成文穆公  
素園卷

題成青壇相國  
浮丘山房卷四首

睡起聞箏

夏日  
二首

夏日感懷

送堦陳皆吉

晚霽

七月十三日展先墓

中元

送成青壇相國假歸

中秋

獨坐

送丘接青下第

秋夜

經阜城門外舊居

十月朔登衍法寺閣

好閑

十月朔二日夜

夜雨

元坐

黃次辰少宗伯

冬夜四弟五弟話舊

宋荔裳

自笑

歲暮雜興  
四首

卷之十九 甲辰

元日

新歲

人日

人日四弟園亭

青箱堂詩集

目錄

元

立春

觀劇

十三夜對月

元宵次夕

挽胡宛委少宰

答尤展成

紫竹院老僧

清明

登香山佛殿

香山柏路夕坐

清明過退谷

玉泉

三月十七日雨雪

春淡

甲辰暮春  
六首

四弟行後過所居園亭

揚顯甫  
以先世遺札索題

聞四弟自潞河解纜

春日憶舊  
四首

遣懷

豐臺	荔裳吉士過飲
端午	白題
讀趙茂先尊人銘	寄嚴子問 四首
七夕	七月十五日展墓
秋夕	送曹厚庵學士
東園	秋日
題畫	喜高念東至
由栢路上香山	宿來青軒
自香山過嶺 二首	秋游 六首
重九	龔芝麓總憲五十
青箱堂詩集 目錄	辛
送施愚山僉憲 二首	引年予告
梁蒼巖大司馬約同籍讌飲	
卷之二十 乙巳	
正月四日作	新歲
元宵	功德寺
宿功德寺	玉泉山
春游香山	春暮
初夏	夏日卽事
贈劉魯一	爲韋念義畫扇
秋夕 二首	九月

秋晚	隆教寺新開
木欄陀	香山
月宿來青軒	來青晚雲
歲暮	除夕立春
卷之二十一 丙午	
題畫	蚤春
崇化寺	城子莊南陽眺
登釋迦廢寺	初夏 四首
游豐臺	端午
嚴絜菴少司農	觀劇
青箱堂詩集 目錄	壬
七月十三日 憩興勝寺	秋夕
秋夜	初秋
香山秋溪	來青軒夜坐
香山	玉華廢寺
退谷	歲暮 七首
卷之二十二 丁未	
歲正家宴	春宵
香山杏花	玉泉山寺
送梁玉立 歸里 大宗伯	爲李担園相國 題畫 四首
春歸	寄李珂雪

偶題	夏日
家舫	季夏 二首
秋來	送顏紫巖
寄曹彙然	將游滴水巖
再游	宿巖下
九日	九日閑步高原
偶至	冬夜
送法侍讀黃石	歲暮
宋牧仲過飲	友人頻招 二首
卷之二十三	戊申
青箱堂詩集 目錄	三
元旦	酌酒與牛式之
夜坐	人日
劉元功	沙定峰過飲
甕山	玉泉山憶往
偕五弟登香山	退谷
來青軒	送米垵紫來 二首
海子西紅門	飲豐臺芍藥園 二首
夢中	夏日
寄懷白東谷尚書	晏起
夏日	久不至萬明寺

自笑	夜雨
秋日	李望石
重九	香山聽泉
出金山口	大覺寺憶往
重游大覺寺	送陳其年 四首
歲暮	冬夜
卷之二十四	巳酉
元旦	元宵後數日作
香山	偶過
東園丁香	豐臺花圃
青箱堂詩集 目錄	三
孫北海研山齋	送蕭伯闇
夏日	送楊長公
秋夕	夢贈一品夫人
九日	水源看紅葉
玉泉	葬仲孫女
送李召林侍御	臘八日
卷之二十五	庚戌
人日漫興	燈夕
放懷	憶讀書功德寺
正夜觀烟火	華山圖歌

懷舊	癖性
寄魯幸菴 <small>二首</small>	拜外王父 <small>張公暨諸舅氏墓</small>
梨花下談	淡春
植牡丹	沈無謀書來
讀紀仲霽文學 <small>詩新</small>	送王玉銘大司馬告歸
夏日	送黃述之
中秋	秋晚
寄介潭閣仲	水源石逕
來青軒晚坐	再經秘魔崖
善應寺	送譚舟石
青箱堂詩集 <small>目錄</small>	三
淡秋	宋荔裳來都門
寄贈楊商賢六十 <small>二首</small>	雪中
生日書懷	送汪荅文假歸 <small>四首</small>
送周翼微 <small>二首</small>	冬夕
題李武曾秋錦 <small>山人又</small>	
夜雪	十二月十五夜月
十二月十六夜	不寐
閨梅 <small>二首</small>	爲王襄璞方伯題
兒熙述冀公治少司馬語次以勗之	
題郝敏公大司農太夫人家慶圖卷 <small>六章</small>	

卷之二十六 <small>辛亥</small>	
新歲	小酌
章龍門封公招飲	元宵前一日作
送魏貞庵相國 <small>二首</small>	和張螺浮 <small>給練夢中句</small>
送曹澹餘少宰	乘輿
贈王烟客	中伏
施愚山少叅 <small>晤吉州</small>	中秋
題梁子培嘉莊 <small>農隱</small>	送嚴絮庵少司農
挽牛式之 <small>二首</small>	送程崑崙
送張幹臣學士建言左遷歸里	
青箱堂詩集 <small>目錄</small>	三
九日	七十 <small>五首</small>
堪笑	歲暮
閨懷	輓潘宗海 <small>二首</small>
臘夜聽讀書聲	歲抄夜興
卷之二十七 <small>壬子</small>	
新年	正月五日
立春	正月十日
買燈	十六夜雪
吳孟舉 <small>以所輯宋詩相遺</small>	讀宋長元先生 <small>益詠堂碑感賦</small>
贈尤遠公 <small>二首</small>	贈王異公

送高念東假歸	壬子三月 <small>四首</small>
上洪光寺	郁東堂讀書香山留贈
宋荔裳小像	二首 忌機
送張廣平	送沈仲連南游 <small>二首</small>
秋夜	摩訶菴 <small>二首</small>
中秋	送黃移我下第歸
暮秋	冬夜
初冬	夜飲憶五弟
送陳雲銘	喜錢飲光至 <small>二首</small>
燈下 <small>二首</small>	喜雪
青箱堂詩集	目錄
歲暮 <small>四首</small>	立春
爲計甫艸作畫題贈	
卷之二十八	癸丑
春正六日	小飲
錢飲光	青箱堂 題畫
送沙定峰	二首 見熙置酒同眉山 馮園看海棠
偕朱眉山	殺庵弟 西山卽事 <small>八首</small>
癸丑四月六日	後二日 見熙治具 約朱眉山
閏齋初夏	哭蔣虎臣太史
許竹隱太守小飲	看山

哭王淮亭編修	二首 送王金章宮允 <small>二首</small>
送俞彙嘉	揚州別駕 送顧秀升
閏齋喜雨	諸兄爲其李父毅 庵翁七十稱壽
贈陸鞠隱翼王	四首 送趙山子孝廉
秋夜	望衍法寺千佛閣
東園七十	偶過客園
秋夕	客園月飲
聽歌 <small>二首</small>	對月
不寐	贈胡國堂
送李鄴園	總督兩浙 徐方虎庶常 <small>母夫人七十</small>
青箱堂詩集	目錄
題李箕山畫冊	送胡國堂
中秋	不寐
閏雁	送張素存太史歸省
九日	送大司農梁蒼巖
山游道經灰廠	戒壇
暮秋	重游潭柘寺 <small>二首</small>
出山渡渾河	板橋 贈沈繹堂侍讀
送毛子霞	贈別徐健庵太史 <small>四首</small>
繹堂侍讀五十	清夜
閏雁	小春新月



燕兒生日

酌酒

送顧見山木部

孫嘉客六十六

冬至

臘八

歲暮

雪過容園

立春

卷之二十九 甲寅

正月二日

紀伯紫

上元前三日  
青箱堂小飲

送施匪莪歸里

輓陳印倩

一首

施匪莪歸來閣

送袁介人

四首

爲張帶三介觴

送錢飲光

二首

青箱堂詩集

目錄

寄懷鄧孝威

宋大塗來都門

嚴子問七十

送秦以御

哭楊商賢

送張豫章

四首

午月朔日

仲夏

夢行廣野

林居

流螢

夏夕

雨中

堪笑

夏夕

賦得丹鳳城南秋夜長

鳥散餘花落

七月二日

一首

中元

送朱眉山

秋日

九日

秋日

送計甫艸

送張廣平

由臥佛寺登觀音閣

墓上廣泉寺

憩玉華寺

過表忠寺

歸經興勝寺

上官三立瀕行以畫冊屬題又索題畫竹卷

題梁子培掛石齋

寒夜

劉江屏殉節富川

至日

輓顧見山

汪觀瀾徵君九十

送陳緯雲

青箱堂詩集

目錄

卷之三十 乙卯

元日

五日

正月二十六日

輓張幹臣學士

三首

自贈

奉仲游玉泉山

四首

東徐子貞

雨過容園

丘德峻大叅七十

徐太夫人六秩

韓珠崖庶常

獨坐

寓興

七月十五

容園臺  
上待月

輓孫鍾元先生

秋夜

二首

送計子山

送袁介人

憶山	多想
暮秋	上廣泉寺
山中	送張飛九
摩訶菴書舍	夜飲
唐校吉與兒照行	偶過慈忠寺
臘八雪	
卷之三十一 丙辰	
朔五日	人口
照兒奉差忽至	上元前三夜家讌
上元	怡園
青箱堂詩集 目錄	四
怡園夕坐	雨後
兩夜小飲	祖將軍園
新秋	九日
一夜三夢迂叟	夕步
楊扶曦給諫七十	咏菊
題汪蛟門 百尺梧 桐閣卷	歲暮書懷 四首
卷之三十二 丁巳	
人口	觀劇 二首
十六夜游	香山
兒移酌退谷亭	暮春

四月朔 二首	晚飲
新吟	魯生太史母夫人五十
長夏	夢中
挽申鳧盟 四首	顧明曾來京師
喜金穉和至	讀王北山游滴水巖記
丁巳九日	思山游
送董蒼水之閩	自憐
卷之三十三 戊午	
新年家讌	元宵讌飲
十六夜怡園	爲計子山介觴
青箱堂詩集 目錄	五
晚過仲爾成齋中	疊前韻東爾成
暮雨遣懷仍疊前韻	憚夢
春日重過善果寺	嘉祥觀先大夫 其 讀書
春仲摩訶庵	三月七日怡園晚步
隆教寺亭子	暮遊廣泉寺
碧雲寺語 仲爾成 宋蜚濱	飲胡智修孫培林亭
立夏前一日 王園 卽事	送傅繡水
園丁送牡丹	初夏 徐勝芳陳緯雲宋叔遂徐元夫 孫愷似侯大年小集青箱堂
豐臺芍藥園讌集	社九臯過飲輒贈
夏日遣悶	魏環谿總憲

題莊澹菴龍釣讀書施愚山狂顧

酬張陶庵築園恩燕兄遊歸妻逝

多愧自咎

夜半聞笳陳其年曰婦孺陸雲士奉召來都門過談

怡園小集步梁蒼巖大司農韻二首

嚴蓀友朱錫鬯徐勝力李武曾奉召來都門小集

怡園偶興四首喜尤展成宋既庭錢宮聲應召來都門

送宋牧仲樵韻關冬夕述懷十一月初九日

青箱堂詩集卷之一

宛平王崇簡

萊陽宋琬定

門人李介岐

丙寅至辛未

天壇

皇皇厥壇赫赫桓桓惟耳惟目靡懈靡繁光氣臨  
只肅穆森只虔恭仰只我心起只尚其懼之高明  
匪寬尚其凜之志慮攸刊戴斯履斯下民孔安吁

皇祖天地之端

青箱堂詩集卷一

村家

門欹依弱籬寒流隔茅屋冬暖鬱郁氣白日照幽  
穆入戶雞犬靜土室新釀熟邀我不問名質墊談  
黍穀一叟尋烟呼口燥聲若木素心忽焉動好鄰  
于此卜

滴水巖

步未入山聞山響雲歸風咽石魂長一石當面已  
無路纔至石邊徑復往夾壁之下失冬春日月不  
照留精神懸峰怒下勢更起點點滴滴聲鄰鄰陰  
風古氣抱嚴栗曾言此是龍之室龍能示我非龍

形意閒神晏密其靈敬禮悄然奇質出回看洞外  
雲冥冥

聽琵琶歌

天地四絃內悲歡數指中琉璃波激湘江浪珊瑚  
鈎控水晶櫳時如薛孤延之關霹靂時如秦洪海  
之勞啞咽細作擲金豕玉響復如蛩戰間征鴻斬  
矯鯨於奔濤截荒虺於險龍聞之欲怒不可欲悲  
不可欲喜又不可振衣浮白呼長空當年曾聽臨  
晚風

潞水七章哭別彭山公座師柩也

青箱堂詩集

卷之二

二

湯湯潞水雜沓其波聲影乃續不截不瘥水兮水  
兮傷如之何

潞水浩浩我心悠悠我師不顧我心恂恂匪饑匪  
渴乃有隱憂

昊天不弔師不生還默默聲容如雲如烟我心結  
今彼蒼者天

有母有母乘彼一舟有室有室子女相求我瞻我  
顧水光不秋

白水滌止野草萋萋止高天覆止長風締止  
何莫有斯行何莫有斯決我心焚剪我心抒擷胡

不我言胡不我悅陰陰識旌斯宵斯別斯宵斯別  
河流洌洌

送陳平人督學粵西

颯爽行歌起離心酒亦催懷孤存磊落地僻仗裁  
培不奪方成守無爭始見才君今南漸遠秋雁幾  
時回

出塞

高天覆長途草木依窮秋懸裝向沙磧意氣驕公  
侯盼左皆歌笑睽右同干矛努力直前去死生固  
有備

青箱堂詩集

卷之二

三

其二

出門跨馬去剽戀使氣揚豈歎妾身獨嗟子久戎  
行父兄本羽林舊諳健兒裝軍中有女子齷齪銷  
兵光

麗人歌

美人性冷心自至舉止笑言多不易神光朗朗照  
人明幽香婉轉襲魂魄好友奇書佳山水至人視  
之皆如此縹緲紗縵妙理發對爾何能不神起

雪中訪宋文玉不值

好懷就君子子影裏寒雪卓竿攬古今炯然列談

說起止到門心登堂欽樸潔端誠有本性精神乃  
照閣省此亦可歸閉戶思難竭

集王敬之次重偏園

溪徑藏秋遠塵喧于此清石宜高下坐徑喜後先  
行小雨歸寒色霜紅生夕明依依高影外衰柳靜  
無聲

從戒壇至凌壁峰下同金卿非于司直

路疑無穩步高峰生遐想登無徑從目與心相  
恍樹老風自寒雲起溪欲響崩水歛峭壁疎花綴  
塘嶙我侶同遠懷怪異欣所往所往無暇日一步

青箱堂詩集

卷之一

四

一奇賞跌坐古石根心物忽清明

呈熊魚山給諫

岸然一疏先諸諫賴此清朝氣始尊喉舌既艱匡  
國是文章亦可報君恩未戮羣盜兵難罷已竭民  
生賦自存但使聖時名節貴斯身進退復何論

送劉同人歸楚

立馬離人意多予惜別心驚飛春夢轉烟斷夕天  
溪積學堅忠敬居身備古今荒途想子笠情響在  
空林

同趙黃澤夜坐崔青蚓齋中聽琴

春燈夜影虛相對閣神志有客彈素琴穆如存古  
質一聲如一友靜樸見情意淺淡雜悲歡人奔餘  
響思驚心入窈杳肅肅引之出曲折不可窮恭敬  
而篤質

隄行

山勢蒼茫去長隄步步斜仄崖懸一寺斷樹隱多  
家雨轉有無日木開上下花青青人影外幽迴柳  
陰遮

讀曲歌十七首

歡於衆人中數數向儂看行行復却却羞澀佯推

青箱堂詩集

卷之一

五

伴

二

遠郎心發憂近郎面發赤婉轉與郎期許郎在今  
夕

三

聲莫揚柔情巧飾爲歡藏目則短耳則長

四

歡好人多說心目不自疑未敢遠向前懼歡知未  
知

五

歡忽忽儂舛舛欲言如河心口不及轉

六

曳簾入不畏有人來抱儂當門立

七

歡自有婦儂自有夫信如斯言世無姪姝

八

姝不足憐姪不足惡意回情通不在顏色

九

挑歡久不應疑歡亦蚩蚩一旦解儂意不顧衆人

知

青箱堂詩集

卷之二

六

十

非儂愚是歡薄儂心絲膠歡目爛爍

十一

白日照窓前下階摘新草歡從背後來言儂影亦

好

十二

恩重怨已生憐多憎已至歡心如四時春夏秋冬

備

十三

昔日見歡影心迫就歡來今日欲近儂頭不爲歡

回

十四

厭歡戀儂心生儂棄歡意從今兩斷絕無復關情

事

十五

儂奈何非故避歡急畏議歡者多

十六

儂偶出見人意歡莫須怒不論無歡比情新不如故

十七

青箱堂詩集

卷之二

七

柔桑盈懿筐攜持顛路小拾桑者多憐儂者少

從香山過嶺訪于司直中峰庵聞其歸而止

松風沉渺夕磬中一峰兩峰青濛濛登峰聞說君

未至雲氣去來山徑空石無大小荒泉掠嵐光絮

絮濕魂魄望君門閉我徘徊空餘耳目日照巖壑

收雪

凍雲埋甕底寒影抱大荒鬱此空冥氣流響變陰

陽潔懷慕明淨情款移在牀絮然具清泚澹艷幽

姿藏不難風栗冽心爲四時芳

旅夕

出時鴉鵲起洛照入荒途行人舉首望步急意躊躇蒼蒼四野間眼色雖有無積雪散寒影饑炊墟烟孤冥默羣動息人語隨空徂

道出范陽

幼隨先大人歸兵陝西後扶輿歸

昔我童稚時哀樂共此路至今二十年境新情則故經過失平歆胸懷縱橫遇默念如初夢曉魂空冥如光炯半人眼寒日艱出霧一雞登牆叫老屋蟠高樹側橋閉孤門田家遲歲暮

拜楊椒山先生墓

百年斯志在精神聖代終應見此臣浩氣孤行惟

青箱堂詩集

卷之二

八

有國危言屢發若無身心欽久矣聞遺事膝屈非因友後人三尺土高光未落寒流高栢照冬春公孫念子爲予同門友

客夜

破壁留燈在宵寒不肖明虛疎生遠意冷澹起多情夜久冬無氣村孤夢有聲心魂凡屢止風物易爲驚

與崔青蚓夜對梅花歌

我懷澹遠同崔子宵寒坐對香光裏香不在花反在幹鐵枝矯健香情起花花孤守不相黨堅幽點

點欲成響夜老移燈影走衣如虬如蝶向人飛

雪郊

馬上問前路戎戎無始終野光開曠逸山氣逼幽雄鳥盡千林閉僧過一徑通清尋物性出獨立靜松風

移具過兩公爲別

載酒來過送子行淵然耳目慧光生一行盤筯殊賓主半壁圖書具性情欲博幽奇惟歷物耻言章句且談兵高人去住關風氣時復依依相向驚

送宋宗玉并懷呈王文王

青箱堂詩集

卷之二

九

獲與子深交志意皆夙釋見面云七月語默通魂魄常看今世人把握惟朝夕與君兄弟好非繇聲影索言別未爲難相視眼光射拜手難一詞懷思黯然積低眉向崔子讀書是相益車馬頃刻間遠看天色碧

潘殿虎朱宗遠過談觀宗遠畫冊

堂下棗陰階下竹閉門終日意志肅啓扉是我欲見人眼光神氣成穆穆看君偕論古鬚眉長言淺言性所司朱子畫意不盡態雲光雪影向空吹坐章大力齋中懷陳大士朱子強子美羅文

止陳上業諸友

懷君不欲到門還靜意清光事事宜一室之中成  
晤對三千里外憶威儀高情未肯令人務勵志相  
存古道期默察玄風幽謐處偏于閑雅起淺思

喜譚闇仲入都并懷令兄梁生

至人性情照天下耳目所及聲光舍一生真友不  
能多爾我數人足寤歌笑言任冷飭人日獨立千  
古白森穆君家兄弟與我好聚散豈敢成草草今  
日對君氣更熱交貴清真人貴潔

山雨

青箱堂詩集

卷之一

十一

寒聲遠近隨雨起孤村烟落沙汀水數峰抱影數  
峰濕幽意托之空明裏雨歇山溪雲斂谷松間栖  
間光穆穆

太古洞

平生看山勇炬明來洞中執炬一下數百尺乳冰  
驚火散星紅嶽寄一往知無極欲憑丁斧問崆峒  
冷冷衣袂生寒風

潭柘宿風

山空夜半雨觸處欲驚龍鐘破涼烟入寒依荒籟  
通忽鳴何地溜倏廣幾林風此際生新事峰巒集

夢中

送韓鐵漢出都同張仲舉崔青蚓

張子性情篤崔子神骨奇韓生重結交我亦濫于  
斯氣志不可解同爲千古期前日坐古寺昨日高  
梁陂言笑關至理非若今人爲別去固非難念子  
車輪時

二

一官悅母心何計薄與微榮應世所戀子志獨相  
達讀書存至性孝友悟天機幸值世聖明微職亦  
光輝生有救時骨寧能不奮飛子歸須念此吾亦

青箱堂詩集

卷之一

十一

真掩屏

同宋上木訪崔青蚓錢孚于蔡廸之適至  
動即君家去城陰覆短牆友能不約至戶啓自生  
涼書畫古人性香茗高士光安恬無異務相向說  
義皇

坐徐九一竹下同宋宗玉

值此蕭森始悟秋空香四座靜中收非緣造次稱  
知己固是深情與性侔聲影無塵心自得光風有  
侶氣能幽感君淵致饒玄澹寒色高梧夜色稠  
得宋澄風書却寄



前月得君書未開意想結首尾亟一過遑遑衷益  
熱幽光照遠心古道躬自閱吾黨貴真氣感君更  
怡悅心口相吐吞懷抱自起滅往來有至性非關  
感離別

鄰寺

結茅傍香阜日夕聞清磬尋幽時一過老僧示人  
定院廣風聲餘林疎日影刺禮塔上高臺攀松坐  
石甃趨向雖異門清淨自同興

裂帛湖遇譚友夏哀田祖于司直譚梁生

夕陽始度嶺坐間羣水鳴山下數騎來湖中鷗不

青箱堂詩集

卷之二

十二

驚經浴衣帶濕鬱勃遠遊情冽泉照清骨寒鐘烟

外聲

暮生

徑險人出沒雲歸石不明野燈開暮色山鬼嘯泉  
聲鐘磬下方事河星高處情寂喧杳無際朗慧坐  
中生

別陳若萊五載至是再晤

笑予終日怯奔走風塵落落甘所守茫茫天地數  
年來今日再逢鬚下袖可認當時把臂好菊天傾  
酒夜漸老我生語默可向君感君沉智見能蚤大

道貴實不貴名物不思謙忌其盈夙懷對君言不  
輟開簾新月照寒雪

經舊宅

高秋雲物澹相宜故地留人坐立遲簷隙呼風喧  
鼠雀牆欹積雨繡蟠螭荒藤舊結臨門障疎竹新  
生入戶枝二十年來如昨日勞勞魂夢盡于斯

聞鴈

幽夢一枕不能了白日照窓淡徑悄耳邊忽落雲  
外聲聲聲漸向秋空杳記得曾聽衰柳下月寒霜  
白驚寒夜此際重憶情依稀一鴈肅肅帶聲飛

青箱堂詩集

卷之二

十三

寄金卿非

士氣衰時賤伊人滯好音懷孤消歲月志澹越升  
沉疎放憑多病幽閒任一心但期空朗在是處可  
棲尋

其二

颯颯襟期舊恣情癖未除家貧耳目寂性拙往來  
疎夜雪歌凭劍春燈笑對書子于千里外此意復  
何如

連雪

光融積厚自空明蕭槭孤懷取次生欲下欲高還

就影爲疎爲密若成聲半冬風色流朝夕一室梅  
花照性情何獨霏微巖壑好幽窓臥此已多情

同姚文初崔青蚓楊史古晉古集米吉士漫

園

意能存澹約交定性情歸行爲孤多僻言于閒處  
微雲浮山境遠日逐水光飛荷夕空香外淡堂隱  
落暉

聽伐鼓歌

日月埋七尺慷慨攬千古感爾淵淵之闕闕獨揭  
然以起舞

青箱堂詩集

卷之二

十四

小園思舊日

十五六歲時聽鐘坐晨夕此際不堪思回身拜長  
石

其二

花光逐人影若含當年情挽柳不歸去黃鸝啼一  
聲

春園

親健家安無異願年年拜酒看花時最憐幼女多  
奇好笑指人攀高處枝

其二

惱人繁麗是春輝細與商量但掩扉隔徑履聲鳴  
歷歷逐蜂雅子折花歸

其三

到眼殊光隨徑去逐人幽意步偕來一友遠從十  
里過問子橋邊花幾開

南山四章介劉太夫人

袁初先生爲之子  
赤生伯仲爲之孫

南山有石高天覆之南山有木陰陽莫之南山有  
芝日月莢之受茲永錫孔類孔祺

昊天所篤載錫之慶淑慎而止貞靜而行則川流  
斯長則高高斯盛

青箱堂詩集

卷之二

十五

穀其身矣維熾維昌艾其屑矣維圭維璋綿綿翼  
翼沐天之光

有子有子我範我師乃瞻乃依教之誨之從孫子  
友振振威儀如船斯藕如尺斯梨願言將止純嘏  
是宜

青箱堂詩集卷之二

宛平王崇簡著

萊陽宋 琬定

門人李 玠較

壬申

與史道鄰談

閒念多慷慨嘗懷與子逢治安籌國事榮裕頌神  
宗入世觀人厚論交驗我恭素心曾共許動靜可  
相從

家兄弟郊旋夜集

青箱堂詩集

卷之二 壬申

一

野歸餘樂在春屋遶寒蕪骨肉安淳樸盤樽卽有  
無家貧歡易就老大事多迂月落松光暗空悲清  
夜徂

王正譜俗竹枝詞

昨宵酒醒半朦朧未盡天燈高影紅忙趁雞鳴妝  
飾了先來堂上拜姑翁

二

斜髻頻撩釵已鬆有魂無力覺情慵意中惟是淡  
淡拜暫倚綺窓夢亦恭

三

疎粧麗影暫矜奇恰好心多處處疑未語迎人先  
半笑新年惟道百般宜

四

西鄰東舍任相還爲闌花牌輸幾錢向晚歸來重  
整鬢看人門內笑扶肩

五

薄將脂粉試春輝花勝斜欹半闔屏聽聽人聲多  
帶笑東家接得女郎歸

六

迎得神姑淡閉門殷殷擊鼓一聲喧合心暗欲前  
來卜姊妹多猜難不言

青箱堂詩集

卷之二 庚申

二

七

要往姨家趁月明長街試步學輕輕無端唐突誰  
家子歌笑橫鞭縱馬行

八

兩三四日卽元宵望欲翹翹不盡嬌別理新妝稱  
燈月恐人約伴夜遊橋

九

忽忽嘗疑夢裏身喜聞消息在今春生來未識郎  
誰似悄悄地間窺若箇人

十

香車簇簇赴燈樓彩影珠光暗欲流簾動水晶人  
轉望迫切不上小銀鈎

送姚文初侍孟長先生南歸并寄遂初

舟車此際出長安星野清霜獵獵寒明主恩威原  
自大老臣去就亦多寬世繁兵氣文章賤官有危  
形職掌難歸去弟兄商祕策治身計國卽承歡

送張天如假歸

執手懷不一相看雨雪霏欲知別後事試問又誰  
歸閒事多慷慨何人寡是非憶君回首處江上雁

青箱堂詩集

卷之二十一

三

初飛

放言

舉筑撲之豈倖成請衣擊之豈博武要令魂魄無  
小媿此身甘作千年土

二

海不虛黜獄不滿考日月無奇情天地不老徒草  
草

歲莫雜咏

今古年如昏旦乘又將寒月逼春興每逢故物悲  
時去但遇佳辰歎歲增風雪瀟瀟皆可慕襟期落

落豈無憑夜來幽事梅花夢光氣芳菲照一燈

二

門閉淡冬度念清蕭然無事課家輕觀書譯字吾  
多誤理藥看題妻辨名燈火半窗消歲暮琴書遶  
屋是平生流雲時傍寒林住棲鳥歸來下上聲

古意

衆鳥遶林飛鳴躍各相索聞君多素心空房不自  
易聽雞思天曙瞻烏知日夕

歲暮宋玉仲玉叔夕坐勝引樓因念楊史占

宋文玉之別

青箱堂詩集

卷之二十一

四

樽前爾我意千里兩人分好會應知惜相思豈必  
聞杯香梅影落屋暖日光殷此際懷難已遐心托  
暮雲

青箱堂詩集卷之二

宛平王崇簡著

萊陽宋 琬定

門人李 於較

癸酉

雪遊燈市

米吉士約同崔開子  
宋玉伯玉仲玉叔

燈光市氣春崢嶸  
勅役凍花早春生  
纖媚四街婦子態  
爾我獨見冰雪情  
懷抱明明忽若月  
子飲我歌氣卓越  
下土嘆息雪妒燈  
我喜雪以補燈闕  
揮杯躍馬天地足  
左拍君肩右顧遙  
光泛泛靜人

青箱堂詩集

卷之二 癸酉

五

聲相戒蹈破未行路  
豁然遠近素輝起身之前後  
如一紙天空繹絡緯冰綃人面相逢寒影裏丈夫  
寸心血有餘滌蕩情志鄙薄除長笑醉窺烈士性  
下馬立談古人書夜溪雪大情正多子歸我別意  
如何

家園自贈

數年刪補滋培力倚徙于今情漸安樓向鳥聲開  
一徑廊從花蔭曲三欄烟條欲潤春猶淺風葉知  
寒韻尚乾晨夕感君堪坐臥寤歌瞻聽有餘歡

偶贈

若未解人意盈盈嬌不成心多分好夢書秘有遺  
情懷緒粧恒畧耽愁影亦輕昨宵春寂寞無語曉  
星明

寄宋玉叔并呈令兄諸子

別來情事兼春夏  
妮妮多難向子論  
滿架奇書得處少  
半生癖志悔時真  
懷淡感慨惟思古  
語畏寒喧但避人  
八口朝昏無大累  
一園亭木澹相親

妾薄命

憐惜感君意命薄怨亦多  
妾今既已嫁使妾亦如何

青箱堂詩集

卷之二 癸酉

六

二

使妾欲如何亦自爲君惜  
昔若專君房大義寧可易

甲戌

黃卜周同讀書道院歷冬感而有贈

孤疎昔人重與子  
淡自獎藤寒閉冬院物色藏  
高澹一語發我悟數行起子賞  
虛懷論古今微憂多慷慨  
雪夜燈影紅隔窗聞紙響  
奇志絕俗因香茗自幽朗  
旭日動春氣耳目亦相長

送趙黃澤匡五如下第出都

况復送君行相看意不平榮枯隨命薄貧賤快身  
輕晤語二年事愁懷天下兵歸途有好侶寥落見  
平生

山訪

一鐘寂落日野色倍淒妍花柳已今夕香聲如昔  
年虛懷隨古徑晚水帶春烟心目開幽朗山山淺  
遠天

二

靜僻石間路荒崖僧閉門香燈懸木末瓢杖挂雲  
根虛室鬼神集閒居巖壑尊十年悟一笑無可向

青箱堂詩集

卷之二 甲戌 七

人言

送黃卜周南遊

我留君去意如何習習春風策馬過三月鶯花迎  
客笈一天烟兩助長歌農桑但說謀生苦兵甲惟  
憂畏路多行盡江南共江北別將心目對山河

書懷

春光欲去偏能好木石流輝一院清孤坐有時多  
得句懷人無緒誤呼名幽雲遶屋林香淨微雨開  
窓花色橫獨是月來三徑潤歸飛啼鳥喚新聲

書所見

笑兀東鄰多老木日見雙鵲相往復仲春之月巢  
已成悍鷹居之在候忽鵲啼悽激空翔翔鷹雛已  
自爲長育凡鳥不敢向林窺無復顧忌恃威暴一  
朝遠去未來還稚子揚竿立傾覆我聞嗟嘆日已  
暉坐看二鷹盤旋飛

夏夜聽陳敬止彈琴

一聲使我忘一聲使我思豈知絃指上遂與古人  
期氣寂高堂濶星輝四宇卑節然音響外鸞鶴下  
無時

于司直偕劉同人適楚就譚友夏之約作詩

青箱堂詩集

卷之二 甲戌 八

四章送之

子之行矣我不汝留雖不汝留有情如秋

二

子之行矣誰適汝從念彼汝從我心則忡

三

不華不岱適彼寒河維彼寒河華岱不足多

四

載詩載書適彼楚國維彼楚國詩書有所則

送江雪門令平鄉

自是君才大何妨時事難不辭勞吏職期得老親

飲本務民多樂風清俗易安車前回首望蕭瑟正風寒

間緒

一日復一日月爲日之斛覽彼三十年日征而月逐百歲在須臾且種堦前竹竹陰陰我窓清光時照日鄙胸寡籌畫一飽便鼓腹

二

燈靜雨瀟瀟適讀往時史梗槩革除人甘作艱難死微者事不傳傳者豈盡此何所爲而爲此中有至理

青箱堂詩集

卷之三

九

三

魏公誠忠諒大義有所缺梁公立周朝置身亦草竊相彼管仲才徒在功名列古今委蛇人藉之爲口說死生如寤寐所重在全節聖賢貴保身無媿卽明哲時勢當旣窮天地存一拙平勃王諸呂王陵心若鐵

四

眷彼姝者子皎皎當人傷媚不滯形影顧盼流暗芳香雲一天落冬谷如春陽淡心轉百際孤情時迴翔靜灼傳幽素贈我魂夢光閒窓人散後霜月

照燈涼

乙亥

看雪西山 有序

乙亥正月八日盡晝夜雪淡三尺次日初晴偕仲兄四弟策馬出郭樹重路滅遠近同靜山山近如當面以一僕值杖試路而行雪茫觸日欹橋迴堤間惟三四騎從倚素輝中而已若夫峯原雄曠林壑幽秀因所見而成詩

青箱堂詩集

卷之三

乙亥

十

驅馬皆疑路大荒一豁然倚林村閉影近日水生  
烟山勢連重野溪流添暗泉光華來肅肅四際盪  
遙天

清明同黃以實崔開予黃卜周家四弟坐高梁河上

初柳秘高烟溶溶浮春水霽雲生微風好音無起止遊人氣色滿坐臥雜遷徙遐情投鳥羣西見山光紫靜聞草木香爾我心相以

春夜讀書懷往日

春雲向夜照幽獨開篋短冊發森肅數行未了意生光驚奇起悟如初讀空堂四壁餘虛聲炯然字

字相飛逐我懷乃在十年前圍燈幽夕生春烟

賣珠易書

聞有奇書落上方歸謀諸婦解明璫購來且向清  
宵坐字字翻開明月光

青箱堂詩集卷之二

宛平王崇簡著

萊陽宋 琬定

門人李 玠較

丙子

初春宋九青給諫枉顧齋中

霽色開天地君來見素心琴樽延晝旭風物動春  
音論發情文濶吟迴氣志浚端然度身世相向說  
清襟

仲春讀書功德寺

默念息羣動山空花放時一窓閒日影溪徑下風  
枝怡悅幽人性清香達士思晚來孤磬發寂寂靜  
相宜

山居貽內

懶性宜山未便還憑君門內事能閒問予日日餐  
眠外多在清泉白石間

山緒

勞生暫息已經旬但說看山霽夕頻鐘鼓響隨棲  
桀鳥牛羊歸傍荷鋤人烟籠新柳雲中月石遶寒  
潭水上春花底隔窗燈火暗笛畵多聽老農論



二

松陰肅肅照春苔  
簾捲廊扉向日開  
正值僧間相坐話  
欲看山去且登臺  
泉光帶韻烟中渺  
鳥影飛香花裏來  
又被東風牽舊思  
林間河上獨徘徊

坐上華嚴霞游亭  
憶癸丑暮秋奉侍老母淑人瞻望愴然有作

在昔九月時霞紅  
明灼灼老母年逾艾  
余時尚幼弱母疾懷抱  
溪曠瞻代良藥秋光粲  
粲黃幽響懸山閣  
二十四年間光聲近似  
昨悲慕念相引繚繞如  
線索春潭澄雁影長吁  
驚石魄烟聚夕天平寂

青箱堂詩集

卷之二 丙子

三

寂鐘音落

河上歌

空山日暮聞野香  
心攜清感對滄茫  
最樂水天晚色靜  
獨坐無人古岸旁  
晚天在水影迢迢  
風迴霧捲水寂寥  
春波吹濕流虛響  
鳬起雁落聲脩脩  
我閒水永日日來  
昨日野花今日開

山中

閑院闌音響靜然  
春照林好風從谷  
來片雲吹微霖朗  
懷媚幽獨空香集  
衣襟堦前安羅葉  
十日綠成陰晴光  
澹澹高一鐘搖暮  
岑松聲悅石魄烟  
飛

山更淡

靜女篇

靜女姝姝好似新  
花光聲粲粲日在霞  
盛年未嫁守空室  
遙聞歌笑青樓家  
青樓說有娉婷人  
朝朝暮暮樂隨身  
歡娛未可恃顏色  
前日好我今日嗔  
在昔毛嬙與夷光  
傾城傾國一時香

東卜周

偶爾居郊野悠優  
樂自餘鳥啼微雨歇  
簾捲好風初驅俗  
常淡坐興懷但讀書  
不知君近日此意復何如

青箱堂詩集

卷之二 丙子

西

秋日寓邸

逶迤秋光好桐陰  
落照清簾垂白日  
轉鶴步夕風生閒憶  
悲今昔幽居見性情  
飛飛天外雁影墮向  
南聲

感時呈朱子美

柯野傳聞說吹笳  
屢合圍聲靈天子福  
征調國家威夜雨郊  
原濶秋風禾黍肥  
攻車同馬事何以奏功歸

秋吟 全宋王叔崔開子作

渺然獨坐意風物  
靜成羣葉葉飛高下  
蕭蕭感見

聞疎林情倚日寒岫勢依雲幽素高秋晚開窗納夕曛

二

曲房開一徑梧竹作雲寮日落山森肅風吹秋寂寥高懷多向菊幽事欲書蕉滿砌蟲聲逼淒淒共夜遙

三

浩然庭榭內余意自翩翩梧寂賒晴靄鴻高掠斷烟逸雲幽作石秋水澹于天耳目閒居變寒花遶砌妍

青箱堂詩集

卷之二 丙子

五

四

寥落意何向秋宵寒是冬雲連風色動松入夜聲重一榻燈前夢淡更雨外鐘繁然心意發幽緒自相逢

哭于司直

少小與子交性情欣有托廿年如一日情淡氣自約余少喜詩篇聲體從子學余性樂山水棲尋從子博憶昔重九時偕去遊巖壑予往子曰從子欣予曰若欽子樸茂姿峻直而端恪異書奇蹟緣鄉國未足樂前年遠將遊別我秋寂寞屈指計子歸

庭樹感榮落今歲月仲夏夢子形骸削不語復不視偃臥在溪閣感此心愴然聲淚枕邊錯晨興訪子音適聞疾難藥疑信雜幽明促促心魂掠豈期夢寐間示我以驅魄少小與子交廿年情如昨吁嗟交道窮天慙不留惜泣涕造子廬疎籬飄積穰奇書盈篋歸高懷光焯焯子之遺詩文懿茂輝軌度幸矣百世人猶得見淵碩

易水六章頌鹿乾嶽先生殉難作 有序

崇禎九年秋宣疆失守先生家江村宜就郡奮然曰邑郡之障不可失遂入守城破

青箱堂詩集

卷之二 丙子

六

堅守分地抗節以死

易水肅肅郎山峩峩山亦有巖水亦有波波不可迴巖不可磨嗟彼君子如山如河

二

在朝在野正直是匡殉國殉家魂魄斯光家匪在城維共我王職匪守土無愧斯鄉

三

上有壽親貽終貽孝難無苟免成親之教

四

下有令盾敦義敦仁生有可舍眎盾以身

五

睢陽有口常山有舌侍中有血於萬斯年霜嚴日烈

六

衣冠如烟聲名如羽富貴如土於赫斯人一口千古

憶儼

大原木禿野草死離離人影照寒水少年耻儒多雄心攬時觸境且從禽戎徒歷歷往有方離合之際生光叅怒馬獨出狡兔走鷹隨馬飛犬前後一

青箱堂詩集

卷之二

七

鷹已起一鷹落兔困遺聲響秋魄蕭蕭風起控弓刀壯士盤馬輕如毛數騎飄渺在烟野霜天白日雁影高

青箱堂詩集卷之二

宛平王崇簡著

萊陽宋 琬定

門人李 玠較

丁丑

依韻答別姜如須

無才身自賤淪落亦何煩愧我迂疎學憐君志氣人儒冠欺命薄章句憎家貧別去縈懷處春風夢有因

送楊維斗下第還吳

青箱堂詩集

卷之二丁丑

十八

三載勞勞寤寐慙何堪淪落又離羣衰時矜尚多妨俗古道持行賴有君富貴豈能酬雅志科名久已負高文春風習習舟車路回首長安空暮雲

送宋玉仲兼以相慰

宋仲子至友意氣高崢嶸一朝同見放浩歌起長鳴同爲失意者爲取難者衡君才十倍余年復後余生歸去承歡笑怡樂多至情大造不可測賢愚各有成時危慎感慨世事未能平子有好山莊春風起松聲良友招攜處水石發幽英

錢孚于來都訪之彌陀寺坐海棠下久待不

至

不期君此至驚喜愈平生爲念三年別難遲十里  
行春光照佛性花影出經聲坐立平移處空堦見  
素情

丙子秋定興失守范箕生妻媳及三女赴井  
死時稱五芳井

肅肅角弓鳴子子軍麾列淒淒秋風興鬱鬱中心  
烈將軍無死志驍騎滋窺竊哀此閨中人趨死心  
如鐵整我身上衣理我頭上結姊妹相爲鄰婦姑  
相與訣我身非男兒但守斯須節百年盡井水高  
青箱堂詩集 卷之丁丑 九

魂幽泉冽從容禮義間一門成五烈淑慎有自來  
世德稱芳潔安肅陳家女聞亦從姑折女子遭困  
第一死堪自悅愧彼介胄夫巾幗所不屑大金吾  
陳中園  
次女適安肅張氏遭變論夫偕子潛出  
獨侍姑城破從姑墜井皆一時節烈也

移居

偶然卜築詎多端暫掃苔荒亦可歡靜展虛堂清  
夏氣別開小室避冬寒自憐章句偏能誤惟道農  
桑近愈難鎮日柴門無剝啄閒看飛集鳥情安

黃卜周楊商賢將出遊琴樽贈別繼之以歌  
兵戈紛未已何乃遠將行達志無迂理遊覽高人

情行行各異路曠莽秋烟平子懷不得說明明如  
月生階下兩行竹風來肅肅鳴子去各有思試聽  
此琴聲

四弟來舉于司馬成進士志喜

記得當年童子時過庭失訓空相悲我幼羸怯多  
疾病子則疑疑具威儀奇性不復受羈約讀書惟  
取大意知最耻齷齪婦子態嬉戲亦自多離奇走  
筆爲文生光茫熊熊赫赫足軒昂十五彎弓能躍  
馬嶺崎歷落志飛揚名義朗朗見懷抱和光直樸  
著剛腸一朝奮勇氣崢嶸四海多事且談兵去年  
青箱堂詩集 卷之丁丑 十

射策薦京國今日拜舞近聖明聖朝右武隆恩遇  
何以承之無自輕

哭宋宗玉

不見偶十日倅來以疾聞榻前一執手世上永離  
羣慟絕觀貽札愴然憶論文傷心空灑淚何得寄  
于君

二

曾與君同慨頻年好友亡謂友夏同人何期生日  
語亦作古人行半世情難了周身事儘長清魂知  
不遠徙倚起徬徨

崔開子米吉土不期各至夕坐命熙兒彈琴

時年  
十歲

交寡攀援氣自親依依寒夕遠爲因雅懷好友能  
相值初學兒童不畏人風靜琴聲宵自迴香供梅  
影事全貧良時嘉會難如此莫厭傷多釀酒頻

青箱堂詩集卷之二

宛平王崇簡著

萊陽宋 宛定

門人李 玠較

戊寅

省非

予生三十七歲月實多誤狹衷不厭癡樸野寡瞻  
顧攤書時自考已讀如未遇朗朗懷古人俛仰生  
遐悟偃蹇朝夕中疎畧無餘務不諳造物因徒然  
傷遲暮

二

縈縈一念淡所懷在夙昔上負罔極恩蹉跎多草  
蹙游處感故景幽情爲倚逐天地自浩浩古今自  
穆穆慨此微薄軀日月相往復纏綿有多思情長  
不可縮吁嗟三復歎何以能自淑忠孝在盡情豈  
必學草木

三

少小負志氣明明如日升大業在把握談笑任股  
肱四時更代去萬事不可憑慷慨逢故物始覺年  
歲增長笑古君子盛名何足矜

四

嗟予質迂拙舊無十畝業荒野有敝廬不能藏諸  
牖噉噉衆多口黍穀艱相接不耕不得食夙昔鄙  
俸缺謀生雖有術才力實自怯書囊無所藏衣少  
在篋周顧四壁間簡冊何重疊珍重先人貽寒  
光長燐燐

五

無營多暇豫歲時自逡巡生逢堯舜主棲遲負此  
身慨無救時策諷詠時時陳凝滯與物還我亦嫌  
我真豈不願逢世坦率不近人

青箱堂詩集

卷之二 戊寅

三

六

良夜亦不寐簷鵲喚神光披衣未束帶遠客登我  
堂客自何方來數年以相望袖出尺素書發言乃  
有章時衰慎交道矜尚亦相妨海內多君子下士  
慕一鄉

七

庭前數武地竹木森周迴久坐無一事開窗見鳥  
來飛飛下上音好花爲之開時物靜對心光輝徧  
草萊夙昔相識友生死等塵埃了然高飛雲忘機  
可徘徊

春日夏夔仲約集白日莊因登真覺寺塔與  
舒章吉士同賦

苦封石磴已多年殘鐸懸風振暮烟日入平沙開  
野潤柳旋曲水動春娟熊熊高鬱雲中闕莽莽蒼  
冥山外天是我頻來登眺地與君俯仰更悠然

上元前數日閨中作

每逢佳節思無端一室逍遙亦自寬繡帳春迴梅  
夢煖綺窓日上烏情歡薄將芳酒當花坐試理蘭  
燈近月看祈世昇平借晏樂鸞簫聲徹曉雲寒

雁聲

青箱堂詩集

卷之二 戊寅

四

空音達四遠遙見影婆娑似有關情處將無別緒  
多勞勞驚夢去歷歷帶風過若向春沙宿相教慎  
尉羅

二

遠天風未急顧侶不辭勤聲下參差見飛高斷續  
聞溪聞人望遠閒徑鶴思羣哀怨何舒促希微落  
暮雲

三

最裊虛窓裏惟聞雲外聲一天青翠落半夜旅魂  
驚綠繞懷前浦艱難說舊盟自憐寒影寂千里曉

烟半

黃惟梅讀書太安歸省又卽別去

十年交未別偶客在山東遠去白雲外歸來二月  
中兵荒事不一感慨意多同念子才非隱清時起

漸鴻

玉泉山晚步

春色多蒼綠幽居感見聞  
空天在水風定樹棲雲  
平野懸山影荒汀落雁羣  
隔橋林路暝泉石晚風

功德寺暮眺和王覺斯先生壁間韻

青箱堂詩集

卷之二 戊寅

五

落照霞光斂松高雲影凋  
看山輸野衲養日學閒  
樵逸興來殘寺幽尋過  
小橋數行烟柳外鳬雁水

蕭蕭

夜坐聞簫

新雨初霽影微風度好音  
河星高欲落庭戶靜能  
淡卓竿平生意崎嶇此際  
心月明人夢後餘響繞  
幽林

夏日閑居

北窓移榻臥幽芳鶴靜閒  
階午夢長茅屋雲淡松  
葉亂疎籬風細菜花香  
兒童識字初能解燕鵲親

人喜漸忘習懶年來成野癖更思攜策坐山光

寄贈黃美中

齒頰勞勞十載餘長安二月見君初定交不必曾  
謀面懷別何妨更寄書策就天人才愈靜讀殘經  
史意仍虛試將短句叨孤好非但循聲問起居

贈別黃石齋先生

正直聲名久孤忠意所將君恩祈廣大臣節在綱  
常吁咈朝廷盛文章進退光好寬憂國慮治世有  
明良

二

青箱堂詩集

卷之二 戊寅

六

大業開今古高懷念後生每逢端雅士輒及鄙愚  
名夙昔瞻依願終身感激情何能不慨嘆天下况  
思平

過錢牧齋先生邸中

幾年心意遠爲因得覲威儀幸此身稽古難逢如  
意事感今惟望救時人俗衰舉世多譏說國是千  
秋有定論努力坦懷舒雅抱明王終不棄貞臣

秋暮偕家兄弟夕至玉泉

坦步宜溪徑逢幽且坐眠濕雲寒帶雨暝水澹淒  
烟葉下飛殘磬僧歸涉亂泉秋尋于此始霜影照

高天

入香山徑

歷盡羣峰色霜紅數里看木高山氣老石冷杖聲  
乾觸目光無定驚心秋欲難攜來一片意到此始  
能安

自黑龍潭暮宿功德寺

歸自幽溪境清閒耳目空蟲聲依落日雁羽送秋  
風竹覆苔痕綠霜漆山影紅驚心明月下雲葉墮  
殘桐

巳卯

青箱堂詩集

卷之三巳卯

七

夏夜聽兒女彈琴

吾家有嬌女志氣多清沉日長刺繡閒端坐理素  
琴小弟年十二絃誦及古今姊彈聲和穆弟彈氣  
肅溪觸挽各如志絃絃父母心月明簾影靜良夜  
永徽音

宋玉伯九青招集水關和九青韻

偶爾來香國臨流啓竹扉久思於此住近願尚多  
違柳性依殘夏荷花喜落暉殷勤杯酒意好會亦  
誠稀

悼內

晝亦仍有日夜亦仍有月如何朝夕眼前人容光  
一旦歇

二

物物經營心事事筆墨跡奈何委棄衣裳不復惜

三

十六爲婦靡弗勞矣二十三年式相好矣

四

吁嗟乎天高其上地厚其下天地無情使我與汝  
一死一生

五

青箱堂詩集

卷之三巳卯

天

我入自外塞默哽咽絲竹絕響衾枕寂然兒女追  
感當食不食當眠不眠望其母來還





青箱堂詩集卷之三

宛平王崇簡著

萊陽宋 琬定

門人李 玠較

庚辰

春日悼往

空閨春氣至白日照窓前思亂恒多悔憂淡不識  
天花仍紅此際燕又語今年境物關情處含悲望  
遠烟

曉自雄南入鄭州路

青箱堂詩集

卷之三庚辰

一

新柳河堤去繁人葉葉幽水浮春氣遠烟逐日光  
流斷續驚殘夢微茫寄遠愁曉星爭道路雲樹望  
悠悠

經任丘懷舊里

兵燹孤城在蕭條但壑墉川原存往代草木識春  
鐘式里從容過興懷感慨重百年三世上猶及辨  
吾宗

雨在途

風雨驚落日行邁失程期四望炯蒼黑凶荒起人  
悲久旱雨亦好昊天矜子遺晚樹沒春氣小草光

離離衣濕愧僕夫况復中道饑榮瘁有定分浮生  
安可知

寄慨

美女不早死壯士不陣亡日月逝于上體貌不可  
常一朝容力減感歎徒自傷人目豈可恃過時難  
不忌

懷內

死不復生如夢已失誰云不知我懷不一思從中  
來如月如日豈無他人匪我同室

落日歎

青箱堂詩集

卷之三庚辰

二

日西入月東生膠膠角角雞復鳴今日不見古人  
面日月來往太縱橫有如日不西入月不東生太  
古人人至今在板板天地復何情

道中酌酒告過者

流水吟風葉舞村中有酒且自酤飴豈必甘荼豈  
必苦在昔相傳赫業人盡作青草原邊土

村家

行邁日悄悄野光落照遲村童裸體出老樹壓牆  
垂烟隔離邊水花飛屋外枝停車小憩去回首聽  
黃鸝

旅夜雨

微雨一燈照蕭蕭空外音人從今夕老愁自去年  
淡烟暝迷幽夢聲飛濕薄衾雞鳴荒店曉此際復  
何心

過商丘念吳讓伯徐霖蒼侯赤社不及訪晤  
曉行與夢醒問得是商丘依境思良士懷人舒遠  
眸雲低村樹合雨細野州收前路徘徊去風吹草  
路幽

漫成

雞聲出淡柳遠見有人家村逕依流水離門逐野  
青箱堂詩集 卷之三 庚辰 三

花烟高林影靜雲夕日光斜坐此不知晚麥田起  
落鴉

未至永城十五里陌上榴栢離離有貞烈坊  
停車下觀茂才王佩玉妻謝氏夫死投繯姑  
戚救止旋自刺於書室予閱碑拜之五弟節  
曰兄不復娶亦無愧此予曰使予爲女子當  
無愧此因題詩墓石

停輿欽烈節拂石拜題詩既爾生同室何能死異  
時榴花紅照影栢葉綠垂枝嘆慕辭芳草光風原  
上吹

旅夜夢老母淑人

昔隨母扶先大人輿自  
陝西還都門時方七歲

嗟兒幼失怙行邁魂子子日夕依母懷慘慘行冰  
雪母念兒衣單母念兒食輟三千七百里肝腸告  
寸裂及兒方垂髫母復歸溪穴至今二十年淚痕  
猶帶血俯顧七尺軀母心所盤結失意遠行道中  
懷實多缺嗟兒未行役入夢相提挈依依舊膝前  
啼聲驚鳴鳩枕上迷陟屺殘燈影明滅

濠梁道中

山水逢迎客路身遠天烟雨淨征塵平原野草多  
荒土赤脚耕田半婦人喜見盈塲初有麥愁聞加  
青箱堂詩集 卷之三 庚辰 四

賦不遺薪溪光林影移朝暮是處朱花照去輪

磨盤山

折路於幽闕登登知未暝迎來一片綠轉出數峰  
青耳目棲靈顙烟雲倚杳冥幾家家木末照壑水  
泠泠

過滁陽訪馮鄴仙太僕留飲署園望醉翁豐  
樂以小病不能往

高懷是處樂棲尋况此朝昏坐臥淡刪淨庭堦容  
鶴舞分開池沼待泉臨廊廡幽室逢梅徑橋轉溪  
亭過竹林且自登臺倚徙望青山盡是古人心

儀真晤姜卿墅導游汪園

初來江上舫相見發淡思引我入幽徑停觴與論  
詩林亭端不一水石幻多奇習習燈前雨香風竹  
下吹

雨過燕子諸山

細雨瀟瀟江上船一帆風正闊幽妍雲迷山色天  
連樹木接樓臺磬濕烟數里峰嵐看不定多端形  
勢意爲遷懸裝逐浪篙人力歷歷青蒼回首邊

登采石江亭

鬱高古路闕溪蒼仄徑危磯上渺茫大日橫江鷹  
青箱堂詩集 卷之三 庚辰 五

背紫長松蟠石水根香屐驚巖際嵐光落望斷峰  
紋烟影長偶爾停橈來此坐浪花雲葉各荒荒

夜舟

江北江南繫遠情黃昏小櫓自多輕水淡棹帶魚  
龍氣岸近舟開蘆荻聲風露一天漁火暗烟波孤  
艇野蟲鳴前林住泊依芳草高柳涼汀月正明

蕪湖晤沈崑銅別去寄贈

知子亦既久相逢乃偶然交從文字定名自友聲  
傳往渡河邊水回看江上烟數觀天下士淵明說  
君賢

建平述懷與高侶鶴

三千客裏路到此始能安別久情多緒懷淡語失  
端空齋餘肅穆小閣注高寒盡日留予坐知君政  
事寬

二

夙昔讀書志專城有令名遠圖宜力本時務在知  
兵才以勤能廣官惟清卽明多君淵邈意歌頌見  
民情

三

客裏歸思急經旬爲子留夢中逢舊感花下起新  
青箱堂詩集 卷之三 庚辰 六

愁日落千峰亂風來一水幽夕懷多不寐片月又  
牆頭

客宗弓羽園留贈

門藏淡柳逐河開自有烟光照水來展卷渾忘身  
是客逢君且喜坐啣杯晨興拂拂花當牖夕步瀟  
瀟雨點苦別去棲尋縈我意高原立馬幾徘徊

端午高侶鶴約觀龍舟

因君知令節擊楫泛蒲觴簫鼓飛前渡旌旗出後  
檣林光開夕照水氣掠雲涼日暮舟人散回頭思  
故鄉

東門章別侶鶴

東門之外調調鼓聲子有青酒以光我行登筵塞  
默反若無情酒行二觴懷抱縱橫稽首告別舉袖  
淚盈子留我往風雨逢迎

自白茆山入廣德道中

曉來時雨歇行邁夢難開路路聞流水田田圍斷  
山

初至武林示四弟

予本生母在弟署中先  
大夫監兌時有詩百篇後

稿失

舟車經幾易春夏歷來今別弟一年意迎親千里

青箱堂詩集

卷之三庚辰

七

心相思如口月驚喜雜升沉此地懷先蹟湖山細  
細尋

謁徐座師山館

疎籬遮斷倚山廊當戶蕉陰雨後香石下穿梅方  
遇徑巖邊遶竹始登堂閒評山史箋花影遠望江  
干挹水光久別威儀欽再覩奇書滿架洒盈觴

雨中登湖舫

得至西湖意自慙况逢清夏氣氤氲雨過林木烟  
藏寺舟轉堤橋塔出雲混沌幽溪連水影空濛蒼  
炯遠峯文但能篙楫中流去縱飲高歌望夕雯

湖晚

湖光日落照天空霞變雲橫面面風遊艇漸歸水  
色靜波明峰亂遠燈紅

經飛來峰坐冷泉亭望縉光菴以日暮不及  
登因憶先大夫題句

奇峰亂眺瞻片水照幽真影靜石痕定聲空松韻  
頻遠遊期後日昔咏憶先人亭下瀟然坐嵐光澹  
一身

陳玄倩嚴子岸約同胡思皇雨遊金園余將  
別歸

青箱堂詩集

卷之三庚辰

八

夏已入季好雨時良友引我踏幽奇曲徑城隅人  
跡少門開千竹隔疎籬穿廊林路石磯小堂從橋  
去勢坦夷老梅百年化作石大枝小枝如虬蟠來  
非花時葉亦好百枝葉葉香風吹登登更上層樓  
去樓邊幽閣臨清漪瀾波着雨影點點荷風澹灑  
入酒卮舉卮欲言情正多雨今雨今奈別何

留別四弟

聚首是平生言歸百緒繁誠能增智勇謙自厚身  
名理楫南懷弟登樓北望兄承歡且膝下切莫動  
離情

至嘉興訪錢孚于約同李喬之陳脩倩泛舟

烟雨樓

千里登堂快此生放舟湖閣欲移時  
添樹影層層日水發簾光片片明  
偶至東園過舊地相逢半是舊知名  
感君二十年來意攜我風潮說夙盟

錢孚于留談信宿借至金閨徐閣公宋上木  
相待數日招飲舫中張大如無近并至

偶爾逡巡亦有因感君侯我漸成旬  
良朋快集平生夢遠樹欣來望裏人  
沿月歌聲流響細吹簾雨影濕光新  
多艱惟道別非易好爲明時惜此身

自相堂詩集

卷之三庚辰

九

同錢孚于坐張天如無近虎丘客舍月夜解

纜未及訪錢牧齋許石門兩先生周二爲許

孟宏張草臣朱雲子楊維斗周逸休諸子

崎麗虎丘影澹灑照流水水光連際橫幽閒坐數

子清香來桐陰清靜素景裏曼穆發淺思聰聞于

斯止千里客展來意念爲此始吞彼瞻望者胸懷

炯難已月明我告歸抱影舟中起漪漪水何淡蕪

齒山何峙

歸途贈別陳玄倩并令弟脩倩

仲夏湖水亂縱橫落日照人肝腸明我思陳子如

饑渴相見意氣高呼喚感慨萬事不能言舉手但

覺心難平異母之弟幼失養遠方歸來出至情丈

夫立身自有本能孝能友百行生君家季弟年方

少雄文奇句神鬼驚一朝同往山東去我亦偕行

歸帝京圖書滿船病而返聯捷接舫方兩程烟荒

水渺相告歸夢君兄弟月依稀

旅夕

晚爽新秋候歸途迴逐羣夕烟林下磬日落岫邊

雲鳥影穿人過蛩聲滿路聞鄉心爭旦暮耳目致

慙慙

青箱堂詩集

卷之三庚辰

十

夢中月夜懷內作

半生無契濶一日竟成虛月影新涼後人聲漸息

初憶粧恒廢鏡觸緒偶逢書腸斷當軒處桐陰葉

復疎

南歸晤方密之吳鑑在于米吉土齋中和密

之韻

歷歷烟雲秋在河舟高興小憶風波相聞姓字十

年久數間知交四海多不耐憂時聊近酒諱談兵

事且悲歌相逢共此燈光好露影霜花佐倡和

送內弟梁公秋之任太康

稽古詩今屋有端班班車馬出長安少年爲令心  
猶小高節臨官事不難報國但嚴行已律求民莫  
作讀書觀侍親昔在中州久先業于今續緒看

公昔任  
中州

二

相憐不獨是姻親志合情淡意氣真好我閉門能  
守拙知君遊宦不辭貧惟因失偶懷恒切况復離  
草淚自頻送子登車跋子望涼雲寒雨隔征塵

十月朔日爲亡室寄衣

不堪舉首淚縱橫腸裂心摧恨未平泉室有無知

青箱堂詩集

卷之三

十一

節序寄衣果否到幽冥寒雲肅肅淡秋色殘籬滿  
滿草木聲可記去年今日事尚摧楮絮上先塋

多憶

多憶愁難寐無聊恒夜分孤眠依故劍滅燭想遺  
文夢破三更月身輕一葉雲寒籬餘宿火香靄晚  
氤氲

史道鄰招飲談次感賦

懷君適值得君呼豈避寒風十里途孤憤不堪消  
歲月救時何以益錙銖蕭條墟里愁兵寇饑餒人  
民困轉輸相對漫言無善策詩書原自有訐謏

亡室初忌

去年當此日惻惻到於今剩字含悲拾遺紅拭淚  
等懷淡終夜夢痛歷四時心何地幽魂在寒風吹  
暮林

月夜街步

月影照不寐孤情何所將幽香懷蕙寢華燭憶私  
粧風定樓鐘細星高宮漏長愁人無意緒街巷獨  
徬徨

送史赤豹讀書中州

離離寒霧濕朝暎彈鋏長歌出國門筆削稽求淡

青箱堂詩集

卷之三 庚辰

十二

往代山川閱歷首中原書生憂亂頻懷策遊子逢  
人莫浪言暫別家園休感慨性情千里友聲存

歲寒雜興

寒霧冷冷暝色斜簾垂松影日光遮晝居溪巷風  
吟竹夜臥閒窓燈照花一室窮經堪自笑十年感  
遇向誰嗟長歌漫說能當泣愁重方知佛是家

二

雪窗開史一燈橫氣咽聲吞意未平汲黯逢時能  
受直李膺遭世不容清百年以後誰君子旦暮之  
間且士卿千載是非應有定古人恃此寸心明

三

悲往傷今但寤歌憂淡思寐欲無叱霜鐘向曉沉  
沉至寒日經窗忽忽過學懶尚難出語少懷愁未  
免是情多香醪恨乏通宵力奈此雞聲漏響何

四

莫頻太息向人悲執論徑徑身必危避過姑將隨  
往例持榮何敢背時宜是非自有朝廷議機密原  
難草野知聖世發奸求隱事高張法網雉多罹

五

何必爲文欲送窮拙謀朝夕慮無終孤高城外山

青箱堂詩集

卷之三 庚辰

三

頭雪雜沓人間歲暮風抗志靜觀身世外愁心歷  
著死生中間情苦憶當年好少小襟期總不同

六

蕭蕭風雨入深冬明肅寒條堦影重有恨偏難忘  
夜夢無聊多是廢朝餐憂時思古頻昂首感事逢  
人但拊胸莫說救荒輸善策聖朝得意在祈農

七

蕭瑟聲寒風雪凝兒童花鼓遍春興傷心漸覺精  
神減入俗惟多酬應增拋去年光驚晚歲愁來夜  
半剪霜燈人情國事閒經想愛到書生亦可憎

八

已去歲時徒悔恨方來朝夕尚徬徨六窗漫說三  
冬足繡閣空添一線長霜月入簾聲影靜梅花常  
戶往來香壯年淹蹇慚難釋愁對寒燈夜未央

青箱堂詩集

卷之三 庚辰

十四

青箱堂詩集卷之三

宛平王崇簡著

萊陽宋 琬定

門人李 玠較

辛巳

元夕集馮千秋周燦甫左碩人方密之吳鑑

在陳章侯米吉土小飲

好月浮春氣晴霞斂霧潮六街花鼓動宮闕夜鐘  
搖燈燭同良友觴歌共此宵無忘今夜醉燕市久  
瀟瀟

青箱堂詩集

卷之三 辛巳

五

元夕懷內

年來哭汝淚嘉節倍難禁兒女生前夢琴書死後  
心臨燈無彷彿對月但蕭森此夕知何夕空聞漏  
響沉

春悶

薄寒天氣但烟光寂寂開門日影長十載蹉跎憐  
僕老半生拮据感妻亡嘗懷大計思奇士頻憶幽  
林夢草堂欲去西郊閒騁望春風吹得柳條黃

張騰甫井旅東米吉土過摩訶菴懷往

爲憶芳林夢幾經和雲滄靄歷郊祠偶攜逸興來

幽寺同看春光坐野亭心遠烟嵐空外見松繁人  
語響中聽閒觀昔日階前竹二十年過影更青

病起依韻答楊商賢見慰

友道存天地于君始得真但因感此意未敢忽斯  
身世態愁中冷交情病後親花明山色好猶幸咏  
同春

同黃幼則米吉土楊商賢曼卿遊摩訶菴

塵土埋春去清尋適夏林同遊人屢異頻到意何  
淡松影留前夢鐘聲引舊心酒歌消靜夜皓月照  
相吟

青箱堂詩集

卷之三 辛巳

十六

二

風定松光靜階空月寂寥懷人思故語感事說前  
朝俗業驚多累名根恨未消平生相對日幾得坐  
清宵

商賢贈鶴因有舊鶴之懷

夙有溪山鸞鶴盟荷君移贈到柴荆添來物外雲  
霞色伴我庭前竹石情白日新貽簾下影清宵舊  
憶月中聲幽閒鳴躍相依處偶記當年百感生

送宋玉仲司理武林

拜手無言淚自盈十年頻別意難輕論交四海如



君少臨政湖干美水清察吏莫先寬賦役救時端  
在慎刑名吳山昔有烟霞約寄語嵐光記夙盟

送史道鄰至報國寺同侯石臣黃卜周方密  
之金伯玉米吉土飲松下

日月山河共此身香光鬱勃四時新歷來寒暑如  
昏旦不信黃虞是古人倏忽遲遲觀去住蕭閒草  
草失周秦偶因送別相過飲翻是平生快聚辰

寄宋玉叔

壯志多虛每日疑著書無緒強裁詩生逢末季難  
爲善世少英流莫好奇雨歇幽堂淡柳處酒闌蕭  
青箱堂詩集 卷之三 辛巳 十七

寺月明時至今夢後增惆悵惟向雲箋寄所思

二

憶昔同遊歲屢更別來寒暑少閒情禿衿短袖學  
爲武陋巷溪居避好名枕有新文光自照篋藏故  
劍意難平聞君近有烟霞癖山麓谿橋載酒行

飲孫北海給諫齋中同李方山米吉土

西風肅穆逼宵興雁語蛩聲韻足憑杯竿逢君談  
古處圖書今夕共秋燈時艱莫道言無補主德惟  
應諫可增盡醉扳留明輩坐虛窓涼月漸東升

秋况

院靜簾空苔色幽藥爐茶鼎亦宜秋砌蟲吟細頻

移枕塞燕歸飛獨倚樓掩卷常懷千古恨閉門時  
抱杞人憂經心惟問耕耘事欲學山村稼穡流

水源看紅葉同黃卜周幼則楊王橋商賢曼  
卿及熙兒

好侶憐秋色幽尋心惘然流光迎日變落影照泉  
妍逕折疑無路巖深別有天石邊高下坐葉葉下  
飛烟

送方密之

曠野聚涼烟霜天落孤鷺送君如夢中不識歸來  
青箱堂詩集 卷之三 辛巳 十八

路

送周燦甫還故城

君來都下友聲輝何復秋風又速歸喜見田塲薄  
有積漫云家廓尚無依霜林寒葉淒淒下月夜孤  
鴻肅肅飛此際雲山難遠望相思能不一沾衣

青箱堂詩集卷之三

宛平王崇簡著

萊陽宋琬定

門人李玠較

壬午

贈別石齋先生

抗立千尋恃一忠嘉猷久已徹宸衷孤誠幽在兵  
戈外亮節難非困約中國是願先明舉錯臣鄰期  
盡去通融聖朝興治求遺直好爲蒼生惜此躬

贈葉潤山先生

青箱堂詩集

卷之三 壬午

十九

何難隨俗至公卿世道憂濫身自輕報國不辭直  
諫罪摠忠敢避黨人名艱貞惟此心無愧貞諒何  
非意至誠欲在聖時敦氣節從來智勇出于清

訪余德公贈之

介立板援不可因多君年少志能純讀書既解依  
賢者遇事何難訟直臣欲望聖朝容有道忍令後  
世歎無人儻能悟主忘草野豈爲名高憐此身

讀書庠訶菴呈同學諸子

出郭學爲懶君來我亦從吟長聲若答登靜影相  
逢逸致松間雪孤懷夢後鐘閒則花發日遠眺上

高峰

春日菴居

鐘昏磬曉戶嘗扃久坐忘言似夢醒風過樓中松  
響近雪消砌下草根青沉思遇鳥鳴方見幽抱逢  
人語誤聽最喜雲空天宇淨捲簾春影上閒庭

送楊曼卿讀書西湖

簡冊提攜莫漫封衣裳情已及秋冬關心南北情  
誰釋回首雲烟意幾重月裏波光漾夜舫雨迷山  
影遠林鐘幽懷舊有棲尋約爲告湖邊箇箇峰

摩訶菴贈廓然老衲

青箱堂詩集

卷之三 壬午

二十

憶昔經過如旦暮喜今晤對更康強松陰覆屋簷  
光靜花氣當堦簾影香門閉幽苔生舊徑夜溪明  
月下閒廊向年不答禪宗問但說春風日正長

二

萬木陰森影欲迷風光淡淡草淒淒空堂白日時  
聞磬微雨疎林看藝畦松下幽人隨去住樓邊好  
鳥任鳴棲只今八十登山去踏石披雲杖不携

七夕感懷

疎影涼雲望未真鵲橋何處渡難頻莫言河漢悲  
相隔猶是經年一見人

摩訶庵逢嵩麓上人言先大夫昔事

鶴來淵靜意今昔感紛紜人似前生見言如悟後  
間空塔清暑氣微雨散疎雲寂寂松風落秋光靜  
遠雲

萬明寺秋夜

野靜荒燈映小榻夜寒殘火撥薰爐蛩聲入戶三  
更細霜影兼天一月孤渚淺草深依落雁雲涼柳  
於降棲鳥愁心永夕空塔立遠樹蒼茫看欲無

秋暮郊步

柳下松邊溪淺看徘徊今昔立河干蒹葭風入秋  
聲肅原隰鴉飛落照寒霜葉離離無定影水痕澹  
澹各依瀾閒情且逐蒼茫望烟外希微鍾欲殘

秋夕同孟綱宜金伯玉飲戴巖竿齋中

寒花當夕好靜侶易爲親燈近杯光燦霜高月色  
眞莫談天下事且憶古來人良晤君當記平生有  
幾晨

青箱堂詩集

卷之三

壬午

青箱堂詩集卷之三

宛平王崇簡著

萊陽宋 琬定

門人李 玠較

癸未

上元酌酒與祝開美陸文虎姜滙思

出戶香風春正梅琴書將客坐御杯賴斯松竹當  
軒列便有聲光入座來天下奇人推雅士樽前快  
語屬雄才相逢且醉燈邊月感慨休令累好懷

讀書摩訶庵懷昨夏同學諸子

卜周吉上  
王喬商賢

青箱堂詩集

卷之三

癸未

午磬宵鐘識舊盟穿籬啓戶復何情日來閒院猶  
松影明發溪林仍鳥聲宛爾晴光簾下過依然笑  
語夢中生有疑未得隨相問踏遍空塔遶樹行

白晒

曾說烟霞寄興頻舉頭涼月幾回親三年懷抱昨  
宵夢雙眼浮沉一世人性癖自難諧俗好情多未  
免累閒身且尋向日高松下避得炎蒸六月塵

憶昨

憶昨春兼夏晨昏住此菴抗疾祈客飲滅燭憶僧  
談入圃花邊露登樓雨後山稚兒園下過摘菓動

盈籃

夏日

何處堪清夏茂林野寺中蟬鳴松際月人坐夜溪  
風舊緒情難憶新聞日不同奇懷矜絕俗夢裏亦  
高峰

憶內

記得當時斜好翠半生歷歷想來真階前散步沉  
吟日夢後孤燈獨坐人啓篋遺箋隨處有藏詩殘  
縷尚多新傷心往復無朝夕夏晝冬宵秋又春

哭李女

許嫁朱勉齋中丞  
長子時已聘矣

清箱堂詩集

卷之三 祭文

三

嗟女初生兩姊一兄掌上膝下顧復同情在抱七  
月偶病一驚後寡疾厄如玉斯殢越歲有弟宜弟  
爲楨嗟女孩時與姊是宜不嘻不怒委委蛇蛇爰  
舉爰止惟母是規七歲學書十歲舉匳拈針執筆  
爲所應爲嗟女漸長內靜外朗十二能琴十三能  
紡時畫大士母跡是儼不弔母以眠哭餐想兩姊  
既嫁惟父是仰嗟女好修禮儀是周刺罷繡閑經  
史問求無母之女我爲嫁憂得婿東牀睢鳥河洲  
薄言及笄期阻宦遊嗟女寡言門內無喧怡怡弟  
妹肅肅卑尊米飯細登記不煩我寡內顧惟賴

女存晨昏依我問我饔餐嗟女病侵憂心欽欽慮

我縈懷不言病淡問則口愈越歲至今醫藥未絕

減食寬襟耿耿我懷悠悠我心卜言嘉止兆應有

喜成禮有期病乃不起五日之間呼我不已執我

以手兩目相委言念恩勤涕泣須矣呻吟相逐開

笥啓匱相視累累叮嚀反覆女紅文事簪笄履服

藏之至今今不可復分給弟妹刺心剜肉云母公

日惟侍父膝豈知不孝中道相失嗟惟父苦畜我

不卒死葬何所極自何出無以天女有碍全吉生

人死別手挈哽咽呼取盥沐衣裳縷結凡歿所需

清箱堂詩集

卷之三 祭文

三

計及瑣屑整襟扶簪話言不絕顏如未病從容目

閉嗟女已去去不復旋歿不捨我今何往焉視弟

呼妹臨訣遷延繡牀雲散琴柱聲騫風驚花天春

夜聞鵲鳴呼痛哉少長徘徊訃音往矣翁嘆壻哀

服其服矣賻奠頻來視若干歸慰其夜臺感翁念

言稱賢嘆才厚義古風今世寡同嗟女薄命未克

生逢稱財以葬我哀何窮感其剝墨慟其遺紅淒

淒女魄耿耿我衷

翟園雨後作

昨夜松間雨瀟瀟夢裏清砌蟲來舊感庭竹動秋

聲好事逢人問  
閒情聽鳥鳴  
出雲山色翠  
蒼烟亂

園夕

秋暝林木肅  
臯禽翔且翔  
鐘來烟外濕  
月上柳初  
尚聲影一園  
靜懷歌向夕  
勞子然念身  
世薄飲即

秋日翟園

靜裏烟雲葉  
葉吹手持一  
卷立亭池草  
花隨意侵  
幽庭蘿薜多  
端覆短籬松  
密人從陰外  
轉柳高條  
自屋邊垂閒  
情對此秋光  
好午夢宵燈  
無不宜

青箱堂詩集

卷之三 癸未

五

哭葬仲女

適張識  
之三載

送汝寒原十月天  
松涼草冷與荒烟  
傷心盡是生  
人苦淚點應難到九泉

高中孚太史還朝得妾

簪笏依然來鳳池  
香飄袖裾出委蛇  
待年未及濃  
粧日靦而翻疑入夢時  
錦瑟夜調學斷慣  
鸞笙坐佩性多宜  
小心怯向堂前立  
梅影珠光暗自疑  
宋玉叔米吉上黃  
卜周幼則楊王喬  
商賢及

熙兒雪集摩訶菴

昔時僧舍久婆娑  
日月幽懷憶寤歌  
恰值雪朝遊

有約快逢朋輩遠  
相過樓邊山勢寒  
初近松上烟  
光晚故多更路幽  
林立廣陌峰嵐村  
樹望嗟我

哭宋長元先生守城殉節

非但交淡懷雅德  
嘗因時事惜宏才  
謀成出擊功  
方立勢棘呼兵敵  
又來臨難不移  
千古志舍生留  
與後人哀至今  
烈烈城頭上白日  
寒光照草萊

次孟炯宜夜坐韻

冥默息羣動  
高天素景虛  
入情惟簡靜  
得意足蕭疎  
補日三更燭  
觀人百世書  
香醪寄慨嘆懷古  
欲何如

青箱堂詩集

卷之三 癸未

五

高中孚戴嚴學孟炯宜金伯玉范若侯課期  
讀史

日月來無際  
茫茫何古今  
幸生往代後  
如源之可尋  
獨有此情志  
可以相知音  
良儔撰奇懷  
感慨時披襟  
四方事正多  
智勇何以沉  
高燈開靜夜  
得意一微吟  
持行規大節  
觀感多清箴  
相望有所慕  
耳目浸高深  
非賴古人事  
所賴古人心

菊花詩四首和孟炯宜

晴菊

不持妍麗輝春華  
別有香光秋色佳  
旭景空明當

蜂帶影過人家

雨菊

耐此香烟秋寂寥  
花寒葉老致瀟瀟  
最憐滴瀝消魂處  
霧淺雲淡色愈嬌

燈菊

黃昏清質怯春寒  
曲檻淡將近小欄  
莫遣幽光消靜夜  
且移高燭數回看

月菊

逸致偏宜夜漸深  
淒蕭離下伴蛩吟  
莫愁向晦容光闇  
贏得清輝照素心

青箱堂詩集

卷之三 癸未

七

青箱堂詩集卷之四

宛平王崇簡

萊陽宋 宛定

門人李 介較

甲申

功德寺僧廊數椽  
丁巳仲春偕四弟來張甥  
廷瑞讀書其中時余年十六弟十四甥十七  
耳甲申正月偕尋往蹟已二十八年矣甥久  
贊朝儀余方通仕籍弟又將履任塞下門逕  
依然情事如夢惓然有作

青箱堂詩集

卷之四 甲申

一

奇懷矜少小相與撰良辰  
白日如前夢青山來舊  
人悲歡情屢易歲月憶難真  
獨有松聲在當年寤寐頻

二

憶昔歲時久空宵  
聞野香輕風吹雁影  
明水聚山光心自松邊遠  
情從柳際長經過餘嘆息形影縱難忘

哭范若侯

不與子言方隔日  
遽傳凶問信難真  
逸雲晝散滿閒室  
清月宵臨寂寞春  
雅志好修貧徹骨  
半生某

古學爲人誰言天道恒彰善何故多才困此身

二

升沉好友嘆參差况復如君死別離幽憤逢人姑  
命酒介懷感事但吟詩開明恃有襟期在直質從  
無耳語時二十年交如夢覺更于何處寄相思

碧雲寺遇韓聖秋約談來青軒

數竿青影外一水暫相留小憩難爲隱遲懷聊以  
遊花明人偶在山靜句能收漫說兵戈授來青可  
解愁

得至勝方述酌高侶鶴竝寄侯石臣

青箱堂詩集

卷之四甲申

二

昔聞勝方水荷開十里香京華塵土高心志屢翺  
翔與君頗爲期未得遂徜徉一朝金鼓震崩迫失  
君王四海旣無主一家何所將感君篤切意遣使  
數相望艱辛出城郭一步一虎狼使者遇諸途君  
聞如負荏激迫告紀子兵甲遠成行信宿達水次  
扶病駕小航相持泣數下引來水一方居食謀好  
友瑣細無不減晚天水色靜窓開明月光俗樸人  
情篤茗酌若不遑荷此推引意君惠何其長閉門  
安魂魄往事煎人腸夙昔慷慨志揉碎如批糠負  
此丈夫軀中夜數徬徨恨無高飛翼非鱗潛淵藏

暫顧兒女輩感激多悲傷漫言八口計七尺何以  
防登臨望遠渚雲水浩茫茫

與高侶鶴坐勝芳僧舍

無計消長夏招提且坐眠吞聲對堊老灑淚向高  
天眼底依良友魂歸憶昔年青青河上柳一水晚  
生烟

携家夜行

少小提携去驚呼步步催沙形疑水去樹勢若山  
來村轉無聲過途岐從衆猜豺狼當道滿難得覓  
肩開

青箱堂詩集

卷之四甲申

三

酬井旅東方陽方川紀堯章姬錄孟起仲霽  
兄弟叔侄與我好論交飲酒太平時一旦乾坤爲  
反覆生之不振大亂期盈盈一水可旦夕艱難婉  
轉至於斯水花蘆葉澹雲影令人復起江南思干  
戈逐眼征塵起妻孥滿前何所之嗟予薄祜家已  
失感君左右相維持四海故交各一方落魄何有  
新相知但得依托避此地敢辭南畝爲耘耔

而有作

昨歲斯時雨禪房松竹幽茶香消永日枕簟已驚

秋堂意窮途恨翻成憶昔愁  
宗居無一事灑泣望

皇州

僕歸

轉爾意勤意來經盜賊遮思歸空有夢欲返已無  
家慰籍聲兼淚徘徊去復嗟倘能過舊宅爲望竹  
光斜

哭金伯玉

伯玉起樞司方逾月皇城巡視死于內河

封太孺人張氏及妾王氏俱墜井死賊去

弟仲遠訪于河邊遺骸莫辨拾遺巾招魂

青箱堂詩集

卷之四 甲申

四

以殮

誰言忠孝絕大義者斯門兩疏折闔豎多年辭驚  
鷄子能全節烈母亦報君恩有妾方一月香風井

底魂

二

起廢時無幾皇城職是臣河邊空朽骨塚內但遺  
巾得遂千秋志真成一代人愧予猶食息悲感淚

徒頻

哭孟綱宜

諱章明進士夫妻皆縊死  
父少司寇殉節止陽門

予去君乃死一門萬古芳敦倫原至性大節見奇

腸父子誼皆得夫妻魂共香平生言不謬慙我尚  
荷程

寄悲

甲申之變自春徂秋潛山隱水栖遲一方  
夢斷魂驚翹跂長途心前步後歌以當泣  
漸無繚繞之音謠以抒憂聊寄悲悽之句  
計失殷憂最慘神皇心圖治屬臣鄰養支持祿成  
斯禍授命臨危有幾人烟火空餘西苑柳鼓輦已  
徧六街塵誰言桑海多年事一月頻驚變異新

二

青箱堂詩集

卷之四 甲申

五

國破家亡生亦餘無聊惋惜但躊躇傾囊立失三  
封詰連屋靡遺一卷書兒女流離衣履弊親朋音  
問死生殊從前多少關心事悲喜繇來總是虛

三

小宅幽居僻巷中阜城門內漸臨東清宵最憶藤  
蘿月暑晝難忘簾幕風映戶竹光秋益綠當窗花  
影曉來紅何期竟作他人室聞道摧殘已不同

四

新承袍笏學趨蹌傳制臨軒恩澤長月掛端門環  
珮集日高皇極羽幢翔簪纓色照天顏喜鐘鼓聲



飛玉殿香慚負聖明無以報小臣潛伏哭君王

五

秋風禾黍綠萋萋翅首長空望欲迷有弟遠居雲  
塞外無書可達雁門西半春未冷別時淚經夏頻  
驚夢裏啼聞說曾來尋舊宅傷心亟去愈含悽

六

七月中元倍繫情家攜酒格上先塋思經丘壠關  
心切望斷松楸空淚盈祖父有靈應盡感女妻孤  
魄諒多驚何時重渡高粱水哭拜荒墟剪野荆

過惠州晤盧德水侍御留飲杜亭余不勝酒

青箱堂詩集

卷之四 甲申

六

德水命之日子可作看盧德水飲酒詩余詩

甫成而德水觥數浮白矣

夙昔登堂未可期詎知離亂達於斯舉杯且作當  
年想屬目翻興隔世悲簾影日高人漸遠桐陰風  
細酒盈卮杜亭嘯咏或獨酌應念今朝坐對時

和紀仲齊舟次命酒

曠懷無際每更闌波影依痕夜氣寒思後鄉園頻  
入夢恨來篋劍幾回看村林月下雞豚靜水草烟  
中燈火殘幸有故人相慰藉愁心聊向酒歌寬

金山寺

浩氣荒波接森茫一峰宛在水中央幽房轉出層  
層影高塔登來面面光山性不隨驚浪去江聲常  
遠好巖藏莫言烽火傷心日猶幸攀躋盡徜徉

宋玉叔至白下晤贈

朔風瑟瑟江花飛悲懷故土不可歸長夜無眠旅  
燈暗東方未白嘗披衣聞道昌陽來宋子足踏冰  
雪問居止開門是我夢中人相持灑泣雜驚喜虎  
豹隊裏何以來我在幽燕君東萊海濱途險擦一  
死棄家跋涉何爲哉心悽聲咽難一詞但言爾我  
心相知田園千畝不足顧墳墓棄置永懷悲君不

青箱堂詩集

卷之四 甲申

七

見天壽山上十二陵冷落何有萬年燈皇極諸殿  
變瓦礫太廟松色空烟凝憶昔我輩燕市遊燈宵  
雪夜足淹留論文蕭寺鐘聲歇感慨時效杞人憂  
都城一旦賊兵薄人心風鶴悲積弱軍容戎帥不  
足恃天子仰歎公卿愕龍馭上升嗟墮弓圖治憂  
勤邁數窮英明失御古來無徒令志士號長空我  
在西山君東海兄弟誅逆嚴軍壘義旗赫赫篤忠  
貞迅掃妖氛馳討罪四海何人秉虔鉞舉目何有  
舊宮闕天平已矣可奈何風塵四塞蔽日月一旦  
先後來舊京不憚艱難履險行相逢素心各無負

美子智勇無虛聲家藏經綢遺萬軸在子胸中不須讀我生不辰感且歌但願五畝同居屋圍竹

張如盤約同張湛生邵德章辛澤六何公達

林道生葛熒明潘慕海錢文青劉惺心小集

何幸相逢說舊盟艱危歷盡一舟橫漫言昔日簪

裾會且慰今宵杯竿情有夢益增懷抱惡無依未

敢去來輕多君繾綣徵歌曲曲罷悽然百感生

### 雞鳴山

逕從崑側去樓喜向湖開林鳥迎人起江雲拂袖來興亡同逝水勛業半荒苔謾聞清籟松風廊

青箱堂詩集

卷之四 甲申

八

### 下同

### 歲暮句曲旅夜

無依迫我出行邁天一方夢醒非當日雞鳴是故鄉霜燈茆屋暗風曉竹窗涼歲暮今如此何能不感傷

青箱堂詩集卷之四

宛平王崇簡著

萊陽宋 琬定

門人李 玠較

### 乙酉

上元文德橋立月

借高侶鶴井虞章蕭伯闇

今節他鄉涕淚中招攜賴有故人同山頭雪影連  
天白樓角燈光照水紅錦瑟聲飛初上月繡羅香  
轉未來風燕京今夕知何似相對揮杯望碧空

靈谷寺謁韓芹城座師

青箱堂詩集

卷之四 乙酉

九

孤跡栖丘壑寒風變鳥音梅尋一徑去門閉萬松  
淡悲感前朝事淒涼遠客心山光雲影下几榻自  
蕭森

### 春懷

爲說新年淚已揮故都風物夢依依兒童花鼓如  
前否士女燈宵似昔非佳節難忘當日事異鄉何  
有舊時衣遙憐骨肉淡相憶腸斷期歸不欲歸

### 二

夢際燕山雪未殘秦淮二月水生瀾驚看梅影當  
軒麗猶憶松聲入戶寒亂裏豈知離散易平時未

解聚歡難傷心故國飄零後感此韶華血淚乾

三

他鄉日日掩重關一榻清風夢亦閑  
遠屋松陰懷古利連天杏色夢西山  
愁來抱膝聞時警病起登樓見客還  
何事關情思不已高梁新柳數溪灣

四

梅影穿樓香在中無聊獨坐笑書空  
堪愁南國連宵雨却憶燕都鎮日風  
對此當窓新圖綠何如遶徑舊枝紅  
斂懷且自觀前史感慨多丁時事同

五

夙懷已負得無慚蕭瑟憑高望遠嵐  
有信難期來冀北何人可又到江南  
傷心往事徒增恨落魄餘生豈足貪  
惟願聖朝能雪耻身先士卒小臣甘

六

樓頭病起正春芳頻自徘徊望帝鄉  
寒北烟高風咽石畿南水冷月沉塘  
塵埋報國憐松色寂寞羣祠憶海棠  
堪歎已難尋舊跡悽愴一雁向遐方

燕京

國寺松蘿公  
祠海棠最著

七

金陵佳處最堪哀感慨孤臣懷苦辛  
夢裏盡皆當

日事醒來別作一番人家已無病嘗如病愁至當  
春不識春天下兵戈方未息故鄉花草向誰新

八

羣彥偕升上禮官微臣忝竊亦彈冠旌旗掩映宵  
光迴環珮趨蹌曉露寒博採嘉猷期久治空貽肝  
食值多艱酸心昨歲春方永史氏千秋淚不乾

九

中原賊騎任縱橫十七年來禍在兵苦憶鄉園過  
上已痛懷先壠遇清明生當多難慚無補勉學諸  
時恨有情何日高歌臨易水瀟瀟風起變商聲

青箱堂詩集

卷之四乙酉

七

十

伯女書來悲且驚上元知我在留京  
字中問弟全皆血紙上呼天欲有聲  
可記別時無盡淚未知再見是何情  
寄言但說非男子世亂難期得更生

十一

霏霏春雨坐低徊遊子風塵馬亦禿  
四海無家隨處去故人怪我自何來  
柳絲頻繫鄉心轉花色難移愁緒開  
極目家山空灑淚躊躇不見使人哀

十二

一春何事淚沾巾上憶先皇下及親  
僕婢可曾懷

王弟兄果否尚爲人流離未敢思前願歷險艱  
知惜此身每欲放舟湖海去桃花何處可迷津

寄青蚨卜周吉士商賢堯叟諸子

雲散烟飛各黯然論文問字憶當年奇書盈屋花  
圍座好友頻來月滿天有夢屢尋燕市酒何時重  
聽碧雲泉知君念我飄蓬際未有山田數畝錢

西山寺名

寄高岱輿戴巖竿劉元公孫北海郝斌清

無家隨地住有夢到長安寒以蘆爲絮清惟箸製  
冠故人如昔否行路似今難念我歸何日興懷或

青箱堂詩集

卷之四 乙酉

十三

夜闌

黃蘊生招飲

途窮惟仗友握手亦何親白眼觀時態青燈對古  
人聲聞傳說久笑語晤來真避地思偕隱從君願  
卜鄰

晤侯維瞻

登堂晤對晚烟新歷盡艱危重此身昔日聲聞勞  
久夢他年風雨記斯晨飄搖湖海羞同侶跼踖兵  
戈托友人感慨莫言今日事且將濁酒傲風塵

去嘉定留別錢不識黃蘊生王內三

太息將何往徘徊感慨頻小心憂世事大業憶前  
人志氣憐吾黨干戈老此身淒涼旅舍酒念別愈  
多親

二

懷晤真子意相招見子情雖然遭喪亂不欲負生  
平曉日樓前燕微風葉底鶯悲歌對深夜相向寸  
心明

舟次遇孫魯山

逢人頻寄問相晤偶河干畫舫烟迷渚朱橋樹接  
闌飄搖爲客拙喪亂倚人難慨嘆前朝事羅襟淚

青箱堂詩集

卷之四 乙酉

十三

未乾

三月十九日哭 先皇帝

昨歲今朝事龍髯莫可攀推心望北闕號泣在西  
山禹德歌同儉堯天值偶艱憂勤逢厄數千古恨  
難刪

二

君德非云失天心不可知起居史有頌喜怒聖無  
私民隱勞宸慮時艱動睿思金甌全未缺何事喪  
潢池

三

臣世居都下皇仁荷被繁褒封三代澤甲第兩朝  
恩宵旰無深拱焦勞有至尊從來失國者豈可並  
爲論

憶先塋

古塋西郊北河干橋半傾舊封經雨落老樹帶風  
鳴童叟拾薪去牛羊隨草行何時一杯酒哭剪塋  
侵荆

憶藏書

親沒靡遺積惟多連屋書兼之友人贈遂有萬編  
餘愧我未能讀平生却與居幸無賊火燬手澤竟

青箱堂詩集

卷之四 乙酉

十四

成虛

憶起齋

曲窓無徑入石下步纔通秋不遲明月春能過好  
風竹陰清簾綠梅影小燈紅遶屋書盈架湘簾映  
碧空

憶父母像

傷心兵火際遺像雜塵埃瞻對目中失音容夢裏  
來空堂修薄祀俛首動深哀冠珮輝煌麗後人何  
見哉

憶兄弟

昨年春季日灑淚出家門曾記叮嚀語無忘夙昔  
言艱難誰寄食流落謂人昆子女關情切何時共  
曉昏

憶琴

少年無異好喜得朱琴奇色無今質逸音傳古  
心伴誰書劍去得我性情淡遙響傳空夜月明水  
遶林

憶公室

誰說能忘却思來淚滿襟鏡空當日影琴斷六年  
音絕爾持貧意糟糠約已心孤墳明月冷孤兔可

青箱堂詩集

卷之四 乙酉

五

無侵

憶西山

去郭三十里時攜篋裏書水源紅葉寺山畔杏花  
廬柏路聞鐘後來青坐月初玉泉橋上好時傍老  
僧居

憶女

臨別頻牽袂心傷但淚流問予何處去念汝幾番  
留千里徒勞夢一年又是秋應知相見日悽楚悔  
斯遊

憶諸親

骨肉難棄置分離盜賊時一甥曾共學三哥最牽  
思令節家相約多情人有貽往來無久間睽絕得  
無悲

### 憶亡女

念汝已失母相憐意自重季方淪孟夏仲復喪初  
冬在室能純孝歸人解順從空餘永訣淚何得灑  
荒松

### 憶亡室白描大士

董玄宰年伯有題語

憶昔春和日窓開花影前筆輕空色相一廣靜諸  
天祇可閨中奉何堪史氏傳慈悲多護法兵火或  
青箱堂詩集

卷之四乙酉

十六

能全

### 憶同籍

興懷同譜友分日坐溪更讀史聯新約賡詩敦舊  
盟冬春思好會生死嘆艱貞握手已失半難言亂  
後情

### 憶同社

丈夫不惜別離亂有餘悲灑泣逢新歲傷心憶故  
知閨庭花發後古寺月明時好友得無慮挑燈念  
所之

### 憶古瓶

父仕關西日耕夫獲獻之漢秦傳寶重翡翠繫人  
思慚我非其好懷親痛所遺他時陳祭器俛想有  
淚悲

### 憶番劍

吾弟江南得歸貽燕市中藏來秋水冷提出曉雲  
空斷不埋塵土多應向朔風遙思瞻夜氣牛斗或  
懸虹

### 憶崔青蚓畫

花鳥二句董玄宰宗伯題語

崔生奇古筆精卓邁時流花鳥化人幻嬋娟林下  
幽雖人所共賞惟我最多收或犯鬼神忌飄零不  
青箱堂詩集

卷之四乙酉

十七

可留

夜過金閭袁特丘過訪招同姜如圃如農如  
須小集劉向臣錢幼光並至

艱危天下事放艇晚雲濱離亂何今日招攜有故  
人披裘烟水濶岸幘笑談真握手惟呼酒悲歌難  
復陳

### 訪成寶慈耳村並寄盛順伯

小棹穿溪境絕喧斜風細雨未開門棲遲昔日思  
依託漂泊今朝喜晤言故國漫悲人事異他鄉尚  
幸典型存時危再見多難卜爲問山居何處村

送房周垣歸東海

執手情難已殊鄉離別難送君歸海上憶昔晤長  
安宿雨兼天淨江雲帶水寒子規聲裏去回首指  
層巒

雨過惠泉和唐敏一

清列應無敵誰云第二泉石光經雨變花影藉雲  
詮殿閣凝殘靄林亭棲暮烟歸舟載餘興烹試夜  
燈前

暮泊虎丘俟宋玉伯玉仲玉叔不至

蒼崖石徑雨濛濛翹趾登臨待爾同維纜榜人依  
青箱堂詩集卷之四乙酉 八

好樹挂帆遊舫趁歸風相聯暮靄林烟黑忽斷奇  
雲漁火紅惆悵伊人久不至夜深猶自遶青桐

寓禹航鮑侍御山庄

人在烟霞崑壑隈谿毛蘋葉翠相迴鳴禽近自窓  
前起流水遠從山上來穿竹若疑無徑轉到門忽  
見一樓開憐予多病登臨少雨過前除遍綠苔

病臥禹航山中感宋玉伯玉仲玉叔日爲貽

問并構屋西溪招隱

尋幽借鼓楫偶病獨山堂問藥貽參朮謀生餽稻  
糧簾廬招酒隱分杖掛詩囊日久歧予望青蒼水

一方

山中東韓聖秋

苟全不敢說無家况遇同心山復嘉且却衣冠羣  
鹿鶴不須姓字友烟霞秦關夢遶遶雲樹燕市思  
淡望月華可記來青春夜坐何期今日聚天涯

山中東吳無稱嚴子問子餐孫嘉客

數年勤寤寐避地荷溪情山上瞻柴戶溪前聞犬  
聲日高桐下綠烟晚鳥邊青未卽諧幽訪低回每  
月明

山居

青箱堂詩集卷之四乙酉 九

曲折溪山裏山光浮翠暉泉聲枕上落嵐影鏡中  
飛亂竹迷三徑幽禽啄小扉田間耘耒者時倚月  
明歸

禹航道中

北指浮雲憶故離幽棲且覓最溪枝青蒼不了峯  
峯出洞溯無端路路岐蘆荻影中飛白鷺松杉陰  
下閉朱祠堤行風物關情處恰似西山緩步時

哭張吉友有序

乙酉六月余病臥禹航山中不與吉友聞  
問者二日偶僕詣武林遽旋云吉友於二

十二日捐館矣余驚墮如夢魂魄摧慟恨  
羸怯不能赴其喪窮途無以爲祭遣役焚  
楮哭之以歌曰此同里盟友王子所以告  
哀也

吁嗟我吉友何遽云亡矣年甫逾三十才大詎止  
此况有兩慈親南北望經理幼子始成童家遠三  
千里天呼可奈何有淚不可止我與子淡交廿載  
心相以重之以年譜婚姻慶嘉祉玉堂閤閣高統  
綉夙所耻素志敦道義棲心潛書史操觚試京闈  
悅親勉就仕洩政年方少左右屏奸宄歷爲司農  
青箱堂詩集 卷之四 乙酉 三

郎奏績天子喜兩際盤錯會裕餉復嚴壘平生大  
節明匪躬恒自矢慈幃咸豫悅鼎養承甘旨友兄  
恭而怡急難振貧委海內傳曰賢賓戚爲頌美飲  
酒多坦懷大雅絕憂藹揮毫走龍蛇吟咏協宮徵  
奉命推吳關時值天地否珥亂而濟危士庶歌盛  
軌潔已期惠商清襟照膠水我旣遭寇驅跋涉向  
南徙國破嘆家亡八口何所恃子聞勤饋貽慰藉  
頻發使春風三月天晤言金閨裏失聲首相問在  
北太母履聚首方十日飲食盈觴盞坐對每更闌  
懷兄念桑梓示我邇來詩輝煌我滿紙請諡光先

臣移封榮母氏我赴友人約慮我乏行李遺金不  
厭多復云情難已天涯骨肉好有贈何足齒我病  
過姑蘇君來舟中視時方憂危亂攜家將何抵子  
將任武林假我居相邇豈知是死別猶作生人唯  
我偶適禹航山中苟延耳子聞數數問鐘粟復累  
累聞子拂風志吞聲徒抱耻貽棄猶在案俄傳子  
不起母妻避異地含歛賴猶子我病始下林慟楚  
動心髓未克辭匍往人數難自比爲時已經旬扶  
掖哭而誄此音若達北母兄心應駭慰母而撫孤  
此亦後死禮愧我在窮途楮醴不成祀清魂如未  
青箱堂詩集 卷之四 乙酉 三

遠尚念我無倚

酬茅望子

漂泊方無地逢君握手言文傳十六國人在水雲  
村樹影青連屋湖光白到門慰留懷感去回首暮  
雲繁

客汾湖葉善長庭院

傾蓋交同故流離念我真采菱貽稚子炊餅餉饑  
人旅况如歌楚村孤似避秦雅懷敦古處纔幾日  
加親

旅懷



怪得霜華旅鬢侵飄搖澤國夢花淡綠迷溪岸菱  
浮水青單村樓烟出林感物變遷懷故土逢人問  
各誤方音最憐向夕蕭蕭雨浙歷偏傷遊子心

月夜偕宋玉仲丘子廩放舟覽形勝

客路干戈到處繁放舟何處問桃源穿來蘆荻方  
知徑撥亂菱花始到門寒水見星風始定驚波起  
月遺痕遠田渡陌三更後犬吠林移又一村

懷姚若侯宮紫玄陳涉江

愁吟嘗抱膝多難歎頻驚日落湖光變霜飛木葉  
輕烽烟銷客况感慨笑平生人與秋雲遠迢遙天

青箱堂詩集

卷之四乙酉

三

末橫

楊維斗過晤汾湖知閣公孟宏隱去

吳閨三月憶相逢詎意飄蓬處處烽客舍喜來良  
友棹畏途快得故人蹤時危何有田千畝地險惟  
憑水數重君去湖東跋予望蒹葭蕭瑟晚雲封

夜自葉鴻振慶繩兩先生飲歸

清宵朋飲散愁重酒難勝波靜星千點林迴烟幾  
層高淡遠者論寂歷榻邊燈歸夢蛩聲如淒淒睡  
未能

錢仲芳貽粟

聞子知子棲墊船身輕離亂易生憐窮途瓶罄陶  
潛粟羈旅囊留杜甫錢脫粟遠貽兵火際尺書頻  
寄水雲邊孤鴻晚下傷寥落翹首寒烟望旻天

別步

澤畔時孤往青萍白鷺翔勞人徒草草去路尚茫  
茫日下烟光紫秋來樹影黃淒風吹葛履遊子倍  
心傷

孤興

避居孤興嘆蕭蕭秋氣悲涼歌楚騷傳說何堪驚  
落魄夢歸亦足慰飄搖淒清夜兩蛩聲細寥廓霜

青箱堂詩集

卷之四乙酉

五

天雁影遙無策安眠寒浦望夕烟斷處見溪橋

時過宋玉伯玉仲玉叔旅寓

異姓稱兄弟今時有幾人難離朝夕久不覺往來  
頻夙昔心相許他鄉情倍親厭聞肝膽說真質卽  
天倫

不寐

寒花香冷一簾通輾轉淡宵堂更空蟲語弔殘秋  
露白雞聲叫徹曉雲紅新涼燈火消殘夜半敝衣  
衾怯曉風倚枕悲吟還起舞傷心難聽北來鴻

憶鮑庄

記得柴門遠樹行苦荒荆老步磳磳一天涼月虛  
堂靜半夜涼林獨鳥鳴雨過峰頭風氣合雲來廊  
下竹風生看泉倚石耽幽寂曲徑斜溪最繫情

萬年少過贈

昨冬憶贈淮陰市今日相依湖上波花影難逢逃  
釣艇棋聲何處老樵柯當年最喜秋光好此地偏  
傷客况多細雨瀟瀟湖水白與君感慨發長歌

雨暮錢幼光吳鑑在過訪

蓬門逐水架車羅寂寞黃昏獨寤歌嘉客片帆衝  
雨至茅堂雙屐屐緊燈過旅貧向夕炊烟斷客路逢

青箱堂詩集

卷之四 乙酉

五

君慨嘆多窗影暗流螢箇箇梧聲一葉下寒柯

夜雨懷馮眉仙

逆旅逢淒雨蕭條懷遠心無家隨野泊有恨托幽  
吟蟲細悲荒岸燈涼暗遠林寒聲響蘆花空外有  
清音

喜趙蘊退馮殿公至

秋水伊人望遠波蒹葭迴溯逐魚歌追隨幸遇良  
朋至漂泊空傷節序過懷土尚嫌王賦畧感時猶  
較宋悲多干戈滿眼歸何處雨細烟鬟掛薛蘿  
東任潛夫并問令兄貞紱 時有太夫人之變

兄弟知名海內久流離同患屢相過秋風憐我嗟  
無褐客路傷君咏蓼莪家在烽烟鴻至少寓來雲  
水雨偏多憂心謾說如焚其寒日離離下遠波

秋懷

西風瑟瑟露華湛欲卜歸期握粟占客况誰能憐  
瓦簪別愁我但誦江淹干戈飄蕩訛言亂踪跡蕭  
條旅髮添莫道還家應有日滄桑已變舊閭閻

語馮殿公

荒烟涼露散蒲菰世亂離人無定途落日江湖千  
里恨清秋天地一身孤風林肅肅連雲墮水鳥關

青箱堂詩集

卷之四 乙酉

五

關隔浦呼危地幸逢吾黨在濟艱何策是訃謀

中秋野泊飲宋玉仲舟上

野岸何能懷暫開偶因佳節且啣杯一天風定寒  
波靜千里烟消片月來異地漫揮今夕淚良宵應  
動故人哀碧空露冷衣袞薄愁聽雞聲向曉催

舟夜東輶退殿公

小雨遲清話黃昏增客愁遠燈驚宿鷺野犬吠行  
舟遁跡無良策訛言有近憂淒涼今夜裏不寐幾  
搔頭

舟中夜雨

細雨荒蘆岸孤燈照遠心  
那堪愁緒亂何處閉門  
淡哀雁橫舟去斜風入  
欄侵時斷蟲語內夜久怯  
寒衾

臥子約晤水月菴聞警散去

空際停橈幸子聞兵戈無定嘆紛紛倚林爲屋烟  
霞合逐水尋門蘋蓼分幽性宜僧非避亂雅懷須  
友復離羣他年夢遠兼葭水尚憶蒼蒼寒秋浦雲

經常州宗開先楊冰如陳青雷吳臯賡秦惕  
菴卜穀似約集

戰伐偶然在相逢淚滿襟他鄉朋輩意故國遠人

青箱堂詩集

卷之四 乙酉

三

心避地乾坤隘開樽感慨淡來宵泊何處燈火念

寒林

雨過楊冰如夜談

清溪遶屋放舟過疎雨閑雲佐晤歌老桂隨風香  
不定晚烟依水翠偏多昔借星影趨鸞陛今對燈  
光咏薜蘿相見亂離又復別秋風瑟瑟奈愁何

過寶應李叔則招飲醉作飛白書相貽

偶然生晤嘆途窮顧念勞勞兵火中一別經秋江  
水白相逢斗酒晚燈紅獲心思古人誰似感遇悲  
今事不同醉後揮毫驚起舞天寒月冷聽征鴻

李黼臣招同張韞仲夜集留別

子已歸廬舍吾將向朔風寒烟引短夢冷月轉孤  
蓬痛飲今宵酒興懷何地鴻他年相晤際霜鬢故  
人同

過梁仲木公狄村居

別後勞吾夢懷君無定居偶停江上舫來過水邊  
廬數月音書絕平生志氣虛相逢雜驚喜欲別復  
躊躇

遇王敬之淮陰

淮陰偶執手相訝得生全匹馬衝寒雨孤舟棹晚  
青箱堂詩集

卷之四 乙酉

三

烟晤言非昔日飄泊又今年別去懷秋水蒹葭隔  
遠天

丘德俊朱蘭谷王幹石約同楊木千宴集

客子片帆至烟波九月淡孤懷千古恨相對異鄉  
心浩歎空悲昔清歌聊娛今蕭蕭梧葉下燈火共  
秋陰

舟遇朱子美

帆影適相接聞聲喜復驚孤村寒日瘦荒水遠天  
明昔日朝端事殊鄉朋輩情難禁逢子淚俛首說  
平生

早行膠州道中

曉路夢猶在荒風吹草萊孤村情未穩寒水勢難  
開人跡霜華覆雲痕日影來漫愁驢背冷首爲幾  
山回

經匡五如墓

流落經君墓傷心使我思生逢有道日死向太平  
時寒霧迷空壠荒松覆舊祠慚無季子劍何以寄  
溪悲

王行之留寓山莊并晤王惠瞻

攬轡愁何向層樓出古原千山蟠老屋一水盪孤

青箱堂詩集

卷之四乙酉

天

村歌歎羲皇境桑麻高士門時艱思避地賴有吉  
人存

過王閻子村居

橋上峰巒出林灣又一丘烟光雙檜接山色一樓  
收人靜看雲起村虛聞水流素心憐月影借隱許  
相謀

至萊陽語宋玉伯玉仲玉叔

不能生值堯舜成康世不能夔龍稷契相比肩不  
然得爲箕山潁水子亦可笑傲卒天年或者負質  
最愚下不識名義不解是非朝起飽食夜醉眠既

苦生來能識字憂患卽與相周旋或者少年致青

雲或者勢力能燠天或者衝泌可樂饑或者貧賤

難自全不然草草而早死無知草木同芊芊數者

旣一不可得何乃生逢鼎革嘆顛連衣冠旣已委

草莽盜賊又復如火燃士生此際不得已死難得

所豈苟焉棄捐墳墓別親戚跋涉辛苦爲播遷艱

難甘爲君父受流離飄泊同飛烟四方靡騁可奈

何已矣何如歸園田一旦生還如夢寐上下四有

有餘憐我亦曰歸中心悲自笑何從授一廛高天

厚地亦踟躕潛匿魚今辰匪鳥但得此心無慚負

青箱堂詩集

卷之四乙酉

天

姓名何必後人傳

拜宋長元先生墓

拜手松楸酒一杯傷心酒泣踏荒苔寒林風起山  
光動衰壑雲移海氣來泉路幾年空夙恨人間此  
日有餘哀高踪已自成千古夕影淒淒照草萊

晚過趙長公次公村居憶尊公黃澤

日落烟光合寒原逐鳥迴旅人燈下至霜雁月中  
來草色依村立柴門隔水開所思在夙昔惆悵有  
溪哀

二

握手星當爛開扉燈破烟調高餘白雪澤遠但青  
檀一日成奇節千秋頌大賢願言懷舊好難搵淚  
潸然

懷青蚨吉士商賢諸子

歸去尚千里興懷念好朋儔情同別鶴緘怨卽枯  
僧白上空林月紅溪小屋燈所思未得見音問欲  
誰憑

弔宋九青司空墓

哭君非此日拜墓適今年荒徑飄殘蘂寒鳥下晚  
烟小心常處後大業欲無前空抱籌時畧身歸箕

青箱堂詩集

卷之四乙酉

三

尾邊

楊晉占自村中來晤因憶令兄史占及趙黃  
澤宋華之五河七卓九青柳村諸友

家失燕雲望裏微得依良友亦如歸偶來把握情  
難覓昔日相期願已違憐我殊鄉憔悴甚美君十  
畝是非稀傷心舊好彫零盡話到當年淚滿衣

宋赤崖林寺大塗次弓稼菴小石來自鄉居

約飲

流落經珂里君聞來晤歌論文三世舊憶往十年  
多游子哀鴻雁高人咏薜蘿酒闌憐氣熱莫笑舞

婆娑

宋澄嵐遠居海濱未及晤却寄

灌木寒原雪亂飛孤村知子閉荆扉淒涼舊感情  
難釋寂寞幽懷夢已非崑谷自能歌考澗海濱誰  
復伴漁磯故人亂後相逢少望斷霜鴻淚幾揮

酬趙介眉郭輝竹郭輝陽董白岳董樵古王

大石劉青眉趙南金孫伯史孫華卿王人生

張華平張元白孫杼雲柳子青王天柱王獲

齋

莫嘆無家少可親嘉朋好我亦何真相逢覲面多

青箱堂詩集

卷之四乙酉

三

新識却想聞名是故人但喜身閑偏似拙爲憂時  
亂轉宜貧飄搖注念淒瀟甚不憚風霜策馬頻

二

憶昔相思天一方晤言忘却是他鄉端人矧宇詩  
書氣遠客衣襟冰雪香愧我何堪勞顧問慕君非  
止是文章但期觴咏相朝夕十畝之間共草堂

宋玉叔約遊亭山言別

山橋霜葉聚寒日照沙虛欹石鳴松籟空林響木  
魚階登山入戶徑轉水當廬我欲尋衡泌來攜數  
卷書

二

不欲輕言別登山淚漫揮雲移石欲墮屐落雉驚  
飛无木村邊屋寒流浦上磯明朝回首處烟外說  
予歸

歸拜先墓感昨年國變遁去

望裏松楸夢裏尋此生何意復身臨鼎湖龍去昨  
年淚丘壠人來今日心林樹盡空無曲徑堦垣尚  
立有殘陰斷腸遍踏荒荒草寒陌鴉飛烟靄淡

燕京除夕

一去經時歲香燈慰始歸何堪今夕是難悔昔年

青箱堂詩集

卷之四 乙酉

三

非日月逢人異行藏與我違欲偕雲水侶海上採  
新薇

二

歸矣依然客幽懷向夜淡來時如望夢此夕是何  
心過眼增新感經聞憶舊音無家修祖臘慨嘆一  
沾襟

青箱堂詩集卷之五

宛平王崇簡著

萊陽宋琬定

門人李爌較

丙戌

京邸有懷

春新百緒笑無端風物依稀憶舊歡異地應思千  
里夢良宵可耐五更寒玉衡元日稱觴少戴勝殊  
鄉剪綵難往事不堪回首處明燈坐對月闌干

紀堯章王御六劉公虞孫君觀家振公小集

青箱堂詩集

卷之五 丙戌

一

風塵雲擾幸歸身晤對興懷感慨頻花鼓四街今  
夕月笑談一室故鄉春盤餐淡泊風寧倫氣韻迂  
疎交自真話到農桑何處好樂郊十畝待同人

春日曹秋岳社集龔孝升李舒章宋玉叔趙

韞退別體限韻

春在人間燕綫猶昔霞起憐朝花明悼夕高堂置  
酒歡歌無斃悲從何來中腸促刺旭暉照面嘉賓  
前席來日難知去日苦釋坎坎我鼓脣清我譯我  
思古人于焉悅懌

二

驚濤四際飛翺翔自空谷一朝值徒侶中澤相還  
復翩翩集蒼藻樓鳴殊驚我生嘆不辰喪亂遭  
窮鞫惟我同心人風雅振昔風玄圃披珠光瓊田  
蔚蒨復階庭聯海嶽几席雜瑤琤淵水鳴素琴好  
音清以穆錯落宕孤懷光華福雙目呼噪邁應劉  
明麗卑徐陸搖筆賦西都揮杯擊燕筑春風振神  
韻英華耀林木

三

燕山翠律飛沙高獵獵長風時怒號烈士有懷未  
得吐仰天鳴嗚聲何勞對酒當歌氣填胸胸中沉

青箱堂詩集

卷之五 丙戌

二

痛如波濤脫巾笑此雙蓬髮短袖新裁舊錦袍笛  
裏關山吹落月風前鶯燕逆天桃焉得室有夷光  
之明粧樽有葡萄之香醪匣有豐城之寶劍几有  
中山之兔毫縱橫揮酒胸中字潦倒婆娑手裏翻  
吁嗟乎飲君醇酒歌且舞古來英雄皆塵土

四

春草迎庭綠烟光入夕繁無家依故舊何處閉閨  
園世變文章在交真意氣尊莫悲寥落甚吾輩幸  
相存

五

嘉會招等任放歌幽衷婉轉奈春何漫言南國音  
書少且喜西園羽輩多官苑芳菲猶逮逕關山戎  
馬尚橫戈聞將濁酒酬懷抱花夕頻期杖笠過

六

好花無意緒猶作昔年春拚臥飲君酒花間容醉  
人

出郭

出門如夢覺慨歎問東風人事由來異春光亦不  
同草情隨處綠花影偶然紅尋徑村邊失垣穿路  
又通

青箱堂詩集

卷之五 丙戌

三

借宋玉叔米吉土熙兒飲摩訶菴花下

氣候漸揚暉草木日榮媚昔年嘆棲遲眠食花間  
地今來境不殊花色慚相識狂歌一借問音響可  
尚記上枝雲氣流下枝風光萃疎香斷續來一枝  
牆內悶脫帽桂花梢顧影徒顚顚痛飲藉草眠宿  
驚一花墜

與廓上人談

丈夫生不逢時可奈何但當飲酒日高歌仰天大  
呼天藐藐頰首沉思愁緒多我欲乘風謁紫微雲  
霞爲裳玉作衣我欲學劍凌萬里殺人報讐能奮

飛不然披髮蹈東海有何昨是而今非左之右之心如結師言既往之事不必說

送高惣楓假歸

楊柳依依燕子斜春風落照動悲爺多君善病諸初志笑我無謀未有家開院簾垂三徑草小樓門閉四時花驚聞啼鳥相思處應憶燕山望暮霞

送魏咏菴典試江右

鳳城雨過草萋萋仙客登車望欲迷莫慮烽烟驚塞北從來文字說江西夢回藜閣光風近人去樓船雲水低別後關心何處切愁聞高柳暮鴉啼

青箱堂詩集

卷之五 丙戌

四

孫北海約同孫二如成青壇董福兄家雷臣

飲金魚池齋中

清簾疎簾夏日長北窓一枕即羲皇避人靜裏觀魚沼知已開來坐草堂微雨新過增石澗流雲忽斷見松光斜陽烟影郊壇翠散步方塘引夕涼

送仕純一典試浙江

征塵六月暗旄旗盡省衡文奉簡書莫向西風懷旅雁好從南浦薦嘉魚夕陽客路輪音渺烟雨江天帆影疎湖上好峰涼露後竹巖楓寺待停車

憩金剛寺晤友蒼上人

三年重到法王堂回首平生歎渺茫不意此時猶晤對翻思何地可翱翔樓頭雲去留清影松下風來聞妙香悵悵不堪頻借問烟飛雨歇好湖光

鵲橋行

劉阮仙胡孝緒白東谷成青壇分韻

西風幾日變郭郭碧天廣漢生寂寞滄涼映月影不乾杳冥涵星光欲落何處征人望故山溪閣少婦濕雲鬟烟凝蛸網三更永情繫鸞驂一水間明寒風露天街靜小扇輕羅怯孤影百子池空夜氣清九微燈寂宮雲冷安得高凭白玉樓望之不見空悠悠匪云永矣不可泳匪云廣矣不可游玄景

青箱堂詩集

卷之五 丙戌

五

澹灩落空翠倚徙終宵不成寐雲母窓開露華明手拈針縷無限意

暮秋寄懷莊詡菴

高秋佳興復如何寒菊籬邊任醉歌曠想古今如意少側身天地闊愁多蒼烟廣陌閑雲起涼月高樓旅雁過好託幽懷與游覽此生無可恨蹉跎

九日和李吉津

鳳沼烟迷蕭后臺徘徊幾欲陟崔嵬風吹落木秋聲壯雲散高天雁影來舊苑半隨荒草沒西山猶向夕陽開登臨莫作傷心賦籬下黃花照酒杯



姚若侯至感贈

側身天地歲時遷，意重逢北斗邊。萬里風波雙  
眼內，三年悲喜一燈前。獨宜縱酒聊偕俗，何處狂  
歌可問天。莫向帝城懷往事，五陵庭榭半荒烟。

贈宋玉叔納姬

鳳凰新得桂叢居，引壁低頭見面初。錦瑟欲調推  
向夜，牙籤未啓問何書。人堪比玉聲名是，字可呼  
冰嫵婉如阿閭。幾重嘗靜掩敲門，怪爾出徐徐。

冬日姚若侯劉潛柱張爾唯米吉士小飲齋

中分韻

青箱堂詩集

卷之五 丙戌

六

暮鐘遙落帝城邊，握手悲歌意惘然。亂後全疑身  
是夢，人前常欲說當年。喜逢勝友開蓬徑，慚憶臨  
危頌昔賢。燒燭倒尊忘夜久，啓簾數綬竹稍烟。

冬嘯步姚若侯韻

沙白風荒氣慘然，啼烏寂寂下寒烟。懶開蓬葦堪  
羅雀，愁對笙歌似聽鵲。三徑誰家梅照戶，五陵何  
處燭煠天。多情惟是高天月，坐對三更似昔年。

二

月冷霜淒靜掩扉，疎林風送夜鐘微。歲增漸覺奇  
情減，世變頻悲故侶稀。扼腕餘生無一見，覩顏萬

事已全非淒涼舊里多荆棘，浪跡浮踪豈是歸。

三

蕭然何有買山錢，狎俗隨人負盛年。不合時宜遭  
眼白，未能學道使心玄。勞生坎坎移陶甕，幽緒重  
重類楚綿。每欲觀書消永夜，幾回掩卷愧前賢。

四

雪霽燕山屢合圍，敲冰飲馬踏漁磯。山高風冽豺  
聲壯，日影雲低雁影微。競武莫言今日盛，右文應  
悟昔時非。上林欲賦慚無補，擁火寒廬掩夜扉。

五

青箱堂詩集

卷之五 丙戌

七

星移杓轉總堪悲，亂後浮生總是疑。餞臘村醪仍  
往事，送寒土鼓似前時。愁深泣盡行吟數月下，霜  
高夜臥遲無奈。風塵消歲月，青山何日結茅茨。

觀劇懷內

莫謂淪亾久，幽懷觸處淡燈前。一夕事夢裏七年  
心，尚有衾裯澤何聞。琴瑟音咸興，徵醉後皓月復  
空林。

二

歌後多興感傷心，搵淚頻悲予有此日。愧汝是全  
人，霜雪浮生變滄桑。世事新風塵，憐歲暮草草又

逢春

青箱堂詩集

卷之五 丙戌

八

青箱堂詩集卷之五

宛平王崇簡著

萊陽宋 琬定

門人李 玠較

丁亥

元旦

苦憶少年日曾經履盛時行藏悲舊業歲序動波  
思海嶽春仍在風雲世已移逐人聊物賞莫問更  
何宜

拜先墓作

青箱堂詩集

卷之五 丁亥

九

拜瞻丘壠下今昔歲時心牛馬多新逕鳶鳥失舊  
林荒荒白日影蕭蕭野風音祖德存微屑餘生系  
竊淚

人日宋玉叔米吉土黃卜周金仲遠高勵昌

楊華長小飲齋中得歌字

日月浮生易歡娛莫厭多感懷休按劍對酒且當  
歌時序春風在乾坤醉眼過故人憐聚首不問夜  
如何

張百嶼招看花鞭歌烟火名也

張子好客倒青罇花鞭灑灑綴花繁目不及瞬花

事盛恍惚電掣而星奔奇葩異態隨地生華光霆  
震雜風行四壁照耀萬花谷烟霧掩映朱霞明提  
板搏播春在手光陰錯落雲雷走欲如桃杏橫牆  
來儼如蘭菊盈庭右佛光影裏現金蓮芙蓉海棠  
相並妍歎忽紛紛飄紅雨遊人醉踏暮春天相顧  
大笑樂未央手持旨酒勸百觥

送曹秋岳歸里

漫說別離淚莫揮迢遙能不一沾衣干戈未見黃  
塵歇湖海頻聞青舫歸吳下風流從昔盛漢京詞  
賦自今稀飄搖世路愁無定烟樹雲山悵落暉

青箱堂詩集

卷之五 丁亥

十

春日張中柱約同王元芝王孝源飲韋祠海

棠下

莫厭看花約自頻年華久已逐風塵參差猶是當  
時影恍惚如逢隔世人繞院朱霞天半落橫堦香  
靄檻邊新何綠日臥芳菲下濁酒高歌對暮春

送董庶常囑歸顓榆

桃源何處是美汝得歸田痛飲封蓬徑高吟放畫  
船莫言天下事不必世人憐淮水浮烟影燕雲回  
首邊

二

升沉非可嘆黯淡起長吟空有數行淚難將一片  
心故山尋舊侶大海滌塵襟鴻鵠翔滄渤無忌寄  
好音

三

迂疎與世忤放棄是淡恩千竹圍茅屋孤松老  
門朋來呼熟酒月上閉閒園美爾安眠食曾無車  
馬喧

高岱輿先生約同王覺斯前輩戴巖竿殷太  
肇季千里亭臺小集

踟躕難爲意虛亭發浩思舉杯低綠樹凭檻過黃

青箱堂詩集

卷之五 丁亥

十一

鵬感慨興情處蒼茫落照時此懷殊未盡新月上

高枝

二

偶爾斯身在平生愧已多只須同草木况復擾于  
戈幽夢憑蕉鹿閒心付釣蓑何時一瓢杖浪跡老  
巖阿

同成青壇張中柱飲劉憲石前輩新居

灑然城市內幽境絕塵埃庭戶因君曲琴樽待客  
來簾光偏借樹花影故依臺避世聊全馬相逢且  
舉杯

二

昔日金華路今來復卜居初修安道宅漸輯茂先  
青秘閣開三徑疎籬隔小廬聯翩問字者門外數  
停車

憶寓金陵

梅橫徑雪中開飄泊孤懷日九迴萍跡浪依桃  
葉渡杞憂誰上雨花臺樓頭寒月三更去江面浮  
雲萬里來簫鼓畫船如昔否六朝往事動新哀

黃卜周招同米吉土小飲新居

入戶矜幽逸虛堂夏氣清主人能遠俗鄰樹故多

青箱堂詩集

卷之五丁亥

十二

情選石分堦列移花向坐生何期離析後嚶鳥得

重賡

過成青壇新居

門徑纔旋馬軒開秀色移好風因北牖爽氣借鄰  
枝退食攤書際高眠聽雨時妬君閨閣裏蕭散發  
清思

二

金門聊大隱僻巷卽幽林晝永疎簾靜廊迴小院  
淡坦懷無一事良史有餘心曲檻生新竹涼風送  
好音

飲米吉土新宅同玉叔卜周

依然堂構內蕭散有餘情補竹添窓影移蕉待雨  
聲名園頻入夢良友又尋盟但使相逢醉何勞感  
慨生

舒章至

經歲猶然識淚痕幽懷相向各聲吞惟餘悲感心  
多愧無復歡娛事可言勲業漫期新竹帛風塵可  
有舊桃源天涯兄弟傷搖落把臂如君今幾存

雨

積雨消殘暑清陰闕一齋水侵苔上壁濕重竹橫

青箱堂詩集

卷之五丁亥

十三

堦白日塵囂靜沉雲遠岫埋閒情待明月颯颯動

秋懷

初秋感興和劉憲石前輩

半畝松陰自作鄰未經搖落已傷神悲逢時序思  
前事夢見衣冠是古人夜雨中原多白骨烽烟間  
左尚黃巾結茅欲踐青山約何處漁溪可問津

二

欲擷秋英豈代餐朝驅羸馬走長安宿雲帶雨風  
猶濕杲日蒸霞暑未殘漫說浮沉逢世易慚評今  
古著書難蕭蕭短髮憐霜影潦倒人前每側冠

述夢

大淵獻之歲朔六夜八月魂依大人前見之匪恍  
惚跪拜于膝下摧痛肝腸竭何知四十年覲面如  
初寤泣告兒七齡大人盡瘁歿艱難方髫髻失母  
行多悖弱冠衿未青動卽成鎮蹶警戒懶婦賢庶  
母多勞稅少小未得師帝虎難辨粹倖而登賢書  
僊蹇遭屢用未壯復失偶門內事頻闕砥礪仗良  
友承明拜袍笏有孫斯繩武如劓而新發何意天  
地傾流離幾播越覲而得生還丘壠無林樾可憐  
死失時萬事徒湮沒中心空慘怛風發而車揭悲  
青箱堂詩集 卷之五 丁亥 古

歇

中秋

故鄉仍此夕舊事那堪思明月空千古清樽各一  
時攬衣瞻夜永搔首聽更移非是悲秋客平生祇  
自疑

九日偕卜周吉士及五弟熙兒遊摩訶菴

行遊閭淒妍遇物慨時易招提曠西郊朗潔幽光  
闕清宋適野心棲尋來無次至今三十年蟲箋壁

上字記昔春華敷良友頻夜醉夏蔭松苔綠鶯聲  
晨昏至無端履禍變孀家從此避何意廊廡下猶  
得重瞻視淒淒攬秋柯慘慘情爲悻微雨向夕來  
風葉交加吹移情禮佛天久之如夢寐

菴中憶讀書時諸子

九日尋幽踏野烟重來清坐老僧前雲移夕靄秋  
風迴風入松濤夜雨懸文雅當年推數子榮名異  
日媿諸賢無端懷抱縱橫甚夢破疎鐘落遠天

秋懷

淡寂閑齋晚秋陰變綠苔西風一夜至北雁數行  
青箱堂詩集 卷之五 丁亥 五

來負志誠堪愧能貧亦見才不須憂歲往霜鬢解  
相催

二

多癖甘違俗悲辛潛自憐威增新白露淚盡舊朱  
絃落日搖寒翠棲鴉戀暮烟閑雲無意緒淒絕晚  
峰邊

三

烟霜千古色寥落寸心孤少小殷憂切餘生感慨  
無風雲看後進顏貌較前殊何日臨秋水漁舟遠  
扶蘆

四

懷古心多側風塵嘆渺茫蓬萌浮海去翼勝絕餐  
廛陵谷雲烟變乾坤姓字長秋風憑弔淚那得不  
沾裳

五

河山雙眼外身世一杯中日冷烟霜氣秋來海嶽  
風榮枯隨蔓草今古逐征鴻何事頻回首滄桑同  
不同

六

自顧懷難遣誰能學酒徒秋風悲代馬夜雨泣蒼  
青箱堂詩集

卷之五丁亥

六

梧老大情多怨艱難志倍迂幽衷何鬱鬱寤寐但  
長吁

七

荒園茅屋下憶得少年時窗影搖晴樹蛩聲遶夜  
籬孤情天際落大業古人期漫憶平生事傷心夙  
志移

八

大液池邊水秋空雁鶩多雲荒仙掌露月冷夜舒  
荷樓閣飄殘葦蒹葭亂晚波牧兒飲馬去龍艦掛  
青囊

九

蒼茫野氣潤蕭瑟萬山空月湧桑乾水霜飛碣石  
風鳴笳驅戰馬建旄擁雕弓羣盜猶然熾何時息  
武功

十

念昔承恩日秋高湛露垂雲開仙仗動香散玉珂  
遲拜舞衣聲肅宣傳陛影移西風聞曉漏夢裏憶  
威儀

十一

升沉無可據踪跡已難憑壯志黃花笑衰顏青鏡  
青箱堂詩集

卷之五丁亥

七

憎寒蠶攢暗壁落葉裊疎燈寂寞雙屏掩虛檐掛  
絲藤

十二

雙杵鳴秋夕愁淒夢易醒寒風催雁渺涼月助宵  
孤世事聊高枕行藏付百壺無眠思舊友零落半  
江湖

十三

又是逢秋晚亭臯落木稀容刀留古飾法服見伶  
衣靖節當時圖嚴陵何處磯高天不可問長嘯送  
清暉

十四

幽懷如昔減悲感觸時繁寒水天無色霜林秋有  
痕結繩風可續蒼頡字重翻漫說衡門下栖遲可  
避喧

十五

軀寒隨吾懶攤書何所求傷心歌變雅蒙面註春  
秋萬里懸新月孤燈照舊愁悲來不可絕清夜獨  
凭樓

十六

佳節推搖落孤吟繞菊籬困窮失委命俛仰笑違  
青箱堂詩集 卷之五 丁亥 十九

時惟嘆曩懷性何愁青鬢衰閑雲驅日暮烏鵲聚  
寒枝

十七

晚花留澹韻風葉積高寒貧較經營寡疎能寤寐  
寬浮沉偕俗拙雕琢飾名難遠望西山色秋光翠  
可餐

十八

寥落難爲意留連空復情年從衰草換寒向薄衾  
生敗葉霜枝怯荒烟古壠平幽懷無處着愧否是  
求名

十九

疇昔流離日栖遲烟水淡閑花澹幽夢細雨攪愁  
吟江海浮沉跡干戈去住心至今懷往事飄泊淚  
盈襟

二十

惘惘心如醉飄飄興自疎一尊憐歲月雙鬢愧樵  
漁白日培欄藥青畦剪野蔬徒悲生不偶慚對古  
人書

與鐵山兄言別

今夕何夕風蕭蕭高秋欲別頻相招人從樽俎歸  
青箱堂詩集 卷之五 丁亥 十九

帆遠天人兼葭故國遙萬里烟雲懸落照孤村砧  
杵逐閑樵青山薜荔知無恙莫厭杯淺月又高

二

爲愁別去意勞勞坐向寒宵引濁醪薊北黃花清  
露曉江南紅樹白雲高狂來據地歌當泣醉後呼  
天怨擬騷舊有桑麻十畝在野鷗孤鷺日烟阜

三

黃葉離離落木殘清笳十月曉霜寒關山戎馬別  
何易河海波濤隱亦難遺慮風塵聊近酒放情丘  
壑且加餐高懷莫下蒼生淚但願浮沉老釣竿

送王定爾庶常歸省

遙美門庭內軒車闢草萊  
登堂觀畫錦介壽進春  
鼎好月迎窗上疎梅待客來  
故園如有夢應自五  
雲回

送李梅公

餘生聊慰藉何意又分襟  
舊侶雲霄盡孤懷烟水  
深淚枯思往事歲暮望鄉心  
遠總難爲別情親匪  
自今

不必哀時命歸歟何所求  
朔風寒易水落日冷幽

青箱堂詩集

卷之五丁亥

子

州雲傍驅車去花隨放艇游  
高堂應有夢爲慰倚  
門愁

贈別吳雪航按湖南

逸氣橫霄壤孤懷邁古今  
救時悲抗疏感遇嘆行  
吟卓犖風塵意澄清江漢心  
匪憐經歲隔難別是  
知音

二

歲暮乘驄出霜驅萬里塵  
寒梅香裏路芳草夢中  
春楚甸籌形勝湘江憶古人  
衡陽天際渺可得雁  
書頻

三

干戈猶未息慷慨美君行  
伏莽心應草飛鴻夢不  
驚樓船臨水國鼓角出江城  
他日知相憶荒雲海  
上橫

冬夜憶舊

昔年堪憶處多在寂寥中  
曲室斜欄隔幽窗小逕  
通盆梅相向夜檐竹影留  
風獨坐三更後孤鳴雪  
際鴻

青箱堂詩集

卷之五丁亥

子



青箱堂詩集卷之六

宛平王崇簡著

萊陽宋 宛定

門人李 烱較

戊子

二日偕成青壇過李古津琴樽相待

此日存知已閒齋晤對新  
光延旭景簾影惻風  
塵寂寞聞流水高深見  
古人悲君淵樸意相與寄  
幽真

春雪和劉憲石前輩

青箱堂詩集

卷之六 戊子

一

玄節初更雪滿天空濛  
春氣尚蒼然咏歌朋輩還  
今日表馬河山似昔年  
濕影欲流侵午夢寒光無  
定出林烟最憐四海風塵  
際何處霏霏感戍還

輓金際明

又鎮治公  
尊人

落拓流風古自期偏于  
殺後動人思奇懷不盡淵  
明酒高志空餘叔夜詩  
草綠花飛前日夢山青水  
白夕陽時憑將一束生芻  
意莫訝當年非故知

送鄧元昭假歸

鑿坡暫去莫淹留醉擁  
驪駒動客愁楊柳春風荒  
驛路海棠夜月舊山樓  
高人歸橐琴書潤仙棹臨

門木石幽計日征轅期  
蚤北好懷休戀故園秋

酌酒與黃商侯

長安二月春風多白沙  
十尺塞外過列戍健兒夜  
吹角行人欲別情如何  
憶昔酒淚避羣醜我去西  
山君南走一朝鼙鼓震天  
門雲愁霧黯難回首僥  
倖性命得重逢祈爾康  
爵酌大斗非為痛飲學酒  
徒在澆磊塊不在酒心  
感萬事口不言我為君歌  
君擊缶吁嗟哉莫高匪天  
莫厚匪地瞻彼草木無  
吶寧寐君固世上奇男子  
我亦區區抱微志昔者  
李總憲范相國同聲許我  
能自飭一時志合有數

青箱堂詩集

卷之六 戊子

二

送張泊水出守鳳翔

紫駟駿馬金鏤轡錦裘  
繡幕建朱幟鳴鞭西去望  
秦關云是鳳翔太守出我  
于其行繫其馬酌酒與  
之祈一醉記我與子初識  
時風塵燕市日者肆覲  
子淵冠玉艷姿英年蔚  
跂多奇致烟飛雲散復幾

時酒滔復晤長安而悵悵無言聲淚吞痛飲深夜  
恒不寐丈夫自待原不薄才不得見學不得施朝  
奔夕馳堪自愧如子夙具誠民才千里子遺待撫  
字興來搖筆振華嶽搔首仰問生何爲張子大笑  
飲且歌昔年日者言如何

春感

曉嵐遠靄望崔嵬歸雁橫天動客哀故國多情懸  
夕照青山無恙又花開顛狂思向崎嶇去沉痛悲  
溪板蕩來寂寞高梁河畔水漣漪猶自遶新萊

二

青箱堂詩集

卷之六 戊子

三

層崖昔日憶潛奔香界春光最慘魂蒼鵬晝鳴天  
地晦老孤野嘯雨烟昏高崑鳥下窺人影幽壑花  
飛照淚痕空有奇峰參碧落望中龍馭已難援

三

瀟瀟細雨近清明陌上愁聞野哭聲新鬼無從依  
灌柏舊墳多已沒淡耕雲移廢苑鞦韆渺風入悲  
筇楊柳輕獨是月明花落夜空山故殿最傷情

四

潦倒餘生負薜蘿幾年春興擾干戈惟愁雜樹芳  
英歇莫遣孤懷感慨多花下橫琴思古調風前擊

筑憶悲歌最憐雨過青林晚遶徑烟光奈若何

春暮吉土卜周式之惟梅木公析木幼則飲  
花下念若侯王喬既亡仲木商賢公狄堯叟  
復在四方感而作歌

春風吹沙拂空起十日五日花更從天意不測威  
忽霽海棠紅綻丁香紫有酒沽我我友來草堂坐  
者猶數子吁嗟數子何得至今存胸與今古口不  
言白眼向天腳踏地氣欲駕霓而騎鯨數子昔同  
好心心事幽討宵鐘月影移曉林鳥語早曠絕一  
世不可期此生恥與人草草天維忽絕地弛紐海  
青箱堂詩集 卷之六 戊子 四

木羣飛雲化狗魚潛鴻冥難自持鐵膽石肝何能  
有驚呼我友中腸熟死生契濶多哽咽平生壯志  
竟蕭條愁吟浩嘆徒瑣屑夜讀離騷哭屈原酸辛  
字字皆成血慎莫呼天觸天怒人生亦有時不遇  
夷齊其比不逢堯蔡邕荀彧何足數對酒當歌花  
下臥蹉跎悔昔傷遲暮嗚呼皇天憐我潦倒人花  
前不飲奈何春

唐敏一書來却寄

惠泉烟雨維舟夕別後崎嶇不可陳愧我蹉跎消  
歲月羨君瀟灑出風塵惟愁羽檄驚幽夢何意魚

鳥語

雨歇林光綠  
嚶嚶鳥語新  
好風吹舊恨  
寤夢憶前身  
人老兵戈賤  
山深木石尊  
何時雲岫外  
聽爾歷  
昏晨

寄懷宋上木

坎壈無勞嘆固窮悲笳千里咽長風  
晴江涕淚華亭鶴夜雪淒涼燕市鴻  
河嶽滄茫驅日月烟霞板蕩誦英雄  
故人海上遙相憶寂寞神州暮靄中

## 11

青箱堂詩集

卷之六 戊子

五

極目天南夕照虛猿啼江岫意何如秣陵幾夜燈  
前酒淮海三年袖裏書人遠雲山變夢渺秋來風  
雨雁行疎柳湖何處堪爲隱放艇烟波學老漁

又是秋花覆短籬。經心往事繫人思。鳳堦顰蹙藻天香。迢玉漏停卮。夜月遲烟雨多情。猶故園林阜。何日遂新期。貞元昔日雲霄侶。半臥滄江老歲時。

宋上木偶來燕市信宿別去作歌送之

白沙蔽天春風多旅鴻北度桑乾河嘹歷忽落懷  
人耳慘澹爲思奈遠何我友千里忽當前餘生草

草空顛連惟悔何必多讀書悲歌相泣訴當年憶

昔鷄壇二三友烈腸俠骨何不有琴樽詩畫寄奇情  
雪夜梅花春沼柳眼前流峙如等閒白雲倏忽爲  
蒼狗大命如此空酸嘶今日相逢如夢否丈夫何者  
稱知己不謀千里心相以昔值金鳴鐵亂時知我跋  
涉必南徙昌言于庭達紫宸柏臺梧省諸

君子幸爾執手石頭城瑣尾逢君如病起悲笳聲  
中復離羣山嶠海嶼隔秋水男兒生旣不能鼎鐘  
榮又不能遭險而死垂令名踟躕但覺天地窄勞  
勞喜慟徒多驚卽學陶朱無不可不然十畝之間

青箱堂詩集

卷之六 戊子

六

可耦耕不然海上訪王喬金鑊玉膾學長生我拍  
君肩君大笑翻然歸去理殘釣

柏臺梧省謂立倩  
臥子也

憶上方山歌

上方峰巒與天參百里之外望紫嵐勢折壁立幾  
千尺中有大小七十菴突兀奇峭多光澤老黃怪  
綠雜淺碧欽峯與竊下趾難目之所經如開闢憶  
昔春風吹我來無數奇花參差開琪圃瑤廬仙者  
流摘星崑上斗蓬萊西北諸山勢穹窿此山矗矗  
獨稱雄日月雷雨走其下杖策盤旋行虛空一泓  
清溪百竿竹絕壑橫橋置茅屋晚來四際起鐘聲

使人惘恍意肅穆記得高巔一斗泉思之不見已  
三年探奇耳目寧易測雁邊極目空青烟

偶過金剛寺借周寧章語友著

移情高閣仰隔水望陰森松靜閒階寂燈明白日  
淡歷來非是夢此際復何心浩劫無從悟君聽千  
磬音

初夏同籍小飲答袁長卿

蓬徑逢君暫一開簾陰清影落庭槐雲低靈雨樽  
前過日暮疎風竹下來多病此身聊遠俗覩顏何  
事可言才古人漫傲千秋業麟閣勲名久草萊

青箱堂詩集

卷六 戊子

七

二

海內愁聞未止戈故交兄弟喜頻過人前白眼諧  
時少雨後青山入夢多氣熱酒闌堪涕淚烏啼花  
落付高歌風塵何處容清興流水溪崑隱薜蘿

寄懷梁公狄內弟流寓寶應

江山何處可爲家風雨門開菡萏遠浦漁燈船  
上月孤村落日水中霞千秋雅志居然在一死高  
天偶爾賒漫訝遭逢空浩歎古來多少事堪嗟

二

念子年來多病侵魚潛鴻杳信沉沉奔騰昔田天

涯淚凋落餘生歲晚心萬里風塵雙髻短他鄉客  
夢一燈淡何時攜手滄溟去瓢笠瀟瀟上翠岑

三

莫怪懷憂髻已斑如今非復舊家山憐子馬跡車  
塵迫美汝茶鎗藥臼閒多難浮生愁故國有時清  
夢到松關悲涼往事何從說痛讀離騷水一灣

四

邁軸幽溪誰作鄰孤懷夙夜念君頻多因悼內懷  
諸弟非獨離羣憶故人避世未能隨杖屨全軀且  
自溷風塵當年悔不從農圃致使儒冠誤此身

青箱堂詩集

卷六 戊子

八

寄懷梁仲木內弟

謀生出處豈能工爾我行藏尚未同履險厭聞天  
下事懷慙羞說古人風江頭見月蘆間笛枕上思  
家夜半鴻曾約暮年重聚首烟雲縹渺望難通

送章道存任儀真丞

昔我浪跡至真州姜宰導我迂闊遊日月跳擲未  
十載江上不復識舊愁子今登車佐斯邑江民歡  
舞頌者戢庭前片片雲影間屋裏青山流光濕我  
昔知子以岐黃采芝種木多奇方熱心救世託針  
餌道義朗朗著肝腸魑魅晝見赤狐躍冠裳慘裂

遭奇虐分崩骨肉不相顧子恒涕淚念流落不意  
生還晤燕市授衣推食情無已歸來遇子如有家  
周旋樵匭及盤匱吁嗟萬事欲言難相逢但願恒  
加餐戈鋌未息身世窄高懷落落隱一官子去恰  
逢五月時江魚潏潏倚清卮問子昔日維舟處烟  
雨蒲菰起鷺鷥姜宰謂卿墅也

東嶽廟羽士山房

蓬萊咫尺帝城邊洞裏金書不記年松覆朝陰滋  
藥吮鶴窺午夢報茶烟滄桑變去殘碑在海嶽飛  
來占月懸何處吹笙仙侶過桃花依舊照春妍

青箱堂詩集

卷之六 戊子

九

二

瓊園芝廬未易攀陰森古殿閉玄關石壇晝漏淡  
蘿薜夜月天風下珮環虛牖琴書依靜穆空堂草  
木侍高閒傷心爲母祈年日經此雲流霞爛間萬曆  
乙卯暮春爲先  
叔人禱疾于此

寄懷劉曦甫

憶昔奔騰去漢宵見子情慙慙具鷄黍絕絕似平  
生幸脫豺狼窟空慙猿鶴盟大河楊柳岸何日共  
聞鶯

二

三年寥落意風雨念君時斂性栖衡泌傷心誦黍  
離鴻飛千里渺雲暮萬山低無奈相思恨幽懷採  
綠葵

秋日飲汪氏園亭

流雲出樹杪載酒卽幽森戰伐催雙鬢江湖剩一  
心蟬聲秋暮景竹影散秋陰非是多悲感沉吟不  
自今

二

疎林微雨歇乘興且登臺黃屋參差出青山迢遞  
來葉翻秋影落雲轉夕陽開不盡清等意移觴坐

青箱堂詩集

卷之六 戊子

十

綠苔

劉憲石薛行屋兩前輩招飲金魚池

數沼橫堂背軒開野色秋風雲依帝里松柏冷園  
丘潑潑魚潛藻蕭蕭竹傍樓潛思遊奕事爲說舊  
神州

二

都人夙昔遊歌地此際猶然雜管絃到處風光須  
共醉從來得失有誰憐平池薄暮寒烟起古殿清  
秋落日懸更喜西山出馬上遙遙空翠落天邊

悼妾

曉露淒淒冷舜華傷心黯澹散朝霞香魂飄渺秋風裏化作幽林何處花

二

慘澹孤情不可雙棋聲曾記對秋缸照人仍是當時月淡夜猶然上小窗

三

擣衣嘗念早秋寒猶記當軒理素絃淡院黃昏新月上空餘梧影覆闌干

四

月落空閨蕉影低寒風肅肅亂烏啼平時呼燭朝

青箱堂詩集

卷之六 戊子

上

天去此際何堪聽曉鷄

中秋感懷

雲空夜已半皎月照人悲多難餘今夕何心憶昔時寒蛩咽露苦哀雁度天遲還顧空閨裏嫋嫋珮久遺

題亡妾靈几

人聞多彷彿音響自沉沉燈續生前夢花留歿後心堪愁當曉鏡最恨是秋砧腸斷憑誰說淒涼夜月淡

哭周寧章

鬢髯連爽氣古穆見斯人海嶽文章重圭璋氣象真百年強半日萬事等輕塵寂寞經空館蕭蕭風

正頻

二

記得重逢日淡冬蕭寺時懷恩揮鳳淚舒恨詠新詩雪霽松風緩燈殘閣月遲典言惆悵處泣涕有餘思

疾間

如意休提舞狂思扣角歌絕絃難續葛驚雁顧迴波疾間安棲少愁淡噩夢多自知堪一笑無奈世

青箱堂詩集

卷之六 戊子

上

情何

憶昔

憶昔幽窓寂心閒境自清素琴低靜夜寒月下三更人入梅花夢風吹塞雁聲至今猶戀戀何事苦關情

冬夜

羣物肅冬夜搖落悲風摧寂寂燈下人中懷不可裁逝水嘆東流何時可復回杳杳一鳴鴻音影相徘徊紆徐攬衾枕新悲引舊哀沉寥難斷絕皓月三更來

送宋玉仲歸萊陽

寒日飛沙白何堪歲晏情  
河橋紆馬跡風雪妬鷄鳴  
聚散渾難定乾坤自不平  
海天容醉眼好自樂餘生

自笑

寒夜一燈在攤書何所求  
翻多觀感恨不盡古今  
愁謀食經營拙于時  
魂夢羞當年期許意自笑重清流

歲暮雜興

往苒無如歲暮何閒庭日影鳥頻過  
吟當愁至聲青箱堂詩集卷之六戊子

偏壯恨值歡來淚更多  
風雪有情催節序乾坤無計老  
崑阿古今何事堪嘖笑  
憔悴難聽燕市歌

過丁野鶴

一榻香溪柏子爐  
高懷事事不妨迂  
嘉辰得句簾常寂  
靜夜張琴月不孤  
旅舍客來翻古帙  
故鄉夢醒聽啼鳥  
莫嗟彈劍歸歟晚  
雲水蒼蒼過五湖

過岳朋海秋舫

極望凌虛迥停橈  
依野臯雲空一壑  
寂雪霽萬峰高  
世事餘雙眼閒情上二毛  
風塵此已隔欵欵薦香醪

二

簾櫳臨水次疑是落帆歸  
窓影山垂席波光秋入幃  
人如烟外坐鳥似鏡中飛  
寂寞凭欄意移情望翠微

三

風定雲高落晴暉  
覆淺沙月明棲白鷺  
水漲浴青霞  
逕喜蒹葭露門宜  
菡萏花何時一樽酒  
攜瑟夕陽斜

和米吉土歲暮感懷

世事仍多疊年華  
逐谷戕雁飛霜月白  
風起塞雲黃  
計歲驚殘臘無心問  
彼蒼狗屠何處去  
燕市久荒唐

二

獨坐歲時晚新醪  
剪野蔬壯心慙大業  
多病妬奇書  
燈影移梅帳茶聲出  
雪廬有懷嘗不寐  
愁聽雁行疎

三

小閣容雙目寒烟萬井開  
夕陽孤鳥下雪霽亂山來  
世事看宵夢餘生付酒杯  
諸陵弓劍盡北望有餘哀

四

除夕忽已至餘生嘗自疑  
琴書孤獨下風雪未眠  
時往事紛宵夢流年注  
髣絲問心多不可且自酌  
杖屨

青箱堂詩集

卷之六 戊子

十五

青箱堂詩集卷之六

宛平王崇簡著

萊陽宋 琬定

門人李 烱較

巳丑

初春飲呂見齋溫亭

人當搖落後交闕歲時心  
芳草春猶在青山夢可  
尋乾坤懷禹甸風俗望  
虞琴離雁鳴天外因風  
送好音

荆石兄偶至都門

青箱堂詩集

卷之六 巳丑

十六

高懷豈必怨蹉跎滿目風  
塵未止戈太息賈生何  
處哭行吟屈子有時歌  
人間浪跡逢迎少醉後  
呼天感慨多雲水蒼蒼  
歸去日桃花嶺下閉青  
蘿荆實君附書令侄子  
嘉中朗賦寄

忽逢雙壁來南國千里音  
書慰寂寥薊北雁飛愁  
日暮江城月落怨春宵  
才名舊著陳三策風雅  
新傳擬大招好自寤歌  
衡泌下莫教吾道日蕭  
條

錢仲芳陸集生吳玉林李素心復集燕市

萬里風雲達北溟干戈回首嘆飄零  
春城過雨依然綠紫塞連山未改青  
且幸尋盟聯舊譜漫勞揮



淚說新亭相逢意氣難如昔四海何人占聚星

喜吳玉林至得令兄王鉉書并懷玉駒

劉鋹市上避驅車落落逢君意氣餘多難憶收遊  
子淚不才慙接故人書雲淡蒨蒨春鶯靜風起兼  
霞秋雁疎伯仲莫愁崑壑老古來吾道半樵漁

宋玉叔約同趙韞退宋韓文張舉之飲慈仁

寺海棠下分韻

吾曹猶作看花侶聯袂飛觴幾得同賴有金繩開  
紺樹可無銀燭照珠宮堪愁人散黃昏雨爲惜宵  
深寂寞紅更欲韞園問消息莫教春色逐東風

青箱堂詩集

卷之六 巳丑

七

初夏感懷

蓬華仍開徑琴書又是家蝶來翻柳絮鳥去落松  
花小閣懸山日柔風引暮笳遙思南國侶幾許試  
新茶

二

春氣花邊去萋迷芳草新鳥音懷好樹鵲夢愜輕  
塵非是貧依宦何爲病伴身閑閑十畝外孰有偶  
耕人

三

問心無一可何事更相宜歲月空千古乾坤此一

時佳人贈芍藥逸士醉醺醺最美臨風鵲江湖有  
浩思

四

物候自如此偏驚感慨人綠陰初半樹紅蕖尚餘  
春故國多悲感荒陵罷薦新不禁悵悵意俛仰一  
沾巾

連雨行

凍雲已散春雲驕縱橫奔突逐風飄翳日瀾空變  
爲雨愁霖靡夕復靡朝長安在昔多飛沙春夏之  
交愁農家昊天何以行秋令天天桃李遲穠華初

青箱堂詩集

卷之六 巳丑

六

時優渥花亦喜淨洗塵埃精神起久之沉冥傷淒  
陰嬌英委蕩臘脂死雞鳴瀟瀟旅人愁零雨濛濛  
空閨幽翩翩紫燕影寂寞啾啾黃鳥聲沉浮自笑  
牛馬走如輓泥淅路滑獲清福閉門高臥懷古人  
口手一編若溪谷有時霧歇如酒醒洗出西山一  
片青

與四弟偶談少年事自唱

一片高懷繫故園閨情逸韻逐朝昏鶯啼花綻春  
如夢香裊琴幽月有痕廢學多緣遷異業過庭久  
失仗諸舅經行敗井荒墟處無復烟光柳覆門

劉放雲左子忠翁仲于吳巨

齋中

崎嶇邂逅故人稀馳驟京華較昔  
已盡遭逢多與夙心違綠槐青簾  
葵坐落暉苦恨餘生無可說好期

與四弟企也張甥輯五感幼

園事

昔時携手處孤寂喜依禪明月無  
年僧歸鳴夕磬鳥下破荒烟每就  
雁邊

青箱堂詩集

卷之六巳丑

二

閑齋日清話門閉一園春蘭蕙燠  
人月痕槐影下鶯夢柳陰頻微雨  
苦辛

送金豈几先生假歸

劍樓下金鑾旌旗曉露寒芙蓉迎  
蘭南國歸庾信東山暫謝安蒼生  
雲端

二

鳴榔方季夏維纜已中秋繡幙圍

雲拔蕩瞻天步殷憂哭夜氛堪憐千古志寂寞寄  
闕耘

姜如須遜居虎丘却寄

三年吳下夢再辱袖中書旅食何爲計依人孰與  
居雙扉藏薜荔短艇入菰蘆惻促難回首亭臯落  
木初

二

夙昔憐玄度風塵憶幼安吳天呼不得古道望多  
難踟躕乾坤隘逍遙過軸寬虎丘登眺晚雁掠北  
雲寒

青箱堂詩集

卷之六巳丑

王

寄宋澄嵐東海并憶華之宗玉呈玉文玉柳

村諸亡友

青山東未了雲霧去蒼蒼望古懷玄晏何人遁子  
光朱弦彈海水素履蹈秋陽回首平生友悲來幾  
斷腸

二

四方猶戰伐君喜近蓬壺獨臥松間雨誰驚林外  
鳥存亡情未異出處跡多殊夙昔嚙啣意蕭條豈  
必無

寄張月征

秦淮昔寄跡小巷共依梅驚雁頻相失春風又幾  
回燕雲多黯澹越嶠復崔嵬攜手知何日兼葭迷  
湖涸

二

念我同門友干戈帶好音崎嶇君子命風雨故人  
心芳草閒齋晚空山落葉淡知君寧澹意采露遍  
幽林

送張嗣留還越西卽席

素節引清露涼颺灑然至洪霖連朝昏九衢流潦  
肆眷念同心彥駕言策歸騎祖餞心曲亂攬襟若

青箱堂詩集

卷之六巳丑

王

已醉愧我計饗餐顛倒移曩志子來燕市遊清輝  
映寤寐感慨難譙詭弘矩茂貞利玄關健清霜高  
翔寄幽致惆悵歧予望桂楫緝荷芰顧子霄漢姿  
四海欽淵懿春風振天衢翹首垂雲翅

蕉花篇爲劉憲石前輩賦

似樹非木葉袖卷襲青放綠雲片片傳聞花且大  
如杯芙蓉形色未之見一朝快靚慰平生幽姿澹  
質光芳倩借問奇種自何來赤崑水石間曾開大  
樹堂東幽徑北主人點綴覆青苔亭亭一莖若有  
異古穆屈曲含蓮胎著莖數房各循節蒼黃難名

日似鐵離奇磊落鬚茂蕤湛露垂垂味甘冽堪笑  
漢帝承露盤金華僊掌徒虛設我來停杯嘆無已  
淺黃淡白神若水牡丹空艷百寶欄菊寒梅瘦鄙  
桃李託根應自蓬萊宮爲吐芬芳近君子

哭孫二如

知君識字口憐我喪家時汲引非謀面招尋若有  
期離蟲蒙過錄攻玉愧安施懷緬淚盈把秋歎莫  
自持

二

願望山公舊儀刑柏府高奇文駕董左大業續夔  
青箱堂詩集 卷之六 巳丑 五

皇窓外梨花詠燈前竹葉膠哭君餘涕淚中夜起  
牢騷

三

樸懷敦古道吾黨賴君多寂寞朱絃調蕭條白雪  
歌西風悲蕤露落日冷淖沲腸斷吳鉤暗何時掛  
墓柯

送陳岱青還里

風塵多點澹進退欲何栖雁影連雲嶠秋風逐馬  
蹄琴書十畝外松菊一簾低有日扁舟去招尋莫  
令迷

二

壯懷徒落莫瀟灑返幽林莫搢臨岐淚難言此際  
心歸人回旅夢別調變商音征逐君應厭何如蘿  
薜溪

哭黃惟梅

如君匪易得寥落歲時過寡欲非全癖懷才不患  
多淒其思屬笠邈若隔山河慟絕人琴盡松崩千  
尺柯

二

徒步無憂色蕭然有令名班揚才自大今古恨難  
青箱堂詩集 卷之六 巳丑 五

平半世窮途淚平生獨立情夜臺存浩氣未必減  
崢嶸

三

別我膠萊去滄洲聞滯留歸來是何日病臥或初  
秋舊業青氈在奇文虎變收故人零落甚誰與紀  
清修

四

歷歷論交日明明在眼前乾坤遭鼎革風雨念述  
遭舊事何堪憶同人幾得全于今又已矣無處問  
蒼天

成青壇約同白東谷李吉津梁玉立張仲若

飲桂側時值月上既醉而謠

不可一日不飲酒不可一日不晤君况有叢桂映  
四座兼逢月上天無雲對君有酒得不飲觥籌交  
錯何慙慙此花此月世不無或當兵火或窮途何  
幸主閔客能至花芳月朗飲有徒不妨枕藉花間  
月眼前何必非黃虞傲傲側弁醉言歸玉露飛空  
香滿衣

余兄弟自巳卯春出處各殊迨寇禍奔伏生  
死流離不期復聚首故鄉矣丙戌予得歸而

青箱堂詩集

卷之六 巳丑

五

仲兄已歿五弟幸存四弟昔仕宣雲潛滯塞  
下巳丑八月將任于閩過燕市十五之夜兄  
弟既具兒熙姪勲侍飲月下撫今憶昔悲喜  
交淡鼓歌縱飲情至然爾

秋光不處白露如縷燦燦陳簋坎坎擊鼓魚樂同  
源鳥歡同羽兄具弟偕和樂栩栩言念疇昔淚下  
如雨我生不辰飄零異土往日莫留來期難補今  
夕燕樂祖德是祐悲自歡淡別由聚苦地北天南  
異時誰伍明月中天無酒且沽笙簫噉咄咄拊  
拊樂不可極惕焉望古式醉無愆胡念父祖誨爾

祚肩懋哉繩武

胡體順來都下成青壇約同白東谷高聰佩

李吉津眺飲

君至叶吾夢招携望遠烟山形奔萬馬埜勢盡高  
天氣肅夕陽下秋淡雁鷺邊揮杯酬壯志莫學世  
人憐

寄陸椒頌

不見當年友蕭條久索居壯懷應未減酒興復何  
如砧杵村墟晚蒹葭鴻雁初紛紛猶盜賊惻悵寄  
雙魚

青箱堂詩集

卷之六 巳丑

五

送四弟來守備汀州

萬里猶多壘艱難送子行去丹楓葉冷歸夢曉霜  
清接物期能恕持身貴立誠知非年漸近好自尚  
微名

二

離亂飄搖後吾儕偶爾存方能歸故里何又去中  
原閩嶠蠻烟合燕雲沙磧繁爲期十載內垂老聚  
家園

三

爲念孤踪遠蕭然美壯遊霜林千里淚旅雁數行

秋兒女催人老功名生別愁淒涼難極望腸斷罷登樓

古劍篇爲張幼量賦

穆穆雙劍融堊奇土花剝落太古姿若耶溪涸銅質老蛟龍捧爐帝下之雷電奔走太乙守青圭蒼壁等威儀不必肉試斷牛馬不必金試截盤匱堯堯不與純鈎伍埋光韜鍔知何時神物千年待知已氣干牛斗亦所恥何稱博物張司空奇人異物神相以一朝築室如有異突兀雙龍崛地起鱗鱗緇澀元氣藏沉烟蝕霧孕綠紫祠以古錦賸寶玉青箱堂詩集 卷之六 巳丑 五

贈張公儀

樸拙如對古君子主人云是賢大臣勲高身退烟水濱覆之華堂字飛景人劍契合如有神在昔人逝劍亦失此獨居然貽後人

不寐歌

空宵燦珠璣銀河照牛女憔悴百蟲聲露咽氣如縷不寐兮淚頻爲思患難人

二

南雁懷玄景哀音流空易延佇曾髮髯徙倚宵何長不寐兮露晞何人悲黍離

三

悲風乘夕驕孤月照愁獨瞻西天漢流慨舊亂心曲不寐兮遷延蘭膏嘆自煎

四

去日恆苦疎來情多易親貧賤貴知已富貴少故人不寐兮心悲幽衷當告誰

秋夕姚若侯宋轅文趙韞退范潞公飲酒談

青箱堂詩集

卷之六 巳丑

五

次自嘲

霜清日夕秋在屋寒燈習習圍亂竹我友落洛尚數子膽張氣熱意可掬卓犖高言驚古魂悲歌直令鬼神哭嘆昔國事如兒戲威福不測由奄寺黃口小兒決兵機蜚語中人疏羅織人心一旦悲土崩坐使羣盜傾天位吁嗟此際未得死有靦面目何臧否惟恨時勢懸髮危貪人但憑衣帶水若非天命不可回何故繫繫仍奸宄笑殺南奔復北走艱辛空類喪家狗美人奇節不可扳老女思嫁徒生口世上浮名孰是真今古消沉何所有蘭朋罰

我說時昔倒樽迴燭醉今夕

聽曲感懷

青鏡動霜月白風峭酒力微  
轉歌聲迫雲陰錯  
終南寒冷冷泉澗誰知音變商作羽一無跡曲  
房纖寂如空林悵悵當年心耿耿莫唱倚高遮柳  
影

除夕

歲月餘除日風塵減壯懷老來愁易變情至恨難  
排兒女摧雙鬢琴書掩一齋經年多懶慢幾得事  
無乖

青箱堂詩集

卷之六巳丑

无

冰雪明朝轉天心此夜更逢人觀世態去日悟浮  
生潦倒猶今夕歡娛非昔情星高鐘鼓動氣色遍  
春城

青箱堂詩集卷之七

宛平王崇簡

萊陽宋 宛定

門人李 烱較

庚寅

魏咏菴劉阮仙羅篴菴胡孝緒呂見齋成青  
壇高念東李吉津梁王立張仲若喬肖寰岳  
芻海小集

奇懷愁裏盡白髮異間新酌酒歡今夕高歌向故  
人多聞所友益守拙率吾真莫惜燈前醉離羣幾  
青箱堂詩集

卷之七庚寅

得親

劉淇瞻王雪園集家舫次雪園韻

浮生世事復何求堂背橈停不繫舟客至似登青  
雀舫坐來疑泛白蘋洲調高郢雪歌難和春入梅  
花寒尚留好待霏微林月上烟波宛在更凭樓

二

塔除疎野若荒灘倚岸瀟瀟竹覆欄浪跡偶然依  
故里浮名猶自戀微官惟應花下藏虛艇何用江  
頭憶釣竿驄馬雙停塵外馭彩毫醉後徧琅玕  
米吉土來自冀州招同李吉津梁王立小飲

又將別去

相逢非世態久別易爲歡庭樹年光麗西山暮靄  
寒時名堪自笑古處向君看漫逐風塵去豺狼道  
路難

二

古人不可見我輩向乾坤入世情防熟持身拙較  
尊狂來彈短鋏醉後泣高原莫負春光好裁詩常  
閉門

十六夜憶舊

風俗今宵裏懽娛舊事奢星橋聯璧月火樹落天

青箱堂詩集

卷之七 庚寅

二

花酒後聞宮漏燈來遇內家少年思可笑竟夕逐

香車

夢中作春詩醒而記其二語因成之

春色依然至徒驚歲月遷入堦花帶雨隔陌鳥啼  
烟引睇崖松下牽愁夜雁邊頻思高柳外幾處坐

清泉

寄傅介侯督餉寧夏

紫塞鳴笳美壯游秦關西路望悠悠傾尊悲發胡  
姬管倚劍愁生羌客謳峽口啼猿千嶂暮狼山飛  
雪萬川秋側聞勝算倉箱預笑說量沙夜唱籌

送趙僉憲映乘福建屯鹽

持節東南六月初樓船歌鼓映芙蓉漢庭舊重弘  
羊策塞下曾傳充國書大海懸虹秋色壯中原落  
日雁行疎通知執法推行省駭羽潛鱗有定居

六月六日和青壇

六月六日雲陰岑感時觸景懷抱侵此日曝物何  
所昉敵裘敗絮豈經心旁有老人言達理此事說  
自先朝始鑿駕庫內門盡開錦衣官尉色懽喜鹵  
簿大駕倚高轟香木駕頭金四足左之右之勤高  
瞻鸞旗豹尾光相燭桃弓葦矢避風車丹鳥白鸞

青箱堂詩集

卷之七 庚寅

三

日月旗金根之制作自商黃鉞皇皇見周古綵仗  
寶蓋燦珠斗旂旄央央龍蛇走金焦葉上水蓮花  
伏飛虞候象車首輝煌陳列向日中士民至今風  
俗同一從賊變已數載今日徒見雲彌空高年語  
多聲帶灑白首中官聞之泣

牛叶應備兵靈州別後却寄

坐擁旌旗古朔方賀蘭千嶂雪荒涼尊中酒漉葡  
萄色塞上笳吹首宿香清水馬馳霜月白鳴沙日  
落暮雲黃關河極望秋風起雁影迷離夢渺茫

送孫毓祺兵備睢陳



河橋六月柳陰森使節初開金鼓音  
覽轡中原桑海異塞帷梁苑雨烟深  
干戈未戢悲黃鳥禾黍初登靖綠林  
自是雄才資控扼壯君尚有濟時心

初秋

爽氣徧皇州高雲宿雨收  
莎雞猶在野岸荻蚤知秋  
遐睎憑寒岫孤懷付小樓  
遠心投去鳥何處枕清流

二

秋至人如寤馳情卽野垌  
游魂失拱木積水亂荒町  
日落村烟白雲空山髻青  
莫因感慨切徒使髮

青箱堂詩集

卷之七 庚寅

四

多星

送梁王立假歸治喪

秋高子適去長安搖落金臺晚  
色寒京國才名推上第中原風雅久  
登壇最憐送別歌蒿里猶幸斯時見  
素冠莫嘆淹留遲歲月盈床詩史幾評殘

二

萍踪聚散嘆滄桑惆悵分攜髻欲霜  
客路驚心黃葉落故園回首白雲長  
鑾坡佇望琅玕筆衡泌休裁荷芰裳  
握手重期春再至海棠蕭寺共浮觴

新秋感興

七月燕山秋氣涼清郊林壑徧蒼茫  
風迴瀚海荒烟白日冷幽州返照黃  
每歎伊人河漢隔空嗟浮世歲時忙  
無端吟望聊乘興砧杵悠悠滿帝鄉

二

門閉新秋感慨生側身天地倍含情  
非緣古道多妨俗自是今人不好名  
憤世漆園齊得喪違時賈傳誤公卿  
可憐萬事空回首獨立蒼苔月正明

三

居庸西去翠微凝望裏先朝十二陵  
異代松楸應自老當時文獻豈無徵  
龍池不返千秋鶴鳳隧空然萬歲燈  
霜露淒其餘涕淚幾回惆悵白雲層

青箱堂詩集

卷之七 庚寅

五

四

憶昔何人秉國成甘泉烽火歲頻驚  
盈庭聚訟惟勾黨伏闕求官藉論兵  
坐使威權歸北寺遂令盜賊躡西京  
五陵豪貴皆塵土日暮青燐徧塋橫

五

殉國會聞有數公犯顏敢諫向來同  
衛宮幾見楊文義伏輦誰爲稀侍中  
荆棘荒涼悲夜月蟪蛄哀怨弔秋風  
至今箕尾光難滅古木寒烟恨不窮

六

私省棲遲華髮新商飈玉露解傷神漫疑白眼難  
諸衆終是青山不負人避世故宜依犖轂匡時何  
以靜風塵却思南國飄零日烟水鴻冥嘆此身

七

細雨斜風晝黯然梧陰葉葉怯寒烟淡山魃蜴蟻  
何日當路豺狼滋有年故典幾存前代制新恩可  
復舊家田已知如意悲難得且自看雲縱酒眠

八

舊感新愁尚淚痕杞憂徒切亦難論漸興禮樂非  
無術未戢干戈自有原但見征輪空下里不聞東

青箱堂詩集

卷之七 庚寅

六

帛賁丘園子遺兵後多凶歲烟火猶餘幾處村

九

漁陽秋色照桑乾日暮沙飛雁度難御苑金莖迷  
蔓草上方銀漢挂關干西風欲訴明妃怨千載空  
歌易水寒悵望高天成太息數聲清角月中殘

十

窮巷茅堂遠市塵林光最喜及秋辰疎櫺故繞參  
差石小閣容登三兩人莫怪栖遲同鷓鴣且憑吟  
和對松筠若言此外仍多事但有漁舟待問津

贈錢武子因憶孚子

棠棣聲聞二十年相逢感憶鶴鴒篇多時寤寐迴  
霞外此際論交日月遶大雅漢京推綵筆風流邇  
下奏朱紘溪山猿鶴各相訝尚有青雲事可傳

送張遠林探花假歸

輝煌詞賦動皇州承寵恩迴張翰舟雁掠荒烟千  
里暮帆懸細雨大江流宮袍色映蓬瀛月綵筆先  
生橘柚秋回首京華瞻望切五雲時起鳳凰樓

九日青壇體舜吉津偕登道院樓

仙祠寂寞一樓開恰有幽尋好侶來節敘幾人能  
向菊乾坤吾輩尚登臺九重宮闕天中起萬里峰

青箱堂詩集

卷之七 庚寅

七

密西北迴極目飛鴻秋色遠蒼茫何處是蓬萊

同胡體舜成青壇高瑤珮李吉津至香山游

歷信宿作

香山稱獨翠林壑望中清宸語留前代人游是再  
生雨來青岫色葉落亂泉聲酌酒凭危檻蒼茫暮  
靄平

二

山色宜秋晚招尋上碧霄勢高空朔漠蹟舊說金  
遼佛髻青仍在蟲箋墨未消一枝棲可借勞擾媿  
鷓鴣

三

山高秋不測，樓閣立空虛。扶杖尋烟磬，停厄摘雨  
蔬。逕深迷檜柏，月上冷蟾蜍。寺有蟾石莫惜終宵坐，  
蕭蕭雁影疎。

四

高巖失昧旦，幻夢未能長。曉日浮烟岫，殘星落上  
方。曉曉朝氣變蒼翠，客衣涼下界。聞鐘處，紅塵正  
渺茫。

來青軒聯句

來青雨過晚霞生。敬搔首峯巔對月明。體北望松

青箱堂詩集

卷之七 庚寅

八

楸龍馭杳青東臨宮闕玉繩平。念疎鐘萬壑收羣  
籟。吉絕浦孤烟放遠晴。敬不意長安留滯客，體相  
攜天際聽泉聲。青

由柏路上洪光寺

招提窈窕傍巖深，古道盤旋繞柏林。雲裏聞鐘門  
始到，厓邊竄鼠徑難尋。霜華絕嶂懸秋色，烟景斜  
陽壯客心。寂寞荒苔人不到，鴻低蛩細盡清音。

尋水源

短策逶迤雲壑中，高峰仄徑鳥邊通。幽溪石靜蒼  
苔老，絕壁霜寒薜荔紅。路轉後先人若失，泉殊高

下響難窮。亂源恰在巉巖裏，圮寺猶聞殘鐸風。

功德寺懷舊

荒寺頽檐覆短茨，風飄敗簾出疎籬。長松古殿還  
人世，勝友高秋復酒巵。舊事漫悲桑海變，老僧尚  
說歲華移。嶸崎惟有青山色，數點牆頭似昔時。

歸自玉泉道中

聞鐘回首望秋嵐，老翠深紅影碧潭。籬落荒墟臨  
古陌，稻畦塋逕類江南。烟霞幾處能偕侶，品壑何  
時得結庵。一派溪流從此去，風塵誰識玉泉甘。

寄懷惲道士

青箱堂詩集

卷之七 庚寅

九

白下重逢日，三年別後心。人從清夜夢，跡向野雲  
尋。薜荔高山徑，兼葭遠水林。思君不可見，寤寐憶  
清吟。

二

老去情偏放，乾坤一釣簑。江湖容醉客，今古付狂  
歌。悵望雲天渺，相思秋水多。他時遂幽訪，何處覓  
烟蘿。

聞李忠軒之逝詩以紀悲

憶昔金陵去，窮途仗子多。方期隨佩綬，却復散干  
戈。涕淚中原事，銷魂萬里歌。自今江海上，惆悵向

南波

送宋轅文督學七閣

開州在昔本多材  
藻鑑高懸丹陛陴  
迴瘴癘雲空三  
秀靜芙蓉雨過九  
峯周時閣復遇張  
華至興學重  
瞻常袞來牛女星  
明聯紫極光  
茫應自接三台  
讀米吉上九日同  
張雲縉孝廉泛舟  
登高詩

寄懷兼訊雲縉

佳節相思快有隣  
高天悵望雁飛頻  
妬君盃酒登  
臨日媿我風塵  
不子人萬事蹉跎  
羞短髮千秋磊  
落付寒濱  
月明霜白兼葭  
老何得扁舟共  
問津

青箱堂詩集

卷之七 庚寅

十

冬日寄懷劉借庵

問道學禪常閉關  
此生應不嘆多艱  
沼吳霸越從  
人說脫兔飛鴻  
且自閒清夜幾  
空浮世夢十年  
可  
是舊時顏  
何能杖笠隨君  
去燈盡鐘高  
雪滿山

歲暮寄懷梁玉立

揮杯恰值梅花放  
寥落偏思千里人  
噓此冰霜催  
蜡臘妬他羔  
韭遠風塵幾  
時杖履追清夢  
却傷雲  
巖作好鄰  
開戶莫愁今古  
事糟床石鼎  
自藏春

二

資身草草歲時遷  
磊砢行藏不怨天  
淩夜孤吟常

暗哭浮生多悔欲  
逃禪逢人且喜談  
前史閱世何  
勞善卜算終久  
期情棲古巖當  
門瀑布雨溪烟

送胡體舜真定度歲

日歸西望白雲  
思歸去猶然  
是客游馬首  
清霜馳  
鉅鹿雞聲曉  
月渡盧溝  
功名抵掌留  
荒塞時事  
肝  
衡付白頭  
莫嘆旅中  
逢改歲  
室家宴樂  
亦良謀

次北仙韻卽贈

縹緲瓊廬繞雪  
濤人間何處  
薦溪毛幽品  
靜對卽  
書在絕壑  
閑看挂臂  
猱種玉披雲  
尋橋圃  
劖苓沿  
月過松臯  
神仙多在  
蒼茫外  
世上空傳  
青鳥翺

青箱堂詩集

卷之七 庚寅

十

除夕

流光憐老大  
風物憶從前  
此夕猶今歲  
明朝說去  
年閱時心  
不住逐境  
俗難捐  
骨肉耽和  
樂持觴待  
曉天

青箱堂詩集卷之七

宛平下宗簡著

萊陽宋 宛定

門人李 灼較

辛卯

王正四日雪

三冬無片雪春至始飛花  
裊裊含風色輝輝映歲  
華倚樓山突兀俯檻竹  
欹斜萬井寒烟滿淒涼  
冷暮笳

二

青箱堂詩集

卷之七 辛卯

十三

委積盈堦人翻絳向夜  
侵人歸雙屐滑門閉一  
燈淩鶴集瑤臺月花飄  
瓊樹林鳳城春寂寂玉  
漏九霄沉

雪期青壇不至却寄

問君何所事高臥興偏  
多未就剡溪棹翻思郢  
客歌舉杯空黯淡顧影  
自婆娑莫負西山約凝  
瑛掛薜蘿

慰宋玉叔

今年春色何偏遲念子  
徬徨中夜思自是提幡  
成貝錦莫疑謫詠嫉蛾  
眉燈懸拊飲如灑酒花  
綻期

吟絕妙詞休使好懷蕭索甚 聖朝終不啻南箕

上元立春

正月十五葭灰飛恰逢  
今歲年未過春隨燈火  
千門起月上風雲萬里  
開綠蕙光搖和靄動星  
橋香轉暗塵來韶華永  
夜歡相向玉漏金疊莫  
漫催

二

京國逢春風尚嚴芳辰  
燈夕適相兼辛盤舊俗  
陳生菜玉陛新恩罷進  
柑萬事空隨雲物換百  
年已半髻華添九衢歌  
舞占豐瑞坐對梅花詩  
自拈

吳巨手言其已齋之勝賦贈

青箱堂詩集

卷之七 辛卯

十三

聞說幽濱際珠林居士  
家寂非彭澤柳俗絕武  
陵花曲檻青松老閒庭  
紫燕斜佛光開也字月  
上淨窓紗

二 巨手內  
子善詩

欲倚冥鴻去秋涇逕自  
淡簫翻多至樂琴瑟有  
清音似得烟霞趣偏宜  
水月心一方天浩淼何  
日遂幽尋

齊 袁丹叔小飲齋中 談及改革時

事丹叔將賣詔閣中

蓬門喧暮鵲將客坐看  
燈酌酒歡今夕論詩快  
得

朋游名原是累小節豈堪稱莫說當年事沾襟不  
自勝

皇華君人去恨別暗歌聞春已迎仙訪恩光動百  
蠻鶯花十里夢烟南萬重山且共樽前醉風塵別  
客顏

### 暮登白堊望舊居

古堊爲鄰舊今來似異鄉晚霞懸日紫烟柳逐春  
黃履下鐘聲過街前市徑荒浮生誰去住何處著  
淒涼

青箱堂詩集 卷之七 辛卯 古

### 懷賴宇肩

苦憶同門契風塵幾定居十年雙鯉斷萬里故人  
疎怪我懷難釋知君夢有初何時巖壑裏花下伴  
樵漁

### 送孫枚先奉常祭告禹陵南海

絳節仙槎霄漢來北遊萬里亦雄哉肇禋特命祠  
官長攬勝原推大雅才駕鶴真人何處去秘圖千  
載待誰開知君乘興多吟咏日月光華矚上台

### 寄贈中昆盟

珠陵雲擾後寤寐憶君多吾道存薇蕨風塵亂薜

蘿遐心棲大麓清夢越漳河何日偕瓢笠幽品聽  
浩歌

### 二 尊公素園 殉國難

知子承家學孤貞千古光氣常爭日月名豈變滄  
桑人自詩書遠心從烟水長高風不可即洄溯悵  
蒼蒼

### 陳默公錢武子宋旣庭過集齋中

四海論交姓字聞風塵阻絕幾離羣天涯在昔稱  
知己坐上于今有數君酌酒抗言休論世尋山何  
日共看雲人生握手知能幾好記今宵醉夜分

青箱堂詩集 卷之七 辛卯 五

### 葺居

遠市幸同村墅僻溪門最喜戶庭幽偶因綠竹添  
廻檻却爲青山葺小樓輦轂依棲聊仕隱圖書游  
泳亦嘉謀餘生無復多奇好月嘯花吟何所求

### 二

無地堪依學種瓜乾坤逆旅莫深嗟插籬只可開  
三徑築室須容貯五車式穀儉勤期裕後紹先清  
白足傳家著書自笑身將隱慚倚金門老歲華

### 送王覺斯先生祭告西嶽岷江

盛世敦嘉祀懷柔及百神名山藏秘簡古帝重精

煙玉女峰頭雪桃花溪上春興來揮翰處川嶽勒銘新

二

萬里星軺路奇遊快風緣嶽蓮懸兩簪劍闕俯江  
烟遙想驚人句應同白雪傳馳情依落雁花滿錦  
官前

盛順伯偶來都下適歸

舊友多淪落君來倍黯然臨岐憐又別收淚憶當  
年急雨千山暮鳴蟬六月天故人如問訊爲道尚

棲燕

青箱堂詩集

卷之七

辛卯

其

二

歸去怕多適高風未可攀遐思誰獨遠老美爾能  
閒蘆荻舟偏繞松筠門白關有時看雁北望斷幾  
重山

問岳明海築秋舫齋垂成

聞君築室繞蒲菰高臥晴窓傲五湖烟柳池圍成  
浪否雲峰簾捲送青無楸枰客至宜邀月藜杖孤  
行莫擾鳬好句驚人須共賞思從城市見蓬壺

夏日青壇琤佩吉津若侯偶遇

庭樹涼生三伏秋客來新月正當樓疎簾欲動蕭

湘雨濺徑翻疑崑崙幽吾道固宜逢世拙青樽且  
喜故人留他年若結烟霞侶荻岸花谿一釣舟

送周西侯還太倉并寄二爲逸休

送子還吳去翻濺憶舊悲山川千里夢風雨一舟  
時朝市人多異烟霞性不移兼葭秋水渺白露繁  
遐思

鳥聲

綿蠻何處鳥下上繞高枝到耳驚曾聽溪山憶昔  
時花開人夢覺門閉午陰遲飛向幽林去還音繫  
遠思

青箱堂詩集

卷之七

辛卯

十七

徐望仁招飲水亭

鳳城芳草岸敞閣碧溪灣河廣平臨砌窓空高見  
山人來塵世外鳬起綠藻間莫美江湖客風波多  
不閒

二

文武稱元老乾坤幾大賢壯猶百戰後朋輩一樽  
前桐下聞敲奕汀邊喚采蓮丹丘人世內黃髮風  
池仙

送高琤珮學士典試江南

南國文衡重鑒坡學士來六朝詞賦手一代應劉

才秀孽龍螭迴雄觀天塹開好收江陸輩莫使老蒿萊

二

帝命掄才切星軺觸暑行避人辭報謁送別罷稱觥  
硃硯多藏偽驪黃無飾名知君持藻鑑千里月同明

七夕閨人問乞巧事爲述其意

暮謁凝兮雲握垂龍鸞欲駕河鼓低陳瓜惟祝蟾  
子絲稱材多藝妾不願願賜壺闥無非儀

二

玉繩爛兮銀漢光莎雞鳴埜聲如簧香粉散祀向  
中堂哆張貝錦妾不願願賜寡默言有章

三

夕露瑩兮碧空淨纖月斜飛光初映綵樓穿針勤  
請命冶容善態妾不願願賜淑慎彌其性

四

鳳律秋兮水生波玉匣懸衣振綺羅天街七襄終  
宵過刺繡裁鸞妾不願願賜織紵歲工多

李梅公爲李黼臣復故園祀其先人銀臺公

次韻寄贈

疎柳團荒竹橫橋俯碧流雲來迷複逕客至起鳴  
鳩事逐年華變人從德業流瞻依如有在烟景復  
林丘

二

滄桑多怪事泉壑憶前盟不見當窓石空聞隔陌  
鶯莫言天道杳仍與故人行何日扁舟過松筠盛  
素情

張中柱遊西山歸問之

西山是我頻遊地君去翻慚未得同境歷淺深勞  
想像夢隨登躋入高空寒松脫木應加翠霜葉重  
青箱堂詩集 卷之七 辛卯 十九

陽幾倍紅次第泉巖何處最退尋佳句調多工

哭張百嶼

方期輟卽北何意計音來鳳署思相倚雄文快獨  
裁西風催落木寒雨鎖荒臺門閉經過處蕭然更  
可哀

嚴方公過譚

感慨悲今昔相逢短髮侵馳驅多難日聚散古人  
心不敢矜微尚徒然事苦吟青山盟舊負蘭芷氣  
方淡

懷玉立



烟飛木脫望徘徊渺渺雲山夕照開思夢欲隨南  
雁去別君又值朔風來將無嗜古情增壯定有新  
文體獨裁錦字何時傳薊北上林花發待銜來

夜鐘

清鐘聞枕上浮世幾人驚萬籟與俱寂孤情何處  
生徘徊來古寺縹緲越層城此際應非夢星高曉  
月明

青箱堂詩集卷之七

宛平王崇簡著

萊陽宋琬定

門人李爓較

壬辰

當前

壯心空復爾世事漫多驚感舊逢嘉節懷人憶送  
行晴簷雙鵲過虛室一梅橫莫負當前意徒令慨  
嘆生

東青壇若侯

蓬轉憐身世交存賴汝余漫驚聞見事試閱古今  
書入世何妨拙忘機莫若疎是非堪一笑况已媿  
樵漁

春日憶舊

携笈就僧居春風二月初曉鶯驅幻夢夜雨摘新  
蔬于塾學鋤麥臨流觀打魚不眠松月下雁影落  
前除

二

一園春色好烟柳鎖重重獨坐松陰轉人來花下  
逢剪燈驚話舊掩卷笑聞鐘更有超然興登臺望

遠峰

三

庭院春深日幽花倚曲欄  
鳥鳴清晝靜月下小窓  
寒刺繡停針說殘粧取鏡看  
至今腸斷處雙鷺晚  
雲端

四

春山多澹秀獨往倍依依  
磬歇千峰寂花開一雁  
飛選泉隨意坐落日不知歸  
雅欲棲崑壑心期恨  
尚違

送唐濟武檢討歸淄川

青箱堂詩集

卷之七 壬辰

五

大雅于斯在高名播九州  
從來激烈士偏有古今  
愁白眼情應怨青山夢亦幽  
知君不自足何以助  
嘉謀

答吳幼洪見寄

十年憶舊歎離羣千里雙魚寄素文  
昔日風塵勞  
顧問別來潦倒媿相聞清溪放艇啼黃鳥濁酒看  
山對白雲青史高名誰得似諫書盈篋莫須焚

初夏偕答吳玉叔卜周堯叟遊摩訶菴步王

叔韻

不到禪房久重來望茂林漫驚階下竹還憶壁間

琴烟聚松陰合燈懸畫漏殘淹留遲日暮鐘磬有餘音

送王貞明歸金閭

長安四月亂啼鶯有客縈思故國情  
嬾坐我茅屋下酒闌意氣高呼喚憶昔寺人竊國柄  
正人貞士多致命斜封半夜出國門四海遑遑縱騎橫  
吳門亦及周忠介宣詔使者強扭械書生慟哭百姓憤  
亂擊奸徒一時壞爾時仗義偕我友依稀記得王子首  
興言及此君不語但呼青衣酌大斗興來爲我盡山水  
垂簾燕市日移晷鴻濛獨闢屋壑生

青箱堂詩集

卷之七 壬辰

五

隱秀蒼雄具神理我持此畫懸空堂日夕如在高山  
傍君歸自有真林壑風塵笑我何徬徨

送周農父

蕭然無不可四海一書生今古懷多恨風塵快獨醒  
年來無舊業何處可歸耕烟雨青山外淒涼憶去程

寄懷楊冰如

夢繞蘭陵路重陽細雨時挑燈留故友拭淚賦新詩  
雲水空吾道風塵化鬢絲感君頻勗我錦字寄遐思

懷宋其武

十年雙鯉斷何處寄知音辛苦賦中語艱危別後  
心夢馳湖水濶人在柳烟淡爲想陶然際憂時望  
夕岑

寄懷倫伯式

何道能招我溪山太古初懷人驚歲月閱世識盈  
虛知勇杯中物行藏架上書自期隨杖笠同釣漆  
河漁

將秋

誰言殘暑烈青簾怯宵眠一夜風難定千峰雨尚  
青箱堂詩集 卷之七 壬辰 二

懸疎花凝曉露落日淡高烟不覺幽窓下蕉陰過  
幾輒

立秋日陸集生吳玉隨張幼安小集

夢寐亦何久晤言偶爾同簾陰移永日梧葉動秋  
風吾道滄江上人情金盡中莫愁歸路暝新月在  
高空

登衍法寺閣因望舊居廢址

巍然餘一閣獨上倍含愁萬蝶烟涵日千峰雨送  
秋諸天陰壁下老樹峭攔浮舊里家何處荒荆徧  
堊丘

寄郭崑禮將軍

昨年憶別自京畿萬里關山尺素稀寶瑟花朝人  
欲醉錦裘雪夜獵初歸彈棋賭墅嫌歌誤橫欄題  
詩顧雁飛倘憶河橋分袂處帝城楊柳夢依依

送蔣虎臣假歸兼寄尊公楚珍

不盡悲秋意何堪送子行蒹葭千里暮烟雨一帆  
輕雁自江天遠雲依鳳沼明畫堂春酒熟綵筆憶  
縱橫

秋興答李又白

疎狂偷歲月白日照幽閒詞賦慚無補橐鞬老未  
青箱堂詩集 卷之七 壬辰 五

嫻秋風欺短髮暮靄冷西山欲去烟霞外蒹葭水  
數灣

二

最憐逢世嬾出處已多誣怪事何常少浮名不若  
無清鐘千嶂晚明月一村孤莫作悲秋客吾儕自  
酒徒

宮紫玄偶來都下感而有贈

歲月移曩志風塵化素心眷言南國彥卓犖如崑  
岑雅懷振墳典方義矢照臨定交獻策時喪亂迫  
分襟秣陵風雪夜草草各悲吟寒暑八九易潦倒

愧至今重飲燕市酒回首歎升沉坐我空堂上爲  
我理素琴冷冷變商徵泫然感清音不敢淹高轍  
欲別愁商參四山秋色好與子且幽尋雲中雙黃  
鵠飛飛入上林

送宮紫玄旋里

嚴霜驚脫木飄風來朔漠歸客將脂車中心悲離  
索天空鴈影高古道慨落寞風義凌青霞不負蘭  
蕙約鼓枻入花源雲根種百藥旨酒上高堂承歡  
秉翟籥明月照徜徉獨吟登山閣仰視高雲飛俯  
視縑塵落

青箱堂詩集

卷之七 壬辰

五

范烈女

古人何嘗今日在今日何嘗古人死死者人之所  
不免千秋旦夕在人耳艱貞不奪如赤石輕塵弱  
草何足擬從一而終世所知縱辭自解多詖詭滿  
城范女年十九許聘未嫁喪其偶流俗豈必矢靡  
他含悲赴弔難其母題詩仰藥往拜姑死則同穴  
志不苟可死不死嘆失時一死如生千古久鬼神  
亦爲泣幽魄庭前海棠一夕白

寄贈黃上枝

慨昔遭寇氛奔騰向南徙夙交多白眼千人還自

耻浪跡同萍梗偶爾逢膠水顧我同年友蘊生曰  
黃子慇懃締袍袍意流離有因倚二三君子儔謂侯  
王內三稱我舊知已開樽爲拭淚招魂餌芳旨悲  
歌未浹句驚散江邊壘風塵天地昏良友半生死  
從弟字上枝赴桓達書史大義凜星霜抱節歸桑  
梓經營祖父葬馬鬣歸然起移忠作孝情孤哀有  
至理余亦念丘壠遑遑旋故里撫躬何可道臨風  
懷彼美

暮秋飲張舉之草草園

卜夜容疎放雙扉向菊開空塔新月上濁酒故人  
青箱堂詩集

卷之七 壬辰

五

來梧老秋聲急霜清暮角哀妬君微醉後書畫寄  
徘徊

送党于姜大司農賜告歸老

玄雲鬱廣漠朔風冷朝暉達人攬素懷悲念曩志  
違乘時濟物心千秋諒者稀時艱未可去臣老固  
宜歸知止庶無殆非徒甘息機端諒荷寵錫是以  
有袞衣焜煌出國門四牡去駉駉相彼梧枳間鳳  
鳥爲高飛斥鴳翔蓬蒿安知千仞輝

送曹真卿還寓金陵

憐君四海客去住尚無依故國來爲寓他鄉反是

歸千山飛暮雪匹馬逐寒暉舊識如相問言子風  
願違

寄赤豹

行遜依何處蕭條歲序過蘆中誰寄託土室漫高  
歌雙屐尋幽倦孤帆閱世多清宵聞漏曉尚否憶  
鳴珂

臘八日雪憶宋九青

憶昔憐嘉節相思偶叩扉樽開詩各就簾捲雪初  
飛把臂人何往知音事已稀感時懷舊好莫怪欲  
沾衣

青箱堂詩集

卷之七 壬辰

三

臘之未望漏沉人寂月淨霜明悄然興懷偶

爾成咏

淡夜慮何向觀心靜後清好奇如意少多福不宜  
生寒漏懸風寂重門閉月明鐘聲何處落縹緲風  
皇城

二

一身多所昧未敢學疎狂遠慮憐晁錯趨和億鄭  
莊爲慚老馬步空美莖鷗翔寂寂霜華淨參橫夜  
正長

憶昔

少年昧遠慮暇豫歲時過盡角烟郊獵銀筆雪夜  
歌讀書章句畧遇事性情多爛熳天真意于今憶  
若何

青箱堂詩集

卷之七 壬辰

三

青箱堂詩集卷之八

宛平王崇簡著

雲間張安茂較

癸巳

青壇念東古津玉立潛柱宴集

不覺年華劇春正九日來駒鳴嘉客至雪霽凍雲  
開祈福前爲壽論文更進杯扳留聊物賞燈影照  
疎梅

上元前夕作

元宵舊俗歡仍在燕市遊人先夕催一片風光乘  
青箱堂詩集

卷之八 癸巳

月上幾重春色逐燈來鼓聲搔亂層城動花影參  
差火樹開深夜漫勞思秉燭蘭膏處處照人回

送張子美督學兩浙

蘭省文光接上台驪歌欲唱復徘徊仙舟日向鶯  
花轉越嶠人瞻斗嶽來絳帳橫經召下士冰壺升  
秀不羣才知君佳興探奇隱萬壑千峰佐舉杯

寄王烟客

緱山先生與先人戊子同籍

別子十年久馳情烟水濱石交懷夙好蘭譜仰前  
人歲月楓杉老圖書聞見新舊多丘壑興落筆遠  
風塵

二

鷓鴣前朝侶千秋志不移幽情應入畫生事付栽  
詩漁艇平林月春雲小閣卮鼎羹貽澤遠燕翼永  
風規

偶吟

偶吟懷抱笑迂疎庭院幽閒二月餘半榻松筠人  
夢後一簾風雨雁來初休譏曼倩金門隱難學長  
沙痛哭書轉眼林光春色好攀花藉草醉前除

送戴巖聲少司農參政南陽

意外爲斯別塞帷擁旆旌鶯花千里路風雨一編

青箱堂詩集

卷之八 癸巳

二

書地闢干戈後人歸狐兔餘瘡痍煩補救德意布  
閭閻

二

况值仲春時河橋柳復垂送君何以贈握手一吟  
詩好自安杯酌休爲染髻絲山川音問遠古道是  
心期

介嚴子問尊人

衡泌棲遲久風塵隔草堂舉杯歲月閱世幾滄  
桑原上飛鴿寂圖中老棣芳  
其仲季先後題最  
爲盡其像一卷中  
宜芥鹿靜常照薜蘿裳

二

中年爲學佛，早歲總能文。高臥千峰雪，門開萬畝  
雲。悟來無代謝，醉裏薄聲聞。堂背芝蘭秀，亭亭自  
作羣。

送羅篁菴歸省金陵

烟雨橫天班馬鳴，河橋折柳不勝情。詞臣歸省恩  
光迴，壽母欣瞻寵命榮。鳳暑鶯花回曉夢，畫船鼓  
吹泊江城。憑君爲告秦淮水，媿逐風塵負素盟。

吳岱觀慈仁寺寓齋

邁跡棲蘭若，空林羨鳥飛。青畦開一徑，白日閉雙

青箱堂詩集

卷之八 癸巳

三

扉。忽念人間世，何知是耶非。看君玄遠意，忍負薜  
蘿衣。

二

揮杯獨酌罷，放步意參差。花向春前老，松生雪後  
姿。高雲忘出處，閑夢悟公私。今古方如此，清鐘日  
又移。

贈張玉調賜歸

劍履辭榮去，丘園樂有初。欄滋新長藥，林積舊藏  
書。雲日明丹壑，風篁徹紫虛。息機達者事，懷抱自  
悠如。

二

壯志何堪說，歸歟髮尚玄。寤歌清夢後，閱世把杯  
前。晝靜巢松鶴，雲深種杏田。東山絲竹好，瀟散引  
遐年。

異井行爲張玉調賦

甲聲震地馳封豕，永寧城外沙塵紫。赫業嚴城一  
旦摧，男奔女繫逢屯否。張君壯猷勲最高，數破賊  
兵賊切齒。城破羣呼莫，令逃職非守土甘一死。烈  
烈英風付井泉，井水五尺翼之起。有毀坎適容  
身，主僕二人聊因倚。賊復執炬照井中，翻得火屑

青箱堂詩集

卷之八 癸巳

四

吞。如旨何事老嫗臨井汲，挈僕遇賊指爲子。旋值  
義僕三兩人，掖之出井奔荒壘。火光示異若有神，  
脫身始走壘。遭燬嗚呼此井真，有異君其再拜問  
井水。

送方生牧

執手河橋側，依依柳色新。詩書千古業，風雨夢中  
人。自好逢迎拙，偏宜意氣真。山川雖浩渺，莫阻雁  
書頻。

送王願五告歸

揮手登舟去，迢迢烟靄中。豈爲材見棄，不信宦能

工夜雨江花暗秋風山樹紅蒼茫巖壑外落日望歸鴻

二

天地原非窄春秋代序情漁人憐屈子野馬悟莊生懷古千秋變高歌片月明龍眠山下路幾度聽樵聲

吳岱觀韓聖秋魯仲展

胡敬懋小集

長安又得共街卮雨過湘簾綠樹垂欲語不堪聞舊事相逢且喜誦新詩江南賦就英雄淚澤畔吟枯烈士思白石青蘿重燼下杖瓢藉草是何時

青箱堂詩集

卷之八 癸巳

五

憶王覺斯前輩

雨歇燈低參半橫感懷知已憶先生漫言濁酒酣歌日何異溪山痛哭情劍履當年風已遠松楸長夜月空明奇文老筆人間在留得千秋博雅名

莫笑

一身幾許讓人問雜沓風塵變舊顏習隱未嘗忘綠埜千名久已愧青山茶烟故繞晴林下午夢驚回鳥語問莫笑垂綸何處去扁舟自有萬重灣

閒居

栖栖依舊里城市亦山家臥起心多遠隱開日每

斜朝雲容易變白髮故相加却洗風塵目悠然對槿花

所懷

所懷嘗不一多被世情欺歷險徒知悔臨危已誤疑林泉無稷契漁佃有巢義別具千秋淚沾襟欲向誰

無咎

豈得日無咎身閑耳目清徒然耽自逸敢謂薄時榮啼鳥枝邊下新蕉窗半橫不知日已午高枕夢泉聲

青箱堂詩集

卷之八 癸巳

六

獨坐

獨坐閒園草色新疎簾晝下淨無塵蒼苔雨過橫侵徑灌木陰來遠借鄰不擬將心防涉世祇期隨境托微身樓頭更有青山好朝夕逢迎是故人

送李卿子兼寄去病

寤寐思君入蒹葭剡湖間相逢歌白雪欲別盡青山海樹秋風冷江雲晚照閑寄言衡泌友蘿薜可容攀

睡起

僕僕風塵點鬢華七年如客始還家幽窓午夢人



初醒日影西移夜合花

芝麓荔裳雨中過飲家舫

幽林夢覺自蓬蓬嘉客頻來訪素居積潦已湮離  
下徑好懷偏駕雨中車占晴無術惟荒酒快論逢  
君勝讀書簾影瀟湘風欲動倚欄歌竹半扶疎

二

徧地莓苔老欲紅濕雲氤氲若鴻濛半航客坐愁  
蘆外六月秋來風雨中照席疎花藏宿靄隔牆歌  
樹挂殘虹樓臺更有登臨約皓魄清宵滿碧空

哭岳朋海

青箱堂詩集

卷之八 癸巳

七

何期君又歿那得不沾巾昔日同升友今存尚幾  
人榮枯難置問生死豈堪論愁到西林下溪溪徒  
綠蘋

三

六十非云壽如君倍可嗟高文垂宇宙至性寄烟  
霞秋舫留明月漁塘空落花百年鼎鼎內萬化逐  
昏鴉

三

酒淚過庭院餘紅飛故叢閨齋冷白日奇字哭秋  
風卓犖塵埃外瀟疎古道中呼君不可見是否得

幽通

四

斯人今已矣風雨嘆淒淒業著千秋下魂歸華嶽  
西圖書貽穉子荆布泣溪閨數畝荒田在飄搖望  
欲迷

送王金章歸養

洛下辭榮客萊衣勝錦袍老親安澹約世路任風  
濤野店閒花落長河秋浪高中原豺虎靜莫惜著  
書勞

二

青箱堂詩集

卷之八 癸巳

八

卷懷君又去况復值秋臨白眼存吾道青峰慰壯  
心冥冥鴻自遠栩栩蝶來溪放逸恣幽討空山明  
月林

送范介子

西風何事不堪悲况復清尊賦別離京國暫辭休  
折柳竹花欲去各題詩大河秋色鳴笳外落日中  
原雁度時若問故人相憶處落霞渺渺晚峰移

送喬肖寰

垂老與君別何堪折柳枝關河客夢遠風雨馬行  
遲野鷺兼寒靄秋光催髮絲東山清興好掩徑且

吟詩

偶出郊外高念東過訪留詩依韻率答

偶從郊野覓新涼不意軒車過夕陽檻外蜺無象  
石韻座中賴有草花香鴻飛尚爾風塵際鶴舉何  
時海嶠有木早祇今需燮理如君豈得隱東牆

再答念東

蕭蕭梧竹晚生涼漫說遊山愧孟陽浮世一時潛  
見跡幾人千載姓名香幽盟久在青峰下白眼何  
妨燕市有君念草堂能再過傾尊明月過鄰牆

送梁析木守饒州

青箱堂詩集

卷之八 癸巳

九

白蘆紅樹盡秋光綬綰銅符向豫章好使子遺安  
市獄莫令千古獨龔黃一尊風雨迷征夢萬里雲  
山憶故鄉伯仲相逢如問訊仲木公秋時寓寶應憑君爲道  
獎多霜

二

登舟執手意何如况復秋當八月初骨肉弟兄君  
又別風塵聚散計多疎鄱江鳴雁隨仙棹匡岳梅  
花照使車自有先人遺惠在中丞公昔監司其地復聞歌頌

徧田廬

送張垺識之編修兵備武昌

如子年方少才名著鳳池紀綱君命重謠詠物情  
疑萬木經秋色荒烟向暮時丈夫期樹立岐路豈  
堪悲

二

數行鴻雁外班馬去悠悠前路幾回首臨風莫漫  
愁天連赤壁遠月照洞庭秋送子偏多感歸來罷  
倚樓

送李素心督學中州

十載中原地蕭條尚草萊干戈百戰後經術一人  
來淇水秋宵月梁園雪夜杯知君懸藻鑑幾薦洛  
陽才

青箱堂詩集

卷之八 癸巳

十

二

鳳城衰柳外客路正秋風野水荒田白斜陽古戍  
紅寒暉催去馬細雨逐飛鴻寥落論交意芳樽何  
日同

癸巳中秋

今年當此夕節序已高秋把酒看明月呼兒共倚  
樓碧空高不盡銀漢影難流莫惜淡宵冷湘簾不  
上鉤

二

那獨中秋月無家不醉歌逾斯寒欲甚前此暑猶  
多萬古恒今夕人生奈老何空階坐不寐天際一  
鴻過

送諸陶叟督學關西

四牡駢馳霜滿林漢關西望動高吟雲空華嶽三  
峰秀雁度涇河秋色滾運轉戈鋌逢道秦人歸禮  
樂仰師臨知君冰鑑橫今古桃李春風幾奏琴

送喬白山歸養

砧杵聲中晚西風八月寒幾人同失意君又去長  
安古驛黃花發荒林白露薄千秋吾道在膝下好  
青箱堂詩集

卷之八 癸巳

十一

承歡

送邵凌玉督學楚中

把袂難爲別河橋見雁過驅車千里外回首夕陽  
多明月憐相悲青尊奏郢歌雞鳴風雨後古道復  
如何

二

楚國雄風舊斯文千載留千戈經百戰蘭茝自多  
幽山色芙蓉冷烟波鸚鵡愁相思從此始江水日  
悠悠

秋來

澹澹烟光靜素雲鴻高蛩細詎傷神只緣世變多  
悲遇豈必秋來獨感人斜屋幾重紅葉樹亂山淡  
處白雲津自憐林壑蕭疎致媿向風塵覓笑顰

成相公招登新樓

飛樓縹緲四無鄰秋色迢遙入望新拂棟雲如迎  
劍鳥憑虛身已出風塵幾行雁影偏侵檻一片山  
光獨傲人北極氤氲天尺五蒼烟暮靄倍嶙峋

九日來青軒同荔裳

獨據登高勝虛亭倚暮霞客裝携濁酒僧舍有黃  
花蒼靄橫空斷寒巖落照斜秋光看不定搖曳盡  
青箱堂詩集

卷之八 癸巳

十三

霜華

由栢路上洪光寺

幾度登斯徑今來踏暮烟雲流千栢暗風定一鐘  
懸落日飛黃葉空山響亂泉舊遊僧尚記爲說又  
三年

碧雲寺龍湫

看山無盡意來爲一泉留石下穿雲出松間遶砌  
流清添茶色嫩冷滴夢魂幽月照寒光靜諸天或  
夜遊

以佛寺水源憶舊遊

尋源來古寺荒石徑難通澗水依然碧霜林已脫  
紅昔遊人屢異懷舊感多同坐玩姿蘿晚蕭蕭鈴  
鐸風

過萬明寺感舊示僧體玄

昔曾携笈傍僧居十載重來兵燹餘尚有孤燈懸  
白日猶然雙樹映前除疎籬掩徑開荒圃寒水依  
城遶廢墟怪爾相逢含笑說壁間不見蝕殘書

初雪

雖冬猶九月應候雪何宜遇物輕密影因風無定  
姿閨堦消尚易歸鳥下還疑爲憶江南日霏霏似

青箱堂詩集

卷之八 癸巳

三

此時

冬日柬友

素尚慚何益幽居獨嘯歌年華窺鏡異世變閱書  
多低牖全涵日疎籬半結蘿故人暇日少能得幾  
回過

送宋荔裳吏部備兵秦州

朔風栗冽沙塵紫歲晚送君趣天水旗旄踟躕古  
道傍驟然一笑席上起朱幡能軼駟驅袍崢嶸氣  
竝霜天高丈夫樹立各有本垂名豈必獨天曹借  
君才大如淵阜開藩千里淨羣醜塞馬時銜苜蓿

花羗戎拜獻葡萄酒風流卓犖凌層雲坐進諸生  
更論文畫卦臺邊雪深閣臥龍山下春氤氳勸君  
莫說京華樂炎涼翻復智愧愕勸君莫說邊塞惡  
風霜涉歷多廊落如君自是邦家彥會須召見承  
明殿勳垂古績照黃河風塵醒醒何足美送君西  
去感慨重我昔曾瞻二華峰

冬日感懷

黯淡寒空莽自嗟門溪巷僻似山家嵐光曉放晴  
樓雪梅影春生昨夜花乘興莫如開綠蟻駐顏何  
必覓丹砂蕭條昔日同心侶幾處高歌倚暮笳

青箱堂詩集

卷之八 癸巳

古

送申鳧盟歸里

蒼蒼古道柳寒風逼歲除攀折欲爲贈中心多躊  
躇前子來國門豈欲曳長裾誰將先賢節臚列爲  
上書持茲勵世意豈爲阿私歟相向說微尚攬涕  
爲飲獻夏秋滯京華酒歌懷暫舒幽念眷巖穴駕  
彼凌霜車田疇淡烟影夕鴉起廢墟行道相慰藉  
雨雪歸敝廬昏旦恣探討縱心適所如羨彼晨風  
飛高翔計匪疎

冬夜

寂寂意何向怡然廢苦吟物情因世老時序入梅

歲方覺忌工拙無勞論古今夜闌清漏永霜月偏空林

雪夜

清懷耽寂寞雪夜况沉沉宿火烟難壯棲簷鳥自  
淡當前如在夢何處更爲心籬外蕭疎竹因風送  
好音

悼妾周姬

日月逼歲除風雪連宵聚慨我閨中人長眠竟不  
寤產子當三日陡爾一疾作宛轉終兩夕魂馳挽  
不住鏡奩膏猶香掩衣尚如故如何朝夕人生死

青箱堂詩集

卷之八 癸巳

十五

遂異路拮据度歲心事靡不具除夕與元旦徒  
滋淚頻數歸我方五年年方二十足嘗懷遺汝慮  
汝反先朝露汝時言不吉我曾向汝諭斯言倘成  
識何以慰衰暮豈期今果然何能起汝訴去年產  
一兒嬉笑方能步懷抱不暫離今何不復顧昔人  
悲遺掛此情難盡布痛絕生人心中懷如馳鴛何  
事不堪思五年如夢遇

青箱堂詩集卷之九

宛平王崇簡著

雲間宋徵璧較

甲午

年華

荏苒年華奈若何幸依輦轂可婆娑自嫌微尚閑  
情減惟願新聞 聖政多學道何妨終日醉坦懷  
不必擊壺歌春風吹入庭前樹轉眼花開滿故柯

堪憐

輾轉那堪懷去住徬徨不復辨西東狂呼欲挽月

青箱堂詩集

卷之九 甲午

一

沉海大笑期觀日再中雙眼逢人何處白衰顏借  
酒幾多紅堪憐巢燧黃虞業數語殘編上古風

亾妾禮佛樓下聞磬

逶迤樓徑接重軒繡佛居中日閉門經字不堪翻  
貝葉磬聲無奈遇黃昏垂簾燈影留餘想倚檻花  
枝識故痕果否皈依情尚在珊珊月下有來魂

元宵後感懷

周妾新亾

春來忽忽上元過無奈傷心觸目何縹緲彩雲眼  
底化稀微落月夢中多那堪更秉蘭閨燭不獨難  
聽錦瑟歌惆悵莫知嘉節去梅花依舊滿殘柯

觀周妾遺像

入室人如在傷心遺像懸素懷難向說幽意復何傳  
情况非臨鏡依稀豈各天花枝仍照戶香散故窓前

清明

懷人悲已久况復是清明徒嘆芳辰至翻增百緒生  
柳垂春若夢雨歇鳥多情方說休彈淚何堪雁數聲

春園雜咏

市廛漸遠類荒村靄靄晴光淡閉門調鶴插簾非  
青箱堂詩集 卷之九 甲午 二

俗務看山飲酒是君恩半山烟雨花偏好萬古英雄  
史幾存天地有情餘笑傲鶯啼簾捲日當軒

二

高下庭臺僻徑幽書開萬卷復何愁花間自註長生  
錄酒後思登百尺樓匪學嵇康能傲世漫悲李廣不  
封侯浮塵豈到華胥夢巢許誰曾笑白頭

送孫枚先假歸山東

丁年辭祿少司農四海人文仰岱宗功業古來推  
稷契林泉今日見夔龍春歸烟障橫天雁驛路花  
飛落日鐘惆悵久懷蓬島去他時杖笠或相逢

贈別胡彥遠

忽然有客來燕市却是十年夢裏人久向蒹葭懷  
遠度數從虞夏憶高隣掩扉翟籥難諧俗驅馬風  
塵却畏真又去千山絕壑外桃花雖徧不通津

二

相期與爾偕朝夕碧沼蒼巖老榭林千里雖分眼  
底路青山終訂百年心荒村烟雨孤燈黯幽閣鶯  
花一磬淡莫笑長安留滯客徒然魂夢望江岑

雨後感懷

繡幕培芳蘭詎云勝霜雪數載襲幽馨豈忍成摧  
青箱堂詩集 卷之九 甲午 三

折矧我同心人何堪忽死別去夏雨連宵中懷相  
向說此夕攬薄衾滴瀝增悽咽宛轉念今昔柔腸  
幾欲絕目張耳復鳴孤燈半明滅

看海棠行

鳳城西南報國寺海棠雙樹藏幽邃颺風怯雨上  
巳辰抽紅斂白色如醉燕京此花馳聲價韋祠爲  
最此爲亞奇姿不隨陵谷遷芳心歲與春風嫁殿  
前老松凌寒碧枝化虬螭根化石我來看花復看  
松松光蒼翠花光赤徘徊莫惜花易老乾坤誰不  
成草草酒酣歌臥花影中起來更覺松邊好於戲

松作主人花作友花何暫兮松何久

先母淑人忌日拜墓還過衍法寺閣下碑勒

先大夫記

日月幻化機萬物於榮落少者忽云老古人何可  
作緬懷三十年浮世幾哀樂惘惘掠心魂巍然存  
高閣雙樹蔭其前何如今與昨穹碑遺高文惘悵  
仰標格寂寞淡容與微風吹殘鐸

聽紫玄說草堂

寂寞意何向聞君說草堂雨中春水綠月上海雲  
黃萬卷花當牖孤燈酒滿觴無勞賦招隱應與共

青箱堂詩集

卷之九 甲午

四

翱翔

同青壇相國廣慧菴看牡丹

偶從車蓋適禪宮聞有名花綻好風徑未轉時香  
已逼坐來移日興多同幾回曾見今如昔相對忘  
言色卽空客散鳥還幽磬發老僧清夢夕陽中

黃子石招同青壇相國行屋學士飲呂學士

園亭

名園近市似山林賴爾招尋興倍淡求友適逢前  
輩在當歌獨怪舊愁侵疎簾冰簟遲佳日綠樹黃  
鸝送好音莫笑酒闌歸去晚鄰菴鐘磬送幽心

過紫玄不值却柬

吾徒久落落來訪子雲居但是逢君話何須多讀  
書簾垂白日靜鵲噪好風餘爲問草堂約春宵剪  
雨蔬

不遇蘭陔東之

掩徑從吾好思君走馬過幾人天地內雙眼古今  
多去酌誰家酒來觀壁上歌有懷歸未已惆悵閉  
青蘿

夏日東龔古公

舊里家何在君來是客居旅懷三徑竹宦業半牀

青箱堂詩集

卷之九 甲午

五

書運甕情應減襟著術豈疎北窓微醉後高枕卽  
黃初

東李玄一

多君雅自好迂濶閉門淡箕畢占農歲盈虛悟道  
心枕書一榻月把酒七絃琴莫漫嗟雙鬢蹉跎不  
自今

送紀百紫赴晉撫之聘

相見方憐晚其如仗策遊身偕孤劍老路入太行  
秋旅夢長河隔閑花客舍幽壽邊樓若在獨上倍  
含愁

二

西去三關渺斜陽百尺塵揮毫資畫諾借箸見經綸雲起恆山麓風來泌水濱晉唐流澤遠作賦弔前人

追送宮紫玄

送君難一語別去復含悽匹馬荒原外千山落日低朔風吹短髮孤夢妬鳴雞何地堪終隱中原厭鼓鼙

二

迢遙天際雁佇望但重岑荒戍斜陽角孤舟歲暮青箱堂詩集

卷之九

甲午

六

心人歸霜雪後路入海天濶春雨閉堂下花飛滿故林

三

長安來幾月歲晚復孤征人澹行藏靜身閒去住輕舟車淡客路風雪望江城何日重攜手青山聽鳥鳴

難忘

時雨當宵歇開簾值好風無言如有待孤興與誰同窓月依然白榴花何復紅難忘昨歲事共坐小軒東

李方州過訪

朝寢未興甘自放君來不覺出迎遲爲慚問字無能答但悔觀書多闕疑掩徑草堂清晝永高談古學六經宜茶鐺初沸淹留久柳影前除幾度移

散步

蕭閒無不可散步夕花陰亂日懷知已當年笑壯心世情緣悔淡山癖入秋深殘榻天階內雙星照獨銓

寄懷李梅公

綠野高眠後應知慮尚繁勤兵循兩粵治水復中

卷之九

甲午

七

原故國秋來雁懷人夜半猿花明微雨歇吟笑欲何言

二

使我牽情處因君注念深欲知今日事已獲古人

雲岑

雨夜

雨急雷殷雲欲垂芭蕉聲亂倍淒其何期今夕幽窓下愁憶昨年坐對時

東張月征



世事何常莫漫悲白雲蒼狗匪夷思賈生得遇徒  
前席李廣無功獨後期果否遭逢終是福誰云落  
魄竟無奇君來且酌樽中酒休負花明月好時

哭張中柱相國

患難餘生後馳驅聯袂時鑿坡瞻氣象螭陛著威  
儀幾度陪清宴何能再和詩每逢儔輩在浩歎不  
堪思

二

在日無他好讀書若不勝潛心規大業風蕙笑愚  
僧尚積盈几帙空懸禮佛燈清魂歸浩蕩水月照

青箱堂詩集

卷之九 甲午

八

虛澄

三

爲憶昨年夏高懷相念浚當君升鼎鼐適予退山  
林勸勉期強飯綢繆惠好音感斯知已意灑淚罷  
長吟

四

碧空何處去儒佛竟焉存一載絲綸業千秋竹帛  
痕彭殤無異致箕尾是遺魂鶴唳松楸晚蕭蕭冷

墓門

立秋前夕

日月如行邁年光逐水流烟雲催向暮風雨逼成  
秋宿鳥驚梧葉懷人倚畫樓浩然天地內何處著  
閒愁

送王蘭陔頌 詔南嶺

千家砧杵動秋聲仙客乘槎萬里行嶺嶠佇宣  
天子澤詠詒期上零都情驪歌悵悵斜陽晚烟景  
迷離湖水平歸日過庭春酒熟江天梅柳照稱觥

秋郊

郊圻殘柳外鳴蜩聚寒沙積潦高萍草荒畦老蓼  
花雲兼山欲亂天入野俱斜駐馬觀禾黍盈場有

青箱堂詩集

卷之九 甲午

九

幾家

二

野光看不定烟靄有無中寂寞高梁水蒼茫海淀  
風蒹葭迎日白薜荔亂秋紅華碣荒榛下何年古  
道東

中元過大佛寺公妾厝所

禪宮邃闕鎖秋陰孤觀蕭條小院深儻是清魂真  
有在何堪夜月滿空林

二

荒烟澹靄冷斜暉寂寞閒堦秋草肥佇立欲歸回

首處雙雙蛺蝶向人飛

楊堯叟讀書道院偕張介伯過談因懷舊友  
古廟樓高栢城陰倚落暉幽林暉獨噪野渚鶯雙  
飛徑僻風光肅心清視聽微因君懷往日欲去復  
依依

贈別賈如雲

汾湖漂泊日舟楫憶相依把臂交如故憑秋淚幾  
揮艱危酬短劍感慨賦無衣別後湖山渺頻看旅  
雁飛

青箱堂詩集

卷之九 甲午

十

燕市重來晤嶙峋志未消肝腸明似雪意氣舊凌  
霄把酒思橫槩臨風欲射鵰當秋君又去回首暮  
雲遙

秋夜

草根蟲語亂秋聲寂寂窓西月影橫不是舊愁拋  
未得清宵儘可適閒情

感懷

豈云乘鳳去不與旅鴻歸鼠坐空閨榻兒牽似母  
衣鏡花餘彷彿枕夢苦依稀愁見頻行處蕉陰廊  
下扉

送黃存是還無錫

孤艇蕭然去風塵分手難荒汀愁雁落旅夢聽雞  
殘尚志何妨隱高名豈必官錫山秋色好隨處把  
漁竿

送張月征歸浙東

黯然揮手去江海一歸人茅屋飛黃葉孤舟冷白  
蘋千峰堪獨往萬卷不爲貧莫使花臨水風塵得  
問津

二

青箱堂詩集

卷之九 甲午

十一

長安今又別還憶晤君初慘澹懷前事蕭條歸故  
廬若逢漁父問但說屈平疎迢遞冥鴻遠何時更  
寄書

三

不盡懷君意秋風獨立時閉門高柳月萬里故人  
思患難身空老科名世已移高山流水外好自覓  
心知

月夜

怕是清宵坐何堪月復明夜長增舊夢蛩細換秋  
聲檢藥防多病拈著笑此生難忘昨歲事滅燭靜  
鳴箏

夜坐聞笙

憶昔聞笙日，閑庭正落花。十年夢已往，深夜雁初斜。白露飛黃葉，青燈裊碧紗。風吹餘響去，惆悵又誰家。

送楊天揆還餘杭兼懷吳無稱孫嘉客嚴子問子餐

爲慮風塵阻，何期得晤君。相逢如入夢，幾日復離羣。客路黃花酒，家園紅樹雲。濟川時有待，且莫厭紛紛。

青箱堂詩集

卷之九 甲午

十三

昔避餘杭去，於今已十年。送君還故里，使我倍淒然。薜荔山中日，蒹葭秋後天。昔時塵外友，何處遂高眠。

寄友

聞子烟波外，巍然獨一樓。千峰延眺聽，萬卷紹箕裘。徑自桑麻遠，河臨枕席流。風塵成阻滯，何日遂淹留。

二

秋水蒹葭老，高湖處士家。絃歌消永日，風雨逐門斜。憶昔瞻堂構，思君美鹿車。綢繆懷世好，望斷暮

天霞

送領偉南

聞望當年久，悲歌適此時。且懷推古道，惜別賦新詩。砧杵秋城晚，烟波客舫遲。送君無可說，丘壑覩相期。

二

感遇何堪論，歸歟尚及秋。中原水患南，服鼓聲愁抵舍。猶逢菊思尊，罷倚樓故人。直北望天際，雁悠悠。

送

還橋李兼懷爾斐仲芳子木

青箱堂詩集

卷之九 甲午

十三

把酒論交晚，相逢瀕去時。帆移秋水濶，人立夕陽遲。未盡樽前語，翻淡別後思。因君懷舊好，雲樹倍淒其。

送楊質人還閩

雲水渺難極，孤舟落照前。送君歸故國，况是晚秋天。此別八千里，興思十二年。昔時聯轡友，幾處臥高烟。

二

豈是不得意，歸歟羨子行。千秋多大畧，尚志薄浮名。歲月關河晚，烟霞杖笠輕。莫言成契濶，回首月

同明

贈別黃心甫

有客飄然來帝京，吟騷歌雅動公卿。高懷久向詩中老，壯志偏于酒後輕。不媿鸞龍多事業，何須巢許託平生。孤槎又返江天去，藍荻蕭蕭霜月明。

送宋上木奉使山東便歸松江竝寄子建韓

文燕又宿來諸子

此別雖云暫，何堪秋正殘。海天鴻影斷，山驛葉聲乾。出處投時變，分離經亂難。歸當春酒熟，盡檻老

梅寒

青箱堂詩集

卷之九 甲午

西

二

風雨交情舊，臨岐憶有初。偶因送子去，念與故人疎。閱世溪山屐，籌時上古書。爲予勤問訊，過軸意何如。

和楊猶龍壬辰追送宮紫玄

今日送君去，西風秋又殘。壯懷空復老，孤劍幾回看。一艇繁霜曉，千門落葉寒。草堂清夢遠，尚否到長安。

二

壯遊輕去就如子，不憂貧糶鼓荒雞。夜梅花草闌

春修文拜石丈漉酒醉詩神盛世搜遺逸何能終  
隱淪

三

解纜秋光好，孤帆烟外青。遊蹤忘世態，歸不媿山靈。歲月書千卷，行藏月一亭。鳥鳴深窅窅，客至扣重扃。

九日

九日登高懶，遲回上小樓。夕陽千堞冷，烟景萬家秋。就菊依危檻，看山憶舊遊。月來微醉後，颯颯戶庭幽。

青箱堂詩集

卷之九 甲午

五

送趙友沂歸揚州分文舟湘三韻

寥落悲秋去，何堪復送君。雁迷寒岫雨，帆落野汀雲。閱世誰知己，逢時豈論文。當歌拔劍舞，不必惜離羣。

二

行藏無不可，別我下揚州。廿四橋邊月，三千里外舟。山川酬壯志，風雨妒高秋。豈是書生輩，蹉跎未足愁。

三

無術堪逢世，日歸非故鄉。狂來歌郢雪，醉後夢瀟

湘寒月霜華白飄風海氣黃知若回首切京國有  
高堂

冬夜

閉門冬又半感慨復何情舊夢悲歡雜餘生窮達  
輕酒歌今歲月書史古聰明補日憑良夜霜鐘遠  
寺聲

送高念東少宰歸省

清笳嘹唳北風吹况值歌驪欲別時珂散鳳池雙  
闕迴雪飛蓬島五雲垂歸田漫羨張平子藻鑑方  
推高孝基何事遐心今更切滾山十畝許相期

青箱堂詩集

卷之九 甲午

七

二

介操人傳閣聚書每懷定省意躊躇頻行願我歌  
招隱他日逢君賦卜居滄海鶴鳴霜夜月春山雲  
起杏花廬中朝奈有廉平望豈得遨遊戀鹿車

夜讀戴巖學豫州諸詩

栗冽寒威向夜瀉高空月冷霜覆瓦參差夢破几  
留燈凄淒倚徙梅花下光景矚人手一編開函字  
字邁騷雅鵬翼搏風勢方長燁燁霹靂飛寸掌雲  
璫葆羽古聲容輝光若引星辰上一經一緯多低  
回奇情怪魄自欣賞瑤卉誰能拾雲裳霞轍

手自緝搖碎五嶽氣未平逆挽瀕波海水立呼天  
踏地將告誰啾啾月黑鬼神泣漢魏晉唐何足羨  
倒翻今古開生面拓蕩心胸毀譽輕鏤肝鐫腎真  
鄙諺鐵笛臨風叫秋旻迴潭柳細春鶯轉靜夜雙  
眼福何多燈前拔劍舞婆娑

甲午守歲

守歲當今日新朝十一年舉觴開柏酒秉燭動春  
烟祝國祈多福籌身願寡愆管期逢泰運麗景正  
中天

青箱堂詩集

卷之九 甲午

七

宛平王崇簡著

雲間張安茂較

乙未

元日

雲物叶昌運年華喜復來  
新衡光七政寶曆慶三  
台御柳東風轉春城北斗迴  
太平今幸遇歌舞坐  
御杯

新歲作

歲星今更始蒼靈載引塗  
旭景麗青陽昭蘇匪一

青箱堂詩集

卷之十乙未

隅親交斂板賀往來多馳驅  
白間日皎皎左右陳  
銘圖童僕聽鳴鳥閉門笑我  
迂子弟偶來前舉觴  
進屠蘇高談無次第何莫非  
義虞

二

何莫非義虞冥心觀物造拳石  
自天然頑鈍臻壽  
考使彼智且敏豈能不衰老  
俛仰天地間春以冬  
為寶昨日梅花開何似未開  
好南山既有桎北山  
復有桎

三

北山復有桎化育自亨久和煦  
連發生梧櫚陌上

柳物榮各有期豈必競先後  
陽陽不執黃鳥烏不  
擊缶剪綵與鏤金風俗已  
芻狗嘉客不速來引翼  
祈大斗

四

引翼祈大斗還憶少年行  
嘉節良譙會酬酢弟與  
兄天衢馳寶馬燈側鳴銀  
箏日征而月邁笑伊何  
所營逐時聊行樂安論世  
上名念此恒欲醉燈月  
徧春城

卜周式之越之堯叟過飲

數子今猶在招尋閱歲華  
清尊開竹葉新調入梅

青箱堂詩集

卷之十乙未

花洛下當年社燕中舊世家  
况逢筵舞雪卜夜且  
停車

家弟雪夜燈飲

節序元宵近家園學夜游  
燈懸春滿屋簾捲雪盈  
樓酌酒祈多暇呼童試小  
謳莫辭通夜飲片月况  
當頭

春雨

佳氣催春令乘時靈雨零  
鳥聲當晝靜草色上階  
青欲臥披游記搜奇辨古  
銘晚來雲乍斂林外見  
涼星

游祖將軍園尋萬泉亭

名園寤寐久散步出郊野氣連天白烟痕到袖  
青詩藤蟠老樹春水泛空亭爲問泉邊寺村童指  
過汀

過李西涯相公墓

高粱橋北少禿木荒原春至風猶肅偶來大佛古  
寺西馬鬣高封巍然獨依稀記得閣老墳李公文  
正豐碑扑八十老僧言且謂春耕冬獵封泥敗碑  
文曾觀作記名都人王氏名文邁陵谷變遷百年  
多霜露何人來復拜我聞昂首重徘徊鳴雁一聲

青箱堂詩集

卷之十乙未

三

高空來眼前流峙等閒異敗隴何有臯夔才試問  
劉謝及豎壘誰賢誰愚同蒿萊風翰雲馬忽今古  
悲今弔古何其腐落日吹殘牧笛風幽夜幾見蒼  
煙舞寂寞黃昏鴉亂飛枯荻斷梗空烟雨

寄吳王鉉兼爲介觴

數載衡門下棲遲鸞鶴羣花淡迷伏鹿樹老宿流  
雲倚劍千秋氣揮毫百代文風塵多間阻何可挹  
清芬

二

別子時已久聞今六十來燈前書在手籬下坐脚

孟叢菊培雲護鱗松課子栽歲星明有潤霞表映  
三台

近畿道中

古道驅車去春淺水面風絲時茅屋外荒寺野林  
中雲起連山碧花開接戶紅嗷嗷盈路者何地集  
飛鴻

二

萬古輪蹄路征塵徧客衣山河迴禹甸日月擁周  
畿逆旅徒名利村農寡是非慚無十畝業風雨閉  
柴扉

青箱堂詩集

卷之十乙未

四

送呂見齋少宗伯歸里

花簇驪駒祖道徬鳳城柳色正蒼蒼廟廊暫去虛  
前席松菊猶存舊草堂碣石風來春雨白太行日  
落暮雲黃送君爲憶十年事幾向鑾坡對夕陽

二

兵燹餘生交倍淡分攜那得不沾襟鳴珂昔共趨  
螭陛珥筆曾同侍禁林滿架圖書堪永日一簾花  
雨想清吟全名爭羨斯歸好况繫蒼生屬望心

良鄉北郊十方院憶甲申避寇上方山經此

憶昔奔騰去曾來憇茂林鳥鳴白日靜花落閉門

溪私路憑僧問遙峰向暮尋最憐堂背樹蔽芾尚  
成陰

經勝岡塔感懷

萬曆丙辰天啓甲子遷葬時  
兩經此

巍然一塔尚山阿二十年來此復過斷壠未隨滄  
海變平岡猶自野花多傷心往事頻揮淚極目荒  
原欲放歌昔日孤村空壁立老槐不復挂青蘿

送錢仲芳歸嘉善兼寄錢爾斐陳子木

三年今又別把袂意如何猶喜青山在無妨白眼  
多紹徽看後進繩武接高科歸去庭槐茂清陰映  
薜蘿

青箱堂詩集

卷之十 乙未

五

有客居巖壑飄然物表風柴桑託隱士金粟寄禪  
宮雁落蒹葭外人歸菡萏中憑君說素尚懷抱諒  
多同

雜懷

宴樂昔時修禊地高梁橋畔甲西郊傍溪門啓疎  
鐘徹夾岸鶯啼碧柳交選勝笙歌張繡幙倦游士  
女藉春茅至今河水依然綠落日棲鴉遶舊巢

二

豈必溪山方可家閑雲高柳逐庭斜清宵夢醒當

窓月小閣登來繞砌花避穀果能餐泥濘行吟何  
處迴兼葭揮毫欲擬歸田賦時從陶跡已遐

三

疎籬松影拂前除閑徑常迴長者車適意漫勞康  
樂屐忘名不著子雲書歲時花月頻沽酒風雨黃  
昏獨掩廬最喜詩懷殊健逸閑吟應可傲樵漁

彭燕又過談有贈

風塵離別久燕市復相親放眼看前事悲歌憶故  
人詩書兵後夢川嶽古來春且共開尊坐中情難  
具陳

青箱堂詩集

卷之十 乙未

六

時閉蓬蒿徑君來披我幃最憐吾輩在多與夙心  
違下榻當花發開簾見燕飛莫悲虞夏沒千古有  
漁磯

初種麥有穫

有花不如雉有力不如虎盜食天地間徒然耗黍  
稷勉爾學農功爲畝十有五植麥當昨秋雨暘荷  
天祐恹恹忽登場粟粟已累甕莫知稼穡艱僮婢  
皆起舞老農顧之笑鍾釜何足數

二



銓金薄有積爲農悔不早瞻彼西山泉更欲種禾  
稻度量強以儔力薄思願到世人多良圖豈必農  
爲寶天雖有陰晴地自有溫燥何如富貴聞忌畏  
令人老人生苦不足聊以從吾好

暮雨

何獨黃昏雨偏能起舊愁芭蕉聲斷續蝴蝶夢沉  
浮往事頻看劍孤懷獨倚樓簷言農有慶喜罷杞  
人憂

朝起

日高夢裏怯聞鶯簾幙風微雨後清蛺蝶飛來淡

青箱堂詩集

卷之十 乙未

七

逕外奚童花下學吹笙

梁慎可王慧生過飲

聯壁青霄侶千秋大雅流滄桑移歲月彝竽重商  
周把酒斜陽晚徵歌入夜幽高懷憐寂寞不憚坐  
淹流

二

逕徑來嘉客琴書覺倍清簾前雙燕舞林外亂鶯  
鳴樽酒當年夢悲歌故舊情草堂堪永日莫厭續  
蘭盟

夏日

翠篠搖虛牖疎簾掩曲屏沼魚湖雨上幕燕向花  
飛大業祈基命清規學息機人來晚徑外螢火照  
絺衣

二

靜裏層層綠輕蟬送好音遠山經雨變返照入林  
溪倚仗將何往啣杯只獨吟閒庭人寂寞月上更  
蕭森

三

掩徑渺無際空庭坐臥宜晴嵐浮月早夜杵報秋  
遲逸興鄰家酒清齋露下葵徜徉何可說烟景覆

青箱堂詩集

卷之十 乙未

八

茅茨

四

斗酒空庭內閒雲生夕陰月來當晚霽秋已徧高  
林枯苑憐交態行藏變素心好懷驚歲序莫使二  
毛侵

計甫草沈昭子彭雲客過飲

琥珀杯光紫琅玕夏簾青故人來何暮高論快獨  
醒風細琴書靜簾閣草木聲更宜新月上移坐到  
空亭

張稚恭贈畫

千山綃半幅貽我草堂前白石疎林徑清秋遠岫  
相看來思着屐臥去欲聞泉復若溪巖下偕君對  
暮天

寄董次公

故人久寂寞之子復如何白眼難諧俗青山獨宿  
歌晴早江芷秀秋浦野鴻多倚杖斜陽晚西風吹  
薜蘿

月

雨後中宵月清光已似秋几幃絮可數河漢隱難  
求思婦難成夢征人怯倚樓絺衣浸欲冷疑泛子

青箱堂詩集

卷之十 乙未

九

猷舟

送彭燕又歸里

八月秋風急別君感慨凌鬚眉存古道宮徵見元  
音寥落當年社淒涼此日心未能攜手去徒想白  
雲岑

二

敗謂真交少吾儕尚幾人青山餘夢寐白首復風  
塵落日烟波渺高秋意氣新幽心未即遂莫負百  
年身

介陳二如 天祿尊人

何必曾爲友芳聲心所儀一身持大雅千里慕風  
規霜淨鳴臯鶴淵淡老蟄蟄嘉行聞可久秘笈未  
能寬

二

有子青雲客歸來書錦堂梅花照綺席春酒介霞  
觴林壑聰明靜琴書日月長歲星映海嶠夜夜著  
青光

螢

日月如何補終宵只自明幽心還獨照暗室不勝  
情偶藉炎蒸力何求燭火名空林隨處去宿鳥幾  
青箱堂詩集

卷之十 乙未

十

爲驚

二

挾火流輝小憂心時若焚坐衣明夜錦飭水落星  
紋檐牖翳微曜蠅蚋未可羣巫山難入夢何處覓  
朝雲

三

新月餘光歛孤飛冷素秋逸增蔣謝徑淒絕仲宣  
樓露湛聰明淨風輕情性幽嘗將耿耿意獨向晦  
中求

四

青烟影亂飄忽過前林一點催時序千家急暮  
砧聲行貞女性夜照老禪心藏慧終無息悠揚玉  
漏沉

又次王似鶴韻

黃昏淡曲院燭影半開屏逐草參差見因風明滅  
飛處囊標帙靜當枕劍星微莫訝孤光淡清宵亦  
自暉

二

寂寞長門夜流光上畫簾明河低綠綺歲序促朱  
炎熠燿疎鐘徹裏徊清露露隱憂不出頻賴爾伴

青箱堂詩集

卷之十 乙未 十一

幽潛

三

銀漢初清淺丹良向晚看依欄窺夏簾入幕逗冰  
紈的歷流金碎飄飄帶火寒征人懷未已歸夢路  
澶漫

四

井欄增暮景花蕊帶霞蒸抱影憐羅扇含情怯錦  
燈乍驚星在戶豈畏雨如繩默念行無隱熒熒若  
未勝

秋日過海澱清華園

冷落名園雁鷺沉秋風蕭瑟滿空林樓臺盡鎖荒  
烟澹荷菱香殘曲檻淡歌舞已消飛蝶夢滄桑未  
變亂蛩音最憐湖影無邊白蘋繫幽人去後心

晚步功德寺隄上

日夕來荒寺閑尋野岸秋烟低迷亂徑月上起雙  
鷗寂寞前朝事徘徊古渡頭禪房疎磬歇松柏照  
階幽

經玉泉廢寺

山下殘橋衰柳傍亂泉荒石盡秋光隄歌池藻摧  
頽綠日冷巖花寂歷黃隔浦人來聞犬吠過溪僧

青箱堂詩集

卷之十 乙未 十二

去見鷗翔幽懷淡負漁樵約慚對西風蘆荻塘

臥佛寺

古佛何年睡安羅幾度秋苑枯歸大夢歲月冷幽  
州谷靜烟常聚山溪水自流柿林霜色好倚徙爲  
淹留

碧雲寺

朱橋架壑樹屯雲殿閣層霄閉夕曛峭壁突來泉  
沸沸亂山淺處葉紛紛蒼苔畫肅闌人墓殘碣風  
凋學士文龍象蕭森霜氣老諸天清夜若爲羣

九日 香山洪光寺

莫笑浮生幾得閒  
宜人秋色是禪關  
攀躋未改當年逕  
兄弟重登九日山  
蒼岫北聯龍塞外  
紫雲東繞鳳城間  
泉幽巖靜斜陽晚  
落葉聲中僧獨還

來青軒月飲

已據青霄上危欄  
向夕凭游淥幽澗  
水明滅遠林燈  
古殿罔珠樹  
虛岩低玉繩  
山空霜氣冷  
酒力未能勝

二

香城傑閣若天遊  
老木蕭森萬壑秋  
蛩細鴻高凭檻得  
月來雲起舉杯收  
逶迤松籟歸山枕  
窈窕鐘聲出寺樓  
嘉節莫須傷物候  
寒泉石下古今流

青箱堂詩集

卷之十乙未

十三

洪光寺栢徑

絕壑盤雲級回泉  
古栢繁日高穿漏  
影苔老淺溪痕  
摘果憐霜葉  
攀花動石根  
秋心時自遠  
何處覓芳蓀

雪遊和四弟韻

雪遊塵市外野逕  
出蘆花亂渚團荒  
阜空林栖凍鵝  
淒涼古道寺寂寞  
暮風飭更欲尋幽  
去頽松隔斷涯

雪游逢怪松行

臘月大雪連朝飛  
有弟笑我畫閣屏  
攜笠往步市南陌  
遠塘躋阜人跡稀  
愁何必寄於上憂  
何必靈於下曠然  
天地無是非長空  
瀟瀟野氣肅寒芒  
冷焰觸遐目濁酒  
滴淋意氣生更欲  
探奇索幽穆古廟  
淡閉烟火空寒鳥  
縮頸援老木眉動  
鬚張不擇地冰花  
感碎行無次邁垣  
偶來私路傍偃蹇  
傑傲虬螭睡霜皮  
凍骨蘊風雷見之  
色然而駭異參差  
呀一類松斜鋪側  
立如攣龍吁嗟乎  
此松胡不生萬里  
之溪壑胡不生千  
尋之高峰胡不植  
金谷之名墅胡不  
遭天子之嘉封徒  
爾幹不暇枝枝不

青箱堂詩集

卷之十乙未

十四

暇葉鰲挈罷躡爭  
相劫魄與力鬪苦  
未勝壓擁空鬱心  
不惛森械寂歷野  
原上幽夜應與鬼  
神接盤還牽踞坐  
其下寒光靜籟相  
激射弟歡子喜奚  
童舞揮盃大叫天  
無夜吾弟徘徊謂  
松主何以不垣不  
戶不庭榭吁嗟乎  
不見報國雙松昔  
崔嵬禪關淡鎖老  
莓苔今來市肆列  
左右千枝萬枝生  
塵埃若使此松世  
人知幽情朴韻未  
必不摧隤吾弟拜  
手向松說惟願根  
爲石枝爲鐵年年  
過此看松雪清夜  
聞鐘家弟同兒照  
卽席不寐憐宵迴  
清鐘出梵宮雪幽  
淡徑白燈靜小窗

紅夢覺聲聞外人天搖曳中長安千萬戶悲喜幾人同

雪郊

山光雪裏更雄哉策馬郊坰一舉杯錯落荒原迷  
町疃參差古木出樓臺寒威極目兼天盡野勢連  
雲抱郭來莫笑灞橋乘興者閉門何事臥蒿萊

冬感

殘雪光中月影低黃昏門閉盡樓西梅花寂寞青  
燈下坐對幽窓泣故妻

二

青箱堂詩集

卷之十 乙未

五

錦瑟華燈憶少年溪宵歌舞不成眠只今夢破三  
更後愁聽烏啼欲曉天

美人照鏡

矜好心常怯翻嫌爾太真疑多不稱意羞去問傷  
人朱彝明霞曉青螺小黛春窗前同伴喚誰罷欲  
逡巡

送宋上木從征海上

鳳池詞賦客虎旅折衝才雨雪馳征旆江湖湧壯  
懷一軍天上出三捷月中來知子銘勲日揮毫數  
舉杯

二

杖策從戎去其如歲暮何朔風鳴畫角落日冷  
朔氣從來盛相思別後多 聖人方在御莫慮  
海揚波

青箱堂詩集

卷之十 乙未

十六

青箱堂詩集卷十一

宛平王崇簡著

丙申

上元間 命復官官詹

玉律昭回太乙壇  
微臣何幸復彈冠  
豈當遺逸搜羅切  
却媿衰庸料難鳳  
沼重聞官漏永  
花磚還步曉風寒  
今宵燈火蓬門裏  
歌頌新恩幾倍歡

燕九偕高念東遊白雲觀

道院巍然歷劫灰  
羣遊雜沓擁難開  
相傳此日真人至  
不見凌風駕鶴來  
寶馬驅馳猶紫陌  
青山旋繞舊荒臺  
偕君日向樽前醉  
莫笑黃梁夢未回

青箱堂詩集

卷十一 丙申

一

諒吳六益燕京秋思詩賦贈

燕市逢君感慨多  
烟長雲澹奈愁何  
悲來亂打漁陽鼓  
醉後頻賡易水歌  
浪跡風塵聊白眼  
江臯寤寐付青蘿  
高懷別有千秋調  
落木蕭蕭數雁過

送趙蘊退黃門分巡江右

旭日瞳矓曙色寒  
梧垣仙客去長安  
宵衣思治勞宸極  
持憲分符藉諫官  
玉筍春深雲爛熳  
香城雨霽月闌干  
知君回首京華際  
應憶臨岐欲別難

送張稚恭以偶病未及祖道

二月春光靜輕寒  
澹遠霞欲攀河上柳  
不及故人車瞻望浮雲迴  
徘徊落日斜知君回首處  
鳴雛出桃花

挽惲道生

蘭社論交久君亡少故人  
昨年書尚在寄我畫猶新  
磊落懷徒盡蹉跎志未伸  
老來失素友那得不沾巾

其二

遺世久獨立湖山聊寄情  
風來御列子蜨散寤莊生  
哀壑月初上空林鳥復鳴  
思君徒悵望天際暮雲平

青箱堂詩集

卷十一 丙申

二

順治十三年仲春

上駐驛南苑閱武行蒐禮

召廷臣四品以上同詞臣恭視

賜宴行宮命賦五七言律詩五七言絕句各一首應制

玉勒踏新莎春蒐大駕過輕風颺寶旂  
旭日燦明戈燕喜恩光重時咨眷遇多  
上林慚奏賦拜手頌卷阿

其二

龍驤臨桂時禁旅出長安雷動三驅捷羅張一面  
寬夏漿頒王府麟脯萃金盤鳴馬春郊靜蕭蕭風  
尚寒

其三

蘭區傳羽獵趨召荷殊恩旗轉千兵合笳鳴萬馬  
奔彎弧當逸兔攬轡立高原侍從親承寵瞻依近  
至尊

其四

柳外嘶歸馬晴郊春日遲泰交申錫宴晉接譜周  
詩盛世原無黨貞臣貴絕私恩威仰 主德千載  
青箱堂詩集 卷十一 丙申 三

作君師

其五

芳甸晴曛日月旂九霄瑞靄映春暉角鳴虎旅馳  
千仗圍合鷹揚傍 六飛玉液光生仙掌露蘭風  
香襲侍臣衣承恩幸覲 天顏喜奮武揆文拱太  
微

其六

晴風麗景滿芳郊二月春光拂柳梢羽騎橫驅雕  
戟合射大縱發寶弓交日邊鷁鷁趨行殿天上瑚  
璣出大庖自媿未能歌盛事幾回歡忭仰雲旂

其七

瞻洛懷周雅臨戎作六師何如今日盛親上萬年  
卮

其八

建旄初分隊揮鞭忽合軍獵歸傳錫宴劍佩擁紅  
雲

其九

蘭苑春生楊柳風龍驤校獵宴 行宮四方會奏  
清平續底定還歌 天子功

其十

青箱堂詩集 卷十一 丙申 四  
萬乘騰鑣天仗開旌旄迢遞出三台侍臣鵠立瞻  
雲氣五采龍文御騎來

送朱遂初備兵固原

四海稱知已知君交獨淡河山千里夢風雨百年  
心嘆別鶯花晚啣杯感慨侵相思芳草歇幾度望  
青岑

其二

子幼隨先大夫備兵關西

迢遞西秦路當年侍宦遊送君今日去感我昔年  
愁絕塞荒山寺孤城落日秋烽烟銷勝算明月滿  
高樓

端午藏臺候 召

鶴立五雲間瑤臺水門環蒨陰魚潑潑花下鳥關  
關曉日迎仙仗薰風繞碧玉橋龍盤過歡動侍  
臣班

午日 賜宴龍舟侍幸水雲榭茶紀

麤賓佳氣滿蓬萊宴賜龍舟上露臺太液波連天  
際轉畫橈風送日邊來金輿秘醞三傳錫玉樹中  
流四望開何幸微臣叨侍從卷阿欲賦愧非才

庭松

空庭簾捲綠陰稠拂地松光翠欲流月上全浮溪  
青箱堂詩集 卷十一 丙申 五

壑影風來長作午天秋憑將夢後開雙眼準擬樽  
前散百憂莫笑扶疎方半畝龍鱗他日掛蒼虬

東孫北海退谷

仲夏山態變蔚蔚多佳木幽響咽新流石厓徑迴  
復遐思寄高躅荒利倚欹麓上延峰嵐秀下繞奔  
壑肅岩僻蟬聲古端坐效耳目泉流白雲外浩歌  
媚幽獨俛仰天地間今古何徵逐靜觀古婆蘿好  
風來郁馥樂此翠微溪老屋團荒竹松瘦分僧影  
烟淡迷灌樸夕照落虛崖碎光雜玄穆我昔探木  
源顏寺霜紅覆心知或有異未獲幽尋福山靈待

人顯因君得退谷

寄懷趙彥琢

昔時憶別出長安俯仰滄桑幾幾興寒藥圃閑心翻  
秘笈桃花流水護仙壇人間榮落樽前過林下襟  
期太古看聞說年來神更健如君豈合老漁竿

送張仲若學士特簡大司馬總督雲中

鑾坡學士建旄纛司馬崇班特命除六月戈鋌寒  
紫塞北門鎖鑰壯皇輿堂前怪石仙人畧枕裏瑤  
函中秘書文武漫歌周吉甫待君麟閣勒璠璣

其二

青箱堂詩集 卷十一 丙申 六

花簇征輶出鳳皇紅亭祖道薦芳醪霜戈畫戟鳴  
班馬玉節金章擁錦袍雲斂巖關山勢迴月明沙  
磧雁行高壯猷從此烽烟淨北顧無煩宵旰勞

葉素旂至都晤贈兼懷振鴻慶繩及善長伯  
仲

飄零澤國昔停舟燕市逢君憶舊遊萍水相依非  
舊識干戈別後使人愁鴻飛何處青冥晚月照當  
年紅蓼秋莫怪沾襟頻問訊烟波湖上夢悠悠

送嚴伯後歸餘杭兼寄子問

歸趁荷風晚門迎橘柚秋松邊開鶴徑柳下繫漁



舟弓冶家聲振詩書氣象幽故人頻入夢月冷鮑莊樓

寄懷左鶴巖南雄司理

憶別春風後興懷况值秋雲淡青嶂合月冷墨江流四海稱名士如君自寡儔  
遐方歌雅化法外仗嘉猷

送沈繹堂探花分巡大梁

簫鼓歌驪駐玉驄烟長水廣雨濛濛科名當代推高第詞賦千秋復鄴中  
嵩麓霜戈低晚照黃河木葉下西風鳳池昔共聞官漏午夜相思有夢同

青箱堂詩集

卷十一 丙申

七

其二

霞斂風輕曉色明旌旄朝下鳳凰城雲帆畫角人千里雨夜漁燈雁一聲  
阡陌多時成戰壘村墟今日見歸耕漫勞分袂情難已前席曾聞召賈生

贈別李蓼園孝廉

偶來詩酒混人間瀕去相逢夢裏顏又向江鄉尋釣侶何如燕市閉松關  
兼葭霜老雲迷浦薜荔風輕月滿山若到洞巖最深處桃花好記幾重灣

立秋左闕會議

秋風又向玉階吹幸伴夔龍集鳳墀雨過端門雙

闕冷日高青瑣五雲移漫驚落葉銷春夏可奈流  
光老歲時慚愧素餐無寸補寡謀何以答昌期

寄法宮諭漢卿

羨子青冥遠何時杖屐同勞山秋日冷海市曉烟空泉落白雲外人來紅葉中  
還心板未得千里望飛鴻

其二

浮沉何所補俛仰尚人間無策堪經世憑誰爲買山鶴鳴松上月烟冥雨中嵐遙想重門閉兼葭水幾灣

青箱堂詩集

卷十一 丙申

八

送陳吳甫奉

詔郎襄竝寄胡韜穎中丞

薊門祖道雁初飛千里征輶露未晞紅葉清霜迎使節白雲寒日澹秋暉  
閭閻欣覩皇華澤狐鼠潛消聖主威寄語建牙江漢友膚功擬爲著常旂

送馮殿公賁

詔闕中

皇華萬里去駸駸酌酒紅亭別緒侵半夜征鴻孤舫月千山落日遠村砧  
鳴枹無奈兵戈久扶杖欣瞻雨露渙知子諏諮心獨切風謠收入短長吟

送程幼洪太史之任蘇州學博

君才無不可秉鐸向名州露冷寒山月風輕畫舫

秋專鱸諸素志禮樂法前修試記金門別高天雁影浮

秋日鍾文子招飲池上同張譙明孫北海

小閣危欄迤水開風塵今日把君杯池邊柳影浮  
朱鯉廊下焦陰覆綠苔勝友晤言雜慨歎斜陽壇  
殿獨崔嵬宜人最是秋光好錯落寒波新月來

秋日卽事

鼎鼎百年內何人能息機歸鞭驚月上殘夢怯烏  
飛砧杵千家急梧桐幾葉稀不眠聊薄飲燭影閉  
雙扉

青箱堂詩集

卷十一 丙申

九

閒園苔色滿搖落露華濃浮世隨秋草幽懷亂暮  
蛩竹疎風影碎蕉老雨聲重不盡悠然意凭樓望  
遠峰

秋日直廬卽事步金相國韻

玉階光華淨高秋氣象清落霞棲岫遠返照入簾  
明仙仗旋龍馭天香出鳳城侍臣退食晚靄靄暮  
烟平

月坐

雲斂天高夜氣清壺觴相對月華明千門風靜寒  
砧切萬里烟空塞雁橫積裏征人愁入夢樓頭思

婦坐鳴箏秋光如此何能寐玉漏迢迢報五更

中秋家宴

十載中秋復帝京蟾光今夕倍多情天空雲漠  
漠依稀見露泡園林錯落明良會謾勞悲往事清歌  
且復按新聲莫辭盡醉宵初永皓影當庭始二更  
送施愚山督學山左

言別何堪適暮秋黃金臺下雨初收烟橫雁落笳  
聲夕木脫雲飛嶽色流絳帳一時連赤鳳青鯨他  
日重天球多君得意搜羅後把酒高吟獨倚樓

送錢介之督學山右

青箱堂詩集

卷十一 丙申

十

鳳城晴照五雲浮可奈歌驪送客愁旅雁數聲嚴  
塞晚西風千里太行秋圖書當夜青燈肅桃李逢  
春絳帳幽知子虛明持水鑑閨庭時聽鹿呦呦

秋溪

烟林窈窕晚模糊苔色蒼然海鶴癯小閣花繁燈  
影艷疎窓蕉老雨聲枯多愁不寐宵憑酒五嶽思  
遊夢按圖何事幽懷頻悵望琴牀茶臼飭高梧

憶山

紅葉溪巖晚山僧風有期秋乖泉石夢老積歲時  
思白日斜歸雁黃花促酒卮蒼蒼雲樹外烟冷晚

峰姿

九日小飲念昨歲香山之遊四弟復將之任

汀州

又是重陽逼歲華雲昏風急亂飛沙  
去年濁酒登山寺今日閑庭對菊花  
漫說弟兄將復別可能節序不思家  
清樽且覓良辰醉愁聽蕭蕭動暮笳

四弟復補汀州衛備瀕行感送

自是難爲別分携况暮年孤舟重海嶠  
萬里逐鸞烟去我高秋望思家幾月圓  
惟期名不辱歸老鳳城邊

城邊

青箱堂詩集

卷十一 丙申

十一

其二

憶昔歸由此今行是舊遊爲貧仍遠去  
愧我未能留寒葦漁燈夜霜林野岸秋  
聞猿休下淚登眺且舒憂

送羅篁菴詹事罷歸

酌酒與君別何禁感慨侵十年兄弟意  
千里老親心漁艇從茲遠桃花不可尋  
知多衝泌樂白日薜蘿深

其二

相逢應有日分袂小春天馬度霜橋  
曉帆懸柳岸

烟著書晴閣上調鶴晚峰前莫廢經綸業  
松巖學老禪

待漏東華門和劉憲石相國

閨闔瞻初啓停車正夜闌聞雞頻整佩  
假寐更彈冠短髮憐霜白孤懷映日丹  
笑他空谷臥未解五更寒

直中初雪

曉雲凝凍靄飛雪逐風搏時至陰陽正  
雲淡殿閣寒徘徊依玉陛瞻望失青巒  
早兆農年慶遙占九陌歡

青箱堂詩集

卷十一 丙申

十一

早朝侍從候

駕恭紀

光華方向旦旭景燦霞明位宁威儀肅  
班聯視聽清篆烟迎日裊寶瑟觸風鳴  
內侍傳臨御前韶奏九成

寄公狄

十載多君憶別初風流文采近何如  
兩都舊感應成賦千古奇懷但著書  
捲幔晴窓山到枕把杯良夜月當廬  
故人海內今餘幾歲晚寒江雁影疎

直中卽事

寶馬金輿夾殿端西風瑟瑟曉光寒墮朧初日臨  
丹陛中使頻傳召講官

冬日過衍法寺有感

浮生幾度扣禪扉高閣依然合暮暉徑絕紅塵雙  
樹冷燈懸白日一鳥飛長廊鼠竄參差瓦古佛塵  
緣剝落衣七十老僧相向說當年偕過故人稀

羅篴菴招飲話別

高懷惜別復招尋把酒休令感慨侵十載風塵憐  
去住半生潦倒笑升沉樽罍今夕庭中月烟水他  
時夢裏心舊業青瑣應尚在寤歌莫厭入林深

青箱堂詩集

卷十一 丙申

十三

對梅感懷

淡閨風靜月無塵屋角梅花已放春憶昔素瓷相  
對夜花邊今夕是何人

其二

香來乍見一枝橫燈下扶疎影更清寂寂深宵人  
未睡滿窓寒月坐鳴箏

米吉土申鳧盟小飲

濁酒遲君坐今宵對歲寒世情多反復吾道可盤  
桓爲念離羣久何須問夜闌蕭蕭風動樹月影上  
闌干

瑞雪應禱恭紀

帝念恒陽冬已淡紫宸精意渙綸音明譚朝格同雲  
合睿感通宵瑞雪臨沙積千門連玉圃花開一夜  
徧瓊林豐年有兆三農慶擊壤難歌兢業心

夜雪

夜永羣動息虛堂更漏沉梅花寒往跡鶴夢靜空  
林撥火香猶細開簾雪已淡何堪興舊感瑟瑟打  
窓音

除夕前一日直廬述懷

漫說明朝除夕來雲霄日日近三台雪消鵲春  
猶冷風動采恩臘欲回星宿又從天上轉年華徧  
向髻邊催素餐終歲慚無補願頌椒花獻壽杯

青箱堂詩集

卷十一 丙申

十四

青箱堂詩集卷十二

宛平王崇簡著

丁酉

元旦隨

駕朝

慈寧宮

光華曙影照旌旄 寶仗繽紛簇 袞袍侍從濫隨

趨鳳闕承歡幸 觀奏仙璫春風和藹 天顏喜蘭

殿鬼戕旭日高拜舞香浮雲五色九重佳氣徧神

臯

青箱堂詩集

卷十二 丁酉

穀日祈穀值雪

雪飛當穀日 天子正祈年仙仗甘泉外宵衣泰

時前雲光凝素靄寒影散春妍 帝鑒明禋意瓊

田徧九埏

上元前夕脣倩亞斗宮聲青瑀敬懋小飲

朋輩猶今夕開樽好月臨燈明春影亂人醉草堂

溪四海來知已千秋見素心扳留酬令節玉漏逐

風沉

其二

九陌喧燈火高齋坐故人徵歌憐曲誤漉酒愧沾

頻交淡周旋畧談淡聞見新興酣當子夜藹藹月  
華春

上元

元宵今忽至意興笑蹉跎老覺年華速忙忘節序  
過夜遊風尚在年少夢徧多玉漏三更後猶然聽  
鼓歌

十六夜

上元昨已過風俗重今宵擊鼓多當巷攜燈徧走

橋銀花爭月艷寶馬趁人驕聯袂羣遊子相矜拾

翠翹

青箱堂詩集

卷十二 丁酉

憶昔

憶昔居山寺溪廊花未開春風生舊感今夜雁初  
來

二月直舍書懷

鳳城春色五雲中秘閣遙遙殿陛東苑柳青回鶯

尚滯宮雲紫繞日初融從容退食慚何補黽勉揮

毫笑未工向老年光徧易擲好備斗酒待花紅

溫仲青以崔青蚓畫見貽答之以歌

吾友崔子質性奇前生幾度爲畫師筆墨已化無  
凡態點染高妙匪夷思十日五日不可得非意所

許終不爲我生同里稱交好行義文學期探討問  
爲振筆氣崢嶸雲青石白追元顯丈緇尺扇歲月  
多枕中笈裏矜鴻寶賊兵一旦震神州人物灰散  
難復求生死離別悲惻惻不獨圖畫生間愁溫君  
貽我畫一軸云是吾家舊所收精華不滅猶筆端  
當年圖此名三酸日月無幾存歿異人亡畫在不  
忍看久之復貽四畫扇烟嵐雪巖光風寒杳然如  
與坐疇昔經營慘淡鬼神寂幽壑常含不換秋蕭  
蕭逸致凌空碧高人一去不復返丹青千古留遐  
迹我感溫君意氣淡知我珍重故人心

青箱堂詩集

卷十一 丁酉

三

清明

令節芳郊外風光處處嘉青回河上柳紅綻寺邊  
花憑弔看殘燭招尋醉落霞哭歌斯日裏今古送  
年華

其二

盡說行遊好春溪桃李天香車旋曲水寶馬踏荒  
烟風雨偏今日鶯花又一年誰家歸去晚綵索尚  
鞦韆

宿白塢寺呈胡宛委朱梅麓兩學士

小閣留燈在禪房夜不關曉來登白塢枕上夢青

山寶鐸終宵裏疎林細雨間開懷依勝友相對更  
蕭閒

移直瀛臺和成青壇相國胡宛委學士

禁苑青青草色閒春光駘蕩玉河灣絲綸秘省依  
芳渚樓閣雲霄出遠山水瀕風來文錯落林暄日  
靜鳥間關太平機務封章簡幾向隄前柳共攀

瀛臺早直

黎閣蓬山曉景迷輕風剪剪襲重綈朝霞落水紅  
初散新柳籠烟綠已齊縹緲香飛仙掌外從容人  
到鳳池西十年作賦慚難就又見流鶯上苑啼

青箱堂詩集

卷十一 丁酉

四

上巳登圓殿

邃宇層臺俯碧流林光水影鏡中浮風來旖旎垂  
雲秀松下陰生入月幽自是璫璫依紫極何如蓬  
島在芳洲年華代謝成今古倚徒閒看波上鷗

春興

雨歇清明後芳菲春晝遲松暄舒翠粒鵲噪墜紅  
枝掩徑憐新草牽藤補故籬物華容易老幾憶少  
年時

其二

闌園方半畝一徑入松筠門靜常因懶花繁豈似

貧圖書簾下日烟水夢中身芳草斜陽晚鶯聲  
送春

雨中早出東華門經景山入直瀛臺

鳳凰城外曉風和春雨如絲潤碧莎  
山色模糊雲裏恰湖光蕩漾柳邊舸  
遲遲策馬憐芳草數數牽衣媿綠  
蓑最是金鰲橋上好側身盈望盡烟波

哭黃卜周

歲暮忽聞醫藥誤何期二月遽沉淪  
數椽懸磬貽孤雅一紙遺函付故人  
腸斷當年借避賊淚枯今日獨沾巾  
山陽笛裏悲風切此後傷心是仲春

青箱堂詩集

卷三丁酉

五

其二

一夜驚風凋落梅星沉玉黯士林哀  
英華世惜劉公幹風度人思褚彥回  
幾日爲郎甘放黜十年寄傲老蒿萊  
修文地下荒唐事果否知名在夜臺

其三

酸心黯澹過蓬門往事淒涼不可言  
把酒每當花燦爛論文常到月黃昏  
世多白眼憐貧况夜有青燈見淚痕  
寂寞高山流水曲春風何處賦招魂

二月六日侍從 南郊配享

春滿瑤壇夜未晞煌煌寶炬燦星輝  
明禋特舉尊

親典式禮靡愆嗣古徽節奏自諧  
丹鳳舞燭烟遙映彩霞飛侍臣鵠立  
層臺上欣觀天香襲袞衣

齊所夜坐呈李坦園學士

冥默羣動息庭宇虛寥寥松上懸新  
月廓落發微燭閱寂秉一心何自生  
念騎義軒幾皆旦千古自非遙性情  
相糾纏明昧互長消冥默收視聽浩  
然覺形超靜與太初隣一鐘鳴清宵

寄李又白少司空自浙藩歸里

美君壯歲賦閒居斗酒黃鸝適夏初  
舊里已無先世業歸來可載幾車書  
宦途交道如雲薄長樂鐘聲付夢餘  
綠野雨過隣叟至北窓一局卽華胥

青箱堂詩集

卷三丁酉

六

述懷

夙昔多幽癖閒情耽寂寞閉門春風  
中桃李自灼灼聊且競時趨懷抱悲  
今昨眷念西來峰撫景登高閣誰謂  
雲無心悠然戀巖壑

其二

雜芳鬱林畝遲景嘉晝長草木有本  
性榮華秉時昌黃鳥載好音紫燕雙  
雙翔良時易以邁躊躇徒躊躇張古  
來傷心人對此多徬徨

寄沈無謀

故人海內猶存幾  
鴻冥冥未可尋  
如子久稱天  
下士何期徒老  
白頭吟最憐綺  
季終非隱豈信  
黃虞不復今三  
徑苔荒臥穩桃  
花流水杳然溪

殘春

曲院迴廊半畝園  
斜風細雨不開門  
雙雙紫燕尋  
巢語半啼殘花  
補舊痕

送梁慄可備兵武定 時禁宴會

花飛春去草迷離  
綠柳陰中聽子規  
欲去頻來長  
苦駕送君那憶  
論交時徒然有  
夢隨千里未敢  
開筵餞一卮此  
去定知多譽望  
幾回爲寄頌功  
詩

青箱堂詩集

卷上 丁酉

七

大有九章紀雨應禱也順治丁酉四月十九

日

上以早祈禱 郊壇早夜值雨行祀事于雨中旋禱

社稷雨繼大作臣幸叨侍從恭紀感格之速焉

宵星有爛晝日有杲自春徂夏終風如掃職早爲

沴念彼穹昊

昊天孔昭 帝曰念哉旱旣靡沮朕厥由來政刑

繆歟何以降災

蠲志諏日爰命禮官兢兢業業夙夜遑安神豈不

周祀豈不憚

牲帛既具體齊孔煦祈天之祐惠此下上有渰其  
雲有祁其雨

馳道不除靈雨濛濛虔矣 天子拜禱雨中昭格  
不暮先期爲通

式禮孔敬奚其燠矣瞻彼優渥 天顏有喜從臣  
如雲霑頂濡趾

維社維稷載禱載祈雨旣零矣還復淋漓天鑒

皇心降此百祉

奚其旱而乾奚其靈而暢賴茲 一人慶在四方

俾其函而活俾其耕而耦 皇天烝哉臣書大有

青箱堂詩集

卷上 丁酉

八

夏日

夏林當退食何事頗關心雨過疎簾靜鶴眠一徑  
溪乘閒齊亂帙懷舊拂藏琴詩酒堪驅使花前惜  
寸陰

端午偕張涵初表弟米紫來壻小飲憶四五

兩弟時熙兒侍從南苑適以詩來

無奈端陽雨蒲觴坐一亭簷花侵榻濕檻柳照杯

青人自天涯遠懷因令節增芳郊新句好馳寄代

趨庭

吳無柰至偕陳胤倩見過



相逢今日且爲歡把酒休歌行路難蓬徑淹留如  
夢寐烟波回首各悲酸疎簾雨過鷓鴣窺嘉客談  
淡花覆欄直待秋風霜色好西山與子坐高寒

感興

榴花灼灼傷疎籬幽徑黃昏獨坐宜欲遣舊愁逢  
夜雨不嫌多癖赴僧期芭蕉聲裏年華變蝴蝶飛  
時夢境移最是孤懷與感處銀箏燈下撥冰絲

夏日小病偶述

偶病方能暇虛堂一榻橫籌時頻問歲經亂廢尊  
生高柳疎簾影輕蟬薄暮聲膏盲猶自固一豎漫  
青箱堂詩集

卷十二丁酉

九

相傾

其二

寒暄朝夕變時序又驚秋白髮驚頻長青山如數  
遊每懷天下事徒媿杞人憂病骨蘇清夜明河影  
欲流

立秋

湘簾紋簾碧紗幽幾點流螢下小樓風雨三更人  
夢後芭蕉葉上又聞秋

贈李因是

聞君卜築碧灣灣蓬島參差第幾山風靜鶴鳴三

徑遠月明人醉亂峰間滄桑閱徧思爲譜經史評  
殘欲更刪最羨八龍能養志直聲文譽各班欄

送吳道止

與君今又別可奈舊懷侵出處存吾拙烟霞見素  
心扁舟歸去遠明月入林溪策馬高原望涵暉澹  
暮岑

託申臯盟覓田

笑子何拙謬學農于垂老若貽子孫謀卑鄙不足  
道胡爲屬良友求田慎旱潦我世家京師祖父有  
微好負郭無五畝詩書恣探討况當賊亂後敝廬

青箱堂詩集

卷十二丁酉

十

不自保蕭蕭大夫墓松柏伐如掃環塚餘數武啼  
鴉飛茂草歎子荷微祿饗餐持暮早不獵無懸瓠  
不稼無遺業念此重微軀未敢妄潦倒瞻言古農  
功力穡真足實儉穡大官俸十畝向君禱但期薄  
有收何擇秣與稻溫飽誠可鄙艱難記夙抱况聞  
俗尚樸地遠風淳灝或得田塍間茅屋臨荷藻榆  
柳亂依垣閒窓當空吳與君相盤旋水雲長浩浩

秋旦

蕉陰拂牖竹橫欄堂背秋花露未殘荒徑鶴情迎  
日喜溪山鳥夢入雲安茶竈欲沸苔猶靜夜雨初

收烟尚寒爲憶巖巖蒼翠裏孤僧啓戶亂泉端

秋行高粱堤見白蓮

窈窕河堤曲蓮花白向人悠然挺素質自不慍紅  
塵洛浦波間影秋宵月裏身西山當雨霽遙翠作  
芳隣

直廬望西山和成青壇相國

秘閣依彤陛秋巒入望明烟鬟迎日變雲脚傷巖  
生紅樹佛燈寂幽泉月夜鳴同遊懷昔日凝眺不  
勝情

秋曉吏部啓奏

青箱堂詩集

八月二十九日  
時任佐銓  
卷十一 丁酉 十一

夢裏頻驚曉天街踏露華關高跋五鳳林曙噪羣  
鵲忝徹金門籍欣瞻玉陛霞宣傳中使出御府錫  
名茶

楊商賢至夜談

十載飄零夢裏身相逢下榻若非真莫憐白髮疑  
今夕且喜青燈對故入空牖月來香篆細疎林風  
過葉聲頻酒闌更憶當時事紅樹淡巖坐水濱

夕月陪祀

落日山光紫寒烟斂太空明禋祈顯格皓魄感幽  
通香靜瑤壇露聲清寶樂風來升瞻出皎高映五

雲紅

重九啓奏望西山

重陽丹陛迴山色宿塵消盡見峰巒秀固知殿閣  
高霜紅寒石影烟靄淡松濤憶昔攜筇日瞻雲倚  
碧臯

秋夜

亂竹蕭蕭夕清燈一榻淡寒蛩依近砌明月照空  
林老怯年光速愁憎秋漏沉何時遂幽抱高枕臥  
青岑

寒夜與商賢

青箱堂詩集

卷十一 丁酉

十一

大隱何須問五湖蕭然四壁一身孤霜林月落鳴  
寒鶴隣寺鐘沉曉曉鳥恨到當年頭欲白夢回中  
夜淚頻枯憐君不寐挑燈後幾度揮毫賦兩都

雪藤歌

吏部北院老藤樹樛枝錯節蘊烟霧前輩曾經繪  
作圖佳事至今人傳慕我來自秋適徂冬徘徊出  
入歷朝暮葉落皮凍更蕭森削鐵截石神氣足幾  
閱滄桑不紀年虬蟠螭駭老蛟怒蒼狐月下愁窺  
影風雷若向根區聚一夜雪片大如手瓊枝琪幹  
舞蜉蝣侵凌碎硯冰千條萬靈百怪疑相守老柯

擊動銀河清迥蔓倒施玉龍走屈伸與寒心理  
冷燭靜魄歲時久試待春來花綴時何如突兀霜  
雪姿

冬夜張輯五甥談舊

寒夜月照虛窓白與子憶昔如有獲與懷朋輩年  
死生往往說來動心魄夜溪怪子何多思尚能記  
憶雪夜時燈前錦瑟泥人醉別後瑤箋幾賦詩高  
秋曾共閒齋晚疎林日落遐心遠蕭蕭旅雁叫寒  
空幽情幾許生纏綿最初空山春寂寂禪關夜半  
聞吹笛時向河干問芳菲悠悠我心何處覓息機

青箱堂詩集

卷十二 丁酉

三

園裏復相從聯牀夜雨聽曉鐘暇豫時來攀弱柳  
咕嚕倦後倚高松當時豈意值滄桑日月幾何思  
無方古今流峙等閒事皁髮簪穎皆荒唐子嗟戎  
笑意繚繞剪燈撥火語難了參橫斗斜夜何其宮  
漏迢迢月正皎

歲晏

夜雪傳幽真遐心棲寥廓清聲雲外來空宵鳴老  
鶴百骸逐四時日月相錯落我生豈無涯獲攘半  
憂樂鬢髮忽而變駐顏寡靈藥浮生更何求忘情  
學寂寞

其二

鼎鼎天地內攝生苦不早少小輕歲時奄忽成衰  
老我輩慨幾存自喜髯鬚皓筋力尚堪恃嚴堅可  
探討榮華多悞人性情何草草朔風逼青陽又見  
春山好

其三

今者不爲樂日月聿其除寒梅解作花粲粲媚吾  
廬飲酒可擊缶篝燈可讀書物理因何常忘機無  
妨疎幽獨時自考歛心學太虛一鳥鳴窓前白日  
爲躊躇

青箱堂詩集

卷十二 丁酉

四

其四

沍寒臘既望鬱勃蘊春陽誰言冰雪中遂無芳景  
藏日西自復東時來莫恃强大道貴守雌德機亦  
當忘靜中觀物化昨夜梅花香

其五

處世宜如何大哉惟謹言言爲心之聲亦是禍之  
門予性多疎躁頻悔語多繁聞者或縮頸擊節自  
高論卽未膺人怒自非吉祥根金人緘其口白圭  
磨其痕人生言有玷出處何自存

其六

萬物各終始陰陽遞相更逐逐耽噩綴胡爲輕其  
生慨昔檻車者喜功貪薄名相彼排難倚意氣自  
不平商山旣已隱羽翼爲人成千載冷落事難與  
後人明何如適眼前胸中無一管樽中有濁酒燈  
下有素筆

其七

後生迫吾老時序高諸男大兒叨侍從餘者尚多  
慙讀書二三載一經尚未讀煖衣而飽食何以克  
自擔因此責爲學何異教之貪識字憂患始昔人  
豈浪談農商各有業賢愚可相參歲暮一堂上和  
青箱堂詩集 卷十三 丁酉 五

樂何其洪

青箱堂詩集卷十三

宛平王崇簡著

戊戌

立春次日恭遇

皇太后初豫頒 詔

曉色融融繞玉池昨宵春到萬年枝陽和乍轉東  
風動旭日初升淑景移劍佩繽紛趨鳳詔韶韶  
縹下龍蟬歡傳至德堯仁溥四海重賡壽母詩

新歲

晴雲昭令節老去怯心繁未解達人意翻疑日者  
青箱堂詩集 卷十三 戊戌 一

言才疎與少事福薄畏淡恩最是移情處春禽啼

過軒

偶過成相國誰園

一徑紅塵裏蕭然巖壑清空階延樹影隣寺借鐘  
聲暫息勞生意翻嫌浮世名倘容頻假榻來對月  
華明

紅門曉望

星盡烟光紫芳郊接碧霄平林低霧岫野寺隔溪  
橋朝冷春猶淺涉陰雪未消徘徊瞻日上雲外雁  
迢迢

送薛行屋少宗伯告歸

歌驪莫怪不堪論十載則依有道門昔酒昔偕頻  
月夜好花今去幾家村辭榮盛世依親舍未老歸  
田荷主恩施履橫經思博雅高懷豈得遂丘園

瀛臺啓奏

高林繞碧湍太液湧仙壇雨過山光近雲淡水氣  
寒東風變草木曉日下闌干蓬島曾聞說依稀夢  
裏看

同阿少司馬園獵

高原廣陌盡春暉壯士鳴弦大合圍狡兔突從馬  
青箱堂詩集 卷十三 戊戌 二

首墮亂鴻却背水邊飛老來豪放學從武獵罷從  
容歌采薇勤顧王程司馬意前麾已過一花磯

登安肅城望陳中園大金吾墓田有感

荒城獨上暮鴉啼極目春疇望欲迷往事空隨雲  
浩浩故人不見草萋萋平橋流水桃花晚古木疎  
籬落照低惆悵當年知己意孤燈風雨聽鳴雞

清明前二日過安肅陳壻皆吉宅憶甲申流

離與伯女訣別于此迨丙戌旋都門女歸

寧病經歲而歿來葬已十二年感而有作

女逝未嘗離夢寐清明過此倍悽然生離尚憶從

斯訣死別于今十二年孤唄淒涼風雨夜荒墳寂  
寞杏花天傷心重得歸寧日珠晦蘭凋逐野烟

清明至慶都

征輶肅肅遇清明旅况何堪節序驚路去帝京  
方六日夜來歸夢每三更風揚柳依人嫋照水  
桃花隔岸橫莫使客懷寥落甚解裝沽酒坐荒城

慶都道中

驅馬破朝烟風吹堯母泉村稀覺路直野曠看天  
圓靄靄雲中日青青陌上田行人回首望何處出

驛使

青箱堂詩集

卷十三 戊戌

三

寄書

幾回書去夢踟躕夢到家園書到無欄下丁香春  
爛熳烟中楊柳月模糊年華易逐勞人去旅况全  
憑酒力扶報却平安無別語老松新竹莫荒蕪  
至真定懷章時從先大夫經此

往事悠悠不可尋重來感舊思難禁陽和樓下依  
稀夢潯水河邊去住心人靜旅懷逢月上花飛客  
路值春深無聊且向高天望又是歸鴉遠故林

送壻陳皆吉還安肅

中途伴我方十日我却南行子北歸滿地春生芳

草煙隔籬雉起落花飛旅懷覽勝開吟領孤驛明  
燈共語稀倘去京華憑寄說到來庭樹綠陰肥

旅次寫懷

乍又負杏花時朝夕王程春日遲偏向時過懷  
舊感每逢人去亂鄉思新篁自放依簾葉弱柳應  
垂掃徑枝燕子呢喃清晝永誰從夢醒計歸期

登真定大佛閣

橫口眺五嶽仰首思千古幾何人先我而來者幾  
何人後我而接武

過安肅陳蓮生書帶草堂

青箱堂詩集

卷十三 戊戌

四

傷城野徑盡蓬蒿一樹桃花倚屋高柴戶半開延  
客入草堂前面架葡萄

雜興

羅幃慵起日初長斜挽雲鬟淡薄粧閒取曆書數  
日去別來今已幾多行

其二

小膽溪閣暗自驚錦衾繡幙一燈明歸期怕是人  
相問又使今朝夢不成

其三

聞郎奈事指懶挑春風嘹唳雁行高欲將刺繡消

長畫指着銀針倚碧桃

其四

雙雙紫燕蹴花飛膏沐香消畫掩屏聞道春歸人  
不遠芙蓉屏下試羅衣

寧晉郵亭

荒亭一枕後人靜日初斜古木鳴雙鴉閒堦徧野  
花年華客裏變鄉思晚來奮千里神京路悠然望  
暮霞

去  
米吉士將任沐陽自河干來晤棗強次日別

青箱堂詩集

卷十三 戊戌

五

驅馬感君意相逢月滿堂客中疏酒畧坐久語言  
長共榻憐今夕分攜非故鄉好持寧澹意淮水照  
清芳

其二

嗟予今爲令蹉跎壯志沉暫棲鸞鳳冀莫負晦明  
心匹馬鶯花暮孤城烟雨淡爲懷茲夜別雲裏望  
青岑

涇州夜雨

可喜當春雨難爲客舍心孤懷千緒亂虛壁一燈  
淺雁落迷前浦花開滿故林明朝青鏡裏霜鬢幾

多山

定州蘇文忠雪浪石

中山一片石異代說東坡老質蹲玄豹輕紋湧白

流不隨陵谷變獨立晦明多老木當年侶風雷蘊

古柯傳爲文忠所植

中山途次

僦僦千里幾山河三月春光馬上過地出滹沱朝

旭靜天連恒嶽暮雲多敬敷德意看歌舞剩得閒

心付寤歌遠望當歸烟樹渺鶯啼花落奈愁何

夾山道中

青箱堂詩集

卷十三 戊戌

六

僻路隨林轉高溪入杳冥雷轟老樹黑雲起曉峰

青茅屋多依麓柴門半不扃逡巡難卽去策馬復

爲停

曲陽恒嶽廟有漢唐宋諸碑

嶽巖嵯峨接太清森森畫壁走寬旌龍書鳥篆藏

時代鬼馬神車下月明破石荒唐千古跡碑祀嶽時有石

飛老松鬱勃半天聲停驂肅拜春方晚烟煖斜陽

一鶴鳴

行唐驛舍

默坐息羣念何處起欣慰門閉又黃昏鳥鳴庭院

寂

自平山入井陘道中

驅車隨僻麓徑轉萬山迷兩角前巖外雕弧古廟

西石灘流水激土穴受風低干役今初夏村村黃

鳥啼

井陘

新綠迎人面峰巒逐馬旋參差隔樹屋高下倚山

田激水危橋駕孤城落日懸搖搖亂心曲天際萬

重烟

貧民謠

青箱堂詩集

卷十三 戊戌

七

盛世矜窮黎前月府帖下朝夕望賑來中道聞歇

馬馬疲固堪惜民已多死者

邑民謠

貧民喜得賑猶可三日飢邑令苦供應惟祈使者

恕貧民望速來邑令望速去

憶井陘道中

策馬經過處人家隱翠微亂山盤一徑幽壑掩雙

扉墻缺村童出田間布穀飛雲林迷遠近回首倍

依依

高邑李相國園亭

相國存遺苑淒涼綠野心  
臺池苔蘚合松檜雨烟  
淡芳草迷花徑勞人倦  
鳥音夕陽重惆悵倚徙坐  
清陰

隆平散賑畢獨坐

孤邑雨方收隴麥青青秀  
濕露半未高林間聞雉  
雉停車日甫辰窮巷絕奔走  
二十七日間馳驅未  
敢後閉門滌煩渴虛寂中  
自守胸中豁然明焚香  
看白晝

再憶井陘山中

岩壑頻牽夢清溪遶碧田  
松蟠翻石裂鶴去掠波  
青箱堂詩集 卷三 戊戌 八

圓自是非常境還疑別有天  
雞鳴籬落靜草閣曳  
孤烟

任縣阻雨

風雨羈行役蕭條氣若秋  
途泥強偃息客久恨淹  
留破壁燈燃夢殘簷溜滴愁  
濕雲侵曉暗偏覺夜  
悠悠

王次重下第晤南和

鶯聲落柳陌鞦韆逐風塵  
荒驛難爲客孤城來故  
人抗言談往事按劍笑迷津  
市道眞交少逢君倍  
覺親

鉅鹿假館張銀臺舊舍

王事過高館門深迥不開  
空堂延白日曲徑老蒼  
苔簾捲花枝入風迴鳥語  
索家園楊柳綠幾度酌  
金壺

戊戌奉使賑濟恒那三月初四日道經新樂  
二十四日給賑再至四月十九日復由此歸  
漫記

越月三至此馳驅未暫停寒暄春夏變風雨去來  
經水漲沙塘白鴉翻麥浪青旅懷頻不寐莫怪鬢  
多星

青箱堂詩集

卷三 戊戌

九

早行

孤城漏未盡鳴角出高原  
叱馭疑猶夢聞雞知歷  
村衣單怯月影林斷見烟痕  
遠岫朝光紫山僧正  
閉門

安肅飲陳黃玉園亭

僕僕風塵路園亭許借觀  
當門花一徑倚砌竹千  
竿釃酒攀留飲調羹復勸餐  
知君饒大業萬卷閱  
多殘

其二

徑開五畝內風雅古人期  
汲井分澆圃栽花自結



離鸞啼高枕後月上較書遲更有登臨處茅亭繞綠漪

復命道中憶往

奉使恒那郡回翔日幾程流雲淡夏霽布穀變春聲  
孤驛宵燈寂千山夕照橫依依楊柳道漸近鳳凰城

喜五弟至

衰暮何堪別歸來已二年風塵侵旅髻衣履帶江  
烟懶是平生病囊無賣畫錢依依如夢寐拭淚酌  
花前

青箱堂詩集

卷十三 戊戌

十

寄王硯存

憶昔經珂里河干慰藉時文連移畫舫綠樹聽黃  
鸝酒後滄桑感風前寤寐思十年懷契濶空負鹿  
門期

送楊商賢還白下寓居

莫可爲君計歌驪情倍傷孤身別故里歸去是他  
鄉暑雨迷荒浦荷花淺草堂懷人當永晝幾許起  
徬徨

其二

十年勞客寐此日復離羣作客心如水平言歸身似

雲空餘經世策羞作送窮文折柳難爲意青尊對夕曛

其三

片帆新雨後水漲暮雲寒野泊愁烟斷離人憎夜  
雨漫憐生事拙且喜一家安最是年猶盛無徒理  
釣竿

其四

秣陵桃葉渡予昔亦曾棲積雨當春暮殘梅落月  
低雞聲人夢後雁影畫樓西送子重惆悵江峰雲  
外迷

青箱堂詩集

卷十三 戊戌

十一

送宋直方宗丞假歸並懷令兄子建上木

烟巒雨浦橫天鶴翔翔蕩蕩恣寥廓不角飲啄向  
樊圃忘情無復擇鳴躍中年學道素心人寤歌早  
暮戀雲壑一朝上書歸故山攬君之袂鬱不樂欲  
別翻憶論交初二十年來事如昨君固當時俊及  
儔意氣千里遙相託一門兄弟盛聲聞稱詩學古  
風淵噩嗟哉雲海幻茫茫昔日朋輩忽寂寞胸藏  
今古奮乘時雷雨憤盈聖人作輕重惟允佐明  
刑敷文海嶠輔武畧祀事孔明著太常天潢本支  
談鑒鑒金門曳珮聯玉珂花明燈靜時酬酢嘆美

抽身何太早，尊蘆秋思原不惡。潞河水漲蒹葭青，  
烟濕紅蓼輕帆掠。歸去草堂蘿薜深，兄爲擊缶弟  
求籥。經綸滿腹時所需，豈能終老餐霞約。春風偏  
見鴻北飛，凝睇雲倚江閣。

懋衍法寺

巍然高閣在故里，舊香林少小頻遊地。淒涼異代  
心最憐，廊廡圯無復。雨烟淡雙樹，僧前老徘徊。猶  
夕陰

中秋月中早朝

中秋今日是，得月讓予先。永夜浮塵淨，迎朝湛露

青箱堂詩集

卷十三 戊戌

十一

研玉堦，天闕迴銀漢。鳳樓縣佇望，林鴉動光清。御  
宇前

送陳堦皆吉同知壽州因憶伯女

知子高堂在，真成捧檄歡。好爲敦風尚，切莫耻微  
官。風勁蒹葭老，霜清橘柚寒。歌驪別有感，難遣淚  
痕乾。

其二

交情三世舊，相送亂多思。堅操培先業，清心對子  
遺。片帆秋色晚，獨立月明時。好去安貧宦，騫騰自

可別

送張爾誠侍讀參政萊州

太業原多道，君今出治齊。鴻儀臨碧海，鳳藻著金  
闕。蟬蛸秋風靜，蒹葭落照迷。含情爲折柳，烟冷雁  
行低。

其二

暫自鑾坡去，牽帷海上行。政成安市獄，風靜見蓬  
瀛。應有登高賦，難忘分袂情。五雲還曳珮，丹陛振  
慈珩。

送金冶公大司成出爲高州參政

簡命司成出粵東，朱旛畫戟駕臙朦。詞臣夙著金

青箱堂詩集

卷十三 戊戌

十二

湯畧綵筆行，標銅柱功海嶠。風清人夢後，枕柳葉  
舞月明。中鳳池會集，夔龍侶莫嘆。分攜望去鴻。

王迂叟過談讀其新詩

三年幽夢繞蒹葭，今日開尊對落霞。鶴步遲回迷  
徑草，秋光澹盪上窗紗。談詩快覩清新句，爲圃開  
栽爛熳花。何幸淹留嘉客久，疎欄高柳欲棲鴉。

題梁葵石園亭畫卷

堂構千秋意，披圖發浩思。當年貽燕翼，今日溯鴻  
儀。楊柳鶯啼歇，梧桐月上時。蕭湘簾影下，奇石立  
參差。

其二

逶迤一逕入羣木亂高烟層閣穿花圃平橋接藥  
田觴飛桃李夜人在蔚藍天畫裏逢詩句依稀見  
輞川

其三

開園同綠野酒熟正當春好鳥來嘉樹遙原聯細  
茵攤書遲歲月掩徑絕風塵几杖悠然外調琴獨  
坐人

其四

風烟家郭裏疑是白雲鄉恒嶽山光紫滹沱曙氣  
青箱堂詩集 卷十三 戊戌 古

黃門淡隨曲沼堂靜覆幽篁宴樂多暇豫芳非松  
桂香

中和殿八月

經筵侍講是日進講虞書春秋漢詔熙兒與講

湛露灑灑曙漏初翠華淡處侍宸居霞明鳳閣山  
光近雲繞龍帷日影徐玉几香飄陳漢詔牙籤風  
動奏虞書天顏粹穆垂清問喜起重賡魏學疎

沈仲連依王雷臣于淮安却寄

聞君留滯客江湖垂老依劉興不孤雙眼登樓懸  
涕淚偏舟帶月繫蒲蕭燈前獨坐書千卷花下閒  
吟酒百壺頗有故人相慰藉幾回弔古聽啼鳥

九日朝出北郊

曙影荒荒白蒼寒野色妍亂峰迎日出孤塔野雲  
懸岐徑迷淺水寒林戀宿烟登高憑弔意策馬古  
城邊

晚登園臺

雷雨終朝後登臺夕景妍烟淡千嶂暮日冷萬家  
烟黃菊猶含蕊青衣且撥絃西山紅葉寺掛笠憶  
當年

秋園

高寒松影掩疎關滿徑離離草色斑老去閒情思  
青箱堂詩集 卷十三 戊戌 五

抱甕秋來逸興夢登山堦留碧蘚清桐影酒釀黃  
花壯客顏最是繁人懷不淺落霞多在夕峰間

其二

秋花媚白日一鳥向人啼慢卷桐廊曲階空鶴步  
低高烟縈遠岫落葉打溪閨誰奏伊州調鳴篳畫  
舫西

秋日

幽意滿空林疎簾絡緯吟罷琴聽雁過移榻覆蕉  
陰官况風塵態秋來巖壑心何時借夙好曳杖上  
青岑

送高念東歸淄川

君今謝時去蕭城當高秋孤光明霽曜皎然不可  
留昂首視霄漢適意非外求聖代恤臣隱未老恣  
夷猶翩翩多稱情善病亦良謀脫木半村戶白日  
照田疇川原淡容與曳杖適林丘躋心望勞山縹  
緲青霞浮岑壑藏仙人倘遇道者流開示清淨源  
庶幾逍遙遊相送令人妬遐心空悠悠

月下恭紀  
十月十五夜 保和殿直廬讀武 殿試卷

奉 召題丹陛衡文上玉京星辰慚曳履葵藿切

青箱堂詩集

卷十三 戊戌

六

憶誠長樂鐘初動高天月正明九霄風物冷正夜  
夢魂驚殿角千門靜河山萬里清恪共陪上相肅  
穆附諸卿策秘鷹揚畧思淡豹變榮願言拔智勇  
藉手佐昇平

送王尺古黃門假歸

盛世多直諫如君更樸誠持身敦古處經國去浮  
名晴舫黃花綻秋空白雁橫歌驪懷不一悵悵卜  
歸程

其二

鳳闕朝光霽仙槎衣錦歸山雲開曙景海樹帶秋

聯舊夢馳鄉國新恩戀 帝畿咨詢多秘策還省  
奏彤閣

先大夫忌辰展墓歸望衍法寺弔信予上人  
白日下空壠淒風有餘音悠悠五十載戚戚此日  
心歸途經舊里比隣望香林老僧昨寂滅新塚如  
覆轡望父讀書地寂寞衰草淡自幼而及壯棲息  
嘗苦吟三世人家跡誰復相討尋感昔遇寇變勸  
予避遙岑山溪百餘里頻遺粟與蓆上人真有道  
哀壑萬象沉七十亦云壽何須淚沾襟心空諸緣  
淨千秋等分陰念彼大雄氏何曾生至今低徊爲  
青箱堂詩集 卷十三 戊戌 七

停車夕陽影蕭森東雲紫脫木寂寂栖寒禽

喜沈仲連至

十載飄零天一涯歸來故里却無家萍踪去住渾  
宜笑舊事諮詢半是嗟長欽空彈歌未就短裘欲  
弊與尤奢當年兄弟今餘幾且共清樽閱歲華

題梁蒼巖大司馬栢棠村牡丹園卷

三月驅車烟光紫栢棠村近潭沱水聞道梁園徧  
牡丹駢駢未遑暫停輓歸向司馬問花光萬枝忽  
見一卷裏艷蕊仙房繪者誰一片麗景如振綺芳  
草平疇絳霧高高下下邁香阜門逐林開逕轉

闕黃鵬紫燕嘗相遊閒庭窈窕香雲影堂構世澤  
留風騷若近若遠渾莫辨高枝低枝如錦濤思君  
子今竹猗猗企大夫兮松離奇蘭蓀盈砌旭日宜  
春風富貴當芳期乍疑粉黛三千漢宮曉復驚孫  
武教戰吳娃時祥鸞蔚跂威鳳舞光傾琥珀暮霞  
披暖雲藹藹風習習雨過雕欄臘脂濕珠簾半捲  
月當空榮光閒靚依檻入淑姿倩質奈春何高情  
幾向亭邊立太和春酒盈金壺莫使看花多不及  
注曰此圖重徘徊前上柏棠花正開

戊戌九月十二日

青箱堂詩集

卷三 戊戌

六

上射獵于晾鷹臺召九卿詞臣臺省侍從遂 命尚

書前示以御決恭紀四章

於皇懋昭執競驅逸秋高氣肅神武式律玉帳屯  
雲金戈指日旗轉圍合草枯獸出

影動千麾塵飛萬馬風靜長空烟橫平野左右率  
從來古臺下龍驤獨馳舍矢血灑

天子怡悅臣隣拜舞孔武孔文克邁千古燕及九  
有永受斯祐 帝曰六卿爾來式觀

張弓發矢惟茲決良哉彼狐兔革表金相弦不指  
侵外顧中強大哉 王言經紀之綱

冬至前二日禮部齋宿

荏苒年華上鬢毛空堂秉燭絕塵囂鐘聲斷續西  
風緊窓影扶疎脫木高地肅莫嫌聞見怪心清偏  
覺夢魂勞暗啗夜半棲鴉墮兀坐踟躕首重搔

除夕自省

酌酒酬今夕知非意炯如過多緣好事識暗規無  
書馬齒徒加長年華空復徂興懷難自遣燒燭幾  
躊躇

青箱堂詩集

卷三 戊戌

九



巳亥

元日家宴

奉運開三朝歡娛合一家辛盤隨俗尚明燭換年  
華何幸君恩渥爲思祖德遐天真和樂內爛熳頌  
椒花

人日

王正佳氣盛年華拂檻垂垂柳欲斜令節流風飛  
綵勝晴窓旭日上梅花好懷逐酒憑春放逸興微

青箱堂詩集

卷十四 巳亥

歌向夜賒最是康衢多樂事晚來燈月影交加

送寶生德邁巡漕歸備兵潁州

漕使歸來多令名治兵今復潁州行燕南極目寒  
雲盡楚北寨帷春草生鈴角花深清虎兕戟門風  
靜擁旄旌知君大畧凌方名佇俟徵書出 帝京

立春前一日署中作

旭景催春至虛窗靜對宜茶聲沸曲院鳥語上高  
枝婉處寅清地翻多巖壑思昔時山下寺梅影正  
參差

元宵

嘉節忽元夕驚心歲序流良宵學縱飲雅子解藏  
鈞燈火千門麗笙歌五夜稠月明照不寐更欲一  
凭樓

送嚴灝亭黃門假歸餘杭

梧省初鳴上苑鶯歸旌朝出鳳皇城風前折柳春  
方永花下停橈月正明巖壑曾留遊客夢烟霞遙  
繫昔年情期君細記山光好待得還 朝說夙盟

晚坐

溪門曲徑似山家寂歷高林聽暮鴉細雨黃昏春  
尚冷疎窓坐對水仙花

青箱堂詩集

卷十四 巳亥

二

春夕路雪

二月春猶冷幽尋雪尚飛穿林迷野徑隔渚閉僧  
屏屈曲松如昔迂迴籬半非寒光照不夜茅屋一  
燈微

送沈仲連還淮陰

故鄉今又別執手爲徘徊千里孤帆去三更旅雁  
來風塵淹壯志蘿薜老奇才輦下堪借隱青樽待  
子開

春感

雲暗春猶冷一簾烟雨斜舊懷千萬緒牆角見桃

花

春夢

羅幙香殘憶笑歌，舊懷燈下奈春何。難堪枕上三更夢，又歷當年數日多。

雪中東汪古旋米紫來山齋

洪光寺上最高峰，老柏盤旋路幾重。美子經行攜手處，萬山飛雪一聲鐘。

清明前二日瀛臺啓奏

御柳初斜寒食風，漣漪水影照霞紅。侍臣下馬荒池外，遙見彤闥曉霧中。

青箱堂詩集

卷十四 巳亥

三

其二

雲屏烟檻俯芳津，老樹參差徑絕塵。中使方傳封事入，又聞進講召儒臣。

經真覺寺

古輪依然烟雨姿，桃花無復出牆枝。板橋細草河邊路，夢得閒行是昔時。

偶暇

奇懷矜偶暇，蕭散有餘心。柳拂迴欄靜，鶯鳴曲院深。檢書貪夕霽，燒燭惜春陰。簾下憐疎竹，微風送好音。

戴巖學夕坐

慰我夢中思，閒庭過對時。寒雲懸宿雨，夕鳥眷春枝。往事聊杯酒，高懷數論詩。多君年未老，頻話鹿門期。

其二

捲簾延夕景，秉燭接春暉。今古多遺憾，風塵誰息機。棲心巖上月，逸老柳邊磯。鼓枻來朝去，桃花逐岸飛。

送陳天祓出守長沙

與子難爲別，何堪值暮春。飛花繁盡觴，芳草綠征塵。青箱堂詩集

卷十四 巳亥

四

人京國論交久，長沙入夢新。盛時五馬貴，莫漫厭風塵。

其二

褰帷行美爾，七十二峰高。雲母山前月，秦人洞口桃。虛心求疾苦，雅化戢鞭索。惆悵勤相憶，清宵幾倍勞。

小閣

樓閣重檐裏，花深徑復回。鳥聲凭檻過，山髻捲簾來。坐惜芳菲歇，爲憐風雨催。丁香出屋角，猶見一枝閒。

爲趙友沂題楊龍友畫冊

半幅烟光裏猶如見故人  
蒼山藏世代遠韻絕風塵  
徑掩平林月村通古岸津  
如君披氍毹幾欲往垂綸

輓王鐵山少保

片旄悠然去銷魂思不禁  
十年兄弟意千古歲寒心  
寂寞鶯花晚迷離烟雨溪  
靈輶日以遠洒淚望江岑

其二

超絕臨終咏君誠豁達人  
應從身世外獨悟性情

青箱堂詩集

卷十四 巳亥

五

真雲散三生事花飛萬古春  
惟緣交好篤難遣夢來頻

送王農山巡倉奏最旋請歸養並寄宋上木

直方

國庾方奏績家慶遽陳情  
親意身名奉君恩定省榮  
芙蓉烟外舫橘柚月中觥  
直北興懷處雲漢五鳳城

其二

同志二三子離羣天一方  
送君懷夙昔使我意徬徨  
大雅青細裏朋樽錦瑟傷  
幾爲企予望江上暮

烟長

梁蒼巖大司馬蕉林書屋

門閉綠烟深高人獨坐吟  
羣書恣晤對逸慮發蕭森  
覆徑紅塵絕依簾白晝淡  
中宵聞雨後寂寞是何心

五弟新居

美子幽居適蕭然四壁空  
青山睥睨外茅屋市廛中  
簾捲遲宵月窓開受午風  
憐予猶碌碌徒爾慕飛鴻

其二

青箱堂詩集

卷十四 巳亥

六

板扉逐僻阜短檻若憑囑  
放眼看烟雨收山入畫圖  
筌篋時獨聽蝴蝶夢多娛  
莫道無關務階前種竹梧

夏日對商賢

疎簾度雲影堂上坐我友  
永日晤對清鶴步入肘  
右遐心躋先軌古人或在口  
今昔幻化中臧否誰不朽  
好風徐徐來荷氣香几牖  
遠見山髻青適當微雨後  
何時披蓁苓徑相攜手嘉  
邀物外心且飲樽中酒閒  
階倚徙晚明月照高柳

偶閒



偶閒始覺辭名晚長日簷垂一院淡花徑半欲容  
鶴過柳陰不掃任苔侵虛堂青簟羲皇夢老木流  
泉巖壑心堪喜簷前松風清無風亦自作清音

題胡菊潭先生馮青方畫竹冊

青方老人解畫竹結束章丈歸尺幅生枝放葉絕  
經營一洗纖妍存幽樸吾師雅重古澹姿高懷日  
與相往復凡上每訝寒颺起螭驚虬走氣肅穆疎  
簾清簟不知暑陰森若對瀟湘谷有時拂拭欲生  
烟涼雨疎雲疑滿屋冬宵燈盡雪霏霏展翫猶聞  
多稂郁自應寶之等球璜留取青光常在目

青箱堂詩集

卷十四 已亥

七

夕興

掃徑清逸慮興懷獨寤歌迴橋迷拂柳低牖出擎  
荷苔色逢秋變蟬聲傍晚多坐憐時序邁樓角轉  
明河

秋日偕劉元公飲李獻菴園亭

樸素園亭秋正宜到門草木盡幽姿花枝橫徑行  
多礙夕照穿簾坐更移海內故交餘我輩樽前高  
論半當時淹留無待君投轄烟景繁人歸去遲

送張培藏之持憲山西驛傳

晉陽西去萬層巒把酒歌驪秋欲闌如子多才名

自顧念子垂老別爲難風塵炎冷人情幻車馬征  
輪民力殘好執紀綱答簡在夔龍會集五雲端

暮秋李坦園相國霍魯齋司馬飲朱生齋

中

平生疎放意喜就故人來上客車偕至淡堂菊正  
開宦貧懷世澤性逸擅詩才笑我不能飲爲君一  
舉杯

其二

淡徑多暇像悠然君子齋捲簾穿夕照落葉滿閒  
階典豁樽前論蕭疎世外懷長安交道廣幾許勝  
青箱堂詩集

卷十四 已亥

八

吾儕

九日偕楊商賢塔米紫來兒熙輩飲野圃復  
登慈仁寺閣

薄遊酬令節隨意適郊西野濶秋光靜村虛日影  
淒攜兒登斷埠煮酒坐荒畦何處窮餘眺疎林落  
照低

其二

又上祇園閣蒼茫冷夕曛風烟失遠岫宮闕出重  
雲極目幽燕際投心雁鶩羣復期松下去清籟坐  
相聞

孟冬前夕 太廟候祀

丹禁明禋夕重門靜絕囂雲空層闕肅鴉噪萬松  
高視夜憑宮漏聞人虎鬚毛整冠瞻御路灼灼編  
明膏

法開三郡丞殉海逆之難子若與若

鼙鼓驚飛沙慘黯烟塵紫悍卒擁頑帥變起蕭牆  
裏金鐵縱衡鳴狂奔駭突豕慷慨烈丈夫視死無  
轉徙不負平生學死孝復有子豈爲千秋名豈爲  
百世史蒼蒼海上山浩浩海中水皎皎日月光烈  
烈罵賊死

青箱堂詩集

卷十四 已亥

九

贈王次重庶常

夙昔秉微尚黽勉慕良士側聞吾子名况乃生同  
里皎皎遵倫輩聲華如振綺同志二三人砥礪遭  
時毀上賴古人書卓犖絕因倚嗟子幼失學奮飛  
愧蒿矢子志抗淵漠困鈍蘊神理一朝逢哲主名  
成卿相喜威鳳搏層霄吉暉耀遐邇努力飭羽翰  
傳天從此始

寄答唐豫公山陰

相別惠泉夕今來十六秋江雲迷越嶠塞月冷幽  
州寄我清新什思君汗漫遊何時乘興去雪夜不

回舟

冬夕感懷寄高念東

嬾雲凝暮色霜華燦枝間孤懷隱自際酒力壯衰  
顏獨倚樓上牖遠看雪後山遙遙山中人千峰閉  
我關蕭條意自得高烟絕人寰跋子望不及坐見  
飛鳥還

熙兒扈從過昌平間登溝溝崖

高巖百里內輾轉數年心人想千峰矗聞遊絕壁  
溪草衰藏虎跡木落亂泉音知爾登臨際爲予上  
一岑

青箱堂詩集

卷十四 已亥

十

送姜滙思侍御參議江西

憶昔懷渺渺論交二十年慇懃兵火後感慨酒歌  
前夢繞西江去心依北闕懸莫疑頻把袂幾欲制  
潛然

靜夜

素心耽冬宵青燈耿幽寂在路滯所歡寤寐難自  
適靜夜偶然暇默坐數往曆悠悠當年心波濤相  
蕩激夢當既醒時笑從何處覓老梅初作花幽光  
與夜敵坦懷淡容與馨香餘四壁

其二

閒檢古人書自愧成草草嘉時不易觀虛名豈足  
寶季子志奮發徒然驕妻嫂忽聞理秦箏怒焉心  
如擣促住多商音淡夜令人老靜言思古今一往  
跡如掃栗冽寒條上風吹聲亦好

其三

同雲暗終夕寒風逼歲除蒼蒼萬古間天地壽散  
樗櫟上七尺琴牀上連屋書相顧聊自得誰曰非  
華胥閨中藏斗酒雪夜剪青蔬今者不爲樂何用  
爲躊躇

其四

青箱堂詩集

卷十四

十一

其四

風定天宇空夜久明星爛時過感易興百年况逾  
半剪我几上燈撥我爐中炭不憂年歲馳望古滋  
遙歎淑氣催春生陽光雞聲喚仰趨天尺五光華  
旦復旦

青箱堂詩集卷十五

宛平王崇簡著

庚子

元旦

淑氣宜良宴椒觴莫厭頻雍熙仰 主德和樂慶  
家人老怯光陰逼疎存情性真兒童歡洽意秉燭  
倍生春

偶過放生池

城市東南際逢僧作勝緣結茆依舊剎開沼得雙  
泉浮世忘機地衆生自在天偶來日亭午池上徧  
青箱堂詩集

卷十五

庚子

春烟

正月五日禮部致齋夜雪

剪燭春宵宵已淡襲人寒影隔窓侵庭烏繞樹棲  
還墮宮漏因風響復沉靜對青編猶似昔潛生白  
髮却從今開簾大雪階前滿爲向寅清照素心  
清寅

十三日飲五弟宅子姪偕侍

兩世偕兄弟良宵喜復臨歡娛孺子態珍重老人  
心平野烟光合荒畦雪影淡銀花高幾許燦爛照  
疎林

元夕前閨中作

夕霽澄輕霽餘雪凝寒夜同生鳴笳緩調託情  
素佳節候已臻懷新轉未足歲華相因依愉悅聊  
從俗蘭鬢佩燈光春影心同

元宵

今歲元宵風景清月當空霽色增明燈懸綺席樓  
影人聚天街簫鼓聲雅子喧譁爭火樹演闐宛  
轉奏銀箏年華莫漫輕拋去把酒何妨入五更

送吳玉京吏部分守宣雲

芳草萋萋照錦袍雙旌駟馬美君豪寒沙行部春  
青箱堂詩集 卷十五 庚子 二

光晚明月登樓雁影高鎖鑰才今煩北塞銓衡名  
入重天曹離羣倘念長安侶應有新詩託綠毫

贈梁葵石歸養

羨君歸去好五世書堂前桃李春燈夜雪霽書錦  
天家傳爲善樂自注養生篇詩下推元老人思少  
宰賢

春夕偕五弟閒步城南因憶四弟及姪

城邊烟靄散芳臯二月春風旅雁高落日半黃依  
寺柳荒汀光綻出牆桃三年弟姪音書杳萬里關  
山魂夢勞閒步郊原聊遠望年光收拾付香醪

白馬寺

古刹何年建興亡難具陳但看堂上日曾照昔來  
人大夢觀前事浮生累後因逢僧相舉似草色徧  
階新

偶酌報國寺海棠下

韋芳春雨後艷色粲珠林日落花光媚風清月影  
淩樽前今夕意物外百年心爲問棲枝鳥何如松  
上音

宋大叅將赴紹興自潞河過近郊晤別

猶是平生意相憐鬢各蒼離心當落日把酒欲沾  
青箱堂詩集 卷十五 庚子 三

棠越嶠江雲渺仙舟烟水長山陰巖壑好得句寄  
縹緲

李黻菴劉元功李俶元集園齋觀書盡步歡

菴韻

一院鶯聲春晝長客來移榻藉花香柳枝拂檻偏  
搖曳燕子穿簾故頰頰書盡煩君爲品第泉巖何  
日踏蒼涼淹留却規無供給鶴舞閑階欲夕陽

過萬明寺

昔年假館地尋徑閉門深插棘開新圃栽松補舊  
林莫言身外事且覓見前心寂寞移情處空階柿

葉陰

過王襄樸金魚池寓舍望梁蒼巖劉洪瞻袁

九敘坐談

扣門人似在溪山簾捲堂臨水一灣野徑漫憐芳  
草暮幽庭真媚落花間坐逢快友談偏劇架有奇  
書借未還夕色郊壇看更好森森松柏挂烟鬟

贈欽序

求友當今世蕭疎美子賢新詩多創獲古篆獨超  
然才向書中老人從物外傳莫將鴻鵠志徒爾戀  
巖泉

青箱堂詩集

卷十五 庚子

四

合祀天地分獻恭紀

五色雲霞擁六龍千官虎衛下齋宮凌空玉陛丹  
霄上繞璫金燈綠樹中大禮肇修今古盛明禋合  
祀地大通微臣何幸從分獻恭觀祥光徹夜紅

南苑夜讀武舉殿試卷恭紀

中林羅俊校敷陳玉漏迢迢剪燭頻 天子觀  
書恒夜半四更猶自召儒臣

端午

草堂簾捲照榴花淺啖迴廊曲檻遮兒女挿符隨  
俗尚弟兄小飲閱年華爲思昔日風光好猶託高

梁柳影斜薄醉欲眠清晝永梧桐疎影上窗紗

端陽薄暮過王襄樸金魚池寓居

參差人影亂斜陽乘興來過池上堂狹路臨流喧  
士女高臺倚樹雜笙簧翩翩走馬沙堤外錯落呼  
盧錦瑟傷嘉節妬君居勝地黃昏燈火照魚塘

敝廬

溪柳蒼烟掩敝廬偶因微病得閒居忙中歲月遷  
流易老去情懷是處疎荷芰風來人靜後梧桐露  
滴月來初浮生何處堪經意且酌香醪摘野蔬

觀崔青蚓遺書

青箱堂詩集

卷十五 庚子

五

妙筆依然生死殊聞君埋骨在城隅人間挂劍悲  
何處天上修文事有無霜冷月華魂浩渺雲昏夜  
半兩模糊沾襟時切西州慟多是傷心掩舊圖

楊晉占晤間出示新詩因憶宋宗玉明府宋

文玉少司空趙黃澤中翰崔青蚓文學

憶昔相逢各少年論文嘗對夕陽天一時朋輩多  
真率廿載存亡倍惘然往事白雲蒼狗外故人尊  
酒草堂前多君老才偏健數首新詩座上傳

讀書感興 時方憂旱

長夏垂簾暑氣熏讀書揮汗笑何勤偶翻魯史逢

雨雨閒誦周詩歎若焚天地竟全無怪事古來大半屬風聞平生寡陋才多隨老大學寫放膽文

送張伯行巡撫陝西

乘曉清操荷宸褒開府承恩屬異遭百二山河雄鎮踰千羣罷虎擁旌旄輕裘按節周原靜長嘯登樓華嶽高別後知君相憶處燕臺回首夢魂勞

恭隨

步禱致齋靈佑宮晚坐郊原同魏

石生總憲朱右君副憲沙會清宗伯

憫雨勞明主臣鄰切望霓致齋仙驛北隨步古壇西雲障疎林遠山含落照低遲回依勝友蹊徑晚青箱堂詩集

卷五 庚子

六

烟迷

閣眺

寶閣凌空碧巍然稟肅將遙峰凭檻得平野入烟長霓影侵雲脚雷聲變夕陽傷徂祈速雨拜舞祝農祥

送甥張輯五光祿之任羅定州同

故舊多凋謝相看獨汝親暮年倚薄祿萬里作征人應世難憑拙持身莫若真片帆烟雨外別我幾逡巡

一一

憶昔讀書日今餘四十年園齋坐夜雨山寺閉春烟何意桑田變猶借仕路緣黯然分袂去雙鯉記時傳

送壻米紫來定省沐陽兼寄尊公吉上

定省三年夢揚帆此日情立身敦本務爲學謝虛名秋浦青燈靜春潮畫舫輕雲衢奮健翻臚唱聽先聲

二

攬袂難爲別全家載一航最憐子女弱更念去途荒風露因加慎琴書好自將歸當過庭際道我寄青箱堂詩集

卷十五 庚子

七

懷長

清晝

轟雷逐早魃通夕聞檐霤朝來沉烟飛草木多靜秀下簾觀羣書性情相左右千古有懿規慎爾遐鄙陋窮通各有適悠悠此宇宙一蟬鳴嘉樹雲日相穿漏幽蘭初作花淡香永清晝

夏夜

寂寂深宵夏漸涼驚心時序獨彷徨三更雨後芭蕉靜一榻窓前茉莉香學道却嫌情易惱養生最喜事多忘明河又向西南瀉數點流螢出亂篁

久未至摩訶庵 多讀書其中者

不到禪房歲月徂 喜聞幽徑未全蕪 猶然春曉啼  
鶯不尚是松風 振夕無好客老僧常假榻 書生今  
日幾雲衢 閒中舉似當年意 雪霽空堂片月孤

酬錢仲芳寄畫

美人一別幾經年 秋水蒹葭望遠天 妙筆不難千  
里寄 新詩常聽故人傳 雅懷花底移茶竈 清興山  
前立釣船 何日重尋烟雨蹟 與君抵掌話從前

新秋

離花徑葉變秋容 高柳垂垂落影重 留客草堂嘗  
青箱堂詩集 卷十五 庚子 八

借月懷人午夜適 聞鐘年芳鏡裏拋雙髻 心曲樓  
頭付亂峰 但得身強扶杖去 僧龕佛火對山農

秋夕懷高聰佩宗丞

晚霽淨空階 桐陰淡將夕 偶疾得餘閒 開徑掃白  
石 瓜蔓覆鄰牆 暮鳥投簷隙 遐思同心人 逍遙秋  
水碧 何由借容與 蕭散談在昔 遠刹鐘聲歇 天高  
月正白

寄懷李又白少司空

別後相思幾歲時 傳聞強飯日吟詩 獵歸雪夜箏  
聲細 倦起春朝花影遲 最喜薄田猶贖酒 莫愁繞

膝尚無見宦途多少風波險 林下如君未易期

賜假偶述

君思尚許暫優游 病學忘機何所求 簾捲蓼花三  
徑雨 夢回旅雁一行秋 懶看怪事拋遺史 思到溪  
山上小樓 倘遂投閑十畝計 草堂巖下對溪流

秋夜偕五弟子姪小飲

涼雲疎雨澹清宵 坐對寒窓燈數挑 蟋蟀聲中秋  
寂寂 梧桐影外夜迢迢 愁聽往事催檀板 笑說閒  
情教玉簫 莫道偶然今夕醉 也應有夢亦逍遙

八月十二夜

青箱堂詩集 卷十五 庚子 九

嘉辰容易至 白髮惜相催 移席空亭下 開尊好月  
來 天高秋色正 雲過雨光回 莫盡歡娛意 來宵上  
露臺

十三夜

連夕秋光好 扶筇待素暉 登臺雲盡斂 把酒雁南  
飛 砧杵聲偏切 星河影欲微 莫嫌風露冷 稚子解  
添衣

中秋

崇朝微雨歇 最喜晚來晴 況是堂前桂 當茲月滿  
楹 陳瓜遵舊俗 度曲譜新聲 顧影頻移坐 光華照

兕觥

九日香山

一片蒼寒接翠岑，香山樓閣入雲深。却因抱病蒙恩假，適得登堂愜夙心。霜葉吟秋悲夕照，溪泉咽石響幽林。扶筇頻作當年想，涼月依然松下陰。

木欄陀

木欄陀上凌虛閣，荒磴行穿亂石來。萬壑秋光雙戶閉，千秋霽色一窓開。烟飛平野青旻迥，雲擁神州紫氣回。最喜山巔泉冷冽，塵纓取濯坐蒼苔。

廣應寺白松

青箱堂詩集

卷五 庚子

十

寂寞何年寺，溪門畫不開。僧方摘果出，人爲看松來。積蛻階凝雪，驚濤檐挂雷。秋陰空殿靜，欲去復徘徊。

孫北海少宰退翁亭

臥佛廊西去，溪巖小徑平。地因荒剝舊，亭得退翁名。曠野凭欄出，幽泉繞谷生。柿林修竹裏，隨處作秋聲。

宿功德寺

板橋落照低，古寺苔幽棲。花圃逢遺跡，僧房覩舊題。秋聲殘殿冷，霜月晚蛩淒。度空山住，清宵夢

不迷

玉泉山至觀音寺

玉泉山下徑，緩步作幽尋。亂石迷新水，頽垣失舊林。僧棲荒洞寂，碑臥野烟深。獨有觀音寺，霜崖落磬音。

自山中歸過摩訶菴

山中信宿暫淹留，復覓歸途古剎幽。簾捲空階十載夢，松蟠老屋一林秋。靜看香篆窓當竹，翻憶書聲月滿樓。却笑平生貪寂寞，偷閒猶作訪僧遊。

李古津宮詹自盛京

賜歸過晤子時在告

青箱堂詩集

卷五 庚子

十一

留飲贈別

相見難悲喜，扳留話苦辛。燈前今夕酒，夢裏八年人。高志猶如昔，疎懷却倍真。明朝君又別，珍重報恩身。

送侯生筠菴恤刑浙江

瀟瀟寒日戶庭清，比部仙郎別我行。夜得新詩當折柳，朝開濁酒且班荆。却懷子去山川遠，正值春來雨露生。若到武林湖水畔，僧房或有舊題名。

送陸咸一恤刑閩中

不憚風波萬里行，一杯難盡別離情。舟過淮水年



將暮路入榕城春漸生南服推恩期密克西曹執法本持平知君能廣祥刑意爾使遐頌 聖明

送熊雪巖山東樞州

仙郎雅度舊能文持節平反映暫分案牘莫留疑獄在哀矜先使下情聞燕臺日落蕭蕭樹泰岳風清冉冉雲預計歸期芳草後歌驪何事歎離羣

冬夕

嬾慢觀書誦考槃閒階鶴過葉聲乾鄰鐘初動黃昏後滿屋梅花伴晚寒

憶昔

青箱堂詩集

卷五 庚子

十一

憶昔耽岑閨門閉荒園久冬日倏忽升寒影下紙牖松蔭積盈階戛戛蒼鼠走庭昏夕鳥來飛鳴栖高柳兀坐方息機敲門來樸友抗言談古今相顧具斗酒長吟伐木篇吹簫橫北斗燈垂半夜花盤剪春前韭

冬夜

又是年華暮棲遲暫息勞夜寒人語靜門閉月輪高怯老貪奇思安常嫺雅操剪燈恒兀兀隨意飲

香醪

仲冬

曜靈不暫停大化不暫守歲月感復深百年亦何有往者非我前來者非我後現在豈堪恃呼吸即陳朽坐見梅花開明月中天走

憶夢

凍雲疎木晚窓清嘈雜栖檐亂鵲鳴昨夜狹斜年少夢雪中下馬索彈箏

寄丁右海爲之介觴

憶君援我兵戈際舟泊姑蘇識面初幾地蒼生霑雨露百年花下擁琴書春輝沆瀣盈瑤竿畫錦芝蘭映綵裾千里常懷多壽頌風塵莫訝寄音疎

青箱堂詩集

卷五 庚子

十二

冬夜讀書

去日不可留來日猶可考倘無六籍言天地亦草草堂堂歲月徂千秋誰足寶賴有立言人後天能不老

守歲

夜久憐春逼開樽不欲眠今宵尚今歲明日即明年萬古推遷夕千門宴樂天爆聲聽不斷遠近鳳城邊

青箱堂詩集卷十六

宛平王崇簡著

辛丑

辛丑立春

王正已五日日午立春時畫閣梅爭艷疎欄柳弄  
絲花箋縷絲燕羗管譜新詞何事風猶冽東臯烟  
景遲

正月十六夜左翼門辨

大行皇帝喪禮偶記

寂寥空碧月痕消號泣攀髯龍馭遙中夜經營清  
青箱堂詩集 卷十六 辛丑 一

禁裏人言昨日過元宵

仲春過紫竹禪院昔爲中貴別墅

閒尋紫竹梵王家却少千竿竹影斜平野半浮春  
水濶高樓雙出曉烟遮依然逕繞當門沼不復亭  
溪隔岸花莫訝變遷今昔異且凭老木聽啼鴉

景山候書

世祖皇帝神牌道院暫憩

道院依仙禁蒼梧慟不窮鶴歸松影下花落鳥聲  
中塵世千秋異浮生百歲同坐來庭日轉爐篆裊  
微風

雨中過衍法寺感懷

高閣巍然似昔存開階樹影舊遺痕傳經幸有孤  
僧在細雨斜風獨閉門

清明河上

玉泉滌繞入官河依舊春風流綠波莫說高梁遊  
覽盛水邊遺寺已無多

清明夜飲茶花下

烏鵲兔躍時序徙攘攘紅塵忘曆紀傳言今日是  
清明勞攘未得襍芳水屋下茶花一樹開杜鵑讓  
艷胭脂紫秉燭且學良夜遊置身千片霞光裏昔  
青箱堂詩集 卷十六 辛丑 二

日流離向秣陵燦爛曾見友人兒今來倏過十七  
年如覩故人生歡喜復有海棠名垂絲帶長如線  
辨如齒齒非紅非白嬌未成漫言旭景臨秋壯絕憐  
從來北地無手把一杯坐時起稚兒屢舞前爲壽  
年年花開酒復育

暮過五弟宅

望裏層層樹芳華綠欲齊松光啼鳥近柳影小窓  
低散步平疇遠閒談新月西茶香憐汝意坐久晚  
烟迷

送欽序三還吳

逸氣橫今古其如高志何偶來瞻帝闕復去老  
巖阿白眼逢迎少青山蒼迹多不堪分手日花落  
滿春波

送田端閣下第歸里

黃鵠振六翮奮飛志翱翔搏風多宛轉刷羽恣徜徉  
念子足千古雲漢起津梁一朝忽言別貽我詩  
一章義內饒繾綣言外爲徬徨媿予牽世務未暇  
餞數觴青青河千柳森森天一方寸心千里路相  
贈慎行藏

黃商侯書來却寄

青箱堂詩集

卷十六 辛丑

三

尺素來何日三年魂夢勞多君恬退切非爲罷官  
高燈下開細帙風前醉碧桃相思千里隔幾度託  
揮毫

嚴方公奔訃相送不及却寄

憐君遑遽去跂予望青岑春戀故人意馳驅孝子  
心哀猿啼驛曉孤鶩入雲深若念長安侶無忘寄  
好音

送宋其武太史少參江西

攬袂歌驪欲別難昔君及第我彈冠江干持節新  
簫牧殿上橫經舊講官雨舫初晴州嶼曉驛亭落

照柳風寒玉堂兄弟今餘幾莫怪沾襟淚不乾

送白東谷大司寇告歸

長安今又送君歸柳暗河橋燕子飛交以久要多  
春戀別當垂老倍歎欷歔亂峰細雨速征旆古道斜  
陽照客衣雅抱尚餘籌世略東山且莫築漁磯

夏至

草木知時節相看感歲華蕉陰侵砌徑榴影上窓  
紗午夢人初醒中庭日又斜檢書消病間高柳隱  
輕霞

寄懷餘杭鮑赤城侍御

青箱堂詩集

卷十六 辛丑

四

憶昔烽烟不知處飄泊荒汀何所去愴懷靡依忽  
遇君云是餘杭老侍御客冬一晤始白門攜持指  
我往和村村有高樓亂山裏八口可以相曉昏清  
溪一帶曲曲斜雲樹迷離去舫遮蒹葭菰蒲十里  
外水上時見流來花僻門小徑相含景梧杉裊裊  
亂天影窮途倚欄如得歸六月林壑雲來冷愁病  
遼巡悲數奇君復覩糧療調饑截竹引泉過簷下  
炊烟時取山木枝於茲兩月亂少定初秋返棹離  
幽徑繼聞旋遭盜賊殘溪聲竹簾夢中聽倏忽別  
來十六年逢人惟說君之賢媿我碌碌風塵際起

居時之雙魚箋開得八十步猶健客至迎送多繾綣  
縈子孫繩繩耕讀暇花下次筆畧同勸寤寐勝境  
真堪悅區緣未謝悔成別常期半消詩君前共醉  
和村綠蘿月

夏夜

銀簾調罷掩輕羅幾點流螢樓角過午夜夢回庭  
院靜一簾風露月明多

七月十四日偕陳培皆吉及五弟熙兒郊遊

昨夜秋仍暑今遊雨後天峰巒開午霽禾黍帶朝  
烟又是中元至何堪急景遷擣樽偕爾輩蕭散學

青箱堂詩集

卷十六 辛丑

五

志年

送孫江亭家宰歸省

高堂眉壽羨君歸雅志思尊願不違秋靜烟光迷  
去旆天清嶽影掛斜暉離邊叢菊和雲種月下空  
林放鶴飛自是中朝屬望切承歡豈得戀萊衣

送王玉銘大司農歸莽滇南

鳳城風細亂秋砧此際何堪攬別襟萬里家山兵  
燹後十年親隴雨烟淡恩光泉壤興朝澤榮賁松  
楸孝子心國計需君籌畫亟高懷難久戀雲林

夏日鱗松堂

松陰覆石短欄遮曲曲廊迴幽徑斜青簾風來秋  
欲至滿庭清影落槐花

沈上偶吟

依違夢不就聽斷鳳城鐘疎雨聞桐葉微風引砌  
蛩懶慚逢世拙老覺責躬情何處堪生悟窓西月  
掛峰

輓范珠巖太史

丹旄滿瀟秋水長寒雲疎雨助悲涼聲聞早歲馳  
南國兄弟聯鑣躋玉堂何意鵬飛驚夢短爲思鵠  
序倍情傷不堪落葉西風裡廣柳淒其天一方

青箱堂詩集

卷十六 辛丑

六

秋初憶寓汾湖葉善長庭院

葉鴻振  
繩族子

飄零憶昔寄孤蹤野岸停橈處處烽雨過蓬門搖  
葦蒹月明秋水照芙蓉客懷愁絕重湖盜歸夢途  
窮午夜鐘何意相逢非故舊汀邊籬落許相容

偶成

獨坐秋陰靜空明影沈寥輕風拂蘭蕙疎雨滴芭  
蕉物態隨時變奇懷涉世消爲思青岫下掃徑註  
逍遙

中秋

最喜今宵月晴空照滿園清光徧四座皓景映千

門把酒秋多韻侵衣露有痕橫天南去雁落影向人翻

暮秋感霜露之變仰思

世祖章皇帝

微臣哀慕有餘悲父子遭逢思遇奇法從新班借臣崇簡任加禮部尚書臣崇簡任臨風洒泣驚秋暮往事浮雲潛落曦臣崇簡任至德難名無以頌含情悽切述成詩

當時擬候詰朝安午夜傳催召講官正月初六夜

青箱堂詩集 卷十六 辛丑 七

使者傳催於路為喜觀書因病問何期臨馭欲攀難仰瞻賜翰心如結前賜臣照俯媿深恩淚不乾悵望景

山松柏色壽星殿外露華溥梓宮在景山壽星殿

送陳肩倩還武林

鳳城數載足遨遊醺醺典思故國秋把袂何堪千里別歌驪猶喜一尊留黃花開福離邊徑紅樹歸來浦外舟若到湖山憶舊侶知君為我上江樓

送吳無稱歸將構和村舊亭

憶昔相依隱薜蘿送君歸去意如何凭樓尚記當青岫倚棹曾經遶綠波詩社却因烽火盛故人偏

喜晤言多高懷重構聞亭好秋月春風待晴歌

送徐公肅殿撰候補暫歸

琴瑟西風吹雁行河橋把袂倍徬徨憶傳御召趨彤陛見賜宮衣出尚方回首鳳池凝暮靄分攜秋水冷斜陽知君感遇情無限應念淡恩夢玉堂

送顧南樓庶常

君昔蒙恩眷言歸荷賜金借才令邑宰拔俊舊詞林秋岸楓邊棹江城花下琴彈冠引領望攜手五雲溪

暮秋

青箱堂詩集 卷十六 辛丑 八

摘文說劍不須論日靜人閒半畝園滿地苔紋藏露冷一簾菊影麗秋暄霜清冷落鶴窺沼風動林疎葉打門但得餘年多暇豫奇書讀罷坐開尊

九日登城南高阜

氣肅天地曠節序變原壑尋徑步紆延汀蘆相交錯廢墟綴寒花荒亭飄積穽欲窮登覽懷攀躋穿叢薄四望臨高臺秋光滿寥廓胸次宕風烟白日下雲脚悠悠今古徂悲樂雙寂寞

范太傅先生郊園看菊菊百種有名大小喬者

聞說東山勝今來見午橋風烟團團廣陌樓榭俯香

皇籬畔迷三徑花名著二喬淹留方半日物外足逍遙

十月十五早朝

猶掛西峰月初升東海霞陞前馴仗馬松上起宮  
鴉樓閣朝瞰滿旌旗寒影斜趨踰或恐後劍佩互  
交加

送孔心一督學中州

朔風獵獵拂雙旌藻鑑持衡壯此行中夏人文歸  
雅化兩河絃誦變新聲辭榮競美乘驄日巡方錄  
松以病

請執禮爭傳抗疏名在禮曹  
論廢后經術更饒先聖澤聖德

青箱堂詩集

卷十六 辛丑

九

佇看桃李映華楹

送侯生筠菴督學嶺南

霜天惜別一尊前此去羊城路八千海嶠雲飛聯  
蜃氣枕椰葉舞亂春烟喜聞奇士逢知己好採明  
珠稱薦賢諒子念子頻北望京華直在五雲邊

茅齋

時序驚霜鬢茅齋又歲寒彩翻林影亂鶴踏葉聲  
乾倚杖懷稽古攤詩歌考槃難忘恩眷意尚爾負  
漁竿

先大夫忌辰

盡率當時地定邊七齡孤子路三千何堪此日重  
哀慕號泣今餘五十年

往事有不能已於懷者次序成句

紙窓幽徑蓼花紅柏子香消獨坐中籬下寒蛩爭  
秋夜蕭蕭疎雨滴梧桐

其二

春來古剎學幽栖一片青山牆角西時上小臺無  
個事杏花微雨看推犁

其三

壇邊別業舊時門不復槐陰柳影存苦憶花飛掩  
青箱堂詩集

卷十六 辛丑

十

卷後鄰鐘幾度報黃昏

其四

鳳簫閒弄學新譜半揭湘簾調鸚鵡淡淡夕色上  
苔筍細風茉莉吹香雨

其五

燕姬小小若無情剪剪雙眸秋水明雪裡紅樓暫  
繫馬留人半晌聽鳴箏

其六

朔風冽冽拂弓刀走馬歸來笑寂寥午夜堂前燒  
蠟燭團情吹唱念奴嬌

其七

淡月日影上簾微  
高臥聞吟人到稀  
寂寂藤牕閉  
永日雙雙蛺蝶飛

其八

走馬彎弓影絕塵  
鵲高飛過荒榛  
秦樓雪夜憐  
別拭淚彈箏送酒頻

其九

庚矢張侯日競長  
寒林燒葉坐烹羊  
香閨相待人  
如玉悄理瑤琴譜鳳凰

其十 憤魏瑞也

青箱堂詩集

卷六 辛丑

十一

關風濁亂事多醜  
幽憤無聊徒擊缶  
秋宵痛飲菊  
花前狂歌起舞爲行酒

其十

曲院春晴睡起遲  
海棠窗外欲開時  
閒描南海菩薩像  
又向瓶中添柳枝

其十一

溪靜家園勝引樓  
花枝拂檻照簾幽  
最憐獨坐懷  
人夜苦雨寒蛩燈下秋

其十三

月明楊柳弄輕絲  
庭院黃昏小坐宜  
細細春風吹

影晚粧不倩畫雙眉

其十四

疎籬斷岸淨烟沙  
飭利畦間野菜花  
野立寒磯欲  
影靜半簾殘日隔林斜

送宋右之太史暫還吳門

凍雲栗冽冷征塵  
良友分攜倍惜神  
驛路風霜愁  
落日江皋梅柳待歸人  
論交四海聲聞舊  
段契十年意氣真  
爲念還朝期預卜  
與君重話鳳池春  
久不得四弟消息

歲暮懷偏切飄零未卜居  
常勞通夜夢不接兩年

青箱堂詩集

卷六 辛丑

十二

書何處看長劍  
期來老敝廬  
春風舟楫便應早賦  
歸歟

鄭明府瑛自洪洞來晤旋歸

十年方把袂歸馬  
復駸駸  
念子遠來意幸予別去  
心寒山村路僻雪  
夜驛燈深到舍春風  
猶炯光憶上林

紅梅

雖云多艷質猶自抱幽心  
色映晴窓麝香依靜夜  
淩素蕊分逸韻錦幕藉餘陰  
爲爾恒不寐挑燈每獨吟

得告

蓬門寒日掩高松喜得恩光下九重多病固宜偕  
鹿豕無才久愧調羹龍三年跋涉尚書省五夜依  
稀長樂鐘家世從來依帝里常瞻雲漢祝華封

歲暮

日月逼昏曉堂堂遷急景人生無定晷憂樂相馳  
騁卒歲攘攘情當境發淡省心恬事自足蕭然何  
雋永頽雲凍不流窓寒燭光冷

習靜

習靜全吾拙圖書老歲華寒聲來樹杪春色上梅  
梢箱堂詩集

卷十六 辛丑

三

花既往思堪笑當前興可賒閑中偏好事柳下數  
棲鴉

偶興

冉冉流光上髻催端居門閉絕氛埃却愁無雪冬  
將盡爲喜輕風春又來歲往何煩懷舊感客過且  
興發新醅悠然自顧多暇豫靜夜燈前梅盡開

十二月望日立春

新年春至臘方半風景融和日更晴繞屋梅花開  
欲徧拂欄楊柳曳還輕興來狂態慚如故老去奇  
懷笑漸平坐據胡床翻古帙但安眠食復何營

青箱堂詩集卷十七

宛平王崇簡著

壬寅

壬寅元旦

明霞麗日屬昌辰元載康熙宇宙春正旦節今逢  
雨水浮生年復見壬寅陽回玉琯無疆盛運啓金  
甌有道新瞻望五雲天咫尺椒花擬頌祝楓宸

新歲

元日已昨日年華滾滾來晴欄楊柳曳暖屋海棠  
開稽古多乘典籌時媿乏才傳生新歲酒稚子學  
青箱堂詩集

卷十七 壬寅

一

擎杯唐人新歲飲酒名傳生

元夕

寶髻金貂簇錦新追歡士女擁香塵笙歌幾處樓  
臺月燈火千門簾幕春往事已同昨夜夢百年重  
見太平人通宵不斷天街鼓剪燭傳杯莫記巡

齋中玉蘭一盆甚盛

坐倚玉蘭花閒齋日欲斜簾淡香窈窕靜影光  
華憶昔江南見階前故舊家素懷欣賞切聊爾酬  
名茶

客至晨起



客至催人起晨光麗景和檐枝鳥語細門徑落花  
多殘夢留餘憶閒情成獨歌更聞河上柳青影拂  
烟波

輓曹蘊昔孝子

割股非云孝斯言未盡然爲則親病愈不計已身  
全至行扶人紀清魂泣昊天大倫君不媿始信讀  
書賢

送王印周水部督學江西

錦帆持節向江城雅化菁莪藉鑑衡文運從來關  
治象人才自古出經生鵝湖講席春雲靜鹿洞絃

青箱堂詩集

卷十七 壬寅

二

歌秋水明作賦若登廬阜上幾回北望指神京

送胡相國先生致政還蜀

鳳城風煖柳初斜上相懸車未有家汾水暫謀棲  
婦子蜀鄉試去理桑麻 聖朝恩禮優元老綠野  
婆娑瓊歲華賢達如公時所賴東山豈得戀烟霞

曉至香山

烟飛迷岫壑野色蕩晴暉徑轉雲移日風來花滿  
衣春蔬僧舍飯柏路曉巖扉豈爲山靈笑徘徊難  
遽歸

清明前二日經法華萬壽行法諸寺

名利近郊圻林阜春日輝策騎窮隱僻藉草戀芳  
菲風定河流靜烟淡山色微遊人怯落照笑折杏  
花歸

喜趙韞退至旋即別去

滾柳盈門挂紫蘿故人相過喜如何難忘鴻集逢  
蘭楫却憶鷗行聯玉珂海內論文交獨久別來積  
歲話偏多不堪又把臨岐袂幾度扳驪強自歌

春仲閑居

流光二月已成旬覆屋桃花徑絕塵樓外青山常  
不去林間啼鳥漸相親閒看侍女能齊帙不厭肩

青箱堂詩集

卷十七 壬寅

三

輿頻借人可笑滿懷無一事息機何必訪迷津

經嘉禧寺

甲申賊變前過  
此看鐵梗海棠

舊刹依林麓曾經看海棠偶尋前代蹟重上梵王  
堂地僻青山接花飛白日長滄桑懷昔感寺經賊殿欲  
去復徬徨

重遊秘魔崖

一片青蒼徑重來四十年危崖猶碧石古木尚黃  
連崖有樹名僧老與亡臘山溪斷續烟徘徊無可  
說坐對夕陽前

尋翠微寺看古藤因登大悲菴

土人名  
王汲菴

舊制猶猶在逢人問翠微藤枝蟠怪石花影滿春  
衣落日幽泉靜空山鳥飛大悲菴上去亂壑閉  
雙扉

上龍泉菴望平波寺舊蹟欲至寶珠洞未果  
有菴名勝水却少泉流獨此層巔上偏存半沼  
幽高巖新翠積晴樹遠烟浮未盡攀躋意何時遂  
壯遊

登盧師山巔憩清涼寺遺趾小飲旋至弘德  
寺同登者五弟筠侶婿米  
紫來兄熙然照燕

嶺巖爭率律策馬馳登臨遺堵千年跡高烟萬里  
青箱堂詩集 卷十七 壬寅 四

心舉杯酬往事回首叫蒼岑更上雲中寺林光天  
際淡

登皇姑寺樓望所遊諸山

石沙十里路早已入風塵尼寺傳前代高樓絕四  
隣回看雲浩渺爲想石嶙峋詰旦經行處翻如隔  
世身

過摩訶菴

山歸憐落照餘興過禪林松影空塔靜花香密室  
溪存亡今日感寺前開  
因新發去住舊時心昔讀書  
菴中豈必  
巉巖好修室亦有陰

送葉濟水觀還平陽郡丞

佐郡聲聞久名高輯瑞中鶯花辭薊北膏澤復河  
東鳴角山城曉驅車驛柳風知君回望處頻見五  
雲紅

送友人幕

河橋柳綠鳥綿蠻筆札依人髮欲班我和君歌斜  
日外北來南去半生間慙慙惜別聊將酒寂寞相  
思應望山爲喜騫騰各猶健巖藤澗篠待重攀

送宋上木儀部出守潮州

送君偏起昔年思弱冠論交千古期澤國滄桑引

青箱堂詩集 卷十七 壬寅 五

手日昔遊  
其鄉典朝禮樂折衷時高才邁俗難爲匹循

吏如今信可師此去潮陽雖萬里雙魚莫遣往來  
遲

汪吉旋園亭看牡丹

曾見名園勝牡丹今又開嘗將芳徑閉惟待故人  
來逸步憐春草高談坐石苔閒中堪借隱幽鳥莫  
相猜

其二

城市中佳境門浚野徑迷欄花紅欲綻庭樹綠初  
齊張幕微風歇移樽落照低主人情意篤頻許聽

黃錫

午日感懷

憶昔承恩召仙舟太液湖紅橋穿古木水檻出新  
蒲日下旌旗麗天邊雲漢輝至今清夢裏猶彷彿  
記趣

梁公秋書來却寄

短札十行餘所思問君知我已嫌進行藏隨遇思  
偏好俊仰從人老未宜花落翠樽三徑晚夜溪松  
月半牀時懷君惟願歸來早白水青山話夙期

送賴平子兼寄尊公宇肩同門

青箱堂詩集

卷十七 壬寅

六

雨後燕山五月寒翩翩公子去長安三年媿我周  
旋畧萬里憐君跋涉難往事興思惟有夢故人寄  
訊是加餐過庭好問籌時策雲漢風高振羽翰

送鍾一士司權清江浦

含香仙吏藉持籌日日芙蓉傍水樓良友離羣多  
春戀好懷到處足夷猶長隄雲斷江村樹落照帆  
燕估客舟懷古知君清味後又將烟百盡新秋

送陸咸一督學福建

白雲仙吏玉嶙峋絳帳遙開向七閩造士行看收  
譽髦敷文自可靖風塵絃歌按部烟霞曉海嶠褰

惟桃李春最是故人屬望切佇聞球壁薦楓宸

送徐子星黃門假歸秣陵

夏雲綠樹影悠悠把袂青門動客愁曉漏暫辭梧  
省月秋風早上闕江樓才名南國原無敵諫議中  
朝第一流不獨故人懷望切治安公等有良籌

送宗有六參藩漳州

經營南北舊知名簡命新膺海上行惟是論交原  
有道偏於送別倍牽情天連霞嶼雲烟渺風定鯨  
波潮汐平佇俟徵書趨鳳闕追歡帝里和嚶鳴

寄胡大令以溫

青箱堂詩集

卷十七 壬寅

七

解絃年方少雄文千古期勞人三載夢寄我數篇  
詩茶沸棋初罷書殘葉落時好懷應自重莫遣髩  
多絲

沈仲連張爾成偶過卽別去

草堂高柳掩荆扉嘉客偕過對夕暉濁酒攀留慚  
闕敬故人相聚喜忘機輕風入座荷香細疎雨垂  
簾燕子飛却惜分攜愁日暮雲山千里夢依稀

送高弗若少司馬歸養

歸歟司馬擁千旌畫錦翩翩美此行盛世君恩  
推錫類重臣親老遂陳情一樽棋罷宵初永三徑

花淡月正明倘憶京華朋輩在可無頻上少梁城

寄贈韓心康中丞吳門

洞庭紫氣鬱崢嶸鎖鑰多君有令名畿輔經時曾  
授鉞天官當日舊持衡樓船波靜鯨鯢息鈴閣風  
開裘帶清况是淡交懷世好喜聞歌頌徧江城

夏至後偶興

清簾疎簾夏氣清晝長又復一陰生欄花漸轉斜  
陽影沼葉頻傾墜露聲身世何勞思汗漫物華偏  
喜閱虛盈自慚泰竊蒙恩渥豈可猶矜處士行

寄施尚白副憲江西

青箱堂詩集

卷十七 壬寅

八

憶昔曾借物外緣論文常對夕陽天經時東岱牽  
宵夢此日南州悵暮烟善政諒多君子頌新詩可  
尚故人傳璽書佇促春明駕把臂重賡伐木篇

雨晴

尚樾雨過午陰清檻外新苔繞徑生風定一蟬當  
畫噪簾垂雙鶴上階鳴迂疎自與人難合激烈爲  
聞事不平何得茅茨臨谷口閑閑十畝學爲耕

草橋荷花

長夏多逸興開樽向水涯高軒臨菡萏僻路遶蒹  
葭濕翠雲中岫澄鮮林際霞沿溪覓幽賞落日過

僧家

錢仲芳以南華緒言見寄率答

錦字傳千里逍遙物外篇人閒青嶼外與劇白雲  
前惜別猶前日相思非少年森菴秋水上海處是  
江烟

夏日東五弟

屋倚林臯絕四隣悠然一枕靜無塵晝長睡起疎  
簾下畫幅青山賣與人

夏夕

輕雷隱隱隔明霞高柳涼陰聚暮鴉漫學古人嘲  
青箱堂詩集

卷十七 壬寅

九

熱客且從吾弟盡秋花半塘荷艾香風細滿院莓  
苔綠徑斜一榻閒階新月上坐凭冰簟按琵琶

雨後

雙扉塵世隔一徑喜逶迤楊柳連書屋芭蕉覆豆  
籬秋生新雨後人坐夕陽時况有幽蘭好花開倚  
案枝

喜雷臣自淮南寄租至

炎夏日杲杲旱魃驕長晝偶爾一霖雨遂巡畢三  
伏木葉聲多乾蕭蕭徧階覆翹首望雲雷屯膏仍  
無救徘徊憂公私亦復顧髦幼饗餐食指繁生計

笑多謬吾宗遠相念千里爲左右白金百兩餘云  
是糴積穀薄田年來荒君何能補饑適當秋風興  
授衣當不後長安得此難矜喜忘鄙陋沽酒倚高  
樓遠望淮南岫雲濛天浩浩俛首更懷舊

立秋數日酷暑

欲踏層冰赤脚遊騎陽未退序經秋三庚甫過金  
猶伏七月雖來火未流震電喜逢霖雨至飄風怪  
送暮雲收翻書聊坐溪堂下莫訝勞勞何所求

初秋過紫竹禪院

梵宇秋郊迥空亭俯短牆雲深山岫紫野曠稻花  
青箱堂詩集 卷十七 壬寅 十

黃老樹吟風葉雙樓照夕陽遲回荒沼上隨步是  
荷香

米吉土罷歸偕張介伯小集

雨歇蓬門秋氣清故人相對倍生情幾年忽訝鬚  
眉異垂老偏宜名利輕濁酒高談風自昔空林斜  
日鶴雙鳴與君重下西山約紅樹巖邊續舊盟

送張介伯客江寧

蕭瑟寒烟送去舟攜家遠作秣陵遊風塵漫說依  
劉表筆札何人薦馬周疎雨石城楓岸暮斜陽桃  
葉盡樓秋知君把酒懷千古遺事還憑佳句收

送李長文學士之任兩淮運副

學士聲名舊鹽官國計存離花明萬竈霜月映千  
門暫藉和羹手聊吞煮海論行看宣室召前席五  
雲繁

其二

送君愁鼓柁聊爾勸香醪野泊秋砧急西風旅雁  
高蒹葭迷盡舫烟雨隔江濤別後懷疇昔應多魂  
夢勞

秋來

秋來風物趁人間白袷青編竹石間疎雨欲來林  
青箱堂詩集 卷十七 壬寅 十一

葉暗夕陽返照遲花斑解頤偏喜思忘字遣興時  
學畫遠山更憶霜華巖壑好荒藤危石任躋攀

夜雨

高秋庭院雨瀟瀟蕉老梧疎夜寂寥漫想平生如  
昨日可知何事是今宵

中秋夜陰

但得百年常對月不須好月必中秋漫言倚檻金  
波湧且喜開樽綠蟻浮素影引人遲永夜清輝何  
處照高樓良宵風物堪乘興響動疎林景更幽

秋夕與五弟夜話

清話頻邀過草堂  
簾垂叢桂尚餘香  
疎籬雨後秋花白  
曲檻燈前橘子黃  
垂老自宜情脫畧  
鑒空無憚語荒唐  
烹泉剝棗當清供  
爲喜溪宵漏漸長

### 過松林興勝寺

精舍逶迤鎖碧苔  
秋光如洗絕塵埃  
境閒樓自經時閉  
園僻軒爲特地開  
幽境盡從嘉樹轉  
老僧歷說貴人來  
更過東陌看新野  
竹圃花畦傍小臺

### 宿秘魔庵軒中早起登絕頂

一枕孤軒夢奇峰  
月影移覺來寂寞後  
想到變遷時  
雲起崖邊石鳥鳴  
窓外枝曉烟山色好  
莫憚踏

青箱堂詩集

卷十七 壬寅

十二

### 巖危

### 九日登寶珠洞

歷來重九登高處  
無此崔嵬凌碧霄  
浩落一天紅日近  
瀾漫大地白雲遙  
僧來遺世居縹緲  
龍去何年洞寂寥  
最是鳥飛不得到  
幽花偏白傍巖嬌

### 九日宿來青軒

佳辰來勝地  
秋色喜山曠  
野火隨村見  
泉聲入夜聞  
高巖斜掛月  
溪壑徧藏雲  
夢覺驚清籟  
疎林落葉紛

### 來青感懷

非是來青舊秋風  
倍恰神龍歸空翰  
墨馬鬣盡卷人  
松靜巒無翠  
軒仍徑絕塵  
蕭森新退谷  
或可作芳隣

### 尋水源

蒼巖久不到  
履險撥雲行  
白日遊人影  
空山落葉聲  
寒泉猶飈沸  
怪石亂縱橫  
逝者常如此  
無勞感歎生

### 坐退谷亭

茅亭空閣野烟稠  
掃葉斑荆坐石頭  
硯青崖千尺壁  
參差紅樹一林秋  
寒流環轉循階靜  
亂竹蕭

青箱堂詩集

卷十七 壬寅

十三

疎闢徑幽啼鳥數聲  
渾不識浮生此日是丹丘

### 送錢大士侍御假歸並懷牧齋先生

牙繡翩翩出鳳樓  
霜天寒日迥增愁  
抗章風擅烏臺譽  
攬轡初歸紫塞遊

時巡茶馬歸

驛路山河新著作

江城詩酒舊風流  
起居宗伯爲相訊  
知已當年媿

### 莫酬

### 送張青瑊內翰奉詔便道壽母

鳳詔龍旌出帝闕  
仙舟鼓吹達江濱  
承歡爲介高堂壽  
舞彩初來近侍臣  
沆瀣漿壺花作露  
苾芬膳鼎脯多麟  
瑤池燕喜年方永  
南極輝常映小春

金太傅先生七十

風雲千古會伊傳萬年傳鼎鉉星辰上綵綸日月  
邊文章光黼黻道術洽人天都俞虞廷盛調和商  
鼎全七年元宰首兩代聖人前星燦長生嶽功  
成慶濟川公卿披絳帳蘭玉繞瓊筵南極逢嘉日  
東山降列仙方瞳光燦燦台背致翩翩愚也逢時  
後先生知已先同朝侍左右秘閣仰周旋四海蒼  
生望千秋綠野烟樽前來瑞鶴燈下著瑤箋綠竹  
諧鸞節詩書樂聖賢兕觥祈進酒麟脯佐陳遵拜  
手歌三壽稿詞祝大千

青箱堂詩集

卷十七 壬寅

古

雪夜

凍雲不飛黯澹天剪燭支頤人未眠夜半開簾雪  
滿砌何堪惆悵憶從前

贈北海少宰七十

少宰辭榮已十春滄桑會見海揚塵枕中常秘千  
秋業畫裏時看五代人閒著山書存往事移情退  
谷閑芳辰羨君獨得長生訣飽食安眠自在身

其二

城南書舍絕塵紛几杖優游鸞鶴羣綠野歸來諧  
後樂青緇獨喜紀前聞開樽時出商周器剪燭閒

金石文更是高懷多逸韻研山峯上欲生雲

月夜悼側室黃氏

猶是淡閨月淒涼倍覺明昔人何處去獨坐不勝  
情淚盡逢遺物心摧憶舊行隣鐘與街鼓皆作斷  
腸聲

夜坐感懷和五弟見慰

寂寂孤擎燈半明梅花影裏夢難成夜淡愁喚茶  
湯飲無復傳催侍女聲

除夕

忽忽已今夕燈花猶昔年蘋蘩失佐者椒酒亦茫

青箱堂詩集

卷十七 壬寅

古

然入室潛收淚當歡倍自憐願除今歲惡佳境頌  
堯天

青箱堂詩集卷十八

宛平王崇簡

癸卯

元旦

春來始六日月旦始今朝節序當三朔光華麗九  
宵梅舒臨牖萼柳拂倚欄條好覓屠蘇飲昇平頌  
聖朝

新歲懷黃側室

最是年華好空閒但寂然來人驚速化往事歎多  
賢惟覺懷難遣何知節忽遷那能再把袂揮淚說  
青箱堂詩集 卷十八 癸卯 一

從前

其二

子年垂老日豈復爲情癡出納經營事朝昏應接  
時難看兒索食怕說女歸期最苦彌留語傷心不  
可思

張毅孺過晤旋之蘇州

久傳佳句最清新何幸淹留對早春寤寐多年初  
識面迢迢千里復依人自慚癖尚難諧俗喜對高  
懷能認真雖是燈前一夕話吳雲燕樹夢應頻

宵感

几榻儼如故傷心百感生不知嘉節過空想昔人  
經斜月窓間影殘更枕上聲幾多心曲事那得學  
忘情

夜雪感懷

夜雪照窓明錦衾爛獨處惆悵玉蘭花伴人不能  
語

送吳瑤如出守蘇州

旭日河橋冰泮初分符朝出紫宸居千秋大業原  
推爾兩載春官賴起予水驛烟波迎彩鷁江城花  
柳擁高車治安應有籌時策財賦東南未可虛

青箱堂詩集

卷十八 癸卯

二

閨中夕感

寂寞空閨雙闔扉含悲無語淚沾衣依稀或有遺  
魂在偏立庭楹倚落暉

送趙生之壁

之子昔爲令廉能稱獨賢惟知守已拙不解乞人  
憐高臥雲山久興懷燕市前晤言復別去翹首悵  
春烟

春感

旭景催青欄外莎嚶嚶林鳥傷林多一年花事行  
將至二月春光半已過腸斷空閨窺曉鏡心摧殘



簾櫳輕羅海棠依舊垂絲嫋靜掩晴窓奈若何

春日

桃花欲放柳絲柔懷抱縈迴罷倚樓淺院和風生  
徑草虛庭斜日下簾鉤每懷往事情多癖無意干  
時夢自幽昨有山僧來問訊玉泉春色正堪遊

清明郊感

郊甸春生雨後雲橫阡陌短徑多分麒麟半缺埋  
殘壠負偏重新立別墳乍見桃花出屋角閒尋舊  
剏過河濱昨半今日人何在鴉噪空原不可聞

送施硯山侍御假歸兼寄宋直方宗丞王伊

青箱堂詩集

卷十八 癸卯

三

人侍御

鳳城春色映朝暉攬轡承恩賜假歸帝里樓臺花  
灼灼畫船蕭鼓柳依依直聲四海聞驄馬樂事東  
山見繡衣寄語故人珍重意尊鱸莫久戀甘肥

送李繪先學士假歸

鳳池譽望等高靈何事投簪以病聞造士咸均歸  
雅化摛詞秘省著雄文合丹自訪青蓮訣倚瑟頻  
書白練裙棋墅豈能淹謝傳歌驪不必歎離羣

午日

蕭散園庭視聽清况當佳節倍移情榴花欲綻欄

邊嫩荷葉初浮水面輕連屋圍青供密對出牆槐

柳覆經行何堪入想昨年事雨歇湘簾酒後箏

題成文穆公素閣卷

李坦園相公作記  
蘇子養黃門繪圖

昔子先野月壇側文穆先生曾遊息時子雖幼解  
仰止光儀自向屏間識荏苒風塵歲月易幸附少  
傳稱同籍鳳池秘閣相追隨幾度抵掌談在昔竊  
聞素園家郭裏林塘樸茂多逶迤宜歌宜飲宜讀  
書出處于斯貞素履少傳善繼典承思李記嚴圖  
彷彿奇一園梗概具尺素恍惚如覩烟雲姿作述  
蟬聯相接武臺高堂淡仍廣宇幽光不遂滄桑變

青箱堂詩集

卷十八 癸卯

四

先生遺韻自千古

題成青壇相國浮丘山房卷

主人尋勝地別業半浮丘門閉青巖秀堂開綠野  
幽閒雲藏洞壑古木記春秋未得陪登眺披圖快  
臥遊

其二

窈窕歸雲閣蕭疎清照亭芙蓉魚潑潑花竹雨冥  
冥烟岫當朝牖風帆落晚汀讀君尺幅記恍惚似  
曾經

其三

峰角軒偏礙人間別有天高懷騎日月勝蹟託山  
川鳥語溪林麓松聲靜管絃嵐光與潭影點綴詩  
名篇

其四

松菊光華境人稱少傳還泉巖如乍到經史喜重  
刪抱病身雖退籌時心未閒蒼生望難謝漫說小  
東山

睡起聞箏

季夏日亭午雨霽清晝永庭戶虛寥寥花木綴幽

景忽聞擲箏聲當我夢初惺懷哉不可絕往事中

青箱堂詩集

卷十八 癸卯

五

耿耿悠悠沉復揚絃上相馳騁塞默徒悄然空宇  
雲光靜餘音嫋何處日轉芭蕉影

夏日遣懷

栽花調鶴日爲常却媿浮生向老忙旋馬新開迎  
客徑插籬重起讀書堂爐烟風裊香浮硯庭樹雲  
來影歷牆往事情淡多不寐入秋爲怯夜初長

其二

暑雨初收落照餘蟬鳴高樹伴吾廬攤書鎮日痴  
猶在學書名心笑未除夙好難忘多是癖市交却  
喜漸成疎秋聲昨夜來孤枕夢醒三更萬籟虛

夏日感懷

香來雨歇藕花風去年此日誰相同一彈指間成  
今昨思從中來心忡忡心忡忡今思無終藕花無  
賴如昔紅

送堦陳皆吉補任太倉州同

三年幾聚首今復遠將行相送懷多感惟期著令  
名涼雲淡雁影楓葉冷秋聲好自安風土寬予跋  
望情

晚霽

陰暄忽澄霽殘雲傍樹多涼風動疎竹墜露瀉壁

青箱堂詩集

卷十八 癸卯

六

荷省事期驅擾拋書喜憶訛空階新月上顧影自  
婆娑

七月十三日展先墓歸憩紫竹院

永懷霜露展松楸歸步閒尋野逕幽禾黍縱橫橋  
外路風烟出沒寺中樓山涵宿雨雲光晚樹帶斜  
陽水影秋半日最宜疎野性閒庭一枕聽溪流

中元雨夕小飲

薄飲當良夕秋風依樹生荷擎燈影綠日映雨光  
明歲序忽復晚幽懷頻數更婆娑聊取醉且喜夢  
魂清

送成青壇相國告歸

廿載稱同心語默寡修飾貞懷絕俗尚惟古訓是  
式不才去鳳池清問爲黜陟頻荷秉直道仰對動  
宸極因獲隨後塵綸閣陪笑色媿予寡學術六載  
三遷職福薄夙多疚辭榮甘家食公感主恩渙日  
歸頻仄仄再四相躋蹕陳情未敢棘一朝微病侵  
蒙恩暫調息把袂秋風生黯然而塞默遠望高天  
雲鴻影不可測公年甫愈艾文武憲其則繩墨以  
自匡經遠而秉德相彼古大臣身退不忘國 聖  
朝求舊典終不遺夔稷贈公珍重言加餐勸努力

青箱堂詩集

卷六 癸卯

七

中秋憶側室黃氏

昨年此夕愁爲雨猶記庭前看劈瓜今夜月明偏  
似昔閒閨寂寂掩窓紗

獨坐

几靜烟爐嫋雲空樹影寒宜秋是獨坐窓外藕花  
殘

送丘接青下第歸江寧兼懷流寓潘慕海劉

惺心曹彙然李香巖何公大蕭伯闇諸故

人

隣君聲價重明珠悵悵分攜秋載途楊柳曉堤霜

秋夜

跡冷蒹葭月舫雁行孤籌時好著天人策撓勝開  
披海嶽圖倘遇故人憑問訊有無歸夢到燕都

經阜城門外舊居

夕月壇街相對鄰高垣老木世相親斜陽古道猶  
如昔無復當年舊里人

十月朔登衍法寺閣

青箱堂詩集

卷六 癸卯

八

高閣巍然在危欄凌碧虛日斜雲影淡秋盡雁行  
疎林外疑新徑城邊辨舊廬低回雙樹晚黃葉滿  
閑除

好閒

懶看日者傳無復問窮通門閉淡林下秋歸細雨  
中好閒寧論拙入俗不妨同落葉空塔滿蕭蕭昨  
夜風

十月朔二日夜

雲密釀冬威蕭然學息機開門聽夜雨滅燭省前  
非寒漏逐風斷疎林落葉稀最難除舊想欲睡夢

依依

夜雨

朔風一夜送秋歸  
撥火燼爐間畫灰無那中庭霜  
月滿紛紛亂葉打溪扉

兀坐

迂迴曲室倚幽林  
鄰剎風來疎磬音  
空逕鶴過斜日淡  
黃昏鵲噪華門淡  
舊懷不逐流光去  
俗障徧從世態侵  
最媿息機學未得  
却因兀坐識初心

黃犬辰少宗伯借沙會清宗伯吳匡佐少司

寇馬觀賜銀臺李過廬廷尉移具頻過賦謝

青箱堂詩集

卷十八 癸卯

九

炎涼世態盡長安  
燕飲招尋但論官  
不合時宜非我甚  
求敦古道似君難  
徵歌合座情無已  
添酒回燈夜欲闌  
公等幸留今夕興  
敝廬花徑好追歡

冬夜四弟五弟話舊

風靜霜清月滿天  
閒齋相對憶從前  
剪燈記話三更雪  
策馬曾衝半嶺烟  
麗景池亭楊柳下  
好懷簾幙海棠邊  
漫言歷歷皆如昨  
爾我於今非少年

宋荔裳遭誣得白談讌賦贈

握手悲歡難具陳  
一樽聊且慰艱辛  
憐君瀕死脫奇禍  
媿我論交不古人  
相對今宵燈下面  
猶疑隔

歲夢中身知經動忍才尤練那得巖阿學隱淪

自笑

帝里風光豈索居  
竹爐茶臼亦遽遽  
銷磨壯志頻看鏡  
放縱奇懷罷著書  
老木烏棲驚歲晚  
虛窓人靜坐星初  
閒拈疑事翻前史  
自笑痴懷尚未除

歲暮雜興

翫世輕年暮無心問歲時  
晴多憐臘煖夜永怪春遲  
鶴立階前雪鴉翻屋角  
枝舊懷刪未斷不獨是情癡

其二

青箱堂詩集

卷十八 癸卯

十

叢木號寒賴高齋  
膝可容孤懷  
依暮雪幽夢厭宵鐘  
月上梅邊隔風來檐下松  
每思得句好不覺向人慵

其三

歲暮情何限青燈坐弟兄  
詠諧觀世態談笑憶平生  
半夜鐘初歇高天月正明  
何堪人散後獨聽昔時爭

其四

風雪剝殘臘閒庭閉夕暉  
百年強半過四海故交稀  
凍草依窓長昏鴉繞樹飛  
癖多思自懺默坐省

前非

青箱堂詩集

卷十六 癸卯

十一

青箱堂詩集卷十九

宛平王崇簡著

甲辰

甲辰元日

元正今甲子啓節慶良辰  
戩穀占雲物重華仰聖  
人辛盤風俗舊椒酒旅  
酬親長幼同歡悅欣瞻  
歲月新

新歲偶興

晴雲麗景足開顏  
絃服兒童學舞斑  
椒酒半酣倚錦瑟  
雪窓初霽盡青山  
物華乘興皆堪賞  
風俗隨青箱堂詩集

卷十九 甲辰

緣不必刪最喜園林佳氣好  
春光搖曳柳條間

人日

晴日輝輝照盡屏  
老來偏怯歲華經  
漫拈彩勝窓前貼  
試撥銀箏枕上聽  
得句却嫌多舊感  
懷人不覺到幽亭  
且過五弟園林飲  
莫遣閒情點鬢星

人日四弟園亭約同五弟及表  
弟張涵初壻朱元定張左人米  
紫來孫茂叔兒熙姪勲小飲

冉冉晴光掩華屏  
嘉辰兄弟快相依  
春盤况是多珍味  
庭樹偏能挂落暉  
行坐隨宜惟適意  
笑談乘

興盡忘機莫辭杯舉爭爲勸月下何妨扶醉歸

立春

今年穀日春方至  
霽雪晴暉映彩毫  
向旭梅花千瓣麗  
弄烟楊柳數枝高  
雅懷多癖談偏放  
老句無文氣自豪  
兆卜歲豐人事好  
呼兒打鼓進香醪

觀劇感懷

窈窕排場儼若真  
當年曾記畫堂春  
金縷翡翠偏宜鬢  
玉刻麒麟穩稱身  
瓊液欲斟推珀玕  
蘭燈相對藉花茵  
至今夢醒良宵永  
惆悵空懷姑射人

十三夜對月

薄飲酬良夕  
偏多物外思  
合歡人醉後  
獨對月明時  
梅影憐燈暈  
松陰冷鶴姿  
徘徊聊自適  
不問夜何其

元宵次夕

月蝕憐元夕  
今宵景倍奢  
春暉懸彩燭  
瑞雪煖銀花  
橋上遊人聚  
燈來稚子譁  
酒闌興不淺  
蕭鼓尚誰家

挽胡宛委少宰

哭君不獨懷交好  
爲憶承恩倍怆然  
視草昔偕雲漢上  
揮毫曾見聖人前  
龍溪未免來人忌  
才大

何須必自全千載  
明良稱特達  
應歸箕尾太微邊

答尤展成

好句勞相念  
典懷歲月悠  
雄文開後學  
高志接前修  
烟外頻移舫  
花間醉倚樓  
如君豈隱者  
漫理釣魚舟

紫竹院老僧觀修談舊

雙樓俯沼尚依然  
老衲相逢說舊緣  
身世半隨流水逝  
廢典猶記劫灰前  
斜陽影落平郊淡  
亂浦光搖暮景妍  
倚徙空亭歸去晚  
閒情偏逐雁聲邊

清明前偕四弟五弟坐香山聽泉四弟將之

任

憶昔同遊日  
于茲已十年  
當時霜欲落  
今夕杏初然  
閒踏松間石  
來聽月下泉  
可憐將復別  
好句望重聯

登香山佛殿

石級經經竹杖鳴  
巍峩古殿暮雲橫  
千重紫霧花間影  
一片寒濤松上聲  
磬歇簾垂僧榻靜  
烟淡門閉佛燈清  
何須更覓無生法  
兀坐空山月正明

香山柏路夕坐

登臨晚過蔬珠宮  
幽徑偏宜曲磴通  
遠靄欲沉湖

水白斜陽半落杏烟紅雲迷巖影淡林外犬吠人聲古寺中坐待月升羣動靜層層柏葉響微風

清明過退谷

山寺逢佳節尋幽翫物華音來隨谷竹香滿遶亭花不落迷泉徑林疎出岸沙風光何可負僧舍坐烹茶

玉泉觀音寺暫憩

勝蹟今餘幾依巖舊刹稀泉光悅石壁柳色媚春暉曲岸隨流水孤亭閉短扉參差塵世擾攬轡覩言歸

青箱堂詩集

卷九 甲辰

四

三月十七日雨雪

滿庭風霰弄幽姿不信流光三月時雪打梨花侵牖冷烟迷楊柳倚簷垂貪尋古事抽書亂憚聽新開報客遲嘆喜漸忘宵夢後春寒冬暖也相宜

春溪

一簾林靄綠扶疎香篆沉沉午夢餘階掃松陰來舞鶴池添花影聚遊魚未完婚嫁猶關世不負風光但讀書半畝園亭心自遠市廛豈得碍幽居

甲辰暮春送四弟之任永州衛備

聚首秋冬日春溪復送行維舟看柳色把袂聽鶯

聲勲業期霄漢江湖滯弟兄惟祈偕壽考歸老詒平生

其二

此日別京甸何時到永州月明千里夢芳草夕陽樓把酒聊爲咏看花且遣愁衡陽雖少雁尺素莫遲留

其三

爾我年俱及何堪復別離謀生既寡術微祿暫忘饑拭淚淚還落言歸歸未期故鄉依帝里相聚一枝宜

青箱堂詩集

卷十九 甲辰

五

其四

並寄王雷臣

吾宗王侍御家久住淮陰舟過爲相問年來望好音風塵客舍酒鄉土故人心知共低回處鶯花憶上林

其五

並寄梁公秋

入寶詢公狄高懷近若何人吟澤畔老夢入故鄉多握手知何日憑君寄短歌客途逢舊好亦可暫婆娑

其六

留子不得住慚無百畝田春燈微雨後旅夢斷鴻

前遠宦當遲暮流光易變遷急籌人日計歸可共餘年

四弟行後過所居園庭

荆扉忽寂寞笑語憶相同人去斜陽外花飛啼鳥中間階存履跡小院閉春風腸結經行處思來何可窮

楊顯甫以先世遺札索題

遺札經時代光輝啓後人家珍傳奕葉手澤本敦倫燕翼垂謨遠鴻儀述志新多君能繼序麟藹慶振振

青箱堂詩集

卷十九甲辰

六

聞四弟自潞河解纜次日作

分携已四月寤寐總相關昨說丹移岸今經水幾灣懷淡獨步後淚洒落花間新月空階上猶疑照笑顏

春日憶舊四首係舊作附錄于此

攜笈就僧居春風二月初曉鶯驅幻夢夜雨摘新蔬于野學鋤菜臨流觀打魚不眠松月下雁影落前除

其二

一園春色好烟柳鎖重重獨坐松陰轉人來花下

逢剪燈驚話舊掩卷笑聞鐘更有超然興登臺望遠峰

其三

庭院春淡日幽花倚曲欄鳥鳴清晝靜月上小窗寒刺繡停針說殘粧取鏡看至今腸斷處雙鸞晚雲端

其四

春山多澹秀獨往倍依依磬歇千峰寂花開一雁飛選泉隨意坐落日不知歸雅欲棲岩壑心期恨尚違

青箱堂詩集

卷十九甲辰

七

遺懷

茅屋委蛇曲檻通綠楊影裏小窓紅閒籌博局虛泉外靜檢青編疑信中簾捲涼生疎徑雨花開香亂草堂風已知身世同春夢不歎逢時術未工

豐臺看芍藥

豐臺烟景秀芍藥擅幽姿藉草欣容膝看兒學灌畦花香風定後鳥語夕陽時欲築林邊屋循階引水宜

荔裳吉士過飲

蓬門疎雨掩青蘿芍藥初開嘉客過交歷晦明情



自篤論當感慨語偏多百年幾向花前晤萬事何  
如醉後歌老去猶堪陪杖屐西山携手踏巖阿

端午過四弟所居園庭

片帆經月去悠悠嘉節偏增別後愁應念泛蒲懷  
帝里可看競渡到楊州聞書永鶯花歇空徑風  
來草木幽爲憶昔時言笑處幾回倚徙獨搔頭

白題畫卷

偶作江干想高巖茅屋低平橋春水上林壑影萋  
迷

讀趙茂先尊人心齋墓銘因題

青箱堂詩集

卷十九 甲辰

八

接塵交令嗣因得識高蹤風義仁爲本規模禮自  
攻一鄉稱茂叔四海仰林宗况有幽閒配榮淡馬  
鼠封

寄嚴子問兼爲介觴

人皆慕有道我久識君平秋榻雲蘿靜山亭暮靄  
青林間看放鶴花下聽吹笙自有長年術流霞滿  
兕觥

其二

流風懷世澤大雅賴君全煮石封丹竈拈花釀乳  
泉錦囊懸市句硯紙換鵝篇棣萼暉相映光華自

後先

其三

君年今六十我齒復加三憶昔依珂里多時誦雅  
談夢迷湖畔草居想雨中嵐何日雙鳩杖和村共  
結菴

其四

可久人天福齋心歲月閒滄桑驚幾見經史喜重  
刪閉閣巖千丈披幃水一灣臨風懷舊好爲子誦  
南山

秋夕

青箱堂詩集

卷十九 甲辰

九

蕉陰覆牖藕花殘閒徑瀟瀟竹幾竿學畫未成多  
自恕調筆無奈強爲歡輕蟬咽露吟斜照老樹凌  
風報晚寒却說中元節漸至鄰僧伐鼓薦孟闍

七月十五日展墓慰紫竹院

又是中元節序過祭從先祖拜松阿秋清迎面烟  
嵐近雨霽當途野潦多陌上蒿萊埋廢碣村中籬  
落斂初禾停車僧舍空亭晚門閉溪林挂薜蘿

秋夕

閒園日暮盡幽光庭樹瀟瀟葉漸黃促織聲中秋  
欲半殘荷窓下送餘香

送曹厚庵學士假歸

秋風送客意如何，况是懷溪舊感多。  
玉殿談經聞夜召，鑾披視草見星過。  
思尊暫返山中駕，前席重  
廣旦復歌。悵望鴻飛雲路杳，瀟瀟木落洞庭波。

東園小葺

誰言城市漫無奇，老樹溪門人到遲。  
依砌插籬迴石徑，誅茅引水開花畦。  
最憐豪致隨年減，却喜偷閒向老宜。  
閉戶便如村市樸，何須山麓與溪湄。

秋日閑居

數椽樸檝傲秋辰，高柳疎篁絕徑塵。  
日上蕉陰搖青箱堂詩集  
卷十九甲辰  
十  
楊淨霜前橘子壓欄新，僻能自好何妨世。  
老解求閒不讓人，剝啄漫教驚鶴夢。  
朝昏鐘磬喜禪鄰。

題畫與李黼菴

秋窓何事最相宜，逸興蕭閒懶賦詩。  
却喜疎林返景好，爲摹高士倚溪枝。

喜高念東至

別來幾度變寒暄，俯仰昨今感慨存。  
七載秋風生白髮，故人燈火坐黃昏。  
名山欲歷何妨老，出世多因可細論。  
却喜相逢各尚健，良宵莫漫負清樽。

由柏路上香山

山光明淨澹秋霞，纔過山村興更賒。  
柏路轉邊出柿葉，石崖隙處盡黃花。  
泉聲穿澗隨風細，日影依林逐徑斜。  
最是幽蛩增寂寞，巖扉深閉老僧家。

宿來青軒懷舊

倚空簾檻半巖橫，携笈曾經聽鳥鳴。  
歲久尚存前侍者，今來猶是舊書生。  
已無崖樹當軒色，未改流泉繞澗聲。  
一榻依然清夢穩，青山饒有故人情。

自香山過嶺尋中峰諸刹因至法海寺舊名弘覺

霜葉變秋崖，光華看不定。  
跛予九龍間，步猶能濟勝。  
吾弟久脚疾，扶節亦乘輿。  
指顧第四龍，跨越絕

青箱堂詩集

卷十九甲辰

十一

嶺燈下視中峰菴階，兀然賸廢趾。  
棲荒烟蒼徑，藏破甌敗壁。  
晏公祠龍馬橫空，徑義文委石。  
龕淒風吹晝暝，曾歲月幾何，含悲憶烟磬。

其二

徘徊空山中，野氣吞前嶠。  
顧望杳無際，殿廡出雲衢。  
杖策躋其階，浩瀚没平蕪。  
嗟我仰豐碑，諭旨禁樵蘇。  
恭仰我

世

祖六龍來茲，驅臣子泰侍從。  
洋洋頌聖謨，嘉名錫法海。  
不復弘覺呼，寒風冷秋光。  
涼雲彌中區，寂寞欲忘言。  
竚立爲踟躕，側身瞻辰極。  
何

首泣蒼梧

秋遊

臥佛西邊寺霜紅勝似花  
泉流隨徑轉柿葉隔亭斜  
寂寞幽人性高閒開士家  
退翁何不至空谷鎖烟霞

其二

不到水源久秋光引杖行  
巖暄舒蝶翅溪冷咽蛩聲  
澗藻潛魚細霜枝映日明  
下高流不斷亂石激雷鳴

其三

着屐皆泉響當流小坐宜  
林巒虧蔽裏水石吐吞時  
霜葉無聲落幽懷欲去遲  
却逢樵者笑戀戀復何之

其四

孤寂五華寺類垣隱敗廬  
到門惟吠犬繞徑只寒蔬  
秋老蒼烟合山空古木疎  
霜紅映衣袂幾欲爲停車

其五

何年遺廢寺名尚廣泉留  
峭壁依高逕荒烟續斷流  
階空雙樹古門閉一山秋  
共指雲邊石相期到

上頭

其六

鴻影滅秋碧殘雲依樹生  
人來探舊跡僧去刈新秔  
亭小當巖出泉溪繞麓清  
回看昨宿處嵐影野烟橫

重九

今年重九風獨勁晚上荒岡過  
野塘斜徑穿蘆出斷岸半郊野  
郭入斜陽喜逢節序心多暇  
每至登臨興倍長莫惜黃昏歸去  
亟移燈取醉菊花傷

龔芝麓總憲五十

生辰爲祝古無其禮然而卑幼之于長者賢者爲時所仰止稱觥以致殷勤于禮未嘗不合近世陳詩獻頌濫觴已極不惟比擬于其人不宜而一副若不可少之習語有識無取若夫先生長者爲時所仰止摘詞以著誠敬固有不能已者芝麓先生世所仰止而欲致誠敬者也今之十有一月十七日年五十矣士大夫撰著歌頌以佐稱觴况余於先生交歷風雨且餘二十年雖不爲姁姁熱澹而愈永其何能已乎誠無文亦不暇自媿矣敬陳下里之詞附諸大夫後以

爲壽

百歲今方半如君自永齡憲章持國是錦字註丹  
經麟脯調羹定梅花泛酒馨欣瞻堯闕上幾許積  
仙裳

其二

舊結金蘭契重瞻柏府威有行徵可久無事驗知  
非北斗高名譽南山駐壽暉蒼生真有幸指日到  
綸扉

送施愚山僉憲入賀還湖西

素交今有幾相見又分襟別我數行淚知君千古  
青箱堂詩集

卷十九 甲辰

古

心馬嘶寒照去人倚小樓溪迢遞關山夢遙遙何  
處尋

其二

送君難一語執手意如何但覺情無限偏于別後  
多燕山飛暮雪江柳映春波相望雲霄上夢龍聯  
玉珂

引年予告

平生妮妮偶逢時何幸蒙 恩遂所思報國有心  
年已及壽時無術見常遲夢回長樂宵鐘徹春逼  
疎林晝晷移雲去雲來心不競鴉啼鵲噪總相宜

梁蒼巖大司馬約同籍讌飲

追隨嘉客盡華裾况復蕉林風景疎秋夜開樽遲  
月上故人相對憶交初間情暗點當筵拍瘳尚頻  
詢未見書司馬功高時奏凱芸編猶若玉堂居

青箱堂詩集

卷十九 甲辰

古

青箱堂詩集卷二十

宛平王崇簡著

萊陽宋琬定

乙巳

正月四日作

非是歲華偏易去，祇緣老至信牽情。  
樽前旭景看梅放，門掩晴光聽鶴鳴。  
霽靄硯田凝霧紫，依依檐柳着烟輕。  
無端忽作當年想，醉倚珊瑚小柱筵。

新歲閒居

良辰淑景日悠悠，簾幙風微半上鉤。  
羣鳥依林爭

青箱堂詩集

卷二十 乙巳

一

語雜疎梅當牖送，香幽身閒尚負奇。  
書約心壯猶思五嶽遊，且向兒童問市肆。  
華燈何處滿高樓。

元宵

元夕風光好，開樽翫歲華。  
檐楹懸璧月，几席落銀花。  
鼓打喧童稚，燈來出內家。  
宵深難得寐，梅影半窗斜。

功德寺隄上

不到荒林久，閒來翫物華。  
空山村逕靜，流水夕陽斜。  
破壁留遺跡，新阡非舊家。  
幾多懷古感，古柏尚棲鴉。

宿功德寺舊感

僧已更三世，重來感慨存。  
故房餘杖笠，新月淡黃昏。  
未改檐邊岫，猶然松下門。  
空堂眠舊榻，清籟夢中繁。

玉泉山遊覽

攬勝宜佳日，輕風二月天。  
攀巖依洞坐，枕石聽泉眠。  
新柳欺殘雪，空亭媚斷烟。  
何堪寂寞裏，孤磬落雲邊。

春遊香山

巖阿春靄冷，氤氳霧帶嵐。  
凝影若曛芳，草漸生憐

青箱堂詩集

卷二十 乙巳

二

廢砌杏花初放，怯寒雲空山人語。  
烟中出靜夜泉聲，枕上聞莫說老僧多。  
自在補籬引水尚紛紛。

春暮閒居

溪迳晴光徧綠莎，花飛人靜奈春何。  
閒通繪事爲遊戲，不廢翻書代寤歌。  
身退尚嫌微志在心勞，終媿俗情多忌機。  
欲學無生理，高柳陰陰啼鳥過。

初夏

下上其音雙燕翔，夢回人靜晝初長。  
樹陰錯落簾光綠，雲影模糊雨氣黃。  
世事自來多永嘆，人生何必不荒唐。  
徘徊媿負山溪約，閒却魚簪挂夕陽。

夏日卽事

補竹栽桐笑未工，閒情聊爾與人同。  
晝長夢覺園林午，篆裊香回簾幙風。  
素志幸存名利外，青編懶較是非中。  
最宜昨夜翻盆雨，催放荷花池面紅。

贈劉魯一少司馬

帝里論交盡宦途，如君自與世情殊。  
籌時獨檢天人策，娛客常披海嶽圖。  
半榻疎陰依亂竹，一簾清影蔭高梧。  
素懷却遠風塵外，閒釀松花滿玉壺。

爲韋念莪畫扇

崖僻溪幽茅屋低，四山飛雪徑踪迷。  
高人臥處何

青箱堂詩集

卷十七

三

由識却在孤松小阜西

秋夕

滅燭憐虛白，開簾待月明。  
疎籬三徑晚，幽砌一蛩鳴。  
往事隨年積，秋懷憑夜生。  
最宜岑寂裏，枯坐學忘情。

二

秋光澹閒夕，雲外雁來初。  
養性恣盤礴，謀生恥拮据。  
樽前新熟酒，簾外故人書。  
落葉聲邊話，青燈隱敝廬。

九日登外城

偶爾登高去，巖城暫一過。  
凌霄懸磔迥，平野得秋多。  
王氣迴宸極，烟光隱碧阿。  
俛思曾此日，侍講上中和。

秋晚水源偕趙茂先

紅葉林邊境，寒雲倚杖生。  
斜陽溪谷影，亂石冷泉聲。  
越險看松立，搜奇撥草行。  
偕遊人屢易，俛仰不勝情。

隆教寺新阡

高軒依古剎，閒徑入雲寒。  
丹碧開牕入，蒼茫俯檻看。  
泉幽石骨冷，秋老葉聲乾。  
何必尋僧問，從來心

青箱堂詩集

卷十七

四

自安

木欄柁

憶昔頻遊處，今來又五年。  
山巔仍傑閣，樹杪出重泉。  
斷壁懸斜照，長空入野烟。  
悠然忘去住，枕石倚巖眠。

香山舊殿

高巖秋不測，重閣倍幽清。  
古木蕭蕭籟，寒光寂寂英。  
佛肩蒼鼠過，檐穴野狐鳴。  
落葉冥溪山，晚荒烟拂袖生。

月宿來青軒

來青軒上宿此夕獨淒清落葉分泉響空山媚月  
明溪林疎磬歇平楚遠烟橫倚檻不成寐荒寒入  
四更

來青曉雲

開戶山皆失方知身在雲林舊互隱現雨雪復氤  
氲策杖尋樵徑登崖辨石紋溪橋人跡絕瑟瑟細  
泉聞

歲暮

老木參差拖凍雲草堂却喜對斜曛靜觀物候過  
長至閒聽霜鐘每夜分破寂偶然翻舊帙忘情不

青箱堂詩集

卷二十一

五

復輯遺文耐看歲暮風光好報李投桃事正紛

除夕立春

冉冉年華倏歲暮春來除夕共今朝纔憐雪片催  
梅夢早見晴光變柳條逸興全從物外得壯心半  
向鏡中消錦城繡陌人如織酒肆燈坊映畫橋

青箱堂詩集卷二十一

宛平王崇簡著

萊陽宋 琬定

丙午

題畫

江村遠近逐流斜茅屋參差隱數家閒駕扁舟前  
浦去溪頭處處是桃花

早春閒齋

亂木參差覆短牆春風習習繞回廊簾垂白日圖  
書靜坐近梅花衣袂香老去情懷嫌落窳興來歌

青箱堂詩集

卷二十一

一

笑任疎狂忽聞宛轉銀箏調雲影希微淡夕陽

崇化寺值桃李盛開步壁上沈仲連石仲生

李貳公張爾彥韻

河當斷岸路如窮倚麓穿雲一徑通門閉高溪蒼  
岫下人來紅白亂花中法堂清磬嚴僧律素壁佳  
詞續國風無用將心持半偈萬緣到此已皆空

城子莊南閒眺

城子莊南古麓東繁人春色望難窮平疇麥穎縱  
橫綠廣陌桃花遠近紅雁落沙汀奔浪外鷄鳴茅  
屋淡烟中閒隨好鳥過僧院坐聽巉巖松上風

登釋迦廢寺

半壑偏宜險幽寺却喜新室山餘往蹟僻境幾來  
人泉注高巖雪花飛千古春前天或去住雲影淨  
無塵

初夏高似斗司寇石仲生少司寇王迂叟銀  
臺約同李魏二閣學郝敏公總憲遊祖氏園  
亭

南郭留名勝招尋偶一過殘橋依水榭老木掛藤  
蘿籬外紅塵斷庭前芳草多坐看雲澹岩日影度  
高柯

青箱堂詩集

卷二十一

二

二

閒亭隔流水徧地馬蘭開鳥蹴飛花落人穿空翠  
來芳肴宜素盞秘醞發金罍情至忘拘忌狂歌欲  
強裁

三

撥奇陪上客乘興過鄰家引水看爲圃停車問買  
花淡烟依樹合微徑逐溪斜漫惜時芳歇青鞵答  
歲華

四

爲憐春又去倚徙覓餘芳淺綠籠烟麗輕塵着雨

香依希前度夢瀟灑故人觴風靜淡林晚鶯聲戀  
夕陽

遊豐臺芍藥圃憇九蓮禪院池上

綠野清溪雨後宜况兼芍藥擅芳姿橫阡斜陌花  
交徑淺白輕紅雲滿畦五畝幸存平圃勝數椽尚  
貞草堂期且尋蕭寺池邊飲高柳陰中坐屢移

端午范太傅先生約同程其相蔣虎臣太史  
東臯譙集

沁堤別業是丹丘綠野華筵敞十州嘉節偏宜偕  
坐客遊人却許共登樓林亭日午風光麗羅綺香

青箱堂詩集

卷二十一

三

溪歌吹幽何幸泛蒲來勝地赤松不必更相求

嚴挈菴少司農招同杜純一冢宰梁玉立司

馬謙談

華堂雨過淨無塵酌酒高談月半輪莫嘆徇名非  
國士由來釀亂盡闌人坐忘拘忌情方洽交歷滄  
桑意倍親自是長安多宴樂幾能如此笑言真

觀劇感懷

煌煌梁上燈堂堂檐前鼓膝下承歡人乃受天之  
祐心悲鮮民詩低頭淚如雨十四而亡恃七齡早  
失怙



二

攜手當良宵高天月正午相爲伉儷緣忻暢何相  
悵莫云連理枝莫云雙棲利慨嘆糟糠人半生徒  
辛苦

七月十三日懋興勝寺

偶息勞生足來凭樹杪樓晴嵐恣遠眺風葉報新  
秋林果無人落花關斜日幽空庭隨坐嘯俛仰憶  
前遊

秋夕

光陰倏往來新秋儼然歷庭宇澹沱寥高林雨浙  
青箱堂詩集 卷三 丙午 四

瀝澄懷宜晚晴幽光夕若滌中閨鮮可語空階恣  
獨適諸兒各有管兒戲與底續嗒焉若忘言素心  
航岑寂仰觀河星高悠悠思遐逝疎簾下流螢蛩  
聲滿四壁

秋夜

秋淨星河冷素閨梧桐露滴夜淒淒無端懷抱縱  
橫甚蟀蟋聲中月又西

初秋摩訶菴懷舊

重來初地聽松風淨宇疎簾與昔同湛露盈階秋  
蘚綠含霞依壁海棠紅高談往事縹緲外古殿斜

陽殘鐸中倘得乘閒頻過此萬緣何必更求空

香山淡秋

青碧蒼茫裏高巖落磬音門開黃葉亂徑轉白雲  
淡古殿留殘照幽光媚僻岑泠泠泉咽石秋色滿  
疎林

來青軒夜坐

夕靄低山勢斯遊不厭頻烟溪飄敗篠夜塚走青  
燐風定聞天籟心清夢故人寒巖千丈石恍惚是  
前身

香山弔陳麟岡大司禮墓

青箱堂詩集

卷三 丙午

公弟與先大夫  
萬曆壬辰同榜

高塚香山麓蕭蕭松栢垂清忠傳信史貧裔留旌  
祠雨蘚凋巖石秋風泣夜鴟低回懷世好拜手讀  
豐碑

玉華廢寺

躋幽隨步去曲曲入荒坡古澗烟無定空堂草自  
多悲涼餘舊碣澹艷挂枯蘿賴有晴窓好誰擔瓢  
笠過

退谷

谷口流泉遶荆扉掩碧臯僧歸穿薜荔客至摘葡  
萄白日空山寂孤亭亂木高兒儕嫻戲謔捲葉酌

香鬱

歲暮雜興

蕭洒吾廬內扶疎柳半林鳥啼三徑晚雪夜一燈  
溪物態觀榮落年華自古今風光可怡悅未減少  
時心

二

歲序忽驚晚開樽豈厭頻漫思身外事且對眼前  
人錦瑟宜銀甲梅花倩綉茵歲華莫浪擲欲睡復  
逡巡

三

青箱堂詩集 卷五 丙午 六  
幽廊通曲室積雪映疎籬寂寞當年事悲涼夢後  
思書說抽亂帙病減補殘詩自恨偏多事憂來睡  
每遲

四

秉燭當冬日霜鐘莫漫催月嫌離牖下梅喜傷懷  
開世事銜杯過何人踏雪來衝寒出戶望天上幾  
星回

五

卓犖生平意終宵半寤歌最憐蒲質健却恨杞憂  
多風定鐘聲遠花開夜氣和閒情懷舊感觸境奈

愁何

六

憶昔承恩渥思來淚未消歲除猶奏御夜半已趨  
朝身退楓宸近鐘來長樂遙高溪無以報終夜仰  
雲霄

七

且盡樽前興無勞出位思乾坤原浩蕩風俗自委  
蛇松影月偏好茶聲夜最宜高年重光景揅醉復  
何辭

青箱堂詩集

卷五 丙午

七

宛平王崇簡著

萊陽宋 琬定

丁未

歲正家宴

嘉慶初相引屠蘇滿玉壺香橙擘綠蒂華燭綴紅  
鬚隨意傳杯酌怡情展畫圖好懷祈祝切朝野共  
歡娛

春宵

何必溪山麋鹿羣閉門且學省紛紜故人錦字開

青箱堂詩集

卷二十二 丁未

一

減少稚子書聲隔院聞倚座疎梅全繞屋依檐弱  
柳半拖雲怡情却喜春宵坐滅燭聽鴻每夜分

香山杏花

阡陌香山下從橫遍杏花婀娜初曉日宛轉若輕  
霞芳草春輝麗微風雁影斜前原何處去隔隴問  
村家

玉泉山亭遇劉杜三孝廉

偶坐泉亭上何來瀟灑人問名相識舊藉艸定交  
新高論驚山鬼幽懷適暮春冷冷巖下水相與滌  
風塵

送梁玉立大宗伯歸里

何期今日送君歸古道斜陽花亂飛烟景蒼茫回  
雁影鶯聲宛轉喚春暉十年朝寧稱元老千里雲  
巒隱少微看取東山難久戀歌驪不必欲沾衣

爲李坦園相國題畫

奇懷欲何向淡宕寄幽情風定青波湛烟低白鳥  
明空庭留夕照老樹送秋聲寂寂高天裡悠悠影  
亦清

二

茅閣橫塘上烟波渺一方霜林高視聽秋水澹行

青箱堂詩集

卷二十二 丁未

二

藏凌徑寒蛩細疎欄野菊香石邊喚童子睡莫損  
書囊

三

但不甘同濁何勞快獨醒波寒石下冷烟裊竹邊  
青僻徑堪乘興風林最可聽閒觀雲出沒萬事一  
虛亭

春歸

一簾疎雨送春歸綠樹參差掩葦扉老學未能期  
自勉名山欲歷願猶違輕風小院餘花落芳艸間  
階燕子飛乍暖乍寒時序異晚來淡徑怯羅衣

寄李珂雪

尊公君實先生與先大夫同榜令子孝廉

高懷鎮日掩衡茅  
註史箋經手自鈔  
把臂昔由先世好  
槭書今藉後昆交  
松邊山影樽前畫  
花底棋聲夜半敲  
聞說長年別有術  
留連鴈政尚誰收

偶題小畫

家舫窓閒淡柳閒  
畫長人靜鳥閒關  
愁看青史興亡事  
閒傲雲林一片山

夏日

松簷五月送涼聲  
雙鶴翩翩舞且鳴  
宿雨欲連三徑曉  
夕陽偏放一簾晴  
閉門謝客惟貪靜  
倚榻吟

青箱堂詩集

卷五 丁未

三

詩豈好名高臥北  
窓聊自適蕭閒  
贏得野人情

家舫

家舫臨池儼碧灣  
簾垂不厭坐來閒  
却嫌青史多妨輿  
漫說仙方能駐顏  
雨霽新蟬穿樹去  
日斜稚子摘花還  
也知迂拙終無補  
何復心存治亂間

季夏

默念巖前非一蟬  
鳴亭午蝴蝶大如掌  
簾外復棚棚物化  
無停機推遷嘆今古  
流雲戀淡林開卷坐  
前廡暑雨忽澄霽  
涼颿滿庭戶

二

明霞耀空碧  
纖雲依老木  
朱炎化微涼  
笋席秋光肅  
事往愧多悔  
感物悲易逐  
浮生已殘夢  
無求即遐福  
池邊藕葉香  
亭亭媚幽獨

秋來

颯颯金風動園林  
一倍清虛檐桐葉  
墜幽砌草蟲鳴  
捲幔延秋影  
移床就月明  
翩翩庭下鶴  
老更美身輕

送顏紫岳之任無爲州守

顏爲同門賴太史核之友

把酒難禁意黯然  
西風蕭瑟掠寒烟  
送君却憶同門友  
欲別翻思識面年  
渺渺雲山青未了  
瀟瀟風

青箱堂詩集

卷五 丁未

四

木落無邊治安屬  
望惟良牧天下應  
多讓子賢

寄曹彙然僉憲公善排場

罷政歸來別故鄉  
秣陵丘壑任翱翔  
風塵落落書千卷  
葭莢蒼蒼水一方  
好夢百年聊翫物  
浮雲萬事盡登場  
聞君豪健猶如昔  
日日青尊錦瑟旁

將游滴水巖茹非伯都闕遲飲承恩寺讀壁間李獻菴少宗伯遺詩感賦

參差綠樹壓朱墻  
殿廡層層半隱岡  
浚院却宜松映戶  
疎簾偏喜菊盈廊  
佳游我欲凌千嶂  
勝地君爲進一觴  
偶見故人題壁句  
滿庭秋色動悲涼

再游滴水巖

業乾河湧獨山流歷盡迴堤策杖游淺壑高峰皆  
舊識蒼烟紅樹適逢秋摺巒岵岵迷樵徑亂木蕭  
森出石樓四十年前人再至岩邊滴水未曾休

宿巖下

寂寞溪山秋更佳况兼僧舍淡無華寒烟夕染千  
峰翠霜葉晴連萬樹霞佛閣燈懸妨夢怯石岩水  
細逐風斜瀟瀟靜對宵鐘歇檻外飛來隔岫鴉

九日過玉皇廟聽道士彈琴

徜徉隨意作幽尋豈必攜尊上碧岑下馬空階黃

青箱堂詩集

卷五 丁未

五

葉亂登樓遠岫白雲深閒將流水高山意來聽琳  
宮羽客音寂寂移情無可說滿庭斜日照秋陰

九日閒步高原晚歸觀劇

翠嵐歷歷燦遙天纔說登高興洒然古廟斷垣迷  
亂徑斜陽老木帶荒烟漫悲野色秋多淡恰喜黃  
花晚更妍且自徵歌倚錦瑟歲華切莫負當前

偶至木欄陀

策馬爭看高岫奇嵌空樓閣倚雲垂行穿紅樹烟  
中徑來坐青峰石上池養拙已辭勲業夢怡情尚  
負洞巖期他時若遂幽尋興絕巖茅菴何不宜

冬夜

不寐憐清夜梅花香一閨疎鐘來枕上斜月已窺  
西寒燠皆堪適陰晴何復猜笑他多事者起舞爲  
聞雞

送法侍讀黃石任江南藩長

老年送別易生悲况復蕭蕭歲暮時翻惜惜才方  
嶽牧却懷聯珮鳳凰池當筵漫鼓梅花弄把酒聊  
吟折柳詞風雪載途君去矣佇看霖雨慰吾思

宋牧仲過飲談次輒贈

牧仲昔任侍衛

青箱堂詩集

卷五 丁未

六

淹留衣帶冰霜氣肅穆爲憶趨朝侍紫宸日穿豹  
尾相追逐相君之子蘊嘉猷大庭未試判黃州職  
任清閒古司馬讀書時爲民瘼謀除害不憚數射  
虎躍馬若昔從春蒐停杯促膝向我說黃州士女  
多奇傑義門累世不分居女未于歸甘守節毀容  
務面等尋常義烈炯炯心若鐵莫言世道不如古  
慕義卽爲百世矩慨嘆無力得上聞陳說莫厭多  
觀縷節義實爲盛世光君言未了予欲舞移燈祈  
君酌大斗微名埋沒亦恒有名文巨筆自千秋况  
君具有著作手吁嗟彼美應不朽

友人頻招飲園亭未及往應其索題

秀色橫高陌光華儼十洲松杉方出徑巒岫正當樓却喜笙竽歇翻增林壑幽寥寥塵事遠何事問丹丘

二

夢到花源裡蕭然多衆芳絳紗隱錦瑟白紵舞霓裳好月宜菡萏晴霞妬海棠相期隨興去坐看野鷗翔

青箱堂詩集卷二十三

宛平王崇簡著

萊陽宋 宛定

戊申

元旦

春來已八日三始慶元辰淑景占黃道祥光擁紫宸  
媿無千古業喜健百年身相酌屠蘇酒吾其焚尾人

酌酒與牛式之

芳徑恰宜春明燈坐故人晤言雖甚畧風義舊相青箱堂詩集

卷二十三

親世態從來偽交情吾輩真青樽聊取醉莫訝白頭新

夜坐聞箏

靜坐傳幽響纖微去住音因風來曲牖隨月越疎林  
塞北淒涼調閨中婉轉心平生無限意愁絕不堪論

人日潘宗海郡丞孫北海少宰李淑元僉憲

章龍門封君沈仲璉版曹米吉士大令兒熙

讌集青箱堂

芳辰霽霽夕烟青故舊追歡倚翠屏綺席金壘遲

上客畫堂銀燭亂春星耆英入座誰猶少醺酒當  
歌莫獨醒漫笑菜羹酬令節相祈歲歲集斯庭

劉元功王灌亭米吉士張顥侯兒熙宴飲

嘉賓宴樂夜吹笙剪韭蒸藜媿大烹野老恰貽田  
舍酒宮音試鼓教坊箏樽移火樹交加合簾捲星  
珠錯落明朋舊幸存吾輩在何妨醉飲話縱橫

沙定峰過飲

鳴鳥嚶嚶送好音君來掃徑坐空林最憐磊落多  
高致莫歎飄零損素心交以文章情自洽談因山  
水不妨淡尊中適有新醅熟剪燭爲聽長短吟

青箱堂詩集

卷十三 戊申

二

甕山山下東南數十武舊有元耶律丞相墓  
明崇禎丙子春過之祠宇傾頽尚存公及夫  
人二石像端坐荒陌少前二翁仲一首毀相  
傳居人夜見有光疑其怪而鑿也後一高阜  
則公墓云康熙戊申二月二十七日策馬重  
經斷壠漸平耕者及其址石像僅存下體餘  
皆蕩然三十餘年來問之土人鮮知爲公墓  
者墓西去半里圓靜寺僧猶能言其處嗟夫  
石像何患于人去之者以其妨耕也念此十  
笏殘基再數年皆麥苗黍穗矣俛仰久之不

覺有作

丞相遺墳知已稀荒岡不似舊鬼巍空餘祠址藏  
狐窟無復苔紋紉石衣耕叟驅牛依塚臥東風流  
水落花飛俛思一代名臣盛徒有青山挂夕暉

玉泉山憶往

玉泉山下莽蕭條餘柳依依破寂寥訪舊竟無依  
壁寺尋幽尚有駕溪橋風輕日永流雲淡人靜山  
空啼鳥囀欲問當年歌舞地頽垣久已屬漁樵

偕五弟登香山圯殿憶四弟昔游

古剎層崖路幾重杏花溪處最高峰蒼烟欲墮嵐  
青箱堂詩集

卷十三 戊申

三

光合返照斜穿林影濃携手看雲因憶弟循巖跌  
坐且聽松可憐殿廡摧頽甚尚有殘僧打夕鐘

退谷坐杏花岡上見照燕默孫克善克勤往

尋水源

溪谷惟聞亂鳥鳴年光昨日過清明杏花已減三  
分色泉水依然百折聲幽徑遲回聊寄興空亭坐  
臥欲移情閒看稚子尋源去盡在蒼巖絕頂行

來青軒夜坐

高巖二月尚淒清逸興嘗懷獨往情靜夜禮星瞻  
北極空堂說鬼坐三更穿林村火升沉影到枕風

泉斷續聲多少京華酣醉客輸他歌吹到天明

送米芾紫來改補建康令

卓犖如君何不宜關情偏欲效諏咨臨民却忌書  
生氣守約應懷處士思冉冉江雲縈去夢悠悠歲  
月計來期最憐骨肉難爲別况復分攜垂老時

二

纔說歌驪淚欲揮春風習習柳依依青山盡舫迹  
朝露濁酒高堂戀夕暉令望盡從民社始好音莫  
遣歲時稀何堪弱女懷吾老欲去頻來但把衣

海子西紅門關廟僧舍前牡丹二叢叢數枝

青箱堂詩集

卷三 戊申

四

高盈丈雨中過之老幹扶疎二十餘花交加  
檐際僧言來自南海甫六十年再經兵厄枝  
生如故三月三十日見熙然照燕默隨行

聞道名花歷劫灰傷簷十尺影昭回昨宵經雨開  
應徧不憚衝泥策馬來

二

章寺海棠久已伐慈仁松粒近多摧牡丹何幸依  
荒廟歲歲看花幾輩來

三

芳華寂寂伴蒿萊靜倚僧寮向佛開却喜風塵無

過者何緣人自雨中來

飲豐臺芍藥園

去去憐新草溪烟僻路斜野花黃滿地村樹綠誰  
家携酒爲乘興偷閑自可賒浮生已殘夢爛熳翫  
芳華

二

溪回路轉影沈沈一片清英照水香烟裏晴沙千  
辨麗此身飛去作鴛鴦

夏日偶成

綠陰滿院蔭清池簾捲晴雲午夢遲竹影半斜新

青箱堂詩集

卷三 戊申

五

雨後鳥飛不斷晚涼時逢迎未慣非今日懶拙相  
循自昔宜欲向空階添曲折窓前更自插疎籬

寄懷白東谷尚書

寤寐偏多別後情流光荏苒歲頻更曾借秘省瞻  
磚影復共金門曳履聲媿我名山遊尚負羨君大  
業歲多成何時杖屨還相過濁酒高歌坐月明

晏起夢中作

綠陰深處日三竿炊熟猶然閉閣眠報道客來堂  
上坐侍兒搖手莫輕傳

夏日飲祖大將軍荷亭



六月尋幽過野塘藕花開徧祖家莊有無日映參  
差麗遠近風來次第香溪樹雲棲晴若雨空亭水  
遶午猶涼優游何必傾樽飲靜對徧宜坐夕陽  
久不至萬明寺

招提聞異昔不獨是林汀開圃盈窓綠栽松逶徑  
青野花堪供佛柿葉可書經曾否柴門外河邊築  
小亭

自笑

陽堂燕子影參差晝漏遲遲夢覺時花下風來香  
入戶籬邊雨過水平池人情獨有樽前好幻景無  
青箱堂詩集 卷五 戊申 六

妨格外奇自笑福心多所怪浮雲何處不相宜

夜雨

銀河星斗燦珠璣何事三更雨打扉夜氣涼生香  
淡艷蕉聲寒滴夢依稀撇開爭博盧梟局未信還  
丹水火機却憶西山溪壑裏亂泉幾處沒漁磯

秋日陳其年沙定峰周翼徵林安谷趙松一  
蘇苞九小集

疎林溪巷日悠優宿雨流雲向晚收閉閣耽書存  
癖尚開樽促膝坐名流草侵空徑情多逸談入高  
秋境倍幽老學無奇慚問字諸君莫訝久攀留

李望石李書雲秋夕招飲林亭放舟

兼葭白露晚蒼蒼蒼舟轉林亭互易方花徑迷離藏  
竹石柳塘深淺睡鴛鴦華燈照水層層影黑夜移  
橈面面光投轄無煩君過計酒闌猶欲賦滄浪

重九登眺

高城恣眺望惆悵去來間尺五雲中闕斜陽烟外  
山長天橫塞雁古堞俯秋灣暮靄圍平野鴉飛心  
自閑

香山聽泉

秋光淡落日荒徑絕人行獨來古木下盈耳亂泉  
青箱堂詩集 卷五 戊申 七

鳴疎林墮星影月上遠靄明低回坐忘返山山靜  
有聲

出金山口望大覺寺

霜華雲影盡秋痕麓突巒迴勢若吞遶水疎籬別  
有逕殘岡古廟半無門幾行青靄峰邊雁一帶斜  
陽烟外村策馬未須愁日暮鐘聲隱隱出高原

重遊大覺寺

門逕依稀記未真溪林古殿倚嶙峋一泓清水猶  
相識五十年前曾到人

大覺寺憶往

曾來物外漫逍遙萬樹櫻桃映絳霄舊矣一泉鳴  
晝夜依然雙塔紀金遼蒼岩凌漢雲多逸老木矜  
秋葉未凋欲說前遊無識者閒聽僧梵過溪橋

送陳其年

自慚垂老始逢君遽徑淹留對暮雲何事匆匆又  
歸去疎林落葉正紛紛

二

旅雁蕭蕭奈別何送君不獨慎風波樽前一去三  
千里秋水蒹葭到處多

三

丰神颯颯向人真把臂之間意氣親莫怪分携多  
悵悵如君自是久要人

四

酌酒偏傷相見遲詎堪把袂復歌驪何年更秉花  
前燭却話相思別後時

歲暮

欄邊柳裊春前影屋裏梅開臘底花最是眼前好  
光景更於何處說仙家

冬夜與五弟筠侶表弟張涵初坐話

坐對淩更掩畫屏蕭蕭歲暮一燈青新聞怪誕殊

堪笑舊事纏綿不厭聽作色梅花當好月弄聲松  
鬣間疎星隨時自足相怡悅莫歎年光去未停

青箱堂詩集卷二十四

宛平王崇簡著

萊陽宋 琬定

巳酉

元旦

昭回珠斗鳳城邊  
冉冉雲生松柏烟  
劍珮趨蹌丹陛曉  
香燈燦爛畫堂妍  
又逢椒頌當三始  
不效嵩呼已八年  
但願泰階平萬禩  
衢歌巷舞戴堯天

元宵後數日作

瞥眼年華上柳條  
匆匆又復過元宵  
一窓晴日淡

青箱堂詩集

卷二十四 巳酉

一

窈窕半榻梅花喜  
寂寥却憶山中岩  
影秀忽來林外鳥  
聲嬌乘閒莫負風  
光好節杖呼童掛酒瓢

香山看杏花宿來青軒

杏花開已遍不憚遶林行  
日落光增曉烟銷質更輕  
晚鐘山互答禪榻月孤明  
不盡葦芳意幽妍夢裏生

偶過東園

啼鳥聲中荒逕斜  
溪門亂木影交加  
一年好景無如此  
開徧堦前野菜花

東園丁香

徘徊不獨惜春陰  
花滿閒園白日深  
鄰寺頻聞人借問  
妙香何處落高林

豐臺花園

莫歎春歸倍可憐  
風臯雨陌倍悠然  
閒庭鳥語人過少  
灌木雲來地自偏  
曲折引泉穿草屋  
慙慙插圃護花田  
當年萬柳園何處  
日落平蕪盡暮烟

孫北海研山齋龔芝麓劉魯一吳玉駟雅集

研山齋靜掩青蘿  
乘興相邀故舊過  
憶昔却憐吾輩在  
劇談猶覺壯心多  
鼎鑊錯落當前好  
書畫淹留奈夕何  
不醉無歸君莫勸  
且將秉燭更高歌

青箱堂詩集

卷二十四 巳酉

二

送蕭伯闇孝廉復去金陵

憶昔石城暫繫舟  
多君慰藉旅人愁  
招魂爲說傷心事  
剪燭頻咨避地謀  
別後行踪何所適  
歸來故里復難留  
歌驪非少沾巾淚  
二十年前已盡流

夏夕

休言林石漫怡情  
半畝園開著數楹  
梧徑風迴簾影靜  
竹窓雨過研光晴  
宦途思熟寧甘退  
吾道由來不貴名  
且自逍遙觀物候  
夕陽花下晚涼輕

送楊長公還里

卓犖平生生意真  
年登七十倍精神  
故時自昔稱

遺直衛道於今見古人好去收雲勤者不莫須鼓  
柅更垂綸間庭徧種桃千樹倚杖行吟歲歲春

秋夕

疎籬曲檻掩蒼苔老梧凋秋色來學道無成難  
免俗居心未淨尚多猜堂前遲月移花徑樹杪看  
山起露臺佳興便宜當夕好高空鴻影坐中回

夢贈一品夫人

半生追悼卽沾巾况復秋來入夢頻冉冉忽然三  
十載珊珊猶是少年人可知夫子今榮顯應記晨  
昏昔苦辛寂寞烏啼當覺後霜華滿地淨無塵

青箱堂詩集

卷五 已酉

三

九日家宴

垂老常多惜歲華但逢令節興偏佳每觀物變知  
時序何值重陽無菊花漫說登高尋野阜豈如合  
樂盡吾家承歡向夕開良宴銀燭秋光映絳紗

水源看紅葉

烟壑來無端嵐光澹晚霽石溪蒼蕭條下高迷次  
第淺紫與淡紅樹樹相虧蔽幽覽入杳冥絕徑危  
石綴虬松立峭岸卓卓四無際徙倚忘登頓留連  
憶往歲默坐發清省萬事如毛細遠鐘下高林日

落山增勢

玉泉

寒元山忽落水石相競長激泉湧山趾迫逐流幽  
響靈異無端倪澄澈足空朗世祖昔特幸大悟  
發奇賞日取供宸御四海仰沆瀣至今晝夜流恩  
澤從茲廣瞻矚忘去來秋風吹曠莽

葬仲孫女

芻蕘焚却罷吹笳埋玉荒原白日斜車馬紛紛歸  
去後何能攜汝共還家

送李召林侍御假歸桂林

美君風采不猶人鳴鳳嗈嗈向紫宸濟世惟思時

青箱堂詩集

卷五 已酉

四

攬轡除貪何暇且埋輪朔風暫遠燕山雪乳洞重  
逢湘水春指日帝都協晤對歌驪無用更愴神  
臘八日柴居士約過夕照寺是日見熙具饌  
魁吾易齋絮菴觀賜定菴若侯口緝硯山薇  
菴諸君子偕至

夕照何年寺興亡歲月多青燈懸白日寒靄蘊春  
和嘉節偶然至高賢次第過眼前光景好斜景下  
寒柯

青箱堂詩集卷二十五

宛平王崇簡

萊陽宋琬定

庚戌

人日漫興

自從元日少風塵  
靄靄晴光已逗春  
煖屋培花喜早綻  
芳閨剪綵笑輪真  
相循舊俗因為節  
豈必今朝方是人  
幸未能鍾重引興  
思攀河畔柳條新

青箱堂詩集

卷二十五

庚戌

一

燈夕酌酒與胤倩顯侯彙嘉論文

老去情思不自持  
年光又近上元時  
張燈聊爾酬佳夕  
把酒偏宜對故知  
懷古逢君應更切  
論文笑我亦何痴  
好期草嫩花明日  
携手山巔與水涯

放懷

放懷好自狎年光  
不解隨人分外忙  
酒後縱談多夙昔  
老來得句易疎狂  
空庭獨鶴昂藏立  
深戶幽花宛轉香  
莫訝壯心何處去  
恥從夢醒問

雲房

憶讀書功德寺

少年崎行強爲降  
攜笈春風對法幢  
半夜鐘聲清客夢  
一編燭影淡松窓  
鴉啼荒徑偏宜獨  
峰出平林喜却雙  
每憶玉泉山下路  
至今猶自水淙淙

正夜觀烟火

年光又是一番新  
火樹爭奇巧作春  
鬱勃風雷掣海岳  
怒張鱗角出麒麟  
鉦車初聚歌鍾合  
寶

青箱堂詩集

卷二十五

庚戌

二

馬重逢鼓吹頻莫借  
蘭膏憐夜半還期歲作看  
燈人

華山圖歌爲杜振門少宰題

男子生而懸桑弧  
名山不遊豈丈夫  
高人遊所未及畫  
可及今見少宰華山圖  
少宰杜公昔宦至幾度  
陟降興愈殊遊戲丹青王將軍尺幅已具全規模  
却從止處尋起處若與遊者兢步趨探奇搜異匪想像  
洒然已自絕臨摹芒芒恍忽無端倪洞壑窮鬱各有區  
忽駭陵雲騎日月忽

曼思虛捫宮都既崢嶸而地絕復寥廓而天無  
峰嶺斷續青不了推移惟有雲糝糊雖然分網  
裁紀別有天屯乎浩渤一氣相盤紆格取鴻濛  
攝魄魂兼掣雷電起鍾鑑摩詰得其意小李精  
其膚何似將軍之妙筆軼唐越宋等黃虞嗟予  
年已六十九幸堪策杖山頭走水廣山長去何  
時留連倚徙對之久將軍倘肯爲我寫生綃且  
自朝斯夕斯酌大斗

又

青箱堂詩集

卷二十五

庚戌

三

點畫毫端氣運生華山峰壑儼天成巉岩欲瀉  
星河影深樹如聞鶉鶉聲雲變陰晴光錯落日  
回金碧勢縱橫高懷把酒相朝夕豈必青柯頂  
上行

懷舊

走馬章臺雪影飈前衣燈下燦朝霞可憐夢斷  
秦樓月風雨春深莖落花

癖性

憶昔山齋偶挾書東風習習適春初閒從耕野

學騎犢旋過溪邊看打魚花影上簾僧榻靜松  
聲到枕夜窓虛寂寥偏有悠然趣癖性于今尙  
未除

寄魯幸菴庶常隱居

高蹈何心號隱居青泉白石老菰蘆深宵應悵  
當年夢猶記曾翻中秘書

二

每憶山陰道上奇故人況復繫幽思何緣把袂  
千岩下却話曾偕杯酒時

青箱堂詩集

卷二十五

庚戌

四

拜外王父張公暨諸舅氏墓偕涵初表弟  
憇明光寺遂登土城

隨母當年展墓情今來歲月已多更原荒狐兔  
穿垣過草苗牛羊上塚行猶是溪橋通僻寺依  
然古道傷殘城不堪登眺興懷處籬落桃花照  
眼明

梨花下談飲王淑汲俞彙嘉弟筠侶及諸

子姓

坐話開樽亦偶然韶光難負暮春天梨花偏麗

黃昏後芳草初生欄向邊世上何獨有烈煩酒  
闌且莫論先賢移燈烟景恣幽興老鴟長鳴茅  
閣前

深春

徑仄室非遠釣簾却絕塵花能媚幽獨鶴不畏  
閒人非是貪爲學終難負此身高林影漸綠何  
又是深春

植牡丹于豐臺園亭

奇種來山谷嫣然各競芳靚姿矜國色艷質殷

青箱堂詩集

卷二十五

庚戌

五

春光依徑迎人麗因風入座香低回相容與大  
斗酹花王

沈無謀書來率寄卽用其留春韻

壯君八十尚留春尺素慙慙離索陳漫憶遭逢  
已往事可能解悟見前身機忘日永心餘樂鳥  
語花飛徑絕塵雅意平生期自好老來偕與作  
閒人

讀紀仲霽文學新詩志喜並贈孟啓中翰

季凱郡丞

才子才名舊蹉跎復歲年新詩應共賞大雅自  
堪傳溽暑征塵裏清風促膝前交情久不厭惟  
爾弟兄賢

送王玉銘大司馬告歸

柳陌涼雲睍色寒公卿祖道衆爭看老臣年及  
辭榮易聖主恩深去國難左右詩書敦宿好  
優游泉石有餘歡丹心未已瞻北極幾度低回  
策治安

夏日

青箱堂詩集

卷二十五

庚戌

六

花陰忽見壓欄前午漏初消減晝眠林靜蟬聲  
無斷續簾垂蝶影故遷延生慚博史窮經學老  
結青山白水緣緩步却宜微雨後餘荷風動濕  
珠圓

送黃述之監司衡永

仰止高懷不可忘河橋柳影澹秋光風塵識面  
綠佳句杯酒論交過草堂帆挂楚天江水白夢  
回燕樹塞雲黃與君未盡相逢意白露凝葭天  
一方

中秋

涼雲傷夕月朦朧瞥地空明四望同三徑霜華  
侵坐上一天秋色落杯中星河隱見光難定庭  
樹高深影漸東更去登臺勗餘目何如鶴背駕  
長風

秋晚

不覺秋來晚無營境自安疎簾梧葉落空牖暮  
陰寒世事聊浮白閒情一倚欄山僧頻寄訊紅  
樹幾多殘

青箱堂詩集

卷二十五

庚戌

七

寄介譚閣仲

昔我年方二十五學疎氣盛妄矜許長安人海  
寡所歡快逢譚子閣仲甫譚子長我餘十年朗  
懷相照露肺腑復有孚于青蚨錢與崔酒釀茗  
椀相賓王時或宕軼爲激揚時或毗裂髮指視  
今古君才約之一握摩尼珠放之千品耀區宇  
一朝南北天一方烟飛雲變久茫茫開君閉戶  
坐一室胸期浩渺神徜徉不書不琴不杯竿不  
僧不佛不老莊春往秋來如一日至今八十正

窮觀世上萬事棄帶輕烹霞煮石笑荒唐守我  
中兮心不役天長地久靡不臧閨中婉德曰沈  
嬋年同八十稱偕老

水源石選

宿雨初收泉逕荒雲回嵐合盡秋光最憐錯落  
崖邊樹葉葉朱霞映夕陽

來青軒晚坐

非綠幽榻時堪借却喜危欄秋可凭深澗流泉  
鳴靜夜高岩落葉裊疎燈

青箱堂詩集

卷二十五

庚戌

八

再經秘魔崖山有黃連茶樹

石路紆回亂水斜當年幾度摘名茶懸崖依舊  
噴岩下開徧深秋野徑花

善應寺

深門邃宇翠爲屏薜荔懸松百尺青七十老人  
含笑說出家無處但書經

送譚舟石中翰之任榆林郡丞

攬轡朱輪美壯遊故人支采舊風流揮毫秘省  
推仙吏杖策岩疆亞列侯古塞寒雲啼老雁清



燈花驛夢幽州與君已自難爲別分袂何堪復  
暮秋

謀秋讀書

蛩細鴻高日月除秋光恰喜小窓虛天能假我  
多年暇得讀平生未讀書

朱荔裳來都門談次輒贈

毋怪君何戀薜蘿流光今已七年過別來噩夢  
風波險談到傷心涕淚多詩酒偶然消磊落功  
名不復恨蹉跎快聞麟角三英秀玉樹庭前振

青箱堂詩集

卷二十五

庚戌

九

綺羅

寄贈楊商賢六十

聞君今六十相念倍情親貧賤存微尚文章老  
故人松筠千古意桑海百年身不厭衡門樂無  
勞說隱淪

二

紅塵今古事白首向誰論千里河山迥雙魚肺  
腑存下簾常賣卜問字日盈門自有長生訣時  
開介壽鐙

雪中都門道上有憶

同雲低山巷憶舊忽然情下馬紅樓雪留人玉  
柱筭偶來依素影欲去恨新聲往事如昨夢悠  
悠歲月更

生日書懷

老來偏喜愜閒情連屋詩書不忌盈七尺昂藏  
多磊落百年風景幾崢嶸高懷尚怪奇遊少逸  
興何難隨處生莫道林泉無頭外每聞聖政  
慶昇平

青箱堂詩集

卷二十五

庚戌

十

送汪君文假歸

輦下推風雅如君才自稀偶因稱疾去實爲羣  
親歸江靜高帆遠天寒野火微無情霜樹葉故  
向別筵飛

二

去矣情何壯依依夢澤雲閒尊坐故舊捫虱話  
新聞永感登前淚奇懷篋裏支長安我輩在或  
亦念離羣

三

薄俗無交道炎涼自昔然多君如水意翻有古人緣湖吹雄長劍春波漾畫舫徘徊千里路望斷蘭門烟

四

折柳難爲意新君更盡杯荒烟遮岫斷凍水擁沙回古驛低斜日江汀綻早梅含樓重握手莫惜好音來

送周翼微南歸並懷定峰東堂松一亦史

諸子

青箱堂詩集

卷二十五

庚戌

七

三載論文舊深冬送子歸霜天驅匹馬白日照征衣羨爾庭幃樂憐予故舊稀治安囊有策那得戀山薇

二

掃徑來羣彥空堂坐夕暉咏歌多卓犖哀白倍光輝寤寐開山泓青書麟羽稀何堪君又去雨雪正霏霏

冬夕

暮懷倚柱凍雲低烟樹冥濛屋角逃瓦鵲飛棲

看未定回頭人立小窓西

題李武曾秋錦山人灌園圖

養母思爲圃高懷翰墨傳劬雲舒萊甲鑿石引春泉怡悅萱花祀優游秋錦天至人不可測捧檄笑前賢

又

高尚何心事筆耕灌園奉母足深情願君熟讀君文記莫使承歡也爲名

夜雪

青箱堂詩集

卷二十五

庚戌

主

寒夢中宵破深閨皓彩斜打窓聲不定冷燭灺燈花

十二月十五夜月

栗列寒威凝宿烟連宵積雪月中天徘徊久向堦前立再見圓時是隔年

十二月十六夜

臘月十六月已高寒齋燒燭薦春醪已看雪霽虛檐竹漸覺春回倚屋桃隨遇漫勞占易象放懷何必續離騷痴頑老子真堪笑長樂獨矜歷

世豪

不寐

深院古意多夜久頗靜兀夢短百慮盈懣非恒  
蹶蹶節候來無停榮枯無暫歇今昔滅故人昏  
曉變容髮輾轉笑何爲肺腑徒滯塞窓空易有  
聲觸絃鼠由沒悵悵可奈何攬衣遲明發遙鐘  
次第傳荒雞咽曉月

閨梅

傍榻依幃迥絕塵蕭蕭雪夜出丰神刪除香影

青箱堂詩集

卷二十五

庚戌

三

休唐突姑射仙人是化身

二

寂寂芳姿喜閒靜躁心暗裏消幽靚宵深不憚  
照燈黑夢醒但覺侵肌冷

爲王襄璞方伯題王覺斯先生畫

浩然意獨往隨境寫蒼涼靈岫盤迴入危樓窈  
窕藏筆光窮遠渺墨影變微茫空寂高人性山  
山足徜徉

兒熙述冀公治少司馬語次以易之

俗患不知耻攘攘多醜進退蔑禮義奔營矜

妾頰爲孺冀司馬兒熙直諒友曰熙能自強不

爲習俗狙英年荷主知恩遇古鮮有朝夕侍

帷幄經史時在口出入旃厦上十年寡微咎始

終既克全身名足不朽仕進眼前事何復論邪

西仰思千古思豈容毫髮負爾位矢敬共丈夫

貴有守况復高年親無忝勝羞耆遐哉司馬言

朗朗燦珠斗拜手珍藥石粉金書座右

題郝敏公大司農太夫人家慶圖卷六章

青箱堂詩集

卷二十五

庚戌

古

章六句

瞻彼閭儀和藹肅雍四德是嫺克配司農大司

徒毋弃榮榮封

奕奕世澤煌煌天綸克昌厥後鳳蕭麟振侍膝

含飴稱太夫人

既曰錫命胡不六珈既曰重誥胡不帔霞守我

儉約不尚浮華

允矣司徒毋言是欽匪無錦堂優游高林八座

壽母繪此徽音

俾壽而臧俾穀而溥長宜子孫受天之祐介祉  
稱觥式歌且舞  
靡後是嘏靡殆是榮永錫難老母德安貞秋去  
春來與福相迎

青箱堂詩集

卷三十五

庚戌

五

青箱堂詩集卷二十六

宛平王崇簡著

萊陽宋琬定

辛亥

新歲家讌

韶光變隼上晴檐百歲年華喜又添瑞草香醪  
浮柏子辛盤翠甲薦春矢曾憐詩顧徒滋亂一  
任虛泉不用占最是下倫多樂事莫辭向夜飲  
厭厭

青箱堂詩集

卷三十六

辛亥

一

小酌見輩有言余與熙兒同官學士時事

者率荅其意

華門深靚喜春過柳影梅風奈若何有酒但邀  
嘉客醉拈詩不必雪兒歌漫言仕路遭逢異惟  
幸樽前和樂多况見太平增氣象佇看簫鼓徹  
岩阿

章龍門封公招飲園亭與孫北海小宴

幽房歷盡見青蒼層折峯嶺隱畫堂樹杪登樓  
穿曲徑橋邊倚榻臨橫塘貪看境勝情偏壯漫

說年加步尚強向夕燈影珠錯落陪君醉後繞迴廊

元宵前一日作

閒是人間第一流老當節序倍綢繆青陽到處堪乘興白髮于時何所求佳節元宵看又過繁華舊事數從頭好將閒步開懷抱讀罷殘書上小樓

送魏貞庵相君得告還里步孫北海少宰韻

青箱堂詩集

卷二十六

二

黃閣常懷荷芰衣盛年勇退古來稀直聲自足方唐魏高志誰云遜漢韋身遠紫宸難釋夢堂開綠野喜忘機長安祖道看再臺琴鶴詩囊宰相歸

二

盛世誰甘覓拂衣况逢恩遇似君稀清風已自能如水雅度何須更珮韋啓沃有心勤吐握行藏無意任樞機東山應繫蒼生望折柳依依漫惜歸

和張螺浮給諫夢中得句十年霜雪老黃門

門步原韻

十年霜雪老黃門漫說行藏以拙尊靈永山堂回策影月移書舫靜波痕偶懷梧掖如前夢忽拜徵書荷上恩好勵廉隅持國是莫須更戀隔溪村

二

十年霜雪老黃門盡省重來覲至尊但願垂裳稱有道敢云痛哭淚多痕狂愚期盡微臣節

青箱堂詩集

卷二十六

辛亥

手

用舍難忘聖主恩唯幸唐虞今再見化沾水浦與山村

送曹澹餘少宰出撫貴州

雨浥河橋柳色新建施設旒旌擁朱輪地當籌峭需王化才簡銓衡藉重臣亮節中流千丈石仁風荒徼四時春遙瞻北極雲霄上佇俟宣麻下紫宸

乘興

閒庭嘉樹綠成陰冉冉流光夏漸深南浦看花

猶似昨北窓高枕忽而今卻斷耳熱出豪語莫  
數年衰負壯心何若當前乘興好黃鵬况復噪  
空林

贈王烟客八十

盛代稱菁菁當年老奉常風清旋馬徑月映千  
橋莊松蔭琴書潤花沾几榻香論交三世久千  
里祝霞觴

中伏

閒雲去住幻林暉半榻蕭然可息機書卷栖遲

青箱堂詩集

卷二十六

辛亥

四

延晝漏亭臺寂聞掩荆扉一蟬樹林常風噪雙  
燕簾前引子飛欲向靜中消風念又何今是與  
昨非

施愚山少參悟言草堂將有嵩山之遊

深林闢蒼蘚掩徑畏炎暑不憚觸熱行慙慙來  
顧予既陳長相思復貺以嘉紵但恨追歡畧天  
涯各延佇疎簾捲流雲酌君以薄醪贈我袖中  
詩音響協律呂斜陽化微涼花陰轉庭序聞君  
將復歸塞默難一語

二

不欲負輪蹄去踐嵩山約騁望上高峯幽尋蹟  
重登鷲嶺雖猿啼凌風駕老鶴携筇朝谷靜揮  
翰曉霞煒想君澹宕懷舒情移寂寞浮雲看往  
事奇句驚古魄夢短山川長無忘慰離索佇目  
烟霄鴻聲影君前落

中秋

釣簾遲月仰高空荒徑初涼怯晚風瀉影金波  
侵院落凝華玉露滴梧桐閒情多在凭闌外往

青箱堂詩集

卷二十六

辛亥

五

事偏來把酒中嘉節留連君莫笑林陰轉盼又  
牆東

題梁子培嘉莊農隱卷

農隱情何逸嘉莊窈窕幽高林雲蔽徑廣術月  
當樓遺槎看馴鵲呼童問飼牛義皇孰謂遠恍  
惚夢中遊

送嚴紫菴少司農歸里

送君把袂意難言未老投閒荷聖恩肝胆向  
人無隱飾行藏隨遇寡攀援烟迷江嶼高秋舫

雲暗斜陽遠浦村何事歌馳頻酒淚縹緲佇見  
貢丘園

挽牛式之

惟君多自好契濶輒經時却悔相遇應無再  
見期故人今幾在衰亡有餘悲悽惻興懷處西  
風雁影遲

二

憶昔同學日禪房湛露凝林疎殘雨夕深院隔  
窓燈不遇終無悶高懷多所憑知君千古志生

青箱堂詩集

卷二十六

辛亥

本

死自岐嶒

送程崑崙之任耀州

西風瑟瑟冷鴻聲濁酒相邀送子行雖是相逢  
今又別却從藝苑舊知名高人爲政琴堂靜月  
夜閒吟鶴步橫非是炎涼交不古笑他攀附本  
無情

送張幹臣學士建言左遷歸里

去國非因憶故鄉片帆秋水挂斜陽孤忠未敢  
懷趨避聖主能容竭對揚但願蒼生安覆載

漫言臣節重行藏送君期踐倫常事士所當爲  
在自強

九日登野阜

廣陌風生霽露晞一片秋草依私路嫩水遶山  
塘幽遊偶趨高阜誰家上小樓千松鎖壇殿夕  
照冷烟浮

七十

十載謝軒裳倏已七十至自笑不知老尚多懷  
駒志一鏡日當前顧之頻若失丹青與弟誼經

青箱堂詩集

卷二十六

辛亥

七

史或限日偶吟舒性情聊爾盪胸臆

二

年暮步猶健視聽未異昔逸志在山水遙遙念  
遐迹五嶽遊在夢舟車去匪易既鮮名山福且  
取朝夕適香山杏花時十里連阡陌水源柿葉  
好參差映泉石樂此春而秋往復何且教

三

稱觴謝交遊閒逸庶足寶兒孫舞綵意分日爲  
宴好吹笙遲永夕誰云非蓬島珍錯開良醞願

之心若擣七十始四豆侈靡豈安老匪止惜餘  
福何以答穹昊

四

徵歌爲羞焉事已成流俗居恒戒吾兒勿爲吾  
弗欲知已或贈言諒必多忠告荔裳宋臬長交  
好在昔篤摛詞倡同人和者競相屬昭若煥雲  
漢何數珠與玉朗朗秋月光藹藹冬日旭奉之  
屏壁上千秋拜良易

五

青箱堂詩集 卷二十六 辛亥 八

雙丸跳靡已轉盼冬已久行開第八表却笑增  
老醜對此華燭光昨夕杯在手千秋百世名于  
人亦何有拙我架上書熟我床頭酒寒梅正餘  
香明月况當牖

堪笑

漫勞絮短與衡長世態寒暄已熟嘗喚喜未忘  
嫌獨醒市朝雖近讓入忙芳樽爛熳懷良友雪  
夜模糊入睡鄉堪笑老來僻猶在梅高移榻就  
疏香

歲暮

日夕風景好值茲歲暮時月上閉窓淨梅花發  
故枝默坐琴動定悠然忘所思寒星覆茅屋自  
得聊支頤

閒懷

頻拂寒梅影清宵不寐中心長添髮白夜半滅  
燈紅立雪階前鶴吹窓竹上風閒懷今古事榮  
落得無同

擬潘宗海郡丞慕海僉憲

青箱堂詩集 卷二十六 辛亥 九

與君伯仲友投契自文章五十年如昨參差天  
一方秋來聞弟逝冬復見兄亡故舊今餘幾何  
禁淚滿裳

又

大隆年同逾芳蓮並蒂生科名先介弟世業仰  
難兄燕市論文日金陵話別情愴然思舊好悽  
切不成聲

臘夜聽讀書聲東張廣平

蕭蕭風雪過春正一點燈穿虛牖明元坐



澄泉慮空杯夜半有書聲

歲杪夜興

雪影迷蓬徑陶然獨絕塵  
月明依靜夜梅冷媚幽人  
幻夢平生事良宵漸次春  
好懷堪自慰隨意適吾真

青箱堂詩集

卷二十六

辛亥十

青箱堂詩集卷二十七

宛平王崇簡著

受業弟子 錢唐俞森校

葉陽宋

琬定

河陽薛所習

壬子

新年

冉冉年華去復還柳條春色又堪攀  
老來未免經營處情至難辭來往間  
世荷聖恩瞻北極庭拈佳句頌南山  
當前欲趁風光好裁勝張燈也不閒

青箱堂詩集

卷二十七

壬子一

正月五日聞宋荔裳謝方山王西樵貽上

遊西山東荔裳

春興偏于林麓宜山陽水曲握幽姿  
人情正競絃歌日雅尚脩淡岩壑期登眺  
幾回尋古蹟品題次第和新詩追隨未及  
慚吾懶爲約攜筇杳放晴

立春

元正六日始春期早已梅開春滿枝  
講藹香雲爐篆袅輝輝晴景隔光移  
只須一意惟偷懶豈

可多端更惹思乘燭好爲良夜飲酒闌幾憶少年時

正月十日喜陳眉皆言自安肅至

總說新年已浹旬晴窗好鳥早鳴春撇開昨夜浮雲夢喜見今朝遠縣人卓犖平生存意氣蕭閒三徑絕風塵與君且酌沽來酒燈滿華堂月正新

買燈

老來百事讓人能不向人嫌也自憎綠蟻合歡

青箱堂詩集

卷二十七

五子二

真足賴紫姑解卜豈堪憑閒看世態隨年變却羨兒童喜歲增何必懲前與戒後良宵且買上元燈

十六日夜雪

霏霏今夕雪紛披四映輝煌燈更宜玉屑光寒增燭焰銀花影亂照冰枝笙歌遠近誰家院笑語留連午夜危莫怪老來逸興減瓊瑤踏去尚貪奇

吳孟舉以所輯詩相貽賦贈

掃徑來良友相逢恰舊聞學深窮二酉名久著三君絕俗憐青眼齋心戀白雲奇文驚海內麋鹿豈能羣

其二

卓識開千古從今宋有詩漢唐堪並駕鮑謝不專奇世鮮風華度人兼泉石姿千旌方蔽野何事采江蘿

讀宋長元先生益詠堂碑感賦

奕奕高堂久益新棠陰帶帶幾經春烝嘗不變

青箱堂詩集

卷二十七

五子

三

猶初祀拜舞非因有後人自昔恩威留雅化至今伏臘走村民論交豈獨親面丈一讀豐碑淚滿巾

贈尤遠公八十

老學嘗多壽高山仰德輝種桃迷彼岸放鶴敞前扉選勝頻偕友飛觴聊息機芝蘭相競秀濟濟舞萊衣

二

卓犖江山上怡情遠市朝棲岩叅定慧放艇注

逍遙白下調金鼎丹砂下碧霄笑看今古事何必問虛名

贈王異公

世好聲聞久繫思相逢却恨晤言遲老年快遇無雙士大雅驚看絕妙詞雪霽剪燈偕夜飲春風把卷獨吟時移情多是因高調百尺樓頭聽子規

送高念東假歸

長安桃李花如錦歸客顧盼發潑省朝紅夕白

青箱堂詩集

卷二十七

壬子

四

日復日百年幾向花前飲夙昔聞君向我語退居諸何所據欲去不去奈若何時時言去君今去髮變齒搖日非故丈夫豈爲風塵誤高熱奇惡世不無今昨恍若草上露至人不獨慎行藏百年寧多一夢長送君不作挽留語愧我子徒相望十年前已獲乞身家世尚與朝市鄰耳聞目見生嗔喜下場猶作觀場人羨君卓識超今昔學仙學佛皆無迹浩浩落落意所之青霄之上如咫尺笑說相逢後或有何須爲勸陽

關酒且向花前問消息昨日香光今似否

壬子三月陪宋荔裳香山看杏花宿來青

軒歷退谷玉泉歸憩興勝寺別墅限風蓮

亭休四韻各賦八句

嘉遊偕勝友春靄望矇矓山色流雲上花光欲雨中烏閒驕倦客泉細解懸風信步歸來晚村燈幾點紅

二

峯嵐互出沒曳杖入高烟窈窕雲無定黃昏花

青箱堂詩集

卷二十七

壬子

五

迤邐春泉漱白石佛火映青蓮憶昔偕遊日于今二十年

三

玉泉山下水蕩漾自清冷新柳依空隴危岩出小亭臨流尋裂帛回首指來青何以江南好移舟可停

四

亂林遶剎幽尋興未休繞籬開曲徑汲水引清流幽僻春陰靜衣香花氣浮芳華堪茂對欲

去復淹留

上洪光寺憶筠侶弟昔日偕遊

杏林高下恰翺翔偶爾攜筇到上方舊日入來

山徑熟渡門僧去薜蘿長流雲籠岫春光麗嫩

草穿堦雨氣香無語汕然悲弟逝前年曾共步

空廊

郁東堂讀書香山留贈

巉岩樓閣挂峻嶒有客培風最上層細雨瀟瀟

春夜寂隔林窺見讀書燈

青箱堂詩集

卷二十七

壬子

六

宋荔裳小像

憶昔初相識今餘四十年鬚眉雖異舊肝膽一如前爲念風波險方知福澤全美君風度好逸興倍悠然

二

不語還丹術陶然能駐顏高懷凌海嶽雅度絕

塵寰望古情偏遠籌時道逾明詩文滿天下

正如山

忘機

掩扉最喜可忘機三徑猶然較是非待月却嫌

石叢偏留花不顧刺鈞衣幽堂燕子窺簾下野

繭林稍化蝶飛惟幸老年多習懶故人知我亦

來稀

送張廣平應試浙闈

暫駕征輶繫遠心由來聲價重南金迂疎愧我

合宜少雅尚逢君投契渡秋翻搏風橫皎月春

鱗鼓浪映華林相期歲暮重攜手佇俟賢書寄

好音

青箱堂詩集

卷二十七

壬子

七

送沈仲連南遊兼寄戴岩壑

去任心無著高年復遠遊挂帆秋日霽把卷夜燈幽但解杯中趣偏忘身外憂扣絃經渤海爲問戴滄州

二

憶昔聯鑣日今餘四十年老來何又別欲去說

從前酒散燕山月鴻迷江渚煙惟期歸棹早笑

黃遠遊篇

秋夜聽歌

纏綿盈耳意悲涼珠轉花飛幻抑揚一曲未終  
人語靜淡堂四座盡扶光

摩訶庵感舊

七十年來如等閒幾回攜笈掩禪關論文擊節  
樽前月望遠登樓山後山半榻燈青宵寂寔五  
更春曉鳥緝蠻也曾獵罷經過晚百尺高松雪  
裏攀

二

秋光澹漠淨塵埃樸遯淡門晝不開却憶亂離

青箱堂詩集

卷二十七 壬子 八

從此去何期衰老更頻來幽花灼灼使閒徑疎  
竹蕭蕭覆宿苔忽聽鐘聲如昔日空林入靜夢  
初回

中秋家譙喜四弟初歸

當前秋月好有弟適初歸九載關山夢今宵骨  
肉依開簾庭露湛把酒塞鴻飛莫憶從前事當  
年人漸稀

送黃移我下第歸

移我高祖葵陽先生先大夫座師也

瑟瑟西風雁影遲送君失意倍妻其相逢幾度

懷先世惜別非徒念舊知家學自存千古業奚  
囊應有百篇詩慚予迂拙周旋畧秋水蒹葭擊  
遠思

暮秋過摩訶菴園林

幽尋最好是僧廬却喜偷閒半日餘喬木疎籬  
皆舊識滿園烟雨冷秋蔬

冬夜閱周次修詩文有贈

霜靜參橫月掛林炙燈展卷小窓深今人如與  
古人語落葉時兼紙葉音擊節低回遲永漏燕

青箱堂詩集

卷二十七 壬子 九

舌起舞擁寒衾多君貽我清宵福夢裏悠然長  
短吟

初冬園夜夢中作

疎林殘葉怯寒風僻院迴廊曲徑通入靜閒階  
鶴夢穩小窓淡處一燈紅

夜飲憶五弟

酌酒依然歡笑多篆烟霜月奈情何爭人不解  
傷懷處猶唱去年變調歌

送陳雲銘

交因世好倍情慙  
帶方新袂又分冰  
雪載逾千里夢  
風塵匹馬一囊文  
少年尚志多違俗  
佳句驚人盡讓君  
相對更懷懷古意  
歌驪不獨念離羣

喜錢飲光至

栖栖寒鳥下庭枝  
老境偏多良友思  
常憶兵戈驚散去  
每逢故舊問歸期  
一朝來我荒齋坐  
爲檢懷君昔日詩  
濁酒淹留聊盡醉  
陶然且莫說當時

青箱堂詩集

卷二十七 壬子

十

二

莫嫌猶傍市廛居  
庭戶蕭閒剝啄疎  
掃徑恰逢嘉客至  
夕陽剛上小窓初  
世無知己休彈鋏  
俗有多虞是著書  
知子高懷難落莫  
雄談痛飲不須除

燈下讀周伯衡詩鈔却寄

攤書忘老笑何癡  
剪燭沉沉宵漏遲  
勿我却嫌存我相  
懷人多是讀人詩  
松濤入夢香消後  
凍鳥棲檐月上時  
料得此中閒澹意  
與君佳句適

偏宜

二

四海如君幾故人  
南州詩草迴新清  
當官經濟隨緣福  
滿腹風騷豈是貧  
格老不因時俗變  
調高留得性情真  
閒吟或肯頻相過  
酌酒梅邊藉錦茵

喜雪

年華冉冉暗相催  
何復懷多掃不開  
已是冬深初見雪  
却因喜極欲啣杯  
當窓箋注讀過史  
倚榻低回半放梅  
投老漫言多逸興  
平生着想幾心灰

青箱堂詩集

卷二十七 壬子

十一

歲暮雜興

兒童歡笑裏  
節序逼青陽  
但得存吾僕  
何妨隨俗忙  
留錢贖物命  
減糲餉孤孀  
偶聽傷人說  
家僮闕月糧

二

不寐緣何事  
無端愧悔生  
驟曉嫌鼠躍  
輾轉數鐘聲  
殘月虛窓白  
空林宿鳥驚  
思眠終未得  
翻

喜聽鷄鳴

三

老來迂闊甚燕翼倍關情背誦憐孫女抄書勸  
後生但能真孝友何必盡科名年少難常恃行  
看歲又更

四

莫憚流光速人情競向新月名猶是臘斗柄已  
回春不訝時趨異惟憐我認真千秋架上業歲  
歲喜相親

青箱堂詩集

卷二十七

王子

主

立春朱眉山俞彙嘉夕飲聯句有贈

月望猶殘臘星回已建春奇懷天下士濁酒異  
鄉人出處相憐切壘篴並奏新爲慚難屬和高  
調遠風塵

爲計甫草作書題贈

石徑閒閒雲上山草亭縹緲綰烟鬟伊人游息  
看無厭多在溪光林霽間

青箱堂詩集卷二十八

宛平王崇簡著

受業弟子

錢塘俞

森

校

癸丑

春正六日家讌

萬萬年華忽半旬合歡乘興莫嫌頻纏綿古調  
宮音舊錯落燈光春影新家饌偏宜隨意飲  
聖朝久喜得閒身酒闌更進江南枝火樹叢中  
花轉輪

青箱堂詩集

卷二十八

癸丑

一

小飲

守齋叅空笑未能坦懷隨遇却堪憑喜看盈抱  
雙孫子恰值開樽連夕燈適意何嘗覺興減逢  
歡惟幸是年增逢逢遠近天街鼓也欲閒遊待  
月升

錢飲光陸翼王朱眉山陳胤倩陳康侯周  
次修陳緯雲俞彙嘉青箱堂讌集

莫笑年衰逸興稀嘉賓折柬集荆扉艸堂談讌  
無拘忌麟閣勳名有是非把酒幾回懷往事剪

燈相與坐春輝  
杏花時節西山好  
應爲諸公掃石磯

題畫送周次修

新柳依依古岸邊  
片帆波影挂春烟  
送君幾度歧予望  
數點雲山出暮天

送沙定峰時聞弟逝

忽別惜攜手爲君勸  
一觴老來憐故舊  
去矣慎行藏  
陌柳回殘照  
春雲背雁行  
鵲鵲懷正切  
勿遽最心傷

青箱堂詩集

卷二十八

癸丑

二

之子自超詣  
矯然不可群  
逢時偏若拙  
失意却能支  
策馬長途晚  
開門滿徑雲  
千秋吾道在  
莫憚謝紛紜

兒熙置酒同簪山  
藁嘉淑汲四弟毅  
庵及諸子孫馮園  
看海棠

芳園幾樹海棠花  
聞到春深燦若霞  
偕友偶來如覓夢  
昔年原自近吾家  
一枝穿石迎人艷  
萬點凌雲逐日斜  
把酒莫憐開未半  
却愁風雨老

韶華

偕朱眉山毅庵  
茅山遊值顧秀升  
俞彙嘉導登洪光  
寺宿來青軒

不減凌風興  
山高白絕塵  
纔過巖下寺  
復遇意中人  
藉草聊相酌  
尋花倍惜春  
聞君未到處  
偕去上嶙峋

西山卽事

忽地風吹亂  
堅雲杏花望  
裏倚斜曛  
坵垣敗瓦山邊  
殿盡是前朝  
王子墳

青箱堂詩集

卷二十八

癸丑

三

二

無復探奇水盡頭  
却因退谷擅清幽  
主人何事登臨少  
一任亭前溪自流

三

石垣突兀出豐碑  
老柏高楊相競姿  
說是內官埋骨地  
遺奄今尚侍彤墀

四

石磴盤旋十八層  
層層亂柏曲榰承  
洪光門閉高峰下  
雲破時窺佛面燈



五

老來常喜得閒身  
招友看花歲歲春  
向夜來青軒上坐  
幾回默數昔遊人

六

玉泉山下徑模糊  
彷彿猶存裂帛湖  
過去溪橋泉尚冽  
觀音寺上小亭孤

七

功德寺前蠻子營  
稻畦麥壟遞縱橫  
綠楊籬落多茅屋  
若在江南岸上行

青箱堂詩集

卷二十八

癸丑

四

八

遠望湖光十里明  
青龍橋去倍澄清  
青鳬白鶴飛無數  
却少扁舟漁唱聲

癸丑四月六日錢飲光  
毛子霞陸翼王陳胤倩  
馬又輝計甫草巖蓀  
友朱錫鬯小飲豐臺  
芍藥園是日顧寧人有  
山東之役未及約

樂郊芳草徑回互  
西南去足豐臺路  
綠柳依依隨陀溪田  
遠近立白鷺瞥地驚  
若到江南艸

橋茅屋隔溪樹四月芍藥花正繁  
我有十畝怡盈圃招招我友坐空  
亭韶華過眼愁難住飛觴倒疊勸  
君飲可惜眼前花似錦嫣然縞白  
解向人婀娜却能各爲品珍重花  
光奈若何何妨醉向花前桃萬柳  
園會說昔人烟飛雲散如轉瞬古  
人不往今何來古今常態何足懷  
翩翩意氣發當筵雄談雅論仰高  
天白首朱顏莫相笑誰是老人誰  
少年倚徙香風襲襟袖沉酣萬片  
落霞邊逸韻高調競寡和目斜猶  
自爲留連吁嗟

青箱堂詩集

卷二十八

癸丑

五

莫訝口斜猶自爲留連有客適向  
山東去羣彥合坐豈偶然

後二口兒熙治具約朱眉山俞彙  
嘉許元方周光福趙清周表弟張  
涌初壻張左人孫喬瞻孫壻章元  
伯四弟毅菴兒標然照燕默姪燾  
孫克善姪孫克忠飲芍藥園放

歌

豐臺芍藥競芳晨一雨鎮日愁殺人  
朝來恰喜當初霽妍光艷影別樣  
新移樽隔夜相招呼弟

見子孫偕至親更有勿輩多逸興揚鞭倘不顧  
泥濘荆山老人坦懷多彙嘉命子復超勝樸檄  
真率周與許游園公子何疑定好花有酒值良  
友左勸右酬杯在手試看前日圃開花今日好  
是前番眼中百事率如此誰是千秋真不朽遂  
初堂觀步亭廉公萬柳青青數百年來跡湮  
滅空餘白日照州汀獨有黃鸝聲似舊共君好  
向醉中聽

開齋初夏

青箱堂詩集

卷二十八

癸丑

六

曲屋延幽意欄回徑欲迷林枝紅漸減庭艸綠  
初齊鳥語喧人靜簾光怯日西好懷自浩落偕  
鶴步高低

哭蔣虎臣太史用其遺詩韻

素交久矣淡相親三十年間弱草塵多病已拋  
名利事無生何問去來身君隨雲水空際我  
向巖嶂哭故人非是臨崖難撒手可知吾道重  
依仁

許竹隱太守小飲

萬萬風塵化鬢絲重違不是少年時多君濟世  
能敦古笑我逃名復著詩今日琴書堂上客幾  
經蕉鹿夢中思扳留且酌樽前酒況有花開倚  
檻枝

看山

何必詩文擅勝場任他兩漢與三唐新荷滴雨  
鳴幽沼舊燕穿簾瓦畫樑可笑可嚶皆我相爲  
寒爲煖盡人忙登臺且去看山色不斷青巒帶  
夕陽

青箱堂詩集

卷二十八

癸丑

七

哭王濯亭編修

佇望庭間淚滿巾蕭然几榻倍愴神雖云夢境  
重重幻却是平生歷歷真白首一官惟任命青  
煙千卷未爲貧傷心五十年前友君歿于今尙  
幾人

二

五子論交憶昔時升沉生死不堪思少年獨步  
京華彥垂老名成聖主知把酒每懷當日事  
久要不負歲寒期高齋晤語春方暮何意今爲

永訣悲

送王金章宮允監司江西

旌旄朝出鳳皇城才借監司太史行握手那堪  
懷往事分攜無奈復含情月明古驛雲峰遠柳  
暗江州畫舫輕白是千秋吾道在好將詞賦慰  
平生

二

征輅六月雨霏霏把酒旗亭淚欲揮千里每懷  
知已久暮年頻念故人稀江山應助枯詩好政

青箱堂詩集

卷二十八

癸丑

八

教何嫌與俗違著作 聖朝勤訪舊花磚應步

昔時暉

送俞彙嘉揚州別駕

之子金閨彥翔翰墨林揮毫酬 主遇捧檄  
慰親心交以學偏篤情因別更深况當烟水闊  
淼淼悵鴻音

二

無勞多內熱吾道自崔巍利器人皆美家修已  
莫違功名看特達衰老藉光輝十二橋邊月時

時照綠衣

三

多君能尚志卓犖負英姿老友期同學愚兒解  
說詩晴窓花影下雪夜漏聲遲分袂難堪處相  
看淚各垂

四

壯志凌千古栖遲逾四秋青燈夜半白露墮  
枝頭夢繞江楓遠情澹徑艸幽應知別子後幾  
欲上南樓

青箱堂詩集

卷二十八

癸丑

九

送顧秀升

國士知名久奇文恨見遲來青把酒夜退谷聽  
泉時六月邗江去三年燕樹思知君敦古處千  
里賦偏其

聞齋喜雨用愚兒韻

揮毫清夏學張顛霖雨簾垂亂竹前爽氣襲人  
移榻坐涼聲到枕撥書眠徑迂鶴步苔紋靜窓  
啓風同荷蕊圓幾欲披蓑騎犢去臨流閒咏白  
雲篇

諸兒爲其季父毅菴翁七十稱觴卽席用  
熙兒喜而韻

髯翁七十未華顛而後稱觴夕照前恰喜微風  
偏入座何妨竟夜不成眠筵偕三世人難老雲  
淨長空月正圓合樂稱觴簫鼓裏翩翩競頌九  
如篇

贈陸翰隱翼王

陸子端雅人妙心何靜朗邁跡凌風塵托物寄  
幽賞吳嘯初識面萍水慰欽仰艱難一別後此

青箱堂詩集

卷二十八

癸丑

十

事已成往歲月方悠悠出處各沈茫

二

在昔嘯上遊飄泊若浮梗錢黃與王子顧我心  
耿耿黃曰攜家來相與息形影非徒喜避地得  
友可警省君曰此吾師意氣如日炳旣聞黃陶  
菴千古在俄頃與君話疇昔淝灑西風冷

三

吾旣慚用拙多君素嶙峋倏然來京華寥落向  
時人相逢如夢寐酌酒相苦辛爛漫經術業沉

靜語默真獨歌繼騷雅無累清心神時抱籬下  
興惟菊爲相親

四

山樓與水隱怡情何獨菊君子物外心隨境存  
淡樸誰云泛五湖誰云藏溪谷月冷耿疎影露  
白孤芳肅下上意念閒聊以慰幽獨悠然靖節  
風千秋可私淑

送趙山子孝廉還吳江

送君莫訝易生愁奕世嬰鳴情倍投客子驚秋

青箱堂詩集

卷二十八

癸丑

十一

回旅夢行踪攬勝出中州荒江汲古頻移舫暮  
靄懷人幾上樓待得東風春浪暖長安花下聽  
鶯游

秋夜偕朱眉山歸孝儀王淑汲四弟毅菴  
陳曙皆吉暨兒熙標然燕默孫克善小飲  
得句漫唱伊涼調卽席各賦一律

漫唱伊涼調奇懷何不平盈虛千古盡山處一  
身輕酌酒酬時序拈詩驗性情莫辭今夕醉清  
漏未三更

望衍法寺千佛閣有感

巍巍傑閣插秋空峭壁依然映日紅僧舍今逃

籬徑北吾家舊在寺橋東宮碑尚喜留先蹟勒碑

先大夫記幽夢難忘繞佛宮兩世因緣遊息地書聲

寂寞冷松風先大夫暨子皆讀書僧舍

東園七十

大業期千古高風甘息機持身遵古處閑世闕

雙扉居就江山勝情依鸞鶴飛慚予亦七十徒

爾仰清暉

青箱堂詩集

卷二十八

癸丑

主

偶過客園

疎籬石徑野花幽古木擎空舞怒蚪山色邀人

樓上去滿城烟雨萬家秋

秋夕

疎荷香遠綠窗低簾捲秋光日又西向晚幽林

微雨歇亂蛩四壁盡情啼

客園月飲卽席

雨霽新秋向晚情登臺坐待月華生寒暉照席

遙山黑斜影穿林宿鳥驚把酒不辭當夕醉拈

詩莫笑讓人成言歸好自留餘興更有清光夜  
夜明

聽歌

濁酒繁絃月正明當年曾聽夢中身古今多少

英雄氣盡是淒涼宛轉情

二

歌罷偏多感慨生纏綿未斷耳邊聲何勞更作

當年想抱却從前更有情

對月

青箱堂詩集

卷二十八

癸丑

主

清宵坐對月華明河漢初斜斗欲橫半掩畫屏

銀燭冷疎林葉葉起秋聲

不寐

月上湘簾秋影過蕭蕭孤鶩渡銀河無眠偏得

清宵福梧葉庭前五露多

贈胡國堂

君才何測雅爛熳饒經術蒼茫風塵間卓犖寡

儔匹積學與古合蕭然存樸質揮毫臨鍾王數

藻振健筆歌咏志崢嶸沈湛樂衡泌聲聞爲相

思頃蓋卽促膝人生意氣豁一秋如一日四海  
遨遊懷空囊不自恤浪跡酒杯中往往多逢吉  
抱膝觀高天鴻影秋空逸

送李鄴園總督兩浙

高名奕奕著 朝端 簡命殊恩倍改觀節鉞  
霜飛天目靜樓船風擁海門寒世緣重地需才  
切不憚宣猷借箸難還來威儀制勝朱旂閒  
閃大江干

二

青箱堂詩集

卷二十八

癸丑

古

旗旄翩翩出鳳城雲霄極望送君行持衡銓宰  
無私謁直諫烏臺有令名此日湖山多氣象昔  
時歌舞復逢迎金蘭舊契猶如昨佇望宣麻下  
玉京

徐方虎庶常母夫人七十

燕喜筵開太史家玉堂壽母進流霞光雨鼎鼐  
羹調露香溢簾櫳酒釀花寶婺高懸蔡閣蛇蟠  
坡遙映絳幃紗仙郎侍從承恩渥象服行看拜  
六珈

通李箕山詩冊

李子多逸致揮毫縱畫仙朝嵐晴若蔚秋水淡  
于天幽谷鳴泉細空山白日妍恍如身到處倚  
杖入高烟

送胡國堂

歌驪不盡意徘徊離思慙慙未易裁白首何堪  
人欲別秋風况是雁初回樽前冷煖多難問夢  
裏行藏莫浪猜歸去五車足寄傲東籬應有菊  
花開

青箱堂詩集

卷二十八

癸丑

古

中秋家宴待月

蟾魄模糊望欲冥倚欄叢桂暗傳聲參差林影  
搖虛壁蒼蒼蕩雲光映畫屏銀燭恰宜歌子夜霓  
裳好白舞中庭追歡且盡樽前興待月何妨醉  
復醒

不寐

靜夜初聞落葉聲幽懷渺渺夢難成嘶呼少婢  
勤搔背恨煞街夫亂打更往事糾紛渾似昨寒  
蛩階續不勝情曹騰復遇微風過送得鐘聲出

鳳城

聞雁

縹緲風吹夢裏驚  
况兼疎雨滴殘更  
那堪燈灺青宵永  
嚙嚙初來枕上聲

送張素存太史歸省並寄尊人公選銓部  
旅雁聲中黃葉飛  
鑾坡暫去省親闈  
十年遊子思鄉夢  
千里華堂振綵衣  
藜閣燃燈邀翰墨  
江天把酒對芳菲  
過庭爲道頻相念  
佇望追歡晤帝畿

青箱堂詩集

卷二十八

癸丑

去

九日朱眉山歸孝儀容園登高步孝儀韻  
桐老荷凋境又殊  
層臺景物却蕭疎  
忘形良友能高眺  
極目閒雲自卷舒  
勸酌黃花籬畔酒  
思停霜葉岫邊車  
中秋偶和已陳跡  
何事癡懷多未除

送大司農梁蒼巖迎平南王于廣東  
司徒特命出三台  
嘉俞勲藩引請回  
密勿親承天語切  
青陽佇望錦帆來  
山川迢遞供佳句  
海嶠清寧藉上才  
斗酒遲君花下醉  
漫勞分袂重

徘徊

山遊道經灰臘甲申初夏避寇過此

蘆溝西去漸無塵  
曲折坡陀下上頻  
古岫尚然懸碧落  
荒村依舊倚嶙峋  
難言今日重經路  
不  
是當年痛哭人  
垂老不衰登眺興  
此身合與白雲親

戒壇憶天啟乙丑秋金卿非于司直偕遊  
昔曾偕友到禪關  
五十年來彈指間  
却幸重逢存白髮  
相看不是青山巖  
松未改虬螭舞  
秋

青箱堂詩集

卷二十八

癸丑

去

葉仍如錦繡斑  
誰葺荒壇增氣象  
朝霞夕月倍幽閒

暮秋偕朱眉山歸孝儀張豫章弟毅菴兒  
然照燕然孫克善戒壇夕坐

巉巖霜葉燦昭回  
與客幽尋踏石苔  
乘興并忘年已暮  
探奇不憚日將曛  
野狐恍惚憑樓窺  
山鬼依稀騎豹來  
散步壇前堦上好  
清樽對月爲君開

重遊渾石寺

巖角吻獸最奇有言蛇虎時見也

煙冷雲荒野徑迷遊踪又到碧峰西蛇蟠虎伏  
憑人說石苔潭迷聽鳥啼雙吻勢危殿盡千  
山影壓僻門低攀躋爲憶當年侶惆悵空山落  
葉淒

二 寺有唐碑元妙巖公主拜碑

邁嶺盤谿尚未艱峰巒回互綴烟鬟石根泉落  
猶穿石山外雲生別起山殘碣模糊蒼蘚上遺  
碑寂寞亂紅間催人暮雨遲遲去欲喚龍攜潭  
水還

青箱堂詩集

卷二十八

癸丑

六

出山渡渾河板橋歸

欲去還停情自奢山山秋影逐人斜烟銷平野  
雲歸壑木駕危橋浪滾沙回指青峰凝宿靄遙  
看紅樹變晴霞無端又上石經寺但覺難堪久  
駐車

贈沈繹堂侍讀

聖世崇文拔俊尤科名自昔重天球朝趨鳳闕  
花磚迴暮下鑾坡紫火浮寵命召還金馬署上  
方特賜紫貂裘知君霖雨蒼生意應有嘉謨效

九疇

送毛子霞

河橋衰柳爲君攀瑟瑟霜飛木葉斑千古調高  
傳白雪一帆秋影逐青山好憑健筆爲乘興不  
用還丹能駐顏自有江湖恣汗漫何須歸老閉  
重關

贈別徐健菴太史

與君兄弟好交道藉文章花萼輝金榜壘笏和  
玉堂詞傳黃絹嫩人頌白眉良鄙慙遲暮青  
青箱堂詩集

卷二十八

癸丑

七

雲跋未光

二

何事金閨彥翻然憶舊棲忘機心自遠隨遇事  
難齊秋老荒村僻天寒落日低知君懷定省夢  
裏聽鳴鷄

三

日歸秋已晚攬轡不能留到日梅花發開門竹  
徑幽懷人或挂笏感物罷登樓別後相思夢江  
烟千里浮



四

相送不難別君難久不來豈爲肥遯客况有濟  
川才佳句無煩寄清樽待月閒佇看前席召旦  
暮下三台

繹堂侍讀五十

菊花璀璨錦屏開揆擢高秋紫氣來閭苑聲聞  
高海岱仙班侍從近蓬萊千秋事業瑚璉器一  
代風流班馬才黑髮宣麻朝野慶爲君特進百  
年杯

青箱堂詩集

卷二十八

癸丑

三

清夜聞霜鐘

良宵忽已永閉戶足夷猶虛牖寒燈淡疎林落  
葉幽鐘聲來碧落霜氣冷高樓寂寞何爲者陶  
然擁敝裘

聞雁

沈寥天氣最愁人往事纏綿夢未真正是倚樓  
紅樹晚何堪嘹唳雁來頻

小春新月

呖呖棲檐暮鵲雙閉齋抱膝卻銀缸小春最是

黃昏好新月守休又半牕

燕兒生日

汝今二十二砥礪可勝前守身慾宜室方學志  
尚堅事親從兄際情禮有固然得師與取友強  
恕盡勉旃知過莫吝改見善貴卽遷古人之辭  
寡君子之行先讀書變氣質存心希聖賢跬步  
莫非理舉目皆是天生而爲男子莫令人笑憐  
仁者自能壽德豈易爲全禮儀與威儀三百而  
三千得一亦是仁足以令年延自行其可久朝

青箱堂詩集

卷二十八

癸丑

三

夕爲乾乾

酌酒與陳婿皆吉言別卽席四首之一

酒闌氣熱按吳鈞刻燭爲君相唱酬別後倘逢  
把酒夜何堪燈下聽篴篴

送顧見山水部分巡洮岷

雨雪霏霏道路長建旄生鎮古西羌含香廿載  
司空署攬轡千山吐谷疆沙磧風高朔艸木邊  
城日落牛羊徘徊松嶺關頭月醺酒長歌望  
帝鄉

二

峴山西望莽蒼蒼  
持節仙郎意氣揚  
獵鼓風前馳白羽  
羌歌燈下出紅粧  
龍龍月冷啼烏曉  
刁斗霜寒斷雁行  
壯志自凌荒服外  
摩空嶺上勒新章

三 余幼時隨先大夫任塞上

歌驪欲罷復徬徨  
淅淅寒雲下夕陽  
早歲知名推國士  
暮年言別易神傷  
壯遊莫憚河山迴  
大業還期竹帛光  
憶昔童年來塞上  
送君幾度意

青箱堂詩集

卷二十八

癸丑

三

洞翔

四

伏節宣猷志四方  
漫嗟岐路欲沾裳  
擁麾制勝連青海  
列障消萌及白狼  
風靜綠毫懷古切  
月明雄劍倚天長  
佇看威惠綏羌漢  
赫奕徵書出建章

孫嘉客六十

迢遞河山歲月浚  
知君肥遁戀青岑  
滄桑昔日依良友  
風雨何年話素心  
難老漫勞黃白術  
高

懷時寄短吟  
湖光烟渚漁竿穩  
杖筇還期共入林

冬至夜四

隨時寒爰送居諸  
白日青燈興有餘  
能徂葉乾聞鶴過  
閒窓梅冷着花疎  
樽前美有能詩客  
架上慚多未較書  
可喜一陽今又復  
高齋把酒月來初

臘八偕朱眉山袁介人夜飲

栗冽寒威送晚殘  
剪蔬醺酒坐清宵  
鐘來碧落

青箱堂詩集

卷二十八

癸丑

三

音縹緲月下疎林影  
寂寥詞賦驚人推二妙  
巖前閱世著孤標  
相攜薄醉空階上  
斗轉參橫望九霄

歲暮紀伯紫餞飲光陸翼王計甫艸小集

疎畧忘形友相於迥絕塵  
十年常作客一語必驚人  
老覺情偏切交因淡益真  
歲寒吾輩在把酒莫辭頻

二

乾坤有遺老寤寐每相憐  
好盡尊前興何論身

外綠燈光疑夕霽雪影聚寒烟粗糲淹留久宵  
鐘落九天

雪過客園

雪徑通幽處輕盈下上飛空階人跡破寒木鵲  
聲稀影亂偏迷岫光瀲各掩扉迴懷方未已傷  
晚更霏霏

立春偕朱眉山袁介人張豫章夜飲

迢迢歲月又逢春華燭半盤意氣蕭然風塵  
縈遠處且憑詩酒樂嘉賓放言何處尋巢燧俯

青箱堂詩集

卷二十八

癸丑

十四

影多應媿笑頓迂闊每突懷古歎夔龍當日不  
垂綸

青箱堂詩集卷二十九

宛平王崇簡著 受業弟子錢唐俞森校

甲寅

正月二日朱眉山袁介人暨諸兒雪集客

園卽席分韻

亭榭委蛇春雪中嘉賓逸興喜多同最憐皎潔

林蕞玉漫說悠揚絮舞風寒霽遙瞻雙闕迴鄰

鐘忽報小樓東與君且向樽前醉燈月鶯花正

青箱堂詩集

卷二十九

甲寅

一

未窮

紀伯紫錢飲光陸翼王朱眉山袁介人嚴

蓀友計甫草陳緯雲張豫章上元前三日

青箱堂小飲

老逢令節豈宜輕酌酒追歡賴友生徑有高低  
燈錯落坐忘拘忌語縱橫樽前半屬思歸客交  
久偏多懷舊情元夕預期攜手處天街閒步月  
華明

送施匪莪歸里

歸歟瀟灑一身輕冉冉春光壯客程數載令聞傳  
帝里千秋大雅動公卿行吟永日看雲起  
把卷清宵聽鶴鳴非獨坦懷能遼老行藏原不  
媿平生

輓陳胤清

哭君莫恠屢聲吞四十年來老弟第怡展書函  
新札在偶過隣巷寓門存半生幾灑思鄉淚晤  
語旋成隔世言腸斷不堪惆悵處春風習習月  
黃昏

青箱堂詩集

卷二十九

甲寅

二

一  
隕涕非惟念夙盟文章行義重平生人倫師表  
推陳實詞賦宗工屬長卿高蹈何妨諧世法素  
心自不羨時名最憐易竭憑棺淚昔哭難兄已  
盡傾

施匪我歸來閣

鶴鳴高柳外泉石喜君歸倚檻烟霞變垂簾砌  
蝶飛鳥來歡獨坐人去闔雙扉靜對書連屋無  
勞更息機

送袁介人

送君無邪遶春分習習東風淅淅雲詩酒晤言  
八十日燈宵應憶雪紛紛

一

快讀超羣絕世文况兼詩句最清芬何期分袂  
匆匆去展卷開齋倍憶君

三

無端握手忽離群酌酒歌驪對夕曛况是老年  
多事日含情何以致慇懃

青箱堂詩集

卷二十九

甲寅

三

四

高懷絕俗卻聲聞今古縱橫言下分相見幾時  
還又別他年何處更逢君

爲張帶三介觴

樂爛江天南極明欣聞有道學長生每因夢寐  
通魚雁共閱滄桑老弟兄千古風期書萬卷百  
年踪跡酒盈觥翩翩膝下芝蘭秀玉樹金閨檀  
令名

送錢飲光

飄然隨興往詩酒寄生涯偶遇同心侶又看何處花高懷曾未減餘勇尚堪嗟芳草萋萋路春雲雁影斜

二

憶昔汾湖別重逢是偶非博前歡屢合花下句同聯何事催歸棹相看各老年河橋新柳色那得不遷延

寄懷鄧孝威

京國相逢憶昔年何時歸老卧江烟惟因風雅

青箱堂詩集

卷二十九 甲寅 四

情偏切却慮驚人句不傳歌哭亦銷今古恨行藏却斷死生緣每思跨鶴尋君去釀酒崑崙月正圓

宋大塗來都門旋別因憶華之宗玉大令

文玉司空

靚貌驚初識聞聲興舊思相逢又復別再見是何時雁去迷新浦花飛繞故枝論文三世久難搢淚雙垂

嚴子問七十

斗南瑞霽燦朝暉柳徑鶯啼花滿蹊曉光搖浮沈澄壚繞聲合隱芳菲常因月檻投賓轄閒向晴巖放鶴飛三十年來如旦暮和村十里夢依依

送秦以御武舉

交我林居日含情送子歸流鶯驚旅夢新柳拂征衣秘略藏黃石高吟倚翠微培風六月息佇望九霄飛

哭湯商賢

商賢歿於去年臘月至今年四月始得其遺札乃病中口授女

青箱堂詩集

卷二十九 甲寅 五

書為承訣者覽之未終不禁泣然聊以志詞哽咽不能成音  
數行留永訣呼女前書囑筆聲頻斷開襟淚有餘千秋常自命一旦盡成虛哽咽悲涼語花飛月影疎

二

却想平生日吞聲幾斷腸因能存節概誓不累文章嘉客來蓬徑清譚送夕陽幽魂何處去曾否一還鄉

三

存亡不再見千里夢難追旅櫬何人厝遺文弱  
女收落花愁日暮逝水歎東流故友今誰在  
涼空白頭

四

良友傷凋謝含情倍惘然方春悲胤倩入夏哭  
商賢久別生前夢新書死後傳何堪几榻上時  
復見遺箋

送張豫章並寄尊公帶三同年

雲間名士說三張卓犖風流君最良雅度偏能

青箱堂詩集

卷二十九

甲寅

六

奮語默高才不獨擅文章采花頻繫思親夢深  
柳堂期醉菊觴若去過庭爲問訊延齡好寄枕  
中方

午月朔日朱眉山計子山張飛九四弟暨

諸兒輩豐臺芍藥圃小飲

黃鳥聲中烟柳遮嬌紅妙白影交加最憐繡陌  
連枝錦復喜冰綃並蒂花雙座芬芳人欲醉臨  
風窮窈日將斜也知難斷牽情夢十畝香雲擁  
絳霞

仲夏偶拈

半夏清陰幽徑斜鳥聲林裏即山家戶庭寂歷  
食懷古朝夕殷勤爲澆花小几厭看開過卷遙  
面喜得寄來茶昨宵薄醉牽情夢更掃開階待  
月華

夢行廣野叢林茂秀望之而往恍若曾經  
得句云望屋懷良士開門是故人覺而成  
詩

去去去無際飄蕭徑絕塵林窺雲上石鳥語潤

青箱堂詩集

卷二十九

甲寅

七

之濱望屋懷良士開門是故人烟飛天浩浩何  
處覓前身

林居偶興

棲遲忽忽送岩諸帝里懸車十載餘畏熱多山  
平昔懶貪眠卻喜故交疎忘機魚鳥偕清晝適  
意琴書滿敞廬又是夕陽新雨後綠苔簇簇上  
庭除

流螢限情字

洒落林亭晚露清流螢飄忽下檐櫺莫將絳扇

輕相撲點綴紗窓永夜情

夏夕兒熙移酌偕眉山飛九光福小飲間

月臺

把酒高臺上相攜趁晚風遙峯烟外翠夕景日  
邊紅有興憐同調無稽談盤空醉眠無不可好  
月正天中

雨中觀出師限韻

戎車六月向炎天爲慘蒼生日抵年卜吉喜逢  
霖雨出廟謨親授聖人傳彤戈殺氣軍容盛

青箱堂詩集

卷二十九

甲寅

八

鐵騎先聲勝算全白是摧鋒舊無敵佇看歌舞  
洗兵旋

堪笑

豈必烟波習釣魚淡然何適不遽遽世情漫侮  
千人妄學力多慚問字疎鵲噪曲籬清夢覺  
窺空牖草堂虛白頭自顧殊堪笑日夕猶耽數  
卷書

夏夕

林外殘霞落披襟夕景前老年偏好友拙性不

逃禪雨歇疎簾秀烟飛晚岫妍開樽聊薄醉  
首次寥天

賦得丹鳳城南秋夜長

丹鳳城南秋夜長雲屏燭影耿青光魂銷砧杵  
風穿牖夢繞關山月下廊琥珀釧寒憐翠袖芙  
蓉帳怯怯銀床迢迢宮漏偏無賴如殺愁人未  
斷腸

烏散餘花落限韻

烏飛烟景清花落綺窓明曲徑當春晚閒窓又

青箱堂詩集

卷二十九

甲寅

九

夕晴香露蝶翅過嬌趁錦茵生酌酒酬新綠飄  
飄最有情

七月二日荷亭雅集分齊陽二韻

柳陌陰陰徑綠齊小橋雙石駕清天弄姿巒岫  
雲中山倒影芙蓉水面低老屋蕭森喬木下曲  
籬窈窕碧窓西揮杯何事偏多興烟浦蒹葭好  
鳥啼

二

祖家亭子水中央蒹葭花開而面光雨映湖簾

青簾颺風四綺席酒厄涼綠漪錯落迷芳渚紅  
蓼參差媚夕陽左勸右酬人欲醉傾樽更摘葉  
爲觴

中元偕朱眉山張飛九問月臺小飲

登臺酬令節快與故人同樹斷涼烟白山涵落  
照紅燃燈荷葉上把酒月明中爲惜芳華晚清  
鐘來梵宮

送朱眉山題松

瑟瑟西風雁影疎送君偏憶晤君初秋林聯轡

青箱堂詩集

卷二十九

甲寅

十

青山晚雪屋偕吟午夜餘對月且傾今夕酒離  
羣預定明年書三春下榻情千古纔說歌醜淚  
清裾

秋日摩訶菴子孫偕遊

古刹烟林外涼生一聲秋燈懸白日靜門閉鳥  
聲幽少長來初地留連話舊遊寒蟬吟樹杪更  
憶上層樓

九日登高卽以重陽爲韻

年華荏苒又重陽荒阜登臨野景長千嶂淡烟

浮翠閣半林斜日下寒塘玉鉤竹奏宣威績杞  
慮頻停寄興觴迢遞歸鴻天際杳蕭蕭霜影月  
蒼涼

秋上徐子山計子山計甫草張廣平小集

風雨蕭蕭歲序催荆扉寂寞藉君開且拋青史  
興亡恨好把黃花高下裁有酒却宜良友過忘  
機偏喜鳥聲來斜陽不盡扳留意深徑清光遍  
草萊

送計甫草歸省

青箱堂詩集

卷二十九

甲寅

十一

多君將毋意惜別不能留善養慈闈訓藏修良  
友謀風塵無浪跡花月有扁舟春酒遲佳景進  
興上書樓

送張廣平客中州

木落天空雁影疎高秋良友趣征車故人言別  
霜飛後客路興思月上初南北低回千里夢風  
塵慰藉一肩書從來洛下多才子今日爭傳有  
應徐

由卧佛寺登觀音閣



潺湲咽石細泉流池上峻嶒小閣幽去住兩忘  
渾若夢斜陽影裏一林秋

暮上廣泉寺靜室

聞說荒巖寺攀躋鳥路通雲峯涵口紫霜葉映  
我紅絕徑平皆湖高窻遠景空歸來踏危石泉  
响亂溪中

懋玉華寺自和道抵來青軒

幽尋無不可足處盡秋爽偏遠峯邊樹來看山  
外村烟嵐迷僻路蘿薛即深門寂寞西風裏閒  
青箱堂詩集 卷二十九 甲寅 三

雲冷石根

過表忠寺永威巷

俗名龜家寺新寺

鳥語松聲接隴聞蕭蕭閉刹冷秋雲豐碑石馬  
歸然在盡是當年闢寺墳

歸經興勝寺園亭

巖壑遙留信宿回偶經村刹復徘徊白雲蒼岫  
能頻往紅葉黃花間摘來林靜鳥嘶餘果落圓  
閑扉逐野風開秋光不盡登臨興極目晴嶺更  
上臺

上官三立瀕行以詩冊屬題印景相送

白雲紅樹萬山秋深谷溪橋小徑幽千里落霞  
凝望處知君獨倚最高樓

上官三立索題畫竹卷

曾聞昔人言不可居無竹丈夫志四方所至異  
寒煥疎筠與勁節惡得時在日我友具素心託  
繪爲長幅攜之無遠近清芬常滿軸雪窓凝夕  
寒晴簾映朝暈或者當半夜青燈光穆穆始歎  
高人風何處無幽獨豈必三徑間蕭蕭遠庭屋  
青箱堂詩集 卷二十九 甲寅 三

題梁子培得石齋圖

茅茨隱疎林旭景次簾箔境閒耳目靜幽光幾  
魂魄悠然太古雲移情在寂寞出入肅觀瞻惟  
手致嚴恪性情取準繩介懷爲汝託影藉蕉林  
碧風清來鳴鶴明月在高柳揮杯相酬酢呼君  
爲石丈千秋足良約

寒夜有所思

虛牖青燈隱短籬棲移欲定墜風枝酒闌鄰寺  
宵鐘歌月上梅花入夢遲垂老更逢多事日却

憐失學少年時  
當歡無用偏惆悵  
笑煞平生不可思

劉江屏殉節富川步葉初菴太史韻

臣節昭然星日明  
悠悠人盡說虛聲  
臨危自有真男子  
致命從來少上卿  
相彼豈爲能避死  
如君方是不輕生  
一朝浩氣還天地  
何論千秋百世名

至日雪遊萬柳堂歷育嬰諸勝贈柴襄明道人

青箱堂詩集

卷二十九

甲寅

古

數里郊壇路  
冰花逐馬飛  
堂高志遠眺  
野廓擁寒威  
炙酒鄰家火  
停車雪裏扉  
歲華驚又晚  
欲去復依依

二

深徑延幽意  
長生復闢堂  
蕭疎學士舍  
曲折老僧房  
霜靄凝高堞  
佛燈出短牆  
方塘籬落外  
別是一村莊

三

蒼寒夕照寺  
望裏東雲封  
搖落林光淡  
飄飄雪

氣濃欲尋前代碣  
忽聽曉樓鐘  
千丁經行處  
香來別院松

輓顧見山

訃音當夕至  
隔歲憶離羣  
爲念殷勤別  
何期生死分  
名全多難日  
魂逐故鄉雲  
雪曉烏啼咽  
悲涼不可聞

二

交不隨時變  
如君有幾人  
趨炎遠世態  
耐久率吾真  
何意千秋志  
徒傷萬里神  
招魂愁作賦  
慟青箱堂詩集

卷二十九

甲寅

五

哭向西秦

三

逸致多高韻  
人間有令名  
詩才凌鮑謝  
雅志託蒼蘅  
雪夜燈前畫  
僧寮花下觥  
傷心不可再  
俛首憶平生

四

丹旆歸來遠  
迢迢霜雪中  
清風留塞上  
何日到江東  
河嶽依然在  
人琴竟已空  
衰年失故友  
慟淚悵臨風

汪觀湖徵君九十 中翰校門尊人

有道聲名歲月長欣聞九十正康強琅玕頻注  
商山傳鸛鵲常承春酒觴獨行高風凌海嶠二  
難鳴鳳接朝陽知君不藉神仙術自擅乾修後  
老方

送陳緯雲暫歸

淡樸行藏無不立論交七載儼新知春風欲動  
人千里歲暮相看酒一卮久客到家勝畫錦輕  
裝歸去滿囊詩分攜何必重惆悵遲子挽黃桂

青箱堂詩集

卷二十九

甲寅

六

復時

青箱堂詩集卷三十

宛平王崇簡著 受業弟子錢塘俞森校

乙卯

元日夙興

鳳城鐘鼓徹宵聞三朔初興佳景殷玉宇星辰  
光粲爛錦堂香燭氣氤氳仰瞻我卜升恒兆拜  
舞兒趨稷契羣最是合歡嘉慶後九霄瑞靄起  
朝雲

青箱堂詩集

卷三十

乙卯

一

五口計子山陸翼王嚴蓀友宋孝瞻小飲  
深徑疎簾靜燈懸影接春清樽振故舊嘉節有  
閑人老怯年光速談嫌我輩真徜徉偏自得多  
事笑垂綸

正月二十六日憶往

憶昔悠悠十六時攜書山寺學從師深廊別院  
雙扉闔白日虛窓弱柳垂徑曲風回殘臘雪離  
根花發向陽枝至今夢後多惆悵蒼岫清溪繫  
舊思

輓張幹臣學士

大業遵前軌高懷淡若虛如君真識字豈世謂  
知書講席容孤蓋青山有敝廬春風吹旅櫬寂  
寞夕陽間

二

多君已聞道卽死亦何悲爲念平生行翻深名  
教思三秋千里夢昨歲一堂時難追西州慟  
巾豈獨私

三

青箱堂詩集

卷三十

乙卯

二

不見偶十日聞君減夕殮槭茶相問訊手札尚  
欣存何意趨朝命難招返舍魂迢迢多難地  
孤魄望鄉園以謝恩致疾

自憎

老學偷閑也未能不求丹藥不依僧只因語少  
防人厭莫待行乖始自憎強摘架書爲日課頻  
移盆并代良朋無須復論興亡事千古悠悠豈  
足憑

春仲遊玉泉山

同遊張龍九徐子貞周光福兒熙顏然熙燕然熙

孫克善二月廿八日

山嵐掩映弄春暉不憚尋芳雨打衣最是石根  
泉湧好何妨踏險坐危磯

二

徑絕石荒但野汀玉泉猶自水泠泠幽尋何處  
堪重憩惟有觀音寺上亭

三

湖光山影淡春烟嫩柳新蒲帶雨妍隔水鴛鴦  
隨意立一行鳴雁似當年

青箱堂詩集

卷三十

乙卯

三

四

水天靄靄望悽迷飛去飛來白鷺低十里長堤  
多曲折頻驚遙塔忽東西

柬徐子貞讀書客園

快君定省暇攜笈闔園扉樹草蟬聲合苔荒人  
跡稀藤蘿侵徑斷蝴蝶入簾飛雨歇肩臺上丹  
霄繞翠微

雨過客園臺上遠眺

閏五月二十八日

層臺涵宿雨雲野幻多容而脚浮千嶂烟鬟擁

九重模糊天際塔隱見望中松濕鳥林靜悠  
然忽夕鐘

丘德峻大泰七十

南極明秋仲華筵澈玉堂霞觴歌介祉舞綵拜  
仙郎朝野聲聞舊琴書歲月長高風行自久何  
復問丹房

二

河干分俸日戀戀故人心聯佩俄疇昔離羣又  
至今行藏高令譽金玉湖遐音未遂登堂願矢

青箱堂詩集

卷三十

乙卯

四

歌望遠亭

徐太夫人六袞

鼎甲健菴彦和立齋之母

迎秋介祉婺光新花甲初週設悅辰珠樹聯芳  
三及第五堂燕喜太夫人稱觥公輔調丹鼎戲  
綵孫仍繞石麟壽母古今常有顯名令德豈  
能倫

韓珠崖庶常高堂雙壽兼有鵲橋之吉

千仞高風仰鳳儀鸞闈珠樹茂瑞枝綵衣暉映  
金蓮燭春酒光涵碧玉卮五十同登今始滿百

年情老永相期天孫更慶家人吉琴瑟聲中奏  
介眉

獨坐

流雲迷千夢籬外聽雞鳴深徑秋陰靜疎簾幽  
吹生人間憐夕靄樹老戀蟬聲獨坐空階久螢  
飛隨處明

寓興

老木藏雲脚人間境灑然新秋生舊感昨夜夢  
當年翠篠疎欄下幽花小徑前隨綠堪寓興藕

青箱堂詩集

卷三十

乙卯

五

葉馮珠圓

七月十五客園臺上待月

蘿徑層層繞碧苔新秋蕭灑此登臺山嵐出沒  
隨雲變風雨蒼涼帶夕來佇立霞依孤鷺落坐  
看月傍九霄開何堪西伐南征想且盡清宵掌  
上杯

輓孫鍾元先生

京國論交憶舊遊哲人存歿足千秋脣湧在昔  
原同軌姚許於今讓一籌天爲斯人留末路道

從絕學繼前修  
蕪門遠望西風裏  
纔說當年淚自流

秋夜

夕光湛湛砌蛩鳴  
簾幙風微夜氣清  
噩夢三更驚往事  
疎林一夜變秋聲  
縹緲偶檢常驅蠹  
藥錄頻看未辨名  
歸老猶然朝市卧  
青山應笑舊來盟

秋夜

河漢光中雁影翔  
深門寂歷夜初長  
梧桐露滴

青箱堂詩集

卷三十

乙卯

六

紗窓冷茉莉風回  
繡幙香何事挑燈頻擊節  
多緣懷舊欲霑裳  
年華冉冉拋人易  
涼月清陰又下堂

送計子山

秋風憐慄送君行  
把袂相看白髮盈  
黃葉聲隨客千里  
青箱夢轉月三更  
高懷未減樽前興  
寡欲偏多世上名  
別後倘逢花雪際  
倡酬何處不關情

送袁介人

交君恨晚每徘徊  
今古縱橫天下才  
詞賦共傳同珙璧  
英雄何必不蒿萊  
秋風折柳難爲別  
春水浮槎期再來  
烟樹荒江惆悵夕  
也應有夢到燕臺

憶山

何處霜紅照眼明  
小亭岩半野烟橫  
斜陽影裏秋光老  
不斷泉聲與葉聲

多想

高秋憐慄倍淒其  
懷抱縱橫祇自知  
霜氣漸侵

青箱堂詩集

卷三十

乙卯

七

黃菊影涼陰又下  
碧梧枝老難懶慢  
猶闕世學悔因循  
但祇時留恨每多  
無益想青山徒負白雲期

暮秋偕張豫章徐子貞歷萬安寺飲退谷

亭諸兒隨侍因念然照各將履任

古柏巉巖一徑通  
風烟蕭寂梵王宮  
寒泉石漱潺湲去  
霜柿懸崖錯落紅  
嘉客最宜空谷晚  
濁醪却稱小亭中  
明年此際他鄉子  
應念來遊誰與同

上廣泉寺靜室

禪房縹緲絕塵氛，鳥道迷離不易分。  
尋徑泉鳴隨處石，到門人踏數重雲。  
晴窓乍啓長空盡，烟磬頻敲下界聞。  
落葉聲中歸去晚，空懷松栢未同羣。

山中間步

阿伽殿中徒氣象，觀音閣上漫婆娑。  
山容潑艷斜陽好，秋色蒼寒老樹多。  
佳句每從閒步得，惡懷無奈俗緣何。  
溪橋過去尋僧院，籬徑深門挂薜蘿。

青箱堂詩集

卷三十

乙卯

八

薜蘿

送張飛九歸松江并寄諸故友

平生傾蓋猶難別，况復春秋廬曉昏。  
雪夜問奇頻打戶，花時乘興每開樽。  
征鴻月過洲邊舫，霜葉晴飛原上村。  
三湘白來多舊好，憑君爲我寄相思。

摩訶菴書舍感懷

高松覆古屋，心遠境悠然。  
竹蔭經秋薜，蟲殘往日箋。  
懷人驚逝水，落葉識流年。  
敗隴披榛上，山

山橫翠烟

夜飲感懷

宦遊將去子，飲讌夜頻闌。  
停杯忽無語，垂淚兩相看。

送郁東堂

求友於今我輩真，素心相向邁風塵。  
論文不憚無知己，學道何妨取俗嗔。  
幸有田廬聊卒歲，未須笑語更逢人。  
知君歸去多嘉友，花下承歡酒熟春。

青箱堂詩集

卷三十

乙卯

九

二

言別依依情倍親，况當遲暮易含顰。  
深冬荒驛聞雞夜，斜日孤舟把卷人。  
松竹未荒三徑在，琴書如昔綠衣新。  
故交問訊憑君答，臨水登山尚健身。

照兒通判奉天

喜別相看但淚垂，爲憐朝夕未常離。  
牽衣人去荒村暮，隱几雞鳴落月時。  
客路徘徊頻立馬，家庖笑語幾停卮。  
他鄉况是逢新歲，念爾纏綿勝

下思

二

朔風凜冽度關河  
預計來期此再過  
落日寒烟千嶂迴  
孤城殘照半宵多  
偶逢把酒愁應劇  
有夢還家醒若何  
最是牽情腸斷處  
棲鴉恰似繞庭柯

三

岐豐盛地卽京華  
別駕青年莫自誇  
却喜官閑猶得學  
須防身弱漫思家  
言歸賴有三年望  
從

青箱堂詩集

卷三十

乙卯

十

政何堪一念差  
攬轡踟躕回首處  
蕭蕭古道日將斜

四

昔時先績著遼陽

先太保青  
督餉遼左

祖武芳名爾勿忘

風靜榆關沙月白  
霜清碣石海雲黃  
河山此日

分千里兄弟何年再  
一堂

三兒將  
令堂丘

莫道長歌能

當泣那知一字淚  
雙行

唐枚吉與兒照偕行

樸茂知君久  
頻年尚謫居  
偶來談別後  
復去憶

交初孤燭他鄉夜  
千秋數卷書  
嚶鳴兒念切莫  
令向學疎

偶過慈惠寺

斜陽深徑遠  
深松遶閣崇  
臺屋幾重閣  
共老僧談往事  
歸來夜半聽疎鐘

臘八雪飲黑龍潭小樓

兒照照燕燕  
孫克壽克昌

臘日同雲合  
來登道院樵  
人行烟野小  
鳥下雪田幽  
古殿精靈集  
空潭寒靄浮  
移情林影寂  
何處更丹丘

青箱堂詩集

卷三十

乙卯

十



青箱堂詩集卷三十一

宛平王崇簡著

丙辰

朔五日偕陳垺皆吉子熙熈燕默姪熹孫  
克善克昌飲怡園

西園佳氣滿芳叢深戶穿林一徑通五畝巖如  
塵市外千峰收入小樓中堂開旭日春初永人  
踏韶華境不窮少長偕來乘興好介眉相勸樂  
融融

青箱堂詩集

卷三十一

丙辰

一

人日怡園樓飲

人日諸佳興登樓攬翠微鳳城延旭景喬木佳  
春暉峯出當烟渺禽來傍檻飛啣杯酬令節預  
約酌芳菲

照兒奉差忽至

苦別書方去期歸春暮天相思千里外忽爾到  
吾前執手驚難定聞言是果然最憐汝至性半  
月念親旋

上元前三夜家燕

爲喜元宵近祥烟向晚凝錦堂開桂酌華采萃  
春燈漫說風塵擾聊安家慶增徵歌當舞綠鵲  
萬月初恒

上元熙兒開宴同張豫章陳垺皆吉暨姪  
熹兒標熙熈燕默孫克善克昌克寬和皆吉  
韻

翠壁星球向晚明承歡爲娛老年情偕遊綺閣  
攜孫坐復喚藍輿踏月行酌客重開田舍酒放  
懷笑聽教坊華勳酬恰喜良宵永宮漏迢迢出

青箱堂詩集

卷三十一

丙辰

二

鳳城

怡園偶興

清芬盈僻園階草藉春回踏徑移松種凭欄見  
雁來偶然林下坐便覺好懷開餘興斜陽裏閑  
吟更上臺

怡園夕坐同豫章

佳夕春方暮芳菲壓徑枝魚遊燈影快花曼月  
欄宜呼酒偕良友班荆聽好詞欲歸餘興在嘉  
會數相期

雨後過怡園

雨過林庭新綠幽  
纖纖暮靄傍簾浮  
閒隨逸興凭欄處  
一片青山入小樓

雨後小飲

薄飲卽初更  
承歡愜子情  
雨喧依樹密  
燈靜隔簾明  
懷惡心多癖  
年衰感易生  
良朋得句好  
吟誦夢中情

祖將軍園偶拈

陰陰深柳棠  
新蟬勝地頻來又  
一年且自開尊

青箱堂詩集

卷三十一

丙辰

三

尋樂事藕花亭子正當前

新秋偶興

清陰忽訝上閒扉  
又見高梧一葉飛  
難遣惡懷幽興減  
偶開交譜故人稀  
疎簾雨過蟬依樹  
曲徑風微螢點衣  
爲憶西山嵐壑秀  
攜筇好去踏漁磯

九日偕張豫章暨兒類燕默姪壽怡園小飲

令節聊乘興  
閒園深徑幽  
蒼烟疑夙靄  
細雨送

歸秋適意因時好  
餘生何所求  
調謬共欣賞  
隨俗更登樓

一夜三夢迂叟

吾宗迂叟翁  
奮志出塵埃  
洒落辭榮去  
懸慙入夢來  
書窓應自適  
笑口或嘗開  
話舊果何日  
良宵共舉杯

夕步

疎林夕靄影重重  
搖落風來何處鐘  
散步閒堦無箇事  
寒鴉聲裏又初冬

青箱堂詩集

卷三十一

丙辰

四

楊扶臈給諫七十

憶昔京華綰帶時  
自慚樸陋荷君知  
滄桑經眼行藏異  
今古爲懷歲月移  
七十肇開瀛島宴  
千秋頻進玉堂卮  
斗南紫氣遙瞻瑞  
封祝常賡介壽詩

咏菊

木脫高秋烟景新  
盈庭芳菊倍堪親  
幽香却稱黃昏月  
逸韻偏宜澹靜人  
三徑霜清增色相  
東籬雨霽出風塵  
爲驚荏苒流光晚  
秉燭開樽莫

厭頻

題汪蛟門百尺梧桐閣卷

旭景延遐暉，杳靄秘音迹。傑構凌浩渺，高梧相依藉。林表出虛窓，閑垣閑亂石。幽禽下上音，悠然樂晨夕。心存羲皇上，千古如咫尺。清陰靜琴書，流光浹肘腋。客來坐忘言，相與永觴奕。中夜眠欲覺，湛露滴虛白。浮世沒飛埃，微尚遂吾癖。藹藹几席間，身已入圖畫。儼若凭危欄，注目寒空碧。

青箱堂詩集

卷三十一

丙辰

五

歲暮書懷

忽已仲冬夜，奈此漏何長。輾轉觀身世，咄咄心自傷。往事如昨夢，豈必爲徬徨。曾記秋來月，竹窓流露光。

二

園樓偶登眺，西山冷蒼烟。未理春風屐，秋杖復還延。懷哉巖壑內，松響雜鳴泉。佳遊曠何許，倚徙但悠然。

三

寒暄霽幽徑，鵲聲出空廊。遣懷強觀書，良友忽在堂。未盡寒暄語，今昔煎中腸。掩卷守冲漠，夕照下疎簾。

四

歲晚暄俗情，隨俗聊復爾。編中何其愚，心跡遞起止。仰觀垂簷柳，春生已如此。景命福相迎，綿綿祈介祉。

青箱堂詩集

卷三十一

丙辰

六

青箱堂詩集卷三十二

宛平王崇簡著

丁巳

人日家讌

淑景叶人日晴光燦綵衣開樽酬令節秉燭接  
春暉鼓吹今年好牢騷舊感非笑歌聲未歇新  
月上高扉

觀劇偶拈

管絃絃高佐酒卮良宵藹藹月遲遲悲歡幾許

青箱堂詩集

卷三十二 丁巳

燈邊影也有榮枯那一時

十六夜遊

天街偕長幼策馬競相隨人向喧聲聚燈從轉  
徑移且尋當境樂漫憶少年時歸念無荒戒迢  
迢玉漏遲

觀劇口占

當場何事最傷情淡院晴窓隔樹鶯一曲未終  
腸欲結低回幾度憶平生

香山看杏花

又到巉巖裏雪扉向曉開清泉仍繞石老樹舊  
依臺山是經年別花能待客來遐心難自抑欲  
去復徘徊

熙兒移酌退谷亭小飲兒頗燕姪燾孫克  
善克昌從遊

擬就林亭勝今來杏適花高枝延岫迴低影逐  
溪斜每憶曾遊日何堪老歲華一樽聊茂對莫  
惜坐停車

暮春怡園偶酌

青箱堂詩集

卷三十二 丁巳

二

春光媚幽素氣色茂嘉林流憩淡凡慮逸宕學  
無心英華偏舊枝飛鳴下上禽時芳忽已暮把  
酒相追尋偶倚木末檻青青來遠岑歸雲挾微  
颺清梵何處音明燈暮景妍妙香襲衣襟

四月朔孫晉胡智修招飲園亭

年華春又去頓爾適招尋曲沼通幽徑疎籬映  
茂林烟銷花影靜門閉鳥啼深且盡尊前典無  
勞抱膝吟

二

堂構懷前哲箕裘奕克家登樓書滿榻倚屋樹  
樓霞簾影迎新綠杯香藉晚花閒庭畱客處最  
好夕陽斜

晚飲藤花庭陰

藤鬢錯落欲生煙冉冉芳華又一年秉燭却宜  
杯在手中庭况是月初弦

新吟

蓬徑疎窓晝漏沉端居習靜學齋心一簾芳草  
春方去半畝繁陰夏又深漫憶閒情如昨夢且

青箱堂詩集

卷三十一

三

將清興入新吟惱人無奈雙鳴鶴猶是當年下

上音

魯生太史母夫人五十

梅花燦爛玉堂枝長至初升介壽時春酒光生  
鸚鵡盞萊衣輝映鳳皇池龍章錫命垂南極葵  
彩徵祥蔭紫芝惟是壺儀多淑德大年遐福自  
相宜

長夏

不覺烟雲變高林日影長痴懷貪入夢世態盡

逢場葉老秋聲近蟬幽夕影涼繁人曲檻外荷  
藻襲簾香

夢中偕同人咏舊宮奇石

突兀嶢崎閱世人不知經歷幾千春巖巖卓立  
空宮裏皓月名花作好隣

挽申鳧照

千里書相最憐予懷未開數行前甫至尺訃忽  
旋來隕涕天難問吞聲賜幾回新秋風景異颯  
颯助人哀

青箱堂詩集

卷三十一

四

二

猶記相逢日多君志氣人偕歌燕市月背憶秣  
陵春高臥非關懶持躬不憚真詩文盈予筍觸  
目倍傷神

三

生死平常事何須必百年一身能寡過千古有  
遺編爲我籌長策相攜買薄田慇懃良友意難  
溫淚潸然

四

驚聞無疾歿悵望起長嗟旅雁荒州斷西風落  
日斜二難悼式好雙璧克承家慘澹懷前事蕭  
蕭冷暮笳

顧明曾來京師予衰病未及倒屣明曾以  
贈詩屬和依韻寄意並傷尊公漢石同年  
之逝

見君姓字憶前八三十年來意氣新良友淪亡  
悲化鶴關河修阻悵潛鱗自慚衰病難爲禮嘗  
羨聲聞迥出塵何日一尊聊促膝剪燈却話舊

青箱堂詩集 卷三十二 丁巳 五

情親

喜金和至飲之以酒歌以勸之

西風颯颯蟬聲咽何堪無賴秋光潔草堂忽來  
千里人相見又是五年別貌顏雖蒼氣自豪問  
年喜我將及耄聞君遨遊亦知止有家有室門  
嘗閉斗酒盪粥頗能安屈信卓犖真奇傑人世  
森忽駭電芒昔時儕輩多凋折吁嗟乎今來古  
往直等閒榮枯開落何足說且自開尊滌塵襟  
羨君酒闌逸氣猶多熱

讀王北山遊滴水巖記和其歌

西山絕勝滴水巖峭壁天削巖氣削僻崖無路  
徑忽轉蒼紅老碧盡高巉虎跡虬踪步驚悸懸  
石欲墮蔽危杉昔遊年甫二十七戊辰之歲莫  
春日天桃照水巖精魄爭奇闢與難具述轉瞬  
之間四十秋重覩山光高秋吉歲月不處又十  
年讀君遊記若眼前峯巒卓卓自千古高人遊  
覽別生妍日往神留寄興遙收拾謠詭千筆巔  
古人已去後未來掬泉坐月且啣杯岩洞窈冥

青箱堂詩集 卷三十二 丁巳 六

精靈秘龍眠水滴曷已哉遲暮幸得作臥遊何

異攜我陟崔嵬

丁巳九日

九日恒風雨今年喜晴煜霽色徧高空天宇淨  
如沐逸興凭城堞秋光迴平陸偶憶前丁巳予  
年始十六歷來幾陰晴流光彈指速風勁知節  
換下趾盡野菊采采適盈把襟袖有餘馥翠靄  
來遠山蒼涼矜肅穆舉瓊酌芳時悠然履景福

思山遊

靜默鳴秋陰幽衷延遐想巉岩霜葉赤清泉咽  
石響烟磬落雲中蕭條更空朗散步隨高深肯  
遊年已往勗哉祝筋力會須恆欣賞

送董蒼水之閩訪吳伯成臬良

平生僻性難爲別遲暮分攜感更多千里忽然  
歡把臂一朝復爾唱驪歌山海雲擾方歸命海  
嶠風清初戢戈喜遇高賢能好客應知懸榻待  
君過

自憐

青箱堂詩集

卷三十三

丁巳

七

又是冬分歲晚時幽衷耿耿細如絲短長妄說  
三生夢勝負空驚昨日基閑戶但借盈案卷夕  
陽頻送過窓枝最憐衰老渾無賴輾轉偏多未  
老思

青箱堂詩集卷三十三

宛平王崇簡著

戊午

新年家讌

鳳城佳氣霽嘉慶藉稱觥歡合屠蘇飲春來爆  
竹聲書香期後進祖澤念先庚老况猶堪勉開  
簾喜夜晴

元宵讌飲

芳序遷流來不停上元淑景又盈庭氤氲香篆  
青箱堂詩集

卷三十三

戊午

一

浮綺席錯落華燈映翠屏月皎佳遊隨處好風  
清花鼓徹宵聽鳳城良夕懽同樂絲竹聲中莫  
獨醒

十六夜兒熙張燈怡園侍飲遊觀無阻

閒園暮靄映簾櫳秉燭遊觀與衆同月上空明  
穿徑白燈懸高下滿林紅承歡春酒烟霞窟逐  
隊銀花鼓吹中共美風光今歲好昇平惟願屢  
年豐

爲計子山介觴

懷古情深久過從聲聞海內著君宗揮毫落  
霞健月得句悠悠風入松閣遍升沉思爛熟讀  
殘經史喜重逢介眉春酒稱耆舊共美昌時有  
臥龍

晚過仲爾成齋中

疎林寂寂月黃昏有客閒居深閉門簷鵲聲中  
書滿榻蕭然相對欲忘言

疊前韻柬爾成

雲淡鴉歸樹半昏輕風習習繞蓬門閒窻香燼

青箱堂詩集

卷三十三 戊午

二

鐘聲歇却喜隣僧無一言

暮雨遣懷仍疊前韻

密雲疎雨易成昏帶濕花枝半映門獨步懷多  
緣底事不知何可向人言

憚夢

寂歷偏宜對夜梅多懷不復酌金樽惱人六十  
年前事猶向春宵夢裏來

春日重過善果寺

蕭條古刹近城阿二十年來此再過深院長廊

春晝靜疎林高塔鳥聲多漫嗟今昔閒情異且  
喜風光淑景和倚徙空階聊自慰莫因感慨發  
悲歌

嘉祥觀先大夫昔讀書其中

古道深門春寂寞老松啼鳥境蕭疎先人遺事  
嘗聞說未遇曾來此讀書

春仲摩訶庵偕陳壻皆吉暨諸子孫

春暄來古刹宿雨快初收旭日當庭午松陰覆  
徑幽偕遊人屢易壯事歲如流不盡含情處斜

青箱堂詩集

卷三十三

戊午

三

陽又下樓

三月七日怡園晚步

莫道非巖壑幽森徑欲迷夕陽烟景淡人靜雁  
行低閒坐花間石遙思柳下谿忽看新月影已  
過小窻西

隆教寺亭子憶去年之遊

芳草迷行徑虛亭倚杏林烟光猶似舊歲序忽  
成今旭日千花麗空山一徑深僧寮更秉燭薄  
飲惜春陰



暮遊廣泉寺

探幽興未已策馬向斜暉石路隨流水山花映  
客衣雲中尋徑遠松下遇僧歸登頓衰年怯高  
巖羨鳥飛

碧雲寺語仲爾成宋蜚演

遊情老去尚殷勤沐雨凌晨過碧雲自昔至今  
頻到地披烟藉草又同君泉流漸繞僧廊細山  
色多爲闕塚分遙望來青軒上好相期紅葉醉  
秋曛

青箱堂詩集

卷三十三 戊午 四

飲胡智修孫壻林亭憶昨春譙集

深徑疎籬繞曲流果然塵世有丹丘花間香靄  
風吹幕林表春光日照樓佳境曾來成往事韶  
華今復續前游扳留惟覺情難已不獨盤桓烟  
景幽

立夏前一日王園卽事

惜春趨茂苑傑閣若憑虛林密花迷徑波澄鳥  
啄魚放舟深柳下把酒夕陽餘已在蓬壺境塵  
囂快盡除

送傅繡水任德安太守

古道惟君兄弟賢河干慰藉憶當年千秋意氣  
雲霄上萬卷圖書嵩少前紵見龔黃多令譽舊  
聞琬琰紹家傳何堪遲暮重逢日楚水燕雲又  
各天

園丁送牡丹

簾捲輕雲風尚寒韶光冉冉下闌干漫嗟桃李  
隨春去獨擅繁華有牡丹

初夏徐勝力陳緯雲宋叔遠徐原夫孫愷

青箱堂詩集

卷三十三 戊午 五

似侯大年小集青箱堂

怯老非關懶蹉跎歲月移新知慚闕略故舊念  
衰遲未斷招尋意難賡贈荅詩相於情不已惟  
勸酒盈卮

豐臺芍藥園譙集

閏三月二十八日張左  
人米紫來孫茂叔孫喬

瞻胡  
智修

不共繁英鬪倩妝翩翩紅紫殿群芳來驚霞落  
瓊瑤圃坐喜香浮琥珀觴蝴蝶却憐迷去徑嬋  
娟最好倚斜陽何妨盈把相爲贈爍爍偏宜錦

瑟傍

杜九臯過飲輒贈

荏苒流光夏始長綠陰窈窕繞迴廊閒情猶自  
開花徑嘉客重來坐草堂愧我索居緣老病多  
君守約讓人忪樽前貪誦新詩好楊柳依依下  
夕陽

夏日遣悶

僻懷何日了輾轉負芳晨林影依窗舊榴花照  
眼新嘗將多病意寄與未歸人曠想怡情處婆

青箱堂詩集

卷三十三 戊午

六

娑烟水濱

贈魏環谿總憲

好我如君眼倍青惟期忠孝勉相砥讜言在昔  
推班掾丰度于今見九齡一代楷模原嶽嶽千  
秋風紀自亭亭欣瞻特簡爲起舞世道從斯慶  
有經

題莊澹菴罷釣讀書圖

遑遑人世盡浮居放艇非因效釣魚聊爾移情  
烟水外悠然猶藉掌中書

施愚山枉顧

感君何好我寤寐驚鳴哀謝慚交道憂繁味  
養生難酬知己意偏重歲寒情不學人空老悠  
悠頻自驚

酬張陶菴築園

平野成巖壑如君真化工幽泉方繞谷奇岫忽  
當空掩映人難測迂迴徑始通高深隨境變登  
頓莫能窮

慰燕兒遊歸妻逝

青箱堂詩集

卷三十三 戊午

七

秋前相約是歸期不意遷延節序移旅次幾驚  
宵夢後扁舟凝望夕陽時最憐入室情難已漫  
悔趨庭日較遲無可奈何聊自遣承歡諒好慰  
妻其

多愧

閒階柳影漸蕭疎鴻雁聲中時令除懷惡頻驚  
虛好日年衰却恨廢觀書今來古往原無定雲  
白山青自有餘莫歎平生多愧事且憑風景閱  
居諸

自咎

頽齡衰質奈愁何非病非狂半是魔畏事却嫌  
無事至存心惟恨有心多凋梧凝露秋將老深  
徑迴廊日又過秉燭古人良可法嘉辰漫令付  
蹉跎

夜半聞笳

荒寒深夜似山家獨擁衾  
月欲斜正是多懷人未寐蕭蕭風裏復聞笳

鄧孝威陳其年田髡淵陸雲士奉 召來

青箱堂詩集

卷五十五 戊午

八

都門過談

鳳城霜靄蔚蒼涼嘉客相將過草堂十月菊離  
晴尚好百年蘭譜晚尤香相逢意外聊尊酒憶  
往談深忽夕陽舊學喜膺徵聘典鴻文佇見煥

縹緗

怡園小集步梁蒼巖大司農韻

高巖松粒翠上客喜同攀幽意聊堪適浮生偶  
得閒葉凋石磊磊風定鳥開關賴有依欄菊爲  
君博笑顏

其二

紅塵十丈裏若在碧山隈曲徑畱雲過深門爲  
客開聽松凭峻閣待月上層臺未盡登臨興還  
期車數回

嚴蓀友朱錫鬯徐勝力李武曾奉 召來

都門小集

寤寐各千里招尋鳳闕前素心敦古處良友慰  
衰年鳴鶴聲中靜寒花座右妍彈冠逢盛典相  
對夕陽天

青箱堂詩集

卷五十五 戊午

九

怡園偶興

誰道園林勝偷閒闢草萊曲廊依徑轉幽戶逐  
溪開鳥語增巖靜松濤下澗來高深恣眺聽隨  
意坐蒼苔

其二

邃室通幽處紆回別有天桐階捲簾後山閣忽  
堂前尚友攤書讀忘機高枕眠最宜衰老日默  
坐倍悠然

其三

幽明虛亭上蒼崖積臥雲架藤迎杖筇疏沼隔  
聲聞境寂禽魚適風清花草芬興酣忘去住木  
石可同羣

其四

坦懷丘壑晚穿屋上層樓寒翠凌空迥荒烟抱  
日流天開雙鳳闕山擁古神州倚檻雲歸處黃  
昏境更幽

喜尤展成宋旣庭錢宮聲應 召來都門

晤言猶一室別緒說從前出處雖多變威儀尚

舊猶也

卷之十

儼然衰齡爲我惜壯志美君賢何必悲遲暮今  
來日月邊

送宋牧仲權輿關

論交聚散歲時遷况是分攜怯暮年蒿目時艱  
籌國計關心民隱爲商憐登高幾擅驚人句戀  
闕頻瞻斗北天古道如君今又別歌驪那得不  
愴然

冬夕述懷

十一月初九日

凍靄酸風冷夕暉平生回首願多違笑從故紙

原缺

序

敬哉王先生不遠三  
千餘里示琬文集十  
卷琬受而卒業歎曰

汪序一

富矣美矣琬聞之文  
者貫道之器故孔子  
有曰文不在茲乎孔  
子之所謂文蓋謂易

詩書禮樂也夫豈後  
世詞賦章句區區儷  
青妃白之爲與孔子  
既歿漢儒收拾暴秦  
燼燬之餘修明講習  
可謂勤矣然而言易  
者不知天人貫通之  
旨而溺於納甲卦氣

汪序二

之說言詩者不知王  
國盛衰之原而溺於  
四始五際之說言書  
者不知二帝三王所  
以致治之大本大用  
而所爭者文王改元  
周公踐胙之說至於  
禮樂又往往有其義

汪序三

而不知習其儀有其  
器而不知名其物甚  
則溷以圖讖雜以譌  
僞而孔子所刪述之

汪序四

文不晦卽亂夫日月  
星辰天之文也山川  
草木地之文也易詩  
書禮樂諸經人之文

也人之有文所以經  
緯天地之道而成之  
者也使其遂流於晦  
且亂則人欲日熾彝

汪序五

倫日斁天地之道將  
何所託以傳哉嗣後  
陵遲益甚文統道統  
於是岐而爲二韓柳

歐陽曾以文鳴周張  
二程以道鳴未有彙  
其源流而一之者也  
其間釐剔義理之絲

汪序六

微鑽研問學之根本  
能以其所作進而繼  
孔子者惟朱徽國文  
公一人止耳儻微文

公論說之詳辨晰之  
力則向之晦者幾何  
而不熄向之亂者幾  
何而不漸滅蕩盡也

汪序七

然則使孔子之文踰  
數十傳不墜蓋文公  
之力居多今距文公  
又五百年所矣而繼

之者無其人或有其  
人矣而琬僻處海陬  
猶未有見焉此所以  
日夜流連太息不能

汪序八

無望於世之學者也  
及觀先生所示其詞  
質而贍其義簡而明  
求之文公諸書無所

不合於以輔翼傳注  
而疏通易詩書禮樂  
之文庶幾繇文公而  
遂溯孔子者與吾然

汪序九

後知天之未喪斯文  
殆自孔子以來訖於  
今如一日無惑也語  
云賢者識其大者不



賢者識其小者琬亦  
嘗好學深思力期從  
事於此固不敢自安  
於不賢而氣昏質惰  
雖欲勉進賢者之域  
以求溯孔子之所謂  
文而終不能逮也故  
願附名先生文集之

汪序十

末述其所見以求正  
於先生云

康熙歲次丙辰夏四  
月朔後四日長洲後

汪序十一

學汪琬茗文甫序

敘

方藹嘗見蔚州魏先生之  
集而歎爲至文竊念當在  
學士大夫從事斯文甚衆  
務多以明博鈎深以爲遠

葉序一

窮年矻矻用力綦瘁矣而  
攷其所存不出詞章訓詁  
之間獨魏先生之文與臣  
言忠與子言孝率然矢口  
亦必根于道義本其身行

心得發之爲言不屑屑雕  
章琢句而渾厚敦穆之氣  
使人對之正襟歛容而起  
愛起敬也丙辰冬宛平王  
先生復出其集授方藹使

葉序二

卒業焉旣釐次爲若干卷  
喟而興曰美哉二先生之  
集何其異曲同工乎伏讀  
先生集中上告君父中對  
友朋下訓勉其門人子弟

累千萬言其不歸於忠孝  
道義者歟矣教人爲學斥  
太新奇可喜之論惟以踐  
履篤實爲主其不本於身  
行心得者抑又鮮矣二先

葉序三

生之學同故其文亦同譬  
之水然江河淮漢爲名各  
別滔滔汨汨日行萬里而  
滙於海則一然則雖欲求  
其異豈可得也而先生之

脩辭根本於六經出入于  
史漢諸大家色黝然而光  
味冲然而長則又去之苦  
心腐毫專力於文者蔑以  
加焉方謫不肖少溺於俗

葉序四

學晚始悟古之爲文所以  
明道非苟作者嘗欲以是  
告之天下而愚且賤人莫  
之聽也今一見之魏先生  
矣又復得之先生二先生

爲在宗王言動人所師仰  
語不云乎登高而呼聲不  
必疾也而所及加遠今而  
後學士大夫皆舍其詞章  
訓詁之習而以正人心明

葉序五

學術爲本務其自先生此  
集始矣

東吳門下後學葉方藹

謹跋

敘

漢唐已後無論已漢文無  
過史遷唐詩無過杜甫遷  
凡百餘篇劉向揚雄輩已  
屈服之謂之寔錄而未嘗

周序

作詩甫凡千餘首上繼風  
雅下詠唐宋吞曹劉掩顏  
謝謂古人之才胥所總萃  
而於文未概見豈性各所  
近而才胥所束歟意其先

爲周室太史繼父之志爲  
史官略推三代誌羸秦紀  
載當安且幽憤非文不足  
覈事而達志若阿榮興亂  
忠君愛國每飯不忘微亦

周序二

不得言爲欲婉抒曲寫其  
抑鬱流離之況則莫善於  
詩時言所因志言所託也  
太保敬哉王公遭遇寇變  
時懷憂物之感其詩多流

連沉鬱宛然可想而不可  
直告者具才學識之長又  
爲太史故尤精覈於文千  
數百率以來公殆兼遷甫  
而言矣古今之文莫大乎

周序三

史鼎革交際實錄所紀類  
多忌畏而諸家撰述多闕  
略而不可信是必言耆儒  
碩彥出葺挾而冊定焉公  
當鼎革膺太史首選得脩

并明實錄三百季之興亡  
得失愛憎毀譽賴言以晰  
其異同真僞而不謬於是  
非然則歷高位而埤益其  
任榮寵不少衰者豈非天

周序四

歟憶公爲宗伯時歲凡兩  
疏辭不得明歲再疏固辭  
不得閱五月再疏復固辭  
閱三載乃解大宗伯印綬  
卷懷退處今十有餘季矣

昔衛武公髦而好學淇澳  
之篇猶髣髴想見公季髦  
誦習類脩士故爲文日力  
日益多若記誌傳序論說  
之屬悉士女風俗之貞淫

周序五

美惡禮樂倫常之損益明  
晦一如稱遷所謂文直而  
事覈不虛美隱惡者公之  
文則又皆良史也嘗與道  
書言文至於今日實有難

言言過於實事矜於奇擣  
詞非取於艱險則取於浮  
華又言王忠文謂文無定  
體而有大體大體必純正  
明備因思元明以來多矜

周序六

奇過實之士尚浮華而喜  
艱險體乃大壞胥宋景濂  
方正學王文成唐荆川歸  
太僕茅鹿門諸人出而捄  
之然而落落孤行和者益

寡故其所爲文亦不能盡  
開闔變化之漆公追踪遷  
固折衷八家其思精其力  
厚遣言發旨博大而蘊蓄  
極開闔變化之漆昔昌黎

周序七

繼龍門後黜浮靡之習起  
八代之衰及廬陵睂山諸  
人踵而曲暢之故唐宋之  
文繼躅於漢海內博學好  
古之士誦公之文咸知公

艱險捐浮華就易而返實  
其大體所謂純正而明備  
於戲則皆公倡導之力也  
昔蘇文忠公作范文正公  
集敘欲挂名以自附托道

周序八

賤士辱下問抑何幸焉獨  
是道間嘗作古文詞必於  
公文反覆三歎浸淫酣適  
而后出或曰子學太史遷  
者人知公哉人知公哉

古越周之道撰

周序九



重刻青箱堂集序

龍眠錢澄之誤

王文貞公青箱堂集共四十五卷長公胥庭相國既刻諸都下行世久矣公季第五君不菴來守潤州潤州東南衝隘士大夫舟車往來如織相見輒求公集君所携既少又卷帙繁重道遠不能數致廼謀重刻諸京口以應往來士大夫之求刻成屬序于予先余以甲寅春別公南還臨別時出其未刻藁命爲之引率爾援筆畧言公詩文純任性情世皆仰其道隆予獨窺其情至今合公全集讀之

青箱堂全集

錢序

益知公之所以爲情卽所以爲道也夫天下未有離情以爲道者非道之情妄情也非情之道僞道也文也者載道之器卽達情之言也彼蓋于君親倫物之際至誠愷惻不能以自巳于是發之而有言言之直捷痛快一如人意中之所欲出斯爲文言之不能直陳而引物連類反復頓挫使人自得諸言外斯爲詩蓋未有非道而可言情無情而可爲詩文者也公嘗語予曰吾生平不喜講學每于日用倫常之地時自檢點寧免無憾而講學哉惟一觴一咏以畢此餘生可耳其與人書有云末俗

託名講學言不顧行甚且大德有虧後口談道不知將以何者爲道也故公之于道皆期躬行實踐不事口耳先儒謂末流之弊祇成說話以視公何如哉公爲人篤根本敦故舊不爲已甚之行亦無違心之語名節所在辨別分明未嘗少自恕亦不肯以恕人時與老友談及往事俯仰今昔輒嗚咽流涕者久之未第時有以百金濟其困者旣第旋值國變其人死無後無從償乃爲文告之付夕照寺作功德資其冥福冥冥之中不肯負心此其一端矣由此觀之凡公之所爲以情勝耶抑以道勝

青箱堂全集

錢序

二

耶吾謂公惟學道真故其發乎情者真也今觀公之詩文其可傳者一惟真而已公先方伯奉使杭州有詩百篇失其藁公七歲而孤太夫人屢以爲言公積歲勤訪僅得一首終身爲恨因而搜輯讎輔前世之有遺文者急爲表章之使傳于世豈非錫類之仁哉而公之集相國旣刻于北太守君復刻于南行將播之海外垂之無窮亦可謂孝思不匱者矣莊子謂造物之報人也惟于其人之天其殆是歟

卷一

奏疏八首

請咨察前明死難諸臣疏 翰林侍讀學士時具

覆帝王廟祀典疏

覆北嶽祀典疏

再覆北嶽祀典疏

請告第一疏

請告第二疏

請告第三疏

青箱堂文集 目錄

請告第四疏 以上俱禮部尚書時具

卷二

書二十七首

與申鳧盟書

荅申鳧盟書

與申鳧盟書

與魏環極書

荅魏環極書

與孫北海書

與施尚白書

荅汪荅文書

荅計甫草書

與計甫草書

荅宋澄嵐書

荅趙同州書

與楊商賢書

荅楊商賢書

荅萬公擇書

荅陸桴亭書

與周翼微書

青箱堂文集 目錄

與王灌亭書

荅王灌亭書

荅蔣孝廉書

與鮑大令書

與周次修書

與葉訥庵書

荅歸元公書

與王迂叟書

與法黃石書

與朱壻書

卷三

序二十六首

送少傅成公致政序

武會試錄序

錢氏疏草序

徐侍御疏草序

官侍御疏藁序

五經圭約序

廣從政論政錄序

重訂紫陽大旨集要序

青箱堂文集

目錄

三

張水厓正同學書序

唐豫公明史序

畿輔人物志序

女鑑序

上醫本草節畧序

說杜序

歸震川先生文集序

田髯淵選今人古文序

高文端公遺集序

白東谷文集序

岳匡六文集序

施愚山觀海集序

林子新書序

張遠林洛中集序

尤展成西堂雜組序

沈亞斗史論序

黃瀛山館課序

顧偉南天台雁宕紀游序

卷四

序三十八首

青箱堂文集

目錄

四

畿輔詩存序

魏拙菴選詩序

于司直遺詩序

梁仲木遺詩序

米友石先生詩序

夢一齋詩序

宋轅文詩序

吳六益詩序

田髯淵詩序

何次德詩序

宋秋士詩序

范潞公詩序

法黃石詩序

毛篋子詩序

盧奉若詩序

譚舟石詩序

米吉土詩序

沈釋堂詩序

申鳧盟詩序

宋上木詩序

青箱堂文集

目錄

五

劉廣生詩序

陳眉倩儼古詩序

秋吟序

朱生生詩序

陳康侯雜感詩序

李浦珠詩序

宋玉叔詩序

陳子文詩序

許雀沙詩序

王異公詩序

燕遊草序

沙郁合刻詩序

趙松一詩序

陳安仁遺詩序

陳處士詩集序

沈亞斗讀史詩序

紀仲騫填詞序

友栗堂遺詩序

引一首

嚴方貽詩小引

青箱堂文集

目錄

六

卷五

序十二首

韓爾清制藝序

黃幼則制藝序

董良合遺藁序

章宗季制藝序

沈亞斗二十四藝序

朱太史制藝序

鳴社新藝序

總憲張公崇祀名宦錄序

副憲劉公崇祀鄉賢錄序

顧封君鄉賢錄序

朱氏家譜序

感應篇章句註序

壽序六首

少宰孫公七十壽序

封宮保尚書高公七十壽序

華封君六十壽序

郝太夫人六十壽序

富太恭人七十壽序

五弟偕黃室人六十壽序

卷六

記十首

宣府忠臣義士祠記

金忠潔公祠記

重修順天府學記

摩訶菴集篆金剛經刻石記

大士畫像記

南華亭記

青箱堂夏秋夕集記

青箱堂文集

目錄

七

遊息機園遺址記

遊滴水巖記

順德府通判廳歸先生祠堂記

雜著八首

風雅正變論

爲人後論一

爲人後論二

春王正月辨

趙盾弑君辨

祀北嶽答

青箱堂文集

目錄

八

歷代帝王廟祀述

放生問答

卷七

碑三首

明東閣大學士工部尚書范文忠公神道碑

誥贈光祿大夫太子太保工部尚書東閣大

學士明光祿大夫柱國少師兼太子太師

吏部尚書中樞殿大學士贈太保諡文敏

李公墓碑銘

都督陳公墓碑

誌銘十八首

詰封資政大夫都察院右都御史戴公墓誌銘

誌銘

詰封光祿大夫太子太保吏部尚書高公墓誌銘

贈文林郎內翰林弘文院編修高公墓誌銘

陝西臨洮府知府李公墓誌銘

左春坊左庶子卓公墓誌銘

鄉貢進士白君墓誌銘

通奉大夫內翰林弘文院掌典籍事太常寺

青箱堂文集

目錄

九

卿王公墓誌銘

封文林郎內秘書院編修張公墓誌銘

吳堡縣知縣紀公墓誌銘

浙江右布政使前工部左侍郎李公墓誌銘

封承德郎工部主事王公墓誌銘

累贈資政大夫太子少保禮部右侍郎文淵

閣學士胡公暨配贈夫人翁氏封太夫人

張氏合葬墓誌銘

鄉貢進士沈君墓誌銘

鄉貢進士楊暨配張合葬墓誌銘

庶吉士吳介子先生墓誌銘

監察御史鮑公墓誌銘

禮部主事蔣公墓誌銘

餘杭王止菴先生墓誌銘

卷八

墓誌十首

封一品太夫人成母邢氏墓誌銘

夏安人墓誌銘

吳母張太孺人墓誌銘

封太孺人高母李氏墓誌銘

青箱堂文集

目錄

十

封太淑人楊母智氏墓誌銘

封安人繆母王氏墓誌銘

劉母陳安人墓誌銘

梁室吳夫人墓誌銘

史孺人墓誌銘

側室黃氏墓誌銘

墳志一首

王仲孫女墳志

行狀七首

翰林院侍講徐先生行狀

光祿大夫太子太保都察院右都御史管吏

部左侍郎事孫公行狀

贈文林郎內翰林秘書院編修張公暨配符

孺人行狀

張太孺人行狀

移贈一品夫人焦太夫人行狀

誥贈一品夫人梁夫人行狀

五弟筠侶行狀

傳六首

都門三子傳

青箱堂文集

目錄

十一

邕菴居士傳

戶部右侍郎郝公傳

王編修傳

孫宜人傳

田節母傳

卷九

祭文十五首

祭杜吉士文

祭孫副憲文

祭高相公文

祭王鐵山先生文

祭米沐陽文

祭白尚書文

祭宋潮州文

祭九門提督何君文

祭宋按察文

祭梁仲木文

祭梁惕居文

祭黃惟梅文

祭孫北海少宰文

青箱堂文集

目錄

十二

祭張壻識之文

哭伯女文

卷十

題跋二十四首

書楊忠愍公奏草後

書魏子一忠孝實記後

書孫鍾元讀易隨筆卷後

書請告諸疏後

讀平孺人傳書後

讀張隱士貞義傳書後

跋景物畧

跋計孝廉思子亭卷

沈繹堂詩跋

吳六益燕京秋思詩跋

張豫章詩跋

孫北海退谷志跋

董宗伯書十三行跋

古本孝經跋

題李長蘅畫冊

題金瑞枝雁字詩三十首後

青箱堂文集

目錄

十三

題宋其武家藏米太僕尺牘

題孫北海臨米元章千字文

題夏璦公遺像

題嚴侍郎壽詩冊

題畫

爲米吉土題畫

沈亞斗史論評語

家譜附

遺稿續刻

何槩音疏稿序

李俶元八十壽序

題袁杜少南苑紀事詩

六君子帖跋 戊午二月二十二日

法公子小傳 戊午六月十六日

楊商賢遺集序 戊午九月二十八日

答沙定峰

答沙定峰黃白歌辭

年譜附

青箱堂文集

目錄

十四



青箱堂文集卷一

宛平王崇簡著

遵 諭 諮 察 疏 時任侍讀學士

臣捧讀內院恭奉

聖諭明末寇陷都城君死社稷當時文武諸臣豈無一二殉君死難者幽忠難泯大節可風著禮部會同院部等衙門堂上官詳諮確察死節職名并實蹟具奏勿遺勿濫內三院卽行傳知欽此仰見我

皇上堯舜之德嘉意作忠雖異代之臣猶惓惓矜青箱堂文集 卷一

憫臣既有聞於昔日敢不仰陳於 聖時臣都人也都城破日臣以本生母故營葬城外潛伏草土得聞文武殉難死者如東閣大學士范景文投井死兵部右侍郎協理戎政王家彥守德勝門被殺刑部侍郎孟兆祥守正陽門死於城下其子進士孟章明同妻王氏縊於其寓左中允劉理順妻妾子女及家人闔門死者十二人河南道御史王章巡行城上罵賊被殺兵部車駕司主事金鉉巡視皇城投身御河母章氏妾王氏弟生員金鏞

俱投井死兵部武庫司主事成德自刎其母妻妹俱自縊戶部尚書倪元璐左都御史李邦華副都御史施邦曜大理寺卿凌義渠左春坊左庶子周鳳翔左諭德馬世奇太常寺少卿吳麟徵太僕寺寺丞申佳胤戶科都給事中吳甘來福建道御史陳純德文選司員外許直皆自盡檢討汪偉與妻耿氏同縊四川道御史陳良謨自縊妾時氏同死惠安伯張慶臻闔門自焚駙馬都尉鞏永固自焚其室刎於火中凡此諸臣皆一時殉難之烈烈者考其生平非糾彈闢寺百折不回卽正直立朝忠藹夙著惟其平時犯顏敢諫所以臨危授命不移忠魂渺渺埋沒無聞恭遇聖朝鑒及幽冥臣竊爲諸臣幸之謹述所聞之最確者如此此外尚有戚臣焚縊而死以及隱忍一時終於盡命者迨夫宦官庶女世職青衿忠憤盡節者其人雖微其死同烈所宜博諮以仰副

聖明勿遺之至意至於逆賊入關渡河時長安縣知縣吳從義投井死山西巡撫蔡懋德大同

巡撫衛景瑗宣府巡撫朱之馮皆自縊寧武  
總兵周遇吉與賊大戰死其捐軀殉難忠烈  
皆同乞 賜並察以廣作忠之典若彼誤國  
擁貲掠拷而死者所當嚴戮以仰遵

皇上勿濫之諭者也臣感逢

聖主謹陳所聞以備諮察

帝王廟祀典疏 時任禮部尚書

禮部祠祭清吏司案呈先該本部題覆山東  
道試監察御史臣顧如華題前事內開臣惟  
追祀古王者人君之盛德等因順治十六年  
八月二十六日題九月初八日奉

旨禮部議奏欽此察得會典內開太昊伏羲氏炎  
帝神農氏黃帝軒轅氏帝金天氏帝高陽氏  
帝高辛氏帝陶唐氏帝有虞氏夏禹王商湯  
王周武王漢高祖皇帝漢光武皇帝唐太宗  
皇帝宋太祖皇帝元世祖皇帝共十六位致

祭及配臣風后皋陶龍伯益傳說召公奭召  
穆公虎張良曹參周勃馮異房玄齡李靖李  
晟潘美岳飛力牧夔伯夷伊尹周公旦太公  
望方叔蕭何陳平鄧禹諸葛亮杜如晦郭子  
儀曹彬韓世忠張浚又添張巡許遠共三十  
四位致祭於我

朝順治二年添定金太祖皇帝金世宗皇帝遼太  
祖皇帝元太祖皇帝明太祖皇帝功臣粘沒  
忽幹里不木華黎 伯顏徐達劉基五帝七  
臣入于帝王廟總二十一帝四十一臣致祭

有案該臣等議得臺臣顧如華疏稱商之中  
高周之成康漢之文景數君及周文王似不  
當損之俎豆之外此或由國初議禮之臣  
寧簡無濫揆之祀典實不能無缺畧也今再  
加參考槩令補祀明朝諸主良臣原未經差  
等者亦當校定選擇入祀恐未宜偏祀一君  
與徐達劉基二臣足盡三百年之品第等因  
查得明時止設帝王十六位功臣三十四員  
皆創業之君及終始全節之臣載在會典甚  
明至我

朝順治二年又經添定帝王五位功臣七員論功  
入廟遵行已久今察周文王以服事殷未爲  
開創而前代守成之君在當時親盡亦祧何  
況異代至從祀諸臣既經

本朝增定無容更議臣等未敢擅便謹題請

旨順治十六年十月初七日奉

旨帝王廟歷代帝王及功臣有應祀而未入者亦  
有不應祀而與者爾部會同內閣詳議具奏  
欽此臣等會同內閣公議得帝王廟創建于  
明朝洪武時端祭歷代創業之君其守成賢

君令有司祭於陵廟察會典開載及我

朝增定共二十一帝皆開創之主功業顯著俱宜  
崇祀相應照舊又察得守成之君不乏諸主  
如商之中宗高宗周之成王康王其行事見  
于詩書史鑑誠爲守成令主漢之文帝史稱  
其節儉愛民海內安寧家給人足宋之仁宗  
恭儉仁恕忠厚之政培有宋三百年之基明  
之孝宗仁恭節用任賢圖治憂勤惕勵始終  
不渝以上七君皆屬守成賢君但帝王廟原  
祭創業之君不祭守成之君今守成之君應

否進廟並祭臣等未敢擅便伏候 睿裁  
至從祀功臣其建功于開創者固祀之卽其  
後有功社稷者亦祀之原就一代之中論其  
功而不論其所事之君也見今從祀者似宜  
照舊惟有宋臣潘美雖平南漢有功但其爲  
主將與契丹戰敗于斜谷復不能制護軍王  
侁擅離陳家谷口致楊業父子無援而死因  
削美三任宋之不能復征契丹實由此敗察  
其從祀原屬續增再若宋臣張浚三命爲將  
而三致敗敗于富平關陝遂不可復敗于淮

西而鄴瓊叛命敗于符離而中原不可復且  
効李綱招軍買馬之非聽吳玠之訴而殺曲  
端與岳飛議不合奏其積慮在于併兵觀史  
鑑所載雖爲南渡名臣而初無灼然之功于  
一代是未可與韓世忠岳飛同日論也是二  
臣俱宜罷其從祀臣等未敢擅便謹題請

旨順治十七年六月十八日奉

旨商中宗商高宗周成王周康王漢文帝宋仁宗  
明孝宗俱入廟並祭遼太祖金太祖元太祖  
原未統一天下且其行事亦不及諸王不宜

青箱堂文集

卷一

七

與祭著停止餘依議

禮部祠祭典疏 時任禮部尚書

禮部祠祭清吏司案呈奉本部送禮科抄出  
刑科都給事中臣粘本盛題爲祀典係治統  
道統攸關恭請釐正以光盛治以慰人心事  
順治十七年二月十五日奉

旨禮部議奏欽此臣等議得虞周北嶽皆稱恒山  
未言祀於何地漢宣帝神爵元年制詔太常  
定五嶽制祀常禮祀北嶽恒山于上曲陽此  
書祀地之始漢書地理志常山郡有上曲陽  
因避文帝諱改恒山曰常山卽今真定府唐

青箱堂文集

卷一

八

武德貞觀之制祀北嶽於定州蓋曲陽乃定  
州鄰邑今曲陽縣嶽廟唐宋皆有遺碑而宋  
臣韓琦碑文云嶽有祀不知廢於何代今廟  
於曲陽之西距嶽百餘里有唐以來記刻皆  
不載廢遷之由此碑記可據者元至元三年  
定祀北嶽於曲陽縣考會典明朝亦祭於曲  
陽是漢唐以來皆祀於曲陽非止石言與宋  
也本

朝遣官致祭亦在曲陽又案查順治十二年臣部  
覆太常寺沙莫哈等爲敬陳未舉祀典一疏

其祭北嶽恒山仍照會典在真定府致祭今據科臣疏稱俗傳恒嶽之石飛至真定之曲陽縣遂移祀曲陽以爲荒唐不經誠有所見相應

勅下山西撫按察渾源州恒山有無北嶽祠遺蹟其致祭應于何處爲便具題臣部再行酌議至於周公罷立廟於太學自唐顯慶二年長孫無忌等議周公制禮作樂功比帝王儒宮就享實貶其功遂定周公仍依別祀配享武王今周公配享武王於帝王廟其道德功業已極昭矣既不與孔子並祭太學乃於文廟後別立傳聖祠殊失尊崇之禮未便舉行謹題請

祀典第二疏 時任禮部尚書

祠祭清吏司案呈奉本部送禮科抄出刑科都給事中臣粘本盛題前事內稱臣惟岳鎮海濱爲天地神靈之所萃聚等因順治十七年六月初七日奉

旨禮部知道志書併發欽此又禮科抄出欽差提督鴈門等關巡撫山西太原等處地方兼理雲鎮諸務兵部右侍郎兼都察院右副都御史臣白如梅題爲祀典係治統道統攸關恭請

睿鑒釐正以光盛治以慰人心事內稱順治十七年五月初十日據山西布政司呈據大同府申順治十七年五月二十四日題六月二十三日奉

旨禮部知道欽此案查本部前覆科臣粘本盛所請恒岳祀典宜正一款請

勅山西撫按確查渾源州有無北嶽祠遺蹟其致祭當于何處爲便查明具題再行酌議今據該撫題請前來相應議覆案呈到部該臣等議得恒嶽祀典據撫臣所參考志書所紀載

皆歷有可據與科臣所請相同則恒岳之祀

宜在渾源明矣嗣後當停曲陽之祀移祀渾

源可也謹題請

旨順治十七年十一月十一日奉

旨依議

請告第一疏 時任禮部尚書

臣謏劣庸愚蒙

皇上拔列詞臣復荷 隆恩起之病廢歷陞今官

是臣戴破格之恩實深惟思盡職以報萬一

但臣負質孱弱夙多疾病怔忡時作每一舉

發心意恍惚四肢無力惟念 深恩未報何

敢輕瀆 宸聽乃自去年以來右臂作楚舉

動艱難脾胃虛弱飲食減少苟可支持未敢

一日偷安今年四月間復患下血之症延醫

吳邦瑞趙殷嘉診視咸云氣血兩虛此衰年

老病不能旦夕取效兩月來虛火上炎怔忡

不寧仍勉強辦事乃於本月初四日在吏部

會議之時此症大作頭眩心慌迨事畢歸寓

醫治數日來日甚一日鼻乾氣促行走艱難

復慮曠廢職業則負 恩之罪滋大 臣再四

思維人有疾病則呼父母臣既真病迫切不

敢不實告之 君父之前仰祈

皇上垂察憐臣犬馬之心無已而蒲柳之質蚤衰

俯准照通政使司通政使曹國柄宗人府府

丞高珩例在籍調理庶免曠瘠之咎終戴生

成之 恩且 家 在

都下雖退處閭閻猶仰依

日月臣不勝惶悚待

命之至

請告第二疏

臣前以病患下血陳情休致荷蒙寵命暫假  
調理高天厚地之恩臣感激涕泣爲期調  
治少痊卽謁免供職經今兩月有餘醫藥未  
間而前病時作心慌氣促不能自持伏念秩  
宗重職豈容久曠典禮所關又不克力疾辦  
事此臣朝夕跼蹐不能少安於心者竊思鞠  
躬盡瘁固臣子之當然患病糾纏亦 君父  
所必憫爲此不避煩瀆仰祈

皇上垂憐臣病非旦夕能痊准令出缺調治俾臣

免曠職之懼庶得安心調理倘醫藥苟延皆  
皇上再造之恩矣臣不勝惶悚待  
命之至

請告第三疏

臣稟賦素弱年衰多病自近年來時常下血  
心慌頭眩不能行立於昨年七月九月兩疏  
具陳俱奉

旨准假調理方欲再行懇請忽值

世祖皇帝上賓哀痛迫切勉強辦事不敢遽瀆三  
月以來下血不止行動支持廢理既虛寒火  
易作肌膚消瘦病勢日增近復患頭疼心一  
煩燥氣卽上衝疼不可忍竊念禮部職掌雖  
未爲繁多然典禮所關則實屬重大臣以久

青箱堂文集

卷一

五

病之身時而入署辦事力疾支持時而臥病  
私家素餐是愧終恐曠廢職業爲罪滋深伏  
祈

皇上垂鑒憐其真衰實病准照通政使白肩謙例  
在籍調理臣家在都下倘醫治苟延則有生  
之年皆近沾膏澤之日也臣不勝惶悚待  
命之至

請告第四疏

臣稟質薄弱夙多疾病昨年患下血之症兩  
疏陳情仰蒙

世祖皇帝勉令供職今年五月舊病復作具疏上  
懇既而遵 諭自陳俱荷

皇上留任數月以來力疾辦事無奈病勢日淡本  
月初二日下血更多心遂怔忡四肢困頓延  
醫吳邦瑞程儀鳳調治咸云年已向邁氣血  
多衰未可日月奏效臣竊思人臣之誼惟恪  
共職業以圖報稱今夙疾增甚不能黽勉若  
致曠職則負 恩之罪更自難容再四思維  
不得不以患病寔情仰祈

青箱堂文集

卷一

六

皇上垂鑒准照吏部左侍郎石申例解任調理倘  
得醫治苟延 恩同再造矣臣不勝惶悚待  
命之至



與申鳧盟

荆園語真切平實所謂道在通與易者可笑人皆不習不察不從通易處作人翻欲說神說怪是看得遠且難矣如稱引感應篇梓童勸世文等固是勉人爲善好念頭雖士大夫亦且注釋廣布總是望人作好人但捨却孔孟之訓而崇尚神道雖神道設教聖賢所不廢抑捨其通易之正路而尋難遠之他徑矣足下語語皆從人倫切至處開導其涉世之濫持已之正卽孔孟之所以訓人者止此通易功夫千古來聖經賢傳千言萬語只是教人成其所以爲人而已人之患不患在不知在于不行知而不行旣非可云知必其行之方謂之知知得十句行不得一句總謂之不知已耳願與足下交勉之業命兒子錄奉案上時當提命更望足下公之于人不徒私諸子弟也

答申鳧盟

謂公來附數行爲候諒塵清覽拜教垂念慙慙感何可言且喜動定康萬至云欲圖寡過未知能否此學問進步之言爲之佩服吾人一日之間語默作止其不至有過者幾何患不自知耳故子路人告之以過則喜此段勇猛力量非大賢不能吾夫子亦云可以無大過絕不云無過但期無大過此非聖人之謙言皆實切工夫求其寡過但在改過故又云過則勿憚改誠能有過卽改何患不至聖賢地位若顏子之不貳過所謂真能改者今人博覽羣籍反將聖經賢傳切近道理忽畧僕不以爲然足下以爲何如

與申鳧盟

荏苒違曠候爾歲晏承示說杜以偶病未卽奉答  
若甚闕然比來詳讀不第爲杜詩功臣實爲古今  
讀杜詩者指出路徑矣昔人之論不一子瞻書至  
致遠思恐泥句謂此不足法先儒以其用經語之  
病他若贈爾秦人策莫鞭轅下駒誤以繞朝贈士  
會方策之策爲鞭策之類古人多有之正如足下  
所謂疵處不必諱然不可不知大著中述七歌竹  
林猿爲我啼清晝畢竟多一竹字曾見李君實先  
生雜綴云竹林同州鳥名色青善啼杜正用此注

青箱堂文集

卷二

三

者乃改竹林爲林猿今以爲多竹字似以竹林猿  
三字並存者再爲參考何如僕年齒已暮讀書不  
能考究偶有記憶聊陳左右拜命作序竊以凡爲  
序原欲言其著書之指如大著已自開卷昭然又  
何須贅語聊書數行于末以志忻幸節維長至福  
履不禱筆墨附往以佐佳興濡墨臨風瞻佇久之

與魏環極給諫

簡不敏竊嘗私淑於先生久矣何幸不棄得親炙  
左右復教以紀言如晤語諸集奚啻周行之示乎  
捧玩之下未能輒窺高深讀所謂吃緊工夫在夫  
子之道忠恕堯舜之道孝弟至謂理學一途今人  
率不肯爲又云世人視理學爲畏途僕不知世人  
所謂理學何所指先生不云乎每見人說理淡奧  
便知不是聖人之學人倫日用是學也又有云讀  
書所以窮理簡請下一注曰窮理所以做人古聖  
先賢千言萬語亦只教人做人且莫論做聖做賢

青箱堂文集

卷二

四

且論做人能做得人則作聖作賢卽此而在矣世  
人看理學太高遠不知理之外無學理學之外無  
人不必說學理只說學做人人能離做人而別成  
箇人否至若先生諄諄以移風易俗爲念正以教  
人學做人人人學做人則風俗未有不易者此則  
先生昔風勵倡率于一鄉一邑今立朝廷爲言官  
其所爲風勵之倡率之者兼善之學正有在也讀  
如晤語所以虛已求友可謂至矣天下同此人則  
同此理誠能質疑考信勉善規過千里原若同堂  
亦何必覲面而後爲契合也未俗聲氣之習甚于

大公之理有礙先生諒有取耳簡衰年寡聞學疎識卑本無所知何敢率談理學惟是先生一種虛懷使人敬服不禁妄陳覲縷惟于篤學力行願時奉提撕不願以言語議論多枝節也

答魏環極司農

老年廢學雖欲自勉而力不逮切望提撕于有道又未及時造高齋拜讀大著從衆所知所見習而不察之中拈出至義工夫至此真爲切實敬書之壁上以當面命妄意聖賢之學莫要于自得誠能自得則自有樂處孔顏思孟各有得力處卽其樂處經有道窺其精微發前賢之所未發昔人所謂功不在禹下也卽吾夫子所歎未見者或以望其人之有以自得也望之切則與之嚴每以未見爲慨若夫點也之與以及虞仲逸夷之倫又未嘗不與之何也或亦以存于中者亦有自得乎夫子之所欲見而未得殆亦勵及門之庶幾者耳若求爲夫子所欲見之人不可以當時及門尚未之見以自阻更不可以當時及門尚未見以自恕只在真心學聖賢不患不至聖賢地位請從大著尋孔顏思孟樂處始

與孫北海少宰

學典之纂此昔人所無奉命校閱純粹該博得見所未見其拜益曷極于中字句謄寫之訛脫知者卽爲點定疑者皆爲標題以俟詳考若其附見如文章節行之類雖皆學行之事愚意旣以學之典故爲名惟于學典有合者列之更爲精核文章節行之事或因其人而見若一泛及則收之不勝收反有遺軼之失高明以爲何如得無笑其鄙陋邪

與施尚白

憶昔暫爾邂逅數載室思少申潤臆征軺促刺又復分携再勞過別不覺淚灑襟袖虎臣至都述和詩愴悵興懷至今耿耿在苒曠違歲時又積未及剖魚腹方期足下式是南州文武爲憲士懷有德之言氓畏大車之賦佇膺內秩以展嘉猷竊在下風可以朝夕侍側不意官在議裁滯此良晤過蒙不棄惠我好音三復拜誦陳誼殷悃使人益增感企每念清標素質德內蘊而文外彪玉潤珠光不啻也比聞研精濂洛之學此自是學者本分事僕幼而失訓老切自勉期從事于力行而未之有慊士大夫時或講說及此但言而不行心竊不取先儒有言末流之弊只成說話至于人倫日用最近處不得毫釐氣力不可不淡懲而痛警僕不敏銘勒斯言竊以言之諄諄與我無分毫之益不若實體驗于行習之間盡得分毫便纔分毫是人聖人所以重躬行也人只是看得尋常行習爲無奇別欲說賢說聖不知聖賢切緊學問正在尋常行習中高明以爲然否天與我以歲月正好有一日行一日出可行處可行不是閒方能行悞便不能

行其所以能行者不越一誠誠則無時不能行此切實功夫惟望好我時時提撕相勘千里何殊一堂諒著述日富幸慰企仰一切翺跋未可言盡

答汪茗文

曩獲讀大作一二篇日夜企慕期得多讀數篇爲快且數年于茲矣拜序傳十篇適抱微疴亟取捧誦不知病之倏去也竊意自龍門廬陵以來及于震川自震川至今所以起衰振弊非足下而誰屬耶若所論向欲奮于功名既而左官始得肆力經史作爲文章若以功名文章爲兩事者僕竊以古人功名如周召何莫非文章文章如濂洛何莫非功名誠以文章之道承先啓後其關係世道人心者甚巨功名蓋莫大于是矣足下文章原經溯史已據作者之勝由此不惟言之實能行之經國制宜功名又豈在文章之外哉千百年來文章正派寥寥數人耳幸珍重卽震川復生諒不以僕爲佞足下也僕年齒已暮勉強學問非其時矣惟當吾世猶獲見足下之文此實餘年之大幸尤望時時有以教之

與計甫草

程子云不學則老而衰僕既老矣何敢言學但自少而壯困于不知學而終歲事于學習而安焉至今仍然舊習未忘日夕涉獵不顧詳其事而察其理不免玩物喪志之患暮春偶病輒廢書不觀者餘一月足下相見時欲敘間濶未能多一語及拜佳集又不能戒其不觀也日以二三篇爲限而二三篇又反復誦繹不啻十數篇矣近日之作與昔日之作少異者昔藉道以傳文今則以文發明乎道善乎黃岡學士之以大全或問進足下也足下可爲善承師傳者矣僕豈復能贊一詞乎若夫効愚而不自知其愚雖以知而不言非所以待知己然亦不自知其所知者未必其知之也知我如足下惟望恕其愚而矜其老幸甚

答計甫草

數日來展讀大作往復歎服何可言今之名爲文者固不乏才藻求其真知子長永叔者幾人不意見所未見竊私喜老年得此良友也其敘述高潔起伏貫變承接脫化叅之熙甫集中正不知孰伯孰仲也誌傳更屬超逸僕幼而失教老而勉學妄意作文不獨擇言亦須擇題諸作中如能讀亭記亭名宜易苔文言之矣其句如在天之靈尚宜擇之至若稱許于人雖不妨溢美或爲識者有過實之議雖勉徇人意旣欲無媿藝林則不得有所瞻顧矣此固僕之妄談非于足下前亦不作此語足下必原諒我也至若題辭正不須多且序者序作者之意耳必知之真始能言之近見時人之文必假諸顯人纍纍簡端是人人能爲三都增重耶僕以爲只苔文一序亦足千古矣

答宋澄嵐

五十年老友不相見者且三十年僕年逾七十年  
丈亦八十餘矣以三千里之間隔述三十年寤寐  
之懷雖累數千言豈能罄萬一乎追維崇禎戊辰  
之春年丈兄弟叔侄相與共集于泡子河之旅舍  
僕日再至焉把酒論文氣壓一世間相戲謔形跡  
俱忘既而顯晦不一而年丈公車之便三年一晤  
焉亡何華之五河七卓九青相繼淪沒覽滄桑之  
變尚視息人間者惟吾兩人耳每一念及便有千  
里命駕之想而逡巡忽數行之札反闕然從偃  
息中忽拜手教其爲幸慰真未可以言語喻也披  
封申紙年丈之襟期音響恍如覩面昔所爲俯仰  
今古砥礪平生一時盛氣今安在哉人生得意常  
少幸而天子歲月所爲紹往開來著書自娛聊以  
消受餘生試念榮枯開落之變耳目所經者不知  
其幾何堪更失造化佚我之意乎年丈以爲然否  
貴門人返轡聊達鄙衷向來遭逢不堪回首者一  
切等之夢境尋夢覺後達士曠觀必不爾也吾輩  
友誼蓋有河山不能間遲久不至遺忘者聊藉尺  
一展我契濶慰矣翮其之思終未可畢諸紙上之

拙寫也承示柳村之子造詣清上可紹先業爲之  
忻慶恨未卽一晤每念五河七卓諸公子皆有一  
面惟九青公子自其遊泮後曾無聞問聞其學業  
有成兼善詩畫緬維九青當年卽骨肉未逾壬午  
之夏公子始生卽別長而至今或未知當日之交  
誼耳晤間幸一道拳拳林寺姓字未嘗不時着胸  
中並祈道意拙刻三冊附覽僕之出處情狀畧具  
其中臆不可已遂致縷視

答趙同州

閒居之中忽拜翰教正如空谷足音舊知久絕足下獨能于衆人之所不爲而爲之其言感尚淺真佩服無斃矣既而捧讀大刻始知足下千古何人何尚以世俗人頌之乎令兄佳什絕于蹈襲真是名家誦李叔則序文恍如昔日舟泊寶城把晤夜飲時此弟流離萍水之交也年來久不聞其去住無從寄問今想歸故里矣望爲道拳拳昔夜酒闌歌靜秉燭伸紙爲作飛白書今尚藏之篋中時時展玩如見故人僕予告以來一編朝夕猶然一老書生也其何以加益而礪之乎望之倚楮神遊

與楊商賢

入夏來三接手教而黃石所寄在其次也讀選定詩莚此近時所未有開示來學小子有造矣長夏無事念昔人云讀經宜多于讀史今之學者雖五經註亦未能詳覽何論箋疏大全乎追悔少時荏苒過去期以讀五經爲夏課雖毫無所得藉以收放心復念年遍七十勞勞徒自苦耳然捨此又何以度日匪云老而好學聊以適性之所近而已吾兄何以教我伯闇還肅此爲候山河迢遞年俱及矣何時斗酒一傾契濶也



答楊商賢

近從黃石便郵數行爲候此冬至時也旣而接手教知此來動定佳善貧而力學人或以貧而廢學若貧而力學則善于處貧者矣弟媿未能爲兄之貧計而實服兄之善處貧卽學之有得者矣至于古文詞知者之鮮此不足怪文所以載道也舍道何以文爲而今之爲文者其于道也何居旣不知道何以知文求其知道必窮諸經以立其基而復參之史以觀其變今之爲文者他不具論如從唐宋大家以上邇于史漢者亦徒以文而已豈知其

青箱堂文集

卷二

七

所以不朽者有道之言也先儒有言道者文之根本文者道之枝葉惟其根本乎道所以發之于文皆道也近代文之盛者如宋濂溪王忠文方正學以及王道思唐荆川王文成歸熙甫茅鹿門諸先生文集誠能潛心詳觀亦自可知爲文之正宗今之言文者未必盡知諸人之文或知之粗心浮氣究其所以合于道何在也最近者莫如艾千子錢牧齋諸公皆能爲古文而知道者也一時繼起則汪北邨琬計孝廉東葉編修方謁陳進士王璠諸君皆步趨先正邁越時輩而能自見者若其人已

亡而遺集可傳如吳門之婁子柔中州之侯朝宗朝宗之壯悔堂集北方尚有傳者如子柔集則北中鮮有知者矣若江寧有少年能文而早亡蘇武子桓者問遺集可觀望並婁集覓之見寄弟近作金忠潔鉉祠堂記成相公母夫人誌銘似有經營道遠未及執正每作一文成而無知者相就正是悶人事誠如兄之言也弟少而廢學老而自勉總未能窺見藩籬况堂與乎徒日夕以經史自娛遲暮而已豈敢言文積學多慧如足下從荒寒寂寞之中好學不倦其于經于史必有盡其蘊輿而大

青箱堂文集

卷二

六

其規模者正不必汲汲于一時人之知但從其有合于道者勉爲之必有能知之者須有蘇長公所謂爲文最樂之致或亦可忘其貧矣迂腐之談乘便奉復蕭蕭歲暮無以爲情徒有悵惘春鴻南來幸有以教我

答萬公擇

僕幼而失學長無所聞今老矣雖操行砥志不欲  
自棄而日昃之咎豈能前驅而馳耶辱足下不忌  
令先人之交而惠以好音道誼風期無不干古報  
章遲遲非敢忽也自度年入衰暮進修無得不足  
比數于當世之君子無足爲好我道者逡巡遂至  
積時竊思來而不往禮之所戒雖與足下未及接  
塵而遊而德業之聲固頻聞于耳矣是寤寐而思  
山斗屬望者亦已久矣不復作居常慙慙臭滋之  
泛語以溷聽惟冀高明求諸聖賢之學者知而允  
蹈從日用平常入孝出弟實踐履中求之無滋  
講說而忽躬行借人以言不顧行之口實先儒曾  
論歐陽文忠讀書只要作文章都不曾向身上作  
工夫此則僕老而無知數千里外願質之左右之  
迂談腐話也崔後渠亦云讀經見諸行事因事驗  
其經旨口誦六經不能行則涉其辭耳復願足下  
以此淬礪僕之不逮也至若懷思尊先人安履風  
昔之誼真如前生事耳其爲感歎踟躕有難形之  
楮墨之間者適因風便肅謝雅存并申曠耿倘足  
下不以爲老耄不足語跼企景提之及矣末由相

見情與楮馳

答陸桴亭

當吾世有桴亭讀其書想見其人久矣未卽致尺一之書致慇懃于左右是亦有說未同而言昔人所戒量而後入竊奉教于經訓矣僕自度不能不踟躕再四者幼而失學長而無聞中經喪亂其顧影自慚而不可告人者蓋亦多矣且年已衰暮尚何晞光附景之爲乎雖然世固有論交徧遐邇而不知于一人以爲幟者高山之仰景行之思并于胸懷不能自己讀思辨錄倡明正學如日星之經天江河之行地進退古今囊括宇宙實有下手處

青箱堂文集

卷二

三

非第勒成一書以見志而已聞之貴門人知尚多成書而未行聞而未見者雖求教之念拳拳未敢直達記室屬貴門人以致鄙懷旣而王異公來都門反辱賜書拜誦之餘實幸餘生不爲有道所棄欣慶何如竊以茲可致款問于函丈矣歷夏經秋率在藥爐間遲滯廢禮中夜徬徨自念生無益于時惟此紹先啓後或可自勉雖老矣切切于衷嘗慨力學自修之士或目之爲學道之人其人亦或自以爲學道不知捨却人倫日用何者爲道聖經賢傳所以提撕諄諄不過此人倫日用之常道誠

能于此學知而允蹈之此外更何所謂學道也聖賢之道原非高遠卽愚夫愚婦之可與知者無如吾人入耳出口未嘗誠行諸身耳僕願桴亭身率之雖不敏並所鞭策無詒人能言而不能行之訕謂未行之書應謀所以廣之未審有信僕言者否也拜命爲序則未敢以淺陋失學之人而妄爲稱說將爲知者所笑爲不知者口實此非獨僕應自審諒桴亭亦當以此戒我也何日得侍色笑質所未聞翼王違曠二十年仲冬得復相握語惠我良友感逾尋常之萬萬矣端此奉書爲報山河綿邈

青箱堂文集

卷二

三

之思又非如世之聲氣寒暄而已矣拙刻附政不宣

與周翼微

僕迂拙寡交所幸二三友人以學業相勗比各散去門下今復遄歸何以爲情里言志懷並博一笑承諭思辨錄序竊念幼而失學老益鈍耄讀此錄再四而旋多遺失未能窺見堂與而可妄爲稱述乎然亦欲綴數語以志景企而徬徨未敢者自維平生尚多可耻何能覩顏以希附賢者嘗歎末俗託名講學言不顧行比比而然甚且受寇僞職居然矜言學道真所謂不知廉耻爲何物將以何者爲道也王文成有言末流之弊只成說話于人倫

青箱堂文集

卷二

三

日用最切近處都未得毫釐氣力卽錄中亦云真能學聖賢則古人書冊中言語句句可以入門眼前語默動靜事事可以入門此誠切實功夫語僕以爲聖賢只是做得人成耳學者學聖賢不過學其爲人誠能從入孝出弟人倫日用切近處作起今一云學道看得便高遠將日用切近正緊道路反忽畧不知道卽人所行之路之名也人日日行走皆是道能于此著力卽是學今人之學學爲文詞耳不則別求所爲道豈知人倫日用間舉步是道乎桴亭于聖賢體用之學錄中悉備真千古絕

學之傳功不在程朱之下固不待他人之序卽序之亦不能盡其精微惟願學者遵而行之無徒稱爲先生弟子而伴實行不彰是所厚望諒亦桴亭之心門下歸而道之或以僕能知耻尚可教乎他日當以贅言求正也

青箱堂文集

卷二

四

與王淮亭

台教撰蕭舍之副憲誌銘聞其諸子意甚篤切人子知于此處着意可謂孝矣不欲假手于人僕雖不文敢不竭芻蕘之思或可發舒所見以慰孝子之心但行述所列亦有可商者如誥授中憲大夫若經題過四品之封則可如此書而考妣亦非郎中宜人之稱矣若未遇 覃恩之封似乎中憲非所宜稱如近有書二品夫人之稱貽譏識者蓋一涉假借恐應然者亦不足取信矣如先大夫昔官布政使未受二品之封但以領過三品之誥稱中

大夫似乎禮應如此至其母夫人生時受封應稱太宜人若贈則止稱宜人其事有宜直書者正不必回護以滋疑而一切官階地名皆從今制正不必用古名使一代之制度混不可辨至于行述中之所有或畧所無爲之補出皆據迂腐之見期乎可傳竊以人之生平必有其大端處從其大者著論方有生色如舍之當姜瓖之變身在城外母在城中不惟處之者難卽論之者亦不易于其中拈出至當之處則他行隨年黜綴皆有可觀寒宵長炬雖有經營終媿未能歸其疎淺惟高明正定以

語蕭公子也

答王濯亭

未知清恙未及趨候僕病雖平尚不耐動作造謝遲遲歉也何如石仲生少司農以喪禮垂問僕豈諳禮者媿無以答但仲生四歲失母時今歿者在諸母之列曾盡撫養之事否前何太夫人是繼嫡耶抑諸母耶若曾撫養自有八母之典在若何太夫人已爲養母此可又爲養母乎俗衰教失仁人君子能存一分厚道便可扶植綱常若衰麻重服古禮父在不能施之母嫡在不能施之生今雖不然若繫施之似無所分其輕重矣禮由情起情所不能已或于喪諸母中加隆焉若心喪之類亦可倣而行之乎幸于會典喪制中詳察稱情而施無過不及少司農自能成其大孝僕寡聞之說未足爲據也

答蔣謂公孝廉

睽別再歲徒有耿切以聞問之疎遂不知有太夫人之變奠唁俱缺可謂頑頓廢禮矣拜教卜葬有期不能數千里相赴束帛以代生芻幸爲俯鑒至若尊公誌銘此重大之任海內善爲古文詞正不乏人胡乃越數千里命老而無聞之人耶惶恐恐遠道遜辭慮後期獲罪謹就行狀刪潤成篇勉以應命覽而置之幸無以此妨名賢之路也尊公徽行累數千言不能盡欲求可傳不得有所取舍益在足下述之惟患不詳而作誌者不妨或畧也若述中所載以某嗣某後降列孫男行一段此似于序不順故于誌中男某孫某槩未詳及昔人亦有此體惟足下裁之雲山縹緲言陟無從卷卷之私惟珍重以全大孝

與鮑大令

近世誌銘于古人所謂其言足傳與否俱不論但于顯宦中官階最崇者取其足炫世俗之目而作者亦不論其人有可傳與否但紛飾描畫極其諛而已轉瞬人與言俱漸滅無聞矣僕每憫之拜教爲尊公作誌僕言亦不足傳者但不敢爲諛耳如尊公一生大節目所在若不先提起說明則何以釋疑而傳信于後乎寒夜青燈憶往考舊頗有經緯未識有當高明否幸有以教之

與周次修

文之于天下傳聖賢之精微紹古今之神理所關甚鉅然言之不文不足行遠自六經諸史以及百家之述作非文不傳則文不可一日無于天下然論文于今日實難言矣言過其實事務于奇摘詞非取于艱險則取于浮華如此言文則又何足關于天下乎王忠文有言文無定體而有體必其大體純正明備而後足以成文僕嘗以爲大體正如人之身耳目四肢原有定位然後才智持行各得其分卽所致效常不同而于大體則儼然各當其位以此求之固未數數見讀足下文大體明備而正變如意正非效某文之體而不變變非變某文之體而失正者也猶且疑于人之言以爲未知所從此非足下之謙詞實足下好學無已之志不自以爲是以求文之何以爲得其體耳自六經四子及漢唐宋元諸正宗之文皆足下所熟覽而詳求者矣試于近代如宋濂溪方正學王忠文王遵巖王文成唐荆川歸太僕茅鹿門諸集中所論文之旨折衷之則知人言之孰是孰非而已之所至之孰合孰離昭然易知矣以之衡古今之文則自

有如大體之不可易者焉又何人之言足疑乎僕  
夙不知文偶有所作自媿于體多謬敬錄數首祈  
爲審定其所以不合乎大體者

與葉訥菴太史

吾輩備位侍從所謂學古通今是其職業學古或  
失之迂通今或失之泛在我無確然可據之見地  
則何持以盡職讀急論三作援古証今探究應急  
之本原則世之急者尚其末誠于本而急之則不  
自舉然所應急世且因之爲不急此其應急者甚  
危而其所自爲急者日急也嗟嗟世風至此挽之  
殆難明論痛切言之矣長沙之治安尚有不盡其  
急者矣至于在上之以禮義廉耻勉其下而下乃  
以禮義廉耻勉其身誠爲至論其謂迫以不得不  
貪之勢而不能免其爲貪之路然所以迫之不得  
不貪者非止祿不足恤其私更有教之以不得不  
貪者則尤可患也先儒有言根本之地在朝廷朝  
廷以禮義廉耻勉其下者莫急於用舍應用而用  
應舍而舍一本禮義廉耻爲急務則下之所以希  
其用而避其舍者不由禮義廉耻亦何以爲術哉  
上不急所應急而欲之緩其所爲急以急其所謂  
不急必不可得之術也三復佩服真有用文章程  
明道之文非藉道以爲文者卽永叔之本論當遜  
一籌矣臆不自已遂致覲縷尚祈有以教之



復歸元公

山斗之仰饑渴之思二十年于茲矣徒以遲暮不能前驅而馳未敢希光附景輕竇于名賢之側忽拜手教其爲感慰真未可以言語喻也更爲欣忭者太僕先生全集刻竣此爲人子孫第一事足下褒集既詳更經名賢次第不惟太僕先生百餘年來面目一新而當年神志精意倍爲煥然其爲海內能文章者知所朝宗有功藝林真足千古矣作序之命僕何人斯而敢冒昧以取妄作之誚也謹述與董舍親之語以志夙所景仰之私惟覽而擲之可也得讀大著益深企慕倘荷不棄獲徧觀珠璣庶此生不虛矣僕無學無識雖偶效虫鳴鳥語聊以自適耳辱荷知已不敢掩醜謹以一二冊呈正久慕桴亭學行方慶得所師資俟爾長逝旣慟哲人之亾復悲餘生之不幸聞其遺著尚多亦後死者之責也願與足下交勉之擬爲挽歌尚容呈教白雲緲蔚言陟無從

與王迂叟

昔人云不如意事常八九此其自解語耳以學者觀之正不必如此說凡事有命若所行者不正其不如意是所應然若所行者正盡我所當行何論其如意不如意謂之曰意則有誠不誠在其間矣此來所行諒皆其應行而正不必問其意之不如矣暑甚百惟珍重去其如意不如意之念自多怡豫也乘便聊陳所見筆停思越

與法黃石藩長

便書頻寄得無訝其數數耶竊聞裁耗一事此今日所僅有者以此立身以此爲官必無所媿不啻喜而不寐矣適以吳廣文之便託爲問近履廣文昆季皆僕同門同年此門下所知而此兄交誼亦復有夙以甲榜甘就冷局其品可知矣附有腐論周子云師道立而善人多師道之不立也久矣有司以簿書期會爲能事而不知尊賢重道學校之長鄙瑣自居不知爲師之道僕以師道誠立人知尊師則風俗自美此在上之人重學校之作不以青箱堂文集 卷二 三

卷二

三

與朱娟持正

此以卜地得吉于祖塋左之舊墓地向改南北仍在張塋之前若于地北界築牆則與張塋太逼增高于舊垣之上則去其塋丈餘路南界外復有丈餘似非壓近昨傳示其喬梓之意爲其塋前計是亦爲人子孫情所必至但據理論之地屬地主自應任其所爲雖有勢利豈能相阻若值強有力者復何情理之足云乎生平看破勢利斷不可恃惟理爲可久今亦且不必言理但以恕道反觀設僕家塋地在後而他家欲立塋于前能不求其商酌乎吾輩讀書學作人是第一義已所不欲勿施于人此聖賢真切示人語然言之似易而行之實難克已之學正當于此着力僕當勉爲其所難者期別作籌畫以成仁人孝子之思至舊墓分疆植樹各不相妨或在相諒幸致鄙意正不必多覓關說以分向來相與之誼也

青箱堂文集

卷二

三

宛平王崇簡著

送少傅成相公引疾序

少傅成公之得告以歸也士大夫有美其去者有惜其去者其受知于公諸君子相與謀欲予序其意以爲贈予辭曰士君子進退之際惟自度于心非人之所得而知予豈能知公之心哉况不文乎辭者再而請者不已姑妄爲言之人之美公之去也無乃以生值盛時致身宰輔當明良喜起之時履盛而辭榮合乎知止之義乎其爲惜之者豈非以公年甫逾艾猷爲未竟所謂霖雨鹽梅人方屬望而遽賦歸來歟夫士大夫之去位蓋亦有別矣或才非世用不得于官而引退猶且詡詡于人以崖異矯激之行自矜或年已及形衰志落不顧顛蹶汲汲遑遑日探除拜遷調爲世所厭笑而罷此詭僞瑣鄙之所爲士君子羞道之若夫榮遇已極功成名遂念過盛之戒而高勇退之風未始非賢揆之國家所以登進賢良望其恪共于位匪躬自勵者何也若人皆以名成身退爲賢則朝廷之顯名厚祿適以爲人臣之資所爲君臣之義何居乎

公大臣也恭逢

聖朝知遇之殊恩寧敢以知止之念易其在三之節世之所爲美者公固不敢受且公在位寅恭夙夜翼翼勉勉日以不勝任爲恐惶不幸而疾作恩賜優閒一旦脫重負以自釋于勞煩暇豫日休神間體逸不日當以勿藥聞則所謂答蒼生之望者固可待也亦何所庸其惜即使恬然丘園長保餘榮以厚德元老稱重于世其自爲計豈不甚善必非公心之所出也度公之心當偃息之中遐思十年來職任綸屏躋身台鼎

世祖皇帝之所以恩被訓迪者不啻淪肌浹髓復荷朝廷恩禮優以調攝必有中夜踧踖徬徨不自安翼其速就霍然以矢報鞠躬者矣尚何美與惜之足道哉諸君子其以予言告之或庶幾公之自度於心者乎

武會試錄序

順治己丑秋九月諸郡國材武士復待試於司馬門趨風而至者視丙戌有加

天子俞樞臣請如前制

命大學士臣文程臣林臣充格學士臣伊兔臣蘇那海簡其騎射而復

命臣崇簡臣廷桂偕臣運長臣桂臣清遠臣應徵試其籌策方畧既勅茲竣事拔士二百人以

獻臣謹贊諸多士曰

朝廷之加意武功甚重也今方召頗牧近在左右

清箱堂文集

卷三

三

拔起之士非能紹其氣也而猶進之於夏官求其精良初試之則執轡如組四鍤如樹者勝再試之則射疏及遠不失正鵠者勝操茲二勝武事足矣乃猶曰

聖朝廣厲之意非一劍之任一人之敵也於是又使之橐弓服矢撰策成文而使詞臣衡之以是知聖天子之意深遠矣既而傳

制形庭

寵錫宴賚士從草澤來一旦脫迹平伍策名

天朝服其

命服朱芾斯皇其榮寵何如也臣不能無望於諸士臣所以望諸士者非爲其飛揚自得矜伐以爲重也非爲其拳勇剛愎伎倆以爲重也非爲其僥倖富貴草菅民命惜死保妻子以爲重也貴之而無驕則以禮重危之而無懼則以勇重委之而無取則以廉重期之而無隱則以信重禁之而無犯則以嚴重賞罰如加身賦斂如取已則以仁重兔置之詩其首章曰公侯于城其三章曰公侯腹心殆謂此也昔李將軍氣蓋一世而漢文歎其不遇時爲之言曰假令生高帝時萬戶侯豈足道哉今聖朝威靈四暢震疊河嶽芟除不軌遏劉耆功是亦諸士之時已諸士其重勗之以無負我

清箱堂文集

卷三

四

皇上振起師貞之盛心異日傳武臣者肅軍政則有正部曲嚴刁斗若而人昭文德則有悅禮樂敦詩書若而人奮攻戰則有裹糧坐甲靡旗摩壘若而人銘勲烈則有柅輿一占天子萬年若而人則諸士之自重於時者豈出方召頗牧下哉夫諸士之所自見者武也而臣所以知諸士者文也善武者莫若文此固

聖天子意也臣敢不宣言之於簡端其知武舉則

有兵部尚書臣餘祐同知武舉則有兵部左侍郎  
臣明阿達里臣化熙右侍郎臣朱馬喇臣承澤啓  
心郎臣常鼎監試則有御史臣去奢臣蔚例得備  
書

內翰林秘書院侍讀臣王崇簡謹序

錢氏疏草序

嗚呼明天啓寅卯之際魏忠賢以一閹宦擅天子  
大權且五六年祠宇徧天下至與孔廟孝陵並峙  
頌語不倫有至聖至神多福多壽或以九千歲爲  
稱皆見之章奏而無忌上之詔旨必以厥臣並行  
下之啓事書陛下必書上公三從孽咸膺公侯伯  
之封而明之世臣豐城侯且以王封誦羣逆効謀  
有不待九錫之命袖中之詔之勢俄而天啓晏駕  
崇禎踐祚斯剝極而復之時矣在庭猶瞻顧不敢  
發一言一旦以一胄監列其十罪以進通政司猶

拒之不納遂並糾之始得上達斯時也錢嘉徵之  
名聞天下天啓七年十月二十六日也十一月魏  
忠賢遂遣謫自經于途旋戮屍懸首阜城驛實自  
一書生發之夫當其僭橫時卽楊忠烈諸公適以  
喪其身迨可言之時矣尚有以厥臣公厥臣廉探  
當宁意旨非世盡無人也忠直諸君子非遭其刑  
死卽貶竄淪落于數千里而在庭者皆其乾孫義  
子惟水山之類是憂豈能改頭換面挺然爲不世  
出之男子哉嗟夫明遭閹人之禍數矣以劉瑾之  
宛惡其黨尚能制其死命而忠賢則官府內外無

不爲之犬馬是以瑾生正典刑忠賢以其黨預漏  
密旨得以自縊爲可恨也予與冑監君爲道義交  
聞其拜疏有危之者有重之者予過之則坦然若  
無事噫士須具此器量始可有爲益歎爲不可及  
間與論其先世給事公徽論星變核軍政主事公  
芹陳治平議治安並著聲于嘉靖之朝而太守公  
琦則諫武宗之巡遊覽其遺文仰思風義始知錢  
氏忠烈之氣本于歷世迨讀給事公復姓對錢本  
何姓明初法峻以賦役戍貴州應闔室行子裕始  
生屬育于鄰之錢氏以襁褓一孺子保世滋大恩  
青箱堂文集 卷三 七

斯勤斯皆錢氏也復何姓則錢不再傳而其姓泯  
亦不再傳而恩亦泯矣揆之于義于今錢之爲何  
孰不知之者錢氏之未墜卽何氏之永傳矣考之  
記禮也者義之實也協諸義而協雖先王之所未  
有可以義起其諸昆孝廉瑞徵輯歷世疏稿付梓  
人以垂永久命余序之謹述昔之所見並書其何  
之爲錢以著其義

徐侍御疏草序

山陽存菴徐公爲御史數年朝廷嘉其言有裨治  
道遷官六級荷茲

隆遇乃輯在職五十餘奏疏付之剞劂以昭

聖天子聽言之盛屬余序其意余淺陋且耄矣何  
能贊一詞敷揚其義間嘗觀歐陽文忠公云天下  
之得失生民之利害社稷之大計非繫職司皆得  
而言之者惟諫官可言之不言則爲失職將取譏  
于君子著之簡冊垂之百世而不泯是應言而不  
言將取譏後世其應言而言且其言之效旣見之

青箱堂文集

卷三

八

天下矣獨不可傳之後世乎或曰然則昔之焚稿  
者非欺嘻此非君子之所爲也臣有納忠之節不  
著君有用言之善不彰且言之邪正未可知烏知  
非掩晦其說以欺人惑世乎世之說者有以言職  
誠盡何取于揚已矜衆不幾于近名邪是不然士  
君子處昌言之朝遭人主之知讜言正議不第爲  
一時之嘉謨將以傳之天下後世俾有所考據知  
當日朝廷有忠盡之論其以表君德而勗言職豈  
爲一己之名哉若避近名之嫌令一時之開納湮  
沒不傳亦爲已之私而已人臣懷私已之念則所

言必非大公至正之道存菴諸疏其于天下之得失生民之利害社稷之大計皆可以質鬼神而俟百世何莫非大公至正之道斯天下之願見而後世之所欲知者矣倘以爲近名魏鄭公盡錄諫諍事付史官者非歟

宮侍御疏稿序

或謂古無言職之官而人皆可以言考周禮天官之屬師氏詔善保氏諫惡則保氏卽是言職歷稽往牒言之可行于當時卽可垂之後世讀在昔遺文雖百世之下未有不嘉歎誦法者或泥古不合于時宜徇時有悖于古訓以及激切訐譏雖足以動一時之見聞實無濟于治道能傳之久遠者鮮矣嘗慨蘇允明之論諫有取于理諭勢禁利誘激怒隱諷之術至以鄭魏公爲得其術達比爲無其術又以人主當有勢以驅之使言皆由戰國縱橫

權謀機智之餘習上下皆以術用求三代君明臣良之風安可得哉司馬溫公論擇言職則以三事爲先不慕富貴重惜名節曉知治體余以爲能惜名節必不慕富貴若不通達治體雖惜一己之名節何益于世事則言職必以知治體爲要每讀官定菴侍御奏疏未嘗不歎服其渙有得于治體也定菴讀中秘書究心經濟考古證今深思遠慮已見于翰林院著作及爲御史三月間封事數上其言不泥于古而合宜于時拯弊于豫而計利于遠訐謨嘉猷其關於治體者尤爲明著誠爲言職之

楷模無讓于昔人矣讀其疏而不興誦法之思者  
夫豈然歟

五經圭約序

五經圭約爲蔣中完先生之所纂述藏之家乘嗣  
君虎臣太史付梓人以公之世者也中完先生以  
沉鬱淵雅之才湛潛經學以五經者聖人載道之  
書凡心性之精微天人之感應窮神知化之理治  
忽存亡之機莫不備具皇極非此何由建彝倫非  
此無由敘人心世道非此無由以宣昭乃一厄于  
秦火而聖人刪述之全經不可求再厄于傳疏之  
紛紜而聖人之精意愈以失夫生數千載之下聖  
遠言湮乃欲以已意爲之穿鑿附會師異說人更  
青箱堂文集  
卷三  
十一  
端指意殊方信雜說而不信經文知新奇之可喜  
而不知乖異之畔道昔人所謂僭經擬經窮經而  
經亡後人之多異論也先生潛心抽繹始于力學  
之年卒業于宦遊之後歷有年所乃復矍然有所  
不足度藏笥篋以俟叅考而後問世迨先生歿而  
太史觀手澤以興悲念先生竭精畢力所以纂述  
前聞以開示來學之意若秘而不傳非所以爲孝  
出以公之天下屬序于子余不敏雖未及徧讀大  
要迪覽前賢之所得不矜異不苟同稽本末以著  
其言探幽隱以究其旨疊疊焉啓前惑而覺後疑



庶幾乎存古先聖人之要旨非夫浮華博習之所規取也太史適督學畿輔卽以廣厲博士弟子余嘗慨科舉之學原欲取通經之士乃末流趨于簡便反若以通經爲科舉之蠹甚有白首一經問其本末大義而茫昧無以對不則摘取字句按類分門影響填寫謂之通經亦可醜也太史愍士風之流弊不難出家學之精義以董正之將見經學明而人心正聖道不墜而化理丕隆行且橫經殿上敷陳黼座先生纂述之深思不益彰明歟於戲余于太史觀孝矣

廣從政論政錄序

語云學而優則仕仕而優則學誠以有諸已卽以施于事用于世復以考夫學學與仕原非二致總推行此理而已理者何人所秉之性率之而爲道者也世之論者每以存心于學道則有妨于用世存心于用世則有妨于學道不知聖賢之爲學不徒有諸已固以推而見諸用以輔相天下之宜學道卽用世用世卽學道故天地之大萬物之衆而位之育之皆不外于誠求而實見篤信而力行吾夫子之論賜由求之從政也惟以其達果藝而已

是以治平之業本乎修身而化民易俗必由夫知類通達所從來矣吾友大司馬朱公右君沉潛于學其仕而見諸實用者業已顯著矣間取薛文清公從政錄胡文敬公論政語表章之復于二公集中攬其旨要合其會通爲之推廣焉將以求其道以淑諸身明其理以用于世與人爲善非徒託之空言也夫天下同此人人同此理人之外無道道之外無人不能離人卽不能離道莫言學道但言爲人同在人之中乃別而目之曰道學不知其人以何爲人嗚呼世之談學講道者亦多有矣聽其

言而無非誠正筆之書而無非敬修觀其行不獨  
勘合且多相反者無怪乎爲人之詬厲也故聖人  
教人必務乎躬行實踐如曰君子欲訥于言而敏  
于行敏于事而慎于言先行其言而後從之耻其  
言而過其行無不從寔事着力不然卽能言聖人  
之言亦謂之徒言而已况乎言與行而背馳乎夫  
道理之所在五經四子之言燦然具備而賢人君  
子必復爲之言凡以發明其固然俾人知而行之  
耳所患學者類多習而不察行而不著無所得于  
已何以施諸用此先生所以孜孜闡述非徒期于  
知之固欲徵諸其行也天下未有不知而能行者  
不行亦何可謂之知哉王文成公謂真知卽是行  
予則謂真行乃是知也庶幾先生學道用世之意  
歟

重訂紫陽大指集要序

俞子彙嘉韶齡淵穎造詣清上讀書予家爲兒子  
師因問業于予予毫矣無能爲益間與語爲學之  
要莫先于立志志向不定必無著力功夫吾夫子  
每以志學垂訓求志之定必首端其趨尚敦于實  
行惟在真心學聖賢不可以聖賢高遠非吾人所  
可望聖賢惟完得爲人之道盡耳求盡其爲人聖  
賢去人豈遠哉然聖賢必從實地著力所以教人  
不得不以言正欲人行其言耳若第以言是尚卽  
真能言聖賢之言亦徒言而已吾夫子諄諄提命  
如欲訥于言而敏于行敏于事而慎于言先行其  
言而後從之惟慮人徒求之言而鮮實行也吾輩  
志向誠定必實見得從何着力則捨操存涵養無  
以爲功而操存涵養非從外生卽從本然之體揆  
其發端究其歸宿一一體驗求其著落總不外程  
夫子所謂涵養須用敬進學在致知所謂致知要  
在窮理理卽在身心性命三綱五常日用切近確  
有持循處時時省察則操存卽是敬敬而無失卽  
涵養也試取性理諸書潛心尋繹以堅其志趨刻  
刻于實行上檢點久應有得彙嘉不以爲迂從事

者三年既而以其師秦開北昔所集紫陽大指訂其切要者錄以相示其于操存涵養皆明白切近若大路然人人可行之以造聖賢之域足以繼紫陽之近思錄有功于學者予不覺真然自失媿前言之多贅矣彙嘉其起予也歟

張水崖正同學書序

不晤水崖歲月已深友人傳致正同學二書持論端確開喻愷摯記所謂奸聲亂色不留聰明淫樂慝禮不接心術義正同也水崖適在京師遂爾晤言憶昔偕陳子庸倩過草堂時已及二十年惘然若旦暮焉予既向衰而水崖亦皤然老矣談及二書水崖慨然曰欲導人以知耻或且以爲道學而笑者不少矣予曰不然而人所以爲人皆此人倫日用之道人日在道中莫言學道但言爲人除却爲人別無所爲道笑之者豈道之外別有人乎從來道學爲人抑掄率以如此言未必如此行也笑無足患惟視言行相顧何如耳水崖復以人之流蕩皆緣于不知所耻嗟乎末流之弊於所應耻未必耻乃於不應耻而耻之耻非所耻究至于不知耻矣雖然羞惡之心人皆有之覽二書而興其耻心夫豈無其人哉水崖復將別去乃拜手曰幸次敘其語以志之庶此晤爲不虛矣

唐豫公明史序

進無以益于時退無以傳于後志士之所悲也嗟乎夫有所得爲者有所不得爲者輔時濟世有遇不遇焉非所得爲也網羅遺事以傳後其所得爲也爲所得爲而非高潔淵雅之文亦不能傳卽傳亦不能昭然在人耳目之前嘗論二十一代之書其昭然在人耳目之前者惟史記漢書爲然誠以遷固敘述雅潔學者悅而習焉故其人其事卽藉其傳以顯子嘗與修有明實錄得縱觀石室之藏覽其文詞考其事跡其與吾學編微吾錄諸書歲青箱堂文集 卷三 九

時或異真僞難徵未嘗不掩卷而三歎也夫實錄之記繁多忌畏而諸家所述恒出傳聞非誣貽遺欲求信史以傳後豈不難哉每思合實錄及諸家所述折衷于大道勒成一書自媿無文復念從異代之後追述往事其宮寢燕息之微政務得失之大或不得而傳或傳而訛或時之孤忠遺直遭讒被誣屈抑而不得白或遐方僻壤孝子貞婦義風獨行貧賤而不能達之有司而當世貴人之誌表諸文率多譽詞而鮮寔嗟乎迨若崇禎十七年卽用人行政之槩亦散失而無稽况遭遇險難其間

忠魂遺躅泯滅而未彰著何從而紀也久之予友唐豫公自越中以其編次之目馳數千里寄予曰子其序之予三復而歎曰嗟乎有明三百年其藉斯以傳乎豫公以淹雅之才不爲時用棲遁溪山之中爲其所得爲博採往牒靜氣澄志以詳推干治亂是非之際當必盡去其忌與誣而獨存其確可傳者使一代之因革興亡得失毀譽有以徵其寔而表其微是豈徒垂空文以自見者哉吾知有明三百年其人其事固昭然在人耳目之前矣豫公其尚有志士之悲乎

畿輔人物志序

畿輔人物志孫北海先生之所論著也先生自予告歸第閉門養重擁萬卷書搜討古人予時一過之溪堂蘿徑之中几榻肅然圖書在列未嘗不相對忘反復營退谷于西山常松粒春新柿林霜老先生携笈其間輒經時月數年如一日也撰述既多以斯志屬予序之予既得卒業而歎曰此非先生閒居自適之作乎抑何義正而例嚴也止于畿輔以其近而易稽斷自明初不事久遠而不可考其有書有不書不以所不知而失實也昔龍門著青箱堂文集

卷三

主

易世之後浸已零落有不能知其姓字者況乎是非之隱邪正之微乎記事之書蓋可少乎哉先生之勤勤斯志亦懼其久而失實湮沒而不可復求也其于甲申之變寇逼城下守禦之策百寮不得與聞獨二三閹人啗喝要挾遂致君崩國喪此先生之所見而知之尤不能已于歎歎太息而三致意者焉予以爲斯志也非惟可以藏之名山大壑之間方當

聖天子博覽典故嘉意前世將立一代之史芻羅遺乘取其因人而可以知其事因事而可以論其

青箱堂文集

卷三

主

世間見真而鑒戒正者莫善于此矣以之備纂述成全史所益固不大哉豈獨爲先生閒居論著以白適之書歟

女鑑序

女鑑者松江朱處士喟之所編也承授經史以及耳目之所聞見自后妃賢母孝女淑媛以迄貞姬烈婦十餘例以爲風化之所由莫先乎此嗟乎俗衰教失內則之訓不著家之不齊恒于婦人或知教子不知教女或知擇婿不知擇婦先儒云婦者家之所由盛衰也故詩首關雎凡以閨門爲王化之本宋大中時博士沈昀妄謂后妃之德不宜爲三百之首別撰堯舜詩復以虞人之箴爲商詩文王之篇爲文王詩置之關雎之前以先帝王而後后妃不知風化始于閨門必刑于寡妻乃至干兄弟以御家邦則關雎爲萬化之原何可易也先儒又以女子亦當有教取孝經與論語之明白者如曹大家女戒溫公家範皆可講習余嘗慨明呂新吾先生閨範一書實切閨教彼時藉以排擠異己幾爲禁廢余室梁夫人自于歸見此書于娣姒間時時講說至小兒女則口授以教嘗屬予重梓廣爲教婦女之助迨夫人歿旋遭寇變忽忽至今每顧閨中婦女卽眷念昔言爲之惘惘讀斯編明顯條晰更爲簡易夫桃夭之詩惟以宜其家室宜其

家人爲稱美宜之云者卽俗所語停當之謂也而斯于亦第以無非無儀爲頌是笄幃之行一切才藝俱非所尚故易之家人惟取義于貞貞者正而固也不明乎此義求其無失者鮮矣斯編也述諸賢行而于貞烈之事尤致意焉嗚呼行出貞烈婦女之至不幸也然須辦得此副心腸方能于婦道無媿先賢嘗言寧餓死不可失節者誠以餓死事小失節事大也或以爲不吉而緩視之不知婦女至于不貞雖有他行烏足道哉且未有處變而能貞處順而不由乎道者也此又處士淑世之微意也歟

上醫本草節畧序

余昔閱食物本草錄其于日用相近者爲服食之  
宜旣而笑曰此亦口腹之欲也置不復省迨讀周  
禮庖人春行羔豚膳膏香夏行腍膳膳膏臊秋行  
犢膳膳膏腥冬行蠃羽膳膏羶乃知古人食物四  
時各有所宜而食醫所載凡如春多酸夏多苦秋  
多辛冬多鹹以至會膳食之宜牛宜稌羊宜黍豕  
宜稷犬宜粱雁宜麥魚宜苽而申之曰君子之食  
恒放焉因思此卽吾夫子不時不食之類無非慎  
口腹之欲以謹養生耳憶昔所錄久軼于兵燹王  
君照千節畧趙忠毅先生所輯食物之辨屬余序  
之余再一繙閱喜慰交並不啻如覩故人忠毅所  
收者廣照千所存者約其欲人慎所服食以全其  
生于周禮之義誠有合也夫食之不慎若蔡明道  
之誤食彭蜺而委頓則物類之不齊于人之所宜  
不宜非可盡變而推人有飲酒至五斗而不亂亦  
有一勺而竟醉者是豈可槩論哉原照千之意非  
僅擇可食者而食之誠無恣口腹之欲以全其天  
年是一養生之大端矣照千更善服氣之道吾聞  
食氣者神明而壽庶幾于照千徵之矣

說杜序

閒居習懶恒以書籍取適雖釋卷茫然來自怡悅  
夏秋微疾或以爲成遂束書不觀然亦忽忽不樂  
鳧盟自承年寄說杜一帙時秋仲日夕矣披緘亟  
覽不能輒止繼之以燭不知疾之去身也竊以子  
美生平之自知與其所不知而人不能知之者舉  
爲拈出不獨刪除前人穿鑿之注影響之論並不  
依傍苛刻使一部杜詩爽豁振動讀者心目頗易  
昔蔡中郎得論衡秘玩以爲談助時人疑得異書  
搜求帳中覆之而去中郎屬曰惟我爾共之勿廣  
也予嘗笑其狹將勸鳧盟公之于人必有秘爲異  
書者他日倘遇其人將問之曰將無得吾鳧盟之  
說杜乎

歸震川先生全稿序

震川先生文集流傳海內百有餘年識文藝者皆知珍藏之先大夫舊藏兩集一集二十卷一集三十二卷寇變失去余從陳百史相君見其所點閱二十卷博爲搜求二集復存吾架上矣二十卷者乃先生從弟道傳所刻三十二卷先生之嗣君子祐子寧所刻也有無參互或疑有雜譌于其間且聞于錢牧齋宗伯云先生遺文尚多余曩與其族孫雪菴同事禮部雪菴以重刻道傳本相貽既而余年友刑部公震復之子孝儀公車來都下惠以

震復新刻之本覽其跋語乃偕先生孫文休與其子元公編輯爲牧齋先生所次第正集三十卷別集十卷餘集存之家塾而是集仍止二十卷或尚未盡刻未可謂全集也余夙向往先生之文今老矣雖不能讀竊思得覽其大全間與汪戶部茗文計孝廉甫草論及而怒如也亡何董黃洲正位令崑山乃屬其訪求先生遺文于元公徧彙諸刻勒成全集亦官其地者所應爲不獨爲藝林美談黃洲唯唯而別嗟乎先生之文自歿時卽流傳至今王文肅公稱引于當年錢牧齋吳梅村諸前輩昌

明于後非若昌黎之文歷久遠遇永叔而始顯也矧先生賢子孫比肩接踵咸能裒輯遺文傳之遐邇因歎海內文人如晉江王遵嚴平涼趙浚谷皆有遺集晉江之集尚有存者平涼則未之槩見頻與宦其地者言之平涼則馬學使之駛先獲我心爲之修輯晉江雖再屬衡文使者尚未見有馬君其人也夫士大夫宦遊所至誠訪前賢之遺文不致散亡磨滅有如所謂草木榮華之飄風鳥獸好音之過耳者亦華國之瑞事也黃洲乃能識余言從元公謀集已刻未刻合牧齋定本彙爲四十卷

而一時士大夫宦其地者間助剗剗之資遂居然爲先生全書黃洲之志行殆非俗吏也已足則可感也元公寓書命序于予先生之文照耀今古何待于序况予豈能序先生之文者哉聊述與黃洲之語以復元公元公其有以諒余矣



田髡淵選今人古文序

未申之際文士之集輦下者多選今人詩雲間田髡淵孝廉復有今人古文之選髡淵朝夕討論其于古今文之變揆之盡矣一日借沈子亞斗過予曰今人之文未必不及古人患其散軼而失傳思哀輯以行世其何以教我予曰從來作者之精意多由選者之鑒別而顯故作者恒待選者以爲功每歎選者有所難復有所忌廣搜之難斷制之難去取時人之文爲難不得制作之原爲難不廣則不能精不斷則不能捨去取時人則誚謗易興不

得制作之原則真僞莫辨一忌執已之偏見一忌徇人以納交夫文若水然從其原而溯之雖流分派別惟其有原故泗衍而無窮夫江河之水千里爲曲萬里爲濤浩瀚澎湃而靡可測其原足恃也文之有原則六藝是矣自六藝之旨不傳而文章之弊不一王遵巖先生有言三代以降士之能文莫盛于西漢乃枚嚴朱谷公孫司馬之屬徒取之于外以悅世之耳目而誼向遷雄仲舒能道其中所欲言而不免于蔽以西漢之文尚如此下此者可以槩觀矣迨近世之文其弊滋甚摹擬左國倣

然自命不讀漢以後之書而勦附之弊至于腐刻盡梁隋辭浮于意而雕鏤之弊至于靡卽矩步韓歐諸大家而不得其體要弊且弱而曼矣他如摘句字綴小文以其中之不足而故求之淺詭秘怪以備其陋正如藻花紋石取妍于盆沼之間而已矣足與語江河之觀乎髡淵潛心六藝溯其原以求之必有取于合乎旨而不襲其弊者俾作者之精意因之而益顯予且願爲執鞭焉又何難與忌之足云乎髡淵行矣以所哀輯屬予序復貽書亞斗數四請之而不倦予因書所與論者授亞斗以

高文端公遺集序

嗚呼予今而序公之遺集邪追憶平生有不忍于言復有不忍于不言者昔癸未秋冬之際公與丁卯同榜之在京師者滄洲戴道默交河孟綱宜都下則金伯玉及予定約讀史賦詩月有其程分日晤言飲酒爲歡酒闌氣盛論古入文章政事撫掌大噱無異諸生課藝時時公爲編修戴公爲都諫金公起兵曹予與孟公甫釋褐亡何寇變烟飛雲散金孟二公殉于難公及戴公竄伏州里予則流離遠方及今每一思之求如舊時之歡晤而不可

得不知俛首愴心而繼之以泣也尚何忍序公之遺文乎雖然其不忍不爲公序者公之詩文珠光玉潔有識者所共知固不待序于人惟是予與公交且三十年迨仕興朝復受知于公今公歿又且十年矣言念夙殆如夢境今得觀其辭章感歎留連當爲何如卽欲不爲序之何可得哉公沉涵經史波瀾與諸子百家而性情流衍其中觸境而形皆其不能不言者殆如宋景濂先生所謂文不貴乎能言貴乎不能不言豈若世之勦襲剽竊強爲立言者所可幾乎媿予闇陋不能發揚其幽義

微言然世之有識者讀公斯集或以予爲知言歟雖然予其忍爲公序邪

白東谷尚書全集序

東谷先生賜告歸瀕行以所著詩文全集授予序  
之子幸附先生同籍且爲同官者久習見先生之  
詩取材於漢魏而效法少陵文凝重典雅於近代  
則弇州圭峰之倫此予夙所窺見波瀾者如此若  
夫涵滙淵渟發舒洗滌所謂源遠而流長未有不  
本乎靜者也夫詩文之弊莫患於不靜神不靜則  
蠶氣不靜則浮體不靜則雜雜則涇渭無別蠶則  
流派無紀浮則泛濫而無所止然非深於道者蓋  
靜亦難言之矣誠靜矣雖日涉於紛紜而不爲境  
所淆如先生靖共匪懈爲學士則直禁廬爲少宰  
則司澄敘爲大司寇則斷制於情法之得失皆任  
大責重日夕僕僕於糾纏馳騫之場未嘗見其一  
日靜也予嘗步先生之後塵每凌晨而興迨退食  
則罷憊不可狀抵暮急思就寢以朝將復興也雖  
強親書卷而胸中擾擾求所爲靜者不可得乃先  
生之詩文多得之政事之餘黼黻鴻猷鼓吹大雅  
而沉泓湛然非淡乎其道何能於紛擾之中而不  
失其所爲靜者如是哉先生今致政歸宴逸門庭  
之內徜徉山水之間寒宵清晝其靜中所得益深

矣他日晤言由所著以示予不知其當復何如也

岳匡六文集序

余知關西之有岳匡六者二十年癸未得同進士  
科意氣偉然言笑樸質時寇已渡河議論籌策悉  
足制勝時無行其言者尋各散去流離險阻無復  
晤言之期矣乙酉歲暮復聚于燕市之慈仁寺悲  
喜若再世丙戌春同應庶常之選時大名杜月湖  
嘉祥張百璵寧陽周成延解州喬芳一與茲選者  
並余而六方幸從遊無幾月湖成延百璵相繼而  
歿今年春予與芳一以病請罷歸而匡六復亾嗚  
呼七年之間此六人者升沉生死已如此盛衰之  
際未始不如是况仰慙古人俯媿後世者復不在  
此是豈足道哉獨其文章有見于世雖嫉之者擠  
斥而不能掩蔽則匡六有以不朽矣匡六平生所  
爲文確苦獨雄其樂府歌詩所謂瓠園集者千餘  
篇王覺斯先生已序而行世其賦論記序諸體之  
文皆足卓立而垂遠夫文之能鍊格者未必能鍊  
句能鍊句者未必能鍊字匡六之文矜崛淹奧使  
俗學之士不易上口抑何奇也雖然著書之士代  
不乏人迨其人已朽其遺文飄零泯滅百無一二  
存者而哀輯闡發不能無望于後之人匡六二子

韶雅能讀父書而年皆幼弱一時門人之在顯位  
者集其文而行于世固可以無憾已余之區區于  
是者非以余能知匡六也殆有感于升沉生死而  
云然歟夫升沉生死百年同盡又何足悲乎

施愚山觀海集序

傳有之三代無文人六經無文法或疑此言不知聖賢之文卽聖賢之道也惟明乎道而非志于文此文所以卒莫能過也後之學者不務明道惟致工文于是摹倣其語言勦襲其聲格甚至訓詁艱澁以爲奇窮其力而爲之卽使能盡智索正如蠶魚出入于編簡間終于老死求其片言之幾乎道惡可得哉嗟乎聖賢豈有意爲文者乎惟人本乎道因成文道著于文卽成經以之立教以之經世以之垂百世而不朽豈有可稱之人可拘之法哉

青箱堂文集 卷三 三

予嘗以斯求之于文其能幾于是者蓋寡矣迨讀予友施愚山觀海集淹雅醇粹揆之體裁之正律呂之和古今之變物理之繁皆無所背畔蓋本乎道而爲言非徒志于文者之所能爲也予喜得此勝友益信傳言之有徵乃論其大畧質之愚山愚山或以爲然歟

林子新書序

昔覽林子尺幅之文喜其淵涵湛靜及見其人迨與文無異亡何筮仕新樂新樂爲九省輪蹄所經予私心念之林子淵靜之士何以堪此繁劇逾年林子聲聞徹于都門戊戌之春予同阿少司馬奉命賑恤真定順德往來三過其邑城野清恬人民閒適予又私念紛馳之區際荒歉之後何以能如此公務之外不受私覲無從問之間從村舍聞父老之言曰吾侯靜以自持于民不以法勢逼制期以心諭意寤又刻自簡勒絲粟之末無不加謹吾民安焉故邑中常若無事予始悟而歎曰吾夫子蟋蟀之歌以政尚靜而惡譁嗟乎林子得爲政之本矣一日以所著新書請序于予予發篋讀之以靜說冠其篇而設喻取類內無不可見之端外無不可告之跡林子其得爲政之本矣又聞林子政事之餘卽閉閣危坐如學黃老家言者昔人用黃老之術以治道貴清淨而民自定不惟市獄無擾以之致太平而有餘林子果能得其術乎余又不能量之矣

青箱堂文集 卷三 三

張遵林洛中集

近世之爲古文辭者有二端矜詡古博不讀秦漢以下書及贗襲六朝極其纖詭俊巧以自艷喜夫纖詭俊巧以自艷喜何異未涉河海而稱溝瀆未躋嵩岱而歎塋敦其所自處者卑而所見者隘固不足怪也惟以秦漢以下之書爲不足讀則其言大氣勝未究本末端緒而高自位置者之談也文章之旨本于六藝自秦漢之際以文章名世者無慮數千百家其得沿六藝之遺而溯其源者惟史遷向固諸君子爲盛其後千餘年間寢微寢衰幾

青箱堂文集

卷三

三

絕而未墜賴唐宋韓歐曾王諸大家出而秦漢之文始爛然于天下何者以其由六藝之學而溯其源也嗟乎爲文不溯六藝之源卽虎步一時鸚鵡數尺不過草竊之雄枋榆之適耳何足語於作者之林哉吾友張遵林家學淵源潛心六藝力振秦漢唐宋之傳憶昔年王左之米吉土集四方名雋之在長安者相與論文時遵林侍其先大人宦遊京邸方髫年耳文章卽藉甚公卿間儕輩咸爲退舍迨登上第著作承明其以黼黻國華者方諸秦漢唐宋諸大家不獨涉其津而直溯其源也旣而

督學洛中著有偶存稿趨召京師授序之予伏讀之而歎曰此所爲沿六藝之遺者哉其源流稿中固已論之備矣予復何言妄爲擬度正如渡黃河登崧嶽莽蒼浩瀚之氣引睇無窮而以拳石勺水爭言詭巧者爲不足道矣

青箱堂文集

卷三

四

尤展成西堂雜組序

西堂雜組者永平司理尤君展成之所著也展成以沈博絕麗之材馳聲莠苑所謂操觚滿志者亦既綜西京之爾雅擅晉魏之蔚歧矣迨出理大郡神明之譽聲噪三輔而門庭肅然常若無事復肆力于撰著予嘗歎古之以治行稱者如傳記之所載潁川南陽輩出聲施赫奕而文詞不槩見若夫晉之彭澤唐之蘇州治行未聞其爛然史冊而詞章至今傳之豈文詞與治行有異致歟自古能兼之者何鮮也嗟乎天地間萬物之情莫不各有所青箱堂文集 卷三 聖

至學者誠得其所至凡山川之所以悠浩日月之所以晦明鬼神之所以微顯禽魚草木之所以飛游蓊蔚無不可以其所至以各得其情于以抗聲藻而副治理夫寧有異哉展成亦惟得其情之所至耳友人徐公肅自永平來述展成之意以斯集屬敘于予予時方棲遲西山覽睹低徊久之因陟巉巖蔭枯柏讀其賦騷以下所謂漱芳六藝採遺千載非山間之蒼崖霞落古澗泉飛乎讀其文傳序記所謂澄心眇慮耽思倚詵非山間之翠激雲除層巒雨嶄乎讀其論贊銘判所謂躑躅于意表

者斯山間之風入松霧迷壑蟠虬兕而翔鸞鶴者庶幾似之讀其說問連珠諸類端而曼曲而直正如平林日上禽繁山響誠可以暉曠遠矚藻澈遐心矣予媿無文未能窺其所至亦藉山中所睹以彷彿之付公肅以復展成異日者采士民之歌按考功之績爲之敷揚治行者尚有未艾也以視古人所鮮能兼者展成優然如此其以照耀千古爲何如哉

沈亞斗史論序

沈子亞斗嘗著讀史詩余論而序之矣復以所爲史論示余曰論古人之往事而不斷之以六經之大道不惟無以定古人之是非卽所以衡量者何在也予正襟曰旨哉斯言可謂論史之法矣夫古人所遇之時所乘之勢所行之事無論賢奸皆各有其所以然之故余嘗以論古人不苛則古人之微意不著論古人不恕則古人之權變不明蓋苛以論其心恕以論其時與勢必使古人之所自爲而不能自明其所以然而吾有以得其所以然之

清箱堂文集

卷三

聖

故雖古人復起斯心折吾言矣說者恒以生古人之後論古人之事易處古人之時爲古人之事難余以爲生其時而誠見之明斷之決成敗禍福惟其人之所自至未足爲難惟生古人之後跡滅人湮或歷千百年傳聞已絕惟憑編簡之所存以定當日之是非豈不難哉雖然天地之間性情之所以可否好惡之所以去就利害之所以趨避生死窮達之所以攻取古今人初不相遠學者苟博洽于載籍合之于大道則古人之是非非吾心曉然則旁引曲喻無不可以得其所以然子瞻所謂暗

與人意合者古今同此理也故沈子諸論每若出人意表非矯詭以求異也正其讀書多而見理確大較並尋二十一代之文斷之于六經之大直若已生于古人之時乘其勢行其事者是以反復回翔必有以得其所以然而後我與古人兩無憾卽余所謂苛與恕亦覺兩而無當也勉旃沈子生值盛時行且乘其勢行其事矣其論古人者如此則所自處宜無不合于大道矣

清箱堂文集

卷三

四



黃瀛山館課序

瀛山黃太史以館課諸作命序于予夫序所以序作者之意也太史之作旨詣雋永言之有本曉然于篇什奚以序爲雖然予衰暮寡學太史枉與之遊固不能有益于太史若違太史之命不幾負太史之交乎夫館課之作皆玉堂之彥讀書奉其師訓時爲課焉者也然以才智俊偉之倫其于六籍之蘊莊老之達屈宋之悲惋史漢之沉雄齊梁之藻麗其誰不胸羅而腹笥者予以侈詞章而煥綸綍復何假于課乎萃濟濟之楨必以端亮之長爲

之楷模而崇進其業豈僅求之于語言文字之間哉大端惟在明學術欲學術之明必本之于身心性命之原以求深思實踐于民彝物則之際權衡古今治忽之變以參之經世之用確然有以立乎本以自得其心則天工以之亮彝倫以之敘人心以之正聖賢之緒以之章非徒以文章之藻績登金門直鑿坡若昔之嚴枚司馬之屬陪後車之乘出入芬華爲榮遇已也蓋文章本于學術學術徵爲事業體立而用行所從來矣太史之于身心性命經世酬物業已由體以達用因用以見體識者

之所共知予昧陋不足與文章之論烏能序其意而猶不能已于詹詹者重違其命以負太史之交

爾

顧偉南天台雁宕遊紀序

居恒思登山綿邈清遐去離垢埃極夷曠幽眇之境庶幾一遇仙人不老者乃悠悠塵霧中未得遂往輒思觀古今人遊記雖未得掃巖而臥踞流而釣而盤谿遂谷飛梁峭壁著于其文者亦可恍然神遊也迨聞余友顧偉南著天台雁宕遊紀其文甚盛思一見爲快偉南自江南來衣袖一卷授余序之申紙疾觀其泝烟波捫霞嶠攀鵲栖摩虬窟俯仰欽寄吐吞日月之致使人兩腋頓若翼而飛矣因歎世間佳山水多憑藉文人以發其幽秘

青箱堂文集 卷三 四

偉南斯紀探奇窮變考注遺蹟使千百年之流風千百里之形勝曠然紙上豈獨掇拾其烟霞彷彿其音影闡山川之靈怪者耶雖然余猶不能無疑者懸崖塹壁之間必有仙人不老者往來其際而不一遇焉何也

青箱堂文集卷四

畿輔詩存序

宛平王崇簡

予五六歲時每晨起先大夫令誦古人詩數十章或時出先母夫人人口授之間聞先大夫言昔奉使杭州作詩百篇旋失其稿迨先大夫棄予予甫七歲筑筑孤孱未知收輯遺文少長先母夫人嘗顧予以先大夫亡詩爲念予訪之舊遊長老僅從書扇上得霸光菴一詩淡痛不肖不能廣爲搜求既而遭遇寇變萬卷遺書並皆散軼矣因念吾鄉前輩或有遺詩而不傳或傳而未廣卽子孫未必若予之不肖而兵燹焚劫之餘兩散灰飛者諒亦不少表章之責豈不在鄉之後進乎間嘗過李文正公修吾李尚書墓下僅百四五年數十年耳孤墳埋沒於荒烟蔓草之中而後裔衰微零落且不問况所謂遺文乎於是博爲網羅斷自明洪武以至崇禎地不過於畿輔以其近而易稽也自公卿大夫細至衿韋布衣之流或行世之集或子若孫之家乘或得之賓戚之傳聞以及溪山古壁虫牋石刻有一章之善不欲放失積十餘年心記手

錄漸成卷帙乃與二三友人互相參定必期詩可以存其人正不必因人而存其詩夫賢人君子建功名於當世豈必皆能爲詩而詩之可存者卽唐之宋之間輩亦未嘗以人而廢也惟取其原本性情發諸咏嘆有合乎三百篇之遺意而止不必限以一格如唐之初盛中晚各因其風氣之變皆足以示久遠故不敢執一隅之見以滅沒前人之長更不欲以言不雅馴者爲前人之累焉若以明二百七十餘年畿輔之歌咏畧盡於此亦何敢妄測前人哉後之君子有繼予斯意者名篇佳什未必不復出也編成以酒脯告於先大夫之廟所謂百篇者終不可得其能追予之悲哉其能追予之悲哉

魏拙菴選詩序

千百年之後論次千百年之詩非偏則泛偏則執已泛則因人因人者不信目而信耳執已者不論世而論理江文通有言世之諸賢各滯所迷莫不論甘而忌辛好丹而非素豈所謂通方廣恕好遠兼收者哉間嘗與予友魏石生中丞論之因言其先公拙菴先生承侍御公之緒博覽羣言尤好讀諸家詩而於昭明選詩李翰林杜工部蘇文忠皆有選本予亟求而觀焉不覺憮然興歎曰先生之有功於作者何其濫也以卓絕之識脫畧衆說如世之以綺靡視選詩以神仙飲酒視翰林以工部則句皆有所託而文忠則諸譚禪機無之非詩者曠然不屑於胸中獨於言之感乎情鬯乎心合之乎機杼爲之刪定各爲序論亦旣詳矣予何能復贊一詞獨念先生當論次之際蓋非徒諧聲比字已也其必有窮兩儀庶物之變窺治亂得失之原歸本於歌咏性情之指趣大較絕不以世之耳目所嚮者爲重尤不欲使作者之精意汨沒於論次者之偏泛而別發其靈竒高妙夷曠幽眇之旨嗟乎先生之有功於作者夫豈微哉予嘗輯幾輔明

詩覽先生遺稿服其才之沉鬱不爲學問用而爲性情用讀茲選知先生之涵泳於千百年者深矣爲論述其概歸之中丞中丞曰茲選授梓人十年矣今卽藉此以弁其首

于司直遺詩序

司直之始以詩名也其萬曆之季乎特爲舉子業者鮮解詩而司直獨好之人竊非笑司直則浩浩落落行所好而不顧其時之詩音節芳澤氣體繁富世之知詩者多稱之旣而歎曰纖靡綺縟不可以追踪大雅乃盡棄其向之所作而力追沉鬱迺古之風如世之所襲金玉乾坤青雲白雪等語絕去勿道而獨標峭潔世之疑之者且曰此宗竟陵也司直怫然曰予豈襲竟陵哉予不欲以浮艷掩性情爾于是嚴其體格正其聲韻專意澹淳且不青箱堂文集

收藏表著之或遭時變遷久而磨滅者豈少哉司直三十年來其詩數變而存者止此非有賢盾而存者幾何不失去耶所賴世之知詩者發幽光闡逸韻無使其潛心峻骨簡約以期其可存者徒與夫浮靡汎濫之音同歸磨滅雖所存止此固足以不朽矣

梁仲木遺詩序

嗚呼予何忍論仲木之詩哉雖然天下有讀其詩而思其人者予何忍不論其人以論其詩之所本乎予昔初婚時仲木來省其姊英領超舉氣攝干人予夫人曰吾弟今十四歲耳善讀書而能爲詩已數年矣予爲之起敬由是論文庶詩選選遜謝不及猶記蕭寺酒酣歌呼慷慨擊節几上器盡碎斯其才氣豈直睥睨倫輩乎迨中丞公奄逝哀戚幾至滅性其弟公狄成進士筮仕中州仲木憐其直而善病與之偕往叵何寇躪中州仲木從百萬青箱室文集

卷四

七

戈戟煙燼中瘞弟之妻並覓其幼子女南奔值公狄與之流離艱辛挾持備至斯時仲木棄妻孥而不顧者餘三年矣甲申之變復偕公狄潛遁江干自是公狄食貧於八寶而仲木爲餬口求醫之計往來西楚吳越之間又十數年此詩皆其布囊劍影飄滿於荒烟苦雨霞棲溪飲之所作也嗟乎其卓犖之才徒與夫騷人放客之寄無以異予是以不論其詩而論其人論其人而推原其至性仲木蓋孝友人也豈徒豪曠悲歌之流與夫道淪沒俗流失人之誦鶴鶴之篇而不內媿者鮮矣仲木

乃能如此推此而爲臣必忠爲子必孝故本乎至性發爲詩歌無不可以動人天下讀其詩而思其人者或以予爲知言乎嗚呼仲木當年予夫人之言猶昨日也而墓木已拱矣

米友石先生詩序

昔萬曆之季米友石先生以詩文書畫名天下構園於海淀且製燈如其園一時詞人咸以米家園是米家燈米家燈是米家園相爲歌咏雖婦人孺子無不知其名者予時甫舞象先生召鄉大夫讌飲以予故人子不棄預侍左右因得觀其燈遊其園及與公子吉士爲文字交得讀先生之詩文間復得其書畫以夸耀於人會闔人魏忠賢擅權先生都人也獨不與爲緣媚闖者驅除異已先生遂落籍當時直亮之名重天下闖敗先生乃得通顯

然位止於太僕少卿而歿嗚呼先生之不朽豈以位之崇卑哉至于今過海淀所爲勺園者殘隴荒陂烟橫草蔓則當年之晴軒月榭涼臺燠室也枯塘頽徑蛇盤狸穴則當年之文窓窈窕古槎嗟哉也求其逆房松斧樓舫相掩映而危梁穹窿於木末者茫不可得惟巍巍一石宛然當年陰高梧而峙庭前者也徘徊霜淒風緊之際東望土高數尺則先生之墓在焉而吉士之塚復立其旁嗟乎四十年來滄桑生死之變可勝悲哉先生諸孫星岸紫來數以先生遺詩屬爲之序予寡陋豈能序先

生之詩天下探奇採幽之倫覽茲紹風雅而凌漢  
魏追琢其章一字一句不欲猶人者吟誦之餘想  
見其高風卽當年之園光燈影亦且彷彿於中則  
先生之不朽無乃以詩而益顯歟

夢一齋詩序

昔稱燕趙多慷慨悲歌之士則能詩歌者宜有其  
人往代不具論前明三百年以詩聞於世何不多  
槩見耶無以風尚樸質作者無意人知而後無人  
以傳正如候虫時鳥鳴霜啼露旋卽消沉耶間嘗  
思搜羅前人遺詩以廣其傳予生也晚前輩流風  
渺不可接卽著聞輦轂如李文正公東陽李尚書  
三才其詩頗傳兵燹之餘多不可問至若萬曆之  
季予所及見其人如太僕米公萬鍾太常呂公邦  
耀皆名重清流風雅不墜而遺歌餘咏或傳或不  
傳亦係乎其後之人耳予友張介伯以其先公夢  
一齋詩草授梓人屬序于予憶昔予在中丞梁公  
錫館猶及見公樸貌古心嶽然澹遠中丞公間爲  
予言公數歷中外二十年其材詣所嚮吏與民所  
共歌且舞暇卽閉閣誦讀二十一代之書丹鉛且  
再如世所稱豪侈佚樂之尚非獨厭薄不爲又從  
而耻之予時雖少頗爲執鞭且公與先君子先後  
治兵關西其當年遺事公尚能言之無何公歿而  
家徒壁立矣所著有青錢集澹菴歲時司農案牘  
而夢一齋詩特其一也夫以公之風軌見之吏業

載之傳記皆足名當世而垂永久豈必區區聲詩  
乃窺公之濫哉雖然讀公之詩夷以曠淡以穆與  
古優柔和平之音正復不遠因之以想見其人則  
詩之未亡人不益以著乎嗚呼俯仰百年之間如  
文正尚書或一二傳而子若孫孱弱陵谷變遷其  
丘壠且埋沒於荒烟野草之中有過其遺墟而不  
能復辨者况其他名潭滅而書散亾豈非係乎後  
之人哉公諱國銳萬曆庚戌進士歷官右布政使

宋轅文詩集序

人當欣慕悲戚有不得已於中必託之歌詠以舒  
寫其懷故引物連類陳顯而寄微發人不能自己  
之意不可明言之隱留連沈鬱宛然有可想而不  
可道者莫善於詩若以直捷顯露爲詩則不必詩  
爲矣古之風雅怨誄慕樂不明言其事而隱躍言  
表者雖美刺不嫌同詞千載下讀之槩爲遠想而  
不能盡何其蘊義宏濶也降而騷賦托旨於蘭芷  
椒蘿美人公子窈眇挑招之思何莫非可歌可泣  
而不可盡者乎漢魏以來此旨未失迨雕畫盛而  
大雅淪亾矣卽唐之大家莫如少陵人亦有言少  
陵固多變態而無露句此蘇長公所謂作詩必此  
詩定知非詩人也余少失怙恃時懷憂恻之感于  
古今詩之寄託濶微者誦習而不能置憶二十年  
前得讀雲間李舒章陳臥子宋轅文之詩恨未見  
其人亡何臥子舒章相繼論交長安迨丁亥春始  
交轅文從此一歌一詠皆得而讀之雖未能測其  
濶微而淵涵容與皆有引人於無盡之意十年來  
復成集矣爰授梓人命余序之余豈知詩者哉獨  
念予傾倒於轅文詩最久故論其留連沉鬱宛然



有合於風雅者如此嗟乎故人委化方濶周謝之  
悲所可幸者轅文在耳今昔之感何可道哉

吳六益詩序

詩之貴體格也尚矣非惟風雅頌各有其體卽風  
雅之正變亦以其體言也體之合乎正者雖衰時  
不無溫厚之章體之出乎正者卽盛世不無怨刺  
之什是正變各以體言非以其時之衰而爲變世  
之盛而爲正也降此聲調之盛莫盛於唐亦未有  
不由其體格而能名家者也如王儲之樸厚孟章  
之孤清高岑之悲逸李杜之壯濶王楊沈宋之流  
麗豐蔚概不能同何莫非有合其體格而後聲調  
發越者哉予昔讀雲間吳六益華平集其調高其  
聲堅雖有溫厚怨刺之異而皆洋洋乎以體格勝  
者也迨六益偕沈繹堂太史自吳楚歷齊魯以至  
于燕感慨所嚮扣舷而歌倚劍而吟以發其曠夷  
幽眇之音者盈篋握手相示余悲其發言哀歌有  
屈宋長逝無可與語之意嗟乎六益雖其體塞不  
欲與世接當夫未能平其心或爲事物相感發而  
似有不得於中者矣及覩其人絕無卑陬失色項  
頤然不相得者予愈嘆六益之不可及也以彼其  
才當求賢如不及之時操三寸之管書數尺之紙  
亦何難身致雲衢六益之所偃蹇哀歌者豈在遇

不遇之間哉來長安經歲月與釋堂相倡和復盈  
篋矣欲予言爲弁予因論其正變之合乎體格者  
如此行將與釋堂渡黃河涉大梁憑弔與寄之感  
其睥睨千古復何如乎

田髡淵詩序

古之風雅其可以被管絃歌廷廟自王公大人之  
作細至田野里巷之謳吟皆足以動天地而感鬼  
神雖百世之下讀之者無不惓生舞蹈悲起歡獻  
凡皆自得其性情之至而已後之爲詩者代變其  
足以紹先傳後概多自得之意非然者雖極聲律  
之微引喻之博其言益工其去益遠先自失其性  
情而欲以感動人之性情烏可得哉嗟乎其流日  
下以歌詠性情之旨爲干名達世之具故未相知  
而贈答匪感慨而悲歌其性情不中其矣又何所  
謂自得也卽或綺言險韻以難白矜以富自炫招  
心剗腎窮日夜而爲之鮮由中之情爲無徒之唱  
和其所自得者幾何予嘗以此論古今人之詩予  
友宋上木謂予曰田子髡淵之詩殆如予之所謂  
矣及予交髡淵時誦其詩則皆自得於性情而非  
以爲名也蓋其人潛以遠其風朗以疎其胸次固  
有高出世俗之表者憶昔髡淵來京師士大夫之  
能詩者爭欲見之髡淵無意營逐乃獨顧予於閒  
居初不事世之朝矣而趨之暮涼而棄置之所爲  
此可覘其性情之自得矣故余序髡淵詩獨論其

情之效以著自得之美卽以彼管絃歌廷廟何  
非有合於風雅之遺乎

何次德詩序

夫人志有所感而觸情引興怨憤詠譎非好爲不  
平其中有所不得已而寄微託遠往往足以感人  
至若華牕高顯雖銘勲祈嘏而不情之譽過分之  
禱繁若故事而難工者抑何也嗟乎窮愁易好古  
人其知言哉雖然夫三百篇明堂清廟歌功頌德  
奕奕煌煌焜耀于今古者豈獨征夫怨女孤臣孽  
子之音乎或亦動心忍性所得者淡而富貴逸樂  
其動物者淺耶抑其才有及有不及歟余昔流離  
金陵讀次德過江諸詩思見其人而未得迨與濮  
源太史聚首長安探其家學淵源流風標舉欣慕  
久之一日次德登予堂握手歡然旣愜十年之思  
且得其全詩而讀之因思昔日讀過江詩歎其懷  
故土而情惻觸時事而忼烈尚淺之乎窺次德矣  
夫賦才旣博何不可王于以登歌郊廟昭顯國華  
我知其非獨窮愁易好者矣試以語濮源以爲何  
如也

宋秋士詩序

雲間之有秋士且三十年矣當時之名公卿莫不知其人知其人而不能俾爲當世用徒令淪落林壑窮愁著書至于今材愈老識愈堅遂有操此以終焉之志嗟乎余不爲秋士惜而不能不爲當時用人者惜也秋士所著自一代典故以及禮樂兵農六經百家莫不究極精深足垂久遠而所爲詩以舒寫心之所至憂愁激昂忠孝隱約之情若屈子之睠懷少陵之感憤直接風騷之遺音窮而後工其信然乎余嘗言詩者性情之正也人心有動

范潞公詩序

夫處戶庭之間曠懷遠覽每馳情于山巔水涯名區古道觀風雲之變態探山川之幽奇往往有託爲行路出塞之詠以舒寫其浩瀚不羈之致况身勤王事行役于古都名嶽蒼崖大河其觸目興懷卽事成詠者當必有過於擬議而成者矣予友范潞公博雅俊逸著述繁富及奉命典試闕中于其往來所經輒有詩歌雄深藻麗動人域外之想其長途歷落霜天嘯嘯烟雨淒迷躊躇四顧所以寄離情也崇巖邃谷飛瀑落霞揮手青穹遶歷物

於性情而後比物連類官和羽悲各有以盡其致富貴流於逸樂躁競奪于功名求一已之性情且不可得又何所謂詩乎然則窮而後工其信然耶夫既有以得其情性矣又何以謂之窮哉余故不爲秋士惜也秋士有尚木直方爲之弟有子楚鴻方髫年而才名蔚起幼子八歲善書法兄弟父子力學一堂風期千古其焜耀當世者何可量也秋士又豈窮者哉

法黃石詩序

黃石間過予談詩一日將梓所著詩以問世乃質予曰未敢望古人方之近世何等也余因與論近世詩人之所尚尚聲調則禘瑯瑯歷下尚澹遠則宗公安竟陵澹遠近於清清之失或弱聲調近於壯壯之失或浮弱則氣不振浮則體不堅求其婉而多風曲而有直體足以感人性情者何可得哉夫詩至不足以感人亦何以詩爲詩至于足以感人豈徒摘詞爲藻摘僻爲奇率意爲樸所可彷彿也者必其養氣也厚植體也堅夫至體堅氣厚非淵源經術經緯古今亦何能引情而成音引音而成詞以動天地而感鬼神乎黃石之詩因情以發氣因氣以成聲因聲而繪詞殆清不至弱壯不及浮信乎其能感人者矣豈非濫湛於經史子籍之所得乎猶不自足將問世以廣求益焉何其學濫而意虛耶充斯意也固非公安竟陵歷下瑯瑯所可域者矣

毛錢子詩序

詩者持也持人性情性情所至賦若直質而此興之音更多婉篤情之不能直陳必有所託而淺焉此風人之蘊藉厚而流志遠也近作者流風蔚茂然亦不能無變時殊情異非變乎時變乎情也都尉羈乎絕域婕妤棄于淺宮或被猜忌而憂讒或遭流離以懷土悲失身之蔡琰寫幽憤之稽康大約因時寄慨時變情移皆有惜怛剝心仰天而呼不自知其情之所變者余自流落生還縈懷詩昔情鬱于中辭窮于說讀錢子詩有如遇故人者有如獲我心者有高望而濫思低徊而欲絕者清商疏越騷離纏綿錢子之詩固多昔時之音余以今日之情留連諷詠悵命運之多屯感生平之難再亦何以爲情哉詩之不可動人者不可以言情則予之傾倒于錢子之詩也錢子之情何如乎

盧奉若詩序

壬午秋冬之際米子吉士語子曰邯山漳水之間有奇士好客而能詩適來燕市人皆知其爲盧生云余因而識其人未浹日畿輔戒嚴干戈載途別余蘭若齋中宿信而去寒暑再易滄桑變矣迨予流離歸來燕市故人八九散亡矣而盧生者千里贈詩積時未報旣而吉士司訓信都與盧生聲聞殊近得盡讀其所著詩以一帙相寄託體清俊寄興遙深其感人之言有不禁其流連者夫士當升明堂佐登歌以光華國乘固其一時也至若肥遯

青箱堂文集

卷四

五

巖壑懷古增嘆抱膝長吟亦豈非時使然哉聞其柳影閣上燈清月白高臥烟霞浮雲自遠爲我寄語近柳影間有閒田十畝桑柘交加可置數間茅屋鳥來檐上泉鳴階下余將從而家矣爾時與之陰青林漱白石探風雅審聲律倡予和汝回首晤言燕市時其感慨何如耶

譚舟石詩序

譚子舟石構李名族且祖父來科名苑文赫然動人者固已數世矣子初與其世父梁生問仲遊蓋大啓甲子丙寅間癸未又與其尊人築巖公稱同年友築巖以五經登第負宏博之材未及用于世尋遭寇變奔還子時亦流離金陵相持而泣慷慨悲歌有難一日自容者予竊知其有不奪之志矣無幾復各散去不知所往迨譚子來京師始知其溯江海歷閩粵于川窮山阻兵戈艱辛之際抱志而歿而譚子從困厄窮愁風雨悲憫中時有詩篇

青箱堂文集

卷四

五

以寄悽惻予讀之而不能已於掩卷太息蓋淡有得于詩人之意者譚子可謂能讀父書矣客京師經冬京師雖多故人皆不能舒其窮途之歎此其自處何如耶一日投詩告歸予嘉其志悲其遇且不能無媿于古人之誼也譚子勉之自茲以往或登嶽浮海棲巖隱釣嘯傲于山巔水湄慨然而賦或翻然奮飛振翼天衢爲郊祀燕饗銘功頌德之章于以紹述家學追蹤前人正未止於斯也其歸語梁生問仲審擇而處之

米吉士詩序

予與吉士同生于燕子長八年而吉士先予知名者數歲四方同人望京師而至止聞聲相思未有不與吉士相酬唱幾二十年而吉士詩行世者數帙矣甲申之變烟飄雲散迨余歸讀其新詩而舊者一無存者未嘗不廢卷而歎也吉士韶齡英穎傳其家學揮毫落紙所謂高山樛具蒼佩華纓有廊廟之容焉既而海內多故歌板蕩述小旻傷大東歔歔感慨之音作矣迄于今則悲激棲閔纏綿引抑其亦情之不得已乎我思古人依微以擬議

婉約而成章其足以感人者皆情至之言也情之至者或緩發如朱絃或急張如躍楮或始延而中留或既優而後促皆約旨植義隨方合節故敷功歌德享帝格祖體爲和平則有取乎賦若夫規風箴勗傷時憫俗孤孽怨思忠臣幽憤則託之比興爲多推其意蓋有難以明言假物以喻志耳夫周郊之大夫澤畔之逐士燕卿去國漢安辭官塞客衣單嫠閨淚盡非唱嘆嘯歌何以展其義而達其情哉猶憶當年家國無恙嘉會徵詞離羣寄慨以至山暖春鶯月明秋寺二三朋輩留連吟詠何其

盛也今者良朋凋落時異知稀其不能不于詩以舒寫其鬱惋蓋亦情之不得已矣予是以讀而歎曰思深哉婉而多風曲而有直體

沈繹堂詩序

嘗慨窮而後工之論若詩之爲道皆厄窮幽憫感憤不得志者之所爲也夫唐虞之時卿雲歌于朝擊壤歌於野風華掩映萬世卽三百篇中郊廟聘饗遊田贈送之章煌煌奕奕豈盡怨誹哀刺之詞乎乃知昌明溫厚之什與夫幽眇淒泊之音各以其時之所爲耳詩豈必皆窮哉沈繹堂太史昔以明經

廷對見熙適與較閱讀其文而拔之爾時豈繹堂得志時乎迨讀其詩秀麗瞻逸絕無苦澀儉削之

青箱堂文集

卷四

三

色予益信詩之佳者不獨窮愁之言也旣而繹堂登上第官太史出入承明因得時覽諸體其騷雅簡質凌永樂府低回而融變五言古華采則顏頤陸謝思澹則沿洞陶韋七言歌行拗峭開橫殆窮其變於李杜溯其源於漢魏者也其意氣雄渾突兀高遠則五七言律已極其茂碩而清英矣至于五七言絕句又弇州所謂愈小而大愈促而緩者乎而排律之綺錯閎濶官商之表別有餘音嗟乎詩豈必窮而後工哉卽今奉

天子命治兵中州豈其不得志之時乎行將渡黃

河涉大梁攬山川之勝述遊觀之美弇古採風一日應前席之

召數陳

彤陛予以嗣音唐虞繼響三百亦其躬逢盛世時使然耳詩豈必其皆窮哉

青箱堂文集

卷四

三



申臯盟詩序

今之言詩者言其時代與聲律而已未嘗深考古人之所存古人之所存大抵皆忠臣孝子之極思託旨深微雖三百篇未必皆陟屺盡瘁之言而瞻慕之意觸類興感無不與忠孝相通孔子不云乎邇之事父遠之事君詩未有不原本忠孝而能達情飾性者也子友申臯盟蓋淡於詩人之旨者當其遭時變革節愍公致命井水臯盟奔竄間關歷徐兗涉江淮哀號南土求所爲傳節愍公之事者旋復流離海濱蘆中風號濤聲月苦竊墨悲惻之音箱堂文集 卷四 三

音若有痛攀髯屬續之不逮者矣旣而歸故里捐塵務遇物寄慨托棕懇惻風雨流連無不足以涕淚千古嗚呼其于詩人忠厚之意抑何淡也至其諧聲中律彬彬乎古人之遺若以時代擬之當不在建安大曆之下矣

宋尚木詩序

予讀尚木詩三十年矣近復以含真堂稿寓書于予曰子其爲我序之夫以三十年之詩越數千里問序于故人此其意豈徒以論其詩哉且其詩諸子論之詳矣予卽重累其辭諒無足出諸子外況未足測其高深哉雖然三十年來尚木之遇予知之尚木之詩之變予知之此或尚木越數千里而問序于余之意乎予初讀尚木詩在天啓戊亥之際而識尚木則丁卯夏也是時尚木甫弱冠來試京師予遇于呂公祠之逆旅傾益懽然如舊相識音箱堂文集 卷四 三

見其酣喜顛倒笑呼放意有動于中皆于詩發之時聞豎焰熾每以文字中人二三兄弟動色相戒而尚木抑鬱無聊逞逞有睨柱秦庭擊筑燕市之概此後離而合合而復離者且十餘年其間四方多故窮愁托類則慷慨磊砢之作多矣方期登歌廟堂規頌功德無何而滄桑變起崩奔伏匿則蘆中土室之音幾堪聽聞乎今讀其詩或託興於烟雲水石酒奕禽魚或移情于聞思邊恨車馬屠釣其激發意氣或感恩誓劍風雨流連其雍容制作或郊廟明堂風規都雅若夫婉轉于悲歌騷怨慘

澹幽陶使人俯而思仰而歎此詩人之淡古流行于天地之間而未嘗泯滅者矣嘗嘆古今詩人能爲淩沉寂歷之調未必有當于佩觿鳴珂其善藻麗繁富未必具魁傑崛宕之氣何尚木之詩盡變若此此雖其才之能兼亦其所遇有以盡其變耳非然者卽尚木具兼通之才處羈窮而擬華應富貴而詠蕭閑雖極其肖似豈若身遇之能盡其變耶世無不知尚木之才至其所遇或未若予之知之者非予獨能知之庶幾其同之矣故述其所遇以盡其詩之變若此

劉廣生詩序

近世之言詩者嘉聲格襲風華崇靜逸芟淫靡其流也皆不能無弊而劉廣生太史之爲詩若于二者皆傲然不屑也夫古所稱詩以言志因物起興依感成聲卽其志之所至能使貪者廉邪者正臣忠子孝父慈弟恭夫敦懔以固妻勸勉以貞人倫綱紀備矣固非如世之尋聲逐響以雕刻爲能綴拾英華編輯人物究至腐爛而不可讀或托言古澹颯然淒蕭疎漏而無足觀二者皆譏然非作者之咎也作者憤一時之勦習各有一傲然不屑之意思矯其偏旣復沿而爲弊亦勢使然耳世之僞魁岸之才欲有以挽隳風返正始蓋亦溯古所稱詩之古以極其志之所至斯得矣又何斤斤二者之相還復哉廣生固有所不屑者也其以予言爲然耶否耶

陳脩倩擬古詩序

詩以言志也不得於志托之咏歌以道其悲鬱無聊之思然所謂不得志者豈獨貧賤之故哉顧有才可以爲世用時可以爲榮遇而甘處寂寞以吟咏自娛徒以寄思千古得古人之意而彷彿其言言雖不足以盡而要其意之所存則有古人實獲我心者若吾友陳脩倩有之矣脩倩以淵雅之才好沉雄之學十五年前其伯氏元倩計偕來京師與予以道義相親重既而予浪遊西湖日與嘯傲湖山之間因得交脩倩爾時脩倩甫弱冠而意氣清綺堂文集 卷四 三

泓濂發言恢瞻予敬而憚之叵何張天如宋尚木諸君子遲予于金閭而元倩亦赴山左成寶慈之約偕脩倩與予聯檣而北過橋李錢孚于留飲烟雨樓信宿始行元倩適遘疾返棹遂與脩倩別曾幾何時而海內雲擾元倩賦絕命詞而死求脩倩音問不可得又數年乃來燕市遨遊卿大夫之間久之有擬古之作吟烈悲酸融微旨雅而綿邈清遐蓋多不得志之音矣嗚呼曩日之脩倩才識茂碩方將攝雲衢駕蜺漢垂嘉名于竹帛今乃寄懷于古人鬱聲于窮巷人生之出處顯晦豈能預料

哉予非能知詩者讀擬古之篇而悲其志念昔故人半屬物化而脩倩復托興于感慨無聊夫豈以貧賤爲懷乎

秋登序

秋登者予同年李俶元監司岳州罷歸時之作也  
或曰昔人悲秋之遺意也或曰此不得志于時有  
所託以寄慨也余曰否否是皆淺之乎窺俶元也  
夫秋者萬物告成之時景物澄霽耳目之憎旣去  
江山之秀獨出達人韻士所遊覽而樂焉者也昔  
人悲秋之作或憫時傷志倦懷無聊大有不得已  
于中者之所爲耳若以秋爲能使人悲也何石季  
倫郭汾陽不聞其當秋而悲歌慨嘆乎况東籬之  
下怡然自得者伊何人歟至云不得志於時無乃  
青箱堂文集 卷四 其  
以其罷歸耶丈夫處世進退自有其據進而爲世  
用也握符佩魚按節擁旌建功名于一日世苟舍  
我而退也磐鴻泌水適吾素履士君子之得志固  
不在顯晦之分若進而利祿是艷豈爲得志退而  
靜正以守豈爲不得志况俶元少負英雅之姿雄  
博之材遭時變革由司農郎而歷監司可謂之得  
志乎迨其歸也江天浩然翱翔容與所以自顧而  
樂者固不可測可謂之不得志乎秋登諸作山川  
雲物花鳥昆蟲且因秋而生色矣豈徒感時觸物  
憤惻其詞竊墨其音悁悁而悲者哉吾願讀秋登

者無淺之乎窺俶元也或曰唯唯

朱生生詩序

余自予告來嘗習靜坐誦古人頌來闕章句但欲閒心魂之語以自娛方以文爲戒也晝閑齋靜聞人報朱瑤岑太史枉顧于庭作而肅接乃致尊公生生先生之命曰平生所爲詩刪去八九梓其二以存所好詩固公所夙知幸賜數言以爲弁念予以文爲戒徒以今世佞諛之章叫號之什不爲人所訕卽爲人所謫此而爲之序實有戒心焉若先生之詩發摠其性情之所適而蓮會於於物之相感若無意於詩而不得不然者非一日矣憶昔

青箱堂文集

卷四

三

先生居弼教坊前整冠綰綬將赴署矣余適至相延坐其齋中戶庭已幽白日半簾出其詩相商校門吏趣入署者再畧不爲顧二十年來先生駁歷中外流連境會歲時所積既盈細溢縹矣迨謝政歸日夕掃徑據几迴環吟咏不衰余時一過之陳詩相對回想二十年前宛如也今從病間畢爲簡汰所存者皆淵靜閑止氣韻清妍無一字一句出於安排而又非率爾之所能及所謂若無意而不得不然者是則先生之詩而已使世之爲詩者服習是倣必無爲訕爲謫之虞余雖日操觚而序之

又何戒焉

青箱堂文集

卷四

三

陳康侯雜感詩序

王龍標有言爲詩處心於境視境于心楊仲弘亦云詩待境而生自工予觀古今人之善爲詩者其性情之所託未有不因境而成者也憶昔崇禎卯辰之際讀予友陳元倩之詩諷諭淵淳悲其多憂時憫俗之音邇年來讀肩倩諸什意象淩永韻外之致清麗多風迨康侯來京師有雜感之作明淨竊渺或弔古而寄慨或遇物以永懷如崇蘭擢秀朗逸超勝蓋心境瑩然音旨允協矣二十年來讀其兄弟詩雖憂恂婉約之不同其因境而生皆極其至嗚呼元倩不可作矣擅風雅之宗以咏歌佳境次肩倩而起者又有康侯矣予雖衰猶能黽勉讀之

李浦珠詩序

予奉

命賑恒邢念丁卯同籍之在兩郡州邑者或得晤言道故旣而真定不遇李希白冀州以日賑二邑不及晤張雲巒高邑則飲趙濩涯侍御家致奠史註我於新樂過廣宗思王湛明光祿弔其忠烈抵靈壽訪張憶元大叅之歸觀而冀之張明寰老而逝溪之吳迪菴太史歸歿原籍久矣若安平魯凝之趙州張太始溪州王弘續寧晉孫黃阿薛爾繩沙河郭夏叔平鄉焦甕在雲斐石升沉出處多不情箱堂文集

兄弟出以相質並道余之戀戀諸君也

宋玉叔詩敘

予生而鶯弱童時嬉戲之藝一無所能先大夫日以古人詩命誦數章長而成習喜讀古今人詩予家都下達官詞客之至止者多所覽觀焉猶記宋九青司空爲給諫時相與唱和每過從輒至深夜始散去嘗爲予言吾家玉叔年未弱冠詩才俊逸皆有爲而作非若詞客之漫然嘲謔風月藻續物態以資玩好而已者爲誦一二章予心慕之無何玉叔來省其親吏部先生于都門因得縱觀其所著信非漫然而作者也自是留連燕市瞻官闕之

壯麗觸時事以興懷一吟一咏皆有關於風人之微抑何盛也旣而寤寐千里以至流離南土慰藉於荒烟野泊之間歌以當泣感慨爲深矣迨夫重來都下玉叔詩已有成集行于世忽遭誣於司敗者挾歲懣憤無聊歷四時之變託類以寄其怨誹積有百十餘篇予讀而歎曰此非抑鬱不伸漫爲怨刺者也常觀三百篇非惟朝廟山川封域圖牒有關治理者形之歌頌卽田夫庶女之賤雀角相鼠之微野譏閭訴無不載之篇冊豈非以著美刺之由以規時政之盛衰歟玉叔遇茲無妄慨然于

中淡矣隱約其義庶幾詩人之旨以與時之一悟  
是豈徒自處於怨者也

聖天子在上採風觀俗則玉叔之詩有助于教化  
夫豈微哉玉叔方當盛年予以騰驤天衢麟黻大  
業賡歌都雅君家司空所謂有爲而作者豈誣耶  
若予則鴛且衰矣雖髯與角逐無能紹其氣矣

陳子文詩序

余家京師才藝之士自四方至者或來顧焉余媿  
無以答問奇且迂拙奉

功令藝文之外概不及來者頗亦不來迨予告家  
食來者亦間有余所以致慇懃不過脫粟一飯別  
無可以慰其意者故來者亦復不來夫懷所欲而  
來不得所欲而不來情勢固然而海寧陳子文以  
年家子持所著詩而來語無他惟數數索弁言嗟  
乎子文何異乎人之來也子文尊公岱清先生余  
同門友也詩文名海內而風迹邁遠不屑世俗之  
爲余夙所儀型今子文乃能如此洵乎得之家學  
源潔而流清也古者揖讓之際必稱詩以諭其志  
而登高能賦可以爲大夫子文之詩壯麗閎衍而  
不沒其風諭之義故贈答之章不誣人遊覽之什  
不玩物觀其人可以知其詩觀其詩益可以知其  
人矣此余所望其來而子文亦非來而不來者因  
憶我岱清昔來京師授官粵東不見者餘十年忽  
焉幽明異路又不禁泫然涕之無從也



許鶴沙詩序

昔余與鶴沙先生同官翰林因得論其詩舊矣今補官來輦下過予草堂出一帙曰此十餘年之歌咏未識視昔何如苟以可教而再賜教言幸甚予剪燭淡宵誦之乃其由官允歷監司臬長以及家居之什也于詩人之優柔騷人之清剛投之所向無不如意浩浩乎若與曩異者予老而倦學不能詳其氣格音節之所致惟見其于官闕省苑之勝有溫醇雍肅之度于關河險阻之際有雄剛壯穆之風當戈戟鏖午復能輕裘緩帶騁歌風賦雅之才迨于擷秀芳林泳游遐浦其音和其旨遠其節廉以削有君子之操焉殆昔人所謂力量足以驅使才思足以發越者矣予尤以爲讀書多養氣厚胸中確有所見不爲境遇所移即縱目騁懷未必不得江山之助而卓然性情之旨卽歷顯晦得喪之不一皆不失詩人風論之義由今視昔亦與年俱進乎今復出而提刑滇中乃在西南萬里之外其名山巨川狄鳴鳶跼之間壯其氣而開拓其耳目憑弔伏波武侯之遺烈所得有更不可測者予卽老矣猶能釃酒而歌之遂書帙端偕以爲序

王異公詩序

論詩者多比擬古人若李若杜取其似爲佳作者亦以摹畫爲工予嘗以人各有志趣際遇之不同太白自太白子美自子美豈能強其相肖哉千百世之下捨其已之爲人擬似於古人卽相肖亦優孟衣冠耳詩本性情莫若觀其人其人和易詩必忠厚其人高簡詩必閒逸其人峭爽強立詩必雄健疎朗如異公其人淵才亮茂懿質貞實與之晤對丰旨映刺心目印沁鄙躁潛消故其詩溫靜惇樸氣宇沉挺所謂錢刻萬物而接之以藻績一如其人卽欲有所比擬異公自異公何必取似於古人乎予未能知詩但見其詩而懷其人見其人而益重其詩世之知詩者讀其詩友其人或不以予爲佞矣

燕遊草序

俞子葉嘉瀕行矣以長安三年來景物之變交遊之雅形於歌咏者次之成卷問序于予曰雖無可觀亦情之不能已者余讀之而嘆曰詩所以導情也觸物興懷則情因景生撫衷感遇則景因情著情也景也皆理之所必然也三年遊子夢繞庭帷千里客邸懷連同氣觀山河之異而起夙昔之思登高而賦彈鋏以歌卽酬倡投贈亦事賢友仁之義景之所在卽情之所鍾皆理之所應然非勉強之所能爲也况以英妙之年負絕人之姿博綜風

青箱堂文集

卷四

四

雅昔人有言法度可學而神意不可學者俞子之謂也今且馳驅仕路覽江山而興慨經時序而寄懷機杼所嚮淋漓於情理之難已者長篇短韻將徧名山古址間矣倘或憶三年來林靜鳥啼燈炮月轉書聲達牖戶以至把酒刻燭之留連或有不能不俛而思仰而望者亦情之不能已而理之所不能無者乎余既耄矣序俞子之詩徘徊于既往未來不禁其情之悄悄者理固然也爲留數卷几上詩在几上而俞子行矣

沙郁合刻詩序

予自得告閉門城南僻巷時讀古今人詩以自娛得江陰沙子定峰詩而悅之因與之交太倉吳梅村祭酒書來稱其鄉人郁子東堂詩歌之美乃因沙子以交郁子同時復有周子翼微趙子松一毛子亦史咸在京師相與接纓易聆宴言月榭風庭花間林下諸子挾其翩然邁往不可一世之韻遇古今當意不當意之事倏然不倏然之境酒酣歌發感慨淋漓以爲歡樂方以此樂可以常有既而先後散去惟郁子讀書西山經歲不得一見因歎

青箱堂文集

卷四

四

人生聚散如花飛風中鴻來雪上亦曷常之有哉郁子以一棧謂予曰數年來與沙子各有詩什將合刻以問世願爲序之嘗憶宋景濂先生有言作詩必自序非他人之可與聞况予年入衰遲雖喜諷誦古今人詩不過藉以游衍性情實無識解何能序二子之詩乎且二子孝友博聞具僑胥會史之鑒蕭然沈挺獨能學三百篇之遺長章短韻春容清麗亦何藉序而後傳乎然予終不能已于一言者詩者心之聲也心之正者詞氣必雅潔音節必純粹所謂詩以言志也嗟乎古來固不乏能詩

者矣。宋文公嘗以王儲之詩，非不脩然清遠，一失身於偶悞，則平生之所辛勤，而僅得以傳世者，適足爲後人嗤笑之資。每覽此而懷然愾嘆，人固有因詩以傳，詩亦有因人而滋議者矣。可不慎歟？二子操履嚴正，內求於身心之功，卓矣！行將偕昔諸子聯翩天衢，復聚輦下，紹賡歌而繼雅頌，予以傾斗酒和新章，逢故人而永夜以續當年晤歌之樂。予雖老矣，猶能翻躡其間也。

趙松一詩序

詩以言志，言之不足，故長言之；無已而又嗟嘆之。凡以發乎情，宛轉以寫已意也。予嘗以贈答之什，不若遊覽之篇，贈答間多餘情，而或失已意。遊覽則遇感興懷，流連景物，皆情之所不自已者。予友趙松一別去數年，偶自房山客舍寓近，詩一帙皆歷年江山感興之章，而贈答間亦有之。然皆因情以發，故多清綺綿渺之音，麗雅有風，則一唱三歎，令人低回不能已。若身歷乎其境，親見其人者，其上方山諸咏，則予昔避寇所經讀其詩而懷念當年巉巖幽谷，匿之惟恐不深，雖名花古木，間泉香雲，逸七十二菴之鐘魚互答，皆傷心涕泗之助，惡能措一詞以紀其勝哉？視松一之遊悲歡之情，固不同耳。松一聞而慰之曰：「能續前遊，將爲杖笠之導，嗟乎！予即能往，巒壑如故，覺後而牽連夢境，何以爲情？亦未必能倡予和汝矣。」或與松一登齋星垞，上舉一觴相屬，曰：「與爾同消萬古愁，斯固情之所不能忘，不則讀其詩，不亦日遊雲峰霞岫間乎？」

陳安仁遺詩序

予讀子更之詩舊矣別來十餘年而子更之墓草已宿令子雲銘以遺稿命序於予予覽之不勝滋然而歎息也昔子更來都門不我鄙棄時相過從卮酒爲歡酒闌氣盛與之論詩因見其諸體之作大篇春容短章踔厲往往恢廓其旨趣低昂其音節蓋得於詩人之意浚矣予因以子更之才學古之道將以修之身者致之世其所樹立豈徒以詩名哉亡何筮仕而去將以政成績著入爲京朝官相與倡子和汝以續夙昔之歡乃竟迫以貪人之請縮堂文集

卷四

五

陳處士詩集序

余衰年抱疾每思平生故交不勝今昔之感武林陳康侯以其兄脩倩遺詩目錄過余云先處士詩業已編輯成集辱在相知最深且久寧無一言以序之乎余方以離別感愴於夙所讀書槩不能觀或一涉目悲涼岑寂之懷觸之而興於詩尤甚偶一屬思卽慄恍失次雖欲勉爲而未能也遲之又久康侯數諄促之因覽其目錄多余昔所誦法者夫三百篇之有小序原以述作者之指觀目錄所載其指已著更何以序爲然格力之雅健雄高氣韻之清麗淡眇昔人所謂狀難寫之景如在目前含不盡之意嘗在言外讀其詩自能得之余之不能已於言者憶昔省親武林與其兄元倩定交脩倩方髫齡余亦未及壯時明之崇禎甲戌仲夏也旣而元倩以節死脩倩抱經術之業以嘉惠後學來遊都下雖未履仕籍而籌時之畧實多訐謨士大夫爭下榻焉余與之續舊歡往來益密嘗見其撫良辰而選勝送牢愁以摠懷徬徨徙倚慨嘆咨嗟一發於吟咏倡子和汝時與予偕今篇什中亦數見焉余雖恍惚失次惟念血氣之倫過其故處

清箱堂文集

卷四

五

必回翔脚踟乃能去之卽燕雀之微猶有啁噍之  
項子讀屠情詩俛仰今昔四十年來變遷存歿之  
慨何以爲懷所以悲涼更淡不能自己于翔回者  
也

沈亞斗讀史詩序

余嘗讀史雪夜漏沉一燈熒熒低回於古人之可  
愕可慕未嘗不歎歔惆悵思有以歌咏其事以發  
抒其望古遙永之懷輒愧才鈍雖躍躍心口間多  
輟而未就也迨讀沈子亞斗咏史諸詩不覺三復  
而嘆曰思淡哉沈子何其節茂而音婉功妙而旨  
淡乎卽其含慮悲悽流情感慨直令古人自有之  
意不能自白之當日者今且昭然于千百世之下  
所爲動天地泣鬼神宕軼于音節淋漓有恨古人  
不見我之思豈徒大嘲小賦苛論曲議太息今古  
也昔李義山精于詠史體號西崑卽司馬貞之以  
韻語爲述贊亦第約文歸旨約旨歸律令讀者得  
其全意于片簡之中已耳若亞斗之沉吟獨往洞  
徹流連當其音消響寂時如見古人何其淡也余  
三復讀之其可慕可愕之懷悠然愈遠矣

紀仲霽填詞序

余嘗言人非有長劍倚天揮戈回日之槩不能作  
癡語非有閉雪千巖枕流亂壑之致不能作曠語  
非有投汨水哭窮途之懷抱不能作悲酸語總皆  
情之所至非可勉強而然者今讀紀子仲霽填詞  
癡也曠也悲酸也是皆情之所鍾不得不然者也  
人誠一往情深大之可以成忠成孝微之亦不負  
于光景流連吾知仲霽之情深矣憶昔偕奔于荒  
途斷泊之間人方攢眉憔悴而仲霽襟期自若時  
浩歌于山顛時行吟于江畔時于市僧酒肆之間  
青箱堂文集 卷四 五

青箱堂文集

卷四

五

友琴堂遺稿序

武林卓靜巖庶子以詩文名海內余讀其書而慕  
其人迨同官翰林且與余子熙同舉丁亥進士相  
知殊深乃得時時誦其詩既而子孟孝廉復以詩  
名琳瑯淵雅後先相掩映知其能紹靜巖之教者  
及余姻友毘陵莊子玉笥以其妻卓孺人友琴堂  
遺稿屬爲序又得讀之端確和秀皆本風人之旨  
問爲誰氏子則靜巖之女也因嘆卓氏自海幢公  
世爲藝苑宗工而靜巖上承先訓不惟能教其子  
且能教其女矣或以婦女以無非無儀爲宜豈宜  
以詩著稱是不然古之士女茱萸賦事以寄情雜  
佩贊夫以取友殷雷之念夫燕燕之送遠柏舟之  
自矢條枚且以懷人及其王室雄雉之婦人則最  
君子以德行吾夫子皆著之國風爲千百世楷模  
是古之士女何嘗以能詩爲諱哉若孺人者倘遇  
采詩之典行不庶幾乎風人之遺乎嗚呼二十年  
來靜巖歲路方盛退入三泉子孟相繼淪沒孺人  
復以盛年而亡天旣豐其才何厄其數若此邪是  
可哀也

青箱堂文集

卷四

五

嚴方貽詩小引

昔棲遲餘杭之和村危樓孤峙修竹萬竿泉自廊  
下流去雨過山青桐疎月澹觸目無非詩况灝亭  
兄弟雖當風鶴驚擾之時尚集避地同人相倡和  
十餘年夢想依依未嘗不在雲水鬱蔽中也灝亭  
官黃門嗣君方貽隨侍京邸年甫逾舞象登賢書  
聲聞奕奕動人其詩復英逸予誦繹再四烟障幽  
溪巖光獨出正如在和村山水間矣方貽其以余  
言質之過庭時或歸去問諸伯叔豈不以爲然歟

和堂文集卷五

韓爾清制藝序

宛平王崇簡著

文至舉子業不爲時趨所轉者必其淺得於古聖  
賢之意之所存而卓然特立者也夫舉子業之弊  
始於時藝盛行學者不深考於聖賢之旨勦襲浮  
艷以躡青紫而有志之士思以古學相砥夫文之  
貴乎古學以其蘊藉古今數千年載籍之理而不  
蹈襲古人一字以傳古人之神也若創詭鉤奇尚  
足言古乎故弊之所至始而勦襲時藝轉而餽餽  
青箱堂文集 卷五  
經子轉而剽獵晉魏齊梁至鑿空杜撰之言興並  
其剽獵者而亡矣於是又相競而摹倣先輩夫先  
輩之爲文其性靈與學術相輔而行乎聖賢之旨  
非可以摹倣形貌而求似也故前之弊有僞六朝  
今之弊有僞先輩二三君子倡廓清振起之力而  
舉子業始有正宗吾友爾清氏之文於是乎大著  
爾清之爲文當琢字飾句之時匠意經營獨有得  
於高古樸淡不爲世人耳目所共賞且視世之矜  
挾先輩沾沾摹倣以爲步趨者又夷然不屑此非  
有得於聖賢之意之所存亦惡能不爲時趨所轉

哉殆所謂卓然特立者非耶

黃幼則制藝序

幼則昔甫弱冠卽博綜經籍端重自持蹈履不失  
尺寸兢兢如老成人同社數子幼則最稱謹篤爾  
時見熙暨高念侶太史以童年受業其門因讀書  
子家比屋下簾松陰日轉雪夜燈淡隔窓紙聲葉  
葉時相聞也數歷寒暑幼則學益富而再細于有  
司迨滄桑忽變同社數子升沉存歿多不可問予  
猶得與之道故於燕市念侶與熙兒皆未及弱冠  
聯翩而起珥筆承明幼則尚困諸生豈其術有不  
工哉無何遽入太學教授生徒復多有成官於內  
外者接踵三年試於天官爲邑宰自疑其文出以  
質世幼則生平爲文矜慎不苟率多淵確端醇雅  
如其人以如此其才而艱於一第豈善於教人而  
自取之術疎耶夫人患無學及行不足稱耳亦何  
必科名始重幼則年未及壯卽綰綬握符膺百里  
民社之寄不可謂非遇矣誠行其所學兢兢不失  
尺寸卽古之良吏不足道也又何疑於其文而嘆  
其術之未工哉



董良合遺稿序

秋夜枯坐平生故人聚散生死之感上下予懷董生良合遺稿適在几上翻閱未數紙不覺泫然流涕日嗟乎董生何遇之窮董生淹雅之才讀書中秘未浹歲以乘小輿忤貴人罷歸優悠寧澹仕門者書期有傳於後幸際

聖天子詔天下漸除微過其登用可待矣遽以疾終而孤子尚在童穉所著復多散逸賴其季父綴輯成帙今之所觀皆其斷篇殘墨也嗟乎董生負材於已既不能得志于仕路而所爲發憤於文章

青箱堂文集

卷五

四

者又不克竟其業徒使苦心敏行竟與飄蓬斷梗同歸沒滅抑何遇之窮哉藉假之以年卽不得致顯位庶幾自盡其才所可傳於後者寧止此耶大司成單拙庵先生爲其同年友將梓以傳世其於生死之感何如也疎林風動蛩聲在宇因著其所感以弁之爲之終夜不寐

章宗季制藝序

今之視制舉藝爲資身之業者何其淺也夫士生而服習經學必明乎義而不詭於道始能各言其心之所得傳所謂文以載道者非耶非然者雖精乎筆占善乎歌咏習乎升降搏憂亦史工宗祝之所能耳求其潛溪於義理本乎心之所得而潤飾乎毫芒之微豈可得乎予嘗舉此以論制舉藝辛卯秋校士成均雲間章子宗季來獨後余閱其藝辭文旨遠心知其爲能不詭於道者卽日錄送京兆榜放中式迨乙未登第以所爲制舉藝示予因

青箱堂文集

卷五

五

請予一言系之首予究覽之所謂原本經術言其心之所得者猶是也而道加精矣勗哉宗季由其道以宣性情之正以昭中和之序以別是非而參變通卽經世而裕如矣豈徒爲資身之業者哉

沈亞斗二十四藝序

余課士太學得沈子文靈潔空縱一篇中若有千萬變而不可窮者意其人必機智穎利既見則質樸簡易若溪山學道之流始信舉業一道傳聖賢之精神非降心氣淡嗜慾攻苦自刻必不能傳其精微沈子下簾燕市極意鄉學著書外一無所好雖祁寒大暑不輟其業所爲制舉業數十篇而止以二十四藝問世又何簡核若此耶推其意刻苦以期造聖賢之精神誠有不苟且以從人好者矣沈子勉之豈獨爲文而然哉

朱太史制藝序

今之制舉藝學者以爲進身之資而官人者以爲選材之務蓋以其本原於五經四子以代聖賢爲之言代聖賢之言者必心乎聖賢之道者矣俗學恒視爲進身之所藉旋弊帚棄之斯豈有得於聖賢之道者哉誠得其道雖終身游泳焉可也若我友朱克咸太史自登進士以來今餘十年矣于制舉藝日孳孳焉取夙昔之衷文披質規模聖賢之言銖寸無失者彙而著之豈無得其道而然歟其理淵以確其詞明以微于溪醇樸淡之中有雄高獨得之勢其視世之依稀影響爲不根之論無端倪之詞逐浮以飾僞釣詭直朝榮夕落耳雖然所貴乎能爲聖賢之言者非徒以言而已將以徵其行也嘗慨今之稱爲能言之流講仁訓義律善抑惡未嘗不極其切至迨觀其行而如其言寡矣夫言之者如此行之者如此則制舉藝正終身未可離者也予于太史觀之矣

鳴社新藝序

鳴社集餘杭吳無稱嚴子問子餐合同邑諸子之所論著也其文行海內久矣取旨高以淡遺詞博以雅鼓調宕以逸蓋漢求乎六藝之學而得其名理之至者也予昔讀其文以未得見其人爲恨迨乙酉之夏飄泊湖干孤舟投止其鄉先生鮑侍御以邂逅假館於和村予時抱病坐臥一樓而無稱子問諸兄弟饋餐問藥無虛日當流離得依夙所寤寐之人頗堪自慰况連密繞榻雲木虛吟水石潺湲風竹相答因憶諸子之文廣意肆志其得於

青箱堂文集

卷五

八

以  
山水之助者蓋亦多矣亡何別歸十年來悠悠我思未嘗不在古樹高巖藤廊石几之間也迨無稱廷對來京師出所携鳴社新藝相示融微古雅如雲之出岫如泉之滌潭殆本之六藝之理者淡矣雖多繼起之彥而所以振後學執壇坫則仍我無稱子問諸兄弟也時同人偕集陳子肩倩顧子曰盍爲序之子媿不知文因憶疇昔之所見川岫之奇雲霞之秀藉以況之其然耶否耶

總憲張公崇祀名宦錄序

常讀甘棠之詩歎古人之澤何深而其時之民風抑何厚而樸也夫思慕其人至所憩之樹不忍剪拜相爲敬戒焉曾不溢一語爲贊頌又何畧耶嗚呼此雖民風之厚然亦上之人有以化之也世之降也有司有要譽於人之心下之人卽有致佞於上之術謠頌繁興碑銘而尸祝者真若神君慈母卓越無前推其心不過期得有司之歡心以倖爲我所欲爲耳至去車方駕而向之巍然堂構夷爲鹿場者豈少哉求其興思於數十年之遠如內黃

青箱堂文集

卷五

九

人之于其令君張公者不可謂民風之不古而蓋歎公之仁心實政入人之深而澤流之遠也公以萬曆癸巳任內黃令越年服母喪去距今六十年當時之沐浴風親德意其人幼者已老而老者已歿矣乃其子弟述父老之傳聞請於所司納公之主於名宦而祀之嗚呼時已異矣人已往矣其何所爲而爲乎非公之德澤深長何以至此公之遺思於人者不獨內黃也治上蔡上蔡人思之撫兩浙而兩浙人思之至今尸祝如一日也若其梧垣栢府績著國史此又千百世之所仰思者矣憶昔

子以年家子謁公京師見其巖巖嶺立延接誠摯  
予時以焚焚儒生感之欲泣思之至今嘗從其嗣  
君比部公聞其鄉人之思之者更加于內黃之人  
思祀公于鄉先生祠以公有遺訓子孫不敢背而  
止嗚呼惟其無要譽於人之心所以澤流久遠而  
繫人之思如此也

副憲劉公崇祀鄉賢錄序

之賢者歿而祀于其鄉此治世廣厲爲善之盛  
也末流之弊賢者未必祀而不賢者或祀之有  
識者觀之似無足重輕矣雖然十室之邑必有忠  
信一鄉之中豈其無賢乎惟貴賤殊觀真偽相雜  
不足爲世觀感遂視爲可有可無之事耳予以爲  
真偽之別亦觀于物服其誠而已天下事在疑似  
之際雖賢者不免擬議若金良玉美不待辨物者  
而定也何也其誠然者不可掩也若副憲劉先生  
之崇祀于鄉非物服其誠者歟先生事功之著進  
青箱堂文集 卷五 士  
退之宜已昭然于仕路其居鄉之賢予不惟久交  
其嗣君給諫公而習聞之昔經其剏邑而習聞之  
復經其邑之聚落而習聞之先生之賢士大夫能  
言之卽農夫村婦亦能言之予以士大夫之言之  
可信不若農夫村婦之言之尤可信也農夫村婦  
不能以不賢爲賢亦不能以賢爲不賢也先生之  
睦姻任恤爲德于鄉者不可枚舉而父子兄弟孝  
友之聲遠近流傳景之仰之以爲萬石之遺風復  
見于今日所謂物服其誠者于先生見之矣給諫  
公以崇祀錄屬序于予予愧無能言卽世之能言

者于農夫村婦之所稱說亦豈能加毫末于先生哉嗚呼斯乃于盛典有光矣

顧封君鄉賢錄序

鄉賢之祀列之典制盛世風厲之大經也古之聖人風厲天下期人皆可得而至焉故宗族稱孝鄉黨稱弟豈人之所不能者哉求其克盡於此者多難概見豈非驚高釣奇以爲名而于此反略歟故有才華意氣動海內而鄉黨宗族之間不能無疑者蓋假詭之事易工而庸常之行難盡也聖人以異常之事不足爲科條獨於人人之所可得自至者敦之以爲教人之克盡於此雖無超世之行其足以風厲世俗尤取之而不廢況乎孝弟章著如顧開明先生者乎先生敦倫篤本事親養志居喪致烏鳥芝草之徵以退讓釋同氣之疑逸才博學雖數奇而寄興超邁郊居十八年城邑幾絕跡焉殆所謂爲善于國不若爲善于鄉爲善于鄉不若爲善于家者先生有之矣當時採父老之言崇祀鄉賢其于風厲之意有合矣予交西巖侍御得覽其崇祀始末爲序其概以志仰止侍御克紹先烈俾先生幽光卒顯予不能無媿矣

朱氏家譜序

士君子之重其身者本之以衍祖宗之系廣之以期利物濟人夫人物之繁多疎衆苟有其志方思情有以周之力有以及之然退而考其家庭族屬之際吉凶憂喜恒有力不能及情不能周者抑何也豈非康濟之願言之無難而惇敘之美施之易忽耶故人之視瓜瓞之裔無異路人多緣于不知念其祖之所同出大雅之詩曰無念爾祖聿修厥德人誠推原祖德雖支分派別皆其欲慈之子孫則惇睦之恩油然而興俗衰教失士君子因陋遺

青箱堂文集

卷五

古

遠有問其先世不能道者則古人之有家譜豈可忽乎哉余友朱炳如負材力學久困諸生寇破都城憤欲一死獨念先世自有明正統間以精岐黃術召來京師二百餘年之祖澤不可自我而無述于是棄舉子學修先業以濟人都門童男女賴以全活者不啻數萬故其家雖中落而克復振時懣然以爲此身幸全使先世之年輩名字茫然不可考久而漸失何以身爲乃卽其存譜而加詳焉其例備其法嚴歿者生者比肩接膝若同堂而處觀之者一世百世如指掌焉先是炳如二子既以

兄之仲子爲後夫爲人後之道古聖人重言之使其屬之殊者相與爲重親之厚者相與爲輕非強爲之制也揆之義理以大本一本也世不知道乃有欲諱其名或羣然而爭若有利乎其間者以聖人繼嗣之大義爲貪黷之行尙何倫紀之足云乎炳如則曉然著其名于譜使子孫知爲人後之道甚重而不可廢嗟乎其施之家者惇敘如此使其有當世之寄推其意以康濟人物寧止全活童男女數萬哉若炳如斯可謂能重其身者矣間嘗與余論其世昔狄武襄以不安附梁公之後士論難之

青箱堂文集

卷五

古

炳如于其久遠難知者不援以誣先世其傳于漢也實自買臣云

感應篇章句註序

感應篇不知作于何人而以太上爲名若道家者  
流所爲然其義本于懲惡勸善卽聖賢所謂惠迪  
吉從逆凶之旨而嚴厲其辭若禁約然亦所以啓  
善于幾先消惡于未萌賢者不敢廢愚者皆可與  
知自宋迄今流傳已久或以因果報應之事附綴  
其間雖取其易于驚俗動衆而奇徵異應人或視  
爲不常有之事反以爲未必盡然者矣何若卽其  
言以著其理賢者愚者皆曉然明白而無所惑此  
耕方吳太史有章分字釋之註刪去一切繁蕪而  
青箱堂文集 卷五 去  
獨標其理以正告於世而專責望士大夫者何士  
大夫人之表也天下之大風俗之良梏趨向之邪  
正何一不自士大夫爲之轉移士大夫誠能求其  
理以淑諸身明其理以善于世則人之觀感有不  
待家喻戶曉而風移俗易者矣于以正人心而輔  
教化于聖賢之道豈有停哉於戲士大夫固誦法  
聖賢者也所患知誦而不知法若誦而知法則四  
子之書其所爲遷善遏惡之道正如日月之經天  
江河之行地亦何藉此篇以設教乎藉感應篇以  
設教亦太史旁引曲喻以感發人之善心不得已

之極思也爲士大夫者可不省歟

少宰孫公七十壽序

少宰孫北海先生自癸巳致政至壬寅爲今上御極之元年是歲十有一月七日爲先生七十七誕辰先生壬午典試湖廣所得士大理寺少卿李公過廬先期詣子曰昔楚士獲造于孫先生者甚盛今在京師惟予及某某偕二三受知之交謀所以壽先生而縷金纁繡實筐陳篚迭進以爲獻效閭里家人子弟之儀良不足以溷先生之側也先生喜讀書著述或以文爲祝庶可陳左右而介一觴願留意焉子曰今之以生辰爲壽旣已非古復青箱堂文集 卷五 九

往往謁請文詞概其生平而誇大之如川至日增萬年景福無論其人之能承與否殊不可以爲禮且予與先生交好締姻人莫不知卽有所頌或以爲阿私况當世不乏名公大人乎公遽作色曰以公於先生漢相知也若名公大人之言非所以處先生並非所以處僕輩矣予不復敢以不文辭遂與坐而論曰世俗之儀旣不可以爲先生歡而介祉祈年之語復不可爲先生祝無已則徵之前賢之與先生有合者稱述之予姑妄言而公度焉史稱張師亮以三公就第福壽康寧時罕其比先生

得無似之公曰師亮四踐兩府九居八座及請老入辭方拜而仆計其年已及矣若先生乞身未老之時似尚有間予曰若然則疏太傅宦成決辭而去人皆賢之范少伯蟬脫功名之表俱足以方之矣公有間曰太傅歸以賜金共飲食日與族人賓客譙飲爲曠達已耳少伯不勝雄心之鬱勃雖身退於越而猶屢致千金蘇文忠所謂才有餘而道不足非耶夫所貴乎君子之年者以學問爲閱歷道德載于躬年數彌高益以爲可貴予自獲侍先生以來雖職任繁重未嘗見其或廢卷帙今且著青箱堂文集 卷五 九

述充棟矣語未竟予躍然曰斯言也可以徵先生之壽考矣吾夫子曰仁者壽而先生之著述皆仁人之言昔官諫垣抗章極論時推仁者之勇迨躬逢

聖朝歷仕至司馬少宰晉秩總憲其所因勢導機開誠布公無非欲躋斯世於仁壽迨致政構城南書舍左鼎彝右圖史朝夕讀書其中十年來著書不啻億萬言于經術世道人才風俗之際三致意焉復勃率理窟精辨濂洛關閩之源流予時効校讐竊歎其醇淡淹雅皆足以佐世運之靈長殆所



仁人之言其利溥者矣今年且七十神明矍穆  
飲啗過少年手搦一管晝夜不倦俾爾彌性豈徒  
澹於勢利者之可幾哉昔衛武公年數九十有五  
猶作懿戒以自儆其云無競維人有覺德行罔敷  
求先王告爾舊止何莫非研窮學問以輔翼道德  
之躬于期頤乎以方先生其有合矣公作而謝曰  
斯言也可以爲先生祝請次其語以介觴

封宮保尚書高公七十壽序

年之所以貴於天下者尚矣有祝嘏之詞有養老  
之儀所以養之非徒豐其儀以邇之必其有可憲  
者也所以祝之非徒侈其詞而媚之必其有可傳  
者也故養之祝之皆有德存乎中焉小雅詩人善  
言祝者也將博取于岡陵日月山川松栢以爲祝  
必先推所以致之之理曰俾爾單厚言乎無之不  
厚也曰俾爾多益言乎無之不益也曰俾爾戩穀  
言乎無之不善也蓋謂有一之未厚未益未善則  
不足爲德之全而不盡其致之之理矣大雅亦云  
千祿百福千以言乎自求多福謂在我有以致之  
也于是有徵于高望雲先生矣先生以其道視躬  
及其嗣公相君以相君之貴天子推恩下璽書封  
先生爲太子太保吏部尚書順治甲午九月先生  
年七十古所謂賜杖異邁而祝嘏祝噎于左右者  
其典有在而鄉邑戚執謀所以宴樂稱觴而屬予  
序其意爲祝余謝不敏或讓之曰子丁卯同相君  
來于鄉習先生且三十年又受知于相君最渙則  
知先生之德之福莫如子其何辭子詎勉拜手曰  
唯唯夫七十之壽世有其人惟是爲宰相父福履

張安几緝御鼓鐘前懸匏竹後列相君緋衣橫  
玉仲君飛鳬函箋諸孫之孝廉其人者紳衿其人  
者執觥旅進膝席前壽先生可爲極人間之福矣  
子將何以爲先生祝將推其致之之理若相君之  
壽天下以壽其親者公卿大夫且言之章章矣將  
何以爲先生祝也無已諸君先生之鄉人也盍亦  
言先生爲善于鄉以致之之理爲諸君揚解勸可  
乎先生天性惇質孝友恂恂幼而操觚往往揣六  
經百家之微幾得志于有司數矣而志不衰然抱  
經世之畧而無高出鄉人之意是爲難也客曰是

青箱堂文集

卷五

五

誠然先生持身左繩右矩不失尺寸惟恐行一不  
義里人敬慕之未嘗與一人相睚眦也客曰是誠  
然迨相君及第先生行益謹無幾微驕人之色見  
于顏面尋以明經上第爲京庠師輩教之下哀然  
聲稱無何致仕歸抱道自適于世所蟻附而蠅吮  
者絕不道也客曰是誠然歲荒捐粟勸賑遠近全  
活者數千人而于鄉之秀者導之學頑者勉以義  
族若嫻所賴以襄吉凶而助不逮者數十年如一  
日也客曰此鄉邑事也子何以知之漢耶若夫拜  
章服之錫榮貴尊高瞻然無異縫掖時此其識量

何如也而醇龐冲粹齒堅耳聰燈下著書有壯年  
所不及者客曰是期頤徵也子躍然起舞曰德至  
此蔑以加矣以合於詩人之旨厚矣益矣善矣全  
乎其所致之之理矣然予更有爲諸君加進一觴  
者聞之四氣畢備是爲壽元先生所爲秉四時之  
氣天授之以全德而可傳可憲者也由是而八十  
而九十而百歲

聖天子修舉袒割問道之盛事而子若孫重膺龍  
章袞錫以爲壽者接武至矣其爲岡陵日月山川  
松栢之福曷有艾哉

青箱堂文集

卷五

五

華封君六十壽序

禮之有祝何爲哉所以貴年也觀四時養老之政無遺年者至若割烹共酒共食獻鳩共齒杖之儀見諸外饗酒正嫡人羅氏伊耆氏之屬以至祝哽在前祝噎在後凡以著之禮以致其祝誠以年之貴於天下所以教孝也俗降禮失而祝養之義不行而今人以生辰爲壽禮雖非古其稱觴燕樂徵言介祉凡爲人子者無不願祝其親卽其宗姓賓姻無不願人子之祝其親是古祝養之禮猶存其遺也予所爲末致祝者錫山華受庵先生先生太

青箱堂文集

卷五

五

史續長君之父也當太史以

廷對第二人

召見

乾清門子時執引見之役仰見

天顏有喜

寵錫冠服五紋炬燭爲慶未曾有之

思遇私念有子如此爲之親者必德壽人也旣而太史讀書翰林時相過從得聞先生年未及耆果有德者也今年夏旣季太史顧予以八月十日爲先生六十初度且道先生謝賓姻之爲祝者太史

以守官不能稱慶予舍與得子言馳以介人子之賜予不能文而願爲人子之有以祝其親則不敢以不文辭夫今之爲祝者若子若孫鳩宗姓樂嘉賓諸大夫鄉老遠近來會高車肥馬畫鷁蘭楫填閭溢巷襟帶纓鉤光照戶庭觥罍纓繡實筐篚以獻絃詩簫簫酒芬馥潔旅進而前爲壽譙言堂廡之上舉酬逸逸以尊卑大小序而接之藜桂滋蘭相爲輝映此亦人子之祝其親者之極致也太史力能致之先生方謝之不以是爲樂予將何以爲先生祝予夙治詩無已則稱詩之爲祝者以祝焉

青箱堂文集

卷五

五

嘗讀南山之章其所以爲祝于德壽數致意焉其云樂只君子遐不作壽樂只君子德音是茂言乎君子之壽未有不本于其德而德之至者自可致萬壽無期保艾爾後也蓼蕭之章亦云其德不爽壽考不忌釋乎詩之言祝則先生之以德致壽惟其有之是以似之無俟著筮而禱矣先生幼而力學以繼弓冶長而式穀以嚴孝敬代父主家秉人不知其非父彈力胥弱弟子成且教其子必先兄子亦不自知其然也而任恤族閭卽自爲謀者有勿及而絕去德色怨尤亦勿卹焉太史及第寓銘

以戒曰生逢知遇毋負

聖時謹心力職安分守貧賤哉斯言先生不獨能教其子掇高第又能教之爲官矣比太史荷馳封綸誥輝煌仍隱約如布素合之南山諸詩所云則德音不已壽考維祺先生自有之矣而世之所爲祝者宜乎先生之不屑屑也予愧不文聊述詩人之旨以代古祝養之義先生欣然加一觴則于子之所以祝其親與所願人子之祝其親者咸有榮施矣

郝太夫人六十壽序

京兆州邑概多世家而霸州郝氏父子祖孫科名世澤爲特盛少司農械清先生承前啓後德業昭聞而嗣君敏公少宰復佐司農德業名位保艾茂厚而世澤之傳不替有加焉甚哉爲之配者之難也而李太夫人實配械清先生以予所聞其爲女爲婦爲母者崖畧猗與賢哉是歲十二月十有四日實爲太夫人懸悅六十之辰敏公同籍諸公以酒子之誼登堂爲壽少宗伯黃次辰以予在司農父子間交最久宜知之漢屬爲文以祝予拜手曰太夫人壽而需予言哉太夫人在室擅閨秀之譽于歸樹齊德之軌爲母勤穆聖之誦總茲多淑令儀載之景福壽考此太夫人之可自必者也予亦何言以爲壽雖然亦卽予交司農父子間所知者稱之以概其餘爲諸公侑一觴予昔交械清先生獲聞夫人爲平原尹公女平原風節高一時夫人耳日視聽非嘉言懿行不接于聞見宜其嬪于名門事先後兩姑上逮王姑無少歉于婦職而內外幼長無不交贊其賢也若夫匡襄家棟一德靡悔不憚拮据以寬械清先生內念俾一志于丈夫當

世之務道先生歷仕倚之如輔員幅予嘗覽世之  
所以不克成其廉節者率多閭內之咎縷金飾珠  
重錦難繡日新月異少不能忍未有不以室人之  
謫而敗其素操者太夫人曾與婚姻之宴禮衣僕  
素居于大貝華裳之前人方訝之而太夫人無少  
慍色此吾夫子所不多許于及門之大賢而太夫  
人能之可不謂之賢乎自小星樛木之什不歌于  
時而女教放失而婦人之絕去妒媚衍益斯之慶  
者難言之矣有如太夫人逮下之德微于庶子而  
均慈教咸以成名而于未卽成名者尤切切焉敏

青箱堂文集

卷五

天

公所以先意承志以已子所應得之廢破例奏請  
移于庶弟則太夫人之賢豈復尋常不忒忘者之  
可望哉其最大者當甲申寇變俾械清先生無少  
顧戀祝髮以抗賊介然退隱此固先生之大節謂  
無太夫人之贊勉以相成不可也其教敏公伯仲  
修業服官一以敦實廉慎于今科名祿位棣輝相  
映他若以子女嗣姆之無後調恤宗嫺之無告而  
復不失禮又其餘之可概見者矣蓋太夫人端儉  
溫穆懿美淳備蚤歲爲令女及笄爲賢婦今且壽  
邀綸誥翟冠綉悅歸然稱壽母按以視履考祥之

義所身食福慶以繁衍後人景命有僕惟具有之  
安取川至日升之頌寄望意表所不可知以爲祝  
哉諸公共以予所知者告彼公敏公昔同予佐銓  
時予嘗爲之言矣必欣然以告太夫人爲諸公加  
一觴

青箱堂文集

卷五

天

富太恭人七十壽序

富太恭人於康熙八年秋七月壽登七十侍讀學士雲麓先生之同官諸君子於設帨之辰謀爲太恭人祝而徵詞於余夫世之爲祝率侈言蓬萊瑤池庶幾遇之之事盛稱瓊漿火棗不可得之物引三多九如以爲頌禱而於其人之致遐齡膺福厚之所自有者概乎未合况筭珥之行不外著將何以稱諸君子爲祝意邪雖然閨闈之賢每由夫與子以顯學士公卓然吉藹君子也可知其有賢母矣且兒熙與學士有數學之雅余習聞太恭人壽箱堂文集 卷五 三

之賢有口矣其所以致壽者皆其自有者也夫人之康寧福壽何莫非天之所錫而以箕子則以錫之者人也吾夫子曰仁者壽裳華之詩亦云維其有之是以似之今祝太恭人之獲錫于天者蓋若祝其所自有者乎吳臨川推言仁者壽之義則以仁之全德固未易如禮儀三百威儀三千何莫非仁得百千之一二亦可謂仁即可得壽况乎於仁無往而不具如太恭人者乎初太恭人從夫贈侍讀公攝南靖博士篆贈公計偕試春官太恭人侍翁于學舍翁遽疾革太恭人不獨克襄大事于士

大夫之赴弔者被髮蔽面匍匐以謝識者以爲合禮競相矜式贈公女兄之壻客遊不歸太恭人迎養相朝夕終始十數年無間言晚歲雖以子貴儉樸不易其故絕肉食者餘二十年或以爲奉西方之教而非所尚也戒殺而已他若急宗嫻之婚恤加意臧獲之疾苦視其子女無異子孫皆仁心爲質不能枚舉而數也姑舉其合于仁人之大者如此豈特三百三千之一二哉其致遐齡膺福厚荷人之寵實其自有之者矣董子云自行可久之道者其壽亦譬於久斯太恭人之謂歟初以學士公官編修有太孺人之封官侍讀加一級有太恭人之誥學士公績學璋行顯榮當路貴在日月之際其膺龍章鳳藻之錫正未有艾今者嫺賓介觴赫奕都雅隸鄂韓韓從以孫子後先上壽吉祥善事則誠所謂維其有之者已安取夫懍懍不可知之事三多九如不相涉之辭以強祈於所難幾者哉請以是爲太恭人祝或亦諸君子之意也

五弟筠侶偕黃室人六十壽序

康熙乙巳仲冬二十有四日五弟筠侶夫婦生同  
日時偕登六十兒熙熙然照燕默治觴稱慶予顧  
而謂之曰汝輩知汝叔父母之所以壽乎曰願聞  
之吾聞之董子曰壽者譬也自行可久之道者其  
壽亦譬于久若汝叔父母則皆行可久之道者也  
汝叔生于溫裕幼循雅長而修飾動有容體讀書  
解大義雖隨諸兄遊戲廢業而一室之中必養花  
植卉列爐研几上時學繪事沾沾自喜也既而家  
中落絕無憂鬱可憐之色訪異人于犴狴得養身

青箱堂文集

卷五

三

之術心知之而未嘗行也遭寇變一錢尺布無存  
僦屋以棲爲人繪畫妻妾逢紉以自給而胸中浩  
浩浩落落若未嘗有富厚者夙嫻弓矢孫武之書中  
順治辛卯武舉授衛職三年官裁卽棄去不復補  
于繪事不讓古人時藉以資薪水然有迫以時日  
與所不欲爲者終不能強爲也襟期蕭逸世上聲  
勢營競絕不干其胸次並不入其耳昔間出遊卽  
留連而忘返邇年來築屋于市南僻壤高窓臨野  
短牆依林雖無孫登之臺畧具蔣詡之徑春花滿  
屋秋月半牀身衣口食量入檢出絕不求人交遊

疎澹門庭蕭然無車馬跡時或箏鳴雪夜香爇  
簾或靜坐聽疎鐘鳥語更難得者雖空窘門內無  
交謫之聲遇貧困無聊之人則又多方周濟之此  
其所行何非可久之道哉兒輩唯唯因言叔母恬  
靜姑約與古人所謂可與偕隱者偕老不亦宜乎  
吾曰汝知其細而不知其大也婦人之所最難者  
不妒忌也若國風無繆木小星逮下之賢則關雎  
可以不作矣世之婦人能勉強于斯猶以爲賢况  
汝叔母安行若性怡然無所較量其爲可久之道  
何如也大約人之壽徵必以室家和順爲先室家  
和順則心無紛撓心無紛撓則體自康藹汝叔父  
心閒體適一門和好教子弄孫從此而七十而八  
十以偕臻百歲其道應然姑識之吾非妄言也兒  
輩復進曰請書之以爲百歲券

青箱堂文集

卷五

三

宣府忠臣義士祠記

祭法能捍大患以死勤事皆宜祀士大夫遭時之厄勢窮力竭志不克就死以報國祀于其土禮也况于十數年之後使人景企追慕經營黽勉以堂以構伏臘徬徨無所爲而爲之嗚呼豈易致哉宜宣鎮士庶之立祠祀明巡撫宣府都察院右僉都御史朱公也公於崇禎壬午十二月受命巡撫宣鎮鎮餉闕軍怨司餉而譁公多方補足斬首亂七

青箱堂文集

卷六

人併糾司餉者亂遂定鎮帥跋扈論列其狀歸之司敗一軍肅然亡何流寇破潼關渡黃河爲網繆之計具備而太原寧武大同相繼陷公聞中丞蔡公懋德衛公景瑗不屈死鎮帥周公遇吉舉家戰死慨然曰眞男子不當如此乎遂集文武紳衿軍民于城上申說大義矢死守出一篋衣取緋衣屬從官曰以此發我餘悉充犒軍衆皆感泣亡何監視宦官杜勲總兵王承胤降賊勲復說公降公念擒勲承胤或爲變乃招承胤伏健卒伺之承胤未至而賊薄城下矣公督衆以火器擊賊賊聲言監

鎮降巡撫何獨不降公大罵拒之激厲將士相持兩日夜賊多死傷監鎮乘間開南門賊遂入公守北門聞變命轉火器南向欲手燃擊賊而賊已挺刃于前公拔佩刀奮擊左右泣擁公行公曰去此一步非死所矣遂服緋衣登城樓北向拜以遺疏付從人而縊賊至歎其忠移殮于僧舍甲申三月十一日也嗚呼捍患死事公可無媿矣昔唐安史之亂張巡許遠死守睢陽以遮蔽江淮身雖死而賊亦困龐勛據徐城泗當江淮之衝賊所急爭杜怡以孤城捍之卒致泗完而賊旋滅使賊鋒狂突

青箱堂文集

卷六

二

之時監軍不叛鎮帥不降與公死守宿將義旅出奇構間以遏阻其銳以擁蔽神京遠近聞風奮起未必無郭子儀張存誠之倫出其間奈何叛閹逆帥望風送款公力既竭飲恨致身嗚呼此一鎮之士民所以感憤當時而興思異代也公諱之馮宇德止號勉齋世籍宛平登天啓乙丑進士時名之喬授戶部主事以辭逆闢魏忠賢冒濫殿工加級忤忌者左遷浙江布政司理問歷遷行人司副刑部郎中浙江僉事青州叅議河東副使晉叅政敷歷中外皆以清方誠恪聞至大者河東宗室朱全



宇爲羣盜囊橐人不敢問且與秦寇犄角公計擒之大患潛弭當宁器其材由參政授節鉞公爲人質重湛介發言有則不隨人爲好尚少博極羣書卽究心理學持是道造次不變官青州時入賀道梗留家人濟南旣而濟南被兵公配馮安人墜井死母李太安人不食死公哀號徒步扶襯歸葬廬于墓側布衣蔬食終身不易痛馮安人節烈遂不復娶訓其子持正以忠敦厚以讀書踐履爲本務卒時年四十有三所著有在疚集講學諸書持正于其年八月歸葬祖兆先是公遇變從者懷遺疏青箱堂文集

卷六

三

間奔京師始知公死節哀卹之命甫下而都城旋陷恭逢我

世祖章皇帝憫念前明殉君諸臣核實錫諡祠祭田宣鎮士庶感

盛世之哀忠前代以其所親見不忍忘公義出于學校力輸于間左祠公于十數年之後豈有所爲而爲乎參政吳公允謙總鎮劉公某同知汪公某推官李公某相與執議觀成夫勵忠節維風化顧官其上者之職也同時諸生姚時中城破肅衣冠從容自經于學宮生篤學叩大節儀範修整冠至

知監鎮有異謀泣歎曰捍大患而以死勤事者惟朱中丞吾將從其後矣已而果死鄉大夫以予知公屬爲之記

青箱堂文集

卷六

四

金忠潔公祠記

今上御極之九年十有一月內三院傳奉

上諭明末寇陷都城君死社稷當時文武諸臣中

豈無一二殉君死難者幽忠難泯大節可風着禮

部會同部院等衙門堂上官詳訪確察死節職名

并實蹟具奏勿遺勿濫內三院卽行傳知節據廷

臣舉奏禮部先後覈覆文武殉難忠臣二十四員

與諡

錫祭仍於原籍賜地一百畝春秋致祭前兵部車

駕清吏司主事巡視皇城金公鉉

青箱堂文集

卷六

五

賜諡忠潔於順治十年十月二十六日

皇帝欽遣禮部右侍郎兼內翰林國史院學士高

珩

謝祭故明兵部車駕清吏司主事今諡忠潔金鉉

之靈曰捐生赴義臣子之忠錄節表徵朝廷之典

爾故明兵部車駕清吏司主事金鉉負才弘毅積

學淵深防患於未然抗言弗避遭時之不造誓死

無回身赴御溝何媿清流之水心依帝闕長悲明

月之弓孤憤雖在重泉而錫典式光異代崇以祀

諡慰爾忠魂其欽承之仰惟我

皇上哀忠之典盛矣至矣公弟生員鏡恭奉

諭祭文勒碑於都城東直門外三里屯祖塋墓所

一時公丁卯戊辰同年生暨戚交之在京師者輸

金謀立祠於崇文門外打磨廠公故居之左右以

永昭

皇恩久而未集鏡懼或曠

盛典遂於原籍江南常州府武進縣先墓遷燕宗

支祠葺三楹爲公祠屬子爲記予昔備員史官誼

不敢辭且公大父與先大夫同爲萬曆壬辰榜進

士公父太守公與予又三十年文字交公領鄉薦

青箱堂文集

卷六

六

予復偕舉于京兆而公妹又爲兒熙之婦知公生

平宜無逾予方公殉難予以葬親出城門閉不啓

乃潛伏上方山奔遯以去至丹陽公弟鑣鉉以省

太守公墓在焉始見公弟鏡所述實蹟嗚呼公之

大節已著於朝野復何煩贅一詞雖然百世之下

仰忠節之風莫不思慕其人想像其行事則敘其

生平以傳久遠未可畧也况

盛朝懿典可不昭示來茲乎甲申三月十九日昧

爽公趨朝路人競言駕行宮女出走矣公曰訛言

也亟趨皇城期偕巡視給事中御史請御門以安

民心行見宮女奔繹於路驚還寓邸拜母曰兒職在皇城應死於皇城母曰兒去矣我自不爲兒累無復我念遂冠帶馳至長安右門或言帝上賓哭且行至紫禁城西北隅玉河邊中官奔竄云賊至矣賊至矣公髮指眦烈直視大罵解所懸牙牌付從人劉元郭泰持歸謝母而城一拜遂投河中適在淺水役挽起公手捶之遂沒於溪處役歸白母母投太僕寺街寓邸井中死側室王氏從母而墜時十九日辰時也既而我

大清定鼎京都鏡呈請內院允令撈屍六月之朔

鏡偕劉元詣河邊地上惟髮一團並束髮網巾巾鏡所服者公偶假服巾圈宛在旁一紗帽胎二帽翅鐵絲圈仡然白骨一叢駭視則二人骸也復覓之水中一中官來云若覓皇城金兵部屍也日浮水上寇去我輩收葬同時有內官呂胖子亦死並掩河邊土爲雨水剝落故暴露于此鏡雪泣往來原載門訊問中官無異詞者嗚呼二骸莫辨孰爲公骨也或曰公忠魂依此久矣曷仍瘞濱坎乃以布裹骨瘞之鏡拾髮招魂葬于三里屯祖塋之側此公殉難之實蹟也嗟夫一時死節諸臣大義

焜耀天壤惟公之死死其時死其地死其職可爲得其死矣公生萬曆庚戌七月十九日與大父同口岐嶷不凡初就學輒了書義大指聞太守公與客談當世務便垂首屬思可否每隨太守公讀書郊園子時過從論文公語默進退如成人旣而偕補弟子員天啓丁卯年十有八舉順天鄉試第一戊辰成進士以年少例改教職授揚州府儒學教授尋陞國子監博士工部都水司主事監修城門軍器時內官張燮憲總理戶工二部錢糧建署以堂官臨各司屬公持奏云以朝廷簡迪之臣子而

令其罄折偃僂於闕寺之庭卽諸臣矯矯自好當不爲屈其中保無寡廉鮮恥自行其私者褻皇靈而喪士氣寧甚於此再疏爭之燮憲大恨假驗脩理火器二缺火門題參竟落職蕭然故居博綜羣籍朝墳夕典時與劉公宗周朱公之馮諸先生講求濂洛關閩之學時公父署睢州學正公車來都見公所學曰子益矣公年二十三家居至三十五十餘年間著書自娛而薦剡無虛歲朝議起公田間太守公卒丹陽旅次公奔號葬之武進先隴從遺命也留弟鑣鉉省墓於丹陽奉母章安人還京

師服闋起補兵部車駕司主事巡視皇城甲申二  
 月也寇陷大同公疏請撤監視內官專任撫臣益  
 各鎮咸以內官監視平時則掣肘債事寇至則率  
 先迎降故公端疏請撤不報既而都城之陷內官  
 分守城上與宣府大同降賊內官張賊聲勢以逼  
 驚君亡使早從公言當不遽至此也公原籍武進  
 大姓至公會大父拱於嘉靖十二年補北京留守  
 軍籍以子汝升貴贈如子官汝升即公大父也  
 萬曆壬辰進士仕至戶部湖廣清吏司主事生二  
 子徵名顯名公考其仲也萬曆戊午順天舉人歷  
 青箱堂文集 卷六 九

官福建汀州府知府生七子公居長公體幹不踰  
 中人而清立瑩濯雙目隱秀藹如也疎髯奮張時  
 其魂磊嶽矜之氣殉難時年三十有五娶朱氏贈  
 安人繼朱氏封安人前卒側室王氏甫閱月墜井  
 殉公公無子以弟鑑次子怡恭爲子公孝友忠清  
 出於天性讀書窮理飭躬恭慎惇篤之行未可悉  
 書特書其大節如此勒石祠前事往時移見聞之  
 所不及過祠下而觀瞻者低徊俛仰想公之風聲  
 氣烈油然而興起忠君報國之心則我  
 盛朝作忠之化曷有既哉順治十有七年歲次庚

子八月穀旦太子太保禮部尚書宛平王崇簡撰

重修順天府學記

順天府學宮之敝泮廟宇之圯陋不足以聳瞻嚮而興教化非一日矣鄉士大夫有意於此者數數也絀於經費之繁多所爲率羣力以致庀者鹹覺綯繆蓋未之能也一旦嚴嚴翼翼煥然奕然則順天府府丞提督學政高公爾位之時

皇清康熙之五年也公甫蒞任念教化之原未有不本於學校况京師首善之地凋敗若此何以肅觀瞻以作士風爰咨於府尹甘公議協志合經度

青箱堂文集

卷六

七

盈縮材不謀於衆役不出於民輪橐鳩工規畫剔朽而大成之殿翼殿之廡櫺星之門以及奎樓啓聖鄉賢名宦諸祠靡不次第完善繕度不給復斥他羨以佐之始於乙巳之八月訖工於丙午之四月其籌之之周而成之之速前此未聞也士來肅謁其中國不惟忻鼓舞稱說高公旣而少宰孫公承澤經過瞻禮徬徨間以語予思有以紀公之誼而公亦望有以勉多士也乃過予草堂屬爲之記予方媿以鄉人而無一縉之效一役之力敢不紀其實以載公之誼於無窮乎昔董江都有言治天

下莫不以教化爲大務立大學以教於國設庠序以教於邑其所以爲教化者非他凡以明人倫而已人倫旣明則人才自興古者司徒之教立之典常民生而由君臣父子夫婦兄弟朋友之道各適其性而安其處而所以使之爲親義序別信者則非山之之民所可及必待民之秀所謂士者究宣其意踐習服行之而後風可移而俗可善也則學校爲教化之由與其重如此今我爲士者觀廟貌而忻悅豈徒如緇流羽士之快得儼於所崇事而已哉仰思先聖之垂訓求乎子臣弟友之倫卽國

青箱堂文集

卷六

七

家設學興教惟此倫理之克盡天下同此倫理根於性則爲仁義禮智之德發於情則爲惻隱羞惡辭讓是非之端見於事則爲君臣父子夫婦兄弟朋友之常聖賢經傳諄諄誠告無非欲人之無失其性教衰俗溺惑於嗜慾遂於利害倫合苟得之習靡倫常往往多迂是豈其性然歟亦教化之失也故在上者興學以訓迪之學問以開發其天良聲容以薰陶其才德所爲不過六德六行六藝之問漸摩之久倫理著而入則鮮不孝不弟之行出而備公卿大夫百執事之選將無違忠畔義之嗟

人才之盛必由于學校信然矣非第此也夫由之  
之民日見其在朝者忠於君在家者孝于親所以  
觸其專慈之憂而信義敦厚之俗有不油然而成  
者乎傳所謂人倫明而小民親親長長而天下  
平則教化非致治之大務歟嗟乎今之于然挾  
冊而講肄鼓篋而絃歌貴於由之之民而謂之士  
若徒攻訓詁侈詞章以取科名為能事殆非公所  
以興起教化之心亦非所以永公之誼於無窮之  
意矣是役也捐俸以助者順天府府尹甘公文焜  
提督學政內國史院侍讀蕭公惟豫司出納則署  
青箱堂文集 卷六 主

儒學教授宛平縣縣丞張君雲孫而府照磨汪君  
治則董工作者也繼至為今教授黃君忱孝是宜  
並書高公名爾位字顯之錦州人

摩訶庵集篆金剛經刻石記

予少時獵西郊偶過摩訶庵見石工勒金剛經集  
篆于石呼僧問之廊上人曰此汪中丞所得之古  
集篆也其始青衣鼓柅于黃蓮洲坵垣間一篋浮  
水上觸舟視之故紙沒滅耳夜則有鬼物恍惚呵  
護驚告中丞于日中辨之為古集篆金剛經中丞  
欲刻之金陵旋以撫軍雲中未果其門人洪度刻  
木相貽且告之故感此奇因愿勒之石以示久遠  
並募士大夫楷書于後余為之歎異嘗聞金剛經  
之有集篆始于五代僧夢英集十八體宋僧道肯  
青箱堂文集 卷六 西

增成三十二體此或是耶亡何簡文法書焜耀壁  
上時萬曆戊午巳未之際也予頻年讀書庵中夕  
燈晨膳瞻矚獨久甲申避寇竄伏庵下流連而去  
迨歸來村墟半落風景非殊石經之室巍然而上  
人已九十老矣三十年來余初見刻石于永平之  
時遊覽于閒暇之日以至喪亂餘生人物灰散猶  
得見此經石俛仰今昔不知泣涕之無從也一日  
上人命其徒元長聞因謂余知刻石因緣屬為著  
其意求汪中丞序不可得長椿寺僧性柔出以相  
質為掇其大畧而識之亦以見余之瞻依此經獨

久也汪中丞名可受號靜峰黃梅人廊上人名性宏

大士畫像記

余室人梁氏幼承中丞公訓與仲木公狄析木諸弟偕學及歸余儼一良友余幼遭閹凶先大夫先淑人早逝怙恃無依幾廢學以室人叩難然後知困憶讀書宜軒時飯後翻閱卷帙室人見昔人大士像學臨之卽得其筆意然不欲多畫恐聞見人間也窓晴几淨時余強之再偶一屬筆終不欲多畫一日董思白先生過齋中見之稱善因題云于一毫端現寶王刹向針鋒裏轉大法輪旣而復題一卷易一像去歲在乙丑室人絕不復作迨己卯

亡後僅遺二像一成軸一尚未裝甲申寇禍余流離南奔先人萬卷遺書無半楮存者乙酉冬杪余歸偶從馬上見其幀于市購得悲喜如夢因念思白先生題卷不可得劉雨若適以當日摹勒初榻見貽驚若天合熙兒請再摹之石亦存其母遺之承思也構小樓龕以奉之而刻石壁上時戊子仲秋也妾田氏臨室人遺筆略能彷彿妾今亦亡

南華亭記

自餘杭駕小艇循洞溪雲木蔽虧十餘里至和村  
高巖亂竹有樓出木末從杉梧細徑尋門而入則  
鮑侍御山莊也甲申子飄泊江南乙酉仲夏臥病  
樓中而吳子無稱嚴子子問子登諸友時來省視  
病間凭檻南望修篁古木中庭宇掩映無稱之家  
在焉而西北諸君子相依者數輩無稱復構亭讀  
莊子其中因名之爲南華亭且集諸君子觴咏無  
虛日子以病未及追隨而兒熙與焉亡何子還至  
姑蘇聞鮑莊樓毀于盜所爲南華亭者亦不可問  
青箱堂文集 卷六 七

青箱堂夏秋夕集記

居室之東南築屋三楹爲讀書燕息之區顏曰青  
箱堂階前闢露臺丈餘歲之夏秋日暮父子兄弟  
率坐臺間大兒自筮仕卽官京師其下五兒皆讀  
書未仕每夕侍坐左右或莊語詩書或述祖父遺  
事或旁及故舊之興衰諸兒或作稚子言笑四弟  
遠宦不及與而五弟棄官家居或三五日一至焉  
一兒偶不至衆徬徨四顧若甚有闕然者余賴祖  
宗世澤

聖朝恩遇老而乞身優游家食兒女皆畢婚嫁衣  
食粗具所幸年及無恙膝下諸兒兄弟既翁和樂  
且湛此豈易得哉因念諸子各自成立異日者馳  
驅王路豈能皆官京職遠一二千里近或數百里  
追維今日兄弟一堂柳影風輕花香露浥宵雨注  
簷青燈在戶好月迎人候蟲鳴砌時而啜茗時而  
薄醉夢中境邪前生事邪有不倦懷低回而愴然  
興思者乎嗟乎由今日以計異日此亦勢之所必  
至由他時以憶斯時固有情之所難忘則今夕之  
一刻豈不宜千金視之哉若堂名青箱則肇自明  
神廟末年余以年家子謁晉江蘇大司寇茂相公



時官太僕少卿過余家阜成門外息機園念先人  
功著巖疆賦詩爲贈云報國鴻名垂紫塞傳家燕  
翼載青箱青箱者王氏彪之故事也並書以名堂  
今仍斯名者亦猶異日之思今日也夫

遊息機園遺址記

息機園吾先人之所築也在都城阜成門外夕月  
壇禮神街西道旁以寶塔寺爲鄰街之北有坊坊  
之對卽吾家舊宅也宅經寇變拆毀而園久爲里  
弟所鬻今宛然在者垣與門爾歲清明掃墓歸時  
衍法寺借五弟諸子過所謂寶塔寺側啓一扉緣  
疇數畝僧云菜圃也予不勝愴然諸子曰此何地  
也予曰吾家息機園也惟一故井儼如昔諸子問  
園之始予曰爾輩亦不可不知也園東南皆大路  
北則蔬畦僧舍約二三畝外亦官道也園屋皆南  
向而東南其門址高于路盈丈門則自卑而高門  
內槐十餘株覆一小亭亭南短垣俯臨大路路南  
高如園基平疇百畝亦吾家之蔬圃也壇之樓殿  
日在望中啓雙扉而北則堂堂前二槐于外槐相  
接兩廡各四間與堂並者東西各三室東則庖而  
西乃讀書之齋堂後接一小軒軒後以檜爲牆過  
此則池池有橋橋北則問月亭亭十六楹四面皆  
高柳間以丁香太湖數石當亭之背修篁左右之  
亭東北隅小臺臺可望西來山色而西北則此井  
也井架水車車一轉則水數十斗上繞亭而旋可

以泛觴翹花盤樹達于池池有紅白魚數百頃池之東則牡丹百本西皆考藥以短籬圍之園闢于壬寅癸卯之際所云息機者方伯府君將以此歸老也而經營則戶侯府君兩府君友于著于時時人以宜兄宜弟題堂之額方伯府君馳驅王事不惟視斯園若逆旅無暇于朝夕之優悠亡何且盡瘁邊陲越歲戶侯府君亦見背矣其辛勤締造曾幾遊息其中而遺之後人復不能守六十年來如彈指至過其遺墟而不復能睹記久之誰復憑弔于荒榛宿草之餘乎圖之勝在槐柳當春月柳絲垂垂萬條烟裊三伏則槐蔭數畝輪蹄而過者無不屬目思暫息其間予自八九歲時卽偕諸兄弟讀書其中至年二十餘朝霞暮雪柳影花香書聲與鄰寺之鐘魚互答激颺悲勵于燈地月落其所留連低徊而不能忘者至今時形夢寐嗟乎當其盛也帝冑妃家列侯近倖綺亭廣囿所據勝爭奇層臺曲池以相矜者曾幾何時徒見其烟雲之飄忽而夕陽之餘照而已世事之變遷未始不如此是亦奚足惋歎惟是先人之締構子孫不可不知他日或經古壇大道旁望而指之曰此息機園之

遺址也卽先人之遺風永存矣是爲記康熙丁未三月十二日王崇簡書藏家乘

遊滴水巖記

滴水巖去郡城西北八十里昔遊于明崇禎戊辰三月爾時花初萼草始芽古木荒榛間石骨嶙峋千嶂肅肅逼人因念淡秋紅樹蒼蘚蒙絡搖綴必更有殊勝荏苒四十年始獲偕弟崇節奮袂往遊兒熙以職守不遑從慙然照燕默及從子燾外孫張鑛隨侍行經磨石口門人茹都閭熊具餐于承恩寺飯罷詣軍莊開廟宿焉廟近桑乾河濤聲終夜來枕上晨興拾輿策馬沿河岸行岸倚山麓下臨激流廣不數武依山旋折峭壁如擘使人目不

青箱堂文集

卷六

三

暇瞬而波濤洶洶脚下觸怪石怒奔數里忽有清泉從澗西來入河駕小橋其上過橋行山中十餘里望嶺際一廟旁一大樹俗呼廟兒菴捨騎而登十數旋折而上復十數旋折而下巒谷回互壯聳橫環朱實黃葉錯出松檀之間寂寂惟聞馬蹄踏碎石聲亂泉從石上流噴流而前忽左忽右林壑虧蔽中隱見茅屋窗牖插曳牆角間樵者曰桃源也又數里清流一泓三石偃臥水中色純紫徘徊不欲去過此則南莊南莊者仰山南之果樹園也居人率衣食樹果從流水中直望亂石如缶如甕

如斧企如鳥厲蹲如獸攫不可窮際攢巒圓合蒙茸叢雜或高巖嶄絕或危崖欲墮或嵯峨于頂上或飢聿于肩側或坳窪碎錯于趾下岡陀阻絕忽逢去徑山山環錯若手指穿插人從峽裏旋轉類蟻緣花瓣殆椰子厚所謂迫遽迴合宜于輿者也灌莽翳襲時懼虎虬突出搏人俄而高出樹末俄復潛行谷底望一山以爲過此當至至又窅紆如此約餘二十里始至巖下險徑斗折而上望經來諸峰層層如雲有平視其巔者有俯見其脊者峰嵐掩映忽露半髻者仰視巖端詭石屏列欹崎呀

青箱堂文集

卷六

四

嶸勢若熊羆登頓怒睨欲下巖覆若龕高十丈許溪廣半之水自丁面滴滴繹絡若屋漏然冬則儼冰柱中建三楹塞過半矣巖東則殿三楹殿前餘地不盈畝東次僧寮二楹再次客舍二楹再次則洞洞可容千人傍一穴焚炬而入石乳垂垂若未開之蓮蓮下小池注水不竭山之所取飲也上望輿宇爲龍宮側類榻爲龍床龍時出沒焉憶昔來見白蚓蟬蛻其上首如蝸兩角矗起僧言龍也友人崔子忠正色曰龍所往來豈宜履聲火屑相涵思其言良是遂出迨茲來僧嚴戒律行厨酒脯

皆不得陳炊粟晚食騁望高溪紛丹駭碧鬱爲錯  
繡粲爲振綺奔奇競秀不可端倪始驗秋遊之果  
有殊勝矣或謂巖下殊偏側但堪一飲茶耳予則  
以遊山意趣在山水間登巉巖聆澗泉陰怪木據  
奇石曠宜眺幽宜坐摘芳搜異施施漫漫步之所  
至皆可怡悅若必華堂高閣邃宇修廊如碧雲承  
恩諸剎飽食沉醉其中但可謂之遊寺非遊山也  
因啜茗而寢夜半崖墮小石擊簷瓦碎聲如震既  
而曉鐘琅琅僧禮佛矣噉盟將恣所遊使者來聞  
弟以繪事召遂偕歸是爲康熙丁未八月二十

九日昔遊予年二十七今則六十有六矣

順德府通判廳歸震川先生祠堂記

嘗讀歸震川先生順德府通判廳記二篇其言空  
庭槐花落遍塔砌殊歎然自得思郡人趙司徒此  
官以無事爲得職之言罷去一切擾民之事閉門  
不出處一土室日食黍米休休焉不愧于白樂天  
之在江州時而無其山水觀遊之樂百數十年來  
想見其超然灑落自適之趣不啻涉太虛而遊恍  
惚之境及聞吳江計孝廉東偶經其地徒步入城  
徧求土室之遺址莫知所在徘徊久之乃設辨香  
于郡署廢圃西向再拜而去道旁觀者笑以爲癡  
其高懷絕俗何曠世相感如此既而侍讀王公澤  
弘校士郡中流連故躅損俸構堂三楹以崇祀先  
生通判黃君鵬爲告成焉書來屬余曰磨一石以  
待紀其事于不朽余懼然而歎曰若是乎務人之  
所不知務何其知所務也夫校士之任所以興起  
人文未有不本之風化之爲務者震川先生以淵  
雅絕世之才操千古文章之運而屈首于郡司馬  
天懷逸宕能與其民相安于無事每思其清遐閑  
靜之意卽攬其餘芳彷彿其音影咸足作人素履  
無悶之懷于以化人之器競以自勵其修潔求爲

君子之念豈獨文章之間哉昔蘇子瞻自錢塘移  
守膠西自謂背湖山之觀行桑麻之野處之期年  
而貌加豐先生去長興遷順德當寒風烈日霖雨  
飛霜無地可避絕無岑鬱無聊之戚求其事若無  
一可指而民安之至久而不能忘嗟乎其所謂無  
事爲得職非廢事之謂也吾夫子嘗爲委吏矣會  
計當而已嘗爲乘田矣牛羊茁壯長而已惟盡其  
職于事之中不求其職于事之外是之謂以無事  
爲得職耳世之不盡其事于職之中而求其事于  
職之外不免多一官增一害之患皆不知無事之  
義也士君子誦法夫子仰企先生遺風出處皆怡  
然有以自得其于人文化成夫豈歉歟此余淡服  
乎侍讀公之知所務也媿余寡陋且耄何能爲之  
記侍讀公建斯堂以志先生之風義于不朽惟勒  
先生昔日二記庶不虛此一片石他日倘有過此  
如計孝廉者亦不至遑遑而靡所之矣

風雅正變論

詩之有正變何歟正者盛時之所作傷時憫俗之  
什則變之所由興也雖然鄭氏以小雅之變自六  
月以下大雅之變自民勞以下夫以成王周公宣  
王時之詩謂之變其所謂正者何歟迨爲新奇駭  
俗之論以誣經訓而惑後人者莫若文中子以幽  
風之爲變風也其言曰君臣相疑其能正乎成王  
終疑周公則風斯變矣信斯言也則流火非幽風  
乎亦可謂之變乎說者曰學易者莫要乎象學  
詩者莫要乎辨體正者體合乎正變者體屬乎變  
止變各以體言非以世之隆變而汚也孔子曰雅  
頌各得其所咸據體分別而次第之耳體者何風  
雅頌也風雅頌之體與比賦也風之體而雜以雅  
不可謂之正雅之體而雜乎風不得不謂之變風  
多婉曲諷諭之詞雅視風則整肅而顯著視頌則  
昌明而暢達其或近于風近于頌者則又大小雅  
之變體也若以時之盛衰論正變既不識體之正  
又何有于體之變乎竊嘗揆之論正變以體未若  
論正變以聲况體原由聲而定也三代以上詩與  
樂原出于一人以聲詩奏之樂蓋詩之本在于

聲孔子言詩皆取之聲于魯太師得其音節大抵得其聲則存不得其聲則不存故曰放鄭聲不言詩者聲乃詩之本也然均之雅音何自別其大小夫聲度有豐殺廉肉非十二律之有大呂小呂乎後人言詩獨以義理相尚義理之說盛而聲音之道愈微矣衛宏之論樂而不淫哀而不傷也樂為樂其得淑女之樂淫為不淫其色之淫哀為哀其為哀之哀傷為傷善之傷若然安在孔子所謂洋洋盈耳哉古者笙鏞以間笙鏞乃間歌之聲皆有義而無辭束皙不知亡詩乃笙詩皮日休不知肆

夏乃金奏初無辭之可傳而為之補皆未知聲之義也或又以聲何有正變官商角徵羽正也所謂變官變徵者非變乎先王化成天下莫先于詩其效至于協神人和上下蓋聲音之道與天地通其用大矣昔魏得漢雅樂郎僅能歌文王鹿鳴騶虞伐檀四篇太和之末又亡其三至晉鹿鳴亦亡自鹿鳴亡而聲詩之學絕矣後之論正變者惟取時之盛衰詞之美刺已爾今以聲辨正變無乃好為異論乎嗟乎詩書掇拾于灰燼之餘書多殘闕而三百篇獨全且已放之鄭聲乃得篡入其間以為

孔子所存之舊然歟否歟好為異論則不可獨不可求其無倍于孔子者乎

爲人後論

或以爲人後者名所後爲父母於所生猶名爲父母嫌于二本不名爲父母又嫌于無本記曰名者人治之大也可不慎乎嗟乎此人子之所難言也稽之古禮喪服記曰爲人後者爲其父母報戴德王肅喪服記曰爲人後者爲其父母降一等服齊衰歐陽文忠執此以爲服可降而名不可改以司馬溫公議爲人後不得顧私親宜稱伯之無典據復引漢宣帝稱史皇孫爲考哀帝諡親曰悼爲應經義許氏浩則曰歐陽所引喪服大記卽典故也

青箱堂文集

卷六

三

以爲伯也故道爲其父母以別之非謂却將本父母亦謂父母也胡新安則以文忠之議始于講學不明終于執以私意伊川爲人後者謂所後爲父母而謂所生爲伯叔父母天地之大義生人之大倫不可得而變易也曾南豐爲人後議云者崔凱喪服駁曰本親有自然之恩降一等足以明爲人後者爲重無緣乃絕之矣晉王坦之喪服議曰情不可奪名不可廢崇本敘恩所以爲降服則知爲人後者未有去其父母之名史官之記有謂之爲父母有謂之爲考妣謂之爲私考妣謂之爲本親

青箱堂文集

卷六

三

不曰爲人後者爲父母而曰爲其父母以見爲人後者以所後爲父母故于其父母不得直謂之父母而稱之其父母也其之者外之也夫既外之則不得稱爲親明矣若繼乎大宗而又稱其父母爲親則祫親之時有二考矣服既以降則名亦宜從其服若名則存之服則降之服違其名亦非義矣程伊川曰既是爲人後者須將所後者呼之以爲父以爲母不如是則不正也後之立疑義者只見禮文不杖期內有爲人後者爲其父母報便道須是稱親禮文蓋言出爲人後則父母反呼之以爲

爲人後論二

夫爲人後之道盡者蓋亦有道矣揆之經義爲所後服斬衰三年爲其祭主于所生降服齊衰不杖期不得與其祭承其所後之重則任其子之事而不得復歸于本宗所生不得往與其事此聖人權衡于天理人情之至所以使其屬之疎者相與爲重親之厚者相與爲輕誠天地之大經人倫之極則也宋文公之論安常習故也親生父母子合當安之至立爲伯叔父母後疑于伯叔父母有不安者理合如此然自古有大宗無子則小宗之子爲

之後道理却又重只得安于伯叔父母而不可安于所生又云且如爲所生父母齊衰不杖期爲所養父母斬衰三年以理觀之自是不安然聖人有存亡繼絕道理又不容不安然則爲人後者誠有道矣而世之爲人後者亦不一端矣有生而無子篤兄弟之恩而以已子子之者有既鮮兄弟以族子子之者有襁褓養爲子恩斯勤斯復我顧我無異所生子長而不知非所生固極之恩實切銜恤之慟獨淡者有所後既諱其所生所生既命之爲子自不得不名爲從子名爲伯叔者既長而立爲

子子固知其非所生與夫歿而置後以其無子而爲之子既重于爲所後自不得不輕于爲所生者俗衰教失爲人後者率有爲之或貪其有遺或倖其以後皆有利于其間耳至有攘臂與訟爭爲之後者此吾夫子射于矍相之圃絕其與爲人後者之不得入蓋以既爲後有人復爭爲之後貪利忘親無復人理矣嗚呼惟其利之視是以轉而如路人生則衰獨憐孀不之恤歿尚求其麥飯一盂醴酒一卮上其丘壠豈可得哉其不爲若敖之鬼者鮮矣恩既鮮于生前義復昧于身後有問其所後若罔知者且自詭曰不欲改其所生之名也以聖人存亡繼絕之大義爲流俗營私干利之借徑無怪乎惡其名之二而欲絕之爲一也蓋安于不改所生之名者衆不安于不盡爲後之道者寡也大聖人因情以制禮卽禮以防情歸之于道而已不於道是務而惟名是求豈聖人之意歟



春王正月辯

春秋之作夫子尊王之義也春王正月開卷第一義因魯史之文遵時王之制槩乎無可疑也程伊川曰周正月非春也假天時以立義爾胡文定以周正建子則冬十有一月引商書卽位十有二月朔是月不易也漢史建國元年冬十月是時不易也以夏時冠月垂法萬世以周正紀事示無位不敢專朱文公以孟子考之則七八月乃建午未之月暑月苗長之時而十一月十二月乃建戌建亥之月將寒成梁之候復以改月疑之又以文定春

青箱堂文集

卷六

三

秋說夫子以夏時冠周月以周正紀事謂如公卽位依舊是十一月只是夫子改作春正月不敢以信二百四十年夫子只證得箇行夏之時四箇字據周禮有正月正歲則周時實是元改作春正月又以天時加王月以明上奉天之時下承王朔之義而加春于建子之月則行夏之時亦在其中此與程伊川以夫子有行夏之論而以天時立義之說同若然是以春王正月是夏之正月矣而桓之八年春正月己卯烝左注又以爲夏之仲冬十月雨雪程傳以建酉之月未霜而雪建酉之月是夏

之八月而謂之冬十月桓十四年春正月無冰程傳周之正月夏之十一月法當堅冰而無冰者溫也秋八月乙亥嘗注嘗秋祭也周八月夏之六月不時而書僖三十有一年夏四月郊注周人以建子爲正則郊宜在子月今周之四月建卯郊不以時試舉經文所書月證之則所云春王正月旣不改時爲夏之正月矣則桓之正月又何以爲夏之仲冬桓之十月何以爲建酉之月八月何以爲夏六月僖之四月何以爲周之建卯之月也此與時不易建子爲正之說前後舛錯王文成云商而改

青箱堂文集

卷六

三

月則伊訓必不書曰元祀十有二月泰而改時則史記必不書曰元年冬十月周不改月與時也則春秋必不書曰春王正月是建子而不改月與改月而不改時之說不能無疑矣夫夫子之作春秋義在尊王孟子所謂天子之事也若始一下筆卽變易天王之正朔是已自不尊王春秋可以不作矣夫子行夏之論以之答顏淵爲邦應如是耳王文成有言若以周雖建子而不改時與月則固夏時矣夫子又何行夏之時云乎豈有修當時之史卽變時王之法而妄以己意立制哉或曰然則諸

信之說舉可疑將何適之從歟曰夫子因魯史以  
作春秋所書正月周之正月春周建子之時夫何  
疑

趙盾弑君辯

春秋書趙盾弑其君夷臯左氏稱仲尼曰亡不越  
境反不討賊乃加以大惡之名又云越境乃免此  
非聖人之言也歐陽子曰孔子患舊史是非錯亂  
而善惡不明所以修春秋其肯教人以越境逃惡  
乎或曰春秋之作本以明微如書鄭公子歸生弑  
其君夷弑君者子宋其惡易知縱其爲逆罪則子  
家爲首惡與靈公欲殺盾盾走而免穿遂弑君而  
盾不討若與其弑者其事正同皆聖人之微旨噫  
史以別善惡明是非必昭天下之耳目然後可服

人心信百世若以疑似之迹加人以大惡之名良  
史且不然而謂聖人爲之乎或曰孔子以他國之  
事非得於目擊因董狐之書書之也夫董狐孔子  
所稱爲古之良史非盾弑而書盾弑豈直筆乎春  
秋之義不明概因傳誤之也卽以傳證之盾之專  
政無君非一日矣嗚呼襄公適嗣存而外求君猶  
云爲難故而立長君又不謀之穆嬴而遽遣先蔑  
迎雍又患穆嬴之言背蔑而立靈公何非其專擅  
悖義之大者乎且如殺其大夫士穀及箕鄭父是  
盾專殺政不自人主出也晉放其大夫胥甲父于

衛夫河曲之戰撓史駢之謀者趙穿也晉當國旌其族子而獨放胥父桃園之罪其志已萌于此矣迹其所爲則董狐之書豈非直筆乎學者信傳而不信經抑何惑歟

祀北嶽答

或問恒山之爲北嶽舊矣自唐宋以來嶽峙渾源州祠祭曲陽縣曲陽嶽廟遺碑咸在則祀宜從舊移祀于嶽其有說歟曰虞書舜巡狩至于北嶽周禮在恒山爲并州之鎮秦并天下祠官所常奉名山十二列有恒山漢武帝修封還祀恒山作廟于上曲陽宣帝祀北嶽恒山于上曲陽東漢章帝巡狩中山遣使祀北嶽于上曲陽元魏太延元年祀恒山建祠山上隋大業有事恒山西域來助祭者十餘國唐貞觀十九年太宗爲文以太牢遣祭恒山說者又謂有飛石自恒山坎中飛墮于曲陽因建祠自是祭于祠由唐以來碑記多有皆不載廢遷之由卽宋韓魏公琦記亦云嶽有祀不知廢于何代迨明弘治時馬端肅文昇據一統志恒山在渾源州南二十里廟址猶存今祭于真定之曲陽反在京都之南宜從渾源以祀嘉靖中陳給事中柴請正嶽祀以恒山在渾源州三代而下歷漢唐隋俱祭于此今祭曲陽廟俗傳以飛石墮故廟有飛石殿且宋時渾源屬于契丹不得至其地故祭于曲陽萬曆中大同撫臣胡中丞來貢復申端肅

之論皆廢格未行至于

大清順治十二年太常沙莫哈朱鼎延等論奏禮臣但據會典仍祭曲陽十七年粘給事中本盛論北嶽之祀以飛石之訛祠于曲陽實爲不經祀恒山宜在渾源爾時適領秩宗以渾源北嶽有無證據奏付巡撫臣覆實白中丞如梅參考志書紀載歷有可據則北嶽之祀于渾源之恒山禮也惟帝曰俞此移祀之說也或曰有明之議未行于三朝遼爾移其祀無乃茲多口歟曰是何言歟人臣奉職惟據理之當然與否遑恤人言哉嘗慨昔之

青箱堂文集

卷六

聖

議者非以飛石之荒唐卽以地限于南北飛石之謬固非士君子之所宜信而曲陽之祀自唐而然非始于宋也王鳳洲三關記以馬端肅之議不行說者以爲恨陳給事特論飛石之誣終爲邑人之阻胡中丞之申請亦未有執其議者悠悠千載仍訛襲謬不揆之祀禮之正義致爲異議者徒以廟祀久遠一旦移之神無惻怨乎夫祀廟所以祀獄也捨巍巍之嶽不祀而從祀于片石是全嶽之神靈僅棲于一片之石乎此不待智者而辨也或又謂山川在天壤間相距離千百里猶咫尺耳山于

祭于彼又何區區疆界之足較乎據古今祀典

兩嶽俱祭于山下何恒嶽獨祭相去絕遠之祠卽若所云東嶽之祠且徧遠邇自元以來最著者莫若都城東郊之嶽廟而祀東嶽者何不于此而必之泰山乎夫古今之惑而不悟者皆以今之曲陽縣爲古之上曲陽也史記正義曰恒山北谷在上曲陽漢地里志屬常山郡注曰在恒山北谷卽禹水所出處有恒山祠是漢武宣章帝所祀之上曲陽非今之曲陽縣也故尹朔野畔三曲陽之辨在北谷者上曲陽也下曲陽屬鉅鹿郡鼓聚少陽亭

青箱堂文集

卷六

聖

晉荀吳滅鼓其處也今之曲陽縣旣非鼓聚又不存恒山是三曲陽也由此觀之則千年來之說皆悞以曲陽縣爲古之上曲陽也嗚呼祀典之未協不獨恒山也丘文莊濬之論四海之祀也歷代東海南海皆臨海而祭西海北海則望祀宋都汴梁未統一天下無由至其地望祭之可也建都于燕乃南向祭北海于懷慶望祭西海僅于蒲州豈非祀典之缺略乎忝竊禮官未舉文莊之說而正之湊以爲媿若以已正之嶽祀而卹人言是待天下寡博聞識禮者矣豈義之所敢出哉

歷代帝王廟祀述

古帝王之祭周則三皇五帝見于肆類而歷代發迹肇基之地或有祠焉或祭于陵寢而立廟京師則自明洪武始雖唐明皇立三皇五帝廟于京師元成宗建三皇廟于明照坊皆有崇尚而制度不備儀文闕畧非所以昭祀典也明洪武初致祭三皇五帝及漢以下創業之英主守成之賢君凡三十四君于陵寢並擇名臣從享六年乃建廟京師以祀三皇五帝漢唐宋創業之君春秋致祭二十一年廟災改建于欽天山之陽又每歲春附祭

青箱堂文集

卷六

聖

于郊壇秋祭于本廟三年齋香帛祭之陵寢則停廟祭嘉靖九年罷郊壇附祭爲位祭于文華殿十一年夏建廟于北京西華門之西躬祭焉以春秋仲月遣大臣致祭祭陵之歲則停秋祭所祀則太昊伏羲氏炎帝神農氏黃帝軒轅氏帝金天氏帝高陽氏帝高辛氏帝陶唐氏帝有虞氏夏禹王商湯王周武王漢高祖漢光武唐太宗宋太祖元世祖共十六君從祀則風后力牧臯陶夔龍伯夷伯益伊尹傳說周公旦召公奭太公望召穆公虎方叔張良蕭何曹參周勃鄧禹馮異諸葛亮房玄齡

杜如晦李靖李晟郭子儀曹彬潘美岳飛張浚木華黎博爾忽博爾朮赤老溫伯顏嗣增張巡許遠共三十四臣三十四年以給事中陳棐議罷元世祖木華黎五臣

大清定鼎都城祀如舊制增金太祖金世祖遼太祖元太祖明太祖五帝粘沒忽幹里不木華黎伯顏徐達劉基七臣順治十六年御史顧如華建議帝王廟惟祭創業之君守成如商之中宗高宗周之成康漢之文景及周文王似不當損之俎豆之外卽明之誼主良臣恐未宜徧祀一君與徐達劉

青箱堂文集

卷六

聖

基足盡三百年之品第屬禮部議覆按明制所祀皆創業之君及終始全節之臣周文王以服事殷未爲開創前代守成之君在當時尚親盡亦祧何況異代其從祀諸臣皆歷經增定無容更議仰奉綸音帝王廟歷代帝王及功臣有應祀而未入亦有不應祀而與者爾部會同內閣詳議具奏閣部僉議帝王廟創建於明洪武專祀歷代創業之君其守成賢君令有司致祭于陵至本朝增定二十一帝皆創業功業顯著俱宜崇祀其守成之君不乏誼主如商之中宗高宗周之成王

康王行事見于詩書史鑑誠爲守成令主漢之文  
帝史稱其節儉愛民海內又安家給人足宋之仁  
宗恭儉仁恕忠厚之政培有宋三百年之基明之  
孝宗仁恭節用任賢圖治憂勤惕勵始終不渝以  
上七君皆屬守成賢君應否並祭伏候

睿裁其崇祀功臣建功于開創者固祀之卽其後  
有功于社稷者亦祀之原就一代之中論其功而  
不論其所事之君也其宋臣潘美雖平南漢有功  
但爲主將與契丹戰敗于斜谷復不能制護軍王  
侁擅離陳家谷口致楊業父子無援而死因削三

青箱堂文集

卷六

聖

任宋之不能復征契丹實由此敗察其從祀原係  
續增若張浚三命爲將而三致敗敗于富平關陝  
遂不可復敗于淮西而鄭瓊叛命敗于符離而中  
原不可復且効李綱招軍買馬之非聽吳玠之訢  
而殺曲端與岳飛議不合奏其積慮在于併兵觀  
史鑑所載雖爲南渡名臣而初無灼然之功于一  
代是未可與韓世忠岳飛同日而語是二臣宜罷  
其從祀順治十七年六月也恭承

俞旨商中宗商高宗周成王周康王漢文帝宋仁  
宗明孝宗俱應入廟並祭遼太祖金太祖元太祖

厚未統一天下且其行事不及諸王不宜與祭若  
停止餘依議大哉

王言千秋曠典於昭宇宙矣亡何

龍馭上升部臣援 遺詔題復前制嗚呼臣忝竊  
禮官躬親其事敢不備述端末以昭示來茲然竊  
有議者帝王廟創自洪武初年以祀創業自三皇  
五帝夏商周漢唐宋元諸君而隋文則續增焉十  
年以周文王雖基周命終守臣節唐高祖有天下  
皆太宗之力二主可勿設隋文亦嗣罷焉嘉靖中  
又罷元世祖是創業之祀不無增革矣夫君祀開  
創則從祀之臣惟宜佐命開創者矣乃于一代之  
中有功社稷者亦祀焉臣旣可擇祀于一代之中  
而一代守成令主獨不宜擇而祀乎此

南箱堂文集

卷六

聖

世祖增祀商周以下守成賢君度越千古也其名  
臣之從祀洪武二十一年以宋臣趙普負太祖爲  
不忠不可從祀元臣木華黎于安童爲祖不可以  
其孫從祀而去其祖可祀木華黎而罷去安童旣  
祀伯顏阿木亦不必祀至木華黎五臣之罷祀則  
嘉靖時而復祀則順治之二年是從祀之臣亦時  
爲增革矣然不無應增或遺者守成如夏啓賢能

敬承禹之道誠古來第一守成賢君矣未及與商周諸君並祀而從祀若明之于謙王守仁功在宗社未得比李晟郭子儀分配廡之半席此一時僉議之疎畧附著之以俟後之識議者至于遼金元太祖之不與祭非臣下所能贊一詞而斷自宸衷謹備著之以上昭我

世祖章皇帝天縱聖鑒大公至正之道足以垂憲萬世者如此順治十八年秋七月太子太保禮部尚書臣王崇簡述

放生問答

予同年高念東在告將歸予過之語次及放生事予因述曰予買蔬菽錢中留三十錢為放生錢或積至二三月或至經月遇市中山禽水族即買縱之率以為常業十數年矣先生稱善久之且曰此最可推行尚有可類舉者幸以教我予曰家舊戒殺惟于賓祭不能盡戒一日張相國文端公顯于日何難以脂脯易之自後雖賓祭亦復不殺一歲時親戚往還有以生物相餽者即以斗粟寄養慈忠寺寺養放生物至衆不能容則轉養之山寺或謂其類于產之畜魚子曰吾盡吾心焉耳先生復問子舉此念時何因而始予曰見其生不忍見其死聞其聲不忍食其肉誦法斯言惟不忽過更有何因雖然先曾王父母王父母兩世蔬食暨先母淑人于先大夫亡後亦蔬食終其年予每念之即未克遵先軌而不殺生豈所不能行哉是亦因也先生復稱善曰吾將推廣之以告同心尚有可商者日留三十錢計一年僅十千餘錢若日留百錢計一年可得三十六千錢三十六千錢于銀十二兩耳長安偶一宴飲奚止此數少節口腹之慾

以廣好生不亦可乎予拜手曰此先生之所以進我也

宛平王崇簡著

明東閣大學士工部尚書范文忠公神道碑  
今上皇帝御大寶之九年憫明末寇陷都城殉君  
死難幽忠難泯大節可風褒卹死節諸臣前東閣  
大學士工部尚書范景文

賜諡文忠建祠予祭錫祭田七十畝嗚呼盛哉我  
皇上褒忠前代于以勵人臣之節者至隆也後數  
年范公女兄之子王生偕及門士李生掇公死節  
實蹟及出處之能記者代嗣子爲狀謀刻詞于麗  
清箱堂文集

牲之石請于太傅范先生先生問昔稱知公今誰  
在者猥以予對予時以病在告先生命仲子太常  
公過予屬爲銘作公碑噫予豈能知公者哉雖然  
仰述

天子休命以勵臣節史臣之職也曷敢辭謹按狀  
公字夢章別號質公以贈資政大夫南京兵部尚  
書諱桂爲曾祖以贈資政大夫南京兵部尚書諱  
汝河爲祖而南寧府知府贈資政大夫南京兵部  
尚書永年之子也其先自河內遷吳復有自吳遷  
齊者明永樂中處士理就栗河間府之吳橋縣五



世而至公會祖爲吳橋人云公母馬夫人感異而生公四歲能誦詩書七歲隨南寧公廷試至京師望見貴人車騎竊語云此豈天上人邪南寧公聞而異之旣而以童子試第一人食餼于庠萬曆己酉舉京兆癸丑登進士第授山東東昌府推官律已端密毫髮之私無自而入嘗署其門曰不受施不受餽東人稱爲二不公早蝗條便宜十事存活億萬人尤盡心于獄事夜半孤燈熒熒繙閱成案必求其可生不得而後已以治行遷吏部某司主事攝選事當泰昌覃恩錄建言諸臣凡以建儲殲稅廢斥一月盡登啓事尋以假去天啓乙丑起文選司郎中疏論銓弊侃侃不撓時權璫魏忠賢黨與亂政惡之思有以中公公一日嚙血滿地以亟病歸始南寧公謂人曰吾子其歸矣當不爲監閹作奉行吏也及公歸而璫日橫周忠介順昌逮北寺誣賕數千公與忠介有夙昔交多方左右異脫其死而璫數遣邏卒矚之人憂公禍且不測而公不顧崇禎嗣位卽家起太常寺少卿遷右僉都御史巡撫河南劾監司郡守之不法者吏治爲之肅清亾何京師戒嚴公帥師入衛抵涿州入守城賴

以全在道有以茗進者公舉以酹地曰諸將士從本軍風霜中赴國難裂吻墮指勺水不得入口予奈何獨啜茗耶將士聞而感泣益奮勵故援兵抵都下者獨公最先遷兵部右侍郎督治通鎮護漕運三屆秋防公數乞歸養甫得請而南寧公捐館矣公以不逮含斂摧毀三年骨立服闋起南京右都御史乙亥流寇蔓延烽火徹江上遷南京兵部尚書簡額兵治樓船葺壁壘以固根本復宿重兵廬州出奇英六以壯聲援寇終不敢窺江者公之力也賊多置奸人窺伺徽人汪君用爲之囊橐公廉得並奸人數輩付之法兵科某貪橫軍民憤激亂且作公列其狀逮治人情始大安以考績贈三世如公官武陵楊嗣昌以內閣掌兵部畀寇張獻忠殺城等三縣駐牧寇造船秣馬勢張甚公偵得其實言寇就撫不可信與嗣昌忤及嗣昌奪情廷臣以綱常大義爭者多獲罪公合九卿申論致責問草疏之人公曰疏臣之爲也遂落職先是戊寅公家毀于兵二子先後死乃僑寓南京著書自適往往與賓客賦詩飲酒優游山崖水澗間初若無顯仕者四方名流得識其面退誇于人以爲榮迨

賊破襄雒犯承天撫局大壞嗣昌懼誅仰藥死廟  
堂思公言召還故官趨入對卽道中遷刑部尚書  
尋改工部尚書當是時邊警方殷三日五趨召公  
至入見帝曰不見餘十年何癯也卽日受事拮据  
城守日夜勞瘁疾作從床褥間爲其屬區畫凡七  
閱月備禦構築有方經費十省八九汴河決召問  
于隆道閣卒用公計策底績時公配張夫人卒公  
陳妻以子死之慘賜卹如例並贈公長子貢生玄  
超營繕司主事以慰公甲申二月晉東閣大學士  
公以不勝任辭帝曰朕知卿久今寇在門庭用卿

青箱堂文集

卷七

四

晚矣時人才摧落刑科都給事中孫承澤疏請赦  
繫臣張國維郭景昌等公于召對陳國維總理河  
道有功景昌起戍所撫楚不遑顧家才氣舉堪策  
勵微科臣言臣固欲奏之帝爲並釋繫治者六人  
公力請傳諭蓋俾恩出自上且虞飭撓也旣而寇  
氛益逼或請出幸召集議東閣公曰聯絡人心堅  
守待援此臣所知它非敢議帝顧之泣下曰先生  
言是也國君死社稷朕豈有他念哉時大帥請移  
鎮入援公主其議而終阻于異說及三月十七日  
賊薄城下公卽直宿閣中十九日昧爽中官傳諭

賊軍散亂亟命都察院多遣御史巡城公方詣中  
左門請見而宮人惶惶走謁之云王太監隨駕出  
矣公趨長安街朝房而賊騎紛紛道上矣家人勸  
公易服歸寓偵駕爲去就公曰駕出不與聞今安  
往耶歸寓徒亂人意給侍者出遂自經侍者覺而  
解之公怒曰此非爲我也因去五顯廟中繕遺疏  
請恢復遺詩有翠華迷草路淮水漲烟漸之句復  
署紙遺家人云身爲大臣不能殺賊雪耻死有餘  
恨遺奏聊見孤臣一片血誠蓋以駕出必幸金陵  
恨于宮人之言也家人環泣公曰今日之事皆謀

青箱堂文集

卷七

五

國者刻深剝削致此四十日輔臣不能挽救惟一  
死以報君恩傳之後世悞國家者非我也呼一人  
隨至演象所望拜闕庭先壠屬曰翌辰收我遂投  
雙塔寺傷井中死四日始克斂顏色如生賊至公  
寓蕭然無所得歎曰范閣老橐中畧無長物真清  
宰相矣禁勿得輒入其門嗚呼如公大節卓然可  
謂秉德不回從容就義矣考其生平出處光偉乃  
更如此若其行修于內德孚于衆有不能更僕而  
盡者皆畧而不書嗟夫明三百年輔臣之賢不肖  
不可縷指及其亡也死難者惟公一人其以維持

一代之綱常墓重矣此我

皇上所以褒嘉而不遺也公生于萬曆丁亥十月三十日至盡節得年五十有八以其年某月某日葬于祖墓之兆公爲文本義理詩清逸有晉魏風所著開心札記餐永齋詩味玄堂疏稿南樞志諸書藏于家公昔顯貴子雖嚮往而媿于無因憶癸未之夏鄉人有相構者皆與子善而人莫敢近公寄言曰惟子可解此紛幸而得當及予釋褐始識公面公固知予予豈能知公哉惟論次其大者繫之以銘銘曰

青箱堂文集

卷七

六

烈烈范公皎日嚴風殉君死難

帝褒其忠孽

錫嘉名千古之榮祭田是賚春蠶秋盛持已維端  
水清玉寒無矯無諛求心攸安治官奕奕于時睽  
益文武爲憲政有名迹石磨鐵腸萬夫之望宛若  
儒生鬚眉秀揚有一事賢猶數世傳矧斯大節匪  
億萬年豐碑曠野輪蹄過者孰爲顏熱孰爲泣

誥贈光祿大夫太子太保工部尚書東閣大

學士明光祿大夫左柱國少師兼太子太

師吏部尚書中極殿大學士贈太保諡文

敏李公墓碑銘

明故光祿大夫左柱國少師兼太子太師吏部尚書中極殿大學士贈太保諡文敏李公歿三十年矣嗣君今東閣大學士坦園先生命予曰先文敏公捐館于甫七歲幽堂之石賴同邑孫少師賜之銘墓碑尚無詞以刻君其揭銘于隧上予辭曰昔人言之矣作銘者當觀其人非蓄道德而能文章

青箱堂文集

卷七

七

不足以傳後當世以文稱者如林寡陋如予何敢代大匠操斤先生曰書事之文非見知者不信不信亦不足傳當先公立朝之日與同其時者今已鮮矣若家京師知當時事宜確幸毋辭予黽勉受教憶昔公秉政予尚爲諸生及予獲薦于鄉公旋謝政歸然所得之賢士大夫者有足徵焉迨壬午與坦園先生讀書僧舍談次復悉其家世蓋公當天啓崇禎之際以持正弭變聞是時逆閹魏忠賢竊國柄作威福獻媚者無所不至順天府尹劉志選欲搖宮闈以屬意于閹族迺劾后父太康伯張

國紀公倡言子不宜佐父難母况父母無間可妄  
生變端耶太康由是獲全闢以威劫天下自輦轂  
及直省靡不建祠撰銘書頌惟恐後公獨無所作  
至有以天與人歸見之奏章者闢擬假旨召史臣  
撰冊告廟藏之金匱效新莽故事以公力持不可  
而止熹宗顧命諭傳位皇五弟公即大聲宣揚一  
時徧達中外以遲或生變也崇禎初有黃袱裏揭  
帖達御前召公至文華殿參詳公言俚謬語無知  
小人所爲不宜宜露亟請焚之此公在政府當大  
事而扶維匡正昭然在人耳目而不可掩較之古

人履變而能持以正者何如也公諱國楷字元治  
號績溪保定高陽人其先有聞于高陽者曰平福  
四世皆以積善稱鄉里至成化戊戌進士山西布  
政使司參議儼則公之高祖也生師孔師儒師儒  
中弘治庚戌進士官至山西參政師孔則公曾祖  
也祖東少仕爲臨洮府經歷父知先以公貴自父  
以上四代皆贈柱國少師兼太子太師吏部尚書  
中極殿大學士高曾祖妣皆贈一品夫人而累封  
一品夫人鄭氏則公母也自參議至公奕世科名  
蟬聯不絕公髫髻輒勵于學思繼承先業與從兄

子發元震交相勗已而三人皆登第而公中萬曆  
癸丑進士改庶吉士丙辰授簡討已未會試同考  
辛酉與修實錄歷陞左贊善左諭德管國子監司  
業事乙丑熹宗視學公坐講易熹宗敏容聽之蓋  
心已簡注矣尋晉左庶子充經筵日講官進講輒  
屬目焉會廷卜輔臣遂由詹事學士特簡禮部尚  
書兼東閣大學士時閹勢張甚公念雖以講筵受  
知閹焰不可邇再疏辭不允邇人閹辦事非公意  
也在庭多以媚閹借殿工敘捷重封累廢公耻之  
皆辭讓于錦衣兩世廢不辭允不已公配趙夫人

卒例應乞卹公方以濫恩爲戒終不請初閹恨副  
都御史楊漣僉都御史左光斗吏科都給事中魏  
大中諸人之劾已也殺之至是附閹者復欲借事  
殺御史方震孺給事中惠世揚以快閹意公援三  
殿告成肆赦以免斯時閹之從子孫皆封公侯伯  
與黨閹者之濫進奪情誅除異已諸弊政雖皆假  
內批以行而由公調旨者未嘗或徇崇禎帝在潛  
邸稔知之嗣位特倚公爲重詔冊威命公擬進眷  
錫日隆先是公在政府多所挽回慮爲閹所忌無  
日不思乞休始以邊警告亟既而熹宗違豫迫帝

彭祚監生胡煥猷論公當閹時不能引退帝惡其  
妄言黜之公遂六疏求去不聽尋晉首輔復力辭  
帝報曰卿忠誠洞達允愜元揆機衡重務今悉以  
委卿遣官敦趨入直叅何御史羅元賓復有言公  
奏至十餘猶不許後以母老身病乞不已乃予告  
恩禮優渥非他輔臣之可望公輔帝僅數月其請  
于帝者如經筵日講下詢講官俾反覆盡所欲言  
章奏票擬及傳諭容閣臣推審事理有未合得隨  
封執奏召對大臣言官時議政事皆關係治體之  
大者帝咸稱善至云舉世無不可用之人而不必  
青箱堂文集 卷七 十

同于已天下無不可爲之事而不必有其功天下  
萬世之事當以天下萬世之心處之則誠相臣名  
言也若夫請卹楊漣復胡煥猷胄監去國薦舊輔  
韓蒲州曠孫高陽承宗其公忠大度求之古人未  
多見也而帝之于公曰善爲調劑誠然低住之倚  
曰終始無阿心跡剖明同時輔臣咸聽其去獨任  
公爲首輔帝亦可爲知公矣公樸誠不事矯激以  
求名事親孝恒以贈公不迫祿養爲恨歸奉太夫人  
熙熙承顏惟恐違其意立家廟以祀先置義倉  
以贍族從弟國棠從兄子霑雷皆俾承廕而養女

兄撫母黨恩厚尤篤其繕性視躬之間雖尊貴不  
少懈日與故人徜徉山水間甫三年當寧擬召公  
而公遽以疾終矣計聞帝爲哀悼贈太保諡文敏  
賜卹加等嗚呼公當閹寺鴟張入輔大政其所陰  
爲匡持者甚衆而議者或以爲言跡公所爲潔身  
非難而調劑爲難昔平勃之在漢不能不王諸呂  
狄仁傑之在唐不能不改唐爲周皆汗其身不潔  
其名以爲扶危拯傾之計千古未有不諒其心仰  
其人者以公簡自講幄力砥狂瀾默扶國是所謂  
履變而持以正者豈不愈于古人哉予以夙昔之  
青箱堂文集 卷七 十

所知合于事久之定論著其可信者如此嗟夫百  
世而下可想見公之始終也歟公卒于崇禎辛未  
三月十四日距所生萬曆己酉十月十七日得年  
四十有七以丁丑葬于邑之賜兆所著詩文以兵  
燹散失今存遺集一卷男一人爵卽坦園先生  
國朝順治丙戌進士光祿大夫太子太保工部尚  
書內院東閣大學士贈公如其官其配姓子女詳  
于孫少師所撰誌中不具著銘曰展也相臣端操  
惠衷履險不回濟變有終洿汙汎瀾宜潔其躬淺  
鮮之見此論匪通所貴乎智愚以成忠徑情觸藩

其道何窮適成彼威慘惻無功澄渚克定矯枉辭  
豐逆形默折正氣潛充以荷主鑒倚任惟隆輔相  
兩朝廓然大公告歸薦賢古大臣風願望赫奕令  
德昭融有高者原嘉氣蒙業雲浮春藹月朗秋空  
以景以企如岱如嵩

都督陳公墓碑

錦衣衛堂上僉書左軍都督府都督僉事陳公華  
安肅縣某地之阡後十八年爲

皇清順治庚子太子太保禮部尚書王崇簡爲其  
墓碑曰陳氏之先有行一善卽以小印印衣久之  
衣徧印文人稱爲善士始自小興州遷安肅于公  
爲曾祖是生虎以德行聞于鄉虎生公之父曰萬  
策中萬曆壬辰進士官國子監博士配沈氏生  
四男公爲第四子諱居恭字元禮以中園爲號兒  
童時知孝友已卓卓不凡長而志超氣明恢廓有  
氣度不肯躡庸人後讀詩史融會濬發操觚輒爛  
然成章已而歎曰蠹書蟬出入故紙中終何爲以  
善騎射或勸應武舉試笑曰逢場作戲何不可爲  
者遂中高第世父矩爲大司禮神宗朝以建儲周  
旋官府功最著公承其廕爲錦衣衛都指揮使既  
受職慨然以世道爲已任當是時中官開礦徵稅  
天下騷然公論其詐僞二十餘輩于法中官嫌之  
罷歸光宗嗣位詔復原官天啓踐阼乳媼客氏逆  
璫魏忠賢擅弄國柄公歎于朝曰威福將下移矣  
識者還之時遼左以經畧巡撫僨事庭議孫承宗

以大學士掌兵部解經邦任經畧公疏言永宗可出關經邦不克任忠賢夙怨公嘆其黨劾公安論邊事且勒票擬廷杖官尉詣公家促公更衣公處之怡然閤臣葉向高論救獲免復罷歸亡何經邦以不稱職敗承宗請出關督師乃咸思公言起復原官忠賢不軌益著左副都御史楊漣劾其二十四罪公曰此疏行世道之幸也既而忠賢獲慰留漣乃被誅責公憤主聽之不聰因疏奏忠賢三大罪忠賢恚甚堅欲殺公會熹宗長子不豫不欲誅言者久之獲免迨長子薨工部郎中萬燦以劾忠賢遂死杖下獻媚忠賢者指公條奏計典爲出位復罷歸革職不復用崇禎改元忠賢伏誅詔起公原官遷南鎮撫司僉書尋晉左軍都督府都督僉事錦衣衛堂上僉書再遷提督西司房官旗辦事督察奸盜公以官旗多暴詐害人遂引疾三疏辭免時倚錦衣衛刺外事至以耳目心腹爲論凡官堂上咸得書名籍御屏公雖退當寧頗知其本末及掌篆缺閤部思得賢者咸屬公而營求者賄常鉅萬公反獨力辭士論以公加人數等矣嗚呼辭權守約少知自勉皆能之況公之自好也歟惟數

發議論罷免至再而直斥權閹終不以死生禍福毫髮動其心是不可及也先是東林浙黨相水火而宵小多憑依其間公鄙中書汪文言之爲人乃有疑公排東林者于他疏中指及公公不爲動迨公劾忠賢禍且不測楊漣始拜公至以不識公自悔懷疑公者亦悟公夫人劉氏病革聞忠賢踪跡公不暫釋勉公以死忠爲無媿嗟夫非公忠義夙孚何以疑者感悟而閹閹之中垂死猶能相勉以正如此哉公性尚風義喜辨誣扶善錦衣某誣御史毛羽健下獄將置之死公力爲營解定興縣數十人爲緝者構爲盜擬死公辨其誣數十人得不死至今遺黎故老猶有能道之者他如賑饑平糶納道斃于竈埋日額設錢若干放生施貧諸善行不勝書也公雖家居留心世道恒中夜不寐而籌策時務多中士大夫咸欲接其談論公閉門謝之而不能絕也生平鄉慕名流賢人君子亦願與之交周侍御宗建嘗薦公忠義可以當大任若葉閣學向高何閤學吾騶鹿太常善繼張吏部羅彥張翰林居孫孝廉奇逢尤與公厚善于嘗聞公誠諸子曰讀書非徒取科第忠孝節義一有所虧雖科

第何補晚年淡于禪宗與林翰林增志馬居士一  
騰相印可于升沉去住澹如也卒年五十有九先  
大夫與博士公同登進士第公以世誼最知子予  
女爲其子婦知公者亦惟予最淡嘗慨古之偉人  
史不及載而湮滅無聞者多矣若公者既不獲載  
于史易世而下能有知者乎爲著其梗概付公之  
子勒石墓上俾後之覽其跡而公之風聲氣烈益  
有可以低回想見者矣銘曰

相伊人兮體貌揚氣爽豁兮鬚髯張持一忠兮義

自將仕三黜兮志益強巖巖朝野兮萬大望遺世

青箱堂文集

卷七

去

獨立兮千仞翔烟飛雲變兮至人藏莫高銘顯兮

日月光千秋百世兮過而悲弔者徬徨

銘

銘誌非古也晚代以來子孫思不效其親者鮮不  
爲銘蘇氏至以爲嫌而昔人又云作文當有關世  
教夫所謂關世教必偉烈奇節斯足銘歟爲人之  
子孫欲銘其親而親無偉烈奇節之可稱不幾傷  
孝子慈孫之志哉予不能無疑焉嘗以世之積善  
餘慶福澤壽考足以勸善而輔翼世教者正未宜  
畧也予同年前大司農戴公以其封翁先生之銘  
相屬予稔聞先生承歷世之榮顯積學爲善教其

青箱堂文集

卷七

十七

子而子貴教其孫而孫貴雲初繁衍歲時受其子  
若孫之壽司農執觴于前諸孫獻饋于後五世同  
堂而親戚顯達堅車壯馬充巷塞陌素帶纓鈎光  
溢庭除役潔酒馨迭承第進先生康強容與耳聰  
目明飲音嗜嘉自都邑間里老少賢不肖傳說美  
歎爲不可及享年七十有七而考終此其福澤壽  
考所以致之者皆積善之徵也豈不足爲世教之  
勸哉按狀先生幼而穎異氣貌都雅授書卽能解  
其旨及長魁岸不羣有超出流俗之志操觚爲文  
輒爲人傳誦名噪州庠母夫人早歿事按察公先



意承志侍寢食視寒燠必誠必敬夙多知畧善  
畫隨任所至咨畫多賴焉按察公嘗病以身顯天  
及卒則葬祭不越禮自大父大司馬兩世替纓人  
頗艷之迨按察公歿而里中豪猾輩多伺隙先生  
益飭行不與人以可乘先業恃以不隕落兄弟析  
箸腴土嘉具悉讓與之兄從事登州幕逋餉千金  
鬻已田以償無難色復爲計饗殮以終老調劑兄  
弟之間不致失和好時值多故輸粟警備以佐守  
禦歲歉則傾廩爲倡全活至數萬人初司農公已  
登第有非禮之侮先生戒不與較其人慙悔以謝  
青箱堂文集 卷七 六

右都御史兵部右侍郎才生紹科以廕歷官中  
憲大夫陝西苑馬寺少卿兼山東按察司僉事是  
爲先生父先生以子明說歷官初封吏科給事中  
國朝覃恩 誥封資政大夫都察院右都御史先  
生父按察公並膺 誥贈娶王氏爲山西鄆縣教  
諭王公茂學女封夫人前先生三年卒 賜祭  
葬自有銘先生明萬曆乙酉十月初二日生 國  
朝順治辛丑六月二十五日卒子男八人明說甲  
戌進士歷官兵科都給事中戶部尚書太僕寺卿  
明旦廩生人望貢生考授知縣俱王夫人出明适  
青箱堂文集 卷七 九

貢生考授知縣與人望皆出爲伯叔後明生庠生  
明召明義庠生副室張氏出明龍庠生副室崔氏  
出女六人王夫人出者二張夫人出者四禹城知  
縣孫延祉庠生姚起唐沂州道按察司僉事劉世  
傑庠生王廷鑑孫燕楊光紱其壻也孫男八人明  
說生王綸王縉王給王絜王縉王縉乙未進士及  
第內翰林秘書院編修江西督糧道左叅議王縉  
戊戌進士南昌府推官王給庠生王絜庠生王縉  
明旦生王繪王紀王綬王縉生王紀庠生王縉  
孫女九人曾孫男六人孫女八人王夫人葬于城

東南祖塋之次司農公卜年月日奉先生柩啓夫  
人墓合葬副室張氏前卒以淑慎聞今亦附葬銘  
曰  
飭躬兮醇懿是循豐德兮孝友是遵積善兮福壽  
是臻淑世兮氓玫是陳安斯幽堂兮永于春源溪  
流遠兮宜後人

諸封光祿大夫太子太保吏部尚書高公墓  
誌銘

公姓高氏諱攀桂字某號望雲上世自山東徙河  
間之靜海縣四傳至公之先日贈光祿大夫太子  
太保吏部尚書拱吾公以儒行顯拱吾公之先日  
鴻臚寺序班萬億公以節俠好施稱于時拱吾公  
歿而公以遺腹生既而公母贈一品夫人蕭氏暨  
公大父鴻臚公復先後歿公方孩抱育于大母邢  
夫人沉厚靜敏游處畧不縱爲童子戲弄事及讀  
書學爲文章獨不肯後于人爲諸生含英浮華蔚  
有譽處試輒甲等遠近問業者踵至每以不逮事  
父母爲終身之戚事大母三十年生養死哀盡誠  
盡敬以兄卿雲公持門戶乃得一意力學析著惟  
取廉約曰非吾兄何以有此嘗置義田以賑族里  
且勒石戒子孫世世勿侵奪或頌之則曰吾豈要  
譽于人祈福于天哉念古人勿以善小不爲之言  
夙夜勉之矣公孝友祥順內行惇至恤姊子之孤  
貧教以成名閭族媼之喪明養以終節厚親黨食  
飢殍瘞遺幣遑遑乎如有所者也溪湛六藝于古  
今經濟之學皆可見之行事數踏鎖闥數奇不得

有所建豎于當世垂暮始用歲貢爲順天府儒學訓導當是時公子文端公已進士及第官翰林矣公不簡賤職業以鄉三物進都人士而教之樞衣升堂頌禮離肅孝秀競勸亡何文端公官益尊公拜貤封歸里而仲子復成進士諸孫振振起聲稱赫奕光動閭里公居恒樸素悛悛如老書生視世之憑籍高華倚恃氣勢賢不肖奚啻霄壤迨文端公歿曾不以世態增慨喟素履坦然取篋中書丹鉛錯互復教孫登進士高第時與故舊油油談讌委順考終蓋令德遐福之君子矣當文端公官吏

青箱堂文集

卷七

五

部侍郎迎養公于京邸時滄洲戴道默官戶部侍郎封公亦在邸舍予以年家子坐二公于堂上進酒徵歌偕兩侍郎雁行侍側十餘年來文端公暨戴封公墓草已宿今公復逝追憶恍如昔夢今銘公思文端公之交好不知涕泗之被面矣公生于明萬曆乙酉九月初十日酉時卒于

皇清康熙壬寅七月十四日申時享年七十有八以文端公貴封如其官配曹氏贈一品夫人子二人長諱爾儼庚辰及第第三人歷任光祿大夫太子太保內弘文院大學士贈少保諡文端娶姜氏

贈一品夫人次爾修己丑進士刑部江南司郎中娶倪氏贈孺人繼娶姜氏王氏張氏女一適貢生杜依中孫男五人文端公出恒懋戊戌進士大寧都司儒學教授恒泰廩生早卒刑部公出恒豫文端公撫爲子以廕任工部都水司主事恒升廩生恒慕最公之平生弘亮端誠惇睦好德老而不衰豈非古所稱鄉先生者歟遺徽遺蔭澤流後昆奕世滋大嗚呼盛矣是宜銘銘曰

五福之本攸好德惟其有之如斂穧水則有防帛有幅悠優經史克有得貴勢燠灼絕驕忒懷純

青箱堂文集

卷七

殷光家國考詳翼燕何窮極千秋過者仰正威

贈文林郎內翰林弘文院編修高公墓誌銘

公諱揚字思沉姓高氏其先世爲山東人明興始徙文安縣之西北鄉世修其德至公祖重菴公德行益顯公考肖菴公其仲子也肖菴公舉四子長卽公生而嶷穎十歲能屬文重菴公曰是必大吾門垂髫列黌序受知于督學左滄嶼先生人多傳誦其文聲稱藉甚公卿間丁卯舉于鄉榜未放而肖菴公捐館舍公哀毀不能起重菴公曰吾在也何若是公勉治葬事以事重菴公重菴公若不知其子之亡也庚午重菴公亦卒甲戌服母喪十年

青箱堂文集

卷七

五

間重遭大喪殫心慘悴而家業中落公年已過壯矣筮仕爲江南建平縣知縣未期年而修學宮建義倉墾荒儲備一時稱能吏建平俗囂而多姦民立黨構亂數年中兩陷其令公欲變其俗一切以法繩之姦民怙惡不悛復有以中公賴朝議察其誣抵姦民罪公于是遨遊于金陵武林間無復用世之思矣久而歸省其先人丘壠時爲崇禎癸未仲冬越歲寇破都城文安去都城二百里許寇下今朝發夕至大索在籍士紳逼授以官公慨然曰可以去矣約同志挈舟以遁余時亦潛伏西山公

遣使訪求者數四艱難險阻得登公舟益余自丁

卯與公稱同年生知公之雅重交遊至患難而篤念友生如此時道路阻絕盜賊蜂起舟行日不數里日與賊遇公愼靜有謀論以情理雖耽耽相視弗之犯也越數月始渡江羈棲江寧公雖衰且病其言語詞氣尚足動人人多重之無何王師南下訪求遺逸公才譽夙著授桐城縣知縣數以疾請不獲單騎就道迨至桐城一日而疾益加遂卒順治二年七月初五日也公負材沉卓少遭憫凶幾老矣乃稍出爲世用復遇改革遽遭流落有材而不伸嗟夫士果自爲材耶抑時有遇不遇耶公

青箱堂文集

卷七

五

有異母弟妹五人撫摩周至以有家室聘奩之需破產爲之人服其孝友而智力惇敏周人之急如恐不及文安舊多大璫貴寵用事慕公名願得一交歡而公顧不屑與之遊獨向往海內正人君子而正人君子多與璫忤禍叵測賴公以全者甚衆于是海內正人爭譽公公初若無與也公別號侶鶴祖諱璉卽重菴公考諱士賓卽肖菴公妣某氏距生萬曆壬辰年九月十二日爲年五十有四配王氏贈孺人爲庠生王公守訓女溫恭愼惠事舅

始盡禮族姻以爲得內助歸公五年年二十有四  
卒繼李氏封孺人副郭氏子一光夔已丑進士內  
翰林弘文院編修郭氏出娶同邑貢生紀克明女  
女二適同邑庠生井萬斛子世調孫女一公以子  
光夔贈文林郎內翰林弘文院編修順治三年  
月編修君扶公之柩歸卜于十年某月並王孺人  
合葬于祖塋之次以余知公屬爲之銘嗚呼知公  
尚有余也乃爲銘曰

其積以厚其發斯長其行以拙其學知方其遇雖  
岐其志則強於萬斯年澄流崇岡

陝西臨洮府知府李公墓誌銘

嘗讀趙世家見其數世之興衰皆于夢兆之竊疑  
其怪誕無乃史氏故詭異其詞以致美其文耶然  
其言卒驗抑何奇也迨觀予同年臨洮守李公凶  
祥盡兆于夢又爽然白矣李公年舞象爲邑諸  
生數屈于有司丁卯夏夢隨二童子行見庭宇軒  
麗儼若帝居以刀劃其面曰還君二十四日是秋  
鄉試名列第二十四人丙子夏復夢前童子引至  
神所按籍示曰此歲劫中人也而子有期年灾非  
與劫者無何邑被兵死者甚衆而公獨免夫人陳

氏赴井殉節公執服期年又常夢于江干與寇戰  
被殺乃至漢壽亭侯祠侯授以馬與刀馳及其仇  
而報之復夢侍侯遊迨其之任臨洮道經解州謁  
侯祠徘徊廡下恍惚如有所見少頃顛仆家人昇  
之絕矣嗚呼此其得失生死盡兆于夢又何奇也  
公幼失怙恃事祖妣至孝策仕陽城令邑初催兵  
革歲凶男婦散亡公分俸班贍貧者貸荒平糶全  
活萬人履畝課耕措置牛種六載而陽城繁庶如  
故及其擢官去父老牽送數千百人五日始行一  
舍其任東城兵馬司指揮緝暴恤良都人賴之甲

申寇破都城公大書壁云國有大難食祿者死方  
欲自剄爲賊騎所執索其家無長物幽禁累日夜  
夢有人導從破壁而出者旣而賊知其廉吏縱之  
去 清朝鼎興復授故職尋遷戶部主事牧馬薊  
州督理運務皆以能聞監德州倉州當南北孔道  
變革之後困鹿空虛時方用兵羽書旁午無虛日  
公勸輸清蠹芻糧無闕而民不知擾至今尸祝焉  
行嗣母喪服除補郎中督餉薊密額餉久缺人以  
脫巾爲公憂公清白自持出納稱平一軍無譁秩  
滿遷陝西臨洮府知府時順治壬辰六月也至十  
青箱堂文集 卷七 无

一月二十日卒于解州公爲人自矢勿欺初持一  
心退讓恪慎居處樸約不言人之私俸祿入門姻  
黨故人多仰給焉雖服官十餘年卒之日無以爲  
葬予于公爲同年友得其生平志操如此或其數  
感夢兆以此耶公娶陳氏丙子以節死子五人長  
瑞邑庠生早亡次琮官監生璋琪璘尚幼女四一  
適邑庠生耿杲三尚未許聘公生于萬曆甲午享  
年五十有九其上世籍小興州以諱奇者徙定興  
爲始祖傳至公考諱安民世居定興之相蓋村早  
卒世父諱節民撫公甫成童亦卒祖妣趙氏有教

以有成公字曄若諱定榮以某年某月葬于某鄉  
之原銘曰

於戲李公言約行方質心樸貌出處允臧神明鑒  
茲夢兆凶祥大夢醒矣曷促曷長安斯幽宅子孫  
克昌

左庶子卓公墓誌銘

左春坊左庶子兼內翰林秘書院侍讀卓公以疾卒于官時順治乙未十二月十八日也明年丙申三月其孤麟昇來請銘曰不孝未得視先君子含殮今將扶視歸葬乞一言以傳後予辭曰公之懿行公之鄉人知之宜溪且公之鄉多名賢善筆札予何敢代大匠斲麟昇復流涕曰先君子遺命勿求墓文殆傷世之誌墓者往往多諛詞而失其實也使予鄉人爲之卽著其實或以爲鄉曲之私言也若史職也必無妄書且知先君子久惟無辭按

青箱堂文集

卷七

三

狀公名彝字辛彝一字明彝靜巖其號也先世籍臨安自忠貞公敬殉節明靖難時子孫易姓宋氏流寓浙之塘棲世爲仁和人至公曾太考見齋公始復卓姓生六子其季官光祿號太素公大考也太素公生公考海幢公封文林郎編修公生于萬曆辛亥五月十一日幼而雋逸五歲入小學穎達異凡兒十七爲諸生受知于樊致虛先生與從兄珂月以文學聲稱藉甚嘗負笈問業于海內賢士大夫賢士大夫無不雅重之者已卯登賢書感慨時事于庚辰禮闈試策發之忤時落第退耕武康

山中講求屯漕鹽鐵之器皆有成畫復植梅李徧山間時與用父牧兒班荆談穀稼歲荒邑中民以不饑而漕務得竣者皆用公議也癸未丁母艱甲申寇變棲遯天泉四方之避居來依者如家焉

大清定鼎中丙戌會試乙科丁亥以進士高第改庶吉士夙夜在公考究掌故隱然負公輔之望尋授編修庚寅海幢公捐館舍奔喪歸海幢公夙講良知之學著述甚富公念親有善而不傳不孝莫大乃出以示學者家夙饒于資時值荐饑輒出粟賑全活者萬人後捐千金助修北關河塘一鄉賴

青箱堂文集

卷七

三

之癸巳服除守故官亡何歷遷中允侍讀公勤于職業寒暑靡懈蒙上知遇最渙甲午春特旨嘉其勤慎遷一官尋爲左春坊左庶子典試江西公慎自矢楊放稱得人旣而舟次丹陽遇盜縣令請償所失公謝之曰失于盜而償之官是誨盜也旋預修聖訓應詔陳治河策言今宜先治漕後治河漕無藉于河則疏河下流以達海可永無決患下廷臣議遣大臣往視歸報雖未行識者避之又言屯田使天下無曠土固賦自充不必急計租稅悉見嘉納平生寡嗜好急交遊暇則治具召

賓客飲高朋滿座人不堪其勞而公特贍裕無一事荒廢也嗟夫人當顯貴自尊大雖故舊鮮得望見顏色不則回面污行奔走勢要以行其私二者皆譏公乃絕去崖岸未嘗以顯晦分輕重而非有所請託營競以故人敬慕之其文章與古人之至者相隱約尤渙湛于理學經濟所著瀛洲草籌畫策觀心堂制義流風蘊義皆可待來世天性和厚未嘗失禮于人無飾行妄語或有睚眦怨率不復較遇所當爲必盡心力爲之不求人知如歸鄉人之喪瘞河干之骨濟冰雪中之僵臥者皆人所不

易及若公者可謂重遠之器矣天假之年以究其志庶幾古之所謂救時輔世者而年不登艾業止如此是可哀也夫公質清癯一日謂麟昇曰主恩渙厚豈敢懷歸然報國以身行將乞休養圖報于異日汝其歸以俟我迨麟昇行而公疾作疾生于積勞尚朝夕無廢事將革之夕與舊友坐飲正襟談笑而逝嗚呼是可以觀公之所養矣享年四十有五配潘氏封孺人生男女二人男麟昇甲午舉人娶進士仁和錢公某女女適刑部侍郎莊公應會季子儀生側室孫氏生男麟德官監生側室石

氏生女未字孫女二麟昇出銘曰

邇矣忠貞千古儉節歷年三百蔚起後哲仁孝卓然光生瓜瓞矩步前型秉志溫潔侍從鑾坡維力是竭鞠躬盡瘁瞻茲風烈勒石幽宮景行不滅



鄉貢進士白公墓誌銘

內翰林弘文院檢討白君乃貞之父曰白公諱篆字義畫先世太原人遷居清澗自上世之諱斌始五傳爲廷祿六傳爲似鶴封文林郎生璧以孝廉仕絳州知州爲公之王父生成文以明經仕涑水訓導爲公之考娶霍氏生二子公其仲也生而穎慧方學語時卽識天字長而讀書哲敏異倫博學好古爲文雅正不屑時趨年十七補弟子員試輒冠其庠士遂食餼遭母喪哀毀動人復黽勉子職以慰安涑水公兄疾偕起居親藥食以孝弟稱閭

青箱堂文集

卷七

三

里名公大人之仕其土者咸命子弟師事之壬午舉于鄉癸未以溢額中乙科公怡然益殫心著述而問業者日衆多成名而去人稱爲東葵先生間爲海上遊東南知名之士咸與之交迨涑水公歸老盡養志之道涑水公年九十捐館舍公年已五十雖數困春官無鬱鬱色至是以不能祿養爲終身之痛焉公爲人坦夷無靳截之行人皆敬慕之善飲酒歲時賓戚宴集無不盡歡未嘗至醉值寇警爲令長策守禦悉中機宜寇過其鄉曰此善人里也戒無擾公知時不可爲避迹山中自號嚴老

課耕教子益勤所著有教本堂全集家慶集遠遊錄無悶嚴集諸書先是兄歿撫教其子乃心中王午舉人既而檢討君成進士爲翰林迎養京邸公已七十猶日夜讀書燈下作細字時偕友人遊都門名勝飲酒賦詩不倦也嘗戒諸子曰我平生不自欺爾輩無忘我今日之言及臥疾尚與故人論文至易簀終不及家人之語嗟乎公可謂蹈道者矣其他所爲葬兩世及外氏三世未葬者以至賑饑卹族諸細行不具載第按狀所條畫著其大指皎然內而孝弟外而文章庶幾傳紀所謂有典有

青箱堂文集

卷七

五

則淑人君子者非歐公之生萬曆丙戌六月十七日其卒也以順治丙申十月十二日享年七十有配惠氏先公卒子三人乃意乃建俱廩生意娶黃氏建娶郝氏乃貞卽檢討君娶惠氏女二人長適都司薛玄祐次適庠生馬士駿孫男五諱詠乃意出詒乃建出興燮乃貞出女孫六意出者一建出者三貞出者二卜以某年某月日葬某之兆銘曰  
澗水清兮山盤旋鍾至人兮世翩翩倬藻行兮雲漢貞千秋兮巖泉鳴呼猿嘯兮霜月淮還兮春烟

勒貞珉兮幽官名不滅兮億萬斯年

通奉大夫內翰林弘文院掌典籍事太常寺卿王公墓誌銘

昔天啓癸亥之際人稱大宰趙儕鶴先生之賢因稱先生外孫中書王公爲先生所器重而不與流俗相嬗娶其介慎不讓先生子艷慕其人亡何逆璫魏忠賢作威福陷正人忌先生者並忌王公矣公畧不爲辯曰媚璫者欲籍璫以除異已復何云談笑受詬就戍永昌是時公名重天下在戍所遊獵賦詩絕無可憐之色向人璫敗復官中書適子同年張君早逝予以弱息字其遺孤公爲張君世青箱堂文集

好聞之謬與定交始識公公氣貌敦碩不爲屑屑詭行亦不復傲岸不可近善右軍書法與論古今證據經史蟬聯不可絕海內貴人賢士樂與之遊公之選爲中書舍人實受知于葉臺山相國而一時名公卿如董思白宗伯姚孟長官詹爭爲稱引而相國韓公象雲文公湛持成文穆公皆嚴重不妄與人獨深知公公同官多陰陽其言作勢納交雖挺挺動人而禍亦不旋踵至公端慎恪共于諸執政間一以至誠相周旋所調劑異同護持善類頗衆而人無知者如首輔某以言嘗某輔公以爲

未宜信及爲所賣始悔不用公之言其爲某相國  
護印視師屏絕將吏賂遺後從行者多以相國得  
罪罹物議而公獨超然明季門戶之禍熾互相排  
擊一執政去所與共事僚屬必因之敗公在中書  
久所遇賢不肖不一不啻數十人而終無所牽連  
其識之過人如此迨寇變間歸 今上御極起之  
田間凡綸屏舊章詞林故實咸諮公以辦予時差  
仕翰林觀公所稽古酌今典舉大典如玉牒 經  
筵纂修諸儀式咸經考證公資望最渙秩至卿寺  
而子哲皆大官乃退然謙抑遇前後詞林未嘗失  
青箱堂文集 卷七 三

禮人益多之若孝事繼母篤于宗族振人之急亦  
人之常然而人不能行公能行之所以爲賢也平  
生律已儉質而于世故無不通曉間嘗與談辨往  
事得失成敗歷歷如指掌或至慨慷憤鬱而起十  
數年來未嘗見一日病舊善養生之術何遽以一  
疾而逝耶嗚呼今求可與共談疇昔者復幾何人  
耶又安忍辭爲公之銘耶公諱鍾麗字慧生以贈  
太常卿兆寧爲父以贈淑人趙氏爲母以封太淑  
人許氏爲繼母以山東左布政使贈太常卿藻爲  
王父以按察司副使撫民爲曾王父其先太原人

明初以軍籍隸真定公生七歲而孤母趙淑人先  
逝淑人吏部尚書諡忠毅儕鶴先生女也忠毅公  
特憐公公恒居忠毅公家少長遇贈太常公遺字  
必謹藏之博學強記爲文有奇氣補博士弟子員  
尤自振厲踴發不欲逐羣輩競一日短長以恩例  
選爲內閣中書舍人遭璫誣謫戍未幾復原官擢  
翰林院典籍加禮部員外郎入 國朝晉太僕寺  
少卿掌典籍事尋兩晉太僕太常卿覃恩授通奉  
大夫加一級封二代公生于明萬曆癸巳年正月  
二十四日卒于清順治戊戌年三月二十一日時

會試掌試卷出闈之四日也以大臣例錫祭葬享  
年六十有六娶胡氏封淑人子男二人胡淑人生  
原廬河南按察使娶梁氏贈淑人繼娶梁氏禮科  
郎給事中維本女甲申寇變赴井死繼娶李氏封  
淑人邵淑人生原直官生女四人胡淑人出第一  
女第三女早歿第二女封一品夫人 經筵講官  
兵部尚書梁公清標其壻也第四女甲申同嫂赴  
井死孫男一榮恩孫女二一適庠生梁允杰一適  
庠生梁允襄聞公少時以材自負好服武士衣挾  
弓矢怒馬射獵若少年輕俠所爲者忠毅公不欲

以尋常約束之及其筮仕三十年出入近禁乃能  
持正道守成憲名列顧厨位至常伯遭艱難忠苦  
而不渝何其偉也忠毅公知人哉銘曰  
才豐于位人全其天允矣君子高山大川烟飛空  
隴月照幽阡銘不可滅於萬斯年

封文林郎內秘書院編修張公墓誌銘

嗚呼樹欲靜而風不寧子欲養而親不逮凡爲人  
子不逮養其親誦斯語而未嘗不抱慟終天也子  
友侍讀張君勸親之逝而不逮養若有一日不能  
自容者嗚呼可哀矣雖然子之致養可以竭力而  
親之逮養則有不可知者人子生不及養歿之所  
以自致于親者豈無道乎子讀侍讀君述其先公  
之教君者君固有可以自致者矣公之教君也幼  
卽口授以經史性理諸書少長晨教讀書于膝前  
一書成誦易一書夜教學文于膝前不成章不就  
寢或至夜分不寢手書白鹿洞學規教之曰欲做  
好人當服習于此侍讀君補博士弟子員且食餽  
則教之勿以小成自矜當以詩人子衿佻達爲戒  
及試南宮第一人官翰林則教以盛朝教育庶  
常無異書生白鹿洞學規終身誦之可也侍讀君  
典試浙江便道省覲不忍違膝下則教以善事  
朝廷卽所爲善事親侍讀君茲不忌其教而加勵  
焉雖不逮養于生前其所以顯揚于不朽者豈不  
可自致乎且侍讀君夙羸公嘗教以父母惟疾是  
憂不可不知言猶在耳亦可以節其哀毀而思所

以奉教于無斃矣公諱其完字白菴先世曲江自  
官吉州刺史者始家廬陵之富田井頭至公十六  
傳矣世修其德鄉里稱為古井張家以會塘公某  
為王父以含輝公某為父兄弟四人公其季也少  
負奇逸之資穎敏過人不屑世俗之學一試有司  
憤其伺察非待士禮不復就試放情山水名勝所  
在不憚遠遊至則放歌長吟若將終身焉及侍讀  
君能識字則歡然喜曰吾有子可教矣絕不復遊  
日以教子為事公奉二親先意承志事諸兄恩義  
甚篤含輝公病革遺命諸子析箸各事生產公以

青箱堂文集

卷七

望

數世同居後有及之者愴不忍聞兄疾嘗藥侍饌  
無間晨夕歿則為之立嗣其天性孝友類如此性  
疏豁平生不藏人善非其人未嘗與之詞色遇事  
激昂無所諱雖見重于鄉之賢達長者而宵人則  
憚而忌之至誣構于獄公怡然謂侍讀君曰先儒  
嘗言尊孔顏樂處今當尋君子不憂不懼處已而  
誣得白畧不介意迨侍讀君成名位通顯或以公  
修昔日之怨公直若無其事者其德業曠夷又若  
此侍讀君以不能迎養思歸省則數數止之覃恩  
膺貤封終不改儒素之道居貧力耕耻與常路為

緣侍讀君惓惓侍養方卜陳情而公不逮矣此侍  
讀君以生不及奉菽水病不及覲醫藥歿不及躬  
含殮為終天之慟也嗚呼公負才不羣既以不遇  
又匿不自著獨述其教子有成以志公之終且勗  
侍讀君思所以不忘公之教以慰其終天之慟不  
獲自顧其不文矣公生明萬曆丙午年二月十二  
日巳時卒于

皇清康熙癸卯年十月十六日巳時以侍讀君貴  
勅封文林郎內秘書院編修配某氏封孺人子二  
人貞生順治戊戌進士任內秘書院侍讀上生庠

青箱堂文集

卷七

望

生山嗣于兄孫男二人世坤貢監世圻貢生出卜  
以某年某月某日葬某地之原銘曰  
維此哲人教誨爾子繼序不忘高山仰止

吳堡縣知縣紀公墓誌銘

嗚呼吾亮章公矣予交亮章三十年僉未得憑棺  
窆未得臨穴非紀載其羣行以傳之將何以釋其  
悠悠之思乎初予交亮章見其慳悌坦質與人無  
猜迂其用意在人倫風教之間予慕敬之迨甲申  
寇變予携家避郊垌盜賊蜂起心膽戰悼莫知所  
往君與予友高侶鶴馳甲士相迎京師距文安餘  
二百里耳遮留宛轉十餘日方至假館于水鄉爲  
士寇所指日旋遷之邑城分宅而居衣食几榻軫  
存之備至其內子視予家人不啻娣姒予安之而

青箱堂文集

卷七

四

忘其喪家顛沛之苦亮章天性孝友父歿繼母所  
生三弟撫以成人均授之家無私焉其最幼弟甫  
四齡晝親爲哺食夜則同榻至推乾就濕有人之  
所難行者兄克昭卒教育其遺孤三人二食餼于  
庠一登丁酉賢書不知者不知其爲從子也弟克  
時卒以次子嗣之俾弟妻有依以終其節其敦倫  
重本類如此故推此以交友接物皆煦煦有恩意  
族間之問不能自存者必濟之凶歲出粟賑卹有  
方多賴以存活人有急應勉挽救有負之者終不  
校後有急挽救如初人有過失亦而折不少容故

青箱堂文集

卷七

四

鄉之善人服之而不肖者亦嚴憚焉士大夫高其  
義樂與遊君不妄攀援當明啓禎之際君里大賓  
多君之姻舊趨附之輩欲藉君爲介紹君絕不與  
通而給紳有遭奇禍者初不識其人從中爲之援  
而人亦不知也都城變後邑曠無令者越月君固  
結人心雖四野焚劫無虛日而邑賴以安尤其識  
力之過人者矣尋以高才異等貢入太學筮仕吳  
堡荒陬峽壘之區人所不能居君至則竭心奉職  
凡職所當爲悉力從之若革美餘蠲贖緩恤行戶  
官養馬復古渡亦爲令者所常然人行之以名而  
君行之以實至署中不能舉火則買田以接炊烟  
校任二年而家業益衰耗矣君在任遇覃恩詔贈  
父爲文林郎母繼母皆爲孺人君稽首曰吾親得  
邀封錫之榮吾願足矣遂稱病求致仕再四未得  
竟以積勞而亡喪歸堡人走哭踵相接而鄉人哀  
悼歛歛而不能已也嗚呼君少而敦樸能自振拔  
讀書挺挺不肯出人人下補弟子員受知于督學左  
公光斗事父母盡孝而事繼母尤爲內外姻所稱  
君今亡矣所謂高侶鶴公亦十五年矣予亦衰而  
老忍不爲君之銘哉君諱克明亮章其字也姓紀

氏別號杞菴其先山東德平人明永樂初遷文安之寧壽也是爲君始祖壽傳經歷亨長史紘布政使常至按察司副使誠是爲君曾大父誠生子七人其四理問大綸是爲君大父大綸生太學生于屏今贈文林郎君之父也娶蔡氏贈孺人生二子君其仲也生十歲而母亡繼母邊氏贈孺人娶邢氏封孺人生男晨廩生娶前御史浙江嘉湖道副使王盾祥女次勗庠生卽出嗣其弟者娶明庚辰進士商丘知縣梁以樟女側室盧氏生男冕尚幼女長歸庠生井至次歸前編修揚州道副使高光

青箱堂文集

卷七

墓

夔次歸庠生王天錫次歸儒士邊銘琛邢出次歸儒士李世璞次幼未行盧出孫男二晨出輔聖出佐聖孫女晨出者一勗出者一皆幼君壽六十有一明萬曆己亥九月三十日巳時生卒之日乃清順治己亥閏三月初一日寅時庚子年 月 日葬于孫章村祖塋之兆銘曰

巍然而高者其墓耶飄然而舉者其神耶悠然而使人思者其行耶熾然而百世無艾者其後耶

浙江布政使司右布政使前工部左侍郎李公墓誌銘

余年餘七十猶濡毫低回乃爲故友工部侍郎任丘李公又白銘也公歿已四年矣于康熙甲寅十一月二十五日卜葬邑西金沙嶺祖塋兆次嗣孫鉉抱公從子經坡所述羣行三百里謁銘于余余與公同舉鄉試且同朝久知公爲淡不忍以衰老辭考其世明永樂中諱伯成自小興州遷任丘歷五世至嘉靖壬戌進士少師兼太子太師兵部尚書贈太師汶始顯太師父登大父穆曾大父鵬皆贈兵部尚書妣某氏祖妣某氏曾祖妣某氏皆贈夫人太師兄津嘉靖乙卯舉人常山縣知縣弟渭贈按察使太僕寺卿生楨宁贈太僕寺卿萬曆庚戌進士山西按察司按察使配章氏封宜人贈淑人是生公兄弟四人兄士炤士華弟士輝公諱士規字用積慕青蓮之風以又白爲號幼而端穎資秉純茂七歲就外傳日革童心讀書解討究年更月異哀有聲稱按察公山遊拈句斜日橫征轡屬公對云飛花點客衣按察公喜其後必能詩十七與仲兄季弟同補弟子員學使目爲三鳳天啓丁

青箱堂文集

卷七

墓

卯舉于鄉崇禎甲戌成進士授河津縣知縣丙子分校推得人時軍興雲擾過其邑者庚癸絕譁撫軍特舉優擢按察公罹邑難終喪授工科給事中遷刑科右給事中出爲山西河東道副使流寇勢日張晝夜禦河干寇間道從宣府陷京城遂歸恭逢大清定鼎用薦起兵科左給事中晉刑科都給事中奏定律例矜饑民最關刑章者割脚筋之令公以按律定罪外有流徙杖笞流徙或荷戈邊方負薪驛路手足未壞仍爲完人今脚筋既斷血肉淋漓遂至終身殘廢于律未合于情獨慘奏入

青箱堂文集

卷七

哭

永罷其令尋論遷官降行人司司副歷陞光祿寺丞少卿太僕寺卿工部左右侍郎修三殿賜幣馬旣而以才優經濟堪任養民出爲浙江布政使司右布政使加一級禁旅駐寧波芻餉以資飽騰而民若無其事亡何乞休歸田年未六十也于是闢三徑列花石彈琴賦詩其間著有麟篆齋詩文客至以奕飲爲娛間或腰弓矢携羣從馳獵于秋原雪磧相追歡夜則席擢茵襲繡幕陶然于燈光絲管中斥絕俗務一不望于胸臆雖大吏以夙交相問訊卒未嘗有所請謁歷十餘年年七十有二

嗚呼公世以文章起家簪紱蟬聯勛名赫奕極閭里之榮盛而忠厚和平藹然可挹生平不設谿壑與人相俛仰與與如也而行已滄官屹然爲世矩範當母淑人歿父按察公在堂哀中軌度及按察公殉節則號踊幾不欲生歷仕惟以盡職無媿自矢未嘗有意驚名釣奇而其處心往往多過于厚其由給事中出爲副使也疑有排逆之者切欲自白苟觀慮爲波及莫爲講解司空吳橋范文忠公以余書生無仕路左右嫌屬爲之開說言下卽洒然冰釋蓋天性和恕其中輟轉雲流無須臾凝滯類如此至于宗鄉里黨卹窮振乏無不以德覆之有不能枚指者其視從子如子終身絕不以無子爲念竟以伯兄子經均子爲嗣孫經均及仲兄子經垓皆以公廕入監讀書公生于明萬曆庚子正月初四日卒于大清康熙辛亥八月初九日娶謝氏繼娶張氏舉贈淑人再娶處士段克龍女封淑人先公卒嗣孫鉉增廣生銘曰

青箱堂文集

卷七

哭

在昔有言活衆有後公官河東難民中劉男婦千百幾扼兵手俾之登岸泣號稽首天何茫茫關膝前塲是殆不然道存可久孫枝熾昌祚胤同畝亦



有多男亦多不秀景命有侯貽謀孔厚世澤千秋  
永視茲阜

封承德郎工部主事王公墓誌銘

王公諱曰俞字喜賡號中恬蘇州常熟人其來自  
太原曰宗源六世祖也曰邑庠生承恩再傳也曰  
可適曾祖也曰有德祖也曰見龍本生父也曰瑞  
龍嗣父也宜人張之子戴之嗣子封安人周之夫  
工部都水司郎中禮舉人漢之父明崇禎癸未進  
士授餘姚知縣今稱承德郎工部都水司主事子  
禮之所封也年七十有六康熙辛亥三月二日以  
疾卒禮述其羣行越三千里問銘于余余與公暨  
公子禮同進士恂與公子且同仕于朝得公之所

爲甚具何辭銘公嘗慨世之爲銘多不中古銘法  
朱文公嘗言人爲善亦自本分事卽書其所可書  
以其有可爲後世法若虛美何爲考之記云無美  
而稱之是誣也有善而不知不明也知而不傳者  
不仁也爲人子孫將何居歟按公之行有不勝書  
者取古人節以壹惠之義書其可世法者爲之銘  
公丁卯舉于鄉以丁丑乙恂署其縣教諭時流寇  
橫溢防兵屯聚學宮殿楹恒爲繫馬炊烟突出講  
堂公以至誠開導兵官咸率其教一兵無敢躡入  
以躬行課士子詩書之業始爛然復興癸未以進

士知餘姚縣事奸胥蠹蝕恒于款項淆雜叢弊公  
項立一積照款分投依項起解毫忽無所私沾胥  
役不得行欺俗健訟以情理諭戒如家人然譚張  
之風一變甫浹歲襍被歸里公自少敦樂藝文仍  
然閉戶讀書無他嗜好每以光陰可惜奈何玩物  
喪志間與勝友爲山林交悠優于巖亭溪閣間欣  
欣自適不復問人世榮枯事命子澧經營公家漢  
習舉子業嘗戒之曰多得一長者言不如多得一  
長者事若禍人以就已名非積善累行之所爲也  
求立身存正之法舍周官六行老聃三寶楊秉三  
青箱堂文集 卷七 五  
不惑何法焉嗣父歿嗣母僅長公六歲敬事孝養  
終身無毫髮遺歎至以全節上聞得旌閭之錫疾  
革諄諄以棹楔囑後人其于爲人後之道可爲盡  
矣此皆節惠之大者若夫孝以事親和以處衆加  
恩懿戚振其困窮所謂本分所應爲者皆畧而未  
書書其足爲世法者如此嗚呼公幼而沉挺讀書  
學道以古人之至者自期未弱冠卽爲人授經文  
詞雅蔚稱于士友集先輩名文爲藝林楷模于入  
坦易無城府而自守蘄然不失尺寸偉世之器也  
使用于世以究其志流風蘊義其可爲法豈止此

哉然卽此足以銘矣公生于明萬曆丙申正月十  
七日子澧漢潯周安人出澧娶于徐封安人漢娶  
于范潯殤女五一妻顧文煒一妻顧宗昌一妻徐  
呂一許聘趙廷璘皆副室出其妻嚴子泰育撫養  
從女也孫男九人孫女五人曾孫男四人曾孫女  
五人銘曰豈無諸生不媿諸生者九年豈無孝廉  
不媿孝廉者十有六年豈無縣令不媿縣令者一  
年豈無隱逸不媿隱逸者十有七年豈無爲銘不  
媿爲銘而中銘法者不止七十有六年

累贈資政大夫太子少保禮部右侍郎文淵

閣學士胡公暨贈夫人翁氏封太夫人張

氏合葬墓誌銘

公諱某號奇峰姓胡氏生明嘉靖己酉七月一日  
卒萬曆丁未三月十五日享年五十有七配夫人  
翁氏張氏翁夫人生明隆慶丁卯七月十五日卒  
萬曆戊申六月八日享年四十有二張夫人生明  
萬曆己丑十二月二十日卒清順治辛丑五月二  
十四日享年七十有二公與翁夫人以萬曆庚申  
六月二十六日合葬山陰大塢山之麓按胡氏出

青箱堂文集

卷七

墓

姬姓國于汝陰之胡城後裔散適皆以國爲氏淵  
源可考者漢大中大夫軾徙臨涇宋安定先生瑗  
之後遷江西至忠簡公銓之孫祈官餘姚始居浙  
江族漸著會稽山陰往往有焉元季兄弟九人避  
亂山陰號貴九公明永樂中有居邑西鄉之袁川  
者四傳生吳昊生鼎鼎生秉彝則公之曾祖祖考  
也一經相傳概多隱德公考以公贈徵仕郎妣倪  
氏尹氏皆贈孺人公兄弟二人公其長也讀書砥  
行以忠孝名節爲己任驚才風逸兄弟競爽思一  
振起之再試無知者不屑從鄉里浮湛家且貧而

青箱堂文集

卷七

墓

公年愈老復窘于有司公慨然曰奚必科  
供甘旨耶屬弟一德修子職遂杖策爲塞上遊時  
薊門開府軍書繁劇方藉才智之士聞公名召致  
幕下與策兵事肝衡奮臂往往得其要領畫方畧  
條登答一日百函搖筆數千言倚待立就乃奉爲  
重客時有以爲壽公盡緘寄其弟以供二親洗腆  
具贈公念公久客于外爲聘鄉人之在潞河者得  
翁夫人公乃往來潞河富是時公聲聞益盛京師  
士大夫爭折行輩與定交公長身玉立神情軒舉  
風流弘長詩酒淋漓劇談達夜旦琅琅聲滿戶庭  
而胸無疆域莫不親暱更相引重而問遺亦復不  
勝卻矣遂歸省出橐中裝治田宅以爲二親歡  
何復奉贈公命至京師益敦篤友誼好爲人急難  
族人之無告依以養葬者比比周生負其從父金  
且七百從母誚讓將逸去過公公傾囊不足又假  
諸人委其從父曰何以金故而傷天倫耶相持伏  
地泣去公之輕財尚義類如此迨贈公捐館舍奔  
崩踴頓喪葬無不中禮平生與弟不析箸不私一  
錢視弟之子無異己子或問何以能此公曰舉吾  
父孫也何忍異之卒喪念久困約無爲親一命榮

人賞得龍虎衛經歷公才識通敏觸手無難事聲  
稱益藉藉公卿間京衛七十二軍政例弁之優劣  
由經歷而彙覈以達司馬公矢誠慎晝夜檢勘感  
燭燼燃冊之異果直其誣者人以其公也格神以  
神廟建儲典禮贈公考如其官妣贈孺人秩滿遷  
通州同知未任卒元配翁夫人餘姚望族治家不  
卹勞動公好賓客談讌時時嗣宗戚夫人極意經  
營以佐其風義不使知或有窘澁而閭內則克儉  
絲臬酒食各有矩法事舅姑處妯娌固有失其意  
者幼長退無一言信乎其賢矣張夫人籍寶坻家

青箱堂文集

卷七

妻

世習儒年十七歸公卽以修飭婦道聞時公官京  
邸內外雍順視世之飾珠玉侈衣衾以相誇詡不  
知爲何事而蘋蘩羞黷無不蠲潔甫二歲而公歿  
公長子遠在山陰一切棺衾含殮皆倚辦夫人不  
勝手口卒瘞矣且有五月之身憐之者欲奪其志  
夫人泣曰天乎所不卽從夫子地下徒以姪在身  
翼爲胡氏延血脣耳覩顏更事人禽獸之行有死  
而已乃挾刃以待旣而免身得男是爲封公遂抱  
子載櫬歸山陰公生平重氣俠無長物遺留雖置  
田養親久之不無弱其孤幼而荒落者夫人鬻衣

其身自織組以教其孤青燈而夜書聲與杵聲相  
間而夫人涕淚痕時漬襟袖也封公旣以數奇不  
偶家益困公故舊在京師者且招之夫人遂命之  
京師迨封公策仕陵川承夫人勉之曰無以一命  
自卑墮厥父勤職風封公奉教惟謹兩攝巖邑遷  
兵馬指揮出入十年常最其職夫人教育諸孫則  
又如育教封公時迨少宰貴直

禁秘爲講官晨往夫人已興暮歸夫人且待暮或  
未歸又沾沾望之此少宰每一言及而泣涕交頤  
也當少宰以學士攝吏部考績晉秩禮部尚書子

青箱堂文集

卷七

妻

誥命夫人先已膺貞節之褒而以封公封太孺  
人矣于是晉封太夫人再以覃恩封而兩孝廉  
相繼登賢書夫人春秋亦已高俛仰七十年今昔  
興衰之際以一遺腹艱貞顧復以大胡氏之世豈  
獨其賢足稱發祥之原實本于此晚而奉浮屠法  
疾時卻醫藥怡然考終庶乎有道者矣公終于明  
徵仕郎通州同知以子贈文林郎北城兵馬司副  
指揮再以孫累贈資政大夫太子少保禮部右侍  
郎文淵閣學士翁夫人以夫封孺人以子贈孺人  
以孫累贈夫人張夫人累封太夫人翁夫人生子

世宸國子生任南安縣主簿娶鮑氏先卒張夫人  
 生拱樞任文林郎北城兵馬司副指揮致仕以子  
 貴累封資政大夫太子少保禮部右侍郎文淵閣  
 學士娶錢氏封孺人累封夫人孫男六人兆鵬娶  
 堵氏兆熊娶孫氏兆鵬娶馬氏拱宸出鵬庠生  
 熊早卒兆龍丙戌進士歷任資政大夫太子少保  
 吏部左侍郎娶前少保兼太子太保戶部尚書劉  
 公餘祐女封夫人兆麟甲午舉人娶貢生方公某  
 女兆鳳丁酉舉人娶刑科右給事中翁公自涵女  
 拱樞出孫女七人曾孫男八人遲邁達兆鵬出達

青箱堂文集

卷七

五

兆熊出介祉官生介初介視兆龍出遂兆鵬出曾  
 孫女一人封公將以康熙壬寅十二月之二十一  
 日奉張夫人匱合祔公墳書來徵銘予聞昔公卜  
 葬贈公大塢山相埋家以三十年必有顯者築墳  
 值三古棺公遽掩之移墳就下相埋爭之曰下脉  
 緩當遲六十年非予而且孫矣公曰吾終不以速  
 顯而徙人塚嗚呼公之後日興而滋大豈徒地靈  
 是徵乎是宜銘銘曰

蘊義不患不及人基德不患不啓後惟公行高而  
 多材刑于艱貞以寡咎服勤操潔著前綸昭幽廓

潛袞我后祥鍾母節淵源漢澤行孫枝培累厚山  
 高水長同悠久

青箱堂文集

卷七

五

鄉貢進士沈君墓銘

嗚呼教養俗失士趨日求其卓然不羣弘毅亮茂進絕希世之術退有自守之志如亞斗沈君者豈多得哉君少凝重姿稟英偉七歲讀史漢卽能疏別其氏里髫髻輒厲于學刻苦爲該貫宏博遂無所不覽爲文煥煥千言倚待立就祖父奇之十五爲邑諸生折節自修飭質行魁磊不屑爲齷齪小儒讀易有得著易解其譽藹鬱鄉國向學之士時時從質疑問業一經指授皆成名流旣而數踏省門不得志乃旁及積居之術以爲治生學者青箱堂文集 卷七

卒

本務與其遊謁千人曷若經營自力剗盈虛量消息著有本言一書以戊子省試乙榜貢入太學余時在太學從課藝之文因與相識坦懷疎節樸實形于體貌而出言持論意豁如也以所著史論及讀史詩相質尋究義理不襲前人如論霍子孟非不學無術乃卒爲術中其結姻左將軍桀相親比適安女爲后欲擅寵令官人皆窮袴而多其帶知妻顯毒后署淳于衍無論而納女爲后何非爲術中乎謂郭汾陽能以滿盛之道持滿盛之勢于李文饒則悲其終身以黨自累蓋小人之罪小人之

所獨黨則君子小人之同皆英異非書生之言而詩則吞吐宕逸有風雅之遺矣一時名噪士大夫間而君斤斤自持曾不知衣袖詩文以下謁如流俗也而遊迹所至人多扳留君且直行已意不少顧迨丁酉順天鄉試中式讀書近畿而科塲弊發奸宄揭君名以要挾同考張評事我樸方當嚴覈同輩人人惴恐君聞之曰我不出同考之誣終不白挺身赴獄推問至再而絕無一跡乃于午門三試之凡經藝諸體之文衍裕嫺雅

御覽署之第一非特名行無玷而同考之因君指青箱堂文集 卷七

卒

摘者亦昭然明白于天下矣于是巨公長者多君之行而大司寇陽城白公大司空靈壽傅公太史識之張君皆後先延爲子弟師辛丑下第歸里聞曹厚菴學士假歸病于揚州學士丁酉主考也君不憚千里趨侍醫藥歿則經紀其喪以歸賈人有女辱于強暴君爲申理賈人欲以女獻君正色絕之此皆君節行之大者君生而孝友喪考妣哀毀幾欲無生讓財于兄弟終身無間言若一切急人之難扶生卹死奸行其德區區何足爲君稱哉觀其病革召子之言曰凡人規模欲大條理欲密規

模大則可待時而有爲條理密則可行久而無弊  
嗟夫何其言之合道也其平生繕性褊躬之間所  
自修者可知矣君字亞斗號巨門號其名也順治  
丁酉科舉人甲辰丁未再誦于春官遂懷出世之  
思遇山陬水滋獨往浩歌輒留連而忘返既而以  
疾卒嗚呼君之先有自元初稱處士卜居錢塘十  
一世爲思泉公某生繼泉公某繼泉生晚芳公某  
歷世恭謹以一經相授受晚芳公生三子君其長  
也娶張氏子男二人中謙廩生中豫女二人一適  
國子生陸成周一適庠生柴庭桂孫男二人弘謨

青箱堂文集

卷七

奎

中謙出弘憲中豫出君歿于

皇清康熙戊申十月初一日未時距生明萬曆癸  
丑年四月十五日丑時得年五十有六所著有巨  
門合集二十卷行世嗚呼君以雄卓之才未膺一  
命之任而年復不迨中壽是可哀也君嗣不遠三  
千里屬銘于余何忍弗銘銘曰

嘉彼君子匪與今伍韶歲登壇懋跡振武璧澄金  
朗日中月午招撫舊聞淵涵泉吐束修自牧有力  
如虎坦坦素履如售未賈齋志以歿年狹名薄紹  
先啓後曷云匪祐我茲銘君誠樸是取勒石幽堂

永貽千古

青箱堂文集

卷七

奎

鄉貢進士楊君暨配張合葬墓誌銘

念子楊姓諱存忠別號朝陽保定府容城縣河照村人明兵部武選司員外郎贈太常少卿諡忠愍椒山先生之曾孫也父一新祖應箕爲忠愍公之仲子世守先業尚氣節至君中天啓丁卯順天鄉試舉人出吾師中書科舍人武昌彭先生祖壽之門是科諸房考有中權奄魏忠賢私人子姓者榜放旅見吾師師喜曰或中奄人之黨吾中忠臣之裔實藉子爲光矣因稱詩無念爾祖以勗之字之曰念子余與君同出師門因敘兄弟之誼間印證青箱堂文集

卷七

墓

所聞忠愍公遺事相契爲淡君魁岸不羣雅度弘毅出言持論豁如也初君考以博士弟子尚氣誼好謀議有先烈遺風配布政安州郡公女生君歲餘而歿君育于祖母王卽兵部尚書霸州王公遴聞忠愍下獄而以女許仲子者君少凝重授之書卽能記誦祖母曰紹述先業在是子矣自髫髻輒能自勵于學十八歲爲諸生益自刻苦端篤與古爲徒而取友校業不少假借嘗讀書忠愍公祠夜半始寢雞鳴卽興慮寢或不覺取香條盤如螺繫之以線刻時縛瓦于線間承以銅器香蕪至縛瓦

處線斷瓦墜銅器中鏗然有聲乃驚起深夜嘗聞戶外人言楊孝廉云君孝友生于天性事父色養備至自中式後父或責以難行之事君婉容怡聲數以幾諫受杖惟起敬起孝無幾微見于顏面父以書生言事坐貶荒裔君請身代不獲隨侍朝夕雖患難不廢溫清家日落稱貸不足以衣質錢期不關甘青邑再經兵君以城之衝禦莫重樓臺乃捐貲葺理城賴以全邑人德之已卯再值戒嚴巡警不問晝夜得寒疾以歿歿時以不得終養怨慕奉奉年甫四十有四君斤斤謹質形于體貌爲文青箱堂文集

卷七

墓

英華蔚茂聲著譽處家素清白州里婚喪窮窶必收賸賑卹之削衣損食汲汲有不足者然矜式名行自登科名不知關說有司爲何事嗚呼君以弘亮博濟之才未及磨一職之任年復不逮中壽蕭行義之志而溘焉以沒嗚呼是可悲也配張孺人同邑舉人克寬之孫國子生一鯨之中女也婉孌莊和在室稱孝既祿而內外交賀以楊氏得賢婦事舅姑以禮拮据無暇時紡績以佐夫子一燈焚焚每至夜分若夫具服修以養親潔酒醴以肅祀修繕毛羹以饗許夫子好客之誼有難縷盡者丁



卯學使者恃頌逆奄之勢侮虐士子君名不在科  
舉之列貧不能復試孺人罄簪珥相欣助公遂以  
遺才中式迨甲申之後舊業遺田盡入公家孺人  
以未亾人茶苦漂搖通勉有亾以奉養繼姑訓育  
諸孤又以善治蠶恒廢寢食或以高年勸止之則  
曰蠶繅婦人本務况夙諳此藉以寬課胥之追呼  
而補養殮之不逮蓋可忽歟歲戊申卒年七十有  
三子三人凝福早殤聰福邑庠生景福奉祀生君  
沒時聰福甫數歲景福在襁褓三女未字孺人忍  
死未卽殉夫于地下者以冀其諸孤屬念也孫男

青箱堂文集

卷七

空

三人孫拒孫謀孫篤俱景福出孫謀遵孺人末命  
爲聰福嗣君生于明萬曆二十四年四月初十日  
卒于崇禎十二年二月十三日孺人以萬曆二十  
四年四月十八日生以 大清康熙七年十月二  
十五日卒至康熙九年二月將合葬于定興縣東  
引村祖塋之次聰福抱狀屬銘于余昔同出師門  
十有一人今存者惟余且又知公何忍不銘銘曰  
公之人淳明有好古不及之意公之文淵雅有尊  
經是式之風使天假之年必建樹有朽之業濟  
世有可見之功懿哉孺人所以終公之事者男有

室女有家焜煌顯奕以昌夫忠愍公之緒何有終  
窮

青箱堂文集

卷七

空

庶吉士吳介子墓誌銘

嗚呼介子先生之葬也以一指其子震方數趣銘于子若以子爲知先生者予豈能知先生乎憶昔癸未秋與先生同登進士榜時于衆中屬目于子子尋治喪家居而先生則選爲庶吉士矣見必以道義相勗旣而流寇日熾先生與二三同志籌畫慷慨憂形于色一日過友人邸中先生適至諮詢未幾而中旨召先生對德政殿蓋以范閣學景文之薦也時先生衣紵絲更予絹素進對以寇之猖狂患無遏之者宜遣間使于西邊李魯祁三士司

青箱堂文集

卷七

突

假以重職使從中起可以牽制其狂鋒以待援師未及行而寇逼郊社矣予以葬親避上方山聞先生求死未遂偕舉人祝淵乘間南奔遇史督師可法于揚州誓從討賊與淵訣于金陵杯酒間拔佩刀斷左手一指付之歸報父母賊讐未雪兒不還矣旣而辛苦跋涉于荆棘艱危之中志未及申終偕史公死于揚州故人殮之僧舍復厝于火家人惟以一指及衣冠葬焉予之見聞于先生者如此豈足以知先生哉當城破之日予慟哭溪山間一時授賊僞職者比比先生能不染其汚而跳身遜

去或以不死爲咎嗚呼輦轂之下拖紳佩綬之倫君亡與亡誰不應死者而獨貴一庶常吉士乎嗟彼偷生受僞命而苟免猶然覩顏說經濟談行義畧無媿怍于心欺世而盜名者視先生之讐耻未雪終畢命以遂志者何如也稽先生之籍系爲嘉興進士督學公之屏長子諱爾璵字介子幼而英穎至性過人十三補邑諸生已卯舉于鄉癸未成進士改翰林院庶吉士先生體幹不踰中人而秀潔晶瑩沉挺有大志以古人之至者自期尤篤于交義以父宦于閩不及奉二親甘旨朝夕遑遑若夫極饑焚券振困軫微以篤恩于家爲德于鄉者皆未足爲先生述也卒于順治二年之乙酉所生辛酉則天啓之改元也年僅二十有五子二人震衛庠生震方舉人出後于先生之弟爾篴銘曰人由天只命如我何君讐未雪之死靡佗巍然一指千秋嗟哉

青箱堂文集

卷七

突

監察御史鮑公墓誌銘

餘杭鮑君之汾以拔貢授臨漳縣知縣將出都門述尊人御史公行實謁銘于余曰先君歿已三年墓中石尚未有銘先君遭逢不幸官止于御史抱志未伸當年故老渺有存者不欲以虛文而歿其實爾時聞見之真實惟先生敢丐直筆以傳信于後余覽而歎曰嗚呼明天啓丙寅乙丑之際難言哉闖人擅權羣邪高張過其鋒者既取滅亡之禍而銘功頌德交媚于公朝厥臣上公顯著于詔令甚且至聖至神以及九千歲之稱公然無忌又何青箱堂文集 卷七 七

有于祠宇之建乎故自大寮以及士庶由都城而窮四海無不飾廟貌勒碑銘風靡草偃若嚙若狂公時爲御史巡按河南按察司申建祠狀公執不行亡何巡撫疏請以會題列公名公固未之前聞也因稱病歸迨崇禎之初聞敗公自陳得旨鮑某守正不阿立案不行心跡自明此朝報流傳可據之實也議者過求竟落職卒不復辨夫當乾孫義子刊章錄牒競趨羣詔之間順之者生逆之者死獨能奮筆判案不行斯時也公幾危矣終以此罷歸是所爲不幸也公諱奇謨號赤城世居餘杭之

璫潭耕讀爲業至公考贈御史廻以經學齒諸生

早公與其兄年未弱冠受經于母陳太孺人少有夙慧兄弟相淬礪含英吐華蔚有其文郡邑之士莫有或先者焉年十七病且死經日復生歷知終生事不一語人旋舉于鄉登進士第則萬曆壬子已未也授青浦知縣調上海拜陝西道監察御史其爲縣鉅細無不治而于役法漕規尤可經久而無弊斷治出已吏之善窺伺者曾不得抑揚爲奸得民一錢監生某以貲雄橫中叔以死而利其產公徵實論以法營解百輩而不能奪也豪僕恃

青箱堂文集

卷七

七

其主某官勢譁於公堂竟與杖于是勢豪悍族無不畏望公之風采若夫字養孤弱問民所疾苦則又所謂豈弟君子者也署華亭御史摘小吏付公鞠曰某作惡無生理不可容之世上公訊得其情曰某誠惡然無死法不當置之地下遠近傳其語其巡按河南儉供帳絕饋遺食止二簋陳留令韓一良廉介不標飾爲名高歷三考未與一薦公特聞于朝旋擢顯官以直聲聞于時藩王治通租坐戎者三十人而捕未獲者蔓引幾千人公曰通租爾擾民及此乎卽報罷之奏減囚籍一歲獲免者

二百餘案此公之歷官昭然而可記者也嗚呼以公之材其可記者止于如此是可悲也已公行內修不爲獨行異言以峙聲名當其遭誣而歸陳太孺人年且八十矣朝夕上食躬親省視于心志幾微必期無違迨喪太夫人三年人不見其齒他之如禮可知矣生平質直自守接上下以恕介性所持人亦終不能移家居四十年怡然修藏棲山隱谷搜石疏泉置書百尺樓上蕭閒自得若未嘗爲仕宦者其于賑饑瘞癘凡有益于鄉邦無不爲之往余孤踪飄泊路絕于前兵亂于後張皇四顧俛

俛無所之病臥一舟牽纜郭外于公非有夙昔之雅公聞之移小艇泛曲溪幾經二十里溪入山中居以層樓饒以稻糧樵山飲泉且時以醫來余之得息偃越月而生還者皆公之賜也拯危阨于夙所未嘗與交之人若此其爲德于鄉可類推矣公生于庚辰十有一月七日明萬曆之年也卒于癸卯二月十九日是爲

皇清康熙二年得年八十有四配孫孺人男之汾某某女三人孫某某曾孫某某公逸豫壽考膺祚繁衍雖名位不顯其得于天者未爲不厚矣謂之

不幸夫豈法歟銘曰

有君子兮葆素真遇不淑兮材未申心可鑒兮質鬼神聊容與兮湖山濱躋大壘兮純嘏臻裕後昆兮崩振振千秋百世兮藏貞珉

禮部主事蔣公墓誌銘

前禮部主事南陔蔣公歿之七年是爲康熙己酉子舉人伊卜于月日葬公于某之原寓書于余曰伊不孝先人在不獲需一命以爲歆歿不及含殮以盡哀罔極無已之思維隧中銘庶以徵後而垂不朽伊父儕輩屈指海內已寥寥矣先生與伊父交爲久知先人之出處今惟先生幸錫之銘予憶昔天啓丙寅丁卯之際與公相聞問定交則自崇禎辛未之春三十年來跡雖闊疎聲相聞而心相知者未之有間也嗚呼稽公之出處蓋亦

青箱堂文集

卷七

墓

難言矣夫出無以爲出雖循次以致卿相吾不知其所爲出也處無以爲處雖矯誣以驕巖穴吾不知所爲處也若公之出以崇禎丁丑進士筮仕廣東南海知縣當官而行不爲非義胥吏屏息堂下若無人未三月而大獄大寃多所裁豁當是時賦繁調重日益加進而貪婪之徒且乘之爲利公獨苛救敵不惟胥役不獲漁民且立輸納之規俾先後完闕良頑有以自見久之民之親令卽遠僻之聚落如在庭戶之間矣上官善之下其法爲郡邑式粵俗最爲民害者捕盜指使所欲株連每一盜

犯恒及十餘人迨獲昭雪卽嚴反坐已人叢家敗矣公定法誣供與杖若干及三人者必斃之杖下盜憚速死誣扳之風止息妖人謬稱仙祖佛頭私制勅印幾至不測密擒其首而黨從潛散豪猾之徒罄牙山海出沒爲剽竊乃創置營哨于要地無致相竄伏人謂廣此法而行之全粵可以無警至若歸寺田之餘金于學宮以造士士以獎進成名者比比也當鄉試校士有以公不可干以私越五千里屬吳中所知以客來說公公矢天日峻絕之逐其客出境在南海甫十有八月遭艱歸服闕補

青箱堂文集

卷七

墓

福建之建安時軍興益亟正賦不給而蒐括加派之令紛如公悉意圖民義不欲戕百姓爲自容計至捐俸餒以代輸俗健訟類及巾幘以困辱人不肯官役因爲排迨公定今事涉婦女槩不勾致以培廉耻建陽亂民以署官誅求相煽狂走公倉猝奉檄馳入諭安之建安爲八閩孔道郵傳驛驛悉裁以法適大璫經其邑聞公之風斂戢而去時寇氛日熾遠近遑遑公預儲峙製器械兵則取具獵戶鄉勇一邑也而儼若雄鎮省之大吏賴之遂以廉幹第一薦于朝已奉欽召又以寡援僅移禮部

主事而寇已逼畿輔公馳之省會泣請隨撫軍直指涖師入衛而時已不可爲矣此公之所爲出者如此迨無可奈何退歸里門瀟然絕俗有知公者欲舉以隱逸堅稱病篤以謝之公益有以自處矣青山白雲風迹邁遠復不事皎皎褊行之爲光華內映誠安時處順之善道也間構亭榭咏酌于花朝月夕移時亦不復顧晚年集所著詩文付其子遂束書不觀嗟乎迹公之出時所亟者賦賦無不足而民不擾時所憂者亂亂無不弭而寂若無功豈獨屹爲邦邑矩範以之登槐鼎之任其于國計

青箱堂文集

卷七

七

民生必有出水火而登衽席者乃抱道以處求所無媿于心識者爲時惜而不爲公惜也所爲處者又如此公幼有弘姿日革童心養端驚遠包洞典籍猶發憤于只所不經體所未閑性沈正方童時高睨矩步隨父行遇羣兒侮于路乃撲一兒于水人咸嚴憚之長而家益貧僦屋以居几無足而釜生塵益壺壺于史考經通雖酸風刺骨暑蛇咬肌膚若罔知者年逾弱冠爲高才生于邑庠四方知名之士無不知常熟之有蔣君已庚午以省試第二人魁其經丁丑成進士公斤斤自好爲孝廉數

年宦公之鄉者雅欲有所效于公公不屑也其用意尤篤厚于人倫風紀事親無論窮通莫不先意承志姊弟以及姊之遺孤敦卹周至不使淪于窘躓若夫爲善于里閭急排紛又人人能道之者公天性懿良至行發于自然非耳目聞見所做微也其自海南扶柩歸中道復聞父之訃慟毀幾至滅性海南人泣送至二十里外不能捨去香山何閻學嘗稱公廉不辰物和不恕已嚴不爲苛寬不長僭時以爲知言嗚呼考公出處視世之所爲出處何如也公諱棻字晚仙南陔其別號也生于明

青箱堂文集

卷七

七

萬曆戊戌年八月十有九日卒于 大清康熙癸卯五月二十有七日是年春命子伊就試京闈既而疾作歿時整巾含笑惟稚子在側此伊之捨地呼天有終天之慟也越五年配陳安人亦卒伊公第三子也康熙丙午舉人其先後子女婿嫁具于伊之述中公考名世號抱奇以諸生終妣濮氏抱奇公八世而上爲福二公禎祥公仲子也自晉咸康中天象公秀元以平吳功封常熟侯遂世爲常熟人其系則東漢九侯之裔云銘曰

嗟彼出處全者寡飾績盜聲風彌下進益于時退

匪捨皎然無媿惟公者友夢帝召當仲夏靈旗終  
節來車馬修文地下事詎假文宗謨誥詩婉雅松  
楸鬱鬱永純嘏德音不忘于斯也

餘杭王止菴先生墓誌銘

昔子流離餘杭之和村病臥鮑侍御山樓邑人嚴  
子問子餐吳無稱孫嘉客王又韓諸友顧子病中  
聞有止菴王先生未及晤時從嵐光溪影間想望  
其風儀迄今甲寅之冬子餐少司農過子草堂曰  
外舅王止菴先生歿且三年矣卜葬有期其子子  
貞排纂羣行敢以幽堂之銘爲請子讀之作而歎  
曰子昔所聞而欲見之人今且于遺行見之重以  
司農之命其何辭嗚呼士君子抱弘亮之才出而  
爲世用聲施無窮是有命焉若修藏斂跡旣不遇  
于時而覲有顯揚之榮其所守何如也予于先生  
有感焉先生以淳明偉世之器沉酣六藝德充乎  
學智適乎材推其所有以顯當世必有大過人者  
顧乃韜光自閔遜世不知而不悔其風迹僅同于  
古之遺逸而歿是可悲也先生資稟絕出自幼負  
志節世以文章起家淵源之懿鬱爲醇儒三歲喪  
母號泣不食慈母強哺之不至滅性事慈母一出  
于誠年未舞象補弟子員逾三年父歿哀毀瀕絕  
服喪之年能無違于禮慈母終指其子之遺腹子  
顧之曰知汝能恤此子是時二兄先亡家政悉秉

于嫫氏嫫議析箸含涕曰父歿矣遲計其他一惟  
嫫所授而教兄子持門祚則力任之蚤歲食餼以  
通今學古自勵所爲文俊爽沉博擅古今勝場且  
亟于取友同郡嚴印持聞子將顧秉公諸前輩俱  
折行輩與爲交聲譽著于遠邇爲董公思白蕭公  
伯玉黃公海岸黎公博菴諸先達所器重而教子  
姓後學以視身繕性之學非徒侈其文詞以爭長  
藝苑也及貢對大廷乃顧其室人曰時方多故既  
不能宣力經營尚何希章服之華以自貽伊戚乎  
歸遂借隱不啻幸矣既而長幼二子歿又值世變

兵戈雲擾奔伏于山巔水涯自顧囊中尚有一爐  
一研曰此尚足以卒歲也日與一二知交或橫琴  
或揮毫高吟雅酌憩息廣濱幽嶼之間魚鳥飛泳  
其傍以極騷人韻士之趣時或家庭歲序童孫稚  
女依依繞膝摘花捧觴嬉笑留連以爲娛樂塵世  
一切無足櫻其慮者至以收睦賑卹爲事病注藥  
饑濟食婚喪輸財帛汲汲然如有所不足也性閒  
曠室人歿懸像一舍孤燈形影自弔夙託于桑門  
伊蒲之行儵然空靜往謁禪宗于高峰得所契合  
曰有此遊卽長往可矣次子爲仲兄後教之成名

之任景陵送于虎丘得寒疾時作時止逾三年竟  
以此疾卒康熙壬子年十一月二十七日也距所  
生明萬曆庚子正月初四日得年七十有三先生  
諱祺字祉叔止菴則先生號以自況也姓王氏諱  
元賜之孫明萬曆戊子舉人懷寧知縣諱蒙亨之  
子自元賜而上曰金曰浩浩號樂善公始家餘杭  
之板橋自樂善七葉而上爲嘉慶公明初以軍功  
封萬戶侯其遠有屬籍則自宋三槐云先生兄弟  
三人長壽伯慈母顧出次篤仲季卽先生皆生母  
楊出而嫡母則喻也娶沈氏生子四人師貞邑庠

生紹貞爲篤仲後戊子舉人景陵知縣子貞庠生  
章貞適贈刑科都給事中嚴公某子戶部倉場侍  
郎嚴公沆贈孺人適庠生顧默適孫培春適庠生  
董煥適庠生吳景融則其五女也孫男六孫女五  
子皆未得識先生于生前今乃從三十年後用司  
農之命撮敘其平生悽然如見先生矣何辭銘銘  
曰

以先生爲古之人非有異人之行以先生爲今之  
人非有猶人之志殆書繪以寓其情詩禪以陶其  
意逍遙塵世之外求之于堯遺集中庶幾遇焉所



稱隱君子者噫嘻先生其無媿

青箱堂文集卷八

宛平王崇簡著

封一品太夫人成母邢氏墓誌銘

皇清誥封一品太夫人邢氏明光祿大夫太子太保禮部尚書兼文淵閣大學士成文穆公諱靖之之繼配今光祿大夫少傅兼太子太傅戶部尚書加一級保和殿內秘書院大學士成公克鞏之繼母也康熙戊申二月二十二日以疾終少傅公述其羣行命銘於予寓書曰某自癸未與君同進士榜而從事內省有年時稱說吾母君所稔聞知吾

母者莫若若也幸勿辭予受教按畧太夫人享年六十有六稱一品夫人者二十餘年稱一品太夫人者十餘年諸子諸女諸婦合內外孫曾執喪事者百十有八人迪吉導和福壽令終嗚呼盛矣粵考其行殆詩人所謂惟其有之是以似之者歟太夫人大名望族父爲嚴州府知府琦母爲封宜人王氏父嘗曰女生而純懿端敏夙成孰謂女不男若也當文穆公錢夫人歿亟求賢淑以事壽母間太夫人在室爲令女遂申六禮太夫人之歸成前孟夫人子二人錢夫人子五女五人當是時少傅公

甫十齡耳太夫人雖新婦耶煦煦稱慈母已予嘗  
觀風人所詠二南二十五篇二十一皆詠歌婦女  
之賢其間葛藟之服儉卷耳之力勤蘋蘩之敬祀  
皆風化所繫而其原則尤本之衽席之德故詠繩  
之徵必由於逮下之仁如江沱之勝小星之御序  
詩者雖歌之爲美猶思生於悔後惠沾於在公耳  
如太夫人之歸文穆公年纔十五而子女已森森  
膝下乃益廣侍膳視之如娣而所出人不知爲非  
太夫人之所出也迨文穆公遺令遣歸無出者皆  
泣涕戀戀願依太夫人以終身此其感人何如哉

由是以推雖他行不著已足上繼風人之美矣夫  
奉姑嫜佐夫子鞠子女亦婦道之常然若太夫人  
事高年嚴姑無不得其怡愉鞠子女撫非已出者  
無矯情御已出者無抑念蓋有鳴鳩之義焉其戒  
約幼子則曰幼而不檢長便難制則又進乎道之  
言矣他如庀治內政佐文穆公無內顧不具論當  
天啓丑寅之際逆閹魏忠賢賜張肆毒士大夫文  
穆公時爲講官持正憂憤太夫人則從容進說曰  
與其櫻鋒以傷主明何若鴻冥以全臣節公悟遂  
以南京翰林院掌院閑住罷閹所忌也崇禎已巳

冬文穆公位宰輔當干戈危疑之頃不難正論庭  
諍旣而賢奸雜進太夫人復陳止足之義公遂決  
意退歸此豈北門大夫之室人之所能望乎迨于  
一切嫺黨指使之間約劑以貞肅輯睦以惠和體  
卹以柔吳以及諸凡好行其德皆性敦之中年以  
未亾人喪姑祀先撫子成名經營節縮以畢婚嫁  
春秋高矣猶朝夕課諸少子不倦兩膺夫子之封  
服御儉勤一不改其素于葛藟卷耳蘋蘩之風可  
謂無媿矣晚以連喪壯子悲戚成疾少傅公亟請  
歸養則勉之以恪共于位旣而少傅以微疾假還

相見慰勞而慘惻隱隱見于容色蓋悲少傅夫人  
前卒口不言而慮傷少傅之心也體其子之情至  
類如此此少傅公述之而哀慕無已也太夫人于  
文穆公捐館時卽蔬食至臨終召少傅公等曰吾  
長齋餘三十年豈如世俗祈生淨土冀願汝等成  
立以見汝父于地下耳今可往見矣遂悠然而逝  
嗚呼賢矣太夫人婦道母儀高明顯融令聞不已  
予故著其可以厚人倫可以移風俗古今人莫不  
仰之可歌可詠者若是詩所謂惟其有之是以似  
之者非耶爲之子若孫食其餘以文武科名繼起

方且昌熾無斁并著繁衍于左以見太夫人所以  
光大于成之世者隆也太夫人生于明萬曆癸卯  
六月十日子男十二人少傅公等奉柩于其卒之  
年十有二月二十日合葬于文穆公賜兆銘曰  
事姑盡生死之禮相夫全進退之節逮下絕妬媚  
之嫌鞠子民彼此之異其殆秉樛木之德而宜其  
家人者歟榮名著于一時徽音流于百世使生逢  
風人之時必且播之聲歌而垂之無旣惡得不勒  
之貞珉以貽萬斯年之仰止

夏安人墓誌銘

兵部職方司主事宋公諱璜之妻曰夏安人萊陽  
茂才國士之次女也年十九歸于宋歷二十九年  
卒蓋生于明萬曆癸卯十月二十日卒于清順治  
庚寅年六月六日也初嫁時海內晏安宋氏方紹  
前啓後家世鼎盛其翁太僕公以名進士出治劇  
邑入掌銓選其夫繼成進士爲各司李旣而太僕  
公殉節于鄉居無何而復舉室避寇流離江左安  
人歷安豫困窮而皆有足稱者豈不爲賢哉憶昔  
太僕公爲吏部時職方公尚爲諸生與予論文即  
舍歡若兄弟間安人常以未逮事其姑郝恭人爲  
念而事繼姑孫恭人盡禮及孫恭人病革數籲天  
祈以身代服喪又盡哀孫恭人所出子女皆尚幼  
安人教其妹以女紅而饋食醢酒佐夫子以攻苦  
課諸弟此職方弟琬時向予言之而流涕也職方  
性慷慨尚意氣時有不多多慰解之迨從之杭州  
司李也嘗以平反加愼爲誠生女不育置妾數輩  
祈得廣嗣妾李氏生子撫之如已出旣而痘瘍哀  
痛至于嘔血夫酒漿纖紉之事婦人之職無足暴  
著於人至無妬媚此風人所咏二南化行推原樛

木之仁小星之惠螽斯之盛豈非無妬之足以首  
他行哉其流離而南也余亦携家播越遇于江干  
窮途故人慰藉良厚余羣妾輩得見安人爲余言  
安人性端肅寡言笑舉止有禮舟中男女食指甚  
繁安人計口授餐撫恤有法雖在羈旅如家居焉  
旣而予以落拓客萊陽分宅給食几榻竈相之類  
無不悉具子女欣然忘其在逆旅矣嗚呼二十九  
年來安人當安豫無綺紈珠翠之好及遭艱困而  
綜理周慎佐夫子無內顧憂洵爲賢矣年四十有  
八遽以疾卒卒之前月妾李氏復生一子其卒之  
青箱堂文集 卷八 六

三日有婢忽仆而甦言見安人于廣厦華楹羽葆  
幢蓋之間珠襦盛飾呼與俱西也其婢亦竟卒銘  
曰

山迴水滌今谿聚之阡栢長松茂今歸藏永堅埋  
銘勒德今淑慎幽專葬以正月十八日癸巳之年

吳母張太孺人墓誌銘

入司成吳梅村先生闕嗣母張太孺人計于京邸  
躡躡驚號待

命奔赴而以太孺人之銘委予予謝不敢先生以  
文章雄海內予所望而却步者乃執筆銘太孺人  
冒非任而忘所憚予何敢乎先生諄命再至且以  
狀授之予讀太孺人撫育勞瘁因先生感疾目不  
交睫者十餘夜脫簪珥爲醫禱不覺泫然流涕而  
鳴邑也嗚呼予亦幼育于嗣母者也其恩勤正類  
此予雖不能文世卽多能文者未必有嗣母之恩  
青箱堂文集 卷八 七

卽能發揚太孺人或未若予身受嗣母之撫育而  
發揚之切也予何忍以不文辭嗚呼嘗讀蓼莪之  
詩至母兮鞠我拊我畜我出入腹我未嘗不哀其  
言之痛切然母之鞠子本乎天性若夫嗣母離屬  
旣隔獨能撫育真至無異所生由是以觀宜乎先  
生之哀痛難已也先生始生時朱太孺人尚育三  
歲子太孺人念其勞瘁從襁褓中乳字先生及夫  
顧復醫禱恩義真切此朱太孺人每以無忌撫育  
恩詔先生也夫閭序之德不外見卽以孝敬溫儉  
烹醢紉績之事相矜飾亦婦德之常耳惟于嗣子

撫字之恩如此揆之蓼莪亦婉有其德矣雖他行  
 不著固可知其兼之矣况太孺人之歸文王公也  
 訓育錢孺人未周歲之遺女以至嫁而歿勤劬周  
 卹人不以爲繼母也殆其性之者歟按狀太孺人  
 世爲婁東望族明經張栢菴公其父也迨歸文王  
 公爲繼室文王公入繼大宗爲玉田公後歲時思  
 慕孝祀不衰與朱太孺人事其姑四十年將承恐  
 後而妯娌之間和藹相終始雖離如也當先生趨  
 召太孺人固康強無恙也而眷戀若永訣屬先生  
 異日事善其無忘我夫婦之事嗣父母者嗚呼此  
 青箱堂文集 卷八

先生所以念之而猶悲也世衰俗失爲人嗣之義  
 視爲故事也久矣觀乎太孺人之克慈先生之克  
 孝一出于天性其維持彝倫爲何如也媿予不文  
 不能發揚至德以風世竊念予嗣母棄予遙遙三  
 十餘年矣而罔極莫報予銘太孺人蓋有深悲焉  
 太孺人之生明萬曆辛巳年六月二十二日而其  
 卒也順治丙申年十月初十日享年七十有六嗣  
 子偉業卽梅村先生也銘曰

詩禮顯望生有閩德言容功身無闕闕儀是常何  
 足揭鞠嗣子恩不可沒勒石幽宮徽靡竭千秋百

世昭日月

青箱堂文集

卷八

九

勅封太孺人高母李氏墓誌銘

余之爲贈文林郎弘文院編修前桐城知縣高公葬銘也十九年矣公之繼配勅封太孺人李氏卒其子編修君計於予且述其懿行屬銘曰先君子與公同籍三十餘年交好之深兩家內外之事罔不稔聞幸以銘先君子之餘以及先孺人不孝死且目瞑余以古之銘者貴于有徵女子之行不出閨門將于何徵嗚呼憶甲申寇變桐城公偕余奔遁爾時孺人及其子在江寧蓋以公先任建平歸赴補京師而留寓于南也孤舟荒夜念及孱弱

青箱堂文集

卷八

十

公曰吾子雖幼吾妻敏慎卽遭喪亂必能自全因述其平生閨內一二足爲矜式事今讀編修君所述諸行皆同合夫與子之言觀之不爲無徵且當屬續之時執手命編修君曰兒做好人行好事勿忘我言嗚呼卽此兩言可以徵孺人之行矣孺人以邑之名族及笄而嫻內則歸于桐城公也年十九矣是時翁姑及王翁姑舉存兩世高堂之奉養而諸姑叔季授衣授餐者且十餘人孺人專柔順奉顏色庀甘旨姑與姑歎于室翁與翁言于堂咸以爲孝而姑之嫁叔之婚皆孺人拮据有亡不以

頤堂上老人之經營平生不修纂組珠璣之飾俾靡舉有餘乃于宗嫺比閭篤瘡惻獨之無告則闕其生而瘞其死頌之者中外無間言而最大者丁卯之秋桐城公方試棘圍翁忽攫疾以歿一切含殮撫卹以及附身儀物無不纖悉中禮此桐城公每向人述之而泣涕也桐城公之在北也南中聞寇禍幾鼎沸孺人携子潛居以免一如桐城公言迨桐城公卒卒宦所孺人與其子遠在杭州千里之外荼苦漂搖乃能命子扶柩以歸而勗以先人之思親師取友三年聯擢高第官翰林復以忠廉

青箱堂文集

卷八

十一

奉職訓戒之迨編修公自備兵揚州罷還維揚士民隨舟泣送者數千人孺人喜曰做官得如此而囊如洗何媿嗚呼何言之合道也余嘗讀詩二南后妃之化于小星樛木三致意焉孺人之所以有子編修君也以其有郭孺人也此則孺人內行之尤大者余牽聯書之庶幾乎媲美樛木之風矣嗚呼是宜銘孺人生于明萬曆甲午年十一月二十八日卒于清康熙八年十一月朔十日蓋後于夫君贈編修公桐城知縣高公揚二十有五年享年七十有六子一人光夔卽編修君已丑進士改

庶吉士授弘文院編修歷任廣東督糧叅議揚州  
海防兵備副使謫補雲南武定府同知未任娶同  
邑吳堡縣知縣紀公克明女繼娶巡撫浙江都察  
院左副都御史佟公國器女女一人適邑庠生井  
萬斛子調世孫男二人孫女四人昔余之銘公也  
未能漬酒山丘松楸之痛有餘悲焉二十年來今  
復銘孺人今昔之感何可言哉銘曰

織纖酒漿婦女之常豈其足稱贊頌焜煌俗衰教  
微鮮遵其行克盡此者是亦足章矧于孝敬婦道  
貞良相夫教子玉質金相下報夫君九原有光勒

青箱堂文集

卷八

七

辭貞珉千秋允臧地靈松茂山高水長

誥封太淑人楊母智氏墓誌銘

楊母太淑人卒其子太常寺少卿提督四譯館職  
述其壺行謁予曰不孝與君同登進士第且世相  
好其知吾母宜詳幸賜隧道之銘予電勉受教鳴  
呼并耳之行無宋共姬許穆夫人之節何以著聲  
稱而傳不朽若徒侈烹醢紉績平常勞勤之事爲  
矜飾惡足以中古銘法乎雖然俗降教失恃頑悍  
之氣至侮上不恤非止如昔人所謂抱哺其子與  
公併踞者往往而有誠能於奉上相夫迪子有足  
稱豈不藉以風教而勵世哉予讀太常君所述不

青箱堂文集

卷八

七

能不嘆太淑人之賢爲不可及也太淑人姓智氏  
自幼雍順父母珍惜之及歸太守公三宅執婦道  
甚謹家舊清白奉養舅姑極意經營不使知窘澀  
之狀太守公自爲諸生登賢書久悒悒不得志與  
共勞苦有雞鳴儆戒之遺風迨太守公歷任中外  
助以節儉淡然自安所從簪珥間相爲輔贊而匡  
翼之者伯且什矣舅姑先後沒襄喪祭必誠必敬  
期無毫髮遺憾臨諸子如嚴師一言一動悉規之  
以準繩不欲踰越尺寸長君璜官給事中則以忠  
直盡言職爲訓次君璵督學陝西則教以公慎勿

恩爲諸生時及其備兵雲中迎養署舍遭逆鎮姜  
環之變太淑人於圍城中知其子在外必能討賊  
顧其婦及孫曰是賊狂悖其敗可立待也賊雖恫  
喝百端隨機應變終不敢侮賊據城九閱月食盡  
餓死者數萬人署中僅餘豆盈石太淑人分給家  
人日數粒而食竟得全活嗚呼履變而身名無敗  
丈夫且難之而太淑人乃能如此可不謂之賢耶  
旣而太守公捐館舍太淑人哀慟幾絕時年已耆  
已上矣越四年給事中復歿感傷成疾遂不起嗚  
呼若太淑人者敬養以奉上儉約以相夫盡道以  
青箱堂文集 卷八 四  
迪子誠無媿古之賢婦豈必節烈而後傳哉以之  
風教勵世是宜銘太淑人生明萬曆壬辰十一月  
十二日子時卒清順治己亥十月二十日戌時年  
六十有八生男二人長璜丙戌進士官戶科給事  
中先卒次璫卽太常君癸未進士璜娶前饒平縣  
知縣萬公邦俊女璫娶明經郭公永昌女側室生  
男璫幼未娶女三人長適旌德知縣茹郭侯次適  
庠生張俊次適庠生朱持正孫男四人太淑人前  
以太守公官郎中時封宜人以子璫官叅政遇  
覃恩封太淑人與太守公合葬先人之兆域則顯

治十七年月日也銘曰

無非無儀女之常闡序之德不外彰相家有道令  
子揚忠難艱貞於赫光松間柏間靈魄藏徽音千  
載永不忘



封安人繆母王氏墓誌銘

翰林院修撰繆君彤聞其母安人之訃哀號悲愴  
弔者不能聞將奔而歸旬匍過余草堂抱所述安  
人行實稽顙再拜曰彤今爲無母之人矣母一生  
辛苦彤未及盡一日之養今棄彤逝矣彤父貽書  
命彤曰汝母在我爲賢妻在汝爲賢母不謀所以  
彰顯之非余心也非藉嘉銘何以塞吾父之悲而  
申彤之哀因伏地鳴咽聲淚交并悲愴動人遂不  
能以不文辭受所述而覽之其辭纏綿悽惻不忍  
讀嗚呼母固賢矣於修撰君之孝不益徵其賢歟

青箱堂文集

卷八

七

安人姓王氏世家吳縣人自五世祖文恪公整以  
名臣著稱明弘正間推生安人與所自生父國學  
公永熙母浦祖太守公禹聲曾祖太常公有壬高  
祖大理公延喆安人姊妹七人而行第二純懿端  
慧幼喪母父口授孝經論語即能暗誦漸長學女  
紅姆不能施其規矩而宗嫗妹嫗競以爲矜式竟  
亦莫能及或時覽經史能識其大義十七歸封修  
撰繆公慧隆姑齊先公逮事翁叅政公國維甫踰  
歲而翁復逝封公毀瘠柴立不能及他事而內政  
外侮措梧不至顛蹶克盡禮以孝聞者以安人爲

之內助也安人雖生于貴族而不卹勞勩一言一  
行皆思麗于矩度閨內無不雍肅廟祀賓饗無不  
蠲潔腆腴親族往來以及恤貧賑饑不憚鬻裳釧  
以佐不給率勵臧獲于紡績稻菽不煩叱咤事濟  
而人欣戴之封公以才士久困場屋棄去不爲悅  
閒靜門內之事一切視成者以安人爲之妻也若  
斯而不可謂之賢乎修撰君幼而善病安人節慎  
于衣食藥餌間劬勞備至及肄業惟恐一日廢學  
聞其與勝已友則喜饌具甚設不令失禮于賢雋  
修撰君及第則戒以進身之始不可不慎官京邸

青箱堂文集

卷八

七

凡家具醴醢皆遣寄不煩外索惟以勤慎盡職時  
時訓迪修撰君之得以成名而令聞日彰者以安  
人爲之母也若斯可不謂之賢乎封公弟慧遠既  
成進士授官旋罷安人體封公孔棘之懷佐宛若  
以嫁女是以叔稱吾嫂賢其兄弟間之曰待吾兄  
弟固如是也妯娌稱吾姒賢其姊妹間之曰待吾  
姊妹固如是也安人母亦早公父太學公高年每  
以家務諮之歸爲經畫悉中條序鄰家失火奸人  
藉釁欲破其壁以逞安人戒僮僕急救火不與較  
火熄而謀不行有父母公而子幼其從父欲鬻子

以償逋安人謀之封翁代爲之償姻有失金而疑其老嫗者嫗惶恐欲自殺安人撫而慰之勸嫗密察旣而竊金者有其人嫗得以白修撰君膺恩綸以冠帔進安人奉而藏之布素如昔日也封公夙不喜姬媵嘗獨居一室裙襦飲食必曲稱其意一日忽爲置妾若預念今日無治巾櫛者其開明達禮義如此是又可謂賢矣嗚呼世恒謂陰教不行婉淑之風衰而侈情之習作烹飪紉績之細無足稱者是不然并珥之行求其可以厚人倫勵風俗無媿古之所謂婦道者正未易也有如安人之

青箱堂文集

卷八

夫人

行豈非婦道之克盡者耶謂之賢妻賢母誠不誣矣謹撮其概而爲之銘未識能追封公之悲否也安人卒于康熙庚戌十二月二十日寅時距其生明萬曆戊申十二月初三日卯時得年六十有三以子貴勅封安人子一人形卽修撰君康熙丁未及第官修撰加一級娶顧氏封安人女一人適庠生顧瑞書銘曰孰不相夫吁嗟安人婦不負婦孰不鞠子吁嗟安人母不負母庶乎利女之貞家室之宜可以維風而垂後者歟隱信斯銘銘斯壽

劉母陳安人墓誌銘

陳安人攸縣文學惟長之女孝廉彭水令劉公泉之婦事駕司主事伯相之妻舉人友光之母也友光字杜三丙子登賢書才名籍甚余聞之舊矣今年春于香山之麓杏花樹影外見策蹇而問香山道者心異之越日坐玉泉山亭有從嶺際躡危石顧清湍徜徉而來須臾至亭上相揖則我杜三也亡何述次安人內行謁銘于余安人歿且五年矣不問銘于鄉之名公卿能文章者一旦及余何也亟覽其辭纏綿悲愴哀婉而不可讀若夫賢明辨

青箱堂文集

卷八

九

通之行有丈夫之所不及者豈尋常并珥之間哉於古之銘法殆有合焉安人三歲失恃早有淑聞十四歸車駕甫浹歲彭水之任諸婦中獨命安人侍姑以往克協婦道門內修飭朝夕洗腆不瀟潔不敢以獻公姑安之而顏面無日不怡悅竟宦隱數十年如一日也述安人之爲婦若此車駕性簡重恒念治生儒者之本安人揣其意所注補綴締構車駕優悠莧文而庭戶田園不終歲而崇飭矣述安人爲妻若此安人生四子惟杜三存勤劬備至曾不以姑息廢訓迪每深夜課讀青燈熒熒恒

偕達旦杜三知向學親師友復極意營集或慮窮  
澀疎慢賢者逮安人爲母若此逮其嫺卹則衛父  
之從子以有成撫夫婦之遺孫而有室述其廉讓  
戚屬急難以金求解于杜三安人命納之迨事解  
則命還其金是全其人且全其金矣其人後以怨  
報但曰恒人多反覆君子不可變其常述其勤儉  
庀治家政總繁剔蔓內外井井終身不侈綺紈衣  
必重澣恒蔬食雞鳴而起禮佛爲公姑祈長年鳴  
呼賢矣余尤論述其大者彭水公八十而鰥安人  
念老人朝餐夕食不可無人于左右爲置侍者記

所謂八十行役必以婦人以婦人善養人也其合  
于禮者若此邑值桐寇之變人率奔避安人以姑  
新亾柩在堂胡可捨之而去不憚跋涉匿姑柩于  
溪山且命杜三人城佐令固守其合于義者若此  
杜三舉于鄉則勗之曰今以孝廉舉能廉則孝矣  
斯言也庶幾合于道矣揆之銘法是宜銘安人卒  
于康熙壬寅十二月二十日距生明萬曆壬辰正  
月二十六日得年七十有一其稱安人者以車駕  
之前封也車駕公字公卜以拔貢任柳州府通判  
歷兵部車駕司主事先安人卒十一年子一人卽

杜三初名某今名友光湖廣丙子舉人娶蔡氏孫  
男世琛世培世坡郡邑學生陳氏文氏易氏其婦  
也世琛早卒孫女世坤方安人七十時杜三試春  
官歸齋公卿介詞稱觴膝下融融如也迨臘雞鳴  
而起禮佛感疾逾年逝矣此杜三惋愴于杯棬哀  
慕而不能已也銘曰

國史之教微今所曠之節不彰烹醢紉績之相矜  
兮是亦其常孰若爲婦爲妻爲母兮罔不臧論述  
其大兮銘幽堂流光淑世兮徽音長

梁室吳夫人墓誌銘

戶部尚書梁公清標之娶繼室吳夫人也適里居間以韻語寄予每有靜好之音意其夫人必賢既而官京師過其第舍內外秩秩公動作殊晏然談次知其內事修整夫人果賢者也公何夫人疾作公憂形于色及不起則黯然神傷若有無窮之悲者述其閨中之行屬銘于予讀其辭纏綿而悲愴余卽無文不忍辭嗚呼先王制禮無再娶之文大夫以下不得已而娶凡以經營內事耳夫以一處子一旦入人之室事既婚之夫無已生之嗣前人

青箱堂文集

卷八

五

之遺矩可存可公閨內之經紀難緩難急且尊卑左右之環視其短長者輩相望非有幽閒淑慎之質求其宜家宜人蓋亦難矣公之述夫人也歸公時甫十六歲當入門之初莊肅溫和不而婦姒外而門從嫺黨下及阿保僕媵羣趨衆拜夫人不矜不異處之咸宜頌夫人之賢者比比矣迨綜理內事一言一行悉中條序撫前子所遺諸孫朝食暮衣之加意猶人之所能而恩勤篤至若無時不在其意中適人之女來則眷戀去則泣思育側室所生子女不知者不知其非已出也一切嫺宗長幼

睦以惠和指使而下約劑以貞肅體卹以順柔無疾言厲色皆麗於矩度公遭役弁之誣質理二百里外夫人修飭家政經六越月門內若無事者賢哉夫人可爲繼室之模範矣公又言自吾妻公後每至中舍戶庭如故婢媼散處觸境愴懷卽苟奉倩孫子荆之感傷未足喻其悲涼余則以爲奉倩徒以色子荆亦悼公之常夫人之賢豈僅在此哉宜乎公有無窮之悲也夫人真定望族文學公崑崙之長女四歲而文學歿育于從世父原厝與其妹甄笑相凝秀端慧早有淑聞于歸年甫

青箱堂文集

卷八

五

二十而歿賢而無命有足悲焉順治癸巳正月二十九日巳時生卒則康熙壬子八月初七日卯時也前王夫人生子允嘉娶某氏前公一允堅及一女少室出尚幼王夫人所出女工科左給事四川參議何公澄子庠生中柱其婿也孫男雍廕生年十六穆方十齡長孫女許聘鄒平知縣劉公元慧子蕃次幼舉允嘉出嗚呼夫人雖無出牽連書之以見夫人于諸子孫皆如已出也銘曰邦之媛也儼天姿家之宜也繼室師信爲賢也止于斯天不可問也悲無時勒辭幽堂以繫夫君之

思也庶幾乎窮窅之詩

青箱堂文集

卷八

五

史孺人墓誌銘

皇清勅封史太夫人之歿也夫封

道監

察御史趙公進善歿已十五年子

道監察御

史如瑾歿已十三年孺人得年七十有七矣孫貢

生盾龍述闔內之行謁銘于予憶昔崇禎癸未之

春余讀書都下慈因寺御史君亦以公車自雄縣

來寺中窓燈宵映每散步於日暄月靜時談及家

世御史君述封公爲善於鄉之概及孺人內行孝

事孀姑和洽兄嫂奉養嗣祖姑備極誠敬持家以

儉于儉之中節尤羞瀆奉高年未嘗闕肉食延師

青箱堂文集

卷八

五

教子雖不御簪珥不恤也余識於心時時稱說以  
勗閨中今按貢生所述何一一如前聞也夫爲婦  
之道孝姑嫜睦姆姒嗇約操作以佐夫訓子亦婦  
道之常耳俗衰教失不有婦姑詬語妯娌乖忤矜  
修容而不計家之曷有曷亾者乎若孺人者是可  
爲賢矣丙子御史君舉於鄉則喜其奮興而戒其  
矜逸追我大清浙東初定策仕遂昌山陬水與  
尚多伏莽孺人召之曰汝旣受命爲令不可不  
晉以身衛民社汝一子尚幼又不可不爲宗祧計  
我當携居省城汝可一心王事旣而奏最召

御史三奉巡方 簡命孺人又憬然曰汝之

山西江西福建也我嘗夢之矣事誠前定汝其勿負君恩而自貽隕越也嗚呼亦異矣夫孺人以純懿之質爲賢婦爲壽母其得於天者亦厚矣而御史君未獲終奉養此則天倫之偶闕人事之不齊也而有孫能生事葬祭以繼御史君未竟之子職孺人亦可含笑九原矣昔余聞御史君造次之談乃爲今日誌孺人之左券亦若有前定者銘曰

雄有史氏一邑之旌乃生孺人幼多令名曰嬪於趙十五乃行孝姑佐夫無間嫂兄訓迪厥子以底

青箱堂文集

卷八

三

有成豸繡貍封翟服璫珩夫歿子喪撫孫列貴孫既克家盡孝盡誠萬曆癸巳孺人是生康熙七年月值嘉平二十六日溘焉上征已酉三月合葬夫塋世籍戚系夫子誌銘芊芊綠草蔚蔚佳城鐫辭珉石世德永禎

側室黃氏墓誌銘

黃氏京師人家世良賈嫺親多士紳順治甲午子側室周氏遺二子一歲餘一甫生前田氏所遺女亦僅六歲求撫養其人而予年已五十有二矣復納女非所宜或言黃氏女淑慎年十九未適人長女宜能撫幼子予以年垂暮遲回久之始納焉靜慎有體不數月而予門內諸務井井在其胸中子女無母而有母矣亡何子復濫入仕路朝暮出入衣服膳盥無不時具而伏臘蘋蘩嫺族往來細及米鹽絲枲皆綜理咸宜而減獲循循有條理矣間

青箱堂文集

卷八

三

與之語無不先獲余心者念昔夫人時予不知有家務自夫人亡後垂十數年今復得如夫人時心竊幸之黃氏恭慧朔望必拜夫人主前予時或有督責八年來無一言之忤嗚呼才而賢又宛如夫人矣處嫡子冢婦以誠以禮待衆子無異所養子不徒顧復寒燠必教之以正而無少姑息或有言終不疑阻子就外傳移時不見卽命人視之夜寢則一再起視恩勤備至爲仲子慙娶婦然聘婦皆拮据不遺力旣而女適孫氏甫送其嫁而病作矣病在腹有積而質弱積聚則心作楚不能飲食勉

強行立且四越月病苦念女方適人二子尚幼時  
時泣聞予聲則亟拭其面言笑如平時予妄意病  
如去年秋冬且霍然迨醫藥罔效予愀然曰爾病  
月異一月奈何但笑而不言秋深迷眩幾絕復甦  
入冬眩絕者再而肢體浮腫不能起矣予顧之仍  
笑答以無他且戒人勿使予知病之深也嗚呼歿  
之前日子泣曰爾病篤矣歿當葬爾夫人之側歿  
而有知無知不可知我昔慮我垂暮豈知我年逾  
六十復見爾有今日也泣止予曰情則難爲矣幸  
無過傷嗚呼斯其永訣之言矣予喪夫人時年三  
青箱堂文集 卷八 天

十有八既而四十八哭田氏五十二哭周氏今六  
十一矣復哭黃氏二十年來數經悼亡人不能無  
情其何以堪卜葬夫人下地師以年地不宜于次  
年康熙癸卯二月十五日從葬焉次與夫人墓聯  
左下丈餘黃氏次周氏周氏次田氏念久或無徵  
乃書其生卒年月並識之田氏周氏亦京師人皆  
明智女子也歸予時年俱十五田氏生明天啓丁  
卯十月朔二日子時卒 清順治戊子七月十二  
日卯時年二十有二甲申寇變隨予流離備歷艱  
辛生一女適孫少宰子道林周氏生明崇禎甲戌

五月十五日子時卒順治癸巳十二月二十七日  
丑時年二十生子燕默初以趙氏所生子照爲子  
黃氏生明崇禎丙子十月十二日卯時卒康熙壬  
寅十一月朔四日子時年二十有七撫養田氏一  
女周氏二子銘曰

貌哲而妍性慧而賢子不失恃閭職是專克紹前  
徽靜好罔愆日者昔言厄三九年何其不幸其言  
卒然爾亡我老彼蒼者天夫人之側爾永安焉

王仲孫女壙志

予告太子太保禮部尚書王崇簡曰此爲吾仲孫女之墓乃嫡男工部尚書加一級熙之第二女詰封一品夫人董氏出也生於清順治十二年乙未四月初三日巳時卒于康熙八年巳酉十月二十二日申時年十有五殤耳何成人葬也春秋書伯姬卒傳云未適人何以卒許嫁笄而字之死則以成人之喪治之喪服云婦人笄而不爲殤女已許聘戴氏矣殤也乎哉女生而秀慧五六歲卽解隨其母姊修儀容教之孝經了了上口與其姊

青箱堂文集

卷八

三

受書於老學師讀書習字日一二刻不見其時時誦習也而孝經論語及女誠諸書背誦吾前無一字遺悞十歲習女紅如夙嫻者耻不若人容止修整而言語明約不繁能識父母意值父怒叱僕婢則畏避若無地少緩婉言以解父色或不豫必徬徨徐問其故始釋父恪共職業朝夕衣食之宜恒佐其母之不逮此孝子之行也豈獨成人乎是以其父獨憐之每言之而泣涕也嗚呼聰明婉順宜其福壽胡遽以夭其質稟夙弱前一歲學其從母刺繡長夏盡日不休疾自此始旣而愈迨昨年春

夏半在疾間秋中行就平復矣爲擇圻壙儀衛都督僉事戴公天祐第三子官生縉十月十六日戴公行納采禮拜見如儀間日疾作旣而患膝痛腹痛若不能忍者吾夕視之言痛少定中夜俛手口數作搐遂不起去納采僅六日也嗚呼念其昔日膝間掌上文綵玉環牽衣索果以及問安課書自幼及長盤旋吾左右者一思一腸結其父母之傷心更有不可言者豈忍以殤視之乎于是年十有一月二十日葬于祖塋東百十武坐癸向丁築亭于前種花樹繞之宵清月午或往來其間否耶嗚

青箱堂文集

卷八

三

呼勒石壙中以志時日且志吾哀



翰林院侍講徐先生行狀

前翰林院侍講徐公卒之三月其嗣君既述公之行次自杭州寓書於余曰予爲先君子門人久且家都下知先君子進退宜悉其爲狀之余泫然收泣曰余非能知吾師者然至今日亦惟予尚知我師也敢不次序其實以備史氏之採錄謹按公以大啓壬戌進士改庶吉士授翰林院簡討經筵展書纂修實錄乙丑奉使益淮二藩丁卯陞侍講順天鄉試主考補經筵日講官詔勅撰文崇禎戊辰以省墓得請賜銀幣馳驛歸旋以被誣落職家居

青箱堂文集

卷八

三

二十五年卒公爲人清方莊和好學不倦而所遭不偶立朝僅五年負材未施抱誣終身世多未知者當天啓間闡寺魏忠賢竊國柄邪佞附和意所不合官之銓除者多舍正而用陪丁卯鄉試順天應天主考官四人皆其陪者公非時人之所私特以其應爲主考者爲所忌故及公耳公旣以越次得主考樹放又以崔呈秀之子鐸中式謫言遂興至鐸覆試文理無謬公始得白無何復有摘南北閭策問語中之者公遂落職嗚呼使公不與主考論思靖獻其裨益于時而致高位豈其難哉乃遭

權奸之時以序次及之卒蒙誣放廢抑何不幸也公少受知于葛屺瞻來馬湖馮具區諸先生萬曆壬子舉鄉試家貧教授爲業出公門者多名士公嘗言丁卯使旋甫入都門夢神人貽以金魁星遂膺典試之命及開榜金公鉉名第一金公多亮節敢直言甲申以兵部主事死于御河是科所得士如史公可法孟公章明王公維新先後以節死陳公于秦中辛未狀元高公爾儼中庚辰探花先後成進士者數十人他多以功名顯迨興朝丙戌之季公與棠丁亥之季公人龍名皆第一尚爲公所取士也崇禎朝公進講通鑑至殷太戊在位七十五年然後崩諱然後崩二字帝顧問嘉其忠謹時帝冠與公冠相接侍從諸臣傳爲盛事公筮仕時鄉南阜先生爲都御史講學公問難雅爲所重其出使兩藩例有贈餽公嚴却之一無所受居里閭謹厚謝絕干謁里中若不知有貴官長者其被誣時公方宴客座客聞之欲引去公挽留終宴談笑不異平日遂開山園掃除杜門名其堂曰自怡讀書其中不問外事而後學之執經問業者猶諸生孝廉時也公之廉介恬退如此公天性孝友考

青箱堂文集

卷八

三

妣未及公貴而公痛祿養不逮雖蔬食時果不以爲不敢嘗數十年哀慕如一日伯兄無子以季子尚禮爲之嗣居家有常法雖貴顯衣服飲食無加于少賤時遇人怡怡卽僕隸必以禮所著自怡山堂文集八卷事物彙如二十六卷經濟備覽十六卷明詩類選八卷明名臣政績十二卷嗟夫公富其學而不克用白首翰苑卒老擯斥亦其命也哉初魏忠賢旣敗一時附和者勒名逆案公端介初不與其黨雖過求者亦不能入其名而不知者每抑之及甲申國變南中用事者復以公名不在

案中而抑之嗚呼此公之所以二十餘年淪落以老也公諱時泰字見可號大玉先世居澍之大末至公王父敬宇公始自衡徙錢塘公考龍峯公贈翰林院侍讀妣黃氏贈安人生公兄貞泰及公公生萬曆己卯年正月初五日亥時卒順治辛卯年六月初一日午時享年七十有三配陳氏贈安人子五人曰尚仁庠生娶文學証無馮公女繼娶江西理問元東周公女曰尚義貢生娶文學振之郭公女曰尚禮貢生署紹興府教授娶和州知州念寅俞公女皆陳夫人出曰尚智貢生署歸安學教

諭娶廷平通判子羽張公女繼娶文學長生張公女副室鈕夫人出曰尚信聘文學采生錢公女副室呂夫人出女二長陳夫人出適淮揚監軍同知李熙祚次副室李夫人出許聘程舜錫孫六人尚禮生士鑑庠生尚仁生士錫庠生士鉉尚義生士鏞士鍾尚智生士鏞孫女九人尚義生四人長適詹事瑤圃胡公子庠生拱玄次適衢州知府心芬冷公子庠生景嶺二皆幼尚禮生一人適庠生朱京台尚智生三人皆幼曾孫二人一士鑑出一士錫出曾孫女一人士鑑出

光祿大夫太子太保都察院右都御史吏部

左侍郎孫公行狀

曾祖釗祖仲良父金贈光祿大夫太子太保吏部左侍郎曾祖妣楊祖妣裴妣張贈一品夫人順天府上林苑采育孫公承澤字耳伯號北海年八十三狀先世山東青州府益都縣明永樂中諱明善遷實京畿至曾祖蓋三傳矣公中崇禎庚午順天舉人辛未進士歷任陳留知縣調祥符縣以卓異授刑科給事中歷陞戶工左右給事中刑科都給事中

大清定鼎補吏科都給事中歷陞太常少卿翰林院提督四譯館通政司左右通政太常卿大理卿兵部左右侍郎吏部左侍郎管右侍郎事尋以都察院右都御史太子太保年六十引疾家食二十餘年而歿嗚呼公于死生進退之際蓋有可考者矣以宏傑博達之才宣力中外著績於前代不具論最著者為海內正人之望至崇禎甲申任用闕寺致賊犯關累疏糾正迨三月十八日城守大璫絕降賊中官宴飲城上司馬奏聞不省憤甚約兵部主事成德翌辰請召對及至午門惟一老闕坐

地上屬之上達何宮人紛紛出走遂與德別抵

舍而室人劉氏及子婦林氏投井死矣斯時也公

益知死所矣自縊不死仰藥不死入井不死公于

解懸挽溺者不能無憾也乃為賊之紀功司執去

惟求速死賊河南人夙知公曰公有遺德於吾鄉

命偽尉守之無致公死公數日不食不死恭逢

大清驅賊西遁公乘間歸采育時君崩國破紳庶

遭賊酷害不啻湯火中一旦我 大清掃蕩逆

寇收葬 烈帝且令臣民成服三日義聲動天下

卽湯武之師豈足媲美哉不惟畿輔紳庶得脫屠

毒雪痛憤願歸命臣服惟恐後且徵求四出公雖

欲潛隱村墟豈誼之所敢出哉遂仍官公給諫卽

疏陳大仇未報不敢受職願效命先驅以盡臣誼

旋奉

旨朝臣矢報具見同仇大兵進征逆黨卽當殄滅

復命中書傳諭卽日受職于是官都給事中則請

復六科職掌官太常則請還千畝以供郊祀官大

理則請依律以緩決官兵部則籌客民蓄衆官吏

部則篤推賢讓能其相機宜以佐維新之治者公

未嘗言於人人則無不重其譽望年甫六十藉重

聽乞身營退谷以見志公自幼有志於學砥礪以自匡飭未嘗識人間佻宕之習於古今治亂經濟皆究其原委而于人之邪正尤兢兢焉當諸生時有建權閣魏忠賢祠于其里者相率拜祠下公獨不往時人目爲東林秀才公嘗與予論東林爲宋楊龜山先生無錫之書院明顧公憲成購於寺僧置龜山祠與同志闡明理學於其中初非要名植黨明之季也推斥正人者概指東林爲黨人予謂逆黨擅權凡糾闢死者皆時所指爲東林而附逆獻媚則夙所嫉惡東林之人迨李自成之變東林

死節者比比而委蛇于僞命偷生視息皆自以不爲東林之人也其邪正有不待辨而昭然者公以爲然海內士君子聞公之風咸企慕爲當今文獻就正所聞公槩不爲因緣閉戶著書歲有成帙經翼一書自公爲縣令時卽多方哀輯有世所未覩者復作孔易傳義合闢尚書集解禹貢考詩經朱翼春秋程傳補儀禮經合傳解皆闡明聖賢微旨多前人所未發嘗以學者不達古今經濟皆非實學于是著歷代史翼及水利考治河紀明史未有成書久或失實纂述春明夢餘錄人物志山書廣

記元明典故編年考典制紀畧寰宇志畧山居小箋研山齋集考等書于理學則有宋五先生明四先生學約道統明辨諸儒集抄考正晚年定論皆公一力搜羅定正手自脫稿歷二十年日不釋卷今年目力不及猶著益智錄日令子孫朗誦於側刪定成書勤勤開示來學之意至歿不衰病間晤魏侍郎諄諄以闡述聖賢之學相推讓與葉太史芳藹言勉以倣官事小爲人事大及予往視則曰幼爲諸生老爲經生已爲厚幸惟時當多事未能忽然並不及私閱日而公歿矣平生無聲色之好

平居淡然如儒生嘗貯古器及名人書畫與客談經史之餘出以爲娛所爲詩文多不存稿教子孫讀書砥行不使少習世俗之華腴鄉試及應仕進者皆不令預曰衣食粗足當知止足歿前一日沐浴更衣賦詩有云進退死生兩大事孤心留取照幽墟嗚呼此亦足以見公志矣遺囑治喪一遵集禮公歿諸子孫泣涕頌予曰公病間謂不孝等吾生平無善狀宗伯王公敬哉處士顧子寧人陸子翼王知吾仕學之本末質之足矣幸爲賜狀嗚呼予何忍辭謹撮其死生進退之大者如此其功名

著於前代惠澤及於公私皆畧而不書或亦公之志也配高氏諱某之女前卒贈一品夫人副配劉氏以甲申殉節贈一品夫人蘇氏待封子四人道樸廩生恩廕侍衛江南揚州府泰州同知終養娶林氏刑部侍郎德馨女死節再娶郝氏戶部侍郎傑女道楷恩廕生前卒娶錢氏原任江西南昌道某女再娶王氏監察御史燮女俱高出道樸官監生娶金氏太傅大學士文通公之俊女道林廩生娶王氏子第六女俱蘇夫人出女一適原四川松潘道蕭公炎子庠生福培孫男八人煥順天府學廩生娶江西萍鄉縣知縣孟某女道樸出煥廕生候選知州娶吏科給事中張國憲女繼娶江西樂平縣知縣王從隆女再娶山西大同府通判某女道楷出煌炯焜道樸出炳煒煥道林出俱幼孫女八人一適萍鄉知縣孟公季子庠生衍仁一適刑部浙江司郎中馮公某長子庠生盛世道樸出餘俱幼曾孫二人坪煒出城煥出曾孫女一未字煒出

贈文林郎內翰林秘書院編修張公暨配符孺人行狀

予既爲張母馮太孺人狀其子弘俊復悲泣而請曰不孝將於九月二十二日奉先太孺人柩于先府君先前妣墓合葬欲祈先生大人銘納諸墳壙慟念先府君棄不孝時甫九歲耳二十餘年來其先太孺人述生平以教不孝者僅其一二及所聞於先生母稱說先前妣符孺人懿行並著爲畧昔日與先府君交淺且久者惟公宜知其行幸有以狀之藉以丐銘死且不朽嗚呼予與公少而論文復同舉於鄉知公之行信乎惟予也按公諱永禎字仲榮其先江南宜興望族明正統間以從征隸燕山衛諱旺遂家于京兆大興縣公之高祖也生公會祖贈禮部侍郎諱譽譽生公伯祖守愚隆慶庚午舉人陝西臨洮府通判暨公祖贈禮部侍郎守愚守惠生禮部侍郎兼翰林院侍讀學士贈禮部尚書諡文懿諱邦紀是爲公之世父中書舍人歷任太僕寺卿諱邦經則公之考也妣宋氏封宜人祖妣李氏繼祖妣甄氏曾祖妣叢氏皆贈淑人公童子時輒嗜學比長器宇凝穎沉酣于六籍旁

溢諸子百家折衷羣聖人之言端居苦思其學粹然而一動一靜咸檢押無違度于孝友躬行尤力在父母側和緩其聲氣進退有容而依戀敬慕之情津津然洋溢於外父母疾必平復夕始解衣補弟子員稱高才生督學左公光斗溪器之四方名士大夫至都門者皆樂與之遊公擇交甚嚴非可與友絕而勿顧無世俗之好一室之中几榻外四壁圖書萬卷而已性坦夷不事祿衍之爲然其中所獨持矯然氷霜不可移易與二三知交名義相輔若微有過差卽面折不少恕辨論古今陳義甚

青箱堂文集

卷八

聖

高談天下事指方畫圖滾滾數千言皆中利病至賢不肯大節之所在神采強毅難奪以私權礙之流多畏忌之然多慈惠臧獲無大過不聞其譴訶過人之不振輒思濟之而族黨之衣食婚嫁咸資賴焉丁卯舉順天鄉試第九人時士風衰弊侈繪剽獵以爲工公獨矜括古作者之旨翩翩乎經術之淺海內端人文士如學士姚公希孟祭酒陳公仁錫庶常張公溥孝廉艾公南英諸名輩咸推重之文懿公太僕公方以家聲克紹爲喜而公益退然自下不以閥閱驕人初權閹煽禍太僕公致政

家居公關城東僻地爲園林亭疎豁日筵太僕公賓戚宴樂其中于養志之道無所不竭公亦善飲子嘗與朋輩過從雅歌投壺相追歡夜半猶留連不欲去議論煥發擊節慷慨未嘗不傾耳而聽自愧以爲勿能及也公竟逝矣嗚呼公疎眉白哲神若秋水氣岸文采爲士林之冠而清剛兀肆之氣不可挫折所爲文高潔變貫詩多蕭宕之音惜道喪亂無幾存者嗟夫公負邁往之材抱致用之器使天假之年必能摠策決謨施功名於時甫一第而天卽曩與公同遊者今且半化爲烏有子

青箱堂文集

卷八

聖

亦鬚髮種種俯仰今昔誠足悲也公初配符孺人中書舍人符公朝元之孫女京兆諸生文科之女也幼而溫淑父母有命順從惟謹年十七歸公奉舅姑曾不以意志相違異非徒色語無忤也遇諸內外黜屬一循禮節待僕媵有恩儉慎性成言笑不聞於外戶其有助於公者殆雍雍乎古之關雎雞鳴之誼也琴瑟靜好僅四年而歿繼配馮太孺人自有狀公以明萬曆辛丑年正月初九日生以崇禎辛未年十一月二十四日卒享年三十有一以子弘俊貴贈文林郎內翰林秘書院編修符蘊

人以萬曆辛丑年四月二十日生以天啓辛酉年閏二月二十七日卒享年二十有二贈孺人男子三人女子三人皆馮太孺人出名序具其狀中

張太孺人行狀

皇清勅封太孺人馮氏明禮部侍郎馮公有經之女太僕寺卿張公邦經之冢婦天啓丁卯順天舉人贈文林郎內翰林秘書院編修張公永禎之繼妻今內翰林秘書院編修廣西按察司副使弘俊舉人弘儼庠生弘佐之母也生於萬曆丙午五月初七日卒於清順治丁酉年正月朔三日伯子弘俊自粵西聞喪奔號八千里躑躅泣血述其行伏地嗚咽屬予狀之予聞閭序之德不外見人之所不及睹且知也若予知太孺人之賢則詳且盡也

憶昔論交於馮宗伯嗣君敬仲家時聞其妹之賢交贈編修公稱同年生時間其妻之賢旣而予二女先後歸于伯子季子又聞其母之賢是知太孺人之詳盡者莫逾於予也何忍不述所知以俟立言者之採擇乎予嘗竊怪世之論筭珥之行好以震異爲賢非迫於艱險爭一旦之節者若無以顯其稱抑知守貞以歿世教子以振宗固中庸之所難能乎太孺人爲宗伯公劉夫人生幼而莊慧一言一動不逾尺度通孝經列女傳以孝聞于族閭年十七歸贈編修公事太僕公宋宜人旦暮修甘

肥躬濯紉奉養無方以故太僕公津津稱家婦賢  
諸戚黨亦數口畫其行爲閨中法迨贈紉修公舉  
於鄉冠其房太僕公暨兄宗伯文懿公舉無恙兄  
弟父子冠裳赫奕可謂盛矣太孺人儉約如故畧  
不見其以閨閼驕人意亾何贈編修公捐館舍太  
孺人年始二十有六歿歿矢志上奉尊章先意承  
志惟恐傷高堂心而二子女長未成童幼則呱呱  
啼號於懷抱中仰事俯育罔或有缺越三年太  
僕公復卽世太僕公仲嗣侍讀公永祺甫十齡而  
弘俊方垂髫太孺人佐宋宜人襄喪葬如禮事宋

青箱堂文集

卷八

哭

宜人益篤敬內外事皆攝治歲時賓祀莫不中度  
婦姑相依爲命者六年宋宜人又以疾終哀毀踴  
勉脫簪珥助窀穸家中落益節嗇拮据延名師教  
侍讀公及諸孤日夜訓迪勿懈學既有成俾擇名  
雋與之游爲侍讀公娶名閨女十餘年間子若女  
各有室有家皆太孺人經營之力也及遭鼎革  
借諸子預依壻家于外邑幸際興朝順治丁亥伯  
子登進士高第官編修以 覃恩封太孺人仲子  
戊子登賢書季子食餼於庠而侍讀公壬辰復及  
第榮顯矣太孺人以貞亮之守高明之材撫孤紹

先宜享祿養以臻壽考年甫逾艾遽爾奄逝嗚呼  
伯子雖歷任中外奉太孺人之訓儉素蕭然一切  
贈殼之有亾皆孺人爲之條理俾其無內顧以至  
終身劬勞淡泊自安此伯子向予道之涕泗悲號  
而抱終天之恨也若太孺人者雖生於華貴性不  
喜紛靡之飾不以榮瘁爲欣戚處上下以和娣娣  
娣御咸嘆慕不能置夫區區以未亾人生事死葬  
且教諸孤以光前緒此豈徒與夫遭艱險而爭一  
旦之節者可同論哉所謂中庸之難能其庶幾矣  
太孺人享年五十有二男子三人弘俊娶予第二

青箱堂文集

卷八

哭

女繼娶巡撫寧夏右都御史李公鑑孫女弘儼娶  
工部都給事中劉公顯績侄女繼娶刑部右侍郎  
杜公立德妹弘佐娶予第五女亦亾女子三人一  
適庠生馮三捷一適貢生王鼎呂一適曹裕孫男  
繡弘俊出繼鈺弘儼出繼鈺弘佐出孫女二儼佐  
出俱幼嗟乎予狀太孺人而思亾女之言益有愀  
然於懷者矣



移贈一品夫人焦太夫人行述

皇清移贈一品夫人焦太夫人王崇簡之本生母也世家宛平及笄歸我移贈太子太保禮部尚書前武德將軍錦衣衛正千戶南松府君爲副室生男四人崇大庠生次卽崇簡進士太子太保禮部尚書承繼我誥贈太子太保禮部尚書前誥授中大夫陝西布政使司右布政兼按察司僉事靖邊兵備道涇谷府君次崇光今名來武進士永州衛守備次崇明今名崇節武舉興州衛千總太夫人端惠慈敏左右我本生嫡母移贈一品夫人前封

青箱堂文集

卷八

哭

安人張太夫人庀治家務張太夫人質約坐鎮閭閻一切鉅細倚辦太夫人井井不紊迨武德府君捐館舍太夫人年甫三十諸子幼弱嫡長男武進士錦衣衛副千戶崇正秉家政太夫人鞠育諸孤仍輔張太夫人之不逮歷七年崇正卒張太夫人年益高崇大方弱冠外持門戶太夫人拮据內政大而喪祭細而米鹽以及姻戚之往來臧獲之衣食條分縷悉無不合宜俾諸孤一意向學皆太夫人是賴嫡男不祿撫卹孀婦子女幼爲教育長爲婦嫁拮据備至張太夫人年七十下世督諸孤

青箱堂文集

卷八

哭

力都人稱孝卹養張太夫人再從弟夫婦是之食之以至老死旣而諸孤不諳治生家中落太夫人勉勉有亡益極勞瘁來以錦衣衛千戶改任浙江鹽監旗鼓奉太夫人任中爲之經理門內如肯也亡何來以官裁僑寓泰州詣京候補太夫人以疾卒于泰州嗚呼太夫人生四子崇簡旣幼出繼而三子無一人視含殮惟童孫勲在側耳慟哉來于崇禎癸未十二月扶柩還先塋卜葬于甲申四月三月遭流寇之變崇簡從兵戈雲擾間權瘞淺土遂南奔僕歸歸囑兄弟早襄葬禮崇大崇節于乙酉清明附塋于武德府君之墓嗚呼附身衣衾諸子旣未得親執其事而葬復不能具一槨以北其棺送終多闕何以爲人三十年來崇大已歿來復遠宦武德公張太夫人前有常熟陸工部化熙爲之銘矣勒太夫人懿行于幽堂崇簡豈得以出繼而不謀所以表著乎謹于太夫人忌日排纂大畧如此嗚呼太夫人有人之不可及更宜書之以勵世風者崇簡生而多病雖覓乳媼哺之太夫人終夜徬徨念若子業許出繼若病何以對若父母崇簡逾週歲卽育于嗣父母七歲先大夫盡瘁

至張太夫人逝時生十五年矣初不知爲太夫人所生也張太夫人恩勤劬勞出自天性不惟崇簡不知爲嗣子親戚不知者亦不知爲嗣子也太夫人雖時于張太夫人之側見之畧無視爲己子之意若恐崇簡之知爲己子者旣而崇簡歲時迎養間一過之亦一二日卽去始終以猶子視之不以己子視之尤人之所難者嗚呼聖人制爲人後之禮于所後而爲之服斬衰三年爲之祭主是以義引之也于所生而降服齊衰期不得與于祭是以禮厭之也蓋欲爲人後者之道盡也俗衰教失爲

人後者徒利所有耳惡復知禮義之道乎若太夫人不惟明于禮義真若有不容不然者此豈人之所能及哉嗚呼太夫人以來筮仕猶逮祿養若我張太夫人拊我畜我長我育我顧我復我昊天罔極今卽時申陳簋列鼎之饗何如祿養之一日乎是以牽連書之終天之恨實有傷心者太夫人生萬曆戊寅五月十四日巳時卒崇禎癸未七月初六日申時享年六十有六其稱一品夫人以崇簡之移贈也崇大娶汶上縣知縣栗公可仕女無嗣來娶寧陽縣知縣張公子恭女生勲崇節娶錦玄

衛百戶黃公常女生壽嫡男崇正娶潘公女再娶張公女妾張氏生永祚崇簡娶撫治鄖陽都察院副都御史贈兵部侍郎梁公應澤女以子熙贈一品夫人生熙順治丁亥進士經筵講官學士禮部尚書都御史工部尚書庶子燦然官監生熙燕廕生默順天府學生附綴子孫以著繁衍之自實由太夫人無太夫人王氏且不絕如綫矣嗚呼卽我先大夫永錫祚胤實式藉之

誥贈一品夫人梁夫人行狀

夫人卒于明崇禎十二年己卯歲之十月二十有三日卯時距今三十二年矣。睽懷永傷，未嘗不若昨日也。亡時曾述其行以志予悲，寇變逸失，思補述之，輒不忍執筆。復念夫人卒時子熙年甫十二，尚未能記其言行；女之長者，年二十一、十六、一十四耳，亦未能記憶。嗚呼！即使能記憶而三女今皆亡矣。一二老女奴知其生平者，復凋落歲月，漸淡誰復識其遺行哉？於其忌日，投淚書之。夫人姓梁氏，世居都門，撫治鄖陽都察院右副都御史

贈兵部右侍郎梁公諱應澤第二女母潘撫治公側室也。生而端慧，幼借諸弟讀書。撫治公嘗曰：「惜此女非男，長有淑慎之行，喪嫡母極其哀毀，待侍婢有恩，姻黨稱之年十六歸於予，恒以不逮事先大夫先淑人爲念。歲時修祀，必躬滌濯，羞殺烝思慕。若曾侍膝下者，與予兩庶母處二十年，竟兩庶母歿，未嘗一失言色。時迎養予，本生母，滌濯禱繻，緼之奉篤敬，倍至。母嘗曰：「惟出繼子婦孝，予守先人清白，僅給饗殮。夫人以澹約自持，黽勉有亡日，必登記，且以治生織繒，非丈夫所宜知，予以故不孰

何家事得讀書，無內顧余少多壙坎，夫人勸勉，婉切迨予鄉試中式。夫人無過喜之色，曰：「此未足竟子之志也。至予數困南宮之試，夫人無過戚之色，曰：「遇自有時也。予多四方交，雖蔬食酒漿，未嘗不以時具嘗。謂予曰：「交以輔行，擇交可不慎歟？喜閱呂公坤所著閨範，或姑姒相聚，輒爲誦說，娓娓不倦。子五六歲，卽以孝經論語口授之。或深夜縫紉，子女環坐爲道。古人言行之足法者，清晝之暇，卽令兒女鼓琴學字，喜白描大士像，間一作之後，爲人知，不復作。予年二十時，夫人生子女，未育卽納妾，期廣嗣。且時爲理笄櫛飾，容止妾將產，夜半澍雨，夫人趣視止之，不聽也。夫人質夙弱，時有微疾，亦不自惜。戊寅冬，都城困於兵，聞督臣喪師，戚然曰：「死而得葬，女子之幸也。已卯歲之三日，迷罔者移日，遂不能起。病間，顧予曰：「辛勤半生，不得見子一日之得志，命也。何如？予泣矢不再娶，孺人歔然曰：「無以我故廢內治。是秋鄉試，榜放夫人弟以樟名。第一喜曰：「我父有後矣。至將革之前夕，檢點管鑰，付予呼兒女前曰：「欲子爾輩菜一簋飯一盂，共食之，豈可得哉？痛哉！及晨逝矣。嗚呼！夫人內明

決而外溫和以禮自持平生未嘗有一言之失門  
內巨細秩秩若亦婦道之常耳然非人之所恒及  
矣生明萬曆壬寅年閏二月十八日丑時年三十  
八以卒之年十二月葬畏吾村祖塋之側生男熙  
中順治丁亥科進士經筵講官工部尚書前都御  
史禮部尚書翰林掌院學士娶金氏爲前汀州知  
府金公顯名女兵部主事鉉妹也再娶劉氏前上  
林苑監丞劉可教女再娶董氏女五人長適前錦  
衣衛堂上僉書都督僉事陳公居恭子貢生太倉  
州同承吉次適舉人贈編修張公永禎子內翰林  
青箱堂文集 卷八 五  
秘書院編修福建按察使弘俊次許聘前宣府巡  
撫都察院右僉都御史朱公之馮子庠生持正未  
嫁卒次適太僕寺少卿米公萬鍾孫沐陽知縣米  
公壽都子進士建昌知縣漢雯其適弘俊弟庠生  
弘佐者卽夫人兩夜趨視妾趙氏所生女也自夫  
人亡後妾趙氏生子熈然照周氏生子燕默田氏  
生一女適吏部侍郎孫公承澤子庠生道林子歷  
官三遇 覃恩應贈恭人夫人一品夫人以移贈  
本生母今稱一品夫人者男熙任都御史加一級  
所贈也嗟乎予自癸未登第每思夫人病時言未

嘗不欲歔流涕也夫人弟以枏庠生以樟崇禎庚  
辰進士商丘知縣以桂順治己丑進士饒州府知  
府皆夫人幼偕讀書者康熙九年歲次庚戌十月  
二十三日予告太子太保禮部尚書王崇簡撰

五弟筠侶行狀

嗚呼弟名崇節字筠侶移贈光祿大夫太子太保禮部尚書前武德將軍錦衣衛正千戶南松府君第五子也爲移贈一品夫人焦母所生以移贈一品夫人前誥封安人張母爲嫡母生五歲而孤少多疾病特爲張夫人所顧恤長而從諸兄讀書習射爲武學生慧而多別致喜植花冬月嘗香盈一室旣而辦事錦衣衛衛員以善刺人陰事爲稱職人側目畏之或藉以挾人財人恒屈意結納免禍害弟曰此豈吾之所爲耶遂棄去與崔文學青蚬友善崔工于繪事久而得其筆法長於花鳥人物善設色雖一羽一葉渲染數四始成嘗爲賴太史垓朱光祿璠所引重長安士大夫無不知其能畫矣迨遭流寇之變于旣南奔焚戮無依藉繪畫以苟活先是焦夫人歿未及葬而寇至權瘞淺土予流離遠遁從者歸囑弟而仲兄復歿弟于艱難貧窘之日襄大事如禮亦可爲難矣予歸始授以室蓋予家自先大夫兄弟式好未嘗析箸雖以宦遊異爨至于兄弟仍同室第自幼而長三十年未嘗不怡怡同堂也順治辛卯復以武學生應京衛

武舉試中式授興州衛管屯千總曹佐之官再舉

寒暑未幾缺裁歸翻然曰與其奔走職業何若攷適自逸耶遂不就補與予徜徉西山筆墨之妙與年加進徵求者多不應亦不能不藉爲資生計縉紳先生雅尚之而並不一至其門尤爲大司寇梁公玉立所激賞自賣畫之外他無毫髮干謁至並口而食絕不向兄及從子輩責一錢其貧而有守類如此康熙丁未九月偕遊滴水巖未晨而家人馳至傳內務府召致畫局奉命畫花鳥二幀弟夙患足疾步履蹢躅而鬚長過身一日召至

中和殿跪見命起立覽其鬚良久令畫局官掖還小臣一旦獲覲天顏蒙顧視誠異數也供事再經月以足疾自退弟和易平恕視骨肉恩義獨至與人交謙謹自牧在閭里間未嘗以門地驕人少年頗爲狹邪之遊不善治生家中落而性直質未嘗以貧而爲所不爲多巧思凡有揆度多合法則兒熙爲數楹以娛其老居未兩月病且一月遂逝嗚呼前一月夜飲兒熙之室晨卽病適其生日也經旬而起爲觀察宋公荔裳作輞川圖一幀復病病以吐酸累十餘日時時吐而一粒不入

口顧予曰六十餘年兄弟相依今已矣間語其于  
曰大丈夫一笑而去嗚呼弟中年遇異人授以秘  
術時起人危疾而不自行或謂之但云非人之所  
能爲待其人以行有問其術者輒以不能行而不  
知語也病篤尚以未遇其人爲愾竟歿矣生于萬  
曆丙午年十一月二十四日子時卒于康熙辛亥  
年十二月二十七日戌時得年六十有六配黃氏  
錦衣衛百戶常之女側室費氏男一人女一人皆  
黃出燾武學生娶高氏乙未進士金壇縣知縣朱  
蒞女壻也孫男克莊嗚呼予兄弟五人伯仲先後  
卒予自幼出繼誥封光祿大夫太子太保禮部尚  
書前中大夫布政府君長弟四歲四弟來長二歲  
任永州衛守備業得告予念老年兄弟晚年相聚  
一室以適餘年豈意四弟未歸而弟已歿慟往言  
之不諧嗟悲來之難絕勉述其概有淚如泉一思  
一腸結不知言之何從也慟哉

都門三千傳

于奕正初名繼魯字司直宛平人世強力殖產號  
素封奕正生而峻潔喜讀書性孝友喪父讓財於  
兄弟獨居荒園治舉子業耻勦竊爲文章在諸生  
中獄獄無所讓其所交遊皆當世名人以故多畏  
惡訕笑之者奕正工爲詩歌好遊名山嘗言秋山  
嚴淨澹峙如有道高人每于霜清木老時驅驢而  
往窮巖絕岫數百里間無不周覽過斷碑必披荆  
剔蘚以識之或攀枯蘿躡危石踰其絕頂慨然賦  
詩有超世之慨當世名人來輦下者皆知有于生  
與楚譚元春友夏劉侗同人尤稱友善兩君來京  
師必客其園與同人著帝京景物畧崇禎己亥偕  
同人取道秣陵徧歷名勝將之楚會友夏止之遂  
歸而疾作卒於金陵旅舍初于生夢與故人郭聖  
樸舟入於壑聖樸先是客死秣陵者旣而夢歸見  
母手滌鼎三指鼎耳問其環毋答兒無環矣寤告  
友人曰三鼎士之祭毋言非兆耶死願擇秣陵一  
片地與聖樸同葬焉旣卒同人曰達哉于生雖然  
死歸附于壙禮也遂護其喪歸楊曰補顧與治刻  
其遺詩數十章所著金石志樸草詩與景物畧行

于世于生南行將著南京景物畧竟以友夏不果惜哉子藻能世其業同時都人士有崔子忠黃龜皆以志行聞

崔子忠字青蚓一名丹字道母其先山東平度州人嘉隆時有仕至顯官者子補廕留京師遂家焉卽其祖也家故饒萬曆時上供珠玉諸珍貨率僉京師富民辦納中官勒抑費不貲復不時與直家以此中落子忠爲諸生甚貧於六經無不讀得諸戴禮者尤深爲文崛興動輒千言不加繩削而自合督學御史左公光斗奇其才置高等食餼及數

青箱堂文集

卷八

卒

試而困慨然棄去不復應試華門土壁灑掃潔清冬一褐夏一葛妻疎裳布衣龜勉操作三女亦解誦詩雖無終日之計晏如也工圖繪爲絕技時經營以寄傲人有欲得其畫者強之不可得山齋佛壁則往往有焉更善貌人無不克肖平生不修刺謁勢人當時貴人多折官位願與之交皆逃避不顧先是子忠偕蔣生漁郎受業於宋公應登之門同學宋氏兄弟既貴爲大官並不至其門蔣生早死則收輯其遺文時爲人稱說之不喜飲酒二三故人以文字過從談竟日不能去當天啓時閹豎

青箱堂文集

卷八

卒

施忠賢用事有國子生建議立祠太學約其同舍生生不敢顯絕子忠教生蓬垢病臥以免左公爲聞豎陷詔獄迨斃而歸視人莫敢近時史公可法與子皆諸生受知於公史公就視於獄子哭於郊幾不測子忠曰二生何愚也不能爲魏邵之脫史弼於死徒效郭亮董班哭李固杜喬何益耶士自四方來慕其人多謝不見人或尤之笑曰交遊盛而朋黨立東漢之季可鑑也後果有以復社植黨言者其識力過人如此其人短小端飾雙眸炯炯高冠草履蕭然若在世外不知貧賤之可戚也所

作詩歌古文詞人鮮知者徒知其畫耳董文敏公嘗謂其人文畫皆非近世所常見年五十病幾廢以何遭寇亂潛避窮巷無以給朝夕有憐之而不以禮者去而不就遂夫婦先後死黃篋字惟梅先世爲歙之望族父俞能文工書應中書試來京師遂爲大興人龔生數歲不與羣兒嬉戲長治六經子史唐宋諸大家之言無不博貫世方尚速化之學皆以通經學古爲迂龔所好顧若是初爲順天學諸生兄鼎中鄉試嫉之者謫其非土著遂業太學受知於祭酒李公騰芳倪公元

蔡倪公月合太學諸生數百人課以古今之文鼎  
輒居前效其文者率取上第而已終不售時文公  
震孟居政府每問天下人才倪公必稱黃生將薦  
之朝以議去不果如劉公宗周金公鉉李公日宣  
蔡公懋德雅重其人與之談論文章經濟以至性  
命之學輒窮日夜尤矜細行舉動必以禮妻孥告  
不足顧而笑曰吾道固如是客滄州時潰兵傅城  
而軍乃夜縋城過嚴圍犬吠聲如豹從火光中衝  
徇一夜走二百里抵某帥壁帥初不爲動以計劫  
之圍乃得解同行八九人追歸止一二人耳甲申  
青箱堂文集 卷八 室

客萊州聞寇變避之勞山浮海幾歿平生著述盡  
沒海水中旣而歸省其兄弟或勸之科舉笑不答  
將復往海上忽疽發於項三日死甯卓偉有大畧  
每歎草木同腐卒不爲世用歿時年四十有九  
宛平王崇簡曰三子者予時與之遊名跡殊方而  
操行俱絕所謂孤特超厲無媿於心放身而自得  
者非耶雖無奇詭足驚人耳目然而生長都會紛  
靡之地皆能潔身自負無衆人之求庶乎篤行之  
君子矣嗟乎使得用於世其成名立方優然有餘  
而皆困蹶以死是可悲也夫負材能節義沉淪於

而行事不可考或行誼著聞而文藝不槩見更  
歷歲時有不能道姓字者矣故著論如此自三子  
者歿子獨徘徊無所之于今昔之感何可道哉



邕菴居士傳

邕菴居士茂韶華亭人字成之姓宋氏雲南叅政某之第二子也童時強記捷見能不勞而超其長者長試弟子員輒高等久之不第而無所恨望恩貢太學就試吏部授職州同知司銓者以鄉人引嫌也亦無所怨時仲子徵璧中順天鄉試明年偕歸教徵璧及伯子存標修聖賢道術相砥礪皆天下士自闕隙地穿池種樹浩然獨往雖在城西如重巒溪谷也其殆隱君子之流亞歟或曰非也居士華胄夙秉家學擅經世之業邪正之辨較然胸

青箱堂文集

卷八

六

中當徵璧癸未成進士馳書戒無與選庶常爲人所私時方穀城在政府以前守松江夙知徵璧故居士及之且屬其請急及徵璧以中書舍人奉使抵里而都城陷矣福邸設官南畿存標以待詔徵璧以經筵展書徵居士復移書促歸曰讒邪濁亂無春秋復仇之志而修門戶私怨禍且及矣可一日立其間乎二子遂得免於亂居士蓋智者非隱者也平生襟期冲穆雖遇盜賊水火之驚不失其常度篤於宗族晚居先世虹橋里修宗乘以聚族人人或稱之謝曰睦族而爲名乎迨徵璧貴馳

封如其官亦無所喜自號邕菴居士人亦稱之云卒年七十有三

上崇簡曰入孝出弟士之庸行也世衰教失視爲不足務而矜詭行以釣名或罔名而始知孝弟是可歎已居士率履中行不貴難得之名人亦莫得而名焉當天啓丁卯闈人魏忠賢作威福監生陸萬齡謀爲建祠太學以徵璧太學之望欲與共事居士教之稱病以免子同徵璧登舉人進士榜交且四十年知之爲溪居士固智者歟

青箱堂文集

卷八

六

戶部右侍郎郝公傳

郝公名傑字君萬棧清其別號也其先秦人自遠祖經始徙霸州世有隱德父鴻猷中明萬曆乙酉科鄉試公自幼凝然有立不習鄉井輕儇態嗜學喘囁羣書孳孳勿之懈文辭麗蔚下筆之頃思如泉湧學使者躉之性篤孝事親熙熙承顏惟恐少違其志居母喪及事繼母鄉黨稱焉天啓甲子舉于鄉父授官陝西延長令延長居萬山中盜賊依險阻道梗未易達公隨侍過賊中爲陳利害疊疊色不變賊爲感動崇禎丁丑臚傳同進士出身第

青箱堂文集

卷八

宋

一名授太常寺博士以何父以病歸捐館舍哀號戀慕幾于無生服闋補行人司行人甲申三月考選給事中未受命而賊破都城賊以僞官逼人公懼汚僞命乃削髮居行人司中誓以死殉賊多其義而舍之乘間歸里大清義旗西指除逆寇雪明恥救民于湯火取天下之正古罕比隆也公遂趨召拜戶科給事中先後上言如定紀綱尊朝廷開經筵祀闕里皆開國規模所關最大者江南平論降臣舊皆朋黨貪橫敗人國家不宜錄用公論快之先是職官有過無巨細咸就司敗公言

青箱堂文集

卷八

宋

宜明考功之法以養廉耻迨晉大理卿復申明秋決例其爲國家持大體存忠厚類如此晉戶部右侍郎時長君惟訥拜通政司右叅議父子同朝位躋九列憂其過盛適遭微病不俟引年遽乞休達徑蕭然日危坐課子讀書每至夜分風雨不少廢或故人偶集春黃梁觴白酒相顧微吟胸中浩如也長君歷官少宰迎養京邸輒不至偶一至信宿而去惟諄諄以廉慎報國勗之久之夙疾微作長君擬請假歸侍公止之曰已瘳矣旣而幼子方執經於前端坐微笑而逝嗚呼賢矣公軀幹厚聳廣頰疎髯人望之敬慕撫世酬物一以至誠不喜以疾言厲色加人與人言稍及雌黃卽亂以他語其律已端慤而儉樸教子弟以肅謹雖門第貴盛無執袴習者悖于孝義繼祖母失明事之餘二十年備極孝養兄早世嫂年少無子以次子惟謙爲之子教訓登賢書嫂得以遂其節族里之間有婚喪單襄勿自支者咸爲之賑給其沒也人思之史氏曰嘗讀張文定齊賢傳至遇羣盜飲食逆旅徑前取大杯滿酌指分狔肩啗之羣盜咨嘆以爲真宰相器未嘗不擊節壯之公從父之官經賊壘令賊

爲秣馬且令具食飲噉賊愕憚環甲送之去抑何  
勇也此所以遭變而不失其守處盛而能急退也  
歟

王編修傳

編修王先生曷大興人初名世約字次重晚號灌  
亭先世山東壽光縣以武功來京師至大父大同  
府同知良佑明隆慶庚午冠其經房始顯父有第  
歲貢任太原府靜樂縣知縣以子以約任知府贈  
中憲大夫太平府知府母張氏封恭人先生性矜  
尚慎于取友少卽卓越勵風迹與兄以約讀書自  
好耻與流俗爲伍年十三督學御史左忠毅公光  
十拔爲童子冠父卒官甫七十日先生於哀毀中  
與兄拮据扶柩歸喪葬盡禮門內雍肅事母以孝  
聞兄弟力學探究經書大全爲文一以先輩大家  
爲矩矱視時之剽竊割裂名能文者不屑也或謂  
其不諧時自信益堅與張永禎張廷珮及子五人  
友善以氣節相砥礪時聞人魏忠賢賜張敗類倡  
議建祠因與之迂諸不爲先生友者多指目橫加  
訕毀或爲之憤先生曰鼠輩也何足校公何子及  
永禎廷珮以約先後舉於鄉先生至  
皇清順治戊子始登賢書已亥傳臚二甲第一名  
世祖引見于乾清門時年五十一  
上問年籍卽以實對子子熙任學士承

旨傳諭嘉其不欺授庶吉士以風厲臣下之隱年  
者熙奉 命教習先生丈人行也恂恂謹遜不少  
異于同輩辭之則曰 君命也何敢違人恒以仇  
倨詆先生豈然哉方其未成進士石侍郎申以翰  
林督學江南夙與先生友強與泰校試莪所甄拔  
皆學問之士後多致高第兄以約任太平知府罷  
官以租庸積責留滯母張恭人自官舍歸中道病  
卒先生哀號旅次胼胝艱辛始獲耐于贈公復爲  
兄多方補苴期得生入里門旣而兄客死不憚數  
千里還其喪癸卯充江南鄉試考官中式七十八  
青箱堂文集 卷八 主

號哭枕上遂不起年六十有五配蕭孺人二子庠  
生智斐舉先卒惟二孫塤壁公歷官十五年  
覃恩加一級纂修 世祖章皇帝實錄陞服俸  
一級官止編修貧無以葬聞其喪不期約而賻贈  
皆其友也江南受先生知適在京師者編修周弘  
張英檢討胡士著郎中諸定遠庶吉士改補主事  
程文彛吳本立中書舍人汪懋麟鄒嶧喬萊知縣  
白彥良進士曹有光張琴沈攀李欽式舉人馬晉  
錫張詰歸允肅相與黽勉有公棺殮殯葬賴以成  
禮而董其事則程文彛次其行爲狀則汪懋麟也  
青箱堂文集 卷八 主

王崇簡曰語云不知其人視其友友之于人重矣  
先生惟重于取友故當菀枯生死友道益顯世之  
言若膠漆而轉面排憎勢地不相下而排擠者所  
從來也友豈易言哉先生嘗稱貸于同姓不問子  
母且假館授餐復折閱于歿後此豈有所爲而爲  
耶嗚呼先生取友雖市廛亦有足稱者不可知先  
生與

孫宜人傳

宜人姓孫氏山東鄒平人寧國府經歷杖之女浙  
江布政使新城王象晉之婦貢士封禮部儀制司  
員外郎與敕之妻吏部考功司員外郎士祿貢士  
士禧進士士祐戶部福建司郎中士禎之母十七  
歲于歸享年六十有六卒其稱宜人以子貴貤封  
也并珥之行不出門若烹醢紉績之績以及審守  
委積亦婦道之常其取重于彤史豈徒此哉嘗攷  
禮經所載家道始于內和理內和理始於婦順備  
故聖王重之竊以婦順之著莫大于相夫以事親  
青箱堂文集 卷八 七  
爲人之妻誠能相夫以承親之歡教子以適親之  
志其爲婦順之道莫備于是揆宜人之行實無愧  
焉宜人之嬪于禮部君也不及事姑事布政公宦  
遊于中州吳越潞灑慘澹不以委憂人饔飧之供  
必親視其和劑而公始甘布政公年八十遭兵戈  
奔遁山間宜人念飲膳或失時預紉履于衣袂時  
以湯進布政公訓子孫嚴恪或有呵責宜人惴惴  
當食必俟其意解乃食布政公以仲子御史與盾  
偕妻子殉甲申國難長子與齡叔子與彭皆前卒  
定省膝下惟禮部君佇望諸孫之紹述箕裘朝夕

于懷宜人恒顧諸子曰耄耄老人勤勤屬望若輩  
不及時自立以慰高年他日爾父母卽日享洗腆  
能無憾乎旣而士祿士禎以科名顯宜人則大喜  
以爲可以慰高堂嗣續之望及士祐成進士則又  
以布政公不及見而悲喜交集也此其相夫以事  
親者何如也宜人端慧性成一言一行無勿麗于  
矩度故閨門雍順以佐其夫能盡事親承志之道  
于諸子則耳提諄諄惟慮操行之不勵當士祿之  
教授東萊則以德不進道不篤不足爲人師爲戒  
士禎司理揚州則以揚故爾祖從宦地甘棠遺澤  
青箱堂文集 卷八 七  
在焉惟祖武是繩揚人當謂王公有後矣及士祿  
典試以磨勘爲漢文所中下獄則以立身服官惟  
求無愧于神明時之利鈍則有物司之吾嘗以滿  
盛爲憂但得身名皦然亦復何恨迨事白復官考  
功則以清白勿忝先訓是勗斯皆有道之言豈巾  
幘之能庶幾哉或嘆陰教不行婉淑之風渺聞若  
宜人在室爲女事舅爲婦相夫爲妻教子爲母禮  
之所謂婦順豈有加焉故最其大者如此其諸有  
合于曲禮內則之細行不具論

王崇簡曰詩之於女子也曰無非無儀約言之不

過宜其家人宜其室家已爾若無可稱述者雖然  
春秋之義一女子之賢亦名聞于遠若釋其足以  
篤人倫彰壺訓者不著豈必盡如宋共姬許穆夫  
人之節始足風乎聞宜人幼與諸弟妹戲室中遺  
火火且然皆驚走獨以絮被濡水覆之得不然其  
知識有過人者宜其相夫以事親教子爲先務也  
故子賢而名益彰聞矣嗚呼宜人歿而士祿以哭  
母死

田節母傳

田節母王氏今御史六善之曾祖妣也賦性慈順  
及笄歸田公實堅事孀姑嫻婦體俛眉承睫盡心  
誠慎姑訓子期克先志節母左右勸勉無愧古鵲  
鳴徽戒之誼亡何田公公節母年甫十有七悲哀  
絕水漿姑泣曰汝欲相從地下耶如七月之身何  
不爲田氏宗祔計耶節母俛默久之遂以大義自  
斷啜糜而起越三月生士珍事姑日謹劬育遺孤  
以禮自防範無發齒舉足之失迨姑以天年終田  
公尚有弟實栗節母拮据襄喪葬不以士珍暫艱  
而委其務于叔也其訓士珍尤切俾事賢傳既而  
孫子振振箕裘奕葉節母堅持一操歲月遙淡幾  
八十年年九十有六而卒鄉人皆稱爲節母云按  
舊制婦人夫死不祿年未三十逾五十例得旌其  
廬節母十七夫亡迨歿時已九十有六吏其土者  
上其事於巡方傳載之邑乘而不上聞何也嘗  
稽春秋二百四十年所書克全婦節惟紀伯姬宋  
共姬二人無乃民庶之事不從是告雖欲書而不  
得與彼婦之節生春秋之時而猶有不遇之憾于  
節母不能無感矣雖然從一而終婦人之常道也

非大不得已及毀禮敗防之流豈不以節終而蒙褒旌者或有其湮滅於無聞夫豈少哉節母雖未膺旌廬之典而子孫衆多經明行修科名相望天之所以厚節母固在此而不在彼矣嗚呼是可書也

王崇簡曰婦以從夫爲義假令節母殉夫世雖賢之而田氏之世何以滋大乎予交侍御君六善見其兄弟並成進士紹述繁衍福澤之深長有自來矣非未亡人克全七月之遺腹何以有此節母非獨以節著其田氏宗祊之發祥與

祭杜吉士文

宛平王崇簡著

我年友庶常月湖杜公歿之二年爲順治五年十一月葬有期矣嗣君寓書都下求爲公誌者某等始得寄楮絮爲文而弔之嗚呼月湖憶昔聯袂並鱣形忘道孚交真氣熱曾幾何時而君歿已二年餘矣世固有宜死而不死者人惜之至若不宜死而死者人之惜之也何如乎况君以金玉之質積學力行二十年甫登第而遭世變革常其時不死是非可死之時矣而雅度溫良疎衷樸約落落懷孤飄飄意遠人不得而親疎亦與物而無忤是非可死之人矣慈幃靜壽問年知懼君恒以歸侍膝下爲念是非可死之勢矣胡爲乎而死耶年雖逾艾神志尚強時復呻吟怪君善病病而得歸胡爲歸未抵舍而死耶有謂其以導養之術而死者嗚呼導養方欲長生胡爲乎而死耶白首慈親倚廬望斷平生探討草草而終吾輩攬涕而惜之者不能不扼腕而咎之矣嗟嗟月湖今果何在耶豈尚依依子舍歸魂定省耶將修文地下耶抑蕩爲大

空與化往來耶將結明爲光耀流澤爲雨露耶或  
棲颺于圭璧以見重于世耶豈復爲哲人以續未  
竟之志耶抑果有三山十二樓以逍遙耶昔之昭  
昭者今果何在耶抑有知無知耶或且有知其可  
使吾輩知之耶幽明杳然有懷何述幽室一閉千  
年不朝荒塗古陌之間異日倘有望壠而灑泣者  
必吾兄弟其人矣尚饗

祭孫副憲文

不天下以心而惡乎爲名世不古今以識而惡乎  
爲大臣吁嗟維公褒然克振渾淪敦龐太樸之真  
冲粹肅良至和之純方其蹶起昌時鳳麟對揚螭  
陛司理青方民如身入乎明鏡吏若體被乎嚴霜  
丰采維特嘉譽孔彰擢在銓曹謗殄是聖陟明于  
朝黜幽于室小人之嗟君子之吉方矢自好乃來  
彼嫉宸心念亂惟舊是求卓茂丕業懿厥前修維  
天降凶狂颺傾舟顧此子遺何以克庥惠此中國  
以爲民述

帝命鼎興文獻是式念茲黃髮清階屢陟爰晉中  
丞威儀是力廉法維憲經制攸飭斯時也所謂老  
成人者蓋落落晨星夫何昊天不弔并晨星者若  
將就日而益零大雅淪亡何資典型故當公之歿  
也崑崙奪色喬木摧柯里杵悲以罷春缶聲歇而  
疇歌惟賢風之凋落使我中侔僚而泣滄沱嗚呼  
維公之質璞玉純金惟公之度知淡勇沉維公之  
學上古下今維公之風山高水濶殆千古是非不  
能惑其辨一時之顯晦不足以易其心熱腸濟世  
善人是扶邪正燦然惡紫亂朱指陳典故區別難



誣小子有造古訓是模保艾祚肩森森玉株作人  
秦晉濟濟名儒胡天不憇遺士歎于朝而人嗟于  
途矧吾儕肺腑之託桑梓之依憶平生而如昨慨  
德音之已違痛斯人之殄瘁悲吾道之式微仰陳  
辭以當泣或式聽以來歸

祭宋湖州文

嗚呼數行之復牘方去永訣之遺札旋來慟經時  
而靡定憶疇昔以心摧念定交之有素緣文藝以  
爲媒年甫過于弱冠遂附驥于金臺久滯留而未  
達借愴歎而徘徊幸禮闈之獲雋復同去乎蒿萊  
倏雲飛而烟散遭喪亂之爲災我南奔而無依公  
百計以培栽勸江干之一別淚將枯而心灰喜逢  
時而出仕復聯袂以啣杯迨容臺之同事倚公靖  
共之多材公旣出守于海郡予亦退休于林隈雖  
山川修阻之萬里而非公之信達卽予之音同方  
期相見之有日何遽生死之分開嗚呼公才惟英  
博器則清貞早年穎脫藝苑馳名行修文著家國  
之禎譽旣隆于麟鳳位何不至乎公卿嗚呼命也  
何如此人所歎息而同聲悲同籍之無幾悼存亡  
之頻驚旣哀我宋君其武復喪我劉君元公公今  
又逝何禁泫然泣涕之縱橫淒淒燕山之樹迢迢  
雲間之旌代生芻以束帛媿未能會葬而遐征敬  
陳詞以申哀復哽咽而難鳴所自矢者倘餘年之  
尚在期無媿于死者之復生嗚呼尚饗

祭高相公文

公之卒也 天子悼卹有加縉紳大夫悲歎無已  
嘉績已著于一時徽音將垂于典冊某雖心摧涕  
隕將何以頌懿行而舒惋惻也惟是平生之舊知  
已之感慨歎今昔有不能不陳之情嗚呼公也奧  
學內溢浚文外明志華日月聲溢石金廉純簡潔  
貞夷粹溫而能峻博而不繁憶昔丁卯賢書同  
登而名魁上第度益溫恭某也不才屢蹶始登二  
三同志砥礪清貞吟詩讀史方歷冬春歎時命之  
不偶遭鼎革之多迤盛世羅賢乘時就功甫及十  
載鼎鉉已升康強壽考世所頌公何未逾艾遽爾  
告終得非命在于天而不在人天之不可問蓋自  
古而至今聞公疾革言色從容死生之間旣已能  
達又何修短之足云惟是某旣同心于夙昔復荷  
知遇之深歎曩友之零落惟我一二人存公復已  
矣又何禁悲泣之無從嗚呼岱山委岫岷岳摧峰  
時旣往而不返故人盡而誰羣望高天之寥濶悵  
巷陌之無人花開人往月落鶯鳴詞欲吐而難盡  
悲中來而縱橫嗚呼公靈有在尚其我歆

祭王鐵山先生文

嗚呼簡兮哭公豈能一言盡耶又豈能無一言邪  
憶昔聞公爲令仰之頌之恨不得識其面而卒憤  
黨人之排擠旣而公治兵潞河予時觀兒熙小試  
因望見公于旌戟車蓋之間雖艷慕益切又不欲  
無因而前亡何世勢已不可爲公始膺重任終以  
不得如已意而值大故公削髮入山簡亦奔竄異  
土以爲今世不得納交于公矣幸際 興朝得從  
班行中識公因而定交無異兄弟乃以同姓稱宗  
久之稱宗者蓋觴靡紀則又以芝蘭之契正不必  
隨波逐流而取譏于有道也迨公掌銓政簡適承  
乏佐銓相扶以義相砥以正其情好益深而肺腑  
眞可質之青天白日公忽一病經年憶昨秋八月  
簡過候公公尚逍遙庭中語次謂簡曰浮生事畢  
其在冬春乎簡觀公氣清神健以爲公曠達之言  
耳今竟長逝公其前知耶抑言之讖耶嗚呼公之  
懿行偉績 天子方且錫之豐碑著之方策簡尚  
何言卽言與公情好之篤累千萬言何能盡今甫  
言之已一字淚數行矣嗚呼言猶在耳幽明已隔  
一慟腸絕夫復何言公靈有知諒聞簡言而來格

也嗚呼尚饗

青箱堂文集

卷九

八

祭米沐陽文

嗚呼年不與行相會貴不與才相期昔人蓋已歎造物之乖刺而慟所遭之多違如君之才而艱於一第如君之行而年止於斯識者不能不爲之浩歎况予於君聯交締姻又何能不累歎而重悲子昔幼孤太僕公以故人子而弗遺因與君論文投契定交於髫髻之時君未弱冠才名已籍籍於人口而騰輝挾藻四方知名之士罔不聞聲而相思雖早馳聲於藝苑而卒困躍於天池勉就乎司訓歷令尹而來歸如君之才而位不顯君亦安之

青箱堂文集

卷九

九

於數奇家世清白蕭然自怡珠林玉樹鳳翽鴻儀方將述先人之遺業覽後昆之榮滋胡忽無恙而奄逝年尚不及乎耆嗚呼此則戚交之所共慨而予心則更有難已之悲思緬維交誼之古處非獨左提而右挈實言切而行規若夫蕭寺書聲之相答山水杖笠之相隨倡予和汝秋霽春暉既而同患於寇變因之南奔而北睽迨予歸來而無適君不難假榻以暫棲情彌久而愈篤歷常變而靡岐蓋非獨兒女百年之好實爲道義千古之基傷故交之零落每相對而躊躇君今復已矣琴欲奏而

絃已絕劍空懸而人何之慨予年之已邁歎逝者之如斯悵長空而如失懷中夜而徘徊更堪悲者膝下婚嫁之未畢筮仕河山以遠離方慶采芹之繼起已卜稱賀之有期君胡杳然以雲逝徒令登堂而淚垂嗚呼物之不齊所從來矣謂之何哉天實爲之慟幽明之既隔望彷彿之來歸薦芳醴而哽咽陳蕪詞而漣如君靈有在諒其鑒茲嗚呼尚饗

祭白尚書文

恨望河山滌洞嗟我良朋契濶傷如之何况分生死肝摧淚沲言念疇昔情好實多憶初識面同升於公繼而鳳池復獲追蹤春朝冬夕志合道同聚或把酒離則望風交相砥礪倡和商宮先生邁往爲仁爲智學士受知旋佐銓治司寇崇班特命是賜宗伯廷舉子主其議煌煌綸音邦刑是畀克敬其事靖共靡二無縱無濫不自爲地素懷退思雅志偶遂時子以病亦云歸只晉雲燕樹綿渺千里先生閉門研心學理躬行勉勉不逮是耻慨世之學概多忘已言語是尋名實乖徙先生省已誠敬是揆刪序要錄程朱正旨行事貴實存心貴虛吉哉斯言羣理之與優悠林壑愼惜居諸無講學名有敦行書一朝聞道夕死坦如先生往矣聞訃是驚既哀哲人之萎復悲吾道之窮况兒熙受知于一日荷甄陶以成名未能問疾侍側執紼前行不禁子懷之愴怛惟低回想像乎平生方慰子以手札遂致嘆於人琴嗚呼波逝電謝弱草塵輕自古皆如此所貴乎死哀而生榮矧琳琅之接武自能顯揚而崢嶸水渺渺而川逝山蒼蒼而雲平勸子

懷之難盡惟陳詞而沾襟望英靈之有在鑒微誠而來歎

祭九門提督何君文

維康熙七年十月二十四日予告太子太保禮部尚書王崇簡謹設

故乾清宮管事九門提督內官監太監雲川何先生之位虔具牲醴以告曰憶昔崇禎乙亥之冬余舊朝天宮街居宅公歸我值而宅歸公此識公之始也迨己卯之春公夜懸燈於樓邀我以飲此交公之始也自後公以閒居時相飲食月數四而無厭焉壬午之冬假我僧舍癸未之夏復假我翟園余得冬夏讀書皆公之賜也至癸未之秋余幸登第僕馬之需適乏公貸我制錢足銀百兩之數以佐之迨甲申二月公起提督九門余以本生母終給假在籍亾何寇變余奔避流離至乙酉冬歸來而公已久於雄縣故里爲盜所傷矣嗚呼公旣無姪嗣復鮮兄弟其所貸百兩將從何償之低回于中復積歲時於今年十月二十三日具銀百兩付夕照寺柴居士爲收養遺嬰以資公冥福公神有在其昭鑒之若夫夙好中存時形夢寐此則公交情繫人之淡余亦不知其然而然矣尚饗

祭宋按察文

嗚呼早年而結縞帶之歡平生而敦文章之契患難而寄死生之託歷久而淡道義之誼交情友道有一於此卽可以涉風雨而貞晦明孰有如余與公交經常變五十餘年如一日者乎憶昔公家九青少司空爲給諫時每與余言吾弟玉叔年未弱冠而英邁絕倫余熟聞而竊慕之公何公來省侍尊公鈐部先生于京邸遂爲定交從此離而合合而離離未嘗不思合未嘗不歡詩文杯酒春朝雪夜朋友也無異于同氣當余避寇奔騰流離瑣尾

青箱堂文集

卷九

十四

四海無依遇公于白門遂相携于山陬水涯慰喪家而扶貧病雖骨肉何加焉復提命兒熙于敗舟荒屋之間俾不廢學余旣不能自存復偕之歸萊陽分宅以安子女給資以還故里余之獲生還以有今日皆公兄弟之賜也公亦旋來讀書太學以兒熙可教訓誨于僧舍朝食暮衣存恤備至甫半載兒熙獲隨公歌鹿鳴而登甲第皆公生成之恩也迨公屢遭誣而不能爲申理于未白之際中夜拊心未嘗不自媿焉公旣昭雪於聖世優悠山水者數年蒙恩還職偕余攬西山之秀續

昔日之歡余時已七十公年亦望六矣及之任于蜀悵後晤之難期忽聞趨觀喜出望外何意

公抵都門已病矣握手旅舍方期醫藥奏功舊遊可繼孰知一旦至此也余視公病于榻間公臥不能起論及時事侍者欲代爲之語公止之以手畫褥上指陳方略未嘗一言及私然氣時咽喉中余竊慮之不數日而公歿矣嗚呼妻孥羈縻危地而公客死長安聞之者無不心傷况道義歷常變數十年如予與公者乎臨喪一慟涕淚千行嗚呼年來故人凋謝不勝哀暮之悲今公復逝夙昔知交

青箱堂文集

卷九

十五

尚復何人後死之責余不敢諉惟期蜀方底定訪公妻子送還故鄉此兒熙哀號告公于冥冥矢報師恩不能自己者公從子扶輿遄歸于旬日之間時迫慟淚不能成文聊述生平之好正如昔人車過腹痛之語以見與公情好篤至之如此公靈有在諒必翩翩乎來歆也嗚呼慟哉

祭梁仲木文

嗚呼仲木公今竟已也驚訃音之倏來痛五內之摧崩眷言情好又奚能以爲情憶予舞象之期爲婿公門公始垂髫氣凌風雲內外兄弟情好彌敦公姊在室先公授經朝誦夕課公同討論先公宦遊藩臬中丞公或隨侍或時在京公來予舍予造公園或宴遊而聯轡或抗言而論文旣而感公姊之逝與公兄弟而益親嗟歲月之幾何悲人事之屢更流離竄伏予携公妻孥而南奔相將白下分袂淮陰我歸故里君滯江濱遨遊餬口舟輿靡停

青箱堂文集

卷九

七

昨感肝膈是傾翩翩公子譽望振振所更不可及者友于惟殷公狄筮仕朝夕相從旣遭患難救死扶生孤身數載房帷念輕室人交謫置若罔聞相依異土拮据蹇殯二十年來自始而終析木守篋易以廉仁誼敦無忝千里慇懃此予所佩服而企慕交遊所以感歎而同聲公年甫五十有五聞久已鬚髮如銀然浩歌痛飲未覺衰微予五弟今夏經八寶而歸也晤公于病中當春季而重帷猶凜然其畏風或卽以此而不起何先秋而露零嗚呼負才何富遭遇何窮旣不獲振翼雲衢而博青紫復不獲優游泉石而享遐齡已焉哉天實爲之謂之何哉訃音之至時當小春適爲公姊之忌益不勝悲咽之填膺公狄書來言當爲公立嗣予所望者靈輻返北葬先公之故墳嗚呼哀哉望長空今朔風典思恍惚今淚縱橫江天渺兮鴻影絕木葉脫今寒烟凝率公諸甥而遙奠今想魂乎千里之來臨

青箱堂文集

卷九

七

祭梁惕居文

嗚呼惕居七年太守貧難歸櫬人之聽之或奉之  
信子屬至戚慟淚而敬無忝先公清白承訓予在  
甥館君昔垂髫伯仲叔季玉樹瓊瑤借子採芹文  
英度韶中丞公逝家學迢迢兄弟繼起名振天衢  
有甥似舅附驥而趨君登高第刑曹著儀門清似  
水矢心罔欺出守饒州家無數椽先公昔惠斯地  
猶傳恪依前烈士歌民安宦久母老懷歸左遷孫  
侍大母前路優游君顧繼者不遺以憂何天不弔  
遽瘁于舟囊無餘物周身衾裯歲在庚子正月下  
青箱堂文集 卷九 大

祭黃惟梅文

才足以經世而徒步以老文足以垂後而艱于逢  
時志華日月而風雨淒蕭聲溢金石而進退棲遲  
世之以爲生可樂者既無一與其間以死爲可哀  
者獨更數而堪悲方其挺生昌際顛印岐嶷比物  
荃蓀連類鸞螭廉潔簡潔溫敏肅規瞿瞿良士必  
秘威儀和而能峻博而靡遺澹靜寡慾端直滅私  
曾不得彷彿庸才曳青紫而趨陞墜旣而逢辰之  
厄抱微志而自怡甘蕭條以獨寤處晦冥而不疑  
懷霜負雪竹韻松姿嘆黃虞之已遠慨季女之斯  
饑飲菁華以寂寞鄙委蛇而乘時于是隱蓬蒿友  
木石固其至性之所宜何乃鵲鳴鵬集亡琴萎芝  
想徽音于疇昔憶平生于同時約文振藻雁序啣  
卮行則是式學則稱師在衆不失其寡履平愈見  
其奇抱一貞以自娛望遙古而遐思夫何十年之  
間海飛雲擾舵轉舟移同人一輩連遭各岐聚散  
飄零生死參差幸而存者非老則衰繼起景風路  
斷山歎嗚呼已矣死者固足悲悼而存者又何榮  
樂之足期聞淡閨之哀號撫孺子而淚滋對舅季  
而慘澹衷摧裂而莫持吁嗟斯人乃止于斯窮達



之際非人所爲文章尚存不朽在茲後死之責誼  
匪可辭秋風瑟瑟黃葉離離長空雲黯寒影淒其  
莫觴痛絕君其有知

祭孫北海少宰文

嗚呼公辭人世已九日矣其神氣之昭明將於何  
而翔翔當卒前之三日造公之室瞻公之牀公執  
手嗚咽言及五十年之交誼今且永訣而參商幼  
爲書生以自勵老爲經生以自強幸啓手足而固  
泰惟念時事之搶攘歎從前之渺渺何復向後之  
茫茫貽以古鼎戀戀遺意之無忘公遂閉目而臥  
崇簡逡巡以退不禁涕淚之浪浪嗚呼再閱日遂  
撫公之尸憑公之棺而哭公之堂慨平生之如昨  
何勝咨嗟長號以徬徨公學如海蓄志如秋霜盛  
年甲第藝苑琳琅績著于茂宰聲振于梧掖世望  
之爲楷模若鳴鳳之在朝陽豈期運厄百六乃身  
歷乎滄桑恭逢翦求之盛典敢不矢効其貞良知  
無不言以持國之是行無或失以求身之臧昭然  
在人耳目者固不可掩爛然垂之史冊者日星之  
輝光乃知止之日年甫六十營退谷以終老期老  
學以自匡紀人物于有考翼經傳而益彰宗正學  
以無惑闢異端而不憚夫剛方紹述程朱繼承周  
張探討極于羣籍著述充于棟宇皆闡道以明理  
實植紀而扶綱予時過城南書舍翫嘉石而襲桐

香談顧厨于往日證今古于縹緲二十年不問門  
外一事讀書爲實歷之行藏誠一世之師表而君  
子咸謂公百世爲不亡崇簡風辱金蘭之契復締  
朱陳之好非徒志同而道合抑且風雨而貞良嗚  
呼已矣八十春秋惘然旦暮要之百年終歸一蛻  
亦何異夫石火與電茫所難爲情者老成凋謝求  
一接談啓人之蒙消人之鄙亦復何望此崇簡數  
日來不惟慟絕臨喪卽私居獨念不知腸之幾結  
而不自禁其涕淚之沾裳摘詞申奠復悲咽而不  
成章嗚呼公靈有在得無俛仰疇昔留連永訣來

青箱堂文集

卷九

五

格于陳樽列豆以慰我之悽愴哀哉尚饗

祭張增識之文

嗚呼識之吾今乃哭汝耶憶昔送汝有句云如子  
多才名自顯念子垂老別爲難蓋以吾年已及不  
覺出此悲愴之語耳豈意汝以方盛之年遽爾至  
此使吾哭汝耶壬寅之歲汝自山東入賀吾時已  
六十汝年三十九歲路壯盛氣宇康強固無恙也  
何遽至此聞訃而疑者累月及汝子扶柩至問其  
疾之所始乃云因鬱而成蠱滿遂至不起嗚呼官  
至泉長開望甚盛何以致鬱耶念昔以翰林外用  
處之怡然歷楚粵晉齊清操足以砥流俗材猷足  
以著旂常表表之槩固足以自顯矣何以致鬱而  
至此耶天乎如汝之孝友於家不宜至此如汝之  
宣猷於

青箱堂文集

卷九

五

國不宜至此如汝之仁於戚黨不宜至此今何遽  
至此乎嗚呼昔人固言之矣壽不與人相會貴不  
與才相期福不與善相隨命數之乖刺而違戾者  
自古如斯吾所以哭汝不禁其慟悼而心摧者三  
十年來始哭汝父孝廉繼而哭汝王父太僕今復  
哭汝耶昔哭吾女于今已餘二十年矣浮生幾何  
乃哭汝三世耶汝自幼至壯歷歷在吾目中欲幾

數之而不能盡祇以刺腸而愴神敬陳尊而設簋  
冀汝靈之來歆嗚呼吾今哭汝又未知汝之聞與  
不聞慟哉尚饗

哭伯女文

汝留連婉轉於將歿之時惟以不能捨我爲念今  
竟捨我三日矣汝不捨我而不能不捨汝無知則  
已汝有知其不能捨我之言不能達吾耳不能捨  
我之心何以爲心也慟乎明明日月號咷無聞茫  
茫天地托魂何所我將何以捨汝也念汝初生媚  
好明秀玉環繡襜掌中膝上差悅人意三四歲時  
多疾病兩庶祖母抱携珍惜備至堂前墻下日裏  
風中弄菓拈花玉潤蘭茁及六七歲汝母卽教汝  
女兒經朝夕口中朗朗可聽我與汝母笑曰此女  
穎慧惜不是男八九歲時汝母教以寫字字卽成  
行教汝孝經大學卽成誦及十歲嫺女紅女紅之  
暇卽披閱閨範閨範者呂先生坤所輯賢女烈婦  
之行著像篇端汝有不解爲說一過不復忘苟及  
琴書皆畧知其意年十六歸陳氏汝翁中園公與  
我年家世好各知其子女聞汝之端淑爲其季子  
茂才承吉求爲婦于歸後翁怡姑懌閨內整靜歲  
時歸寧汝仲妹季妹肩相隨汝弟熙十歲能鼓琴  
妹弟數學春煦秋陰冬榮夏簞調音問字相聚爲  
歡紛我左右骨肉之樂藹然門內無幾時汝母病

歿汝痛失母卽以我兼母昊天降罰汝季妹將嫁而歿汝仲妹嫁三年而歿汝夙孱弱我淡念之且侍姑養子黽勉夙夜事事期盡婦職或時亦一病每向我言翁旣逝後望壻勤學以繩祖武無忘翁志至遭國變我潛伏西山聞汝奉姑挈子艱苦伶仃得免于難賊去家破隨姑壻還安肅故廬我時遠遁過安肅別汝汝牽衣而啼夜以繼日謂我曰父不去不可父去不能捨復與汝弟相持而泣哽咽語不成聲曰有姑在堂不得隨父行天南地北再見何時父忍捨之而往也我腸寸斷以義絕恩

卷九

六

迨流離南土年餘兩接汝書聲淚滿紙回首心摧  
復聞汝思我成病且以我故而壻數爲人挾路長  
夢渺幽痛沉寥武靜夜失聲或遠望當歸念汝無  
時幸得生還燕市汝以病未卽來弟往視汝汝聞  
我歸喜而病瘳誕于我破愁爲笑遣車迎汝此昨  
年七月也相見一痛驚汝形削汝曰產子而病逾  
月病增病將殆矣泣下不止我以尚可醫藥奏功  
也豈知續命之術不傳戕生之疾日變汝期小愈  
適歸牖下又以不能捨我爲念我以汝不全愈豈  
捨汝去經冬歷春病日加沉汝泣曰方幸父歸弟

卷九

一、

貴骨肉重聚我母雖逝庶母皆賢兩妹既亡兩妹復長而弟媳溫恭相與成歡庶幾彷彿當年一二而月夕燈宵庭前花側曾不得笑言一日何命薄至此猶幸得日見吾父而恨不得一見姑而歿爲不孝耳死後可遣价婦往告此意病勢漸危我勸飲藥汝泣涕曰已矣不復有生想矣惟不能捨父與弟也復囑曰我死不必久留七日九日卽望送我骸骨歸我陳家女今歸省父而死于家不幸莫甚無置我于正室大兒五歲可令隨其父歸依姑撫養次兒方數月而在乳媪手惟此心難放下耳

青箱堂文集 卷九 七

我曰且留養于此汝復泣曰賴吾庶母矣命婢取衣飾計含殮所用無不周備并以所貯小物分給弟妹下及婦婢惻惻悽悽慟乎數日來汝自知不牛而未卽死痛楚難持輾轉牀褥惟祈速亡之爲適惟呼我無暫離又慮我在公慟乎其解事循禮雖垂死而猶然也汝自幼至長在室無一慍色疾言及嫁而翁姑嫂叔問未聞有責議者待僕婢寬而有體和而多恩年未二十卽爲壻置一婢慟乎臨歿之日氣且奄奄執我之手頻頻呼我且曰父坐我旁看我氣絕倘有事去弟坐看我復歎曰大

不孝不能事父矣再呼弟妹以及尊卑長幼無不  
人與一言終無一亂語復呻吟曰人或言此時有  
所見我無所見惟此心苦難受耳命婢櫛沐整衣  
者再復呼我言難捨呼婿前曰作好人呼弟曰看  
外甥呼婢取鏡臥照之以手拭齒者再四目光漸  
落語聲漸微氣盡尚有所言人不能聽耳此順治  
丁亥四月二十日午時也汝生明萬曆庚申七月  
三十日寅時至今方二十八年汝今有知乎無知  
乎在此乎何之乎不能捨我何竟捨我乎嗟乎我  
年未五十而五年間哭汝季妹哭汝仲妹今復哭

汝且汝姊妹皆以弱疾亡悲今感昔哽慟增淚我  
將何以爲心乎三日來寢不知寐食不知甘惻惻  
如在雲霧中我既如此汝其何如乎慟乎今既殮  
汝行且送汝歸矣汝生不捨我死能捨我乎慟乎  
我不能捨汝而汝之自幼及嫁自病及死語言行  
事歷歷我心搢淚書之寫一通焚以示汝寫一通  
付婿記汝生平汝爲婦淑行我所不及知不及述  
者婿能詳之慟乎汝其捨我乎

書楊忠愍公奏草後

余初識字時聞友人談楊忠愍公抗疏之烈卽悲  
壯之亟覓其集讀之爲之憤悼不已迨天啓丁卯  
與公會孫存忠同舉于京兆且出一師之門益悉  
其餘烈更得讀其遺囑旣而我

世祖章皇帝欽命表其忠刻二奏以勵爲人臣者  
時存忠已歿其子聰福尊奉 上諭于舊集首簡  
附以遺囑重付梓人以永戴曠世之恩康熙丙辰

冬初越三百里過余草堂以一卷相示前圖公之  
像後列十罪五奸奏草點竄該詳竭慮畢誠真可  
動天地而泣鬼神忠壯之氣隱隱紙上未復綴古  
調四闕以舒未盡之盡問其諫馬市草本則其從  
子藏之余衰病餘生尚得瞻公手蹟雖老矣其憤  
悼之懷猶然六十年前也敬書卷末以志平生景  
企且以自幸存忠字念子卒于舉人聰福字德人  
以弟子員安貧守志無忝家聲云康熙丙辰十月  
七日宛平後學王崇簡敬書時年七十有五

讀魏子一忠孝實記書後

昔寇渡黃河尅太原京師戒嚴士大夫懷忠憤者  
據所見入告庶常魏子一學濂吳介子爾璫暨樞  
曹成玄升德金伯玉鉉憂形于色或建議募畿輔  
義勇或請青宮往鎮南服或捐金輸助城守閣臣  
范質公景文聞之當宁時召學濂爾璫等奏對余  
時以本生母喪給假營葬在籍得聞諸君子諮議  
朝廷未有定畫而賊勢日迫一日余過子一玉河  
邸中相視扼腕子一顧余曰子其行矣奉假出城  
設賊入城令子門署降字奈何子其行矣余唯唯

青箱堂文集

卷十

二

不復囑子一一語知子一有以處此也遂別三月  
既望余營葬甫就烽火徹甘泉矣遂之上方山避  
焉山去都城百有二十里夜望見火光尋遣役偵  
知城破帝崩仰天號泣因謂友人曰此子畢命之  
日矣而不能死死可輕責人乎旣而聞金鉉赴御  
河死成德闔室自經死范內閣景文李總憲邦華  
倪司農元璐施副憲邦曜太僕寺丞申佳胤皆以  
死傳而侍御王章磔于城頭死官允劉理順夫婦  
同縊死進士孟章明隨父少司寇兆祥死以至輦  
都尉張惠安劉戚晚皆闔門焚死而未傳魏吳兩

庶常死者余心知其欲有爲也迨余乘賊間携子  
女南奔始知二子者先約客城孝廉孫奇逢輩聯  
絡義勇赴難且聞青宮二王尚有存者是以不死  
期一得當也及義旅未集而賊篡位太子二王又  
不可得介子始遁而子一始死使子一不死去潛  
山澤以終其天年視不死而應仕者亦有間乃于  
一竟死矣誠以前欲有爲而不死至無可爲而不  
死是前之不死直欲不死也子一所以竟死也讀  
絕命詞示內寄友諸書不誣矣迨余捐親戚棄墳  
墓艱難而南者亦以旣失其死于前又不能得其

青箱堂文集

卷十

三

死于後方以不死爲愧而議者以子一之後死爲  
非夫若存與存君亡與亡千古正義等死耳或先  
或後不值其時不履其地未可輕議其跡也率土  
皆臣君亡與亡豈可獨責輦轂之臣耶或膺顯秩  
于留京或受重寄于封域或歷享厚祿退休泉石  
皆臣也義皆應死而死者幾人意欲有爲至不可  
爲而死者幾人况生而歸者纍纍子一死歸矣不  
責生者而責死者雖曰責賢爲春秋之義未足服  
其心也子一平生嫉惡如讐至不忍見或見不能  
容非同調相值落落人之欲報子一而無由者非

一日矣已倖覩然而生矣猶于其死而苛責之是可服其心乎故論子一之死當察其心不當責其先後之跡也藉故君之子尚存畿輔之義旅旋至則子一之不卽死亦或有當也事不可爲而終死非畏死也明矣况子一爲友謀而臧者其自爲謀也蓋亦審矣介子遁去幸有白其心而使終成其志者至志終不可成介子亦死愈可知二子者非畏死者矣憶三月之望余遇孟綱宜章明于長安道上綱宜顧余笑曰丈夫死則死矣何憔悴若是余直以相謔耳乃綱宜竟死余不能知綱宜之必死何異人之不知子一之後死乎綱宜之生而笑余者子一未必不死而笑其議之之人矣

書孫鍾元讀易隨筆卷後

先儒言聖人未嘗教人看易慮人先有一種奧妙之說余竊疑之聖人作易舉卦爻象象吉凶悔吝之義皆淡切著明於庸言庸行之間是人之動靜未嘗離易也人誠於庸言庸行一一體認所以盡性以合天者不外乎此矣申梟盟携孫鍾元所書讀易隨筆卷屬題展翫數四其發前人所未發明自切實益信聖人教人盡性合天之學原非奧妙其有功於經傳當不在啓蒙西銘之下因憶昔與鍾元晤言今餘三十年矣鍾元學與年進余亦老矣不免虛過一生書之以志媿

書請告諸疏後

王崇簡曰此紀余之所以退也退必緣於進故並其進而著焉余以給假治喪進士甲申春避寇奔遁順治二年假滿都門三年正月恭逢

聖朝考選庶吉士濫膺首選此余之始進也歷任檢討祭酒侍讀學士少詹事順治十年四月

御試詞臣在材堪外任之列仰遵

上諭年衰病弱准其陳乞部覆准照京官例在籍調理此余之初退也十一年正月內院公薦部覆仍遵前

青箱堂文集

卷十

六

古十二年春戴少司寇明說應

詔陳言以人才及之部覆病痊再議奉

旨王崇簡曾否病痊何以起用爾部何不議明還

着明白議奏部覆行察病痊以原官起用十三年

正月補授少詹事此余之再進也歷陞內國史院

學士吏部左右侍郎禮部尚書十六年

特恩加太子太保十七年秋患下血症先後四以

病請三荷溫綸十八年冬始蒙

恩准在籍調理病痊起用當時定例告病限三年

未痊應再行陳奏康熙三年余病已痊不敢飾請

乃引年乞休撫臣代題部覆以原官致仕蒙

恩予告此余之再退也詳具諸疏因牽聯其進而書之以永戴隆恩云

青箱堂文集

卷十

七



讀平孺人傳書後

世之以士君子自命者於所鄙棄之人恒指爲婦女流嗟乎婦女流豈無士君子之行者乎讀平孺人傳不能無感焉其相夫之言曰勤士恤民道宜兩存可爲有士君子之識以未亾人經營兩喪南歸可爲有士君子之才却醫信命可爲有士君子之守嗟乎世之人平居高自位置以士君子自命一旦有大夫之憂當報國之日輒有婦人所不忍爲者方自視爲得計已復縱辭以自解昂然談行義如故視向所鄙爲婦女者何如耶

讀張隱士貞義傳書後

古之隱君子非盡不得志于時者也巢許之不與夔契同功時有夔契斯可以隱矣若夫喪亂弘多蹙蹙靡騁斯時也欲爲隱也難矣雖然生之不辰廉節自勵賤窮困厄所甘心焉設躬夷齊之行視比比者皆跖之流也而責望其餉已豈有夷齊而食跖之食者哉嗟乎四海晏清耕稼以老讀張簡貞義傳可感矣禹見耕者五耦而式過十室之邑則卜爲秉德之士存焉有以哉

景物畧跋

予友于司直性慕幽寂閉戶荒園著書外一無嗜好惟好遊名山勝蹟都城二三百里間身所得至無不至者間有未至必訊之故老考之載紀搜奇探隱不遺餘力秋霜春雨之際策杖戴笠于巉巖幽壑間必我司直也如是者二十年年必有遊遊必有紀以至一物之足傳必爲著其端委歲時既久篇帙遂多劉同人自楚來寓其園中相與揚推考訂屬詞連類勒成一書其苦心積慮經營草創司直之功不可誣也世固傳其書矣或云其書爲金陵老生所著二子假覽而竊刻之噫是何傳之誣耶余與司直幼同里長同學日見其參稽考訂二十年而其書始成謀付剞劂久矣同人偕遊南國乃命梓人聞老生別有遊記二子曾藉爲考証其稿本尚存而可以誣二子哉二子往矣後死者如予知而不辨傳疑于後是則余之咎矣是則余之咎矣

跋計孝廉思子亭卷

吳門計甫草孝廉之子念祖才而殤甫草思之昧昧求之遑遑日月往矣作思子亭以寓無已之情汪戶部茗文爲之記米大令紫來爲之圖四方諸君子文以紀之詩以歌之久而集爲長卷持以示予屬爲之跋且云已聘朱孝廉旣庭之女自聞計素服長齋不下樓者餘十年而死甫草卜招其魂配祀家祠思爲立後應後者無人或以宗之幼弟爲之噫甫草情之所至有不得已者先王緣情制禮固有情之所鍾禮所不載者矣或云禮因情起卽創爲之未爲不可雖然極其情之所之所謂不以禮節之亦不可行矣禮女已婚未廟見而歿歸葬其黨以未成婦也以未嫁之女配未娶之子所云嫁殤者非歟若立後古人所重凡以爲其無後使之有後不審其應後而爲後必至變易終無後矣豈若待其應後者後之之爲可久邪嗚呼以情之不能已爲之配爲之後蓋欲存其人也揆之禮爲難行徒滋非禮之議是以情而存之今日者漸且以非禮而泯沒于他年矣何如直書其事以著之家乘載之邑志則子之才女之貞固可並存

于不朽夫苔文之記紫來之圖諸君子鴻文雅韻  
非所以著于千秋者乎予毫而無文甫草其恕之  
也

沈繹堂詩跋

古之風雅皆忠孝隱約之情而後之作者率多淫  
艷之曲驕侈之辭不則羈愁怨誹之音求其可以  
紹風雅之遺者難言哉繹堂潛心大雅削去苦澀  
辭碎淫靡流易而獨攄高深詠其雅麗清絕激越  
之章當必有以感興忠孝以黼黻盛世豈徒較音  
節角藻飾之間乎此予所以寤寐而儀式也世有  
知音當不以予爲阿私矣

吳六益燕京秋思詩跋

詩貫六義非讀書窮理于經史百家涉其津總其波亦安能諷諭抑揚淳蓄淵雅以掩抑于千秋哉曩讀六益詩筆徑酣掇功妙旨微知其爲錢志于六藝之道而得其淡者矣今讀燕京秋思諸作含思悲淒流情感慨茂碩而恢贍豈徒采陸謝之華殆昔人所謂讀其詩當知其意別有一事在者其上下今古囊括濶微有前不見古人後不見來者之恨當今之世擅騷雅之宗不能不歸之六益矣

張豫章詩跋

風塵荏苒我年友帶三先生間闊且三十年從河山綿緲三千里貽我一扇三公子各書一詩于上音調高秀筆畫各標勝境乃知張氏之多才子矣既而眉山老友以寄亭詩稿相示卽長公子豫章之作也冲容沈正雅麗可喜有章無留句句無留字之勢吟咏上下久之若別有得處明道先生所謂使人長一格者非歟因想見其人之風度當必超然人表迥與豫章晤言見其人如誦其詩書之以志老年樂事不知我帶三先生之樂何如也

孫北海退谷志跋

西山近在三十里內其間勝地零落于荒烟埋沒于榛莽者非人跡之未至卽至而無遠心幽契以發之雖在耳目前而不知也水源臥佛固予所時遊者未知其有退谷也卽景物畧所志亦未及之今得孫北海先生以顯此歐陽文忠所謂物不能自見有待人以彰者歟愚溪因子厚而名退谷待北海而著噫山水亦俟知已邪

襲聞予友于司直言天下大師墓策杖于金山口遠近十數里未得其處乃于黑龍潭前平原

廣畝之間禾黍旣登秋風落寞出一石碣題云大內遷出二棺之記芻書宛平縣令名無年月無封樹徬徨久之恨未能考所始也時崇禎戊寅九月今又二十年碣之存否未可知讀退谷志而益知古今人地之湮滅而無聞者豈少也哉

董宗伯書十三行卷跋

昔予以年家子謁董文敏公爲臨十三行數語並友人崔青蚓白描洛神裝潢成卷甲申寇變予潛文安僕輩自賊寨中拾往過固安縣北復爲土寇攫去迨順治甲午林石竺中丞自楚來輦下出以相示云任楚藩時人所貽也覩其姓字今以相歸嗟乎此卷失于百里之間迺流轉數千里復於十年後得之一物之微離合聚散豈亦有天數哉因勒石識之兼志林公盛意也

古本孝經跋

孫北海少宰手書古本孝經見貽云求之四十年今始得之不立經傳不分章第止十五條而前後次序井如久爲漢唐諸家所亂謹遵宋儒之刊定以復古經之舊按孝經今文最先出古文出稍後迨孔安國之本既亡而劉炫之本又疑爲偽故久不見于世矣至宋朱徽公爲刊誤凡章之次第文之異同皆用古文爲據以夫子統論天子諸侯卿大夫士庶人之孝爲經一章其雜引傳記以釋經爲傳十四章所謂古本孝經也王忠文辨之最著

青箱堂文集 卷十 八

歸太僕又以所去者是矣所存者未必純然孔氏之舊夫今文定于開元天子自注勒石謂之石臺孝經至于宋司馬溫公指解獨遵用古文詆今文爲新羅日本之偽書元吳文正又斥古文爲僞因徽公之刊誤多所更定嗟乎經籍之遺文諸儒掇捨于秦火之餘欲一一無謬于其初非孔子復生豈能定哉表章遺文不致軼失固學者之責也詩云古訓是式當爲北海頌之

題李長蘅畫冊

繪事有取予取則形象彷彿予則筆斷意含惟在氣韻勝耳舊聞李長蘅墨妙而未及見觀小幀冊蒼寒樸秀其爲取予之法何如非性靈廓徹者正未易證

題金瑞枝雁字詩三十首後

風人之旨博取諸物以喻志如鵲巢雞埒鶴臯鶴  
埒之類皆卽一端以寄興焉讀瑞枝雁字三十咏  
一物也而更僕不測或諷或怨或美或刺或歎慕  
或憂悲其端不一揆之風人之旨而無不合也豈  
徒永言之諧引類之博而已哉余無以贊一詞惟  
和而歌之曰離離鳴雁旭日始旦

題宋其武家藏米太僕尺牘冊

昔聞友石如園二先生交最篤其筆札往還諒不  
止此此其武太史收藏于兵燹之後不惟珍重名  
筆蓋爲存親之遺也若友石先生爲先君子書遺  
稿序遭寇變失去烟海茫茫不知流轉何所對此  
不能無媿

題孫北海臨米元章千字文

昔右軍同時有曹蜎李志亦能書以猥瑣世不與其書名黃魯直自論作書云觀世間萬緣如蚊蚋聚散未嘗一事橫於胸中是古今以能書名者必其胸懷曠逸方具超勝之致以傳久遠非墮落塵氛中人所能與也北海少宰坦衷浩落自謝政來十餘年日坐城南書舍左圖右史纂述之外惟喜臨倣古人法書不惟紅塵擾擾不干其胸次卽門內諸務絕不挂其齒臆間其人如此書法之超勝自足名一時傳後世余不諳書偶觀其倣元章千文法度之外饒爲神合因識其後以俟知書者

題夏瑗公遺像

昔讀夏瑗公制策慕其人而以未得見爲恨旣而定交于南宮應試時如舊識崇禎戊寅春正瑗公謁選來京師約同李舒章諸子宴遊萬都尉白石莊從此別去且三十餘年每過白石橋回想當年遺跡猶存借遊之人已不可見迨其女夫董令士來晤出遺像屬題瞻對再四無異白石莊宴遊主人可呼而起嗚呼後之憑弔夏考功遺事覩此如見其人矣



題嚴侍郎壽詩冊

日長至余燕息草堂友人陳子康侯貽以手翰曰  
嘉平既望爲嚴少司農顯亭先生杖鄉之辰雅不  
欲汎及祝嘏之文惟三數知已摘詞集小冊以翫  
娛得數言述敘交誼幸甚余衰年以詞章爲戒聞  
顯亭先生年亦六十不覺懷念昔日寄跡和村先  
生伯仲周旋于旅病之時余年甫逾壯先生方加  
弱冠數年耳曾幾何時余七十有五而先生亦甲  
子一週矣俯仰今昔三十年來耳目所經榮枯隆  
替之槩可勝道哉先生方爲

朝廷經營度支靖共爾位未可以杖鄉爲壽也且  
生辰爲壽古未之聞嘗考之詩云爲此春酒以介  
眉壽萬壽無期令德壽豈其以壽爲頌者未可一  
二數也歸震川先生嘗言士大夫致身于朝所當  
爲者人臣之事而可以盡人臣之事非壽考有所  
不能余則以詩之稱願于君子者曰邦家之光曰  
遐不作考其所以爲邦家之光者非壽考無以致  
之也至以爲龍爲光寓其褒美復以其德不爽壽  
考不忘致其勸勉之意若曰惟德之恒可以致壽  
之久也先生由此而杖于國杖于朝膺盛世憲老

乞言之典以爲邦家之光者正未艾也杖鄉豈可  
壽哉惟從諸君子歌頌燕樂之後談敘生平細懷  
嚙昔依然竊取二雅之詞以致意焉曰德音不已  
遐不作壽君子萬年景命有僕

題畫

昔人畫桃源田溪村屋出沒於山光雲影間而人物隱蔽其中山外一漁舟超曠可想因學其意以應元功之命

題友人小畫

古人筆墨之妙於法度外獨標慘淡微茫之致始爲超勝若此烟雲出沒筆端變化濃淡間想見胸次之宕逸豈必古人也

爲米吉士題畫

昔崔青蚓工于繪事而同社兄弟多不能得者吉士雖心艷而不甚急之迨青蚓已歿乃多方求其遺筆得其似者而喜其不忌故人之意豈徒好其畫耶

沈亞斗史論評語

軻用丹乃以自用說得軻有身分爲人用者刺客也自爲用則不得以刺客槩之軻之千載知已後人病相如因狗監進者設武帝讀子虛而不歎其不同時卽狗監何由言相如乎是知相如者武帝也然使狗監胸中夙未知相如一時口中亦何能說出畢竟相如有足可使人知者故君臣朋友以及婦人皆成相知又何疑於狗監耶

子孟之失不在無術在用術如署淳于衍勿論是不忍舉發妻顯邪謀而用術也至若聽顯內女入

官則爲術用矣

國家之有黨禍皆主德之不聰耳設是非明而邪正辨黨何由而盛乎君子小人必不可同類君子小人必不能無黨惟人主能用君子而黜小人久而無變則小人亦將化爲君子矣然國之有黨多由君子激成者小人之罪小人之所獨黨之罪君子小人之所同善乎其論之矣德裕終身以黨自累德裕應痛斯語

家譜

譜序

譜牒者古之所重也自氏族之學弗講其所以序昭穆別婚姻謹本支鮮習之者有問高曾而莫知其從來矣嗚呼予讀常棣而未嘗不流涕也雖有兄弟不如友生莊周亦云土壤有餘蔬而棄妹賈誼之言曰假父擾鉏杖耳慮有德色矣俗之敗也傷恩悖義可勝道哉則譜牒既廢人心漸滅也

青箱堂文集

卷十一

或曰古者有大宗而後有小宗譜牒小宗之法也

雖然小宗之法明期功總祖免原其從來皆本一人也知其所本而尊祖敬宗睦族之心不油然而生者尚可爲人哉尚可爲人哉

例義

譜牒所重者世次名諱之有可考也嗟夫王氏之可考始曾祖前此闕而不書以傳信也曾大父來自任丘任丘無祖彌乎傷哉前則未之間也聞之先大夫曰嘗稽之父老而無徵也無徵則尊卑疎戚不可知矣拜他人墓以爲祖識者譏焉

譜以明世莫重於世系子以下不書何曰後此豈吾所能知哉古者三世不修譜謂之不孝有襲而續之者其何窮歟

青箱堂文集

卷十一

二

世系既立名紀宜晰存惟書名歿乃書生卒妻並書焉妾則附見妻傳俾後之有考也

嗚呼歿者不可不著其本末故著爲內傳本末具焉則不離事實者近是故不遑有所忌

女有家矣何爲書曰書其所適之姓氏親親之義也故列爲外傳

世系

諱龍 子諱鏜 子諱爵 子崇正 子永祚

崇大 無嗣

崇光 更名 子勳

崇明 更名 子燾

諱愛 子崇簡 子熙

禎

然

照

燕

默

賜進士出身內弘文院編修門下眷晚生王勗頓

首頓諱

名紀

贈中大夫公諱龍始自任丘來京師贈中大夫陝西布政使司右叅政兼按察司僉事生年闕卒明嘉靖五年十二月二十六日葬西城關外坊畏吾村真覺寺北配晉氏生一男子

雙槐公諱鏜贈公子初贈奉政大夫戶部山東清吏司郎中再贈中大夫陝西布政使司右叅政兼按察司僉事生嘉靖乙酉八月二十五日未時卒萬曆甲申年六月二十九日午時葬贈公域中配戚氏生二男子一女子

錦衣公諱爵雙槐公子錦衣衛正千戶誥授昭信校尉生嘉靖庚戌年十月十三日子時卒萬曆庚戌年閏三月二十六日亥時享年六十有一葬祖塋西北一里配張氏封安人副焦氏生五男子一出繼五女子一未字卒

布政公諱愛雙槐公次子明萬曆壬辰進士歷官陝西布政使司右布政使兼按察司僉事兵備道誥授中大夫生嘉靖辛酉四月十四日申時卒萬曆戊申十月二十五日辰時享年四十有八葬祖塋配張氏封淑人子男子一女子一

崇正錦衣公子萬曆丁未武進士錦衣衛正千戶  
生萬曆壬申年二月初六日卒萬曆丙辰年四月  
二十七日年四十五葬錦衣公墓左娶潘氏張氏  
生一男子五女子

崇大錦衣公子順天府庠生生明萬曆丁酉年四  
月初十日卒清順治乙酉年十月二十五日年四  
十有九葬錦衣公墓右娶栗氏宋氏生二女子

崇簡布政公子娶梁氏

崇光更名來錦衣公子娶張氏

崇明更名崇節錦衣公子娶黃氏

青箱堂文集

卷十一

五

崇正子永祚生明萬曆辛亥年十月十七日卒清

順治乙酉年十二月十九日娶趙氏生一男子

來子勲娶周氏

崇簡子熙娶金氏劉氏董氏

崇節子燾娶高氏

崇簡第二子燾娶陳氏

崇簡第三子然

崇簡第四子照

崇簡第五子燕

崇簡第六子默

青箱堂文集卷十二

宛平王崇簡著

家譜

內傳

先世任丘人自子曾大父贈中大夫公諱龍始來  
都下來時孤身於阜城門外晉家戶外泣晉公見  
其好男子憐而止之宿晉公爲小賈能自存無子  
察公醇謹久之遂以女妻之亡何晉公亡公顧愈  
節儉以賣鹽爲業不飾僞以求利閭里多其不欺  
長者稱爲鹽王家又以治佛好爲善號曰王佛生  
子甫十九歲而公歿葬時地師見其穴中土色異  
曰後必有顯者以曾孫崇簡贈光祿大夫太子太  
保禮部尚書

青箱堂文集

卷十二

一

嗚呼子大父十九而贈公歿是以莫知族氏之所  
從來也大父諱鏗號雙槐娶于戚生二男一子一女  
子子嘗讀先大夫所爲公行實云公幼孤簞食糲  
食務先節儉習於佛嘗曰人皆可以爲堯舜亦皆  
可爲彌陀有詬訾至門者輒閉戶引避見遺金蹶  
其人還之鄉人誦義焉前以布政公諱贈中大夫  
今以孫崇簡贈通奉大夫內翰林國史院學士加

一級再贈光祿大夫太子太保禮部尚書

錦衣公雙槐公子諱爵號南松天性孝友讀書知大義黽勉先業強力審時家益饒布政公之不問理生力學以有成公之力也隸籍錦衣衛以勞績授百戶遇覃恩誥授昭信校尉歷陞正千戶東廠缺理刑權要之任人之所競掌厥陳矩賢璫也意屬公公力辭不就當布政公筮仕潞安推官時差服一切取給于公故人稱王青天但飲潞安水耳與布政公敦兄弟之好鄉人皆爲感化布政公四十無子以子子之卽視之如從子惟慮人識其爲

青箱堂文集

卷十二

二

已子也後布政公一年卒享年六十有一天啓間工部郎中嘗熟陸公化熙爲之銘配張夫人副焦夫人子崇正崇大崇光崇明崇光更名來崇明更名崇節其出繼者卽崇簡也崇簡遵移封典例順治八年移贈公朝議大夫國子監祭酒十四年移贈通奉大夫內翰林國史院學士加一級十八年移贈光祿大夫太子太保禮部尚書

布政公雙槐公第二子諱愛字仁甫號涇谷萬曆戊子舉人壬辰進士授山西潞安府推官遷戶部主事員外郎郎中再監兌浙江漕糧督餉遼東三

青箱堂文集

卷十二

三

年節省餉銀二十七萬奏最擬陞京卿力辭部上其績命量加二級以示優異後有節省數多著爲令見神廟實錄遷陝西布政使司右叅政兼按察司僉事備兵鄜州尋改靖邊火酋犯順偕總兵杜松斬首二千七百餘級一日按部突遇虜騎數千闖入從者欲引避公命直前虜見之皆下馬羅拜去人方之郭汾陽三年考績誥授中大夫贈二代如其官加右布政使尋卒萬曆戊申十月二十五日辰時也年甫四十有八此則載在誌銘仕籍可考者猶記自鄜州移靖邊移定邊移花馬池復還定邊時攝五道篆蓋以積勞成疾一月而逝云病時召子曰爾今七歲矣能讀書作秀才俾人指曰某之子吾瞋目泉壤矣復以指畫膝上目吾母曰兄尚無名可名崇簡更屬母曰擇婦須于讀書家因署一紙曰某屋某田爲崇簡母子衣食業付吾母蓋以平生無私藏此則積俸所置耳吾母泣子亦泣左右皆泣嗚呼痛哉其能彷彿者如此餘則茫然矣爾時同里方伯劉公餘澤爲之狀閣學方公從哲爲之銘後十二年崇簡請于董文敏公其昌表墓之石又十七年詹翰黃公道周爲銘于

家廟舊有遺像甲申毀于寇父哲面秀目多鬚景每晨升堂予隨之行手撫子頂而前鬚摩子眉額間也嗚呼崇簡今仕

### 國朝三遇

覃恩初贈朝議大夫國子監祭酒再贈通奉大夫內翰林國史院學士加一級今贈光祿大夫太子太保禮部尚書

崇正錦衣公子號中寰三科武舉中萬曆丁未武會試授京城巡捕守備以疾辭襲錦衣衛百戶掌司篆尋陞副千戶當錦衣公布政公相繼歿持門

青箱堂文集

卷十一

四

戶教諸弟惟公是賴性剛嗇于財雖親戚必較錙銖家舊任人爲賈凡以衣物質錢及以錢贖衣物皆註其目目不清則詭而傷財冬夜覈其目使諸弟讀書其旁燭見跋乃罷嗜酒在外雖大醉不與人忤入門則謹嗽矣迨陞正千戶顧諸弟曰銘旌可書武德將軍矣旣而以疾終年四十有五娶潘氏張氏生一男五女

崇大錦衣公次子字化之中虛其號也生時雄鷄飛于旁故小字曰鳳十七歲爲秀才二十歲中寰公歿卽任家政事嫡母盡孝敬訪嫡母再從兄及

潘弱弟孤甥黃之業咸恤養之爲婚娶以嫡母之念女也分屋與之姻閭稱其厚性寬柔不善生節好宴逸飲酒每輕裘華衣跨一驢馳走長安道上或醉平康家與公侯貴戚相頡頏時神廟季年天下承平久士大夫尊重一青衿亦發揚如此斯可以觀世矣京師有僉商之害家少裕多不克免予家名素封先大夫歿且久矣諸少弟學未成七八年間不至顛蹶者皆一青衿覆蔽也天啓間四方多事援兵逸而爲盜家在阜城門外一夜大盜至公踰垣避去已而聞幼弟被執卽挺身呼盜以

青箱堂文集

卷十一

五

世賈所積三千餘金與之由是家日落先是錦衣公布政公共火而炊布政公以出仕故自爲食布政公歿時遺筆以某屋某田與崇簡母子爲業者張夫人持視錦衣公公曰吾子多夫人不復言爲粥釵釧買屋數椽收居停之利以自給錦衣公歿中寰公嘗曰無不散之筵席蓋欲析箸而未果也公諱言之至是諸弟各有室家用益繁又不知經營始各爲衣食而舊業已衰耗矣公三應鄉試不令家且貧不得意益縱于酒初以卜先人葬地精地理陰陽家偶爲人相埋數奇中又不索錢但飲



酒耳於是埋家咸具醇酒請公日日醉歸清順治  
乙酉四十有九歲卒娶栗氏生二女繼宋氏公歿  
而改適竟無後  
永祚中寘公妾張氏生幼孤妮妮謹訥及諸叔分  
產後衣食其所有所有盡則計無所就迨後遭鼎  
革遂不能存活與繼嫡母張氏間月死傷哉娶趙  
氏前卒生一子

內傳

晉氏贈公配生年關卒隆慶五年十一月二十日  
贈淑人與贈公合葬徽音遠矣後嗣何述焉曾孫  
崇簡恭遇

覃恩贈一品夫人

戚氏雙槐公配予讀先大夫所述遺行猶得概見  
夫人性哲敏事上逮下爲一鄉婦儀先是贈公恒  
以雙槐公終鮮兄弟爲念旣而閭內斬斬不素喜  
曰吾家得賢婦其興矣偕雙槐公終身不肉食蓋  
自贈公兩世長齋云生嘉靖戊子年十二月十四  
青箱堂文集 卷七 七

日戌時卒萬曆乙酉年正月二十八日亥時合祔  
祖塋生二男子一女子初贈宜人再贈淑人今以  
孫崇簡贈夫人再贈一品夫人

宋氏雙槐公側室聞之予母曰予父幼讀書深夜  
必治女紅以導之父至其墓必拜墓在祖塋西南  
數十武

張安人錦衣公配以錦衣公封安人敦厚樸質謹  
出納不濫棄一物生一男子二女子撫庶子如已  
出年六十卽以家政屬焦夫人日端坐念佛享年  
七十終天啓壬戌七月二十四日巳時生則嘉靖

癸丑三月初四日未時與錦衣公合葬後三十年  
崇簡移贈恭人又五年移贈夫人又五年移贈一  
品夫人

焦夫人崇大來崇節生母崇簡本生母也賦性慈  
惠結家務甚習所爲縫紉格養滌澣皆有條理錦  
衣公歿年甫三十撫教諸孤勤劬特甚諸孤不善  
治生家中落補湊艱辛有諸孤所哀痛而不忍言  
者迨來舉武進士筮仕杭州奉夫人往尋罷僑寓  
泰州來赴補崇大崇節舊在京師夫人以疾終諸  
子無一人視含斂天乎痛哉及聞訃崇簡甫釋褐

青箱堂文集

卷十二

八

而夫人不及見矣夫人生崇簡二歲卽出繼猶憶  
幼時雖日見夫人夫人未嘗以爲已所生子也此  
尤人之所難哉生萬曆戊寅五月十四日巳時卒  
崇禎癸未七月初六日申時享年六十有六癸未  
十二月視歸甲申三月十七日以寇變權厝錦衣  
公兆內順治乙酉清明附從錦衣公穴焉崇簡移  
贈恭人夫人一品夫人

某氏者錦衣公側室生一女姓氏生卒闕

張夫人布政公配錦衣衛百戶張公爵季女是爲  
吾母母性端明恭慎生一男子不育生一女子廣

置侍媵生男子者二人皆不育予二歲母隨予父  
自遼東督餉歸始入門家人引予問誰爲若母子  
卽攀母衣曰母也母也母撫育劬勞不欲人言爲  
嗣子追母歿時予尚不知爲嗣子也父盡瘁關中  
予甫七歲母從風雪水霜荒途冷驛中提抱顧復  
歷三千七百里越月扶輿歸卽食蔬禮佛時述父  
遺訓顧予而泣予幼多病予病母病予愈母愈嗚  
呼痛哉昊天罔極此予每懷而不知涕泣之交頤  
也雖極憐惜而督教不少借使一僕隨就外傳言  
動必告少不謹母卽不與言予長跪泣涕必察其

青箱堂文集

卷十二

九

省悔而後已予十三歲兄崇大應童子試亦欲試  
母以學未成難之及試見黜母持之泣逾年而母  
見背矣迨予二十歲尚未得列名庠序使母在者  
將何以仰對也嗚呼母在而予必不至二十歲學  
尚未成也母生嘉靖辛酉九月二十八日卯時卒  
萬曆乙卯三月二十八日子時享年五十有五與  
予父合葬予時年十四越數年以外舅中丞梁公  
應澤所爲狀請銘於相國蒲州韓公熿母初封宜  
人再封淑人今稱夫人以子官贈也前贈恭人夫  
人復贈一品夫人

庶母順義人自幼爲吾母媵不知其姓氏家人以吾家之姓呼之生一男未育性直質不隨人爲阿諛事子父母甚修謹予四五歲晨起爲盥櫛向父母揖坐其側誦千家詩有遺忘輒從旁提命之予父逝予母念佛亦念佛母歿予始十四歲扇篋鑰戶以及朝齋暮鹽經理嚴密卽予不得輒用一錢時稱說先人往事相勗勉予夙多病視藥餌調飲食不知有日夜也先是母歿大兄疑有厚藏欲檢遺笥忌庶母持之頻以無禮相加庶母顧予曰五十歲老寡婦忍而不死者異看爾之成立也今何

青箱堂文集

卷十一

十

堪相持而泣及予有婦門內事猶倚辦焉丁卯子舉于鄉庶母喜數黜於春官又沾沾望之崇禎乙亥年六十有八突得喘疾越日而終十月二十七日寅時也嗚呼體先人恩勤之意撫予不啻所生未獲一日祿養予所以興言而哽咽哉潘氏張氏蔣氏高氏俱布政公侍媵潘五十二歲卒同王葬先人兆東百步張生一子不育及蔣高俱改適潘氏中寰公配父以貴雄於時柔惠有婦儀能不妬忌中寰公待諸弟嚴調劑補救之力爲多其律已蒞事取法從姑張夫人年甫四十以疾卒卒時

呼從姑之聲不絕於口生於萬曆 年十二月

三十日卒於 年三月十四日

張氏中寰公繼室爲婦餘二年中寰公卒生二女既而家產凋落艱辛單寡秉志不渝蓋亦賢矣明萬曆 年八月十七日生清順治丙戌正月初六日卒與潘氏俱祔葬中寰公墓所生女一在室卒 適人妾文氏生二女卒張氏生一男撫某氏所生女中寰公歿時年二十今六十

梁氏中虛公配萬曆壬午舉人汶上縣知縣可仕次女年二十五卒時天啓辛酉二月二十八日與

青箱堂文集

卷十一

十一

中虛公合葬生二女繼宋氏改適妾趙氏生一男不育先卒

梁氏子配也撫治鄖陽右副都御史贈兵部右侍郎應黎公應澤第二女萬曆壬寅閏二月十八日丑時生生與予同年先予八月十六歲歸予不逮事舅姑事兩庶姑終身無間言時迎養本生姑姑嘗曰惟出繼婦孝性端慧知詩書習勤儉予性躁妄佐以和婉靜默甫二十爲予買妾子女五六歲卽教以孝經女紅三十八歲以積勞成病病十月卒崇禎己卯十月二十三日卯時傷哉予三十八

歲前閫內事無一經意三十八歲後閫內事無一如意其賢可知矣詳具行實中生四男子存者照生五女子一以痘殤三適人一將聘卒予三逢

章

恩應贈恭人夫人一品夫人以移封受男照贈孺

人淑人夫人夫人歿予不忍為其繼也治巾櫛有

人焉趙氏即淑人二十歲所買妾淑人在時產男

一女一男不育今產三男熈然照田氏年十五歸

予尋遭寇禍流離相偕萬死一生天啓丁卯十月初二日子時生年二十有二順治戊子七月十二

日卯時卒產一女周氏十五歸予生于崇禎甲戌

青箱堂文集

卷十一

三

年五月十五日子時卒于順治癸巳十二月二十

七日丑時年二十先撫照為子產二男燕默今以

黃氏為慈母

張氏來配萬曆癸卯舉人寧陽縣知縣張子恭女

萬曆 年四月初四日生崇禎庚午年八月十

二日卒生一子

趙氏永祚配順天府庠生趙國賓女萬曆 年

正月初八日生崇禎 年六月二十三日卒生

一子

金氏熙配明萬曆戊午舉人汀州知府顯名女壬

辰進士戶部主事汝升孫女兵部車駕司主事諡

忠慕之妹娶汝月值寇變隨熙流離兄鑑寓丹

陽往依之尋避亂餘杭道病歸至姑蘇卒于舟中

為順治乙酉八月二十五日生明崇禎己巳年

月十八日贈孺人再贈淑人夫人

劉氏熙繼配明上林苑監監丞可徵女清丙戌進

士內翰林檢討澤芳之妹明崇禎壬申年八月二

十九日生清順治己丑年二月初六日卒生一女

本育

青箱堂文集

卷十一

三

外傳

及笄未嫁者雙槐公女錦衣公妹布政公姊也幼時呼布政公爲白面弟姊弟之誼甚篤聞之吾母云葬祖塋西南

適張脗者錦衣公女張安人出脗監生大平知府大化之孫壽張主簿國維之子生二子廷瑞儒士仕

國朝光祿寺署正贈安人廷珮明天啓丁卯科舉人卒

適張軫者布政公女張夫人出軫貢生萬曆庚辰青箱堂文集 卷十一 十四

進士辰州知府汝賢之子

適蕭 者錦衣公女張安人出 庠生二十歲守節至五十 歲卒無子

適黃國柱者錦衣公女側室某氏出國柱監生改管屯指揮生子之業甫墮地而母卒

適張伯琛者崇正文氏出伯琛庠生貢生軫繼室之子

適徐某者崇正文氏出

適于之挺者崇大女栗氏出之挺順治己丑進士卒於湘潭知縣

適霍某者崇正文張氏出

適栗某者崇正文某氏出栗明錦衣衛百戶

適陳承吉者崇簡女梁氏出承吉貢監壽州州同

錦衣衛堂上僉書左軍都督府都督僉事居恭之子萬曆壬辰進士國子監博士萬策之孫

適張弘俊者崇簡女梁氏出弘俊順治丁亥進士

內翰林編修東亮道泰政明天啓丁卯舉人永禎

之子贈孺人生一子鑛

許聘朱持正而卒者崇簡女梁氏出持正庠生天

啓乙丑進士巡撫宣府右僉都御史殉節朱之馮

青箱堂文集 卷十一 十五

子

適米漢雯者崇簡女梁氏出漢雯順治辛丑進士

貢生沐陽知縣壽都之子太僕寺少卿萬鍾之孫

適張弘佐者崇簡女趙氏出弘佐庠生弘俊之弟

生一子

適朱蒞者崇節女黃氏出蒞順治乙未進士金壇

知縣

適孫道林者崇簡女田氏出道林吏部左侍郎承

澤子

王崇簡曰子譜先世亦髣髴古小史之遺意俾數傳而下不至藐不知爲何人而已嗟夫吾祖吾父三世四人至予兄弟行始五人何以譜爲雖然祖父以來三傳耳求其嘉言懿行已不能究其詳生卒歲月亦且有所遺矣今弗圖後嗣欲知先世而無可考誰之過歟追述啓佑之原俾知樹善源長以覆燾後人者孝敬之本儉勵之方蓋有不可忘者矣嗚呼習見目前不念先世予甚悲焉

王崇簡修

順治十八年歲次辛丑仲夏太子太保禮部尚書

遺稿續刻

何綦音疏稿序

何綦音先生輯其爲御史時奏疏成稿以手書致予曰年來碌碌毫無建豎惟疏稿數篇存以自考不敢他乞引升惟望賜之品題以申二十年來折衷有道之志予衰疾困頓未能屬思然念與先生交久矣先生歷晦明如一日子實心折于先生義不可辭又不敢不以情告一日與客談及客言奏議隨事納忠則已若輯之以傳則昔之焚稿者又何以稱焉予謂昔人焚稿不一固不可概論但國家設立諫官原期直言無隱上以感格君心維持國是其嚴氣正性出爲讜論俾宵人潛消默奪於無跡古人所謂治世之事也從來名臣諫草流傳久遠卽其言用之當年與不見於行事而忠君報國之思千百年讀其書猶得而衡論之昔唐太宗嘗召史官曰凡上書言事詞理切直者朕從與不從皆載之此足爲千古法宋蘇文忠則以唐陸宣公奏疏進御以爲聚古今之精英實治亂之龜鑑是奏疏之見重于歷代亦視其言何如耳豈盡淹沒不彰之爲定論歟客曰宣公奏疏人爲之傳也

予曰使非存之當年何以傳之後世况存之以自  
考是亦君子自治之道也客去因述其語質之先  
生敢以無倫脊之言爲之引弁哉

李俶元八十壽序

人之膺遐齡而多景福者雖得於天者厚然未有不本於人之所行者董子曰其行可久者其壽亦可久此知本之言也世之爲養生之說或注意於葆真攝氣以圖長生竊觀自堯舜禹湯文武至於周孔其仁民育物之心蓋無所不至苟有可以長生者亦何惜以示人乃聖賢惟以勵行爲事養生卽在其中誠能凜人心於危明道心於微精以察之一以守之則神住氣住精住而所謂長生久視之理不外此也如我俶翁先生之行可以知其可

世楷模恭遇

聖朝敬歷中外其行之最著聞者督稅務而急公貪兵憲而守正以矢直指意退居林下優悠自得於族黨親識之交一以厚道自處雖飲酒不多而喜與人飲有棋一枰則不舍晝夜疎簾夏雨雪屋青燈陶然怡悅三十年來如一日至嗣君爲令尹爲州守爲郡丞惟勉之以廉儉數爲迎養皆不往年登八十飲食如壯年時先民有言人之長生者以其心行神閒而不拂氣邑而不闕冲融圻合其生

日新雖百歲其有量乎予昔與先生同登鄉試榜於今且五十年予又爲先生嘗企先生之行而知其可久竊媿鄙陋年來以二子履任離懷抑鬱若先生嗣君太守公遠在天涯音問杳然先生曾無戚戚之容向人時以達觀相勗予欲學之而未

能蓋先生之行有人之所不能及者矣今值八十二誕辰敬摛詞以爲先生壽不徒藉三多九如之頌寄望于意表所不可知惟述先生可久之行壽考

惟祺子孫振振惟其有之者以爲祝先生必欣然

舉子一觴矣

青箱堂文集

續刻

四

題袁杜少南苑紀事詩

詩尚奇過於險非奇也詩貴致過於巧非致也杜少南苑紀事六十四首奇則峭聳霜崖峰橫海岸致則柳下風來桐間露滴衰病之餘吟諷數四怡然忘憂聊卽鄙見之所及以舉似之愧未能窺其與交揆之王仲初官詞百首不足專美于唐矣

青箱堂文集

續刻

五



六君子帖跋

戊午二月二十三日

真定梁僉憲慎可先生秉義蹈節爲世模範審  
所以交已慎已所以交人與當世諸君子交如高  
邑趙忠毅太宰應山楊忠烈副憲平湖朱平涵閣  
學上虞倪文正司農漳州黃石齋宮詹常熟錢牧  
齋學士相與維風化砥名行非如世之睚眦附影  
徒以爲情好而已者余昔辱先生不棄間覩諸君  
子筆札之一二先生乃輯爲六君子帖以志久要  
嗣君葵石少宰重先人之遺越千里屬跋于余余  
衰年抱疾書籍多疎閱此帖不覺欣然捧誦再四  
青箱堂文集 續刻 六  
嘆其所推獎勗勉于數行片札之中者名義昭然  
皆足爲交道法語云不知人視其所交六君子之  
所以交先生與先生之所以交六君子其卓然之  
風烈亦可概見後之覽者必有仰止于百世下而  
興起者矣嗟乎予風景企諸君子亦有一日之交  
者撫視回翔今昔之感可勝道哉

法公子小傳

戊午六月十六日

法公子名楠字荆南膠州法太史若真第八子也  
生而韶頴氣宇俊爽讀書英敏邁其倫輩早失母  
育於繼母法太史最憐惜之宦遊所歷輒令隨侍  
出入逆旅風雨晦明凡所栖息承色笑辦饗殮調  
藥餌無不竭力然體素瘠善病太史禁之不得誦  
習因以餘閒爲繪事工若天成更善于寫菊恒得  
意外生趣客冬爲予寫數枝予於衰疾之中覽之  
不覺逸興勃然復囑爲二三小幀方期晤言於秋  
一日卒于京師邸舍康熙戊午五月十七日也  
青箱堂文集 續刻 七  
甫二十有五娶張氏生子四歲矣太史慟悼不已  
屬爲小傳嗚呼季子之號羸博卜氏之慟西河賢  
人君子處此亦有未能自解免者太史之不能已  
於懷豈爲過情哉夫父母之於子其依依至情常  
不忍捨然自出就外傳迫於干名希進仕宦則賢  
勞王事以義掩恩遙望白雲依依定省亦其夢中  
境耳求如孩稚之牽衣繞膝何可得乎太史獨得  
與其少子形影相偕晨昏不廢十數年如一日而  
忽焉永訣宜乎太史慟悼之無已也生有子霄拂  
雲之姿而歲路短折孰知夫昔之淡恩重惜等幻

於電石火是可哀也予與太史三十年老友雖  
當遲暮神思恍惚筆墨久荒諒不可辭聊述其概  
並論世之鮮能恒依子舍者以達其悲

楊商賢遺集序

戊午九月二十八日

施矩齋先生奉 召來京師過予草堂談次以楊  
子商賢詩一卷顧予曰此楊子遺詩類徐君州來  
哀次成帙幸賜弁言更祈惠以所存篇章語未竟  
雙淚盈眸哽咽不成聲予不禁悄然而悲嗟乎交  
情如此殊無愧死生矣楊子與予生同里閭少子  
十歲相知久而定交殊晚楊子清英超逸博雅天  
縱然不濫爲著作作見世之扳援寄贈以飾交藉者  
心竊鄙之故吟咏甚少與予交甫餘十年而寇氛  
崩迫遂烟飛雲散予流離於南而楊子棲遲於北

迨予歸而楊子則客江寧江雲燕岫相去三千里  
雖音問時達而三十年來楊子一再至故里爾晤  
言道故其寄懷激揚抒情遐邇未數數見也卽其  
久寓江寧人文鱗集之地其所唱酬惟州來二三  
君子餘亦寥寥州來輯其遺篇雖復不多亦足以  
傳矣昔人之詩最少者如謝朓何遜以及劉春虛  
何嘗以多而始傳哉予年入衰遲志意惆恍欲贊  
一詞愧不能成句所可自慰者昔屬金副戎抱一  
經營其葬今得先生銘其墓序其詩嗚呼一死一  
生若先生之於商賢可以見交情矣乃錄所存文

四篇詩五章以復先生

青箱堂文集

續刻

十

答沙定峰

詩詩文於今日已盡于足下各頌嘉一書矣讀足下詩文何能贅一詞惟是詩文兼至古鮮其人何兼擅其盛雖小令亦別具逸韻非第讀萬卷書寔其才識出萬卷之上始能用萬卷而不爲萬卷用也玩誦經時不欲暫捨又慮久留若漫以置之者敬璧容次第假錄想見讀史大畧必有千古未發之秘幸以一二間賜教嗣續求覽何如東堂兄經學鴻文及簞上詩何其與足下韻之韻之孰先孰後以未獲多見爲恨自幸老年一旦得二良友亦餘生快事比以偶恙晉謁少遲殊不自安乞致堂原之是荷僕老矣雖欲強學不免爲駒之謂輩初學識字豈能當大匠繩尺當祈正其步趨勿踏旁徑知所向往足矣容令虔謁未旣

青箱堂文集

續刻

十一

答沙定堅黃白歌辭

僕幼而失訓老而寡識惟以躬行實踐自勉但覺  
啓口動足皆未能踏實地拜教增其惶恐耳至若  
所云此是應然平常事吾兄以此相獎勸不免爲  
混沌盡眉矣讀大篇却喜得所未見卽子美集中  
亦未曾有况其他乎拙作久擬請正容繕寫求定  
歲輔詩舊刻向來尚未呈覽耶附博一粲

年譜

宛平王崇簡著

王寅

先世直隸河間府任丘縣自曾祖考來京師  
贅於晉氏遂爲宛平人生祖考雙槐公公生  
錦衣衛正千戶南松公誥授中大夫陝西布  
政使司右布政使兵備道涇谷公兄弟友于  
至篤錦衣公張夫人暨副室焦夫人皆已生  
男布政公年四十尚艱於嗣兄弟相約焦夫  
人再生男卽過繼爲子萬曆三十年壬寅十  
月二十七日卯時焦夫人生子於阜成門外  
夕月壇禮神街北祖居時布政公督餉遼東  
乃乳於陳媼以待

癸卯

二歲甫能言布政公督餉歸諸夫人會一堂  
有問予誰爲爾母予卽牽布政公張夫人衣  
呼爲母遂抱育爲子恩斯勤斯願我復我不  
知者不知非所生也命小名曰文

甲辰

三歲隨父任陝西叅政鄜州兵備道

乙巳

四歲母口授千家詩成誦隨父移駐靖邊公署

丙午

五歲每晨揖父母前誦千家詩父出堂令門役抱立於側習見屬員進退儀節隨父移駐定邊署第

丁未

六歲習字於母側隨父於花馬池怡所

戊申

年譜

二

七歲是年父考績誥授中大夫贈祖父考妣如其官加右布政使兼攝鄜州靖邊朔方河東河西五道篆以勞瘁致疾疾間命予名崇簡未及一月終於定邊治所時十月二十五日也母夫人提携撫卹從三千七百里冰雪載途扶輓歸歲暮抵阜成門外舊第先是未析箸迨父履任始異爨於是分院而居錦衣公呼予為姪焦夫人雖朝夕見並不以子視之予既長尚不知為繼嗣云

己酉

八歲是歲春葬父於祖塋之右父母夫人合

就外傳從謝先生授孝經詩經

庚戌

九歲春錦衣公捐館舍

辛亥

十歲從通州生員何先生讀四書秋患疹後痢幾殆母夫人憂卹至廢寢食

壬子

十一歲母夫人教之甚嚴憐之甚切不令塾師加笞責以養廉耻

年譜

三

癸丑

十二歲從山陰監生裘先生學為文伯鸞潘氏卒服小功

甲寅

十三歲欲偕仲兄應童子試夫人以學未成止之泣請阻於府試

乙卯

十四歲二月病疫方愈三月母夫人染時疫垂危予告天祈以身代至二十八日終予幼弱無知哀毀中傾母夫人積資合葬父墓家

政賴庶母持之

丙辰

十五歲伯兄卒服大功

丁巳

十六歲春偕四弟張甥讀書功德寺學作詩

古文尋歸息機園服闋萬曆乙未進士山西

平陽道按察司副使梁公應澤女歸於我是

年授業於諸暨貢生俞起龍先生

戊午

十七歲讀書息機園應童子試未錄梁夫人

年譜

四

生女秋得交歐寧孝廉陳公國鑰都門年家

孝廉金公顯名始知問學求友

己未

十八歲梁夫人生男請母夫人墓誌銘於韓

濮州閣學曠父壬辰同榜也冬男女俱以痘

殤

庚申

十九歲春偕山陰胡瀛海先生讀書衍法寺

問業於司業張侗初先生先生課諸及門拔

識之秋從漳州貢生黃斗南先生讀書息機

園是年梁夫人生女

辛酉

二十歲從胡先生授書於朝天宮書舍應童

子試復遺秋延晉江孝廉吳賡明先生讀書

衍法寺冬從吳先生暨都門孝廉金公顯名

李公方春周公官徽州許公啓敏課文於摩

訶庵是年春梁夫人生男願爲我納妾趙氏

壬戌

二十一歲春讀書高梁橋地藏寺五月遇寒

疾至秋方起七月有張太夫人降期之服

年譜

五

癸亥

二十二歲以應童子試受知於督學御史左

公光斗始列名順天府學附學生是年值盜

警卜宅於阜成門內金城坊街武定侯衙衛

仍兄弟分院同居

甲子

二十三歲科試充增廣生求先大夫墓表於

太常少卿管司業事董公其昌梁夫人生女

秋應鄉試下第

乙丑

二十四歲

丙寅

二十五歲梁夫人生女

丁卯

二十六歲六七月讀書香山來青軒應順天

鄉試中式第十三名爲詩一房中書舍人武

昌彭公祖壽首卷正主考侍讀仁和徐公時

泰副主考侍講淄川孫公之獬

戊辰

二十七歲下第梁夫人生男熙九月移居阜

年譜

六

成門內朝天宮西向北兄弟始異居

巳巳

二十八歲冬都城戒嚴

庚午

二十九歲讀書黑壇寺八月四弟妻卒服小

功十月男顛十歲病殤

辛未

三十歲下第

壬申

三十一歲構樓於宅後讀書其中宋給諫致

名以勝引時來相唱和

癸酉

三十二歲梁夫人生男翼兒冬讀書朝天宮

甲戌

三十三歲下第長女歸於陳文學承吉錦衣

衛都督僉事居恭之子壬辰進士國子監博

士萬策之孫梁夫人生女

乙亥

三十四歲趙氏生女八月庶母潘卒九月幼

男翼鵠十月庶母王卒有以所居不利者十

年譜

七

二月陳都督假居於太僕寺街

丙子

三十五歲春讀書功德寺夏讀書衍法寺冬

讀書顯靈宮是冬四弟來武鄉試中式

丁丑

三十六歲下第移居於金城坊街王府倉衛

衛弟來成武進士授官錦衣衛千戶

戊寅

三十七歲

巳卯

三十八歲弟來任浙江鹽監旗鼓中軍奉焦太夫人往梁夫人自正月患病至十月卒十一月葬於祖兆之側梁夫人賢而有禮閭內之務調理咸當二十二年予並不經理迨其歿予始知拮据之艱病革囑予娶繼室予感傷無已矢不復娶

庚辰

三十九歲下第三月省焦太夫人於弟來杭州任所七月歸仲女子于丁卯同年張公永禎長子文學張弘俊張公卒時弘俊八歲孤

年譜

八

耳予哭次卽以仲女許之內閣中翰王公鍾龐聞之遂定交是冬納妾田氏

辛巳

四十歲二月感寒疾誤於醫眩暈絕而復蘇者三

壬午

四十一歲春夏讀書摩訶菴兒熙應童子試梁京兆雲構面試以進士期之遂首列弟子員冬讀書慈因寺十二月趙氏生男賴是年爲先大夫求誌銘於官坊黃先生道周時方

以建言出獄撰於雙河菴客舍

癸未

四十二歲春讀書慈因寺會試移於八月四月第三女許聘宣府巡撫朱公之馮男文學持正納徵有日病卒五月讀書摩訶菴六月讀書翟中貴園亭八月會試中式第一百四十五名詩二房中允韓公四維大學士陳公演魏公藻德爲正副主考殿試三甲二百八十二名戶部觀政先是焦太夫人在弟來任中缺裁僑寓泰州來赴補京師太夫人卒於

年譜

九

泰州聞訃給假治喪資遣弟來迎柩十二月來扶輓歸暫厝塋西雙林寺是秋適張弘俊女卒

甲申

四十三歲先是爲熙兒聘汀州已故知府金公顯名女兵部主事鉉之妹也二月寇氛日迫主事君勸成嘉禮三月十六日以焦太夫人柩厝郊寺慮及兵燹出城權葬錦衣府君兆中表弟張聖道及熙兒隨行遇黃孝廉鼎於城外偕至摩訶菴十七日葬畢欲入城門



不啓矣遂過摩訶菴老僧廓然偕避上方山  
午過良鄉十方院晚宿孤山口僧舍十八日  
趨上方山地藏殿趙中貴留宿十九日寓淨  
業菴山之高僻處也家僕張炳陳志登摘星  
陀遙見烟火遂探至良鄉縣北傳聞都城失  
守二十日復遣前僕至城下二十二日僕來  
始聞十七日寇攻都城十八日破外城彰義  
門十九日城破

崇禎帝縊崩相持號哭浙人張嘉生爲童子  
師於村中來相慰藉貽以米蔬二十五日復  
年譜

遣兩僕入城訪家屬家人王玉先遣往勝芳  
水鄉突至言兩妾兒婦及兩幼女兒類避於  
家人王風親家得免一幼女墜井死宅爲寇  
據二十八日賊騎登山遠避山巖二十九日  
下山宿雀兒菴五日趨功德寺聞賊赴山海  
關門禁少寬由衍法寺負薪入城携一妾一  
女一媳乘亂出城一妾一女一男避之家人  
王玉家未及偕行由摩訶菴夜行至郎堡爲  
土寇所窘藉土人李公分屋以居旋借渡渾  
河抵固安同年侯君奉職家文安同年高君

揚遣役相迎於蘇家橋登舟至水村勝芳旋  
至文安縣紀文學克明家接取未出城子女  
由青縣登舟經淮安十一月始至金陵艱難  
困苦載甲申紀畧

乙酉

四十四歲寓桃葉渡雨雪中傷膝三月至丹  
陽居兒婦金兄弟寓中四月至蘇州嘉定五  
月携兒女依萊陽宋璠璜宛伯仲趨浙江舟  
中病瘧六月流寓餘杭鮑侍御奇謨山樓七  
月至汾湖寓葉工部紹袁宗人舍中八月出

年譜

汾湖幾爲鎮兵所厄抵蘇州兒婦金卒舟中  
是月二十五日也九月抵淮安遣役車載婦  
軀北還十月依朱氏於萊陽十一月自萊陽  
偕兒熙歸京師治喪期滿起文赴部眷屬尚  
棲萊陽

丙戌

四十五歲正月考選庶吉士濫膺首選授內  
翰林國史院庶吉士免其教習與見在詞臣  
一體辦事纂修明實錄會試分考以詩四房  
取法若真等二十四人貸於親知典繩匠衡

衛田姓房爲居三月下旬眷屬來自萊陽與馬之需皆宋君璠所資給也秋復行鄉試兒熙中式繼娶前上林苑監監丞劉君可敬女檢討澤芳之妹

丁亥

四十六歲正月田氏生女熙兒會試中式授內翰林國史院庶吉士五月予授秘書院檢討九月趙氏生男然是歲適陳氏女于昨秋歸寧醫疾邸中四月卒歸葬安肅

戊子

四十七歲春葬男婦金氏於祖塋之側七月周氏病卒九月病寒疾十二月納妾周氏

己丑

四十八歲春陞秘書院侍讀九月充武會試主考取金抱一第一甲一名等一百名是年二月兒婦劉氏以生女病卒附葬金氏塚中

庚寅

四十九歲正月兒熙繼娶董氏二月趙氏生男照

辛卯

五十歲七月陞國子監祭酒恭遇

覃恩贈祖考中憲大夫祖妣恭人考中憲大夫妣

恭人予及妻封典照例移贈本生考妣是冬

五弟崇節武鄉試中式先是癸未十二月爲

焦太夫人治喪貸文安何崑源大令銀三十

兩是年償還

壬辰

五十一歲兒熙會試分考六月余陞弘文院侍讀學士十月周氏生男燕冬夫人甲戌所

年譜

十三

生女適文學米漢雯太僕少卿萬鍾之孫訓

導壽都之子以訓導任冀州婚於予家是冬

遵

諭具明臣殉難疏

癸巳

五十二歲陞詹事府少詹事兼侍讀學士四

月

御試才堪外任遵

諭年衰病弱請告照京官例在籍調理十二月周

氏生男默以產後遇寒病三日卒

甲午

五十三歲正月內院以舉真才薦部覆仍遵

原

苗周氏遺二子燕甫週歲默始生并田氏所遺七

歲女撫育需人復納妾黃氏

乙未

五十四歲刑部侍郎戴公明說遵

諭陳言列薦及之吏部覆病痊再議奉

旨王崇簡曾否病痊應以何官起用爾部何不議

明還着明白議奏吏部覆奏據刑部右侍郎

年譜

十四

戴明說疏稱本官靜識篤學材堪大用相應

查明曾否病痊以原官起用秋嫁五弟女於

乙未進士朱蒞為繼室

丙申

五十五歲正月起補詹事府少詹事兼弘文

院侍講學士二月春蒐

召赴南院恭賦四體應制詩四月撫男以予從三

品例送監讀書五月瀛臺

賜宴龍舟七月陞國史院學士未發票即蒙

欽點八月京察自陳照舊供職是年二月適張弘

佐女卒

丁酉

五十六歲二月恭逢加

皇太后徽號看寶冊

賜幣馬

太宗皇帝配

天詔加一級以

恩詔誥贈祖考考通奉大夫內翰林國史院學士

加一級祖妣妣

誥贈夫人並移贈本生考妣七月十二日男熙

年譜

五

特用內翰林弘文院學士同官學士至八月初三

日陞吏部右侍郎兼內翰林國史院學士仍

帶加一級十月

欽命吏部都察院察審科臣糾叅順天鄉試科場

之弊是年男熙以品官子弟送其弟然國子

監官監生

戊戌

五十七歲奉

命閱覆試丁酉順天鄉試舉人卷於南苑以避痘

未預二月奉

命張濟真定順德二府轉左侍郎七月陞禮部尚書郊

天

欽命視牲遣祭都城隍武

殿試讀卷恭送新置 文廟神位

欽命祭太歲

巳亥

五十八歲二月侍

經筵

賜宴三月蒙

年譜

十六

特恩加太子太保閏三月

賜魚酒覆試江南舉人於午門恭頒

御題

欽命祭告先農壇八月侍

經筵

賜宴加行會試

殿試提調議復帝王廟祀典以會推沈文奎總督

列名罰俸六箇月議覆給祭禮儀是年二月

為樞兒娶婦原任都督僉事陳公邦政第五

女

庚子

五十九歲二月遵

諭自陳奉

青卿端清素著簡畀秩宗勤勞有年倚任方殷着

殫心供職不必求罷遵

諭議大享殿合祀典禮四月合祀

天地

欽命分獻五鎮從壇議覆祭北嶽於渾源州六月

隨

駕步禱南郊議歷代帝王廟增入守成之君議罷

年譜

十七

從祀二臣七月二日

召大學士九卿赴中和殿

賜酒飯旋以下血病請奉

旨覽奏知卿偶恙着暫假調理稍痊卽出供職不

必遽行引請九月復以病請奉

旨覽奏知卿患病未痊着暫假調理稍痊卽出供

職不必復行引請男熙考績加禮部尚書與

新銜

詔命梁夫人

詔贈夫人父子一時同列禮部尚書真

隆恩異數云加行武會試讀卷

辛丑

六十歲正月

世祖章皇帝上賓辦事左翼門議行

登極頒

詔禮儀會議上

諡儀注會試揭曉填名

殿試提調五月復以病請奉

旨卿清勤端練簡任秩宗着勉力供職以副倚毗

不必輒以病請六月以鴻臚寺未請陞殿罰

年譜

十八

土黑勒威勒七月遵

諭自陳部覆奉

旨照舊供職十一月再以病請部覆奉

旨解任調理病痊起用是年以

登極詔贈曾祖考光祿大夫太子太保禮部尚書

曾祖妣一品夫人祖考贈光祿大夫太子太

保禮部尚書祖妣一品夫人考布政公贈光

祿大夫太子太保禮部尚書妣張氏一品夫

人本身及妻應得封典移贈本生父錦衣公

光祿大夫太子太保禮部尚書本生嫡母張

夫人一品夫人本生母焦夫人一品夫人以  
從一品廕男燕官生

壬寅

六十一歲田氏所生女歸於文學孫道林吏  
部侍郎孫公承澤第四子十一月黃氏卒黃  
氏撫養二子成童一女于歸年甫二十有八  
承應無愆撫育有成其歿也殊繫悼思

癸卯

六十二歲買侍女賀氏於旗下旋歸李廣文  
納妾屠氏屠乃其母再嫁之姓本姓李以六

年譜

十九

十二歲尚納少女此晚年自咎之一端也為  
然兒娶監司李公鍾秀女李公丁卯同年也  
是年八月四弟來裁缺至京候補

甲辰

六十三歲舊例告病三年赴補未痊再行申  
請予已病痊乃引年乞休以原官致仕十二  
月初九也是年四月屠氏生女四弟來四月  
赴永州衛守備任

乙巳

六十四歲正月屠氏女痘殤冬為照兒娶通

州文學羅公應雲女丁卯同年應星之從女  
丙午

六十五歲是年男熙長女歸於督捕侍郎章  
公雲鷺之子官生維貞十月男熙由禮部尚  
書管左侍郎事陞都察院左都御史

丁未

六十六歲九月重遊滴水巖五弟崇節偕往  
以繪畫奉

上傳召赴畫局偕歸九月以

太皇太后徽號

年譜

世祖章皇帝配

大詔男熙以左都御史加一級授光祿大夫予以原  
官致仕未受封梁夫人

誥贈一品夫人

戊申

六十七歲六月男熙以兄熙二品廕入監讀  
書九月熙轉工部尚書十月爲燕兒娶利津  
令張公文煥女先是癸未之秋貸中貴何公  
致清銀百兩甲申秋中貴死於盜無從以償  
乃設位爲文以告送百兩夕照寺爲育嬰之

需以資冥福

巳酉

六十八歲三月十六日房中人蔡氏生女平  
生房中侍女年長皆以處女嫁之此以朝夕  
左右乃留之房中豈老年所宜爲者是又晚  
年自咎之一端爲默兒娶少司寇武進莊公  
應會女是年十月男熙第二女許聘於鑾儀  
衛都督僉事戴君天佑之子官監生繩納采  
七日女以病歿以其及笄有大功之服

庚戌

年譜

六十九歲正月蔡氏所生女痘殤六月男熙  
之妻陳氏病卒服大功

辛亥

七十歲十月二十七日七十初度命男熙毋  
得徵詩爲壽並謝知交稱慶默兒爲京兆弟  
子員十二月五弟崇節病卒服大功

壬子

七十一歲三月十五日忽嘔血松江朱醫冕  
嘉調治得痊然兒由官監教習旗下考授知  
縣閏七月熙兒繼娶宋氏編修監司宋公杞

之妹也八朋瑞致仕歸熙第三子克勤年  
十七癩率臘大功先是同年宋徵璧任潮州  
守衛贈金壹百兩銀壹千兩其家未知也聞  
其訃卽致書其子霖等來取九月至京約其  
同宗學士公德宜同鄉老友朱君嶠照原封  
歸之是事非欲人知附記恐爲傳聞者或譌  
也

癸丑

七十二歲五月男熙調兵部尚書九月重遊  
戒壇潭柘偕游者松江朱嶠常熟孝廉歸允

年譜

壬

肅華亭太學張翼四弟來暨兒然照燕然孫  
克善十二月命然照燕然諸兒各爲慶十  
二月聞雲南之變

甲寅

七十三歲

乙卯

七十四歲默兒補廩膳生照兒八月授奉天  
府通判然兒十月授靈丘知縣十一月十五  
日照兒赴任十二月十六日然兒赴任離別  
感傷遂成心疾

丙辰

七十五歲以感傷成病血氣日衰燥急時作  
七月四弟來病卒服大功是月宅有崇越月  
始定子熙以官監援例捐納授國子監典簿  
歲內男熙以予思子成疾命役聞之照兒照  
兒履任數日卽借差歸正月十一日忽至欲  
藉以病請予以非長策三月復令赴任十月  
復借差歸

丁巳

七十六歲年日老氣日衰心中時時如有所

年譜

壬

繫正月二十日照兒差期滿復往奉天二月  
孫克善任都察院經歷默兒捐納歲貢出遊中  
州三月十三日男熙侍山遊燕從子燾孫  
克善克昌來青軒早膳由柘路看杏花午飲  
退谷遇風歸憩興勝寺四月同門大司農梁  
公清標爲其長孫議婚於然兒長女四月二  
十五日默兒歸捐納教諭候補國學學正學錄  
燕以廕生候選知州稱貸捐納員外郎十二  
月熙爲照捐納員外郎爲子釋思念也然任  
靈丘查荒田四百餘頃不論俸滿卽陞十月

上旬感寒以耳下結塊偶被破風頭面發腫  
服朱醫晁嘉藥旬日始愈衰且因病而甚

戊午

七十七歲三月初六日燕兒南遊照兒補授  
刑部江南司員外郎三月十六日看杏花於  
隆教寺一宿而歸午飯於興勝寺南園照兒  
以任奉天通判恭遇康熙十五年

冊立

東宮覃思加一級於十七年閏三月吏部題封典  
其生母趙氏應封宜人熙兒爲然兒以靈丘

年譜

函

知縣助其捐納應陞評博中行及先用速其  
歸省以釋予懷八月初一日燕兒之妻張氏  
以病卒服大功八月二十五日燕兒南遊歸

不孝男王熙泣血較刊

青箱堂詩文集爲

先文貞所著憶燕于垂髫時侍側見從政之餘手  
不輟卷自經史而外下逮唐宋諸大家靡不  
三復留覽按日自課如經生故于詩文卓有  
原本又善自謙抑喜與賢士大夫互相揚推  
攷稽得失卽章素知名率爾叩門亦復欣然  
延接極盡款洽質疑問難初未嘗以先達自  
居晚年致政屏絕聲華陶情墳典作爲詩歌  
旁通翰墨稍暇則訓飭子若孫以讀書尚友  
爲事卽蒙昧如燕亦間令隨事賦詩以見志

重刻青箱堂詩文集附識

有字句未諧特爲點定至今猶如提耳面誨  
也計所著詩三十三卷文十二卷 伯兄熙  
業於京師付梓問世今燕奉

命出守南徐此間士大夫率喜文字相見輒索家集  
而卷帙繁重郵致頗艱愧無以應因損俸再  
梓猶恐倉卒告成不免魯魚亥豕之訛隨屬  
郡學博范君總王君瓚邑學博邵君亮工袁  
君續緒共相校讐以成善本用廣其傳是舉  
也非敢于顯親揚名有所裨益亦惟是先人  
之志行存焉使燕于簿書之暇時發篋而讀



之恍若承

過庭之訓不敢自蹈菲薄庶于居官少有補云

昔

康熙己巳年季冬第五男燕謹識

青箱堂文集三十三卷詩集三十三卷

直隸總督  
採進本

國朝王崇簡撰崇簡有冬夜箋記已著錄崇簡練習  
掌故爲禮官嘗議移祀北嶽於渾源州今其疏具  
在集中然其文類皆平近流易徐乾學序謂其卮  
詞譚語無非仁義道德殆不免於微詞詩集以編  
年爲次始於天啟丙寅迄於

國朝康熙戊午蓋萊陽宋琬所刪定也

東村集十卷附刊一卷

〔清〕李呈祥撰

山西大學圖書館藏清康熙儀一堂刻本

附《四庫全書總目·東村集十

卷》提要

序

壬戌之春余雋南  
官其同榜進士首除  
縣令者是為雷化李  
君思行之任之日同人

祖送國門皆曰君此  
行非久即當膺鋒  
車為臺省官李君奮  
然作色曰士君子出膺  
民社當期不愧古良

吏寧徒阿嬖取容  
上官苟以報最而已  
耶及之官蒞事精  
強無所撓辟竟以不  
合上官意投劾而去

序

二

無幾微不平之色於  
是慨然心折思行之能  
踐其言而恨未竟其用  
也逮癸未會試天下士  
余倖廁總裁得一卷古

質蒼然舍章蘊米  
歎為老成積學之士  
闡詢之則李君同懷  
西音也比來竭魚之  
雅亡遇然如不勝衣  
蓋蔚然

序

三

有古君子風暨渴選為  
江南石埭令二年後因  
公呈誤此邦士民攀轅  
編呼哀籲請保苗者  
日以千百數大家宰富

公細訪李君善政得民  
之深遂據情上聞

天子知其賢嘉冢宰能

知人復原職補任浙

江德清令甫下車黠吏

序

四

豪宗憚君威名屏息

觀望君則愷以強教之

悌以悅安之不剛

不柔

敷政優之江行為淵屬

第一中丞深器之俾攝

篆石門復翕然化効石

門士民惟恐君之不久於

斯邑也其德清父老則

又日夕祝告惟恐君之一

日而離吾邑也余因是

序

五

竊歎李君兄弟先後舉

進士文學吏治俱卓之可

紀述如是果何以致此哉

今年秋西音奉其尊

人李年伯吉津先生東

村雋持手進言曰此先君  
子遺書將開雕行世  
乞夫子一言以垂不朽予  
盥手捧讀迴環數四慨  
然太息知先生之忠孝

序

文章佑啟後昆而思  
行西音兩君之出處事  
業故能廣大其前人  
也  
語曰芝草無根醴泉  
無源其然豈其然乎先

生少年掇魏科三十典  
京闈未及四十晉佐官磨  
正議直指位非言官而以  
人所不敢言者去位謫戍  
陪京聞命即慨然登車

序

偕雪海天中諸先生酬  
倡七年忠君愛國之思發  
乎性情見於慷慨無時  
無地而不學焉卒之

先帝念其孤直命返鄉土作

詩自述云只有故園三畝  
地疏泉好灌紫梢藤其  
天襟灑落意致蕭疎  
又何其言短而味長也先  
生與宛平尚書王公真

定相國梁公同年同館中

更升沉不以盛衰得失易

其交情今觀其集中詩

文往復古道嗟人於今為

廣陵散矣嗚呼先生名

高千古遊轍遍天下文章  
垂世讀之無問知與不知  
莫不感發興起有動  
于中况余與長公為同  
年至交次公又泰有文

序

九

字之知此尤為之俯仰

徘徊掩卷唏噓而不能

自己者也今先生往矣而

後嗣代興濟美前賢先

生其可以含咲乎九京而

無憾矣乎

康熙五十八年己亥十月朔年

姪洛溪襲朽時年八十許汝

霖頓首識

序

十

東村集序

李十公西音主一僕一來自監河  
千五百餘里過泰山僕大異之  
休廢蓬執冊進曰此先生之遺  
也清先生序五十年知交為  
先生函先生亦不能序之

序

而終如之受冊乃宮詹詩文  
若干滂之咽嗚不能下再滂之細  
字行之表裡工緻以十公手書漆  
乎如生而齋栗沒而愜優之形罔有  
所懈習於曰此忠臣之志孝  
子之行也讀未竟復相携痛

笑失聲嗟乎官磨少僕三歲曾  
幾何時而生死存亡竟不可問  
夢中事耶憶僕困棘浦而官  
磨已官吏館僅以姓字聞乙酉  
詔訪經學僕乃執五經名試會  
試曹請禁而天下士猶未聞知

序

二

中已得卷不敢錄合監臨主司同  
考官十八人疏具山東異才封殊  
卷清上裁僕狼狽無所趨乃  
以蘇竹浦兄弟主監河謂官磨  
布衣野冠茅屋土壁歡然相得  
如平生交自此朝夕食寢或

之詩盛以手海內有口者皆解誦  
抑如李後王前乃有磨先生因  
之益驅方駕成鼎足之勢考乎顧  
歷城當勝國中葉敗歷中外仕路  
坦夸新堦則際

序

三

本朝極盛時躋崇階升大座其  
詩也愛於少而正磨多先生所履  
之境在枯菴禁倖間故其詩  
度而仍歸于正蓋遇不同而詩同即  
詩不必同而其有傳於後者不問也  
然則茲集之出其嘉惠衆學有功  
於詩教豈淺鮮哉歲戊戌西音



去石埭來寧德清去鄉百里而近  
追惟曠昔之謫也以此宿諾  
遂晚不獲從先生遊今狗賢嗣  
請挂名簡末是先生之詩不獨  
云慘重而余之姓名且將托先生之集  
以垂不朽也非厚幸歟

序

四

海寧門年養經查性行相纂

東村詩叙

癸未冬試余典濱南李西音同生  
房師寧山汪公之門兩人情好甚  
執手也余留京師西音歸里又六年  
庚寅西音赴選北來得江南之石埭  
今臨別手一編見示曰此先生之集也

序

一

初也先生早歲成進士南筮仕而際此  
離旋登清要繼而遭竄謫終而返田  
廬其於家國之際險存榮悴可喜  
可愕之事既備嘗之矣而世之不發  
之於詩亦將梓以問世非君孰可  
序序者取以請余受而於時方

何年 內廷疏未暇 勞已後 七依

多如如貴 筆平淡 慨然 真以新白

此如清 廟如金之音 矣而入于變

風慶隆也 蓋先生之 初初矣 經史

囊括百家 氣道而力 健直氣 追躡少

陵而後 余之 常柳以 博生 趣游之元白

序

二

以暢生 支悲源 澈楚隱 謬毫端 要

皆因時 以生隨 高而 亦讀之 者宜其以

深曠 其以遠 有風人之 致無 謬矣 其

仙公 壯事 卒子 竊觀 百好 年未 詞

壇以 社先後 代真 必極 滴之 最著者

歷陳之 李新 陳之 王隱 漢阮 其 為 金

步部外登 齊雲或棲 遲之園

似諸發倡 和見吹草 一付遠

迹公藉之 極之 兩月 餘白命

旨 試 王芝之 同王承 我夫子 諸

進士 擢 第三 人授 中書 特

賜會試 簡庶 常 而 王 詹 亦 補 良

序

三

同之 史銀 程 書 日之 布衣 交之 忽

聞以 一言 生 陶朱 僕初 進之士 亦未 此

上何 何 唯 北堂 唏噓 泪下 枕痕

未 聲 源 亦 以 一言 之 旋為 先大夫 讀

禮 南北 生死 恍如 隔世 恭值 恩

還 故 至 奉 侍 老 而 而 十 公 乃 自 澳

東來屹々丈夫也南三帙中薦  
賢之長公亦捷南主僕亦以文學  
待召京師數月病瘳東下再  
過盤河宿宮詹家書園火榻  
抵之咨嗟恍若再生且兩人皆酒  
限笑暢飲大醉三晝夜別

序

四

而主詹猶鬚髮未白上侍  
母下接諸子諸孫朝夕東鄉  
接而分食無異做秀才時  
次年又以文為僕七十壽詩  
升浦先生少早三堆僕  
與主詹面東西相望如在山

以東有蕭然兩老布衣  
也偶問為長公求秩早仕  
為未上何及及上盤仕中  
州山邑主詹即以此招太行  
遊而宮詹忽病亡嗚呼先  
有書戒勿求速仕未幾嗚呼

序

五

禁枯々來得失司之存存  
大抵象輩貧賤人叨朝服  
曹官德々歲月了詩酒緣  
以處今自之遭逢樂眼底々  
山川畢身々生死則々地々  
福主主々恩也及讀集中

東之詩頗多即歸才痛之思  
 痛雪寒冰窟鳥聲鷓鴣  
 多悲悼間步山村多遊江  
 上星霜風雨冷暖解之山川  
 料木也九傷心亦以貧賤也  
 我輩苟有忠於國之思亦  
 聊以識之俚句陋陳風夜  
 然歌放浪之舉亦聊以孤  
 棹青驢脫落凡塵而形求  
 治平之策上問知己於軒  
 冕亦自遺生平之辱而忘  
 失身之危者之所為也其如

聖主之賢宰相之舉而福  
 命涼薄拂衣拂衣其如  
 此命何哉至如王下何哉  
 詹亦之長嘯於地下將然此  
 東村草不必留之千百年  
 後之楊是西音之孝思必不  
 可沒讀年集必將家之詹  
 先生於立天上下嗚呼孝子

以實天錫之不匱而由此集於  
天下後世使千百年後知  
孝子必出於忠臣之門也僕亦  
不能不收泪而為之序

康熙三十二年癸酉仲夏黃

山公一老人同學弟沈某

序

真力書於丁卯亭

叙

士君子讀古人書思聖賢之所  
以自樹景行仰止將跂而及之  
必不徒安其居美其食偃然  
自足而已至於出處是有命  
焉出則身任當世之事黽勉

敘

以盡其所當為而功在天下處  
則繼觀古今之變尚論以歸  
于大中而功在後世其道一也乃  
有一人之身而或出或處則又宜  
委時順命素位而行處富貴  
而不盈遭患難而不懼如是者

可以謂之君子矣求之古人亦不  
數見也忠如屈子憤其言之不  
用托諸離騷以伸其怨誹而猶不  
能盡卒至湛身以死才如子長恥  
其身之被辱托諸史記隱約周折  
以舒其不平之鳴後人遂擬之為

敘

二

謫讀其書未嘗不悲其志而亦不  
忍以聖賢大中之道過求之也乃  
有忠如三閭才如太史公出處亦  
約略相似而坦然澹定不震不矜  
兼之不怨以予所見唯東邨先生  
一人為狀先生山左名士年少

即擬魏科讀中秘書三十典原  
聞所得多天下士次侯熊君其  
一也未四十晉位宮尹騷去三  
事不遠矣一旦以使事回中有  
所見上書言人所不敢言事

先帝

本知其直而迫於吏議以為非所

敘

三

宜言遂有遼左之役先生雪涕  
以往碣石伊閤米天雪窖處之  
泰然日與雪海天中諸公互相慰  
藉有時酬倡言懷惟自愧不知明  
哲之道危其身以及其親是懼外  
此勿計也如是者七年

先帝念其無他命返鄉土先生自慶生

還感 天王之聖明依慈闈而

定省上奉太夫人下教諸公子鍵

門著述譚經論史間與二三故

友分題閭韻或攜童子策青

駒走田間道遇樵夫牧叟較量

叙

四

晴雨野夫不審為何人也願好

遊三渡楊子上秣陵徧跡樓

霞牛首又東下浙水登子陵釣

臺趨太末北抵恒嶽若錢塘市

阜邗溝諸牒不待言矣所至原

本山川極命草木篇章極富

卒無一字有玉堂天上之感

其自視何如哉余自庚申秋赴

招安省女喜黃倩奉先生教為

令有聲余自戊子歲即知先

生與胡成王諸先師皆癸未同

譜敬執後進之禮晉謁先生延

叙

五

之升堂相與揖讓談燕倡酬不

計時日余不自量輒以素所撰

述求正先生不加鄙夷序言重

沓褒譽過當既復以諸公子制

執屬令點定介弟陶津翁兩

令嗣六問途于旨遂率意筆

削不自知愧先生不余責也

長君思行君推先生之愛宿常

締文壬戌公車初場後即手

書詳述文思條鹵遇合庶幾歸

抵邦溝閔南宮榜已登上第與

聖起王君鼓掌狂喜此景猶只

叙

不

暮間也余羈栖招安累久編

交彼中士大夫于先生尤不間

晨夕先生視余如故舊余亦不

自知為旅人仲春賦別時先

生率兩公子乘車相送至數

十里外贈以書幣執手依之相

期後約悵有不忍離之色迨

長公筮仕武陟先生屢馳音

訊余亦肅答數番久乃寂然

繼得孟循家報始知竟遊道

山千里遙未遑笑寢雖風草

屢更此心終惻也甲申春

叙

七

算余抱西河之痛遁跡焦山暨

歸兒輩奉先生東村集并

西音君手書鄭重屬余以校

讐之役因得縱觀全集見曩

日倡和詩不覺潛然泣下愴恍

如昨尤可感者西音新捷南



宮旦夕膺圭組出交王公大人而  
乃追念二十五年前遺老曾  
與先公有投分之契猶能記  
其姓名直至荒村寂寞之濱  
委之刊定此意恐非今人所有  
不獨江以南論交尤薄也余

叙

八

既深痛先生之長往又重喜先  
生之有後以孝作忠善承先  
志而又不遺故舊古道照人泪已  
盈承曉又不覺破涕為一  
笑矣至先生詩歌追蹤李杜  
出入高岑和平溫厚歸於雅

馴碑版序記諸文遠接廬陵  
眉山近法震川荆川有目者  
所共見非余管窺末學所能  
贊一辭余之為此非敢云序先  
生之集猶是二十五年前鈎  
盤河曲與先生酒間絮語而

叙

九

已丹陽後學賀寬謹題時年  
七十有七

東村集目錄

卷一

邸中藁 詩二百一十一首

卷二

使程自刪 詩六十四首

木齋詩藁 詩八十八首

卷三

游中山草 詩十五首

唐城草 詩四十八首

秋尋草 詩三十首

東村集目錄

卷四

南游詩 詩三十一首

紀行詩 詩三十六首

秋游集 詩九十八首

卷五

東村詩 詩二百九十七首

卷六

序 十五

卷七

壽序 十七

卷八

記 五

跋 三

題辭 五

傳 一

卷九

行狀 六

墓表 二

卷十

墓誌 十一

東村集目錄

祭文 八

附刊行狀

墓誌

外傳

東村集卷一

霑邑李呈祥吉津甫著

邸中稟

吉津先生早貴工詩思沉力厚每值一境凡有所作即手自較集冠以小序如使程詩刪木齋稟班班可考獨詹事翰學時雄長辭壇筆落吟成或驚風雨或泣鬼神膾炙同人交相酬和玉立梁公詩云俱是狂吟客揮毫媿不如蓋實語也忽遷遼瀋變出倉猝狼狽東行遺稿散落又八年感動聖恩賜歸田里引松風以落帽爆簷日而翻書顧瞻

東村集卷一

玉堂如夢蕉鹿絕不復理前微矣及先生沒長君思行宦滯中州仲君孚若哀集家乘獨缺翰苑之作然先生居官時不忘故舊每得佳句即惠寄草廬間嘗手寫十行亦或札緘斷句余盡出之因令孚若再加搜尋旁及敗篋廢簾得遺稿若干皆盡剝塵封或改削不可猝辨余証而訂之附識數語於首今十郎孝廉公有事京邸欲攜一往倘先生故人猶有存者展卷懷人遺音金玉能不因風致慨也與哉雪崖老人范明徵謹題

丙戌元日

除夜陰連雲勢酣質明雪色更相覃豐年瑞兆飛花六元日仙踪降葛三栢葉共傳千舍酒垂簾自笑二毛髮梅花何處方奇絕正好騎驢任意探

正月念九日大雪早起作歌寄馮孔博

昨夜窗前聽雨聲已知二月春雷鳴密雲不雨何醞醞雪花忽滿長安城長安自昔多風雪牛目埋時尋車轍車聲轉轉夜未休就中亦有邦國傑賢豪虛名詎自由江上持竿理敝裘一旦君王問舊友跣足還來動星斗人生遇合自有時試看盆梅開若茲

寄王鐵山

東村集卷十

二

微軀未了亦師恩握手歎然此共論雨後西山朝一色秋中明月夜千門樓臺移影還銅鏡爪葉隨時對瓦罇獨有齊人尤感切去思碑並岱峰存

寄羅篁菴

紫髯飄飄氣似霞司成高座即仙槎衡文已識金臺駿作賦還開鐵柱花舟楫圖中湖萬里樓軒鏡裏月千家宮袍鄭重斑衣舞遊子歸心夢未賒

重九

馬上西山常在眼齊雲湖畔意何如登高屐齒今無恙對酒詩囊舊有餘細點秋容鶴粉菊橫排愁况鴈行書

慇懃掃榻期君至風雨中宵夢未虛

二

不用尋秋更上臺相攜秘閣對崔嵬千年佳節客中過  
一夜寒颼海上來紅見楓林霜氣入香聞菊蕊月華開  
二三兄弟同懷抱笑語逢時借酒杯

送張石帆按湖南

雲深鴈影下衡陽草木回心九月霜繡身坐含楓葉赤  
青驄行帶菊花香巴山不勒登樓賦楚水清如柱史裝  
從此湖南深雨露雍容白簡對詩囊

早朝即事寄王敬哉

東村集卷一

三

秋肅千門曉漏懸霜華流影襯寒瓊幾行實錄還書債  
十日朝參謝俸錢水骨迎風猶沒石松魂貯雪欲迷烟  
右軍通識行藏事衣袂光輝每並肩

二

秋高三殿露華懸天步紅雲動綉瓊日耀袞龍金鎖闥  
花分仗馬玉連錢垂旒喜氣聞天樂彩扇香光見瑞烟  
自是聖朝容陋質羣材漫許效隨肩

無題

誰續滿城風雨句古今名盛許同行書來燕市小春暖  
字帶齊雲九月涼素髮歲星還俊逸白眉仙令自循良

知君兄弟常思我拳石憑將竹影長

又

往來未許夢魂疎攜手西村值罷鋤日落牛羊出渾池  
天寒草木入清虛新醪計取今朝醉舊事閒尋昨日書  
笑我何心甘退早生平只戀一茅廬

又

休心自覺此身微飄泊還將任所歸斗室初營坐寂寂  
晴光經閨見輝輝青牛西去無消息白馬東來有是非  
只許至人能幻化何勞同異論知幾

懷友

東村集卷一

四

司馬先生最解音冰絃玉柱坐銷沉湘靈歸處珠隨水  
蕙葉飛時霜滿林玉骨何緣能化鶴芳魂應自念遺簪  
難書亦是生前事獨坐無言恨轉深

無題

宦况緣何事攤書猶下幃詩懷吟且步客夢坐還飛夜  
逼燈花瘦寒生雪葉肥明年春竹綠定有一人歸

憶昔

濟南德曜輝南極薊北才華動北平金馬竟騰兕虎步  
碧雞解作鳳凰鳴梅花含蕊香無影芝草凝堦秀有情  
舞綵十年歡此事靈椿千度見恩榮

送劉師文

薄宦生平足壯遊，囊書策蹇自秦州。  
春回故國三年別，麥秀長安四月秋。  
濁酒高談仍下榻，離懷遠眺再登樓。  
高車駟馬聞何事，嘯傲須知行役休。

山左患盜久矣，然盜有所起，亦有所止。要在守令得人而已。而與民近且切者，尤莫如令。故令仁則民有同心，而盜黨衰；令明則民無遁情，而盜機息；令勇則民知敵愾，而盜氣奪；令廉則民有畏志，而盜源塞。令如此，而猶患盜者，未之有也。此為誰海豐令杜公。

東村集卷一

五

海豐斗大隣於鹽，雲盜之所窟肆。其狂氣不時出沒，千百為羣，持矛躍馬，既掠且焚。烟火已絕，久廢耕耘。邑宰嬰城，或如莫聞。惟我杜母，得未曾有。吾民吾子，爾盜爾醜。譬鳥赴樊，如魚麗罟。爾其革心，吾不爾咎。怙惡終迷，敢薄林藪。我公赫然往折其首，躍馬當先。發矢胸穿，聞風膽落。望影奔顛，雖犬介持草木，為過向無家處。今有大年，刑平賦簡，衙署磬懸。我民樂矣，匪以頌賢。

初夏和馮孔博

歲月咨嗟過，驚花忽恍中。  
臥龍人漸老，躍馬氣何雄。  
靜可宜長晝，寒猶怯曉風。  
浮生無去住，天地任飛蓬。

二

西北臨高關，東南接大江。  
將軍援戰鼓，壯士厲金鉞。  
廟畧應全勝，鄉心故自降。  
春陰今散盡，鳥雀噪晴窗。

三

太古無文字，煩言盡可刪。  
未能却宿疾，亦似供偷閒。  
日暗雲雷怒，山深木石頑。  
眼看時序改，何物駐紅顏。

四

自是為農好，平疇望沃饌。  
成秋方麥秀，入夏長禾苗。  
燕市歌難放，齊人輩可招。  
誰云聽夜雨，不似海門潮。

秋懷

東村集卷一

六

空庭一葉下，難持客况千。  
端坐自悲遠，塞西風聞鐵馬。  
荒原落日照旌旗，烟含薜荔山中長。  
露裏芙蓉江上垂，擬有高樓堪縱目。  
還愁陰雨望鄉遲。

二

半畝荒園有宦情，鋤瓜牽蔓聽秋聲。  
拂衣欲謝塵中色，懸榻先辭世上名。  
歲月異鄉愁易過，江湖故國夢猶驚。  
沉吟閒步時常晚，奈爾淒淒促織鳴。

三

輕衫披拂晚風涼，返照山光入草堂。  
天際浮雲白鳥下，堦前積雨綠苔長。  
醉來忽隨懷人淚，賦罷空思處士裝。

無奈秋行高殺氣填然金鼓滿漁陽

四

擬將爽氣消殘暑覺有微涼始欲愁玉關高懸星似織  
銀河低轉月如鉤三峯松桂遙相引萬里鵲鴻逝不求  
莫向城隅閒眺望西來風雨故林秋

蕉花歌上太老師憲石劉公

世間百卉生有屬蕉自卷舒無所著一葉一陰風冷然  
幽窗急雨風漂洶長安今歲雨何多齒苔芙蓉愁蕩落  
蕉葉初抽若有意芽茁細蕊只疑籀含苞千重如鐵堅  
蓮花陸地開其萼何事銅盤引露凝此中瓊液長年藥

東村集卷一

七

門外車馬晝夜馳軒前靈秘即巖壑古槐虬幹鬱蕭森  
三伏遂能謝炎燄菖蒲空聞幾節開靈芝煌煌竟何託  
亦有幽蘭沒深谷樵夫牧豎但輕薄何如得倚高人居  
一觴一咏共斟酌嗟乎文章道喪交不真紅紫逐時解  
媚人蕉花孤發自爲春寒菊青松願結鄰

與胡韜穎飲酒

蕭條秋氣帝城深細雨浮雲滿上林短劍十年生死事  
孤鴻萬里去來心玉關飛將成豪舉金馬客星但陸沉  
回首同遊諸少壯那堪白髮共侵尋

二

太行西望白雲飛汾水東流去路違燕市酒人還落拓  
朔方開府故光輝封侯自昔虛長欽學釣從今守舊磯  
客邸晚涼新病後愁聞砧杵理寒衣

李五絃索詩

五嶽當胸消作塵尋師問道苦謀身洞花幽草如相戀  
握雨攜雲總未真夜半星河仍寂寞風前環珮乍逡巡  
爲存圖書虛無裏可有閒情別對人

二

壯志當年大將旗山河轉戰說雄師風塵匹馬三千里  
血淚雙龍十二時青鏡霜鈎生白髮紅牙金縷轉黃鸝

東村集卷一

八

佳人未老空餘恨荒草斜陽欲問誰

初冬雜興

微雪開新霽暮山雲稍紫衆鳥求食回飛鳴赴棲止物  
息固有時行役何當已

二

猛風無善氣安敢暴微躬雖有口與舌屏息衆人中羊  
裘敝復嘉隩處萬古同

三

病軀夜無寐欹枕聽雞鳴天寒不自息長號何丁寧胡  
爲不努力負此殷勤情

四

鐘聲既磬鉤龍象齊騰達清嚴徹絳霄九關無嚇喝萬  
方今悔過黎庶則望活

五

有一迂老儒被褐說懷王汝褐不蓋身汝王誰當賜累  
足慎勿前恐爲至寶辱

六

翩然有雅客自云善理琴試令一再鼓淫靡多近音吁  
嗟伯牙後此道遂陸沉

七

東村集卷一

九

灼灼園中花日照顏色好霜雪一以零萎落同秋草草  
衰理則然松栢當自保

八

鬱鬱澗底松上有千尋柯樵夫日橫斤山靈不能呵爾  
樵計良拙爲薪當幾何

九

瑞雪却及時徒滋蒿草生非無膏腴田鼠兔莫能耕大  
哉民爲寶天地頌裁成

閒居

朝來問日色晴暖快閒居僻巷無新轍空齋有舊書裁

詩作者後占夢此生餘滄海有空濶虛舟任所如

二

逐逐豈人事寥寥見我情寒山收衆籟遠水照孤明鳥  
雀誰憂喜雲泥自重輕祇緣多病苦妄欲解無生

三

何以知霜雪凋零見物華仙人厭住世遊子念還家白  
首希傾蓋紅顏繞斷笳經時忘櫛沐慙愧日邊霞

四

非是航高臥囊空羞向人車聲喧晝夜馬骨沒風塵冷  
覺綈袍敝愁尋濁酒頻誰知幽谷裏十月有陽春

東村集卷一

十

送胡輅穎旋里

即今又別長安去何似當年意氣豪回首風雲雙鬢老  
拊心天地一身勞空堂夜雪理殘杼客路晨霜透短袍  
歸臥荒山防虎跡閉門且任長蓬蒿

寄謝白東谷見惠詩刻

風塵餘病眼此日豁然開白也真無敵登壇大將才  
鉤佳句出嗚咽壯心哀自有忘言理無勞知者猜

二

蓬心不鄙棄提誨是吾師白雪遂孤唱青雲莫妄窺還  
憐逢世拙未恨著書遲寥落千年後桓譚徒爾爲

與熊次侯夜話

貧添百費官爲累久客無家誰共愁日月催人生白髮  
乾坤何處借青眸桑乾水凍風無敵大漠雲深雪欲流  
試誦懷鄉王粲賦瀛洲亭上望荊州

竹月

冬深明月滿長安竹裏清光此地偏水漾空庭結荇藻  
烟浮玉闕響琅玕天邊自合飛孤鶴人事何當照歲寒  
賴是羊裘堪禦冷不妨深夜酒杯乾

冬日偶成

深冬有白日陽德爲可親啼飢與號冷照之無不均浮

東村集卷一

十一

雲有異志掩蔽欺窮民人窮愈咨嗟顛倒觸其嗔招引  
風雪來萬里無晴敗窮民盡凍死僵骨莽如銀嗟哉計  
何愚白日終陽春

二

天道有終始人事有古今節序雖云暮何與達者心達  
者恒高蹈客子獨悲吟魚亦潛淵底鳥亦棲舊林人生  
但羈旅淚下誰能禁

三

憶余稟微尚章句學爲儒器識實凡鄙展轉成迂疎哀  
哉志不立始路遭艱虞既已戀視息那能棄妻孥旅食

無長策俛仰空嗟吁

賦贈高久之并上李雲許年祖

公孫四十未爲儒牧豕大澤行讀書人生遇合但時數  
况君猶是三十餘二十年前舊窗友麻鞋也向長安走  
捨舟登陸殊慙勤杯酒之外吾何有惟有和氣可爲春  
攜將兩袖謁仙人仙人丹顏飄素髮山月羅浮照幽真  
真氣雷隨數長至一星南極垂佳瑞清歌妙舞好兒童  
窈窕兩鬟珮羽翠仙翁最篤渭陽情舅氏門中窮弟兄  
對酒還思李供奉故人莫怪公孫弘

臘十五夜步月

東村集卷一

十二

月色元宵近真爲隔歲明柳梅暄臘節燈火擬春行宿  
鳥深無影河流凍有聲可憐猶物役叢桂小山情

二

羣動隨虛照清輝萬里開天心終曠遠人世豈塵埃孤  
鳳飛難下雙龍去不回何人曾市駿擾擾滿金臺

除日

除日吾何有塵勞甘若茲違家已四載強飯猶三時跼  
蹐人前默顛狂醉後悲功名乘壯氣躍馬是男兒

二

白雪何人調黃金此地臺長歌一振木天地若爲開事



業從時數賢豪但草萊寧知逢晚歲今日更悲哉

三

兒女煩相累生涯計自難田園憑廢墜髻髮任凋殘寂寞嫌高隱榮華艷大官誰云千載後不向此時看

四

鞞鼓無三晉犢牛有二東人心傷節序天意喜浮同客淚濁醪裏年光急雷中餘生隨草木翹首望春風

題張幼諒寶劍

勿諒為華東先生公子

世有古物莫他求日月常明江河流我生之初不可究屈指或與軒皇遊周鼎商彝旦暮哉區區寶劍胡為來

東村集卷一

三

世人寶劍不寶土劍芒入土生青苔入土出土劍有時張公遇之張公知分貽令子意良深孰者為雄孰者雌雄飛雌舞誰能見夜中光怪生雷電丈夫當斷且須斷寶劍不割為人玩

壽李雲許年祖

壽詩成泛語此作獨不然七十古來少况復餘六年高才謝當世吾道在林泉白眉好兄弟香山結勝緣翩翩雙鳳舞玉樹植庭前孫枝新挺發茂與祖槐傳流霞引丹願雪花照賓筵還應念小子付我苦雨篇陽春愧難和小子何有焉歲歲為俚句計首當至千

壽邑令

甘棠樹下召公在姑射山頭仙令來海上探籌加百表雲中飛鳥傍三台風吹庭鶴餐靈雪月照堂琴動早梅律協黃鐘多瑞氣千家祝頌笑顏開

丁亥除日東高念東

何堪好友賦離居快此長安共歲除善病逢時生感慨家貧經亂益清虛星文午夜臨丹闕雨雪空山冷素書酒泛椒花存舊事眼前知已未蕭疎

戊子新正四日

萬里車書新正日一雞二狗及羊豕回首三冬如逝波

東村集卷一

四

警心忽悟年光駛不見長安飄瑞雪但聞山峪開桃李卜歡占豐實所憂口腹生涯未遽止驅馳羸馬行已懶袂服高冠行自喜望門投刺殊慙勤賤名幸此通鈞耳聞人冷眼鼻揀天下氣低聲終不理人生少壯何為乎嘆息歸來對妻子

人日集

帝里風光新似昨家鄉兄弟幸能同相期樽酒尋常會各據棋枰意氣雄入夜燈花懸皎月迎春雲影動飛鴻此人此日真難負好向鬚眉問始終

二

連朝奔走殊堪厭把臂高齋樂有餘欲踏梅花西嶺雪  
何煩籀篆北山書筵前苛禮已全減酒後狂言未盡除  
我輩同心窮自可生涯莫道曳長裾

穀日集

穀日占年最喜晴良朋相召即能行入門一咲無他說  
握手三人見此生雪滿齊郊應擊筑酒酣燕市聽彈箏  
東西十里長安路跨馬歸時隨月明

署中春雪和韵

近接春雲別殿高風吹瑞雪供仙曹輕沾苑柳疑成雨  
密灑塤松頓起濤鶴語共傳何日事羊裘獨釣此人豪

東村集卷一

五

遺蝗但使消能盡四海歡聲入彩毫

昨日霧餘此日陰銅龍晝靜漏聲沉雲連大漠無朝暮  
氣結飛花自古今瓦硯敲冰詩料短竹爐籠火酒情深  
陽春幸喜聞高唱剪纈寧知造化心

花事

花事非吾事春深竟若何尋芳蝶自舞遺興鳥還歌大  
劫荒荒轉餘生草草過無能相慰藉只此坐蹉跎

署中

每擬尋春春已暮只疑春向署中藏愁侵瓦硯詩無興

蠟與匡床睡不妨石砌經行花尚紫飄風欲至日先黃  
同儕杯酒皆難事海上家園望渺茫

二

紛紛紅紫誰能見瑣日籠烟殊可憐雨霧溟濛龍臥裏  
塵沙恣肆馬蹄前朱樓翠幙虛山色檀板金樽實勝緣  
幾處甲兵渾未解郊遊甘負賞花天

初夏過淨土寺舊寓書懷

車馬塵灰處處逢幽懷蘭若每能容浮雲靜照留春草  
白日高懸動午鐘貧病老僧猶好酒去來孤客總奇蹤  
同時良友空相憶獨向荒涼問古松

東村集卷一

十

仲夏送張幼仁

長齋半世在家僧白業深期取上乘薄宦何緣違素志  
專城或可見功能江聲棹底千崖合雪色山陰萬木層  
地僻民勞煩撫字賢良計日有書徵

立秋日飲汪園

卜日同人集迎秋一徑開學山成洞壑出樹得樓臺爽  
氣非關雨閑情任舉杯探幽初命屐詎忍破莓苔

二

雙關雲中落千峯牖外懸榴花紅噴火蕉葉綠抽箋揮  
塵清談洽依人野鳥還長安添勝地未信武陵偏

三

烟蘿藏曲磴八席此能兼瀑水疑侵座荷香暗入簾塵  
氛清穠穠耳目借鍼砭下榻因緣好淹留定不嫌

四

面勢軒楹敞琴樽具不移莎光涼入戶梧蔭碧生池待  
月開新釀畏人護舊籬獨餘濠上客興至可無期

五

位置存幽意飛虹跨綠波虛明排戶牖杳靄接巖阿潑  
墨看前輩流觴憶永和誰云居近市清興傲漁蓑

六

東村集卷一

七

涼益層臺迥叢篁碧欲流登臨時縱目蕭瑟忽成秋白  
髮愁全短玄蟬響未休浮生常欲醉更莫覓丹丘

立秋日飲汪園

選地消餘暑名園得共來懽言以永日慷慨任傾杯雨  
氣千林合秋聲一葉回誰知城市裏丘壑有新裁

二

拳石爲山意孤峯當戶懸深崖安老衲絕壁掛飛仙薜  
荔虛相引蛇龍怪自拳流觴有曲水即在洞門邊

三

荷花看不厭山下有深池汲灌通人力栽培相地宜隨

風香入座對酒艷侵卮午夜橫橋月幽輝最爾時

四

面水軒楹豁紗帷映竹簾雲霞朝入檻星漢夜窺簷棋  
局聲相應醇醪醉不嫌高吟饒白雪詩律示深嚴

五

軒後園林出客懷足放歌梧桐行自落楊柳奈人何易  
水風流盡黃金意氣多時名知近遠勝地且婆娑

六

初日照林薄華堂東向暄百年垂古樹一醉藉清樽節  
序看雲影行藏叩石根紅塵渾謝絕莫是入桃源

東村集卷一

八

七

萬古西山色高臺屬望周何時茅屋穩畢世竹林幽日  
抱銅龍闕天空塞鴈秋主人偏有意嘯傲任淹留

八

勞生終欲息蕭散係予心斟酌高言足蒼茫日色沉歸  
途嬾命騎倦翼競投林別去忽疑路重來何處尋

謝劉薛兩夫子見招金魚池

六月炎蒸消欲盡習池漱澗澹高旻吾家渤海依夫子  
自昔蘇門見至人坐對壺觴傾綠蟻行看荷藻照朱鱗  
醉來極目西山色壑洞寥寥無四鄰

二

新秋皎日晶相映把酒憑軒四望遙帝闕雲開千仗下  
齋壇樹擁萬靈朝江湖浩渺牽遊子市里驚塵渾野樵  
杖屨從容欣侍側玄言似許聽清韶

湛恩

湛恩先侍從嘉惠應秋風錦綺來天上光輝照日中絨  
題寶墨黑藻彩異葩紅織自鵲橋就香依銀漢通金盤  
承露潤玉署切雲崇杆軸東南力衣裳臣子衷幘幘歸  
大造曲踞省微躬虛有雕蟲技慙無繡虎功玄纁深悚  
息東帛厚遭逢喜起千年泰春溫萬國同

東村集卷一

九

送李匪莪按河南

柱下乃爲真御史古來名勝是中州日高嵩嶽雲邊出  
地敞黃河天上流當暑乘輅霖自注迎風搖筆樹還秋  
祥鸞但使聲先達何處飛鴻不可求

二

天涯兄弟每忘形早暮相過輒到庭此去逢迎多禮節  
寄來尺素有郵亭花香入夢同談咲草色生愁與醉醒  
爲憶故人號寂寞閉門細註太玄經

歲杪咏懷

官閒性懶求無事直欲經旬不出門一榻琴書消白晝

千家燈火報黃昏蠟梅花是自然發翠竹色非矯強存  
賴爾寂寥堪自遣休云素業在丘園

二

臘月嚴寒傳自昔今年竟暖事如何莫愁梅柳侵春令  
且喜冰霜見太和帝欲銷兵息戰伐民將于耜起謳歌  
羊裘即敝寧須戀便擬春衣踏綠蓑

題丁汶水永思堂

海上世家誰第一漢朝冠劍太丘餘龍文司馬籌邊草  
鳳蕭山公啟事書庭樹迎春宜畫永筆花燦斗對窗虛  
高懷大業千年事叢桂旋看駟馬車

東村集卷一

十

歲杪咏懷

歲晚望鄉心飄搖久爲客日月無停輪留之安可得客  
心不自持已被春風吹春風年年有遊子何時歸

二

冬日溫和甚春風故厲吹羊裘仍氣象羸馬任驅馳列  
面吾當受摧花莫爾爲三農方有事寒苦更依誰

三

寂坐慙官俸微勞慰素心縱然經病苦未敢廢詩吟山  
色看塵湧河流帶凍深世情休懶散天意正難尋

得雨

早慙敢雄行厲氣蒸在宥澍雨不終絕蒼蒼意良厚老  
農喜復憂拮据事難副既思種禾黍又圖時菽豆望月  
飯犢牛窺星補屋漏不醉在泥塗何暇聽簷溜兼恐遲  
官稅拘繫廢耘耨倘非賴仁宰靈雨亦無救豈徒頌祈  
禱精誠神所佑

秋

真有秋聲至空齋坐自聞客心驚落葉天意變浮雲倦  
雨龍當臥隨陽鴈易羣悲涼千古事惘惘向誰云

二

獨立觀天地凄然嘆杳茫竹枝吹嫋嫋山色遠蒼蒼禾

東村集卷一

主

黍雲千畝蒹葭水一方只今成悵望莫是限瀟湘

三

所事成虛願侵尋見二毛微風行薜荔積雨長蓬蒿鴻  
鵠飛難下驂騑走亦勞猖狂誰慰藉失路任悲號

四

自知無一可弱質任憂孱田舍人依舊江湖鷗正閒平  
生翻白首憔悴有朱顏况是新秋節搖搖寤寐間

五

荒園聊結構雲日淡晴暉草閣通西牖竹簾護北扉生  
涯學樹藝物理看輕肥縱在紅塵裏秋風無是非

六

寂寞豈吾好逢迎媿不能齋心青鳥使脫骨白雲層世  
事餘朝槿虛巖有夜燈賞音千載後爲理舊朱繩

七

莫云終不解顏色亦應知河嶽曾何處風雲復此時溫  
涼須有節榮悴更無私宋玉徒狂客嗷嗷祇自悲

八

習氣隨羣鳥悲吟及早秋閒花承曉露落日下寒流對  
酒思常醉勞生期暫休古人如可作何者是吾儔

九

東村集卷一

主

亦有烟霞癖林臯日往回鹿門傳舊事屠市隱真才水  
漲魚梁沒雲輕鳥道開濁醪堪自適瀟酒共登臺

十

鬱暑時當退秋雲散作霞長貧惟減事久客竟忘家月  
色含流火砧聲雜暮笳三都詞賦在猶有後人誇

新秋咏和敬哉玉立諸同館

五雲深護日華明菡萏波澄太液清授簡幸逢東觀盛  
移文慙負北山盟琮璫肇舉周三禮版幹重開漢二京  
即擬橐弓銷戰伐還期豐稔誌昇平

二

帝里風烟入早秋，鳳城鼓角出層樓。  
無邊草色孤鴻過，一夜星文大火流。  
臥病相如聊著賦，高歌宋玉亦悲秋。  
連朝雨霧濛濛裏，幾處江湖泛野鷗。

三

西來山色翠相仍，白鳥飛還第幾層。  
古木寒雲封斷石，玄宮斜月照觚稜。  
羅衣紈扇爭承露，玉盃銀絲醉倚燈。  
上苑梧桐猶昨日，秋風休過漢諸陵。

四

書生禮樂空談日，大將勲名列土時。  
五嶺樓船餘寶玉，九州供賦亦刀錐。  
驕鷹氣挾風雲起，小草心啣雨露私。

東村集卷一

五

寂寞楊雄無一可，玄成皓首未為遲。

五

何處吹笳倚晚哀，天清雲漢自昭回。  
真成兀坐身如木，似有深愁意欲灰。  
鴈侶先辭青草塚，霜花已動黃金臺。  
那知燕市人寥落，擊筑當年一酒杯。

六

茅亭風雨晝長陰，獨對蕭條嘆不禁。  
稼穡今時逢落葉，文章自古惜浮沉。  
三秋故起蒹葭色，萬里虛懸騏驎心。  
莫擬朱絃真斷絕，天空木落亦清音。

七

又見秋光處處新，微軀作客尚依人。  
天懸銀漢通牛女，露下銅龍降鬼神。  
避輦紅顏甘自老，據鞍白首氣難馴。  
也知搖落從今夕，奈爾砧聲起四鄰。

八

急雨傾簷入座喧，悲涼無奈客懷繁。  
愁中青鏡方含雪，望裏白雲正倚門。  
落日烽烟通海戍，微風禾黍散高原。  
最憐遊子長留滯，况是秋聲滿故園。

九

蛩吟詎是訴蹉跎，裊裊庭花露漸多。  
北地雙砧懸皎月，西風一夜渡黃河。  
腐儒枉自惜螢火，隱士真當念薜蘿。

東村集卷一

十

海上三山誰得見，空聞秋雨打漁裝。

十

元龍湖海意何如，歲月樓臺遲倚玉。  
除河朔秋聲連塞遠，漁陽返照過林疎。  
牆東即可從牛僧，廡下誰能挽鹿車。  
橐筆祇今無一字，名山且俟十年書。

范仲亮曰：憶辛卯歲尹先生自都門言公新秋  
時和玉立堂詩，老詩人皆推服，獨步一時。且上  
苑梧桐二句，吟家人人傳誦，今觀其全，殆下減少，陵秋興諸篇也。

話鄒馮諸君子遺事感賦

為道昔賢出處同，憂思猶得見唐風。  
玄黃構闕由三案，黑白分明有數公。  
碣石新秋芳草碧，蘭門殘雨晚霞紅。

何人復化歸來鶴酒淚山頭坏土中

古意二首別梁王立

落葉豈無蒂浮雲亦有根人生感離別動如飛鳥翻秋風吹明月搖搖千里魂酒淚向天地深懷未抱恩

二

長安古道裏塵起與人平昔人既已去今人復此行不見黃鶴語但聞班馬鳴勉哉勿相棄永矢歲寒情

送高繩東

繩東念東兄也己卯東國解首丙戌進士休致甚早

欲去便歸去閒身好自由高歌燕市罷明月故園秋匹馬隨陽鳥寒山抱戍樓江湖方浩蕩萬里一虛舟

東村集卷一

圭

二

兄弟文章傑獨登大將壇風雲還奮發日月忽艱難客况餘生在秋聲落葉殘濁醪隨處有不必望長安

李匪莪自中州回往晤因留宿

青驄殘暑憶離筵帝里新秋又一年來自故園芳草路還看嵩少白雲天樽前握手人無恙醉後論文事可憐剩有愁懷難遽數且將涼月照高眠

八月十四夜同劉宋兩年兄飲匪莪寓是夜無月

每過忘形坐不辭將圓月色故遲遲浮雲一見情見酒狂歌我輩知况有佳人能鼓瑟何妨深夜更彈棋

可憐俱作飄零客聯轡秋風是幾時

十五夜月再集匪莪寓

昨夜微陰今夜晴今年月比去年明騰輝已覺羣星隱濯魄常含萬古情洗盞還斟燕市酒開襟故傍越娥簾須知盡洗風塵色桂樹天香滿鳳城

八日飲金魚池

十里蒹葭一水通開筵面水過秋風城隅返照明疎柳天際寒雲沒晚鴻對酒不辭人共醉聽歌聊復意為雄明朝勝有登高會預指千峯翠靄中

九日

東村集卷一

圭

秋光澹蕩真重九良友招攜發興新近野黃花應自放當空白日轉相親狂吟未敢虛佳節濁酒還堪慰古人便擬臨風同縱目只愁高處轉傷神

二

搖落重陽劇客愁望鄉我輩復登樓三方鼙鼓臨河上萬里梯航自越州書生懶慢差同病老將飛揚未倦游寄語西山紅葉路芒鞋竹杖定相求

送張蓮林

交游滿座紛誰如迂鄙深慙禮數疎不為羣賢容泛及何由得寄故人書燕山木落秋聲急越水舟輕夜月虛

射策名高榮畫錦時清非是戀鱸魚

偶題

室如斗大又雙扉夜半還來燈欲微地老堅氷餘水活  
天高明月數星稀青山結社人猶是白業同心夢未非  
試驗黃鐘消息處陽春終向吾徒歸

己丑冬暮胡韜穎僑寓真定僧舍

匹馬隨風只慢遊天寒歲晚向誰投浮塵不壯青雲氣  
落日偏牽白髮愁即有椒花足對酒何堪雪葉故侵裘  
爲尋蘭若棲心地午夜鐘聲客夢休

二

東村集卷一

七

憶昔長安初把袂風光物態尚繁華黃巾白馬方無藉  
綵勝椒盤自闕花痛哭書生獨報國悲歌壯士不還家  
那知此日逢新歲又向中山聽暮笳

三

春來遊眺思子甚成德軍經百戰過大野人烟依日少  
兵屯鼓角振雲多乾坤不用雙揮淚歲月還堪一放歌  
浪跡何人非逆旅便從此地混漁蓑

四

朋游京洛日紛紛念子軒軒迥不羣元龍厭作求田計  
司馬羞傳論蜀文霞氣太行高處見鈴聲佛閣靜中聞

便與僧家叅至理升沉真可視浮雲

五

依棲天地亦堪哀渺渺白雲入望來客路塵沙聊駐足  
烽烟落日莫登臺南州下榻留徐穉北舍懸幃慟老萊  
黃石昔曾傳妙略蒼生終借濟川才

六

烈風吹日濁河鳴絕塞春寒鴈北征客淚窮途悲令節  
禪心丈室慰餘生塵埃仕路經三已洞壑虛聲試一行  
倘遇餐霞真隱在須知吾黨係浮名

庚寅元旦

東村集卷一

七

北斗迴元化乾坤歲序更風和金殿迥海暖日輪生喜  
見鸞鳳集春隨梅柳行深知垂帝鑒下土願昇平

初三日立春

元旦過時纔立春春光嫋嫋便傷神堦前撥草看童子  
壠上占雲憶野人絲菜猶勝京洛事桃花欲泛武陵津  
斜陽獨立空搔首奈此年年羈旅身

送王雪圃按畿南

畿南最重巡方地海內澄清視此行驄馬昔聞能解綬  
犢牛今見欲銷兵民心繁苦兼憂旱天道深微自好生  
且喜春風隨轡轡太行霞起日華明



二十四日

十年絳帳遠顏色一日檐帷入鳳城面目相看足痛哭  
心懷欲訴奈縱橫水房劒室今時事闕海燕山萬里程  
僧舍依然舊鐘磬因緣彈指便三生

二月十三夜月暈

下土方憂旱天高竟未聽暈深僅露月霧重盡迷星  
虐魃傳風角芒神亂水經虛愁花事近草色爲誰青

贈朱嵩若

執法尋常事闕然俗論驚人心難古道我輩固書生  
筆墨留元化菁莪報太平乘驄花正發千里聽啼鶯

東村集卷一

三元

春日

春日遲溫煦低回戀敝裘迂疎交自澹潦倒病何瘳  
驚馬依墻臥蟄蟲出院遊兵戈只未息莽莽在神州

寒

節序今無信春風翻太寒凍雲掩白日濁霧滿青巒  
不惜園花困只愁瓏麥乾郊遊那可卜客淚自闌干

北極

北極羣星會南宮博士家春風行砌草皎月照庭花  
世路懸相許詩名敢自誇殷勤盡一醉有酒向鄰賒

又

高談衝意出客悶頓能開管晏齊人事鄒枚漢史才  
河流橫大陸地氣轉春雷會有魚龍躍終難滯草萊

又

冀北諸雄地山川百戰殘諸生猶聖業博士亦朝官  
雨洒松杉秀風吹苜蓿寒深居餘著作取次報長安

又

朗朗開庭異雙懸照乘珠降心修近藝昂首問天衢  
五鹿談方壯元龍氣不拘千秋終借賴把盞莫躊躇

李錦秋還郡

歷下才名著翩然作郡丞邢州不寂寞山色白雲層  
落

東村集卷一

三

日懸孤塞春風度馬陵薊門遊倦後客路欲飛騰

二

漢吏朝天日承明謁帝還交游堪白首來往見青山  
佐理無誰等津梁有要關風河方漲溢切莫損朱顏

三

啣杯春欲盡分袂重添愁薄宦希知已微官未敢休  
河山憑制府日月照幽州倘借君前箸安危試一籌

四

聲折真何意崎嶇外吏勞大風吹短袂寒雨透綈袍  
世態餘千變浮生早二毛漳河衣帶水春色正滔滔

送賀紫翔紫翔丹陽人其先人仕於南故有家難

合註抑為副榜第一以紫翔戊子試南闈發解首以詩末篇不副貢試選部復第一

落拓因家難崎嶇入試勤明珠雖按劍駿足自超羣暑雨山煙合江流樹影分還鄉聊慰藉生事尚紛紜

### 贈李巨源

公孫牧豕胡為乎讀書大澤乃其徒後來天子用桑孔  
平津開閣將招儒人生何必不貧賤呂望釣魚兼負販  
可憐售豕多齊人放下屠刀君自見吁嗟乎放下屠刀  
君自見

### 先農壇

東村集卷一

五

逃暑尋幽處良朋把臂行齋壇雲物聚絳閣日華明農  
事關天意玄言澹世情涼風虛自至便覺座中清

### 二

彌望澗無際經行路欲迷草深驚兔起樹老看禽棲對  
局浮雲過啣杯落照低古來河朔意何事可能齊

### 三

坐久蒼塵絕明霞動晚林柳巢千鶴暝殿表一龍吟勝  
地通靈氣歸途見客心良苗急望雨西北莫虛陰

### 寄梁玉立

早氣灼人行不得經旬相望意悠悠悲風搖木偏多恨

落日荒山足自愁自昔蛇龍傳識記只今魚鳥亂沉浮  
那堪夢醒空堂後幾度淒然近早秋

### 早

六月不雨天如焚鬼哭民號天不聞草木皮毛焦欲死  
魚龍展轉河之濱吁嗟乎草木無知死亦可魚龍水族  
安足云民為國依天所恤早既太甚將無民我聞自昔  
桑林禱天道感格在聖人若能備亦無患七年國計  
未全貧十室九空可奈何敲骨吸髓正催科縱使豐熟  
辦不得況逢大旱難騰那吁嗟乎爾民何如草木無知  
不畏死水族飲水寢其窩

東村集卷一

五

### 贈函樓主人

望遠心難已登高興不違明霞橫自落野鳥過還飛散  
帙看今古酣眠謝是非懷鄉誰作賦樂土足相依

### 賦和秋壯丹輓趙問源夫人

一落塵網中抽身苦不早非獨道力薄妻孥令人老趙  
子實超然煙霞滿懷抱耦耕賴賢達無累以為寶嗟哉  
何遽逝乘鸞向蓬島聊復發奇葩取照秋陽杲春花雖  
爛熳秋容晚愈好至理無榮枯此意期相保

### 壽馮孔博

桑弧夙壯志玉署近長安歲月銷沉易生涯進退難草

玄竒自賞撫缺靜相看沽酒今朝醉松筠照暮寒

二

四十足聞道君今餘二春青山須卜地白髮便侵人鄰  
舍時相過交情窮更真定知高閣上早爲畫麒麟

壽薛行場老師兩尊人八十

不意蘇門嘯變成吳市仙齊眉饒歲序偕隱重林泉共  
慶生申旦同逢獵渭年方欣鳩杖健更樂綵輿便冀缺  
常相敬龐公匪自賢丹顏互照映黃髮對踰躔南極星  
光燦瑤池月影連靈芝生閨花美玉出藍田道德程周  
上雅騷屈宋前佇看調鼎鼎即可靜烽煙養志風雲際  
承歡日月邊定知桃似斗並蒂歲三千

東村集卷一

三

歲暮咏懷

寂寞年年慣交游近益稀閉門無一事默坐念前非硯  
水壚猶結爐烟發自微吾生同旅泊回首定知歸

二

三冬行已盡一病幾時瘳不解尋丹訣何勞嘆白頭寒  
鷄號未止驚馬臥須休聞說黃河水連冰入海流

三

當時曾少小觸事甚精神市里團團走衣冠簇簇新至  
今成悵歎兒女漸爲人一室垂頭坐椒花念老親

四

空想豐年瑞何曾見雪花寒風連地起澹日過牆斜米  
貴難沽酒薪希自煮茶蒼生餘凍餒翹首望天家

辛卯人日同念東過王敬哉齋頭飲酒胥庭時在  
座次韻奉謝

久住異鄉爲異客恰當人日見同人西山冰雪餘相照  
東壁圖書靜自陳我欲狂言忘閉口誰逢美酒怕沾唇  
那知老鳳羽毛健一曲能吹萬物春

贈竹菴上人

一衲隨身也偶然和風二月帝城天行人欲問臨安路

東村集卷一

五

潞水灣頭有去船

二

饑餐白飯無多子渴飲清茶量太寬縱是談禪須氣力  
可憐病眼向誰看

送馮孔博齋詔下江

京口遙連建業開金山中劃大江迴東南名勝曾遊處  
詞客新啣鳳詔來

二

梗稻千艘吳地有綺羅萬戶越中同此日朝廷恤物力  
陳詩應爲問民風

三

鳩鵲觀前雲漠漠鳳凰城外草青青殷勤酒休辭醉  
筵上驪歌不可聽

四

王程也許暫還家遊子相看鬢有華十二齊城眼底路  
春風吹不到天涯

贈李匪莪

春樹春花發帝京一枝憔悴獨含情惠文柱後看新製  
驄馬風前聽舊聲懶病自甘從廢置疎狂焉得至公卿  
垂綸海上年來約待我持竿踐宿盟

東村集卷一

圭

贈文六符

公車不復問承明野服騎驢亦宦情說劍未逢燕市客  
論文曾屈濟南生年過半百畏多難才本無雙就一城  
淚落蓼莪詩久廢春花無艷鳥無聲

贈杜明府

燕山三月杏花飛樽酒平生願不違作吏勲名雙短劍  
思親歲月一麻衣趨朝自覺風雲起按座爭推海嶽歸  
祀事祠鄉猶社稷令公終可佐綸扉

喜雨

年來憂旱切對雨喜難禁極目烟雲色當簷珠玉音良

苗時可及隴麥秀能深方悟餘生理無私帝者心

二

未惜羽毛濕凌風燕雀狂彌空雲不斷入土雨皆香草  
色侵鸚鵡桐花引鳳凰如泥拚一醉急為理壺觴

雨不止

昨夜到今夜淙淙不住聲星文當戶隱水勢向階平饑  
鳥棲難定寒鷄困且鳴人心那可卜番轉欲求晴

上梁年伯

大風一吹天地黑鬼神潛移日月蝕蒼梧雲深帝子愁  
鼎湖龍去無消息黃鵠高飛可奈何古來螻蟻亦良多

東村集卷一

圭

扶桑旭景照四極寶馬珊瑚炫綺羅五噫歌成有一士  
冥冥鴻去得所止把盃不顧中山人擊筑偶過荆卿市  
荆卿既去不復還春深易水春花殘落紅飛絮強顏色  
自顧深慙幽谷蘭

贈戴巖壑

長安遊倦客嘆息向春深山色從朝暮花枝自古今焚  
香聞靜理擊筑見遺音世上升沉事何關達者心

二

國計司農重年來事事難朝廷方用舍吾道合盤桓一  
室春雲入千家夜雨寒蒼生足悵望高臥願加餐

爲屋將成慨然有咏

微生托聖世小屋自經營既使當風雨還堪怡性情花香從牖入日色向窗明大造容棲息鷦鷯事已成

二

或曰屋華矣實非分所宜不知筋力盡寧免匠人欺羸馬衝塵後匡牀就枕時炎涼相慰藉病骨敢無私

三

爲戒思三瓦求安就一椽面南朝北地春盡夏初天砌草芽還出盆榴花欲然虛庭恣眺望燕雀正飛旋

四

東村集卷一

三

餘地留栽竹當堦先植松和風來澹澹好鳥語喃喃與友交棋局論文把酒鍾翻思三徑在無奈野雲封

春暮過熊次侯寓併慰其歸心

到門不忍去接座便深論世事知吾懶交情念爾眞居家隨逆旅把卷避縑塵大業須韜晦時名亦損人

二

不是登朝易爭知入里難花殘江水暗麥秀隴雲寒萍梗殊多慮琴樽且自寬清時新氣象草野正彈冠

初夏成均課士有作

萬古斯文遊處地時清更得見羣才虛庭日抱松杉起

廣厦風吹燕雀迴駿足不難塵外試明珠定許網中來須知聖主求賢切共道奎躔近上台

贈齊价人

南國知名士成均亦壯遊煙霞清自賞耳目靜能收羸馬衝塵去長衫入夏愁談詩多妙理接座許相求

贈潘宗海

同作京華客偏深故舊情眼中雙白髮袖裏一青萍擲管餘佳句談經負盛名少年多意氣倒屣尚縱橫

送孫枚先祭浙鎮南海便道還里

詔發太常蒼水玉親持祠部紫泥函龍蛇冠劍塗山北

東村集卷一

三

翡翠珊瑚粵海南萬里王程遊自壯千年勝蹟到應探聖朝近日多新政過里先爲父老談

送白東谷祭孝陵南嶽

君如璞中玉清廟瑚璉材我比他山石頑鈍宜塵埃美惡不相棄切磋十年來東觀同朝夕談吐無嫌猜知兄憂患意臨事多徘徊弟輒謂不然直往何疑哉孝陵歎王氣祀事猶昭回螻蟻我等在高皇有鑒哉祝融鎮南極金碧通牛魁飮芬銷兵甲炎方瘴霧開還家拜老母悲歡情俱該出處未敢述戲綠且嬰孩寒暑慎裘葛長路此其纓

送劉老師奉祭事於山東

霓旌霞仗自天開  
十二山河入望來  
桃李當年新雨露  
風雲今日古樓臺  
金函乍啟神靈下  
玉版初傳海岱迴  
鼎鼎宣麻知在即  
錦衣未得滯追陪

送謝芋蘿大司農還山

芋蘿章丘人萬曆丁未進士國初漢人正司農位公

其首也  
尋早歸

浮沈宦海幾人歸  
先進風流竟拂衣  
鄉里歡迎几杖入  
朝端悵望典型違  
長山出岫雲仍卷  
繡水澄波鷗共依  
無奈蒼生思太傅  
炎蒸且可臥荆扉

與劔浦含章對雨

東村集卷一

堯

虛庭風雨坐中過  
好友忘形咲語多  
地漲簷流懸瀑布  
天迴雷馭瀉銀河  
松梢綴露珠千點  
榴蕊承漿玉一窩  
却憶家園烟樹裏  
牧童牛背正謳歌

寄懷梁玉立

念子如春樹枝條  
入夏多麻衣驚乍釋  
麥壠痛常過夜坐  
當星月行吟到薜蘿  
高春應未起那復  
問鳴珂

二

只是經年別搖搖  
緒屢更功名今日事  
涕淚古人情不敢  
參謀議曾聞憂聖明  
梁鴻猶遠跡講席  
媿桓榮

新苗

近城村落盡蕭條  
乍喜平疇見綠苗  
好雨飽經根已固  
微風欲過葉還搖

晒網

漁翁晒網石橋上  
橋下潺潺過水深  
多少行人忙不徹  
臨流那復羨魚心

河邊

波紋如掌御河平  
踏草籃輿照水行  
只似幽人山下路  
孤雲過樹亂蛙鳴

壽范中堂

中堂號峴斗豫章人家世  
遼東開國第一宰輔也

東壁推元老長庚  
照素顏持衡清似水  
執法重如山報

東村集卷一

卑

主心常亦憂民髮  
早斑龍圖方藉賴未  
許一身閒

二

稷契平生志恥言  
霸越功即今堯舜世  
何必五湖中履聽  
星辰上霖知草木同  
懸弧嵩嶽意壽考俾  
年豐

初夏贈谷太玄

經年不出戶近且  
教諸生咲口殊無倦  
安心若有營新篁  
雲共起古屋月孤明  
知復耽佳句時常頌  
太平

瀛洲亭見白鸚鵡

白燕何時去未回  
瀛洲亭上雪衣來  
天高鶴馭秋風便  
地近龍樓日色開  
影向玉堂清自照  
心依雕檻靜無猜

笙簧知爾能傳語好記南山萬壽杯

次岳朋海韻 朋海同年同館

欣逢舜日賦南薰簪筆同時儔五雲驚步深慙龍作友  
蝸堂且喜鳳來羣雙松接座蒼烟合孤鳥凌空皎月分  
乍覺蓬茅生氣色那知樽酒藉雄文

年家眷同學弟新城王士禛校閱

東村集卷一 終

東村集卷一

罕

東村集卷二

霑邑李呈祥吉津甫著

使程詩刪 自序

使非以為遊而有其遊遊不必於詩而有其詩若  
夫望切於里閭者不及辭感深於疾苦者不暇狀  
勞於跋涉則力疲煩於酬應則志棘遇名勝而精  
神不接則物遁當咏歌而學問不副則思荒是為  
不文類成虛往故其詩可刪而不盡刪以著其為  
使而不能使而遊道缺如也

十月三日發自武定與蘇竹浦話

竹浦適罷秋闈余邀之南遊有

作

東村集卷二

驢背十年事同來話舊遊風雲瞻北闕旌節指南州水  
勢通長岸山容帶晚秋君寧終鍛羽未可厭征裘

齊東道中

平田高樹半青黃衰草淒淒蘼晚霜茅屋炊烟人乍起  
依稀麥隴見牛羊

望長白

羣峯忽遠近翠色照秋殘倘有烟霞客遙從馬上看

長山驛中夜雨

水齧孤城盡荒涼驛館開團雲奔若駛急雨響如雷畫

陶空巢雀殘燈閃落煤離愁今夜合裊裊夢中來

徐海曙投詩見邀即次來韻

悲歌燕市乍論交俯仰千年足共豪此日真來床下拜  
風塵枉自媿衡茅

六日長山道中大風

雨氣散還聚煙蠻低復高迷雲連海濕大野任風號鴈  
羽殊難定遶根豈易牢王程須計日馬首敢辭勞

宿金陵驛讀壁間憂水詩感賦

皇華古驛倚山樓向晚長途此暫留禮樂三千來上國  
山河十二入齊州寒風未厭村醪薄落葉偏生客子愁

東村集卷二

二

杼柚二東今蕩盡波臣應切廟堂憂

驛中晨起見落葉

寒風吹樹樹無遮落葉空庭似落花正是游人看不得  
老僧掃去煮山茶

將至青州聞馮孔博在里喜極走筆遣寄二首

託迹長安幸比隣天涯兄弟久逾親看花每是聯鑣出  
飲酒常忘報漏頻我自和光甘守異君雖彈鋏未憂貧  
登堂預作十年約握手深談快此辰

其二

丹鳳九天相繼下山川南國似同遊高歌燕市經年別

美酒平原十日留家自先朝稱渤海人從古道望營丘  
瑤筆錦瑟今能否跨馬應須到郭頭

七日至青州晤孔博始知其病瘡者久之幸漸愈  
方卜新居即日見邀為賦

清霜十月念離羣叱馭趨城急晤君不意江湖秋臥病  
至今山嶽晝窺雲鄒枚筆札如傳世管晏魚鹽亦立勲  
高廩初成為下榻夜闌應見動星文

青州曉起

曉日萬家烟霜空樓閣懸西南山作障東北海為川霸  
業看如此雄圖竟杳然昔賢餘勝蹟獨著范公泉

東村集卷二

三

昌樂邑東派山有夷齊祠

壑盡夕陽平高樓見石城魚鹽存物力烟火雜雞鳴久  
客憐長缺新醪醉短檠應知今夜月一照孤山清

十六日至日照邑宰呂翰公為余戊子取士

連山斜入海野水近趨城日自扶桑出風當碣石生魚  
鹽喧市肆竹栢冷簷楹欲識絃歌理應無愁嘆聲

觀海城為唐太宗東征屯兵處

海岸寒烟迷故城城南高閣巨津平蒼茫不測乾坤意  
沐浴真看日月生丹竈仙人曾駐馬梯航盛世莫揚兵  
魚龍咫尺如相問洒酒臨風萬古情



其二

乍逢海若亦堪豪極望空憐目力勞却轉洪濛留斷石  
心空波浪見輕舸遙通玉關懸雙蝶怒捲銀山駕六鰲  
指顧東南剛一點不應重說廣陵濤

留別呂翰公邑宰

長吏民之命循良世所希朝衙啼樹鳥午飯飽山薇令  
子耽書瘦慈親戒鮮肥別離當此日握手更依依

過海州海口

海風吹雲雲不開海風吹潮潮不迴扁舟簸揚不得住  
怒濤急浪相傾催却怪驚駘見水懼捨舟躍入波中渡

東村集卷二

四

中流力竭四蹄橫口內噴煙白沫聚吁嗟乎險哉海州  
之路真難行却憶瞿塘灘湏平

十一月一日至維揚病張穉恭同年來視兼示半

船圖詩次韵

燕市和歌後重逢似夢遊愁從孤客發病爲好朋留隋  
苑無衰柳吳宮有斷溝烟霞足自賞應不厭林丘

其二

高談眞起疾接座欲生蓮擇地聊都會藏身亦貿還閒  
當逐水去醉可抱書眠竟踐十年約攜余雪夜船

揚州書院曉起

寒雲高出樹薄日曉籠烟小鳥無愁思飛鳴過我前

道中有懷蘇劍浦別駕之平陽任同令兄竹浦作

劍浦少同硯席以  
副榜貢判平陽

憶子春初入帝京黃花開盡送子行臨岐自洒同袍淚  
捧檄何辭下吏名水漲鉤盤猶故土山標姑射是堯城  
逢梅欲寄江南客况向池塘夢草生

儀真道中有感

五日揚州客茲晨得暫晴籃輿青草藉駿馬大堤行遠  
樹籠烟暗輕舟過水明忽聞鷄犬亂又發嶺南兵

烏江項王廟

東村集卷二

五

帝業由天授英雄自有神餘威窮大澤壯魄托江濱鐵  
馬雲中下丹雒過客陳當時龍戰鬪辛苦在斯人

其二

王漢約終遂誅秦志已平不應寒日色猶作怒濤聲吐  
氣下人廢登壇萬旅驚嗟哉奇計者執戟失書生

十一月十次江浦是夜爲冬至節有述

旅次呼嵩向一城千官虎拜憶承明雷鳴地底江聲轉  
月出天中漢影橫龍衮寧煩長線補葭灰自逐寸心生  
傳聞絳節方臨塞靜護微陽切 聖情

途中雜咏

啼鳥催晨發凌霜攬微裘使星搖驛路寒水滯行舟襟  
俗常懷土餘生未盡愁古人曾遠略白首事封侯

其二

白日淡無力浮雲斷復連看山惟袖手得句且虛眠汨  
汨風塵裏迢迢日月邊吾生甘羈係浪跡欲誰憐

其三

所遇非吾舊南來馬首西人情秦越視客路楚吳迷野  
戍青烟斷高原白草齊勞形思懶慢報漏任鳴鷄

野步

乍下巉巖遠水濱風高大陸亦傷神沙邊鸛鶴慵隨馬

東村集卷二

七

天際風烟低近人自逐晴雲徐放步誰回冬日暖生塵  
芒鞋竹杖原吾事擬向江梅問早春

過合山留贈朱邑宰

濟南德平人

溪水斜趨一徑橫羣山四轉抱孤城人來歷下齊諸子  
令起桐鄉漢列卿落日懸林飛鳥下寒雲近戶疊烟生  
即看奏最明光殿謠頌先聞製錦成

雜咏

却似入山深乘輅只苦吟寒天風正力澤國晝多陰地  
主顏相問猶胥語莫尋咨諏慚未達早晚制歸心

其二

長堤界水痕烟火數家村老樹橫當路扁舟直到門高  
巖防暴虎曲笠長痴豚父老嗟相向皇華又聖恩

其三

極目唯空濶蕭蕭草樹繁千年餘廢壠二氣變遊魂力  
負山河走塵吹日月昏世人拘所見塞兌未深論

其四

病起長途倦山城就草堂寒燈斜向壁餓鼠夜登床不  
寐思閒事憂生說藥方莊周曾化蝶此夢未荒唐

半湯泉

暖風忽作曉烟看近水翻驚炙手難劫火要從池裏度

東村集卷二

七

水霜不許下方寒

其二

溪頭凍合五花文嶺上寒生九折雲恰似春光回黍谷  
鄒陽吹律莫先聞

巢由祠

祠對澗流清山高二子名雲中白鳥過竹外翠烟生往  
事僧難說塵踪客自驚因懷三代上適性未遺榮

十四夜廬州見月

浮雲散盡夜無聲月出寒樓迥自清百戰荊榛餘廢壘  
三方江漢繞孤城綈袍久客風先敵短笛他鄉雪未生

剩有一分寒桂樹來宵應傍故園明

十六日晚行桃城

頃色天虛照長途客暗行寒氷時蹶馬東炬遠飛螢犬  
吠知墟落人過辨語聲月圓猶未減冉冉出山明

桐城山中

崎嶇鳥道四山封樹杪飛流度幾重雪霽千崖懸落日  
風鳴大壑起寒松玄雲入洞關龍睡野火燒天照虎踪  
七十二峯青未了黃昏何處數聲鐘

二十日至安慶爲培原李操撫作

皖口東南護鎖鑰中丞樞府節雙持江城氣煖來鴻鴈

東村集卷二

八

海戍煙消臥虎罷拔石摩天身作柱看梅對雪髻如絲  
敢云同姓猶兄弟德業長源信可師

二十七日渡皖城江

戰艦曾聞闕上遊城邊今見大江浮排空雉蝶依雲立  
當年浮圖柱日流翠色西來雙玉柱驚濤東下一扁舟  
揚帆忽憶乘槎客天際微茫是斗牛

十二月一日池州山中

臘月眞寒月山行風滿林飄霜先入耳滑磴劇驚心水  
落明沙淺猿藏宿霧深團紅誰綴女冷艷亦難禁

其二

地氣寒從北南行路轉深魚蝦晨入市豺虎晝窺林作  
客從鄉俗逢人譯土音江干眞浩渺何處寄鄉心

初三日青陽署中見白東谷同年題壁次韻寄懷  
并贈史邑宰

密樹深崖霧不收長途歲晚及鄉愁故人已臥山中雪  
使客重逢江上秋萬里塵踪雙鬢老九華秀色一時留  
還期仙令雲中舄筆札同時觀鳳樓

石埭山中

排空無鳥過染袂有雲來碧玉生春樹丹砂印古苔飛  
流千澗折曲徑萬峰回徒倚登高意還憐作賦才

東村集卷二

九

山下

曉色千峯染黛深一峯晴動一峯陰只疑縹緲仙人住  
似有瑤簫天外音

八日至徽州汪拙圃同年飲子雪中有賦

他鄉歲暮奈愁何有客騎驢載酒過雪滿庭陰生玉樹  
雲開簷溜走銀河紅梅翠竹占春蚤白岳黃山多地多  
回首同遊寥落甚莫嫌今日有悲歌

除夜太平署中守歲

吾生三十五一去忽如鷲飄搖大化中在旅更爲客姑  
孰百戰殘城市空蕭索燈火坐夜深鄉土暗相迫把杯

時一歌愁緒共開釋頭顱漸老大業緣日堆積薄俗苦  
糾纏聚首竟何益館舍雖荒涼頃與塵事隔居人自勞  
攘閒觀成戲劇曠然清心魄晤言永今夕

壬辰元日雷雨

南國春多雨今晨不雨晴露梅紅漱灑洒竹綠輕盈小  
閣圍爐坐虛簷聽鳥鳴豐年宜有兆撼壁怪雷聲

五日至金陵晤劉大祈同門感賦

當時把袂振青雲別後音書更不聞夢入蕉中尋鹿影  
閒來江上伴鷗羣陰陽歲序常相轉草木韶華只自分  
握手青陵猶看劍宵教風雨妬龍文

東村集卷二

十

元宵同大祈步月

元宵月滿大江空十載相看清影中南北風塵雙鬢改  
天涯燈火一樽同艱難自識論交少老大羞言作賦工  
醉起御街閒放步寒烟何處景陽宮

十七日同蘇竹浦暨張孺野季修兄弟登長干寶

塔

東南玉柱立層霄躡電梯雲上寂寥下界流金懸日彩  
天光劈練湧江湖闌中燈月成三世眼底風烟過六朝  
何事大鵬勞健翮振衣早已駕扶搖

其二

梵剎銷沉烈焰中珠光吐月繞穹窿莊嚴後世人情係  
締造先朝物力雄勝地敢云雙妙過清言幸藉二難同  
平生徙倚凌雲意極目中原奏大風

牛首僧舍同大祈竹浦夜坐

深山相對愜心期萬壑無聲入夜時殿古寒燈懸火靜  
僧間晚漏報鐘遲

坐久見月

夜氣響深幽松濤入座流開門忽見月望遠欲登樓良  
友同玄賞雄談破客愁吾生煩造物蒿目爲誰謀

牛首早起

東村集卷二

十一

一聲清磬破蒼烟策杖凌風自悄然東望海天三萬里  
扶桑雲捲日輪懸

牛首老僧索詩口占爲贈

牛首春初到禪林日未斜遊人眠藉草野鳥叫啣花鐘  
鼓傳新齋香烟倚暮霞客予成懶散也可演三車

二月二日至維揚贈鹽使者張伯行同年

江淮民力竟凋殘鹽筴猶能助縣官雨纔風檣商賈利  
雕行枵腹竈丁難持衡幾見魚鱗冊執法今聞獬豸冠  
茹蘗含冰眞御史青驄莫作少年看

其二

使星搖落散江湖意氣相酬願不孤斗酒佯狂時事有  
埋輪丰采後賢無鶯花廢苑猶春色烟雨迷離自畫圖  
咲語夜闌真未厭可能把燭問平蕪

十五日至淮水贈馮炳石

炳石弟孝廉  
適試春闈

濟北今遊客淮南舊小山春風生草色夜雨媚花顏對  
酒鄉心熱聽歌旅况閒白眉方上國月樹早應攀

二十七日至青州馮孔博已入都聞其有分較之

役爲賦

往來客路經風雨聚散交情閱歲時爲問庭前桃李色  
春風已護上林枝

東村集卷二

三

木齋詩稿 自叙

謫居以來閒不可支回思平生曾學爲詩而無所  
成今日之窮不得以詩自解既閒無事亦不得不  
以詩自解也錄數十首寄諸同志要知人自窮耳  
非詩之能窮人也

茅屋

浪跡同飄梗餘生寄此椽門開千里雪囊起一窗烟野  
鹿來相值閑禽坐不還北風吹正力亦是羲皇前

又

朱門餘萬瓦茅屋但城隅好友來三徑佳筵見一壺風

東村集卷二

三

稜穿破壁雪片落微鬚不覺牛羊夕甘隨木石愚

又

虛窗堪縱目大漠遶長河策杖時孤往流雲夜與過名  
山今日少好句古人多餘習猶難盡高吟奈此何

又

樹枯成籬落晨光及戶庭寒衾眠不寐薄酒醉猶醒回

首惟長咲安心任短局閒看隴上雪一照遠山青

又

夢破家鄉近身留天地孤何須歌大隱定不泣窮途白  
日依窗靜青蠅着壁枯浮生誰係滯魚鳥自江湖

又

常時開口咲稚子共吾真風俗無餘事生涯有四隣土  
床○憑○火○熱○麤○臚○上○泥○新○竟○似○桃○源○裏○安○居○物○物○春○

初冬送剡師往遼陽

相逢初一笑露頂褰衫遲劍化雙龍合桐深老鳳隨山  
川真不限來往自無時流水何人曲偏聞鍾子期

又

家盡身仍在艱難萬死餘詩篇猶不厭禮法未應疎乞  
食分松粒披衣坐夜除關山明月滿茅屋共清虛

又

東村集卷二

古

事已今人見名知後世傳談經當日袖手對青天勝  
負殘棋裏浮沉野水邊焚香清夜語流涕媿前賢

又

乾坤還我輩浩蕩即江湖日月懸雙鏡冰霜飽一盂諸  
方推老宿隻字了寒儒又念迷津客停橈問遠途

又

舊譜三韓地中原百戰殘精靈皈法席鐘鼓護登壇藤  
杖晨風急蓮燈夜火寒早知方丈裏畫壁響琅玕

又

自是經行處仍攜孤杖來名山憑駐錫滄海待浮杯曉

又

日紅雲透遙空素練開誰云寥落甚萬象自昭回

遠念惟詩帙清齋足飯床人皆趨淨地世自重空王鈴  
閣寒煙出水簷花雨香孰能分虎席久已潤龍荒

又

衣鉢南能後天迴大道東門庭留片偈法界落雙瞳積  
雪千巖曉飛沙萬里空吾徒須聚首彈指見春風

大來舉子

桃葉偏多子朝雲夜不閒丁徭添自累冰雪老成頑叢  
桂風前舞霜華醉後斑房櫨樛木咏藥餌定開顏

東村集卷二

辛

九日

千年佳節今晨異皂帽凌霜曉夢催日起扶桑鳴大角  
風翻碣石倚高臺他鄉濁酒容我飲故國黃花見鴈回  
便欲排空成獨往還知子晉和歌來

十月初度

百年今日再生身大漠高秋對故人野火燒山天不夜  
遊絲罥菊日如春披裘未覺風霜劇把盞何辭咲語頻  
只此數椽隨處可寒松翠栢舊來真

剡師錫侯夜語

四壁身隨一磬懸偕來良友輒歡然敲棋屢見燈花落

把盞初嘗粟子鮮鼓角霜催風並急關山雲盡月孤圓  
不妨深夜猶談笑石火新燒沸乳泉

問剎師病

邊城雪後冷無端寒衛深慙滑路難地結凍雲三日臥  
天餘布衲一僧寒椒湯藥裹時須進糞火泥爐夜莫殘  
翹首祇園方丈裏鈴聲應已報平安

剎師言別

鴈斷遙空隻枝疎荒園積雪渺愁予寒風拂面天相問  
大漠容身地有餘月色新懸良友夢燈花自照古人書  
不緣冰海神龍蟄那得春光萬象初

東村集卷二

十六

又

一間茅屋倚孤村日日騎驢直到門此去遼陽百二十  
夢來應認舊沙痕

寄壽剎大師遼陽

大師方開爐勤渠忘歲月顧此臘節來所事未能歇初  
度焉可逃紛然百憂結埋以遼海水冰花開五葉花開  
葉更舒覆以千山雪似嶺南梅梅寒香不絕憶昔嶺  
南全盛時尚書起家侍丹闕夫人冠帔對從容掌上明  
珠出海窟此日箕裘已有人此時冠蓋喧相接四十餘  
年天地殊杜鵑身變口流血萬里無人掃墓烟棠棣摧

盡松楸竭霧鎖關山障遠途家鄉如在夢還孤生與誰  
爲侶而歸與誰爲徒吁嗟乎談經說法胡爲乎吁嗟乎  
談經說法胡爲乎

壽大來

維周師尚父吾家之老叟蹶躅東海邊釣竿不離手大  
魚不肯來小魚見之走世事安可知後車一朝有釣絲  
猶在腰茅土忽在肘遂使紅顏子往往羨白首左公實  
未衰來年五十九庭中列五桂屋傍植五柳萬古冰雪  
中吾黨來相守此去二十年栽竹以爲壽其實飼鳳凰  
其竿拄鰲口得魚當烹之得錢還沽酒天地事無窮吾  
徒樂不朽吾不爲鄴侯糞火乞餘糗公莫爲鷹揚老態  
令人醜

東村集卷二

十七

仲冬一日

正可閒無事冬深天自寒饑鴉蹲不語凍犬臥成團日  
出柴門曉烟高大漠寬吾生猶易足瓶粟了晨餐

過田五兄書齋

破屋寒風勢欲摧蓬門晝掩夕陽開書聲不斷二子  
爲問先生出便回

閒步

地僻無人至閒來每獨行天當山外斷雪向日邊明枯

木無餘影飛禽只一聲倘然逢稚子便與戲班荆

晚歸

未許閒無事。栖栖薄暮行。雲歸青嶂合。日落紫烟橫。歲晚身爲客。寒深雪滿城。柴門常不掩。地曠月先明。

贈左憲崑

左公入城來問年六十五短髮飄素雪未步身先僂慷慨顧予言少小豪俠伍千金買娥眉空房貯歌舞青樓連狹邪繡被調鸚鵡花封萬里遊五馬雄三輔蹉跎忽至今勢如雲落雨雲歸終有托雨花將安取椎心夜呼天求死甦生乳我乃向翁咲翁胡不飲醺有子行負薪

東村集卷上

六

孫且礪其斧伐彼東海鯨射此南山虎鯨血濺海紅虎肉將爲脯翁但歸荒村燒寒櫓吐堅冰轉地雷春風動天宇深山足靈苗相期在香菰

歲暮歌呈大來

雪颯沓兮幽谷冰凝滑兮海路渺孤客兮多愁日已徂兮歲暮日已徂而焉如歲既暮而何託感故人之提攜獨相守於寥濶憶昔故人患難時今茲百口共流離子方偷生但苟祿吞聲道側不能窺君固辭福不辭災子亦畏禍禍亦來雪花三月大如掌銀鐺視我骨如柴爲我下榻兮羅酒漿拂棋枰兮開書囊揮雷鼓兮擊電光

夜闌二子論文章酒酣帽落鬢毛斑胸中五嶽山嶺屹春秋二百四十年之水鐵皎皎寫入蒼髯間鼎湖龍馭何時雲高堂宿草何人墳燕山一灑鵲鴝血哀號中夜阿誰聞雞鳴喔喔明星兩角君謂古人其孰可作留侯辟穀武侯死人生意氣爲知己天地不老春不回日月照臨心如此

除日

雪深應盡此生寒萬里邊城度臘殘自撥爐灰尋片火布衾更不夢長安

又

東村集卷上

七

腹有藜羹飽即休心如枯木那容愁不嫌老大無能事還逐兒童冰上遊

又

百年難得是閒居縱到天涯也歲除却笑狂夫狂未改夜闌風雪理殘書

又

萬丈寒冰皎絕塵雪中松柏益精神殘軀那得閒無事自寫春聯送四鄰

贈左錫侯

教授先生道未窮一時負笈有諸童寒蟄十里門前路



早晚南風與北風

又

擲却青雲餐雪霜夢中那解是他鄉春風已許年年至  
誰道萊陽勝瀋陽

又

歲暮同為逆旅人故園風景莫傷神閒來一灑凌雲筆  
散作龍荒處處春

高含章至

破帽衝寒自里門天涯握手月黃昏可憐潦倒同學子  
萬里相尋咬菜根

東村集卷二

三

獨立

漠漠浮雲日影孤歸林啼鳥認前途行吟岐路空搔首  
萬里水霜一病夫

元宵

萬方燈火幾家歡獨向邊庭耐夜寒為語春風吹霧盡  
高懸明鏡雪中看

晴

萬里雲開野戍烟晴陽不動四天懸烏鴉啄雪閒無事  
又逐輕風過我前

野望

端居絕物役晨炊飽藜羹微風動遠樹坦步及春晴耳

目入寥廓天地但空明羣動各自適衆音相和鳴自註  
義走飲不羨啄此其適也前  
者唱于後者隨之此其和也

又

牆陰有殘雪非與朝陽爭老松無別態氣至理亦榮飛  
鳥憑雙翼忽與雲烟并千峯豈我隔孤杖果何情

題王德甫無煩窩

長安昔聚首絕塞又同來垂死憑知已餘生付草萊風  
霜頻下榻燈火一啣杯修見龍沙裏陽和次第回

又

東村集卷二

三

豈有安心法春來晝夢長敲棋雲掩戶持燭夜聞香白  
髮留殘雪青山見故鄉吾生如鳥翼隨處得飛翔

又

上林餘舊樹久客又新歸自是行藏理誰云心事遠綠  
波江水在白首故人稀兒女從相憶天涯淚不揮

又

行年及六十處世宜三休削跡憐山鬼閒心狎海鷗浮  
雲春自變倦羽木何求試向東鄰望晴光在書樓

剩師至言懷

孤鶴虛高翼依棲亦世情雪殘春自至雲淨月何爭一

衲隨年老雙眸向日明吾纔餘片髮誰與繫浮生

又

題詩尋舊紙沽酒典春衣不是無人事何因有道機迴廊鳴鳥下遠樹野雲飛山色看相待行歌入翠微

高含章還里歌以送之

嗟我與子生同萬曆之丁巳十歲以後同一先生學爲制舉之文字二十以後子不干祿其才忽落如筆之禿誰者翱翔石渠玉堂小犢僨轅遇其羊腸三十以前吾死可追三十以後吾活何爲爾來輦轂同朝夕憐吾狂態將傾擲愧君明哲感君情年過三十豈好名維此遠

東村集卷二

圭

海實維樂郊解簪脫組伏於蓬蒿故人遠來關山悠哉雪既可飽冰亦可埋三冬高臥土床裏夢裏呼呌知何語東風一吹鄉思生汝自有家汝可行

送明吾上人南迎華首和尚

英風耆衲最知名乳法尋源萬里行華首雲從雪嶺合曹溪水入閑江清遙天杖錫瞻飛鶴寶地香花聽曉鶯爲勸老人須早駕遼陽今日是東京

寒食野望

狂吟觸景未能刪料理春風自往還幾處黃沙來雁信一溪碧水有鳬閒虛堂清磬如僧寂幽壑蒼松與石頑

遙指高峯千丈雪寒花裊裊待誰攀

清明日雨中作

縱遊無處尋芳草獨坐何堪絕舊醅萬里鴈鴻荒外去中宵風雨故園來誰將麥飯澆寒食只有青煙送冷灰自分餘生惟痛哭窮途休喚阮公回

又寄陳明府

荒城禪舍曉開衙古樹新巢抱乳鴉乍理琴絃聞鼓吹初封井屋見桑麻雲邊朱邱餘侯宅日下南陽近帝家倘許荷鋤分半畝願隨雞犬傍仙車

贈屍林回南

東村集卷二

圭

南風吹雪鴈來聲雪嶺人歸背鴈行再世相從師弟子一身未死腐儒生挑簪日月同還往托鉢烟霞自送迎計到閑江仍北望海天濶處有雲橫

大來再舉子

隔歲逾三月啼聲辨兩郎窮愁仍興致籬落亦輝光曄曄開金谷雙雙近玉堂從今辭美瓦頓覺蔡姬強

又

雨露無偏灑麒麟修一羣弧懸當月夜紱剪向春分咲謔吾儕老艱難世路殷長成能躍馬不必盡攻文

三月一日

歲月身猶在春風識二毛開襟當大漠措足托秋毫宿雨晴偏潤孤雲迥自高行吟無一字不是誦離騷

飯後

一飽吾無事出門鼓腹行春深寒略減雪盡草纔生徙倚聞雞唱虛無照水清挂瓢風過樹擾擾古人情

山行

水際山迎面晨光薄未分危崖懸墜石宿霧駐流雲鳥語微風應花香細草薰武陵春近在不是隔人羣

即事

天外重關閉客情中原回首罷逢迎那知驛路春風裏

東村集卷二

五

猶有蒼生問姓名

曉行

城隅日曉跨驢遊四月邊風冷似秋照水雙鳬閒自喜懷春孤樹綠生愁

五月十三日謁開祠

白日青天直至今邊城遺廟氣蕭森荊州割據君臣事漢室艱難兄弟心處處椒漿陳虎拜年年風雨聽龍吟也知不灑興亡淚魏苑吳宮久廢沉

冬杪咏懷 以下補遺

天涯竊幸息微躬歲晚柴門靜朔風踏雪獨遊寒夜裏

披雲長嘯月明中羣山削玉連荒色一鳥橫烟點太空松栢不言冬自老冰心期與故人同

其二

寒生四壁雪花堆曉日移窗客夢回蕉鹿幾逢高臥足雙魚一寄勸餐來隨心咲語閒無忌適興詩篇靜自裁策杖有時成獨往聞香却似見江梅

其三

荒園極目冷淒淒天外霞明落照低近日獨傳猿臂拙古來誰到夜郎西茅簷拂雪遲寒鳥脫粟傾瓶闕小醪歲序幾更人事在揮毫長是有詩題

東村集卷二

五

其四

大漠蓬飛落一身纔知昔是異鄉人籬邊此日容歌咏廡下經年託賤貧雪滿長天迷雁足山寒老樹長龍鱗送窮作賦羞賢達冷到邊庭不借春

其五

冬殘誰復念蹉跎贏得清閒日日過矯首雲霄兄弟少埋身冰壑友朋多每煩喧色臨蓬華漸覺晴烟動薜蘿不擬續騷悲逐客倘逢漁父便漁歌

其六

萬事只求身健在逢人相慶太平時豐年物力喧神鼓

小市風光颺酒旗痛飲忘衣似鐵高歌那借鬢成絲  
試看冬日生春日先上扶桑海樹枝

贈季天中給諫

絕塞秋深萬樹丹飄然一葉自長安鴻音漸急晨霜下  
客夢初回夜雨寒別後玉階留諫草窮來幽谷有彈冠  
廣陵遺曲今應續八月濤聲袖裏看

元日用東坡先生韻

邊樓畫鼓早鳴鴉遠竄身餘廣柳車闌闔雲開天作鏡  
扶桑日出海生花殘瓊已飫三冬雪新雁還思萬里家  
料理春耕須飯犢還期溪畔把魚叉

東村集卷二

七

其二

龍沙朔氣劇廉纖臘盡春回亦解嚴昨夢風吹消似雪  
故園水漲化為鹽蛇龍欲起仍藏穴鳥雀時來自入簷  
聞說蓬壺連海嶠綠霞應繞玉峯尖

元宵

月出魚龍喧海上塵飛車馬鬧中原心閑只許茅齋客  
却識今宵是上元

除夕

歲暮何愁歲不新不逢歲暮那逢春夜來夢度關山去  
已把平安報老親

其二

浪捲千山雪作堆天涯撼海吼如雷玉門只道春難度  
那見陽和日影回

其三

北雪南梅各自強梅無雪冷雪無香此身定向雪中死  
化作寒梅億萬行

其四

回首平生只浪遊安居自此任遲留臨風每覺天無際  
笑指三山海上漚

其五

東村集卷二

七

少小痴頑老大灰惟餘笑口向人開西鄰好友敲棋罷  
又過東鄰美瓦杯

其六

冰紋夜照月明空人在千雙清鏡中引得東風無限意  
春光還與故園同

集弘福菴爲陳氏披荆

邊城賸有菊花榮閨得重陽佛院行法雨諸天龍象舞  
慈雲匝地鳳凰鳴珠垂寶髻青絲盡鏡映蛾眉江月清  
三十七年男子事空門今許見無生

至日

北風一吹六合雲孤客飄搖寄茅屋霜濃地坼天無門  
夜深獨抱蒼龍宿龍騰泉底忽驚雷一揮羣陰如轉轂  
黃鐘寂寂未輕鳴三十六宮皆臣僕大海不波地不塵  
日精月華初出沐眼中萬象見昭蘇摧折何須悲草木  
西隣好友入門來顛倒布衾索薄粥

閒步

何意寒邊外冬深日與溫披衣凌雪磴曳履出柴門草  
盡牛羊息人來雞犬喧浮生寧有係觸目已忘言

贈別高含章

風吹茅屋鴈無聲門外長途班馬鳴冰泮關河隨望去

東村集卷二

天

雪殘塞草向愁生青雲不繫三春色白日難爭萬古名  
已分孤魂成野鶴為君却起故園情

其二

故園渺渺知何許恨不隨風化作塵九死之餘寧有我  
百年以後詎無人過關柳葉明初日到舍桃花放暮春  
若遇交遊垂念及為言瘦骨已嶙峋

奉輓蘇雨石

俄傳觀化意何如尺素親題慰謫居每向春風聞善飯  
猶期深夜見翻書升沉宦跡浮雲過清白家聲曉日初  
閭巷追隨成悵望吞聲天外倍踟躕

庚子重九次日子之初度旅次龍城志哀

四十四年成底事於今又是我生初萍浮大海時相值  
筆託名山願已虛淚落秋雲悲陟岵夢回春草慰依闥  
可憐憔悴還鄉客廡下依人久荷鋤

年家春同學弟新城王士禪校閱

東村集卷二 終

東村集卷二

完

東村集卷三

霑化李呈祥吉津甫著

游中山草

唐人無一言不喻於情宋人無一言不喻於理宋人俳相如瘳元凱後之人高睨三唐又從而學究宋人殆眇之能視者乎獨吉津先生悠然會心於此有四目之明丁未庚戌甲寅三過唐水與之娛未嘗不歡與之悲未嘗不痛柔淡深雅偶或寓之於詩漱晚唐之風味挹盛宋之高明自成一家言顧無一語不喻於情無一語不喻於理近代中幾

東村集卷三

於弇州新建然後知左右逢源之爲大而交相爲瘳者之爲誤也不然豈有數百年學士大夫狂於雕蟲爭註一杜集至千萬家盡仰爲宗工大雅有稍稍探聖人之學者輒唾爲腐物不可近是何異今之君子以千金聘休儒師至爲弟子呼西席雖錙銖而猶難哉中山復陽郝浴謹題

丁未三月三日郝復陽至平定出藏山廟詩見示

用原韻爲贈

茲晤乃青春昔別爲暑夏遼海還西來太行自東下所見非故吾白髮知速化彈指忽三年壯顏寧久借爲問

昔同遊尚存幾鄰舍萬里一鶴飛華表留新話世人總未醒有淚向誰洒軹關及榆關相望不相捨回首顧臨渝柴車每獨駕奔走良苦辛安意無悲叱袖攜易一編義文共摹寫呼坤既應牛呼乾又應馬天地只如斯吾徒何爲者

十四日壽陽雪後

羊腸九折雪中看老病方知道路難正是天涯寒食節風光偏向壽陽寒

十五日同復陽至太原步韓文公壽陽韻

皂帽何如管幼安春風只似舊時寒晉陽還見遼陽月

東村集卷三

二

萬里清輝玉一團

其二

客心慵處轉心安猶有羊裘遮暮寒起向空庭看月色天涯清影共團圓

四月三日壽陽道中口占

一株兩株綠樹忽前忽後清流行到懸崖窮處沿溪又轉山頭

其二

不見幽花吐艷時聞野鳥傳聲疊嶂層巒近遠何人采藥閒行

其三

觸處水聲活活豁然開我宿懷便向盤石坐臥天成野  
老幽齋

其四

別却壽陽未遠寒溫各是冬春幾欲抽添衣絮衰顏那  
慣紅塵

其五

每嘆春歸難覓山行忽見明霞茅屋雲中雞犬武陵人  
問桃花

真定何誕登舍留宿因及郝雪海太息不已有作

東村集卷三

三

世事患拘牽人生貴胸臆遇合固偶然相知豈文字俯  
仰二十年會面驚老瘁爲問蜀道難往來足屢躓棧雲  
仍躍馬慷慨不復悸所痛在殘黎生養日憔悴還思嶺  
南游鯨波每親試單騎見渠魁直言動大帥功成惟歛  
手不忍稱能吏以斯備諫垣敷陳獨深至風采傾長安  
貴人嗟英異胡爲得一麾無乃觸時忌况予遠東鶴生  
還亦偶遂天壤誠空濶貯此千秋淚中山好男子雪海  
與君類雪海尚未歸豈獨我當愧桑梓亦有情交游亦  
有誼予爲雪海嘆所爭在大義臨危不愛身舉足封疆  
棄試看今日蜀竟是誰所賜賈誼涕何頻虞翻骨不媚

竄逐良已矣寒灰冀一吹風雨自西來壠麥作秋翠明  
月照幽窗焚香且熟寐

過真定候梁蒼巖宗伯

勲名係羣望志乃在林野前年寄我書相期過茅舍肺  
腑半生交獨知語無假順時一拂衣進退何瀟灑求閒  
而得閒寧復問餘者

其二

還鄉雜悲喜入室忽深喟流塵掩素幃冷月耿獨寐寢  
不見專席飯不見當饋往者爲姬姜來者爲憔悴含淚  
復向誰君子知代匱

東村集卷三

四

其三

風雨滋良苗乃折庭前樹植根豈不牢連枝委塵土共  
嗟隆棟材大厦失撐柱詎意嬌盈盈奄化隨慈姥慟哉  
西河悲用以誡人父

其四

好古復耽奇典冊堆充棟坐對欲忘饑行披似已痛當  
其寂會時浩浩心空洞百車未云多歸與賴此送搜致  
意良勤微言要有中

閏四月五日由東光至樂陵西村

三月在風塵回途景物新槐陰遙駐馬麥浪近迎人野

曠心無繫交深道有鄰由來鄉土貴誰羨遠方珍

唐城草 庚戌十月

僕鄙不修辭年已及暮咏陶蘇之飲酒亦曰啣杯  
和王孟之閒居聊云學稼秋行盡矣歲之不登冬  
之初今於焉有役瞻言德里維茲唐城曉月凌霜  
寒風踐雪生芻一束如見其人君子肯來不遺乎  
我志新知之雅誨申舊好之良規媿寡過之未能  
欣從善之有益既唱予而和汝遂虛往以實歸奇  
石橫飛望高山而止清溪坐繞奏流水於知音  
云爾 自識

東村集卷三

五

恒嶽恭紀四章

太行東下勢崔嵬嶽廟高依北極開溟海曾聞鵬化去  
遼城親見鶴飛迴虞廷玉簡傳靈祀漢苑金莖獻壽杯  
好向收藏窺造化凌雲真有歲寒材

其二

多年雪塞老表安招飲何須竹籜冠日月自臨雙闕上  
松杉故倚五雲端苔封翰墨須重讀壁揭丹青且細看  
敢以微誠邀 帝鑒笙歌沸處幾家寒

其三

萬國羣瞻泰岱崇恒山列峙秩還同辰居星拱參元化

忝谷春含殿歲功崇望儀先三代設莊嚴氣共五臺通  
莫言逋客無仙骨一石曾飛鎮紫宮

其四

靈祠亦以渾源名雲氣還從大茂生自古神功開朔漠  
於今廟貌壯孤城龍文近接奎章出鸞馭遙隨天樂鳴  
正是凝寒占歲稔朝來瑞雪慰羣情

奉輓郝恒瞻先生十章

崗原在望早沾巾活活清流想哲人老樹空堂猶昨日  
斜陽岐路已前身

其二

東村集卷三

六

垂楊亭畔綠絲絲芍藥花前酒一卮約我重來花下醉  
石床坐語是何時

其三

莫言七十世人稀鐵骨剛腸只自知飲到醉時真說醉  
病須醫藥怒延醫

其四

叱馭何辭棧閣長到今秦晉是嚴疆千秋良訓惟忠孝  
蜀道安危詎一方

其五

雪塞朗吟證道歌膝前玉樹與雲摩潛修豈必求人識



祖德淵源事正多

其六

流離天外那堪論何意遺雛亦自存  
婚嫁向平知事畢可憐着眼望曾孫

其七

惹惹空悲馬伏波少游欸段奈人何  
筑筑相倚惟兄弟原上鵲鴿急不過

其八

黃土青雲人易老讀書學道志難酬  
只今俯仰皆無計疾痛方知是父憂

東村集卷三

七

其九

疏水承顏水共雪朱鹽瑣屑欲何爲  
殷勤慈母重添線身遶嚴親已不知

其十

冠簪肅穆儼如神心事平生徹  
玉宸教子一經身萬里麻衣猶是未歸人

自唐城之曲陽道中

蕭蕭蘆荻幾人家村落灣環一徑斜  
遠岫濃雲方醞雪危橋淺水欲推沙  
閒心信可尋幽賞晚景虛如問物華  
爲說葛洪仙跡近誰云勾漏有丹砂

水竇崖

濟源祠在北城隈雪徑崎嶇掃未開  
水轉潺湲穿竇出巖深蒼翠鑿空來  
芒鞋直踏層冰滑清嘯虛傳衆壑哀  
舊有危亭堪一眺夕陽遙帶太行迴

水竇崖之巔有東坡大書浮休字

按公五十九歲帥定州是後遂

論海

坡老分符帥定州閒中磨石勒浮休金鸞視草初無意  
鐵甲臨戎亦自由夢醒不尋蕉底鹿機忘眞下海邊鷗  
時來遷客非人事談笑何勞計去留

水竇崖舊有漱玉亭石刻東坡滿庭芳詞後亭廢

東村集卷三

八

石移砌嶽廟廡碑

揮毫潑墨足淋漓好置山巔與水涯  
夢寐未忘天下計文章豈欲世人知  
海南塞北皆吾土新法危言彼一時  
千載風流公自賞空庭寒雪繫予思

回自曲陽道中

不辭客路勤來往禮嶽詩成愜素心  
正以風寒常袖手豈因日短始微吟  
凌霜獨識蒼松色逐食羣喧野鳥音  
幸有朋儕同笑語濁醪村店亦須斟

雪後

澤畔羊裘意自寬燕南趙北凍相看  
白雲起處空幽地

流水聲中有歲寒萬事熟嘗如蠟味寸心灰燼似燈殘  
天涯悽惻緣何事生死論交自古難

晤真定太守張汝士感賦

踪跡年來各不知倏然相見晚燈時衰顏遠海堪憔悴  
遠宦滇雲有夢思真定郡當畿輔最二十石是諸侯師  
幾回欲訴燕臺舊且盡中山酒一卮

汝士言及舊閣部楊文若遺集尚未授梓爲取楊  
忠烈公集俾讀之

批鱗獨力護官闈忠烈文傳志已違誰目清流成黨禍  
自探虛焰蹈危機捐軀一息無生死抗疏千秋有是非

東村集卷三

九

最痛後來楊閣部九原相見可同歸

趙愛周自保陽來話舊有作

桂樹秋風二十年相逢且喜且潛然冰霜故識生成意  
雨露還知造化權民力誰蘇凋瘵後臣心自洗奏章前  
淳安九載依慈訓流涕爲予說母賢

保定金鶴冲先生暨尊配王夫人大節炳著詳之

國史隆乎廟食矣茲與令嗣右黃游處有日復  
聞所未聞慨然興嘆敬賦二律

埋輪仗鉞本孤忠力剪鯨鯢護帝宮隻手自擎霄漢起  
丹心竟與碧泉通安危大計言猶在廟祀新章秩更崇

詎以斯文稱後進竊從令嗣話深衷

其二

網常事急敢偷生日月雙懸夫婦名渭北羣瞻御史節  
燕南獨守夫人城丹青畫像垂新室松柏陵園繞舊京  
欲問栳捲心不忍鳳雛中夜有啼聲

次金右黃見寄韵

寄我無非種樹書故人相憶命巾車一簾好月開華札  
千里春風到敝居若水淡須同味後如蘭香挹話心初  
也知玉樹推王謝清白家傳有素裾

十一月五日復陽初度爲賦一律抒痛

東村集卷三

十

流離憔悴到於今草土匆匆淚透襟襄事詎能稱子職  
承歡猶欲見親心側身萬里冰霜潤彈指三生日月深  
不盡朔風吹落葉慈烏終夜繞寒林

初九日發唐城至小店志別

十月東來正上旬言歸經月也如春陽回霽景逢長至  
雪淨寒村別故人老向田園存素履身隨道路襲清塵  
同儕不盡殷勤意百里追隨意倍親

初十日蠡縣道中次前韵

臥雪殘年踰五旬交遊幸接座中春無涯日月爲知己  
不盡江湖有散人來往交情成坦步升沉夢事破微塵

歸途到處看松栢閱盡冰霜與汝親

薄暮河間道上

落日能無嘆路岐棲棲吾道欲何之  
天空皎月清無奈野曠寒風劇此時  
眼到窮交雙涕淚心懸絕塞幾縈思  
河流自古惟東注九載經營事可推

十二日河間曉發

瀛州城下大堤東旭日清輝萬里同  
豁爾心開宿霧外酣然眼醉曙光中  
負牆有叟思堯力問水何人念禹功  
遙憶高齋清睡足微吟起就曉窗紅

十四日發滄州竟日霧

東村集卷三

十一

長河水暖結冰遲濃霧蒸如二月時  
遠樹層含烟漠漠微風一滴雨絲絲  
愁中濁酒堪相對望裏寒花寄所思  
未覺沉陰妨道路不須遠眺且吟詩

十六日曉發鹽山

千里馳驅亦有涯故園地近欲還家  
清霜自暎山頭月曉日先開海上霞  
老至愈添書卷興閒來預擬酒杯賒  
遙知朋輩勤相憶屈指春光轉歲華  
憶與復陽論詩途次口占却寄

聲音文字自何原龍馬河圖已有言  
刪後何曾無正始國風雅頌滿乾坤

其二

楚畹蘭滋被曉霜懷人恨似楚湘長  
秦風一歇無消息屈子爭懸日月光

其三

沈謝曹劉各自工王楊盧駱偶然同  
欲向前賢尋意旨鏗然鼓瑟領春風

其四

送君攜手上河梁淚雨愁雲低鴈行  
管鮑不傳蘇李意爲吟十九古詩章

其五

東村集卷三

十二

驚人佳句早須刪塞上人稀自掩關  
獨立忘言君始悟朝來雨雪滿空山

其六

人才國計最關懷師道循循賴魯齋  
後有河東薛夫子鏗金錡玉莫安排

其七

金陵吟有謝公墩路向鍾山望白門  
投老終期山上寺霜松雪竹伴黃昏

其八

垂老投荒自和歌淵明詩後有東坡  
當時只酌杯中酒

最苦羣賢議論多

其九

天然標格畫難工白雪陽春調不同一洗羣言歸大雅

昌黎微國兩文公

其十

郁離子賦有深情東越儒壇竟主盟莫道詩窮能徹骨  
詩家也有兩文成

其十一

格律精嚴說大家千紅萬紫闌奇葩誰能會得春來處  
美月吟風有白沙

東村集卷三

十三

其十二

歲月難將賦咏酬天機人事各悠悠容城却有真詞客  
一個椒山一靜修

其十三

堯夫真是萬夫豪擊壤詩成調自高却向天津橋上立  
杜鵑聲裏續離騷

其十四

浣花叟意向誰論山谷不死須溪存最愛鈔詩盧德水  
盡刪註解罷繁言

其十五

少陵佳處真難識慘淡經營祇自知欲使雅音今不墜  
苦吟猶愧晚唐詩

秋尋草

甲寅重九後二日保陽金右黃惠顧賜詩即次原

韵

清秋鴈影度蓬門一士來從上國尊喜見黃花逢勝友  
咲看白髮抱曾孫傳家忠孝思無忝學海波瀾信有源  
手把新詩拭老眼青燈涼雨夜深論

同金右黃遊西莊訪范仲亮及僧脫穎因從迷馬

莊尋盤河故跡次右黃韵

東村集卷三

十四

東村行處近西莊好友相攜問築場竄逐當年冰雪窟  
棲遲今日薜蘿裳空林落葉尋開士注海疏河憶古皇  
可似唐城秋社裏黃雲割盡稻田香

念五日曉發海豐大莊

驢背輕寒帶曉霜凋殘綠樹影微茫辛勤病態緣知已  
涕淚窮途剩老狂野曠牛羊稀出牧秋成菽黍盡登場  
相期易水悲歌地有客同心是故鄉

得句

誰云秋老逐秋行緩步微吟野叟情得句堅求聲律穩  
調心須覺客塵輕菊花節過逢霜至雪寒寒來有鴈鳴

欲醉中山千日酒白雲紅葉好相迎

念七日滄州早渡

風塵老困何處處暗經過秋盡雙鴻急身輕一葉多衰  
顏堪落寞拙計幸蹉跎未醉滄州酒清霜曉渡河

書事

兵甲開天意安危在運籌徒薪寧早計厝火詎良謀赤  
子瘡痍盡書生涕泗休飛騰看躍馬年少合封侯  
聞捷

幾輔征車出多方奏捷聞論功恩自渥望救勢猶焚得  
笑應全勝先聲豈一軍終然勤內治按堵計耕耘

東村集卷三

五

念九日自肅寧至蠡縣道中

不盡沿河路蒼然萬柳齊黃蘆圍曲徑白草帶遙堤落  
葉紛無數閒鷗冷自棲秋光如可溯小艇泛清溪

十月一日行自小店

曉起垂濃霧晴暉逗午光菊留秋有限鴻度水無方路  
折行須問林深坐可忘此中容素隱五柳讀書堂

唐縣宿王衍溪芸窗同金右黃次壁間左圖麟韵

謝續溪元圃觀聖諸君子

質素論交意相逢得盡歡遊山猶見菊入室似聞蘭夜  
拆當城近清霜洗月寒凌雲饒勝友吾老只淵蟠

十一日自唐縣至曲陽道中

楓林柿葉入霜鮮水色山光冷自妍亂引清溪行麥隴  
遙分翠袖駐松烟平沙鴈度孤村靜野寺僧殘一塔懸  
燕代陶唐餘勝蹟誰從滄海問桑田

曲陽與劉峻度論詩兼呈陶季

吾道垂千載大雅未云亡夙昔仰劉子聲譽擅維揚客  
遊兩經過不敢輕登堂鄭重天下士鍼芥察毫芒雪海  
與邵度交口稱曲陽治行見卓魯謠頌鏗笙簧尋秋曳  
短褐快我平生腸相見極悲喜把酒論文章親故多逝  
水生存但枯楊所賴惟翰墨適意咏義皇古辭匪漢魏

東村集卷三

十六

近體豈三唐幽懷寄譚鍾藻麗矜李王張弛猶文武用  
舍異行藏偏隅執一說無乃非大方陶季听然咲謂此  
老也狂

遊香巖 小序

十月十四日將自曲陽攬香巖之勝有憚其險者  
予意且阻邵度奮然決策乾若踴躍從事遂由東  
郭而北風日暖美山川開霽子子十四郎乾若子  
三郎懽呼隨行爰書所經以為斯咏

晚照

遙青幾折入前林晚照浮空紫翠侵若向千峯分遠近

誰將萬壑較高深凌風野鶴如人意過水閒雲共此心  
稚子從游方笑語老夫策蹇一長吟

晚至南菴宿

幾間茅屋劬巖阿徑轉遊人認薜蘿落日南征秋鴈少  
寒山北向暮雲多吹殘楊葉霜驚樹影遍溪紋月湧波  
一夜禪床偕素友聊將清夢伴維摩

十五日曉發南菴次少傅憲石劉公壁間韻

欲向名山住因隨好友來寒煙松徑合曉月竹扉開往  
蹟留塵壁閒心付燼灰出門橫畧豹緩步踏霜苔

次劉公韻已愴然再賦

東村集卷三

七

劉公廊廟姿矯矯驚在位起家一理官雅韻留斌媚于  
役憇禪房雲山悅蒼翠至今壁上詩風過籠紗吹冰霜  
淨鬚眉篇翰自矜貴小子忝晚進提示開蒙蹟逮公登  
黃閣遠海先憔悴生還悲再見頌繫臥庭寺慨然念首  
丘顧我一揮淚身世偶相遭腹語亦何謂俛仰五十年  
俱爲浮名累入山苦不早痛省復深媿

入山

路滑緣晨凍山深願不違穿雲看鹿徑傍水問漁磯日  
月消蓬鬢烟霞老布衣子真如共隱谷口結柴扉

香巖閣

九頂露蓮萼千巖轉逼窄鑿空繡紫苔冰乳垂滴瀝青

松緊如拳怒虬蹲絕壁佛閣駕石船凌空飛萃律仰盼

天一痕欲前足不力禪榻杳無人雲洞遂深聞鐘鳴川

谷幽霜清寒月夕崖崩古殿摧庭虛落葉積秀從恒岳

分路向臺山陟祀典既遷移精靈豈久寂擅施見經營

靜侶還駐錫嶽靈絳節朝大士燈光白游者堅道心萬

古清涼宅

次許乾若韻

五載勤相憶還來續舊遊當時同笑語此夜共歌謳峻  
嶺登雲閣清溪泛葉舟囑君新釀熟好與野人留

東村集卷三

八

山村即景

編茅築土向山根復業流移自一村纔到城中分布絮  
歸將殘飯養雞豚

其二

清溪冷月照平沙保甲傳更夜不譁莫怪行人貪早發  
捉生縛虎送官衙

其三

烟嵐迴抱一溪雲塾舍書聲處處聞不是田家知禮讓  
肯教絃誦伴耕耘

其四

輸完官稅正初冬擊鼓連宵社火紅誰道孰荒愁米賤  
只因暇日樂年豐

梁蒼巖年兄寄詩次韻爲謝

我友還從塞外回相期千里竹亭開到門問主看山去  
上國尚書賜句來雪下西風憐短褐星懸北斗憶蓬萊  
只緣雅意相留切旅况寒宵對酒杯

郝莊臨年兄話舊感賦

枕塊頻年夜著衣蓼莪篇廢淚還揮金臺玉樹青雲接  
雪塞霜鴻綠髮稀舊涉江濤心自穩親行稻壠步猶飛  
來因孝友容予老一榻南園靜掩扉

東村集卷三

九

曲陽劉峻度明府內子雙壽

山城雪霽秀瑤枝案舉琴堂映紫芝臘入椒花爲頌酒  
陽回黍谷欲添絲長生自得仁人壽却老何須玉女師  
試聽千家齊獻祝召君杜母介雙眉

五士泮游爲郝復陽賦

中山文物見承平坊表奎樓照眼明蓄德龍源先世澤  
談經雪塞故人情決雲鷺驚應齊上得路驂騑好並行  
濟美文章餘豹畧瑤林丹桂五枝榮

壽杜紫峯先生八十

容城徵君大耋時巋然吾道人中師紫峯先生稱八十

九霄丹鳳雙羽儀徵君傳道蘇門裏紫峰絳帳開渥水  
元氣五培天地根淳心獨抱仁爲美淵源忠孝自江村  
致知姚江得細論百五十年如旦暮唐堯虞舜至今存  
生逢堯舜身畎畝拾薪負米勤將母白首窮經大布衣  
筆花墨蕊噴瓊玖紫峯集出見宗傳誰其示我當容筵  
瀛海將軍孔公毅介祺高士同周旋眼中得見眞君子  
南望蘇門何遠矣岱峰爲高海爲深山東鄙人言如此

臘月十三日旋里少憇西村大松庄

斜陽古樹照行人千里車痕帶遠塵却似山陰回夜雪  
寒梅香在故園春

東村集卷三

十

年家春同學弟新城王士禎校閱

東村集卷三

終

東村集卷四

霑邑李呈祥吉津甫著

南遊詩

壬寅八月淮關晤徐子遜即寄呂翰公

秋色浩長淮客抱一瀟灑故人欣會面絮語對樽竿憶  
昔謬文事到今十五夏後先兩賢宰絃歌起青社八年  
冰雪中往往聞大雅俯仰如隔世老淚忽盈把江山饒  
勝緣歲月天相假努力各乘時扁舟吾行也

淮關過一士民部署中因懷冶園

河干風雨對蕭森南北三年兩盞簪數米能無遲宦意

東村集卷四

橫舟敢有壯遊心樽前人是遼東鶴醉後詩成梁父吟  
爲報冶園賢地主簪簪千畝好清陰

晚泊寶應口占

寶應城南晚問津停舟棲息暫成隣天涯到處爲鄉土  
誰是浮家泛宅人

八月晦日高郵湖遇風一舟幾覆紀事

故園歸幾時遠遊意當憚渡淮買小舟謂將休劬倦頭  
低不得舉跼踖故云慣推蓬發吟嘯秋水供遐玩孰意  
毫末福伏有丘山患舟子速前期理楫方夜半日出見  
高郵湖波正湍悍此時少加審策蹇即清晏嗟哉誤不

再安危爭一線中流風大作急浪如雷戰峨峨萬斛船  
落葉隨風攏左側舵忽拆右傾纜復斷瞥見隣舫沉浮  
吸人魚判長年但奔號手足交撐扞咫尺蘆中石何由  
一跳岸同命亦有僑無語惟驚顛痛省獨在子積罪多  
逢難此行果何求乃爲神明按眼看垂死際彷彿慈母  
嘆湖口萬人呼誰使脫深漩古來惻隱術遇此宜方便  
幸濟獲再活追過書几案

九月一日舟近召伯杜湄村憲副來感賦

秋水蒹葭賦溯洄盡船忽見使君來十年生死留雙淚  
千里音書寄一杯入目浮雲同澹蕩當窗晴日與昭回

東村集卷四

臨期執手還叮囑簫鼓郵程且莫催

其二

天外誰留不死身眼前驚見夢中人故園禾黍秋無恙  
絕塞冰霜舊有鄰淚到魚龍初感激書傳鴻鴈幾酸辛  
柴車每憶長安道嘔血排雲動鬼神

其三

小艇南來逐野鷗西風河上一羊裘菰蘆地濶容孤往  
梗稻身閑釋晚愁立語已知先下榻行吟還擬共登樓  
艱難民力誰消息公等雖勞未可休

其四



當時諫草重明光，襍被俄聞出上方。短髮故宜雙鬢雪，長髯何事一莖霜。百年兒女非吾累，五嶽烟霞是故鄉。興到山陰須返棹，蓬門風雨待連牀。

二日至維揚投詩王貽上

八月濤聲待舊知，扁舟乘興亦前期。來尋塞北秋鴻約，坐咏淮南夜雨詩。節序驚心籬下菊，池塘清夢鬢邊絲。及門自致懷中刺，幸倚臨風玉樹枝。

領貽上佳刻即却來餽

手板河干費送迎，惠周放客倍鄉情。高吟佳句堪深醉，愧殺通家舊弟兄。

東村集卷四

三

與涓村貽上兩公商刻徂東集金塔鈴有小序萊陽左大來先生博羅剝人禪師皆卒戍所遺詩徂東集金塔鈴各數卷攜之南來共謀剞劂嗚呼大雅不作詩道淪墜苟非可傳何能阿比剩公在時嘗言林茂之貧且老矣今乃無恙欣慨交深故並及焉

奎鋒落天東雪窖埋雙友，其一黔丈夫長身而偃後。其一僧公子皤腹恒張口，幾時成兩頑子到添三醜。遂使冰海瀾澎湃，聞龍吼唱和七年間。篇什雜箕帚，丁寧付一編。垂死明授受，生還身與俱。出入必懸肘，遍觀天下

士此道竟誰有，吾郡兩君子。冰玉輝山藪，流涕拜致詞。積血今當割，但恐失良時。地下終相負，雄文一揮灑。春色回衰柳，陶公共遠師。烟烟心難朽，臨義豈復遲。千載見君手，眼底細帙開。早爲寄林叟。

蕪城秋懷

前臨天塹抱金焦，背倚蜀岡地勢遙。玉壁星羅江北郡，鹽盆日煮海南潮。朱樓宛轉三千戶，綠舫週迴廿四橋。猶說隋家煬帝富，丹陽別殿起層霄。

其二

濠穿鐵鍬石樓平，萬馬投鞭此鬪爭。紫極晨飛都統檄，

東村集卷四

四

黑雲畫壓相君城。臨江節鉞誰雄鎮，橫海樓船自鼠兵。皂帽西風搖落甚，可憐憑弔老書生。

其三

寒河十里畫樓居，鳥語窺簾落照餘。雨過芙蓉光冷艷，月明楊柳影蕭疎。因歌紈扇催霜鬢，欲采流螢映素書。不爲秋花餐落蕊，乘舟真去釣鱸魚。

其四

琉璃貯火冷禪宮，太子琅函蔓草中。指畫江淮三楚舊，銷沉陵墓六朝空。汲來井液晨雲白，望斷林花晚照紅。千載風流人不見，平山堂上兩文忠。

留別

旅次憑知己清宵理素心交情真繾綣客興自蕭森夜雨迴前夢晨霜到舊林此身隨去住藉甚莫沉吟

其二

萬事一生餘敢云與世疎所期無不遂前往欲何如上策惟高枕窮家有敝廬也知蟋蟀意激響逼堦除

其三

乍得逢親舊分攜意惘然看雲如欲出侶鴈早知還返舍開新釀來春問薄田依依隋岸柳遙繫秣陵烟

趙石寅寓晤程穆倩即讀佳刻因有短歌

東村集卷四

五

石寅一別二十年相逢相見兩茫然爲言程子今無恙老至新詩更可傳乃知程子真靜者執手不禁淚盈把塞外冰霜經幾時茅屋河下還瀟灑

重九曉渡金山舒眺

九日金山寺登臨最勝遊一帆楊子渡萬里菊花秋傑閣龍文秘懸崖雉堞週不須悲落帽晴日滿汀洲

其二

欲采茱萸佩相攜載酒船濤聲山自寂塔影晝常懸雪塞人應老蘆洲鴈已還祇因風景好發興遍林泉

其三

未覺卅楓落晴光絢早霞逢僧如舊侶對友即吾家老筆誰題石清泉自品茶振衣堪縱目秋色浩無涯

留王閣坡公印師遺像歌

坡公未死眉山秋手挾虹蜺踏九州下視紛紛皆蜉蝣一衲空山獨唱酬坡也枯髭咲不休印乎撫掌復何求汲泉共煮石堂幽區區玉帶安足留我來日霽蒼烟浮飛鴻哀喚招其儔玉關霜重塞雲稠五丁前走開且搜曰歸曰歸聲啾啾二老啣悲清淚流

焦山

沉舟望遙青見樹不見石一逕入層雲窈窕仙人跡磴

東村集卷四

六

轉楓葉紅洲冷荻花白爲尋瘞鶴銘點畫洗潮汐作者知爲誰至今珍碎壁坐愁欲忘歸月出空江夕

過毘陵尋東坡先生蹟不得

逐客何時自海南無家春夢睡常酣高秋還照城邊月可有遺文在碧潭

惠山泉

寒泉不自市詎意世人知當茲山未鑿含吐亦有時無懷葛天民漱齒照幽姿伊誰矜鑒別奔走成珍奇餅甕輸四方眞僞互參差何如抱一泓巖阿麗紫芝

舟中與石寅讀書

微風漾平流輕舟如泛鶯潦盡水空明映我鬚眉綠猶疑藻荇橫坐臥凌蒼竹良朋絕拘忌坦然見胸腹晝夜几席間顛倒皆篇牘中有古人心字字耐深讀

許墅

所語不可辨浩浩同一聲所見不可知擾擾非一形鱗比萬艘集楫鬪雷霆驚往來無停晷日計猶未盈勞勞者誰子龜勉宜宵征

十五日望虎丘

千人石上月來往幾年心烟霧空濛裏吳宮何處尋

雨中登生公講堂

東村集卷四

七

生公監勝義開心向石語情至通無情首肯示深子至今講堂上問答相爾汝秋葉雨中鳴疑義析幾許

紀行詩

乙卯二月六日清河道中

微風漾清溪波細如春雨麥潤青吐隴柳嫩綠含樹夕照牛羊來深林鳥雀聚偶逢負薪人意舒身則俯何知城市囂淳質在環堵適子丘壑心行役安所取

七日小新城曉渡

羊裘犯曉寒拂面風凜冽却愛樹生花皎皎晨霜潔河廣不容舳輕漿蕩冰雪逶迤東到海岸谷深曲折緬想桃源幽一入囂塵絕時間欵乃聲逕轉林塘別茅屋把一編此間坐怡悅

東村集卷四

八

宿梭鎮

驅車不覺晚林端掛初月村人依暝烟怪客行未歇非商亦非賈勞碌慙華髮遙見捕漁人石橋燈恍忽就榻且復眠雞聲催曉發

廣固城北門

廣固非昔城城廢門猶故當時競豪雄今日空丘墓往者若有知來者何不悟微風送清磬精舍當衢路山市起浮烟初日照高樹

山居

晨霜耀高原蒼烟起茅屋春風掩柴門應有幽人宿微

徑草芽青巨石溪流復適意隨樵夫忘形入麋鹿生涯  
在薄田牽犁飯黃犢

穆陵關

萬壑障齊城一關橫大峴登陟雖云勞望古豁予盼太  
公賜履初基業實闕行後來匡合功敬仰才猷展磻溪  
夢寐通堂阜薰浴顯自昔賢聖人未遇皆偃蹇下山吟  
梁父沂水清且淺

覆車歎

垂老仍漫遊所往計不預短轅歷艱險進退嗟失據但  
恐墜阮谷何暇憂泥淤一絃犖角間號呼將伯助倘然

東村集卷四

九

風雨來狼狽投何處險路無安車顛覆思良御

曉行

春陽亦已舒誰使霜威逞芒屨踏輕冰曉發客衣冷橡  
葉冬不凋傍水照青景袖手過石橋有客負笈簪慙非  
文中子微意誰能省

水

曉行畏霜寒寒甚霜不止誰謂春水薄冰堅似可履北  
風逆塞鴻早日煦遊子忽聞曲澗中清流石齒齒倚杖  
憶陶公吾師聲在水

新柳嘆

宿莽遍汙萊芳草疑前路新柳未盈握彌望失老樹樗  
櫟本不才非被春風誤樵客猶不逢匠石何由顧念我  
自速老安知物非故

花朝李莊旅次寄施愚山於宣城

泰山領羣岳滄溟納沼沚斯道推宗工高深庶可擬春  
風二十年秀發皆桃李一臥敬亭山孤雲澹無倚往歲  
寄我詩安意丘園裏誰知老病身負米羞未已慨然念  
吾儕况味涼如水雪海薦猶頻伯衡用且俟何時樽酒  
同開口笑無齒

愚山舊督學山左口吃能詩

冒雨至宿遷

東村集卷四

十

雲起崕崕山潏然作風雨沾濡既不辭泥淖行還苦策  
蹇力不任蹶墜無乾土極目望城隅烟霧濕樓櫓何來  
鐘磬音禪室幽可取

執鞭

獲值能幾何隨人作驅使奔走風雨中歌呼在泥淖距  
躍矜捷足儔侶各自喜爲思富可求勞生詎得已吾老  
筋力疲何能御晏子

郭溝渡河又過西營遂至淮

微風漾黃流曉日平波面再渡意殊恬但覺輕舟便西  
營非舊跡郭溝實支穿築塞民力勞何計休劬倦糧艘

過清淮王粒及時薦

漂母

淮陰未遇時不能謀一飯舉世無識者漂母獨勤繆重  
報非所期千金豈足願古來國士才往往餓且困悠悠  
道途間未可輕負販

清水潭

高郵望湖波怵然憶昔戒過壩易輕舟庶以懺宿註不  
知清水潭堤決岸崩壞洄溜急盤渦巨舫吞如芥頻年  
築未成勢涌滄溟隘長老爲子言淵內有靈怪每乘風  
雨來糧艘因覆敗若能塞上流高家堰爲界慎用衡

東村集卷四

七

錢東南起涸瘵

露筋祠

聚蚊飛萬刀弱質堅不避中宵燦日星全軀非無智撐  
柱白骨高轉覺投淵易淮濱漂母仁邵湖貞女義洙泗  
聖人香千載寄予志

泊廣陵

宵發高郵城廣陵日及午出牆有杏花夾岸多芳杜寺  
宇圍松杉樓船震簫鼓扼江一都會渚海衆商賈歲月  
人事新隍池地形古舟行此暫停安知非吾土

舍舟就寓夜大風雨

微風細雨時蹴躡宿遷縣盲風怪雨中搖蕩維揚甸勢  
欲走江河威尤挾雷電草榻眠未安急起還驚眩悵然  
憶小舟何處飄一線

春雨

河北無春雨江北有春雨河北喜春雨江北苦春雨喜  
雨春雨難苦雨春雨易春雨渡江來春雨到河住北客  
過河時願攜春雨去

邗江晤魏離伯爲賦

自昔別京華迄今十六載此會乃邗江老病予顏改攬  
轡務澄清積弊頓然解軍需資飽騰商力困且憊恤商

東村集卷四

三

以供軍晝夜勤弗懈微隱析秋毫持身嚴一介示我賢  
室篇離伯繼室周孺人舊年病逝清白志所誠內助實良朋執手言

俱在寫痛詩十章字字淚爲灑潔清甘糟糠仙姿吸沆  
瀣逝者必有知存者慎勿悔大義急濟時職業日斯邁  
邗上爲畫公宗侄賦

嗟予老不才于木如樗散仙李厚本根榮發維揚產傳  
家道彌尊訓子業方顯給諫繼中丞樞機待旋幹辱爲  
兄弟行到門猶羞報秋風附驥足藉甚及豚犬欽此珪  
璋姿南宮佇弁冕攤書戶常局熊九自京輦

市人

肩摩市上人日見日不識早暮紛有營百年竟何得萬  
卉受春風向榮豈自力冠蓋修軒昂側身望顏色邪許  
負擔聲一飽事已畢寧爲參與辰勿作膠與漆

上巳平山堂修禊分得檻字

修禊聚羣賢望古情何減小舟漾曉風岸柳青可慘遂  
至平山堂輪奐輝朱檻太守師歐公締構光遺範豐鎬  
懷舊京此地如分陝霜鬢照春花時序驚荏苒雅韻非  
絲竹佳句即琬琰曖曖秣陵烟如帶江波灩澦渺數峯  
來金焦黛色染心閒政有餘疎簾臥清簟同樂及良時  
垂後在約儉更欲舒遐眺草閣就側戶

東村集卷四

上巳試第五泉分得平字

楊一益二想昇平茗碗蜀泉第五名蠅眼濤疑冷水沸  
龍團色比惠山清風前已覺雙眸豁酒後還知兩腋輕  
欲向迷樓尋舊跡銀瓶繡井杳無聲

贈何昭侯同年

桂樹秋風裏俄將四十年自憐人老大誰與世周旋晚  
有科名分愁多藥餌緣蕪城春水綠欲問過江船

清明日廣陵城北門

二月來揚州條然過寒食曳杖登城闔觸目如相識灼  
灼園中桃紅暎玉蘭白簫鼓沸河流衣袂接阡陌人自

逐春忙何處窺春色

壽汪觀瀾先生九十

汪公觀瀾真偉人孫公鍾元名奇逢容城人即天民壽將期願  
孫公得汪公已躋九十春孫公好友鹿公名善繼定興人是汪  
也同心范與史三公義比文文山獨留兩公作綺里孫  
公之孫登賢書汪公有子乘軒車海內賢豪捧几杖梧  
桐高閣升清虛臥閣潛思勤未歇藜火冊顏映素髮不  
知滄海變桑田幾見寒梅照明月南極星輝世恬熙倫  
有君親道有師喜逢二老懸弧日爲說嘉隆全盛時

贈呂半隱年兄兼寄宮紫陽

東村集卷四

古

吾徒隔世人何意再相見握手不及語哽咽淚如綫痛  
定還慰藉交情溢顏面踪跡各飄零邗水即鄉縣皂帽  
來遠東潼川急羽箭憶昔司馬公江漢清組練自作灌  
園人烟霞供冊卷老友託歲寒春雨草堂舊

卜雲郭六十

紫陽先生吾老友膝前玉樹森瓊玖天下文章推會元  
九雲集富如淵藪九雲才高不自多索詩爲祝丈人壽  
丈人江都稱大儒奕代蟬冕忠貞後樽罍雅同洛社遊  
芝朮靜與綺園偶年登六秩夜讀書瑞聯六鳳輝山斗  
紫陽高唱鍾呂音鄙人和之羞瓦缶九雲學成方少年

遼東皂帽五十九

舟過高郵湖阻風大寒

不寐苦長夜豈謂春晝短老病畏春寒非愛敝裘煖風  
從西北來塵沙突遮眼萬艘齊收舵就岸還驚懸回首  
巨浪中湖險過何坦袖手且微吟歸程任舒緩

渡河

昨日渡黃河今日黃河渡千金擲一埽築堤何時固入  
海勢漸北直趨安東路前人議膠萊或亦關時務嗟哉  
民力勞深恐糧艘悞

秋杜花

東村集卷四

五

山村素艷殿春葩舞雪迴風杜李斜忽憶廣陵城上望  
紅橋開徹玉蘭花

四月十日穆陵關次日立夏

十二巖關四望開尋春南去逐春回山花山鳥還相待  
恰飭清和節候來

十三日梭鎮曉霜抵舍後十八日又霜

霜滿射陽湖舟行正春暮入夏及故園疊見霜凝互眩  
眼似微雪撲鼻如酸霧陌桑柔青萎落成枯樹二麥  
翠成穰穗稿中心蠹木綿方茁芽不得須臾住徒令惡  
草驕轉使良苗懼時豈嚴冬哉夏令行何悞萬里忽蕭

條赤子啼無乳不怨夏爲霜但願霜爲雨

東村集卷四

六

秋游集 丁巳九月

十二日桑落墅

驪歌初唱一郵亭長白山南列翠屏  
纔過重陽秋氣好 菊花含蕊柳全青

十三日曉行

月挂西林星滿天客程催曉未能眠  
霜華欲下凝寒露 白却前林萬樹烟

十五日淄川唐濟武邀至高念東昌國城東別業

次念東韻

白髮驚相見餘生老病翁  
新愁今日異別淚昔時同遠

東村集卷四

七

水流還住浮雲過亦空  
秋尋攜勝友杖策溯輕風

大峴關

西風黃葉石文斑極目巉巖試一攀  
天下才高不復見 隆中人去幾時還  
滄溟北繞通吳會大峴南橫扼楚關  
胙土西京親賜履履磻溪老子正蒼顏

次唐濟武韻

路遶山南見水涯穿林注壑動淪漪  
流來汶濟皆爲用力到滄溟豈妄施  
菊蕊稀疎紅樹外鴻聲嘹唳夕陽時  
秋光客興憑瀟灑藉草藤陰對奕棋

又次唐濟武韻

重嵐疊嶂翠相侵馬首看山好共吟  
論古須如商近事 析疑只欲愜同心  
鄉園所見仍齊語澤國相聞漸楚音  
若向天涯悲歲晚疎林搖落也難禁

蘇村曉發

秋老寒空夜氣新霜華如練月如銀  
危橋馬渡疑無地 遠舍鷄鳴覺有人  
誰謂衰年堪道路自知俗骨合風塵  
還將勝友烟霞意一問桃源洞裏春

濟武見贈有答

冰霜閱盡老無能書卷詩囊力不勝  
濁酒數杯聊晚食 征衫兩袂每晨興  
深耕幾處驅馴犢淺草何人試怒鷹

東村集卷四

六

幸有良朋消旅况敲棋入夜更呼燈

又次前韻

憑陵五嶽羨誰能婚嫁牽纏我不勝  
故是柴車容緩步 初非警枕使忙興  
驚心雪窖曾談虎側目雲霄只畫鷹  
欲學無生嗟老病悄然旅夜對寒燈

次傅彤臣九曲僻間韻

雨餘楊柳綠依依作客南來似雁歸  
水漲還思垂短釣 風輕却欲着單衣  
疎籬闌色開黃菊遠樹和煙在翠微  
最是西成田父喜木綿花老麥苗肥

次于子先九曲僻間韻



沂州城外過客路近城回茅店依山曲柴門向水隈題  
詩寧讓壁對酒莫辭杯不盡浮生意勞勞歲月催

傾蓋亭謁

至聖祠

仰憶炎精歇天扶萬古衰斯文傳木鐸至教砥金椎老  
矣仍求友適然竟得師仲由執御日程子定交時立語  
須傾蓋同心引素絲到今遺像在自昔大言垂獨切生  
才意深原造物私莫邦隆巨棟炳鑒寶元龜愛惜寧摧  
折疏通必振施褊懷生媚嫉隱患且顯危辯士成游說  
諸雄遂競馳援琴聞鳳嘆反袂見麟悲俎豆猶堪設絃

東村集卷四

九

歌視所爲鄉城鄰魯壤闕里此追隨

紅花舖大雨歌

穆陵關上日傷雲掉尾長鯨動水紋自訝前途三日雨  
蘇村夜宿遂紛紛沙路塵清車一放籬菊岸柳濕相向  
擬到宿遷買小舟誰知陸海飛銀浪傾盆緊響忽奔雷  
電繞空梁屋欲摧徹夜不停晝過午簷溜沒堦泥成堆  
老友隔牆不相見榻前咫尺如鄉縣日影穿雲似乍晴  
囑雲慎勿再魚形

司吾觀三仙洞次王西樵旅店韻

楚北齊南地兩當隨鴻逐燕旅人忙何緣仙洞窺靈秘

海上三山是帝鄉

河堤秋柳枝詞四首

夾岸穆穆列綠楊秋高日暖未經霜枝條誰敢輕攀折  
落葉拾來補破裳

其二

寒風吹動細絲絲曉日分開一一枝莫謂清秋搖落甚  
洪流巨浪汝支持

其三

掘菜淘魚勝煮沙一窩蓬草便爲家冬來儘教狂飛雪  
唱得楊枝踏白花

東村集卷四

十

其四

拋兒鬻女早輸糧餓腹束腰赴役場官長呼名詢住處  
河堤柳巷是吾鄉

自宿遷至山陽書所歷

朝呼鍾吾船午泛白洋艇云何屢曲折決口爲大梗再  
渡雖煩勞力比一渡省設舟本利涉誰知貪橫逞嗟哉  
失業民號救聲悲哽賑恤豈無術提綱在繫領召使挑  
淤泥畚鍤負簪簪紛紛日有給顛頃何能拯緬思患所  
由黃流衝潰潰金錢付逝波梗稻填深井倘欲爲長策  
先勿嗔骨鯁一在清濁厄一在絕跡請西北粟苦賤東

南困災青本折互通融亂絲一以整築濬各有宜續用  
成堅永平世憂禹稷饑溺急公等

十月一日舟發平和橋

曉霧晴煙水面同舟行也復羨乘風旋流急渡鳴榔上  
遠岸徐開引纜中展卷不妨憑坐穩攤錢真覺遣愁空  
白鷗浩蕩誰拘束萬里江湖付老翁

邵伯湖

廣陵城近水聲聞邵伯湖邊店舍分面對勞勞還自哂  
肩摩攘攘竟何云黃花盡放滋寒露碧樹初凋駐暮雲  
爲憶淮南多秘術誰將丹訣驗鴻文

東村集卷四

三

雨中渡江

宿雨連江曉睡酣輕舟送雨過江南危峯杳靄層煙接  
遠樹空濛一水涵岸上花隨紅葉濕蘆中語聽白鷗談  
長風何不吹愁去天際晴光逗蔚藍

京口大風雨歌

江南江北雨聲中江北江南風不同狂風急雨捲江北  
怪事驚倒江南翁纜繫楓根飄一葉怒濤澎湃寒吹雪  
秋去冬來攬敝裘蓼紅蘆白水悠悠君不見北固山空  
化鶴語大耳躍馬紫髯舉諸葛長吟公瑾舞英雄老淚  
足風雨

常州早發

舟子貪程發夜分水聲細響逐流雲搖搖夢醒緣何事  
鄉語喧囂不可聞

曉霜

蕭蕭竹樹遍江鄉塞鴈低飛客路長一夜蘆花吹絮起  
煙波滿地盡爲霜

虎丘遲念東濟武

有約虎丘山上寺行來山寺輒留連澗樓白鶴花間出  
塔繞朱欄樹杪懸月度千人憑片石風鳴衆壑急三泉  
停橈竟日須吾友好泛山陰雪夜船

東村集卷四

三

游者

香輿石路細無塵寶髻榴裙照眼新莫向殘秋嗟落葉  
紅顏行處煖如春

歌者

樓上清歌樓下聞千人石畔坐成羣于今尚有知音者  
白雪陽春得似君

山亭飲茶

取醉休尋無錫酒解醒且煮虎丘茶渴無茗椀寒無盞  
誰到江湖處士家

百花洲

盤門門內百花洲不見花開見水流別渚晨霜鴻鴈下  
荒臺夜雨鹿麋遊吞齊止欲爭爲長跼越誰知怨必酬  
爲問當時歌舞處寒煙衰草至今愁

十月十七日書武林旅寓

朝來水氣結濃陰樓上輕寒乍不禁却欲泛舟嚴瀨去  
釣臺高處好長吟

贈王夢航

回首金門共直廬當年兩省薦鄉書予與夢航同  
壬午鄉舉樽前  
白髮交遊盡篋裏青萍意氣餘遂有閒身親藥裹寧無  
長策裕軍儲淇園自洗千竿玉好作西湖畫舫居

東村集卷四

圭

贈傅叔甘

釣臺霞嶺往來頻手板青衫蓆帽塵握筭無非新餉急  
吟詩祇是冷官貧玉門自惜生還客金馬誰憐憔悴人  
三十年來餘淚眼飄零湖海舊詞臣

渡錢塘

西湖寒色映斜曛小艇錢塘路乍分點岫浮青遙列障  
澄江染黛細生紋衰年不意逢幽賞勝地真能快夙聞  
便作漁人乘興入此中有境隔塵氛

嚴州晚泊

夾岸霜林入望低寒風柔櫓暮淒淒前山倦鳥探深樹

遠浦歸帆逐舊隄把酒還邀漁父飲挑燈忽憶鹿門棲  
江村晚臥猶堪賞賞夜雨孤蓬作畫題

蘭溪懷章楓山先生

楓山在望擬擔簦雨過蘭江徹底澄近接衢門爲闕里  
遙瞻釣瀨是嚴陵吟詩此日嗟求友抗疏當年幸得朋  
自古儒臣忠愛切誰云文獻遠無徵

衢州督府四首爲李鄴園賦

江漢滔滔浙水清東南萬里見長城雲開嶺嶠趨王路  
斗指星辰拱帝京決策原期消戰伐焦思只欲復昇  
平捐金贖取飛鴻集滿地蒿萊使盡耕

東村集卷四

三

其二

砥柱狂流實壯哉錢塘猶說怒潮來雙旌指日朱纓出  
一劍當風皂幟迴筭必周鄰還借箸膠先享士且投杯  
歲寒霜雪寧無意挺立因知社稷才

其三

凝香晏坐列芸編幕府森嚴畫鼓傳壯士當關飛羽箭  
將軍橫海下樓船廟謨決勝寬期日民力勤輸逼歲  
年緩帶未同參佐語老臣白髮夜籌邊

其四

巖疆自昔仗孤忠宵旦經營四載同翼翼常如天左右

孜孜遍到浙西東風檣蹴浪浮湘外雪甲傳呼入蔡中  
底定諸方先要領鄴侯還與慮成功

釣臺嚴先生祠并祀方處士謝義士

名賢擇隱若爲羣異代心期地不分百舌禽言虛轉谷  
一川龍氣靄蒸雲伴狂北闕還垂釣慟哭西臺竟築墳  
尚有行吟憔悴者至今三老動星文

南新閭雨中夜泊

排江木筏水依垠漁火蓬窩各一羣夜入沉陰天故雨  
潮迴急浪海常雲誰堪跼踖菰蘆好未覺迷茫鴈鷺分  
近說故園風雪甚梅亭柳岸正思君

東村集卷四

五

十一月二日晴

一日隨舟過小春桐江返棹又湖濱牽愁積雨如長夜  
照眼晴陽似故人架晒衣綿猶有濕窗開錦帙却無塵  
沿溪便訪寒梅去南北高峰出沐新

戴姑瞻王綏山招飲

湖山今日對良朋畫舫籃輿到處登客路同遊還遇客  
僧房一宿再逢僧參差竹溜風前落漱灩波光雨後澄  
有酒不辭今夜醉行廚燒笋却相應

冷泉亭

幽尋愛到冷泉亭洗耳悠然問獨醒澗雪聲吹懸瀑白

授藍色洗衆峯青遊人拄杖穿紅葉小僕攜琴立翠屏  
吾友堪爲投老地西來樹下坐談經

渡西興宿蕭山僧舍

十一月十三日僧舍  
見月季花開聞鳩鳴

爲訪山陰過浙東翩然老友葉舟同吹潮海若千溪入  
落照西興一徑通竹裏花開霜後雨林間鳩喚夜來風  
還思渡口多新事負戴登車共水中

次韻

孤山鶴喚抱幽芳雪孕蓓蕾玉有香自愛西湖清照影  
黃昏浮動月流光

其二

東村集卷四

五

山陰士女竹林場筆吐花芬墨吐銍白雪調高環珮冷  
天風吹透薜蘿裳

其三

白頭吟就賦凌雲臉際芙蓉老細君何似齊眉雙比翼  
詞壇飛將早冠軍

次韻

天涯猶自賦閒居泛艇還思下澤車客意迎陽鴻鴈似  
衰顏就下水痕如不堪永夜強耽酒未許張燈欲廢書  
近接故人頻笑語竭來此地曳長裾

其二

寒波吹岸草蕭蕭棹返西興凍未消舊緒無端牽絳緯  
新詩有意比雲韶梅魂潑墨爲清賞竹影籠煙見素標  
剪燭憑誰談往事沉吟只似永今宵

冬雨歌

謂冬爲春冬非春冬行春雨饑無薪謂冬爲秋冬非秋  
冬行秋雨寒無裘二至南北日不同冬行夏雨聲冲冲  
銀河傾瀉來天上雷鼓驚翻出地中天漏從來四時雨  
微陽盡洩復何功居人對此深嘆息留作夏雨何由得  
苦是炎炎烈日紅舉頭不見片雲黑祁寒暑雨寧怨咨  
當暑無雨寒雨亟雨霖霖風蕭蕭湖水浸山沒六橋雨  
之朝雨之暮肩柴腰斧橋邊住不惜桃柳掘其根但願  
護却冬青樹

東村集卷四

七

臘日遊顧季蔚園用十畝芳塘一畝宮句四首

十畝芳塘一畝宮雙扉影靜綠波中尋梅入塢虛窗接  
看竹登樓曲徑通

其二

經營布置畫圖同十畝芳塘一畝宮路仄長廊迴棧閣  
低欄坐倚小屏風

其三

古今懷抱藏吾獨注壑懸巖寓耳目十畝芳塘一畝宮

身閒何事復勞碌

其四

小樹茶花雪後紅畫眉聲轉桂軒東年登六表歡兒女  
十畝芳塘一畝宮

廣陵除夜雪歌

九天水液傾咳唾布絮蒙頭但高臥玉龍酣鬪怒未休  
饑烏啞啞集何求有客廣陵歲云暮彌天風雪茅屋住  
凍徹千巖剌水舟梅花白徧吳門樹遠東鶴老化蠹魚  
剪燭西窗夜讀書羊裘大澤招不得故人狂態誰親疎  
君不見屠蘇酒辛盤蔬農事春晴問敝廬

東村集卷四

夫

戊午元旦讀慈山大師夢游集

霽日照瓊琚僧留戍客書斯文今在也吾道昔非歟扣  
擊洪鐘似波瀾大海如埋身冰雪窟抗志水雲居使者  
求方急宵人技已摠讒言成貝錦罪案構簪裾民力秋  
毫罄邦基柱石虛憂危開社稷痛激到丘墟世外心尤  
熱幾先慮豈疎君思慈孝備佛力聖賢餘炳朗珠函啟  
昭回寶曆初老儒耽洛誦萍梗寄樵漁慈山大師即海  
印和尚也有道  
行天啟三年化於曹溪肉  
身在焉夢游集其遺書也

人日同王武微讀書

漫道新年客况新恰逢人日見同人遐心欲踏千巖雪

曝背還收四海春。濁酒澆寒當共遣。雄文豁悶許相親。  
須知清白傳家舊。展卷晴窗未是貧。

十一夜月過清水潭

揚帆擊楫遠聞聲。脚尾舳艫度月明。入夜星垂滄溟接。  
經冬水涸巨湖平。浮槎此夕乘流上。斷石何年奏績成。  
却憶廣陵橋畔雪。迎春燈火待潮生。

十二日舟中立春過寶應

東風吹纜引舟斜。落日江城隱暮笳。堅岸封泥生柳葉。  
濁流漲水種桃花。修堤挑淺關民力。解凍消冰驗物華。  
最是春光初入眼。湖波影漾幾人家。

東村集卷四

无

十六日清江浦渡河

新春路憶舊來秋。小艇長淮怪淺流。曉岸霜華藏白鷺。  
宵城火樹閃朱虬。潛魚陟水殊無競。寒鴈隨陽詎有求。  
記取天涯芳草細。芒鞋竹杖待同遊。

十七日古城

遺廟巋然望古城。監輿拂曙逐堤行。寒烟宿草從驅馬。  
曉日春林待嘯鶯。別夢初知鄉路近。歸期漸覺客愁輕。  
浮踪飄泊仍新歲。荏苒年華任此生。

河堤春柳枝詞四首

春風吹雪細枝柔。牽動長河一線流。柳梢年年河上用。

不知決岸幾時修

其二

三月楊花撲地開。千帆粳稻入河來。只今流淺河無力。  
弱柳纖纖傍水隈。

其三

水霜閱盡尚無家。春水生時亦有涯。若把柳枝封岸固。  
不將民命換泥沙。

其四

安排青眼看人過。比戶依然草一窩。舊苦爭如新累急。  
新春柳較舊秋多。

東村集卷四

辛

河淺

輕風拂岸去帆遲。正月黃河見淺時。雪盡全乾堤外柳。  
沙平遍露水中坻。過淮細小猶相讓。到海逡巡且自疑。  
轉盼桃花春信近。漕渠又慮怒濤馳。

十八日渡黃河新決口

春入洪流漾細濤。登舟就陸又乘舸。新渠轉戾初遊異。  
決口寧辭再渡勞。刮面西風吹浪急。迎人北岸擁帆高。  
須知修築千年事。竹健金椎計慮勞。

十九日曉發宿遷對月感舊

往時燕市與燕九。車馬乘春去訪仙。旣欲居官爭早貴。

還思服藥乞長年黃金久鍊終難得白骨餓銷不可延  
王母虛期青鳥使天街輪却白榆錢

司吾道中

麗日看山山自妍依山村落帶晴川風和鴻鴈留沙渚  
雪霽牛羊藹麥田鳥語晨交三徑樹鷄聲午放一籬煙  
不因客倦拂衣早便作春游意灑然

二十日過郟城縣治

至聖曾遊郟子國郟城城內問官祠占雲紀鳥空陳跡  
變魯從周只夢思過市虛聞絃誦在逢人想見典刑垂  
莫嗟百里徒勞吏一老高言帝者師

東村集卷四

三

郟城傾蓋亭遇淄川王聖王因及念東濟武返棹

吳門有作

長途無伴獨吟哦好友翩然馬首過越路游從閩嶠遠  
齊程地入魯鄉多芸編韭几當清晝堦水間園長綠蘿  
取次歸來春酒熟開囊佳句富如何

大風止李家庄

布霧垂雲鬱四方遲留不雨合飛揚橫空擊竅吹天籟  
捲地鳴沙振土囊掩目從教顛蟻垤迷人那復辨羊腸  
茅齋尚有容身處老病何堪客路長

二十一日大風寒甚王家橋向火

強將病骨逐風塵冷透羊裘自燎薪祇爲却寒還附竈  
既須趨熱且因人非緣積凍留殘臘似作嚴威勒早春  
吾愛吾廬如此日爐煨粥拙不辭貧

二十二日白塔曉行

歸心每向曉鷄先野曠寒光夜色偏似練瑤華霜皎皎  
如弓曲影月娟娟塵間夢醒山容出海上情移谷響傳  
幾欲棲心尋至道愧將短髮負流年

葛溝河岸

春流岸澁尚餘水夾岸春生綠水澄客子凌霜重冒絮  
漁人向月早懸罾一心自信愚無似百事徒嗟老不能

東村集卷四

三

只有故園三畝地疏泉好灌紫稍藤

看河陽一帶山

秋光約我及春還恰到初春又見山橡葉經冬黃未落  
松花浥雪翠猶斑清游觸景堪誰賦冗句盈懷欲自刪  
若就白雲終老計一茅真共野鷗閒

二十三日再宿蘇村作沂水春雪歌

舊年臘底渡江來過淮苦憶吳山梅一自看山到沂水  
風吹遍地梅花開冬殘對雪揚州駐意望歸城雪滿路  
行來處處起黃塵農夫仰面悲煙霧清宵明月照逃亡  
破屋空存但鹿場縣宰心勞泣祝雪欲致哀鴻返故鄉

故鄉賢令真慈母淚雨丁寧盡苦口天意垂慈降雨雪  
人生何苦拋家走君不見舳舻斤斧江浙木漕流淤淺  
河淮瀆故鄉雨雪征徭寬及早歸來春種穀

二十四日雪後發蘇村大風

劇喜歸途初見雪脩然竟向玉山行寒雲乍散千峯影  
朔氣仍吹四野聲宿草深埋微徑滑層冰感步短橋橫  
不嫌清冷侵肌骨奈是春寒滯客程

流移

軍需焉敢須吏緩民力其如困敝何棄却田園寧自惜  
行隨婦子向誰歌倉皇只爲饑寒逼輾轉還因負欠多

東村集卷四

圭

谷賤年豐無救處虛將春雨長蓬科

二十五日自沂水至沐水鋪

沂水城南雪沒脛沂水城北雪更深負薪老叟還趨市  
當路飢鳥不就林凍結流澌平斷岸寒生積霧接濃陰  
望晴又雨勞勞甚向火燎衣嘆且吟

二十六日曉晴

幾日茫茫雲霧裏今朝霽雪映霞紅身攜隻杖隨陽雁  
帽裹重氈蔽朔風地散瑤花疎樹外山垂乳瀑細流中  
何如置我嚴陵瀨拂水披裘一釣翁

雪後過穆陵關

憶昨秋風經杖底春來冰玉竦雲根遙依岱嶽開東障  
近寫沂泉下北門白盡林巒三日雪青留烟火幾家村  
莫將繡敝誇關吏驢背吟詩故篋存

山行

何處寒梅花亂飛千巖萬壑蕩晴暉石梁細溜經人過  
林岫閒雲帶鳥歸眩目忽疑春樹老歸心還愛晚烟微  
欲從清絕尋幽徑可有匡床對竹扉

薄暮

長途顛頓苦難支又是皇皇薄暮時世路縱然名勝好  
人情終是故園宜百年藁藿安吾分一顧驚駘愧爾知

東村集卷四

圭

即欲酬恩身已老挑燈旅夜尚沉思

二十七日曉月

雪氣朝來欲散溟東方曙色數郵亭霞流海上迴初月  
影落林端挂曉星乍照鄉關猶有色纔驚客夢若爲醒  
清光猶憶元宵夜挂海水天在戶庭

苦寒

風威雪虐劇相仍峻坂深溝躋復升自謂江鄉堪浩蕩  
誰知海國轉嚴凝衣綿冷透輕於紙泥濘寒封厚作冰  
欲借濁醪驅凍色衰顏酒力恐無憑

二十八日曉發臨朐有懷念東濟武二首



野曠無風曉氣寒微茫路向曙光看星垂戴斗天常近  
海遶扶桑地自寬鳥語吹簾松萬嶺溪流洗玉竹千竿  
幽人家近蓮花社愛着春遊柳葉冠

其二

澗水林禽與我親水梯雪棧待游人新年春近清寒日  
隔歲客回老病身學廢何由佳句集才窮底任澁囊貧  
柴門影靜白雲裏谷口還期訪子真

雪後甚寒過青州

齊城霽雪似江皐秀作山陰應接勞一夜林花生玉樹  
千巖瀑布挂銀濤寒摧實苦羊裘敝凍逼虛傳鶴語高

東村集卷四

壬

自向泥塗消歲月凌雲誰復憶揮毫

二十九日淄河咏豐泉

夜出溫泉四境傳豐名祇爲兆豐年惟將乳液滋蒼赤  
幸有清涼濯倒懸澍澤須當靈雨後清音即在德風先  
谷王善下千溪集欲賦甘棠召伯篇

臨淄道中

霜林雪屋比江村水遶長堤樹映門種稻若能供賦歛  
釣魚便可度晨昏寒風遶塞催來雁旭日平沙散牧豚  
可是陽和春氣淺留將芳草待王孫

二月一日曉發博興戲爲俳句

齊南石徑水常滿齊北沙田雪故稀菊綻輕衫隨鴈去  
塵堆煖帽逆風歸一春自轉春光異二月雖交月氣微  
即有晴雲開日霽寧無細柳逗花菲

午過蒲臺口號

畏冷回身向日行籃輿倒入蒲臺城楚音齊語疑門者  
手引輿夫問姓名

其二

衰年野叟一囊書負雪南來臥竹輿寄語居人休詫異  
曾聞潘閣倒騎驢

夕過濱州

東村集卷四

壬

作客還家意緒勞寒煙落日澹林臯風聲忽起崩城角  
海氣鹹深結地毛市遠求薪車轍古瓶空汲井縞痕高  
也知民力征輸盡薄地春耕愧汝曹

二日流鐘口曉起聞鐘

到家一舍曉從容雨雪舟車路幾重冷照鄉心千里月  
清回客夢五更鐘平生自省真狂客垂暮深慙作老農  
近郭田荒耕未得却將吳越說遊踪

年定養同學弟新城王士禎校閱

東村集卷四 終

東村集卷五

霑邑李呈祥吉津甫著

東村詩有序

詩三百篇皆本性情之正故樂不淫哀不傷後之作  
者或皆過之大抵爲境轉而失其性情之正處  
約則多愁苦之音處盈則多放佚之語視三百篇  
遠矣惟有道者不然彼其胸中有確然不拔之操  
窮約顯達視之如煙雲變幻於太虛無着無入而  
不自得故其言如水流花開莫非自然擬以三百  
猶落言筌吁難其人矣余遍歷詩人山左得二人

東村集卷五

焉一則念東高先生一則吉津李先生高先生信  
口皆詩頃刻萬言無非精義自非涵養學問莫能  
至茲讀吉津先生詩雖機杼各別其一往閒適不  
爲物累則一轍焉先生以前代老宿官本朝官  
詹遂以正氣發爲讜論至罹坎壈閱歷險阻不足  
動其心及得遂初服養晦林泉其間可歌可慨之  
境不一而足乃先生絕無鬱抑愁苦之音莫非陶  
咏閒適之意苟非有道者能如是乎先生之長公  
以壬戌魁南宮先生聞捷音不以矜意乃手書及  
詩草寓意於蹉跎之王子商確風雅其胸次爲何

等也先生之鄉自濟南以聲詩壇坫宇內數十年

不相下繼起有人余何足以論詩哉抑惟先生不

可以詩人律之余得窺有道之言而論次焉壬戌

秋杪潭州王岱敬序

辛丑三月祝陽信杜子靜邑宰

和風扇天宇一邑足陽春本以君子德愛此耕耨民秩  
秩成市井霽霽洽鄉鄰公曰民赤子民曰宰仁人催科  
寧後期痼瘕嘗在身自奉惟脫粟溫敝寧求新慈母甘  
飭育萬口祝大椿濟川需舟楫一祝登要津再祝多男  
子桂玉森嶙峋對月祝舉杯光氣滿清晨

東村集卷五

次丁蘿月先生韻

吾生何所似竟是遠東鶴幾年華表飛還向故園落飲  
啄堪自適清露未爲薄幸與君子鄰吟嘯同寂寞春雨  
足發生閒庭自種藥手書樹下讀俛仰成今昨項領媿  
兒童雅慕金石作願隨几杖遊耆德圖在洛

仲夏十一日夜聽雨作

麥事既失秋憂旱添衰痼前月雖得雨驕陽勢未退一  
室苦炎蒸稚子爭咳呌微雲來淡薄日光互明昧不敢  
望霑洒初意且靨黷午餘時一滴薄暮稍云灑就枕還  
側耳嘗恐仍中廢夜半聲漸急簷溜忽奔駭庭樹不鳴

枝原疇不破塊譬如兵啣枚寂不聞鉦搥沫不漂良苗  
泥不滓畦菜入荒誠綿邈溥施何偏被來朝持茗椀椒  
葉收沆瀣乃知造化心緩婉示深愛

壬寅春日竹浦招飲可園次韻

城隅小徑引蓬門管領春風自一圍纔過清明花正發  
參差紅樹照開樽

其二

歸來雨見故園春皂帽遠東舊逐人酒盡壺傾隨意臥  
團雲爲蓋草爲茵

癸卯草堂成述懷四首

東村集卷五

三

小築成予拙歸來事事休掩關人自遠近市地仍幽雨  
過榴花放風搖麥浪浮今年耕稼好饘粥老菟裘

其二

洒掃猶應習詩書詎敢忘春雲凝硯席喬木出宮牆老  
朽身堪隱支離用已藏杖藜堪出入野外意何長

其三

寂寂當春晝無人徑草深簾垂雙燕語枕就一槐陰塞  
雪吹殘鬢庭花照素心此生隨寄托矯首得長吟

其四

容膝今何地驚心竄逐時魂來傷死別痛定說生離信

宿還如客低徊且賦詩願言邀鴈侶一醉酒盈卮

塞外吟

犁鋤活計勉支持菽水蕭然奉母慈寸草有心還自問  
何如塞外望雲時

其二

艱難庭訓手箴垂老大顛狂益可悲數卷殘書須好在  
何如塞外站瞻時

其三

臨風每羨鴈行宜對雨欣看棣樹枝坐守窮愁窮亦得  
何如塞外獨身時

東村集卷五

四

其四

黃精未剗腹中飢每飯於今念庾戩試看嶺南春夢客  
何如塞外負瓢時

其五

故園語咲幾縈思少小朋情補亦遲閉戶經年緣底事  
何如塞外掃門時

其六

虛舟浩蕩共吾之野客機忘白鳥知眼底人情皆熱活  
何如塞外抱冰時

其七

宵老淚洒羣兒菽麥難分只是癡拚却殘骸隨汝裹  
何如塞外畏鴉時

其八

十年深媿讀書遲千載文章信有師莫把遊談消晚景  
何如塞外篝燈時

讀金灘唱和集輒爲短歌以贈三友

蓬菴

蓬菴蓬菴吾所思江南塞北今幾時白日西頽不可挽  
黃河東注空復馳我欲相從且爲樂燒燈飲酒還賦詩

仲連

東村集卷五

五

仲連先生靜者儔高懷虞夏恣遐搜佳句不肯露筋骨  
如飲醇酒覺和柔建安以後多儉父美人綽約凌清秋

爾成

我友我友獨深眷憶昔艱難命如線園扉執手重悲號  
遼東鶴老雛翎變爲憶灌亭掀鬚無河干風雪思相見

海豐道上同劍浦作

臘月春和得未曾騎驢行共舊時朋飄萍踪跡還初服  
閃電年華對短髻夕照雲流疑作雨前溪水暖欲消冰

西村書舍寒松在樽酒相攜夜剪燈

次前韻

遼東鶴化亦何曾戴笠驅牛幸有朋靜倚茅簷喧曝背  
枯如野衲冷垂髻榮心宿麥三冬雪極目寒雲萬里冰  
節序催人添老大相過莫惜夜深燈

祝劉濬翁先生八十

人生苦拘促動如羊觸藩浩然凌空廓萬里恣鵬鷖小  
大各自適時運互寒暄惟此素心老堅貞守田園詩書  
旨可悅謝絕城市言欣欣飽粗糲披褐有餘溫庭堦羅  
桂玉上與青雲攀和風一披拂灼灼草木蕃

甲辰七月嵇漪園以歷城少尹來勘旱災奉贈

早氣夏已極餘災秋仍熱黃見禾苗枯青知草芽絕種

東村集卷五

六

麥且失時還愁來歲少有雲不作霖有壤皆成錢嗟此  
下邑民盼滴眼中血惠風西南來履畝勤勘閱出門望  
東北百里空塵垓時當萬寶登寥落窮冬節海波苦煎  
熬鹹鹵不可啜惻惻仁者心觸目痾瘼切安得常平粟  
賑施釋哽咽軍需難獨緩敢道催科拙只恐逃亡多轉  
使賦稅竭急則望屋食何以哉剽竊炳炳丹青筆應爲  
圖曲折

乙巳次丁蘿月先生十四夜月韻

修月傳仙斧天風淨玉塵經冬憂旱久入夜喜燈新火  
樹初浮焰清輝欲滿輪關山曾不碍老病二閒身

十五夜月

最好元宵月光輝徹玉京萬方瞻北極一夜卜西成信  
是燈前照疑從雪裏明羣遊人不厭獨對意還清

十六夜月

皎月圓如昨燈光賸有輝兒童歡未減跳走捷於飛冷  
韻梅千樹香塵燭一圖吾從閒處坐遙聽踏歌歸

饑民謠

早既甚不得雨上是天下是土榆樹皮杜樹葉棉花子  
和糠屑有一頓沒一頓喉正疼頭又暈懷中兒無乳哺  
擲道邊猶回顧男為傭女為婢數升糠半張紙折却屋

東村集卷五

七

露天宿幾架梁一食粥牛倒欄猪倒圈鷄犬絕烟火斷  
東村出西村入井泉乾井傍泣餓且死敢一言聞救荒  
荷新恩米價賤已屢年完公稅急辦錢賤時糶貴時糶  
自家糧他人喫晚納糧有赦免早納糧沒飯碗民之哀  
民之災民之活甘雨來

秋日野眺

西疇禾黍接城隅竹杖蕭然取徑迂秋草暗時藏促織  
夕陽明處立浮圖荒年乍熟如新歲老我嘗窮似故吾  
不舍犁鋤隨釣叟誰云筆札擬潛夫

初度述懷謝來念者

五十竟無聞咄哉四十九來者詎如今往者一回首壯  
歲蒙冰雪筋骨剩老醜自知心已灰誰云形未朽乾枯  
抱樹蟬零落經霜柳提持小兒女瑣瑣化為婦苦憶夏  
時早噉噉待升斗俯仰百無資艱難累老母茲秋幸薄  
收黍稷實多有方媿謀一飽焉敢事杯酒無恙東籬菊  
相對重陽後感此大馬辰種種增子咎要當力田作還  
為長者壽機忘抱甕翁拙比揮鋤叟時邀素心侶自剪  
寒畦韭

丙午早春分韻得江字

疎慵常閉戶點易就晴窗萬事吾何預寒威汝自降鴻

東村集卷五

八

聲初出塞草色遠浮江猶幸聞高咏南金見一雙

其二

晴光開遠岫活水響淙淙東郭開春色南濠亦一江微  
青生麥隴虛白在芸窗自足乘遊興風烟海上邦

次辛丑正月詩韻祝孫太夫人

遊子萬里來高堂喜相看長髯托綵服腰金美而燦膝  
前隨長兄捧觴滌几案和風吹玉樹八袞開遐算七十  
七年間辛勤在昏旦既老猶操作既貴猶汲灌勉子為  
良臣家國無殊觀小子疎野人祝語耻浮讚回思嶺南  
行六見春冰泮

二月三日祝丁蘿月先生八十

昔我始生爲孺子先生已是三十年我今半百漸老大  
先生矍鑠猶踴躍比鄰不遭鵝鴨惱時吟佳句互相傳  
自言燈下能細書服藥何如高枕眠平生閱歷似昨夢  
紛紛蕉鹿皆浮烟眼底朋儕誰笑語興來樽酒輒陶然  
教子不急求富貴讀書靜處希昔賢先生養生固有道  
胸中浩浩神恒全偶拈棋子消長晝縱未爛柯亦疑仙  
此日開顏一瀟洒八十春光清且妍

韻

濟南湖上亭同徐君實盧濟如孫耳之次吳左石

東村集卷五

九

百畝淪連遶北城亭開水面坐來清池中撥刺魚兒躍  
樹上呢喃燕子聲吠犬竟依花檻靜閒鷗欲共葉艇輕  
仙家白石猶堪煮人世滄浪咲濯纓

其二

問津今日也應知萍梗京華彼一時好友猶能同勝賞  
餘生乍得續前期誰吹天籟和簫鼓自滌塵襟對鑑池  
莫謂逐臣能作賦懷沙漁父未須悲

同徐君實盧濟如吳左石登千佛山次左石韻

古剎深巖一徑通春風瀟洒故人同潛虬洞屋還幽地  
野馬塵埃自遠空舉酒那知爲客會爛柯真覺與仙逢

苦封石壁留佳句摸索長吟興不窮

其二

眼中吾老見諸賢童別春衫三月天濟水北流千里折  
岱宗南向一峰懸夕陽藹藹垂殘照城市蒼蒼起暮烟  
欲下幾忘歸路近晴窗新咏白雲篇

寄蔚州魏環極先生

契濶何由得晤言窮居惟有著書尊自焚諫草歸丹壑  
幾見春風到葦門絕塞十年勞夢寐故人一札寄寒溫  
應悲明月屋梁滿憔悴形容照淚痕

寄曹秋岳先生大同署憲

東村集卷五

十

自別邗江首屢回雲中一見報書來年華老矣思朋舊  
宦况蕭然付酒杯沙磧初聞新過鴈月明一上舊烽臺  
遙知清暑烟霞意歸興新詩且細裁

邑宰孫裴臣先生惠詩三首嘆其大雅率爾次韻

汲深綆苦短良宰慮初長四野空焦土荒衙有廢墻人  
如歸召父地豈滯馮唐吾老兼貧病慙慙過草堂

其二

似有隨車雨窮鄉起頌聲艱辛心易碎疾苦事難平理  
榻依塵暗吟詩就月明長安回首近倒屣幾逢迎

其三

三月霑微雨耘苗已後時號天嘗洒淚步禱竟生瘠民  
瘠憂何極軍需計莫支只云學有用篝火向書帷

四月十九日祝邑宰孫某臣先生

海上神仙窟邑小稱彈丸維楚有君子翩然乘青鸞愛  
民如愛身服道乃服官愛民除其害愛身思所安度世  
大還藥惟此徑寸丹慈母保赤子就濕而讓乾非不知  
嚴急惻怛意在寬分析到秋毫弊狀須洞觀人情紛積  
習和衆調辛酸當寢猶忘寐當食幾忘飡責成迅風火  
敝席何暇完荒城夜擊柝步視星光寒大風吹欲墮攬  
衣發長嘆蒸沙求得飯徒使心力殫吾斯亦足信吾學  
不辭難六經爲原本政治皆波瀾儒術未疎濶絃歌古  
所歡佇見布甘澤良苗植琅玕頌聲徹天衢徵召速飛  
翰仁者真仙人雙鳥五雲端

五十

人生能幾何數十竟成五是爲百之半將與壽者伍我  
豈足壽哉蒲柳當速腐還思榮啟期帶索行且舞往日  
旣莫追來日將何補今年雙耳聾自幼眼如瞽昂首欲  
一笑不知背已僂委形付造物愚陋從所取閒尋籬下  
菊含蕊香初吐把酒共君子清霜老寒園

戊申夏四月八日王思齋初度時以少司寇祭告

過里

畫舫乘秋指越山香輿拂柳共春還揮毫驛路傳佳句  
把酒南州識玉顏寶象如聞慈氏偈緋魚自効老萊斑  
也知朋舊足留戀爭奈蒼生未許閒

念八日遥祝般陽唐太公先生

榴花照眼艷紛紛鐵幹靈椿迥不羣涼到庭槐如綠雪  
熱來隴麥是黃雲悠長日力書方讀活潑天機酒乍醺  
自有萊衣雙戲綵未辭簪笏報雄文

秋九月奉送提督楊公

青齊十二古河山上將提衡士馬嫻自道披堅餘壯志

東村集卷五

七

東村集卷五

七

誰知顧曲起愁顏幾年隴畝鴻音集鎮日嚴城豹影閒  
乍得江湖高臥地仍留麟閣待追攀

用韻送蘇竹浦之曹州學正

未向淮南賦小山寒糴世業舊來嫻家人拾菜欣朝頓  
弟子執經羨盛顏地只吾鄉非遠別書能數寄是常閒  
清秋皎月猶堪贈上苑春花待子攀

用韻寄陸冲默同年吉安司李得請養母

著書每擬近名山司李持平却素嫻一日乞身爲母在  
三公崇秩劇歡顏秋來菽水尋常有客到琴樽相對閒  
若向遼東詢舊事冰天玉樹也曾攀

初度口占謝賜問者

曾聞滄海變爲田親見高丘陷作川此日此時還好左  
分明身是陸行仙

其二

年過半百未爲壽比似今年壽已多黃葉西風秋又老  
最宜僻地養天和

其三

海內虛名吾豈敢稱觴宴會亦奚堪蕭然野服尋僧去  
自祝萱堂禮佛龕

其四

東村集卷五

五

誰道迂儒老更痴收禾種麥也知時故人問我村居樂  
把酒東籬自賦詩

和續咏蘭花詩爲劍峰賦

之子澹無心孤芳將何寄浩然發長吟聲臭深遙契楚  
晚足盤桓千載如昆季我韻在君懷君言在我鼻

其二

我韻在君懷君言在我鼻爲此嘆者誰清響傳堦砌春  
雨反秋露滋培固一氣乃知錫類心觸物見深意

諷必李姓名見媛楚中高隱也其尊人有蘭花詩  
留後止存鼻韻二語自爲續之又求海內詩人續  
之余與先生皆有作今流傳  
楚中聞此重爲嘆息雪崖

野老負喧歌爲少司空鍾宛開府作

野老負喧而歌歌凡十章其古樂府之遺歟夫樂  
府之音遠矣以興起嘉會鼓吹大雅則諧於金石  
被之管絃若野人之鄙陋無文又何取焉然政事  
之暇試一詠咏即不得比於穆如清風之頌淇澳  
萊竹之篇而與矇之箴瞽之誦或有合乎是則野  
人之所爲樂府也已

其一

風靜茅簷日色和負牆野老自謳歌晴陽便是黃綿襖  
最喜秋來種麥多

東村集卷五

五

其二

寒日冬深不出村籬邊曳杖數鷄豚輸完糧稅家無事  
那有追呼吏到門

其三

白草寒烟接海隅孤城海上似村無時清只賴行寬政  
地僻真堪老腐儒

其四

濟南南望盡名山山對峨眉一水間白雪樓高佳句在  
只今誰似昔人間

其五



漕河計日輸三輔杼柚經時念二東自草封章陳大計

寒宵長對一燈紅

其六

踰蹌羣彥府中趨一士賢如照乘珠只恐袁安深臥雪  
臨風欲解錦貂褕

其七

旭輝長至線痕催淑氣催花近臘開自是衮衣須仲補  
還知山鼎待調梅

其八

誰將荆樹比連枝春草含香在鳳池風雨對床尋舊約

東村集卷五

五

詩成却是夢來時

其九

從來種德啟于門赤子羣依大母恩堂上萱花增壽考  
堦前桂萼長兒孫

其十

一酌高提天北斗再斟還挹海東溟何如擊壤忘機叟  
笑指蒼松雪後青

萬烈峰投詩三章實兩韻也次正

臘近寒深却暖然老農愛日自占天時當三九還宜雪  
自有彤雲護麥田

其二

歲暮官衙增旅情寒窗讀易一燈明只如襖被尋知己  
共聽山中鳥報更

除夜

一燈寂坐老何堪起舞燈前對影三濁酒不妨今夜醉  
奇文可比舊時諳寒凝雪徑供高臥春轉梅魂試早探  
收拾年華還斗室誰知佳趣此中含

己酉元旦

誰云寸草報春堪自媿流年五十三早夜雞聲驚欲起  
長途馬足倦曾諳人情似酒須深酌佳句如珠莫淺探

東村集卷五

六

試向郊原尋霽景琳琅萬樹晚烟含

用丙午年韻寄祝孫太夫人八十於建安

元旦視考旋要在回頭看八十稱大壽禮宜篇章燦孰  
如賢太守捧膳自拭案建安被慈德萬姓呼添箕鶴髮  
御華軒皎皎日方旦民勞急洒濯面垢得沃盥滄海故  
鄉心猶作昔年觀吾不敢為佞殷勤致遙讚何由獻一  
觴芹藻賦在泮

初夏送萬烈峯南還兼訊李鄴仙

海濱無日不風沙四月寒威掩物華正喜重來深笑語  
誰知此別倍咨嗟空囊到處還收藥活水閒時自煮茶

客倦相存惟舊友芸編仍是鄴侯家

鄴仙即前續蘭花詩劍峯之字也以善藥名湖湘故詩中云及之

初度次邑宰裴臣先生見惠韻

吾老行負薪袖書失其斧采山非采山何辭樵者侮黃  
葉滿秋林提筐亦可取晚炊飽藜羹咀嚼在頰輔濩落  
秋園中餘生但懷土往者豈有失來者寧無補不見九  
十翁帶索歌且舞回思塞外遊冰雪蒙加枯遂令航一  
編腐儒存東魯所惜歲月徂瞠乎躓前武天地不踟躕  
何爲自勞苦高臥感義皇忘機即淳古

臘月念七日村居書懷

東村集卷五

七

歲晚將何事茅齋展舊書閒思千載上老眼數行餘雪  
液食松實雲根護竹居故人同寂寞相憶酒杯疎

庚戌春前二月商河道中遇陸冲默用舊韻

擬踏天門第一山春風竹杖舊曾嫺遙峯欲起游人色  
小次欣承靜者顏既可抽簪寧厭早豈因捧檄未能閒  
珠璣錯落驚佳句紅樹前林好共攀

夏六月十九日杜湄村先生初度

馳驅今日暫閒身宦况蕭然未是貧堂上慈顏涼到枕  
膝前令器綠爲裯天機靜玩還淳素世味多嘗只苦辛  
莫到炎蒸無避處披襟散髮自由人

客坐隱次裴臣孫先生韻

昔人談奕旨如易說陰陽賢宰即國手坐隱一匡牀秋  
夜吐新月老步過虛堂斗室開曲折小僕具鑪鑪對局  
輒沉思拈子觸燈光不復聞人語但覺韻瓊琅屢得猶  
恐忽細失切宜詳先事在補病上藥師岐黃勝笑豈偶  
中大用必善藏以斯溯河洛圖書互圓方牛刀視下邑  
五載寧炫長勞心惟熟慮有備免倉皇雞鳴夜過半起  
視銀河傍

菊月祝大司空開府表公

睿慮殷勤念二東駢蕃晝接大司空居然大旱爲霖雨

東村集卷五

太

人在堯天舜日中

其二

秋清幕府靜無譁萬里車書共一家爲道滇南多惠政  
時來齊魯問桑麻

其三

京洛遊從一腐儒吟詩海畔自拈鬚濟南今日聞歌咏  
試看峨眉雪有無

其四

霜邊黃菊映東籬城上南山對酒卮杼柚民勞憂未了  
臨風自覺鬢生絲

臘月奉送陳靖公之饒平游府新任寄訊周伯衡

遵化有拙宦給諫早清真將軍同臭味何啻肺腑親起家本儒者師武不辭貧今歲暫移署赫然壁壘新行厨秋未熟乞米向四隣市廛既安堵村落絕囂塵頌聲竟騰達榮擢陟要津廣南苦剗錐刀禍所因一廉牛百威鯨浪息波臣前往遇周子握手應悲辛爲言茅舍裏酌酒待來春

臘月奇寒次韻

欲撥爐灰火已殘敲冰無計理晨餐衰顏最愛簷前日病骨深驚塞外寒驢背漏橋行不得羊裘大澤凍相干

東村集卷五

九

何人解咏豐年雪調轉陽春四野歡

邑侯孫某臣原韻有九天風過千灘烈百歲人傳萬古寒之句

辛亥元旦晴和

農家占歲喜微霜萬里晴陽逗曙光柏葉杯傳春灩灩樞衡斗轉曉蒼蒼米天已許和風入海國偏知化日長不閱嚴寒那有此野人好整薜蘿裳

二月寄旻徠壽張主簿罷官

吟詩負板向河干計事優容歲已寬政拙眞宜從下考時清豈敢棄微官長堤莫問桃花水短髻無勞竹葉冠猶有琴書如故我細君對案且加餐

壬子二月一日祝來公

畫戟清香春晝遲南山當戶轉深思尊生用儉如丹訣壽世依仁是導師欲使閭閻還揖讓須教絃誦比鋤犁不嫌野老無新句瑤札相存憶昔時

三月卽凌玉過歷下奉訊

雨雪今春幾日晴春深花事未分明自尋勝蹟搜佳句誰向窮途問友生老病不堪陪杖屨烟霞只欲對簷楹還期樽酒論文處爲說天雄郡志成

四月十九日農家謠祝邑宰孫某臣

切切田間語今春雨雪稠木冰其兆水雄雷旱之憂播

東村集卷五

十

種幸及時未能知有收花朝到寒食凜冽如窮秋荏苒迨孟夏天氣稍暄柔十二夜之夕冰雹修盈杯既望夜之半狂飈翻橫輪陰晴固難測生計將安謀惟此疲苦民深爲官長愁有腰不得直往往成偃僂有口不得言聲出吞在喉斯道遂墻壁跼蹐果何求努力自鋤田我歌汝亦謳

癸丑仲春病中吟

誰云病久却能閒蓬戶春風自掩關歲月相看惟白髮煙雲無恙是青山祇將寸草遲長晝擬著輕衫效彩斑老去遠城尋昨夢鶴如傳語鴈如還

四月寄 宰 雲麓

高堂清暑甑生塵臘月綈袍寄故人自別海陵如夢寐  
誰云刺史亦沉淪老年生意隨枯麥仕路遷除尚積薪  
今日河流關國計司空家學舊能貧

秋七月送海豐吳在公之萬載任

天高胥隸大赫赫東諸侯叱咤起雷電咄嗟摧山丘盛  
暑飛霜雪寒凜傾千秋赤子依慈母胡為壯於煩吾黨  
有君子攜琴赴南州萬載雖小邑絃歌得自由孰者為  
陽鱉入口輒棘喉孰者有餘味含咀旨且修莫謂邑無  
人訕訕真足羞試過東湖側為訪灌園傳恭惟堯舜世

東村集卷五

五

敷政先和柔催科固云惡敲朴將奚求一飯亦有報一  
語亦有酬朝廷方愛民仁者宜自謀勉哉惟豈弟酌水  
繼家猷

八月朔鹽山宰黃振侯初度爰陟版曹榮命方新

邑人愛戀頌禱交切予忝梓里近接鄰封老朽  
不文俚言而已

繭絲牛毛束濕薪今日為令良苦辛況是瘠邑在畿輔  
鹽山濱海東省鄰奸宄盤牙恣出入逋逃往往伏荆榛  
今日逃人人之蠹不緝何以安吾人緝逃中程應慈賞  
一朝雙鳥登雲津今來何暮去何速萬家奔走吐蒼旻

令且矍然深有念撫摩二載徒逡巡視前司李竟何如

條悉利弊垂堅珉維茲八月旦初吉巖巖岱嶽降生申  
安期丹臺大如瓜流膏玉露濯清晨公家忠宣老尚書  
勲德奕代稱宗臣當時忠信著炎微交趾至今瞻勾陳  
公卿之後復其始不振前烈光嶙峋古來致治寧奇術  
規模濶大先平均官屬司農為計部計用良吏壽斯民  
八月十八日李鄴園年兄家慶懸弧堂開畫錦老  
友獻頌情溢平辭

東村集卷五

五

御府彤弓對盧矢東南鎖鑰 天顏喜喜逢盛世有賢  
臣試獄生申懸弧始當軒溫語問臣年臣年五十有二  
矣汝臣長髯矯猶龍蒼生霖雨汝臣是福星在越壽星  
躔光芒輝映三台起十二紅雲出上方彩鳳天吳繡紋  
紫銀鞍玉勒珊瑚鞭青驄蹀躞長安春日近長安許過  
門西風禾黍秋如水菁葱雙玉侍堦前繡祿麟郎美雛  
子為問同遊昔少年天香桂樹今何似肘懸金印令公  
來父老歡呼衣錦里

中秋後三日同杜湄村李孟知武定東門遇雨有

作

相攜老友倚秋行斗酒相酬話月明何意東門今日雨  
轉思北郭昨宵晴回當客路衣同濕避向僧房磬自清

莫道升沉難預計眼前不盡野雲生

九日胡又申明府見招陪郁光白暨令嗣彥卓回

憶塞上之別十有四年今始一晤明府既光白

高第弟子而明府長郎又光白孫壻嘉禮初成

適逢令節時同座者王敦修霖公兄弟屬予作

咏以紀斯游

何年皂帽共歸來遼海齊城對酒杯鴻鴈自傳寒塞信

菊花偏爲故人開一時冰玉眞嘉話百里絃歌有異才

試採茱萸吹鬢雪陶然須教夜深回

九月念九日祝繼泉李長者八十

東村集卷五

五

八十年光髻有華秋深霜淨裏如瓜蓬麻掩戶休心久

桂玉盈堦樂事賒每向東村邀野叟閒來北郭問鄰家

今晨恰是新冬節矯首晴雲映紫霞

臘月村居偕友人拈少陵句成四首

相送柴門月色新庭如瀝水月如銀即今朋輩村居少

珍重扶筇白髮人

其二

東村烟靄接西鄰相送柴門月色新似向元宵燈火夜

誰知冬底有陽春

其三

林泉攜手此何人共聽鐘聲出城市相送柴門月色新  
微茫欲踏前溪水

其四

老檜凌霜幹有鱗空庭寒月伴閒身行時認取蒼虬影  
相送柴門月色新

冬月讀書行爲范仲亮賦

四九未盡臘已半日光晴漾微風起吹來南岸讀書聲  
金石雅奏盈余耳希文既老長白山朝藿暮鹽甘沒齒  
賢侯嘆賞知音希往往懸榻開蓬蓽蘭絨縫爲嫁女衣  
布袍溫踰狐貉美杯酒抒懷無媿辭手書殷勤到薪水

東村集卷五

五

古道相期豈世情寸心感結惟終始吾黨論交三十年  
鶴占劒浦今已矣開卷還如對故人魂來寒夜燈明裏  
紛紛衆說且覆瓿獨抱義經究深旨

輓鹽山褚斗華

養親惟養志守分詎遺榮傳家有令子受業多門生豈  
必早騰達績學在老成仕路戒覆車藜藿安柴荆相望  
百里內往往聞賢聲嗟哉長者逝東芻寫子誠萬物會  
有盡不朽乃德名慙勤慰孝思文苑聽先鳴

春萱首蓓歌爲邑學博文晴雪賦

春入萱花壽寒回首蓓盤首蓓年年貧不厭萱花日日

喜相看先生彩服當庭趨絳帳談經弟子儒美酒奉母  
還自飲歲暮令暑為歡娛清源自昔盛豪華簫鼓樓船  
富貴家自把一編風雪夜寒擅不暖意不嗟萱花有子  
蘭有孫苜蓿為葉桂為根會見繡襦春風裏稱賀諸生  
盡在門

甲寅新秋送嵇漪園應薦赴楚便道省覲

雨後秋風淨遠塵翩翩書劍美才人十年佐邑循良舊  
萬里從軍拔擢新令譽自騰名不忝衰顏相顧意何真  
還家且喜當清晝綠服稱觴薦老親

立秋次日七夕

東村集卷五

五

昨夜秋風動碧霄天街初駕赤欄橋針芒有巧憑誰乞  
徑路無媒祇自招獨守堅貞今日信寧知契濶隔年遙  
銀箏錦瑟清涼裏便覺人間暑易消

其二

離愁合悅兩分明河漢迢迢萬古情王宇雲涵新鴈影  
銀洲水轉夜烏聲乘槎有客曾相見織錦何時猶未成  
只為秋風吹桂樹白榆天上好逢迎

次武定守何公憂旱韻

薄雲引雨行雨勢輒前却譬如汲枯井徒勞轉瓶索天  
心本至仁旱魃敢怙惡甘澤隨車來四野歡耕鑿

八月初八日祝利津宰李鳳山

禾黍清秋玉露滋悠然彭澤賦新詩從來學道為官好  
今日憂民念母慈酌水閒庭看碧樹揮絃靜夜引朱絲  
何須更着雲中鳥樂只聲騰鳳閣知

秋八月送邑學博文晴雪

秋風涼雨送先生祖道西郊見此行欲廢蓼莪真有淚  
相看苜蓿却多情酒中累月賢人賦掌上擎珠令子名  
念我不嫌衰朽甚誰云佳句比陰鏗

九月三日至西村僧舍

藜杖行侵曉露濃相攜老圃問秋容疎籬黃菊香猶飲

東村集卷五

五

遠岫白雲翠自封病久閒心如落葉愁多獨語比鳴蛩  
盤河十里茅庵路也有山僧解扣鐘

重九次日五十八歲初度

孫曾遶膝奉萱親徧插黃花又此辰謬妄愈知今日老  
窮愁轉羨去年貧前身皂帽揮鋤客昨日白衣送酒人  
自媿難雕成朽木誰將晚節比松筠

乙卯輓新安王五修明經

自我交介祺眉宇見紫芝立談得數語披豁更無疑淥  
波生春水盈盈係夢思手書來漬淚亡友發深悲新安  
有王子懷王世未知先人清白吏紫峰文所垂蘇門授

道要入世篤相期姚江力擔荷學術急濟時瀛州佐戎  
幕雅譽飛羽旗孰謂命不延馬足躡雲馳還念鄆城公  
嶽嶽人中奇父子同淹蹇運數良參差迢迢千載志一  
日林宗碑愧予衰陋甚滅沒中郎詞

贈王休心

休心今日可休心老友相攜入舊林萬事隨緣聊度日  
孤身到處且長吟野人禮數宜從簡草舍杯鐺莫厭斟  
猶有開情婚嫁累向平五嶽共誰尋

清和月祝河間叅戎孔公毅

將軍安傑武瀛海屹長城黃雲搖麥浪紫氣蒸蒲英軍

東村集卷五

壬

內齊歌呼擊鼓復吹笙瞿然深有念大庖澹弗盈夜看  
雄劒動曉聽樞馬鳴鯨魚猶未剪慷慨捋長纓云誰叅  
幕府高士管公明白髮老介祺侃侃引儒生紫峯文不  
佞古義凜冰清爲說鄧征西忠孝千秋名傳家篤世業  
麟閣垂崢嶸於今賢俊人榮遇輝前旌飛揚耻一技小  
心師老成還將朱鷺曲雅韻答昇平

讀孫徵君二難傳賦

我讀二難傳再拜欽英風慷慨魯山令一劒當羣兇擊  
楫誓渡河司馬憐孤忠倘遂守關計社稷豈飄蓬司馬  
既殉國令老臥雙峯誰隨司馬死烈烈抱陽公抱陽一

縫掖有子殺身同至今傳檄語浩氣悲蒼穹徵君奮直  
筆千載思無窮誰使管幼安皂帽北海東

杜紫峰爲詩見答次韻

同心舉目見高旻千里寧嗟道路分老去形如東郭子  
悲來淚似望諸君桑陰減綠經春雪麥浪吹黃入夏雲  
佳句杜陵真有法瓣香弟子許爲羣

讀養濟院碑文

開五月邑宰劉永公重修養濟院自爲碑記

夏雲垂天風雨急貧老扶牆向天泣使非有屋得安居  
彌漫風雨身何入爲問此屋造者誰召父辛勤杜母慈  
寒者子拉饑子食露處無宇身宇之一叟自言八十畢

東村集卷五

壬

少壯從來無家室拋離吾土四十年今日歸來養老疾  
仁哉我公父母如思貽百代豐碑書萬間廣廈庇寒士  
扶掖疲瘵意有餘濁河沒後多年旱溝壑展轉他方散  
積逋清時復業多頓使煩憂解沃鹽鳥雀長日厭簷寬  
焚獨拭淚喜相看願將盛世商巖雨淨洗甲兵萬里歡  
次武定守何君謝事韻爲送

甘雨隨車六月天鄰封曾見地行仙只今瀟灑拂衣去  
瀨水羊裘釣暮烟

其二

葛衣蓆帽舊來貧勇退急流自有因明月秋風圖畫裏

太平林下一歸人

送武定守何君

辭官今日還鄉去履畝年時敝邑來念切憂民常下淚  
身閒投老一啣杯誰云五斗腰堪折自趁三秋首不回  
越水扁舟明月裏嚴陵灘靜菊花開

八月下浣既拜老母八旬壽辰子感痰暈之疾昏

仆幾殆藥不奏效因是屏居村野冀以靜治爲

詩謝諸親友

我思老萊子斑衣自事親豈謂爲子者先有舞綵人年

老貴適志菽水展吾真有疾亟自養屏居謝城闈晚食

東村集卷五

五

還數米樵歌且負薪非能學勤儉守分隨村民應門屬

諸子卑默師朴淳我病倘稍愈訪友唐河濱冰雪餘病

骨菊對東籬春

重九大松庄同李孟知賦

曉來濃霧闕烟蘿何地登臨可放歌病後新詩寧有幾  
樽前老友已無多霜催白鴈寒如此露浥黃花艷若何  
欲向名山尋舊約楓林紅葉擁青螺

和華仙韻

鶴馭來無際天風拂月寒雲流山自寂柯爛局初殘體  
物神所在扶衰藥與安深知垂顧意雅韻起珊珊

和華仙咏海豐塔韻

佛閣凌雲起危峯海上孤青霜縣碧落曉日見浮圖鈴  
語鳴還應梯空陟自扶千年如電影曾憶舊游無

嘉平月賀張子齊明經庭對

當年絳帳憶傳經藜火翩然太乙星遂有鯨魚騰碧海  
今看彩鳳翥蒼屏仙桃自結三千日小草誰知六十齡  
爲說賢良多盛事公孫對策冠彤庭

法黃石過蝸居入都惠寄新詩次韻爲謝并寄郝

雪海

乍見驚癘甚寬然帶一圍旬宣方岳重癘癘老夫微世

東村集卷五

五

路塵猶是交游跡竟非開懷談正劇觸目淚還揮附有

魚書去行當身史歸蟄龍春欲轉老鶴晝能飛料事看

蒼葵籌邊寄帳帷高言吹玉屑雅韻奏金徽隱士微嚴

穴英流集試闌鯉騰波浪濶鵬運羽毛肥病益衰年態

啼從稚子饑苦吟窮未已遠望晚何依盛世方恢網無

才久息機冰天海霧接鳳閣曉霜霏海內傳封事蒼生

問繡衣

丙辰上元次樂三叔韻

攤書心自喜踏月步能來八十身猶健春從笑語回

輓丁介子令堂李孺人



持家不厭苦教子不厭貧熊九有餘味拭淚多悲辛清  
白留慈訓存歿培天真肯以俗所羨易此道之真一椽  
寄荒野尺蠖伴松筠形管傳令德春日麗青旻持以報  
君子三鳳聲嶙峋始知賢達士以禮榮其親

上巳日寄學史錢珥信

問年六十度浮生雨後春疇好力耕老去休心如鹿夢  
閒來照眼似花榮不嫌潦倒經時久未厭疎狂與世輕  
翹首濟南天半雪人傳佳句酌泉聲

重九後一日六十初度次范仲亮韻

黃花九日正佳辰今日東籬昨日身塵外新詩方味永

東村集卷五

辛

眼前老友益情親薄田自昔爲耕獲寒水何時試釣綸  
不意餘年登六十冰霜萬里故園春

秋懷

眼底朋儕盡秋高歲月侵寒花籬落色遠鴈雪霜心偏  
窄憑誰遣淒涼不自禁朱絃塵斷匣喟絕爲知音

其二

未有尺書寄相尋夢寐中離懷驚過隙醒淚落征鴻人  
事朝朝異秋光處處同不嫌雙鬢改引領過涼風

其三

無端兒女意老態強隨人坐困還春米行歌且負薪霜

濃兩眼醉風急滿頭塵浩蕩將何適江湖愧隱淪

其四

窮老嗟無計寬愁問濁醪填胸尊泰嶽爛目數秋毫小  
徑行疎柳荒園隱短蒿招尋求仲意白首惜予勞

除夕

春近歲除將解凍凍因春解歲先除燈前白髮驚身老  
酒後紅顏嘆友疎爆竹兒童還笑語圍爐齋閣自清虛  
知非伯玉隨時化六十年過媿不如

丁巳元日

兵戈淨洗罷烽烟海宇清平萬里傳瑞現龍文瞻舜日

東村集卷五

辛

寒傳鶴語紀堯年莫愁穀賤逢荒歲且喜雲開對遠天  
雨後一犁吾有事老農相伴好耕田

正月念一日西郊

出郭春光處處看陰晴倏變轉春寒搏風疾上成羊角  
仆柳枯餘化鼠肝徑徑雪纔能容緩步溪水漸可試垂竿  
爲尋古道遺編在投老方知宇宙寬

春雨歌爲署邑篆程廳尊賦

東風吹海輕於紙海底珊瑚化香水忽驚鵬翼蹴鰲頭  
全傾蛟淚淹龍耳節近寒食雨有靈坐使塵沙變清泚  
風伯怒發正愁人雨師翩然動歡喜喜雨如珠珠不如

喜雨比玉王難比食珠何如麥作食被玉寧比桑為被  
細洒麥苗交翠葉淨濡條桑舒綠綺海棠乍吐杏花紅  
垂柳斜拖丁香紫斥鹵荒城一僻村歌聲四徹蒼烟裏  
誰為霖雨惠蒼生繡斧使君家世美願為霖雨應春和  
海不揚波風不起

寒食雪

雨雪當寒食瑤華處處飛潤紅殊漱灑積素却光輝火  
乞鄰人去薪遲稚子歸窮居幽興慙不待掩荆扉

其二

寶馬郊游阻羊裘臥亦寒墻低園杏出天遠嶺梅看隱

東村集卷五

五

凡占來日啣杯憶舊歡早知春水濶好把釣魚竿

六月六日北園小集次丁仲昭韻

一畝荒園北郭開清言消暑好朋來雷聲繞塔空先動  
雨勢侵城近却回入座都忘棋幾局出門纔見月相陪  
傳來佳製如雲錦拙句衰年祇漫裁

六月十九日杜湄村初度

經營岳牧望方新霖雨蒼生頌大椿讀禮幾年還報主  
啣杯今日倍思親烟霞勝賞餘豪舉兒女關情共老身  
應憶松庄明月裏輕衫蓆帽對龍鱗

念七日祝武定守徐君

臺綱肅風紀直氣始一振當時推總憲遺愛今在人公  
侯世必復作牧棣州民棣州近般陽藹藹即鄉鄰先業  
必紹述輿頌為之新登堂稱壽者繪圖比大椿譬如久  
焦灼霖雨潤澤勺野老無所獻祝詞祇曰仁

法黃石見寄新詩二首次韻奉答並呈郝復陽

抱甕爪畦水繞籬開緘又見寄來詩傭書自勒銀鈎帖  
獻頌須標銅柱碑京輦塵飛衝暑氣屋梁月落動幽思  
不堪老淚頻揮洒白首論交祇自知

其二

尺素殷勤念遠離加食還欲細論詩凌雲試筆能無賦

東村集卷五

五

待日之官詎有辭老至移家窮作計閒來課子苦為思  
炎蒸襤襪妨投刺佳句須傳侍御知

九日寄法黃石時郝復陽將往兩淮

重陽不見菊花開寂寞東籬對酒杯此日鄉心隨落葉  
幾年病骨在金臺青驄步向雲邊出白鴈聲從塞上來  
曾是天涯留滯者綈袍誰念濟時才

初十日六十一歲初度次范仲亮韻

研朱點易向前軒丁巳年周又一元遠舉蒼龍凌岱岳  
低飛斥鷃止丘樊秋成菽水還將母老對松筠更抱孫  
却喜高人傳勝句欲從學海問詞源

戊午二月爲李鄴園賦讀書樓

元老功高天下聞，瞿然深念在榆枌。東南幕府開春樹，西北鄉城藹暮雲。乍得扁舟同話舊，還思畫閣對論文。佇看畫錦輝緇帙，鄴架書成上相勳。

初夏送湄村之任汴梁

南北勲名幾處過，中州古道遶黃河。春深一夜桃花信，力極千年瓠子歌。嘴岸長魚吹浪急，緣堤小塞負薪多。驅車須念民勞甚，郡邑風清吏治和。

其二

叅藩建節大梁城，物候鄉心乍送迎。雨浥榴房紅玉簇，

東村集卷五

五

風吹麥浪翠旗橫。懷人作賦登臺迥，課子繙書對月明。試向信陵祠畔望，東門可有老侯嬴。

九月十日六十二歲初度次范仲亮韻

故人歷落望晨星，莫咲籬邊醉瓦瓶。晚對寒花堪冷淡，輕隨墜葉憶飄零。霜知種麥還爲雨，雷欲驅蝗故作霆。來往西村成二老，龍鱗細認古松形。

己未正月念八日祝邑宰黃緯真讀書歌

黃侯家傳萬卷書，筮仕束裝書滿車。不嫌僻邑凋殘舊，惟喜官閒誦讀餘。庭空吏散復求友，把卷吟哦常在手。門下諸生問字來，論詩自顧東村叟。村叟行年六十三，

耳聾眼眊百不堪，愧作蠹魚紙內老。風雅敢向古人談，從來學古優爲政。動者如煙靜如鏡，莫羨城頭姑射山。萱堂慈母棣萼暎，秘閣蘭臺忠孝家。棠陰春雨穎川花，願將百里絃歌地，卿月台垣照紫霞。

夏五月祝樂陵宰孟

吾年六十三，人喚東村叟。相望百里間，虛齋實吾友。畏事常杜門，經年罷杯酒。顧於茂宰賢，贊誦不啻口。樂陵亦巖邑，壤接滄州久。撫字須多方，擘畫賴巨手。軍需急，催科辦供敢遲後。以斯周疲氓，豈曰非慈母。時哉澍雨來，潤洒蘇枯朽。麥穗稍成秋，榴花照虛牖。念此遲鈍翁，

東村集卷五

五

文藻復何有，登堂獻蒲觴。高並南山壽，

仲夏十九日壽光魏儉菴舉子

壽光司馬古遺直，傳家羣鳳式。珪璋仲公致，身在中秘抱奇不試甘。伏藏種玉瞿然念，嗣續珠騰掌上真。輝煌天畀麒麟來，夏五瑞生吉日兼。辰良老夫聞之喜，欲躍當時遠海曾。冰霜令子深思惟，忠孝諸孫頭角森。開張荀氏八龍原，濟濟今茲稚者啼。聲強早讀父書把，祖笏吾猶見汝登玉堂。

重九次日六十三歲初度次邑宰黃緯真韻

憶昨登高只漫遊，閒雲却爲菊花留。徒聞海上飛蓬島，

竟見塵中蕩沃洲，乍可驅愁聊命酒。不須作賦亦吟秋，只今賴有循良宰。野老謳歌百里侯。

其二

彈鋏無魚漑金，蓄古來隱士有招尋。農耕瘠土牽馴犢，吏散閒庭下暮禽。禾黍粘泥成粒少，蓬蒿沒雨閉門深。裁雲作錦傳新製，欲補山龍試綉鍼。

次范仲亮韻

衰年無可說報壽，一空函齒痛爲心病耳聾。試手談花黃秋正九月白影還，三不擬橘中叟吾家問老聃。

秋杪寄孫忞庭

東村集卷五

五

照眼晨光醉不言，輕舟坐擁布裘溫。南來鴈影知風力，東下河流驗水痕。故國青山今日見，同遊白髮幾人存。松楸省墓陳情舊，幸許閒身入里門。

其二

桂樹秋風昔壯哉，宦成還向濟南來。心閒自許長鬚好，齒豁誰憐笑口開。獨坐樓遲司馬貴，危樓想像子鱗才。芒鞋竹杖容吾往，握手湖亭對酒杯。

仲冬望三日祝利津宰黃恕菴

宰邑推英妙，承家美象賢。棠陰春共接，花萼壁相聯。禱雨憂無歲，驅蝗願有年。殫心思拯救，切體訴顛連。只道

軍需急，誰知正稅蠲。催科如未緩，疾苦更何痊。掃土尋糠粃，充腸斷粥饘。嚴風吹露肘，凍雪沒僵肩。欲寫饑寒狀，難將繪畫傳。民艱期洞徹，惠政務周全。野老勤咨訪，書生喜接延。鳳唳卿月曉，麟趾夜珠圓。故事方綸閣，循良繼穎川。椿庭遙獻壽，海屋數盈千。

念九日法黃石到舍惠詩依韻爲答

燕市黃金舊築臺，故人寒夜蓆門來。支藤病足驚無恙，朽櫟全生幸不才。稚子求書爲命筆，殘年對酒莫辭杯。直須剪燭西窗裏，絮語晨鐘客夢迴。

其二

東村集卷五

五

寒深客路敝裘涼，燈火荒城似野莊。大地冰堅龍向蟄，空山雪滿鴈隨陽。流離故國人饑甚，辛苦京華味飽嘗。莫謂吹春遲黍谷，鏗然雅韻引清商。

嘉平月三日祝利津魏重光

五斗折腰彼一時，歸來不賦淵明詩。澹漠秋容媚幽谷，爲園自藝束籬菊。丹砂乳液菊潭叟，口不吟詩但飲酒。撲窗梅影雪花飛，香在籬根照瓊玖。幽菊寒梅晚共研，吾徒得老且安眠。即今欲作耆英社，記取重陽臘月天。

祝武定游府鄭

武定分閫地，鹽雲在北鄰。干旄東到海，烽堠接天津。屬

汎之戌卒登鎮往來頻以此思治軍要在恤窮民鄭公肅節制體恤惠常均幅員雖遠濶警蹕無風塵投醪鼓壯士折節延儒紳周旋歲滋久見者顏色親野老不習伎謳歌徵其真築壇推上將早與畫麒麟

除日十七年冬十二月立春十九年春正月立春時冬底散賑

臘至春光逼歲新只因臘盡却思春一年活計看如此百日晴陽未負人嚙草爭教荒土盡炊舖竟振普天貧救荒莫道無奇策發粟常平惠自均

庚申元日是年兩次立春又閏八月犬馬之齒六十有四

三冬不見雪花流元日占晴咲語稠恰是行年符卦數

東村集卷五

亮

更逢置閏再春秋椒花對酒猶相憶竹杖看雲亦自由為報豐年舒望眼青回瓏麥潤平疇

初夏田居詩次孫忭庭韻

雪塞餘生似乍歸田園夙願未相違閒心細數花鬚落活計欣看菜甲肥南陌東阡時策杖輕風曉日一吹衣牧童牛背猶橫笛咲逐前林野鳥飛

其二

長風振木起松濤似有潮音沸巨鰲縱目青山臺上出支頤白髮鏡中消虛亭北郭人相訊老樹東村晚自標回首同遊諸少壯祇今馬齒數子高

其三

尋春須教酒杯添裊裊黃鸝語韻纖度水穿林行有與看花藉草坐無嫌誰猶抱虎威堪借我亦知魚樂在潛夾路垂楊飛絮急夕陽影裏認懸帘

其四

活水吾師靜自聞夏初好雨洗氛氲培風既負飛鵬翼控地還容斥鷃羣麥穗平疇吹翠浪桃花遠岸閃紅雲農家只願逢豐歲百畝無勞暑上勲

其五

別業城西八里莊十年種樹近成行看雲每羨孤筇健

東村集卷五

早

照水俄驚兩鬢蒼接葉移根還作屋牽枝引蔓自為牆也知稼穡關天意蓬蓽何能救歲荒

其六

蝶翅鶯聲處處逢藤花艷比紫芙蓉茅亭四廠歸雙鳥丈石孤鶩對一峯有客忘機游鹿豕無人把釣問魚龍不須再煮黃梁熟醒夢先聞塔院鐘

其七

步屨城隅向水阿荒園花落鳥聲多酌來蕉葉聊吞酒興就竹枝且放歌問字誰尋垂柳徑貪眠自愛懶雲窩柴門未必常開住拄杖交頭野叟過

其八

爲農爲圃自由身  
皂帽顏唐舊野人  
種芹如可供丹陛  
曝背還堪獻紫宸  
一日清閒真是福  
百年粗糲莫言貧  
殘棋欲罷槐陰午  
老友何妨笑語頻

其九

無才不敢羨公卿  
老作蠹魚畢此生  
數墨尋行成底事  
雕花鏤葉欲何營  
衰顏未許供高臥  
瘠土須知在力耕  
二麥迎秋新雨足  
荒年穀價一時平

其十

摧殘朽櫟絕鋒稜  
匠石求材置不能  
寶瑟虛彈雲外曲

東村集卷五

聖

琉璃夜貯佛前燈  
學如探海茫無際  
路比遊山到幾層  
白雪樓高誰嗣響  
凌雲詞賦昔人曾

贈毘陵周杲如

東侯絕藝舊來傳  
新局隨心又有年  
瘦腹肥邊君自悟  
不知一着是誰先

其二

燕南齊北客衣輕  
雨度中秋好月明  
開裏奪尊紅葉子  
塵中坐隱玉棋枰

其三

茅菴近築就僧居  
欹枕閒翻貝葉書  
照眼秋光供白醉

輸贏幾局黑甜餘

其四

老病秋深只閉門  
誰敲棋子倚槐根  
局中歲月長如許  
對着仙人坐不言

韻

重九前一日范仲亮惠詩祝子六十四歲賤辰次  
衰年讀易仰羲周  
竄逐餘生幸白頭  
節近登高來鴈羽  
寒催落木理羊裘  
不堪歎歲仍多病  
猶許閒身趁早休  
夢入礪溪供一咲  
誰云釣叟晚封侯

贈張明我孝廉

東村集卷五

聖

支離病叟一閒身  
幸遇良師藥我真  
自數三元從甲子  
誰將二豎守庚申  
懷人欲踏剡溪雪  
作客能忘上苑春  
便道瀛洲非遠別  
南來鄉信莫辭頻

子月祝武定守徐

臨德解米歌

臨清倉德州倉山  
東處處輸官糧  
疊遭荒歉人饑死  
兩倉願改隨漕米  
負米攜銀價倍增  
倉胥解役分肥耳  
嗚呼雨倉收米今  
幾何饑民骨髓已  
無多武定州守心  
惻然痛哭面訴司  
倉憐持籌不敢橫  
索錢省得升米換  
糠斗不圖飽飯聊  
糊口吁嗟乎臨德  
解米棣州守

賀武定守徐

陞戶部員外

今年瑞雪應寒冬樹掛流澌麥壠封幾見高賢還下榻  
爭聞野老自扶筇甘棠陰接棣城樹皎月光連長樂鐘  
民力艱難君最悉持籌好佐大司農

其二

山公啟事五雲開郎署新推濟世才駿足人看騏驎出  
和音政許鳳凰來雲湖夜棹飛清興燕市春燈展巨杯  
每憶皂囊言路闢當時耆艾領西臺

歲華集題辭并次韻六章

逍遙堂上千章木常送中宵風雨聲悵喜對牀尋  
舊約不知飄泊在彭城讀穎濱此詩兄弟聚首而

東村集卷五

望

有離索之感歲行盡矣風雨淒然紙窗竹屋燈火  
青熒時於此間得少佳趣讀東坡此札他鄉獨處  
而有友生之樂況乎賢主嘉賓冰清玉潤賡歌雅  
奏壘篴互吹者乎然以俚句參之老農叩缶細語  
歲時即兩蘇先生亦為之一噱者矣

次度歲韻

孤城海上晝常開仙令齋頭姑射山白雪陽春供度歲  
一時賓主劇歡顏

其二

老景侵尋看歲除春聯索句也躊躇祇憑濁酒消今夜

醉裏閒翻架上書

次除夕韻

雪塞思吾友萱堂壽作朋晨光團牖甕夜月引樞繩歲  
底新何益生涯舊可仍見童喧爆竹一咲昔時曾

其二

眼看六十五天與半生閒憶過丹陽郭往來江上山誰  
知邀勝客投句起衰顏欲擬瓊瑤報長言未可刪

次守歲韻

歲晚逢知己懷鄉未許愁長吟風雨至短髮雪霜留潑  
墨同揮酒傳杯自勸酬縣衙如屋裏清夢共悠悠

東村集卷五

留

次辛酉元日韻

袖裏羅浮萬樹春攜來小邑喜良辰豆芽早應三朝卯  
麥穗徐占七日辛正月三卯宜豆是歲正月七日得辛調起高山琴再鼓

香傳玉液酒初巡河陽漫道花如錦農事勞心已幾旬

次黃叔明韻并寄賀同菴於任城

花前風雨餞春愁對酒看花亦勝游緩步過門欣掃徑  
長吟倚樹欲登樓衰顏潦倒餘黃髮妙句清新甚黑頭  
賣藥韓康今叔度任城地煖麥先秋

辛酉四月之晦茅屋落成適舉第三曾孫賦詩紀

事

休心真已矣容膝欲何爲牖戶陳三瓦榆枋就一枝艱  
難生自窘老詩計全知唯向孫曾笑他時汝輩知

其二

掩戶三春過開軒及麥秋聞鐘宜近寺對樹好爲樓老  
友看誰在奇文賞未休藏書何必富卷帙散予愁

其三

從來不飲酒展卷一高歌漸覺槐陰重其如桂樹何論  
文寧有得築屋亦無多只此棲遲意誰云安樂窩

其四

草草還消日勞勞只送窮支銷憑匠作布置付衰翁嘆

東村集卷五

聖

砌榴花放窺梁乳燕通浮生隨物理農圃一微躬

八月祝李鄴園年兄

棣州西郭外嘉樹森扶疎人指午橋莊云是晉公居功  
成淮蔡後池長金鯽魚閨筍與越蕨味讓畦中蔬炊黍  
流匙滑棗熟秋雨餘醉歌桑落酒咲讀腐儒書長髯久  
已白六十壽方初田園幸未荒乞閒胸臆舒遙知勞案  
牘結想試耕鋤返照清陰遠優游問吾廬

中秋後一日次賀同菴留別韻爲贈

每從蕭寺過柴扉裘葛經年換客衣夏雨嶽蓮如送別  
秋風江樹却言歸聯床夢與尊兄在把臂心期老友稀

說向慈闈堪一笑鱸魚味似海魚肥

其二

高懷未擬賦窮愁藥裹詩籤是處留天下文章看皎月  
吾徒意氣對清秋登山自欲書紅葉照水還應念白頭  
記取江南名勝地他年好伴老夫遊

重九日城上文昌閣落成余與舍弟陶津陪賀拓

菴暨令弟孟循往觀

路入城隅一上臺橋門玉柱勢繁迴微風水與兼葭永  
曉日山當埤堦開木落江鄉紅葉下潮生海岸白鷗來  
不須更把茱萸佩此日高賢看舉杯

東村集卷五

聖

其二

天涯嘉會詎相邀調比壘簾近可招菊蕊稀疎芳草徑  
鶴音嘹唳夕陽橋也知落帽吹蓬鬢猶欲憑欄理玉簫  
記取登高逢勝日文章奎壁倚層霄

重九次日六十五歲初度范仲亮惠詩次韻

曾聞鶴語化飛仙鴈字還從塞上傳作客窮愁驚異世  
爲農水旱苦今年閒時掃竹看雲立老倦拋書就枕眠  
籬下黃花開向我對花酌酒賦初筵

壬戌二月四日郊行偶作

出郭呼童子牽車及早春無才堪棄置得老幸沉淪阡



陌行時舊雲山望處新雪消餘潤在原上見耕人

二

歲序猶相問年光好自知一編穿蠹日十畝飯牛時野  
澗原無限春暉詎有私且尋芳草去近與杏花期

夏六月賦邑宰黃緯真千頃書屋兼紀禱雨

斗室對老樹矯矯蟠龍形微風拂虛牖韻諧笙竿筆靚  
深此後閣慈續殿前庭布席僅袤丈汪汪千頃清讀書  
如磨鏡力到光輝生埃氛遠相避瀟洒竹几橫煙巒展  
圖書發墨寫蒼青活火煎新水片芥發芳馨喧不關酒  
史靜却宜茶經未暇臥涼簟早氣逼炎蒸齋心勤步禱

東村集卷五

五

奮欲排空冥時哉作霖雨四野騰歡聲

樂陵邑宰錢荔若時雨歌

五月不雨已無麥六月不雨且無禾無麥尚望禾成粒  
無禾無麥民奈何循良之宰真慈母以民爲子乳其口  
正當大旱飛甘霖禾黍油油綠萬畝慈母耶時雨耶誰  
其誦者樂陵之人耶

重九日晴入夜大雷雷次日雨猶未止歌以紀之

九月九日登城隅赤輪騰躍清輝殊滿城風雨亦偶爾  
矜爲佳句何其迂文昌帝主握元樞俯躬肅拜慙腐儒  
昨日臚傳新策士嘉言炳炳陳唐虞暄熱抵暮月初上

墨雲旋繞形如鳥五行舊占當惡雨盼望農家信有無

就枕不眠驚掣雷公搥鼓神龍趨蟲妨害稼亦已甚

秋高餘厲應驅除耕田種麥時未晚仆禾晚穗猶昭蘇

雞鳴不已夜復曉劇聽簷溜筆笙竿天下蒼生待霖雨

秋行夏令深泥塗老夫起立嘆且吁六十六年水中鳧

重九次日六十六歲初度次范仲亮韻

六十年來又六齡華顛應見老人星籬邊月影如花影  
松下身形似鶴形對酒懸看天北斗登高側望海東溟  
只今耆舊能新語歲歲瑤箋到草亭

次孟知韻

東村集卷五

五

方朔何曾在漢京虛從塵世說蓬瀛寒花自應深秋節  
諫草誰傳昔日名踏去芒鞋憑地穩攜來竹杖受風輕  
莫嫌村僻無佳況到我柴門有月迎

賀孟循示我九日枕上詩次韻并寄賀拓菴

古來九日多佳句老至頽然謝不能對酒遙思人自遠  
扶筇近覺病相仍游踪只似隨陽鴈息事爭如面壁僧  
莫向他鄉嘆節序茱萸兄弟插誰曾

其二

風涼好向土床眠海國秋深擁絮天已到重陽稀見菊  
空過八月未聞蟬年來水旱憂田舍老去交游憶座邊

纔欲歸時歸便得不須料理看囊錢

其三

江南最好登高處對起金焦水一方萬頃波澄霞尚紫  
千林楓冷葉初黃凌雲自欲題鸚鵡醉菊何嫌典驢驢  
待我招尋知未晚蘆花深處賀公莊

十月五日西郊觸目

寒原秋盡可如何出郭相尋傍晚過塔湧招提飛鳥入  
城開埤堦夕陽多迎霜黃葉明疎樹歛霧澄潭漾淺波  
殘穗登場猶自急青留壠麥聽農歌

二十三日晴

東村集卷五

兗

老向清晨怯茅齋午自宜寬留容膝地愛切負暄時劇  
藥寧無益箋經詎有知顧子非飲者釀黍亦何痴

祝樂陵宰錢荔若太翁二思壽

丹陽賀先生屈指推大雅錢公實高賢政譜家傳也樂  
陵百里間謳歌歡四野以是壽斯民提福歸仁者粉署  
待壯猷鳴琴試陶冶江左諸君子珠玉斯揮洒老夫得  
咏吟瓊玖貴盈把山東之鄙人望風拜手下所願治術  
成禮讓登田舍邀我醉村酒扶杖觀春社家家祝大父  
樂只開樽竿旌節自天來兒童迎竹馬

又作

風流古越舊知名籍甚京江珮玉聲茂宰花封登吏治  
神君盡省陟仙鄉時逢歲臘人同樂春入寒梅韻自清  
遙寄岱峰千丈雪金焦對暎大江橫

金右黃自桂林寄示五進士詩展誦迴環久而成  
句一依原韻用抒遙懷

千百世聖人同然祇此理如時之行四行者無異自貌  
焉貫三才曰惟心之以又如日在天有目皆能視道豈  
有私哉紹述斯為美猗與田野儔徒步貢其趾每喻蓬  
生麻夾輔當不靡師友行可求請益敢自是莫忘冰天  
時僵凍甘一死中山至容城三賢重相委徵君交太常

東村集卷五

辛

運際室如燬隱既靜修偕烈豈椒山累金谿與建安並  
立孰敢毀致知致吾心姚江呼之起此言不河漢欣賞  
惟雪海錦江十六疏先事示臣禮元濟果成擒胆落真  
御史抹焚為上客交曲薪則徙賈誼治安策痛哭淚揮  
灑蔚州直披陳環賜不復待猶禱徵君疾端甫謁孔子  
薦達慶彈冠夔龍見肩比只令畿輔間吏治清如水粵  
右聲相聞憲度肅繡牙遺訓體昔賢為仁乃由己四海  
正昇平勲勞公等在雅韻奏簫韶刑清空犴狴生逢堯  
舜世用舍皆是喜鹿公有曾孫文園開榛杞蘇門稟高  
尚厥孫振懿紀縹緲銀州雲高吟驚稚齒豐豐願學堂

一鳴先多士豚犬久蹭蹬微名附末紙前輩典型存致身  
須次第間苑集鳳麟和風噓桃李藉甚諸先生世好通  
喬梓萬里羅浮花夢向璚枝倚慙慙鳴征鴻開緘冀采  
菲自昔淡素友餘味回甘醴出處雖殊途勗勉曷能已

次金右黃見懷十四韻寄於桂林

太息吾衰甚低徊好友心停雲勞悵望往日惜銷沉粵  
右山殊遠湘南水故深探奇隨屐齒念舊整衣襟落月  
看長缺輕風拂短簪堯城星自聚嶽廟石同尋把臂留  
佳話拈鬚見苦吟阮公方命酒宓宰正彈琴有興巒烟  
入無憂洞霧侵中丞驄馬足幕府鴈鴻音椎髻微搖俗

東村集卷五

五

虞衡問志林樓臺延霽景埤垓接巉嶽博慮須聞頌堯  
言亦獻箴瑤箋珍重意點墨果如金

除夜雪

每到冬時思見雪今當除夕雪花飛年來屢早憂蝗劇  
歲底濃陰喜麥肥剖橘羣雛喧咲語懸燈幾處落芳菲  
扁舟忽憶看梅去爭似春郊步玉歸

癸亥元日晴

占年元日却宜晴雪霽庭堦玉樹生把筆不堪隨鳳嘒  
披裘猶欲問雞鳴年豐綵勝方先舞老至屠蘇最後傾  
莫謂懷人嗟道路車書萬里正昇平

穀日立春

晴來元日過人日穀日還晴恰立春水旱傷農連歲歉  
勾芒報稔一時新普天耒耨消兵氣匝地冰霜淨塞塵  
呵凍拈鬚無不可餘生許作太平民

春仲祝東光張鍾良太夫人七十壽

南皮有白君爲我言張子潔身奉慈幃竭力事菽水太  
學聚英賢從游皆善士高表托青雲駿足輕千里奕奕  
彤管編琬琰良有以壽方稱古稀耄耄並福祉期願祝  
萱花捧觴歌燕喜還將寸草心舞綵春暉裏

二月十四日西村

東村集卷五

五

纔離西郭指煙林春淺寒飈拂面深近事都如前夜夢  
兒嬉却似老時心書傳秘字堪誰問酒引天倪任自斟  
料理鶯花須遣興東阡北陌待相尋

二十三日春分

不是風沙故擾春春光已半尚逡巡園中漫說花如錦  
陌上虛傳草似茵酒麥苗須三寸雨撲窗紙溜十分塵  
何曾九盡無冰凍未放青林柳葉新

三十日微雨

夜來纔洒霏微雨迨曉徒爲竟日陰見是長風吹海惡  
知誰布霧蔽天深春添病態惟高臥老減閒情莫苦吟

藉草開樽猶有待輕沾花柳在園林

三月八日清明仲弟之喪將及期矣詩以志慟

春深寒食似冬寒濁霧盲風入眼酸地接沉陰晴日少  
人逢令節賞心難編籬嬾見花爲徑劇土愁思竹作竿  
最是暮年情緒惡錫原荆樹一枝殘

五月七日北園

園荒無客至鳥雀坐喧然長日留三徑清風值萬錢戎  
葵花自艷側栢葉常偏太息騷人意哀湘楚俗傳

其二

蹴躡投何處憑欄亦自由麥秋黃熟鬱槐夏綠涼浮卷

東村集卷五

五

綸時還得支藤意已休春來學圃地汲井試瓜疇

仲夏送邑宰黃緯真赴部改補詩并序

侯之蒞予邑也廉不言貧祇承歡以菽水勤猶力  
學每吹愛於壘簾旣以宜民四載撫摩之有效胡  
爲舍我一時攀挽之無從對梅雨之絲絲悵薰風  
之冉冉調成下里共傳久後之思名列峴山永切  
方來之願云爾

茂宰東方最有名翩然直道竟難行樽前莫解流連意  
飯罷猶聞太息聲正遇清時新計吏何緣薄上儘深耕  
誰知野老淒涼甚欲賦棠陰句不成

其二

扶節自嘆痼難醫趨走徒嗟步履遲更與何人泚永日  
只將底事付殘棋推乾就濕誠求處冒雪衝風賑救時  
莫怪望塵皆洒淚窮民辛苦我公知

其三

輕衫坐對碧窗涼一樹菁蔥蔭草堂展卷文瀾滄海氣  
揮毫墨染岱雲香莢言入耳時相接稽事關心夢不忘  
猶有深思流化雨橋門東壁起文昌

其四

依依非是戀爲官百口攜家去住難醉後袖中雙玉出

東村集卷五

五

窮來囊底一錢看雲邊飛鳥三年近海上披裘五月寒  
只此桐鄉如掌地歲時父老進椒盤

東村晚行

海畔天空見落暉流光真覺此生微棲鳥聒聒爭枝下  
野燕忙忙掠食飛壠上鋤禾猶待雨場中晒麥已忘饑  
牆東綠樹遙相引欲掩葦門傍晚歸

寄錢伯衡先生於博興學舍

平津對策晚封侯壯志寒簞片席酬白首橫經同輩在  
青衫束帶少年遊諸生獻饌河魚美稚子行田稻蟹秋  
欲續聯床風雨約清樽好爲故人留

六月十九日初伏壽杜湄村

清陰林下幾人同白髮相看兩病翁  
袒背垂簾消暑日支頤就枕過涼風  
交遊南北馳驅外兒女晨昏咲語中  
試向樽前歌一曲盎然春到醉顏紅

閏六月十五日立秋送賀孟循歸丹陽

高懷應不厭沉淪古道偏於野叟親  
作賦爭推奇字貴呼盧自笑客囊貧  
名依召伯棠爲樹客久萊蕪甌有塵  
好向清秋問稻蟹開樽還憶白頭人

十九日西村雨後

雨透涼生暑氣蠲披襟緩步午陰前  
堆空乍染雲爲石

東村集卷五

五

照影俄看水在天老子行歌當曠野  
農家起舞計豐年也應禾黍如人意  
茂樹西風韻晚蟬

七月十六日東村

秋風白髮甚蕭騷往日蒼茫咲二毛  
歲月不堪輕棄擲詩篇何敢附賢豪  
柴車禿蹇供遊興糲飯壺羹厭老饕  
百事無能真賤骨此生端合置蓬蒿

七月十九日白露後一日行西村

秋清白露夜來占豆莢牽長雨後添  
匝地忙人還碌碌彌天大事只纖纖  
愁生明鏡霜千縷夢破幽窗月一簾  
農圃不辭辛苦意春梁剝棗有餘甜

重九次日初度次范仲亮韻

今年早却菊花秋九日雲垂雨未流  
是處霜林黃滿徑誰家麥隴綠盈疇  
閒身遇物堪同賞老景隨天莫自謀  
數卷殘書新意興晴窗點易問羲周

又次李孟知韻

六十七年彈指間秋風吹帽雨衰顏  
追尋夙夢推君健坐理陳編共我閒  
菊遠東籬沽酒碧園開北郭踏苔斑  
揮毫欲作凌雲賦矯首天門第一山

又次李子木韻

餘生雪塞老表安檢點田園事幾端  
種秫無非供酒盞

東村集卷五

五

釘梨亦是佐蔬盤承歡不禁萊衣舞  
對客何須竹籜冠此日笑談寧易得  
驚心朋輩半凋殘

長至後六日寧陽周克輔年姪尊堂吳夫人八十一壽

憶昔金門侍筆硯寧章周子獨予善  
盤飧因知閭政修雞鳴風雨交貧賤  
眼見萱花八十春巋然身作靈光殿  
膝前令嗣舞斑衣徐進參苓咲爲嘔  
絳帳傳經賴兩賢手握彤管製瑤篇  
近依岱雲瞻王女家法孟母教三遷  
不期閭里誇高貴自課僮奴種下田  
冰雪之餘吾老矣白華古句奏賓筵

十月念五日往武定會顧兩子從予車中有作

是日占冬日諺云晴一冬  
凌陰一冬溫溫和主歲寒浮煙晴欲出遠  
樹引相看暮景悲車轍童心據馬鞍冰霜留皂帽何意  
珥貂冠

其二

計節將長至為時尚小春旭光開遠霽殘雪浥輕塵坐  
睡虛憑枕扶傾軟藉裯粉榆來往舊驅遣白頭人

念六日早至武定北郊回途值雪

東北風吹雪回車拂面頻饑飛啄木鳥凍臥閉門人踟  
躕隨天意艱難到病身何須悲遠道咫尺早迷津

其二

東村集卷五

七

陰晴真不定變幻只須臾興與看梅異來因訪戴無遙  
空憑颯颯側坐儘瞿瞿何處尋佳句飄蕭點白鬚

念七日晴歸至西村書舍

昨日寒何劇今朝依舊晴長林吹玉葉細路碾冰聲草  
舍留書卷衰年念友生眼看凋落後松栢若為名

其二

區區兩小子朗誦老夫詩歲月吾生過飢寒汝輩知乘  
風須俟日映雪好從時慎勿誇裘馬庸愚不可醫

贈薛僑卿

壽世由來重國醫防於未病是吾師祇緣婚嫁牽多累

遂使糟糠苦莫支大雪華門高臥日中秋涼月坐談時  
立齋療治君能按教子聯翩到鳳池

贈邵時霖

媿我無才稱北地感君有道比東垣冬來白雪思鄉信  
冷到青衫見酒樽只似長房懸藥肆還如梅福隱吳門  
何時口授靈樞訣病骨薰然布被溫

輓新城秀揚李年伯

世情尚巧利先生獨用拙俗學率鹵莽先生深穿穴誰  
云無師智自保固窮節磊落千載人百歲胸懷豁當其  
拈鋤時萬夫氣莫奪三旬廢食寢藜燃太乙接科名付

東村集卷五

七

後賢寧必手自掇地既鄰鄒魯志必尊稷契范公讀書  
堂憂樂悉曲折假使歌聖德鬼怪輩可絕太乙道固廣  
方隅化枳橘市井訕呼來端坐鏗清瑟飢者急為糜石  
菽傾筐出寒者急為衣綿襖帶未結以斯佐唐虞立見  
溝瘠活宮觀須我修橋梁勿令缺奔走為號召垂老弗  
停轍却思冬涉水兩股殷流血窮乏為貸金債累貧徹  
骨水患邑相仍請救賜猶熱製棺屨不留青山厰素室  
詎意考終時盛暑騰香潔檢曆示還期談笑豈驚惶遶  
膝列三鳳蘭桂鬱森發忠宣紹文正康濟恢先烈床下  
侍猶子遼海餘冰雪虛懷詢妙義儒釋旨同別偶舉東

坡翁遷逐嗜禪悅彈指二十年北風吹華髮再拜陳生  
芻俯躬佩明哲

嘉平月十九日立春次仲亮韻

甲子重開宇宙新上元逼臘早逢春寒回岸柳晴枝動  
信到江梅嫩蕊臻雪塞餘生還自慰東華舊夢向誰詢  
也須料理田家具薄土深耕傍水濱

陰夕

下元甲子盡癸亥紀年終日月飛雙翼乾坤轉一蓬殘  
軀憑藥餌鬧市借兒童代謝羣生理雕鏤造化工無才  
趨徑境有命到途窮真火茅簷暖椒花瓦盞雄青綾曾

東村集卷五

堯

薊北皂帽亦遠東菽水扶萱壽詩書守桂叢艱難心易  
足契濶夢還通屈指追朋輩燈前幾病翁

甲子元日

守歲先除夜看春入上元吟詩新自喜好古晚彌敦獨  
坐聞清磬窺雲步小園倘因麟鳳集一獻芻蕘言禮樂  
羣儒議文章歷代尊升平時不偶潤色數非繁德讓威  
儀秩心和律呂存波平青海微浪暖溯河源旭日臨茅  
舍和風認草門謳歌餘野老扶杖引兒孫

人日穀日

人日風霾穀日陰飛沙走霧冷難禁人愁祇有窮相逼

穀貴先無麥可尋老去生涯休遠計春來景物莫長吟  
農家占驗嗟荒歲四野蕭條暮色深

十四夜

立春元旦獨晴暖節次元宵甚作寒不放燈花乘夜出  
故將月色被雲漫圖爐袖手尋常坐對酒高歌幾處歡  
聞說天衢多勝賞六鰲駢鳳照長安

十五夜

雲開幸不虛良夜帶郭連城笑語同細數當時朋輩在  
閒街緩步月明中殘編冷對芸窗白古剎虛懸佛火紅  
誰頌河清新度曲吹成楊柳謝春風

東村集卷五

李

十六夜

此夜補還十四夜只如昨夜月猶圓白榆天上經誰種  
玉斧雲中好共眠老眼不妨燈闇熱童心最喜鼓喧闐  
村歌社舞關何事負未驅牛去墾田

念七日祝邑宰王子敬

九九消寒物候新普天共見上元春平分旭日還堪貴  
自領清風未是貧乳雉啼鶯須次第尋花問柳尚逡巡  
誰云海上蟠桃實喜雨千家祝大椿

二月四日大風作雪

一分春色十分塵撲面黃沙最惱人只與狂風添氣勢

徒令曉日失精神殘書拋案還遮眼濁酒傾樽且入唇  
播種及時殷望雨那堪雪霰集斯辰

清明後五日郊行

寒食清明相繼過出門纔見柳條青關心花鳥慵休問  
拂面塵沙老慣經野曠窺雲行寂寂林深駐日坐冥冥  
閒園待我舒遊興曳杖還能到草亭

柴門

殘編乾作蠹魚形底事辛勤抱一經老我何妨鬚盡白  
看人只欲眼常青寒乍得逢晴日地僻無由問使星  
下顧柴門惟鳥雀知誰肯過子雲亭

東村集卷五

李

三月十九日郊行次日立夏

節候催人自送迎短轅嘗傍綠陰行楊花絮落吹春晚  
麥浪雲流入夏輕邈矣山河猶有夢迢然阡陌詎無情  
同游年少今誰在看取兒童咲語聲

七月輓臬臺楊秋屏即次見貽原韻

功成貴竹地維坤秉憲初臨泰岱尊德器渾如金在冶  
家聲久比玉從崑寨帷每擬春風近報札真同霽日溫  
不意單寒摧大厦修文忽召返天門

其二

殷勤使者過茅居賦問屈原夏五餘只道躑臬遲野杖

誰知冊嶂促仙輿升沉宦態當時夢生死交情昨日書  
爲報蓬瀛先太史不將徒步換乘車

八月念一日述夢

臣心似水久無波涼月空村認薜蘿豈計飛熊還入夢  
祇憐老馬且行歌餘生諫草冰霜在舊絮衣痕涕淚多  
誰道席前思賈誼堯天親見理雲和

臘月祝維揚樊子

維揚有俊人孝友推樊子交遊爲老親經年滯燕市几  
杖思扶攜裘馬安足恃矍鑠六十翁壽筵歌燕喜壘觴  
互和鳴舉觴還放齒俯仰見滄桑邗溝衣帶水宰邑亦

東村集卷五

空

良圖鵬搏輕萬里曩志畫麒麟盈堦拖青紫盛事說昇  
平我輩安田里莫謾誇長生通家叙孔李

念六日似于叔舉子

吾家宗族舊薄田塢上東曾祖五兄弟首推方伯公詩  
書昌世業吾祖勤所攻曾祖二處士厥後猶興隆吾父  
長諸父積學光昭融顧予實不類哀然諸孫中行年六  
十九曾孫森成叢吾母壽九十目明耳亦聰三曾祖之  
孫似于叔安窮賈却城市屋負耒耕蒿蓬久爲多女累  
呱呱今得雄聞者無不喜加額稱天功卑丁六十叟抱  
子話由衷平生忘機械垂老狎兒童富貴不敢望祖德



期有終敵箱筆墨在瓦金羹粥同出門望四遠晴霞標  
海紅諸姊來相賀襁褓色笑通日月如雙翼來往隨飛  
鴻汝至二十歲祝汝八十翁

除夕

今秋大無禾今夏大無麥冬深劇饑寒四野同蕭索日  
月還侵尋時復到除夕回思水旱交螟螣恣吞齧嘉苗  
踐爲泥圉棗剝空核微雪一沾濡冰凌巨堆積乞食衆  
嗷嗷對之面發赤賢也不黔突聖也不煖席顧我但衰  
殘寧救溝壑阨生理信艱難吾道疑逼窄持梁齒刺肥  
雄哉躍馬客歲暮嘆浮雲墻陰看過隙

東村集卷五

奎

乙丑元旦

落齒禿髮翁吮墨弄柔翰歲序付逝波除夕如登岸新  
我非昔人此日真元旦萬物各乘時雞聲呼夜半起視  
老人星光連婺女燦况復逢立春晴霞標海畔歎後宜  
豐年占兆從俗諺天下正昇平野老莫能贊藤杖徐相  
扶屢敝不須換莫誇雪後松自嘆溝中斷爆竹任兒童  
奔走來相喚閒坐把陳編圖說供欣玩

穀日

穀日晴如人日晴今年豐稔意分明窺冰一聽潛魚上  
啄雪時看野鳥行老態扶攜隨杖屨田家粉飾到柴荆

縱然寒冷關春氣隴上驅牛問耦耕

十四夜

懸燈初試萬方同帝里春光想像中寶篆香焚朱案北  
新聲曲奏御街東冰天桂海清無寐蒨屋茅簷照可通  
垂老祇今扶杖在咲牽稚子訪村翁

十五夜

上元景物際昇平遠夢南州火底行皎月方中揚子渡  
華燈萬點秣陵城蓮開寶樹隨鰲御舞徹霓裳按鳳笙  
似有相如能獻賦凌雲吹作步虛聲

十六夜

東村集卷五

吉

元宵薄暮早雲深作雪還爲此夜陰把盞傾樽常寂寂  
分光步影兩沉沉開稜菱麥乘春種放蕊寒梅問遠林  
兀坐也尋欣賞計古人佳句一長吟

二月七日西村閒步

閒身阡陌一相招指顧春光到板橋紅杏將開臨綠水  
白雲乍起近青霄風吹語鳥林還靜日漾游絲凍自消  
莫謂桃源無問處華門早與隔塵囂

花朝

是日邑  
點飢民

濃雲宿霧颯蕭晨積雨花朝也悶人就枕黑甜聊自遣  
團爐白醉却無因披裘自覺侵肌冷乞食誰周餓腹貧

試聽嗷嗷聲振野來鴻去鴈欲分春

清明後一日郊行

好是青青麥隴時  
柔條搖曳綠楊枝  
天風吹水波文展  
地氣蒸雲雨脚垂  
把盞殷勤田舍酒  
開囊冷落故人詩  
荒村海上眞空濶  
策蹇牽車意自遲

次劉子羽寄詩原韻

捐捐抱甕翁機智  
耻俯仰意與葛天游  
賢者莫能獎垂老  
就寒瓊諸生供饌養  
當其談經術咳唾孰敢強  
登高時望鄉春雨津流廣  
斗酒藏在瓶對酌白髮兩開緘  
得新句慰我平生想  
寧嘆知音希猶俟千秋賞

東村集卷五

奎

贈蘇黃中

茂宰絃歌奕代存  
還從學道溯淵源  
珪璋俎豆徵時泰  
棟牖松雲仰聖尊  
梁木於今撐岱麓  
哲人自昔問崑崙  
試看叢秀堦前玉  
餘慶端應聚德門

夏五月謁燕客公祖世兄於海豐相見悲喜遂成

俚句事竣還郡書以爲贈

白首門生在師恩  
五十年承家餘少子  
佐郡得高賢歷下詩名舊  
司農治譜傳相逢眞喜極  
語次輒潸然

其二

屈指懸弧日驚心塞外時  
殘形成糞土大業屬英姿  
善

氣迎人入清風靜自知  
營丘灘水近慟望峴山碑

其三

孤城當海上六月夏雲多  
吏散庭無訟禽飛署可羅  
勞心推撫字試手理絃歌  
麥熟歡聲裏使君去若何

其四

勝說濟南境六飛近此遊  
華峰連泰岱鈞突接瀛洲  
案牘精時務圖書寄遠蒐  
莫忘雞黍意一爲野人留

中秋前再晤燕客公祖世兄於樂陵衙齋并寄問

雪客大世兄太原藩幕新任

屢借長才見重來念老身  
喧陽秋欲半浥潤露知勾欄

東村集卷五

奎

紫蒲萄熟殷紅黍粒新  
萊蕪猶有醅一笑未爲貧

其二

雅量勞奔走應無顧曲心  
通漕常數米攝邑又鳴琴  
頌德聲猶歎懷人意自深  
涼颼吹素髮踏月此相尋

其三

舊路從無隸新除說晉陽  
長兄勤引翼幕職著才良  
右輔股肱郡東方曼倩鄉  
窗前慙小草陸氏一枝荒

其四

逢迎看皂蓋旅謁拍青衫  
仕道徐能適鄉書近易緘  
凌風雙健翻假日一長鑱  
好古梁園客爲子問傳巖

傳山字青

主太原高士  
見孫徵君集

庚子秋九月於房師櫟園先生因樹屋中始識白

嶽冠五吳先生乙丑八月初七夜樂陵公署再

晤慨然有作

萍踪聚散竟何因。因樹屋中憶劫塵。遠塞一千七百里

餘生二十六。年身蛩聲入耳驚。秋夜好月當頭見故人

握手燈前如夢寐。悲看霜髻對松筠。

初十日雨中過海豐太宰楊夢山先生桃花嶺舊

址嶺頭叢草一株土  
人呼爲萬年松

山公引退正從容。嶺上桃花想舊踪。置產不營千樹橘

東村集卷五

五

垂名自植萬年松。葵黃似欲衝雲薄。豆綠偏能受雨濃

秋水灌川矜鴈鷺。那知海若香魚龍

十五夜有月

此夜中秋月光輝。雨後新修輪圓自濶。濯桂皎無塵不

碍。關山遠何辭咲語頻。田家歡霽色爪菓雜然陳

十六夜無月

月似今宵滿。秋從昨夜分明知。懸絳闕照欲出層雲宿

鳥深難見鳴蟲冷。易聞不眠還側耳。怕擬禱晴文

壽姚泰麓

青州一都會。樂安實巖邑。姚侯游及才。談笑無繁劇。惠

政遠流聞。野老驚揮劃。問其何能然。家學傳宿昔。太公

淳朴人。官舍如過客。中丞撫西川。門第森榮戟。鹽背吟

梅花醉餘一。按幘似聆桐。鄉歌遙指蓬萊石。安知成連

琴不近王喬。烏用世自勲。名養生視虛白。何須勾漏令

乃卜神仙宅。慈父之父。壽邑人歡手額

丙寅仲春賀登州司馬魏蒼石卓異

君先任  
中翰

夔龍跡接薦賢書。司馬勲名徹玉除。橐筆初從丞相府

停軒每到野人廬。城邊共見遊馴雉。海上誰傳有大魚

展咲烟霞圖。畫裏仙家樓閣在清虛

送李王書之任岳陽

東村集卷五

五

畫棟飛甍劫火餘。仙人曾是好樓居。高尋斷碣龍雷字

細寫新編鴈影書。量濶自容雲夢水。清知不羨武昌魚

山公啓事方延俊。司馬干旄式隱廬

上已送張西山還里

著書久欲付名山。賦就遂初未可攀。誰使蒼生安枕上

自將白髮問田間。種松舊作龍形老。步月新隨鶴影還

試向竹林尋屐拂衣真。覺鳳城閒

年家眷同學弟新城王士禎校閱

東村集卷五

終

東村集

霽邑李呈祥吉津甫著

序

鄴園李公總督兩浙序

癸丑夏六月 上特簡少宰鄴園李公以司馬兼御史中丞總督兩浙軍務 命下之日輦轂士大夫拊手相賀及於郡國衿紳之士韎韐跗注之夫下逮田父野老靡不欣欣喜色相告客有諗予於東村者曰李公品地在玉鉉大斗 當寧深知之固將參預密勿論道經邦兩浙雖重地亦以爲傳遽云耳何賀者至驚以爲異數

東村集卷六

也子曰吾衰且賤何足以窺之且以老書生挾兔園冊即有所言不過發聲於蚓竅耳客曰固也試言之公以丁亥進士起家金華司理後以御史巡視鹺政又以御史中丞審察疑獄皆在浙其浸灌於人心而悅服之非一日矣 上之特用公也以浙習公也知人善任使也公至而食不二味居不重席布衣韋帶敝車羸馬有餘儉問郵亭烏盜肉詰西門盜柳竹頭木屑儲厥用掌展履使得其宜有餘智詢及芻蕘咨及馬校北面而師事者幾何人東面而友事者幾何人有餘謙鈴閣晝寂士伍無譁子弟僕被省覲逆旅人與之爭席臧獲拾馬通

負薪宗黨僣倖而循墻有餘慎惠養百姓簡鍊軍實所部君子各厲其氣勿復囁嚅國脉願雷有餘才飛芻輓粟櫛比基峙樓櫓如雲譁扣震天窮島絕瀝慮罔弗周有餘備客曰固也更言之天下承平熙洽無事而東南濱海防在浙閩故浙與閩并重也公至而調和將吏鞏固巖疆無徼小捷而以便文自營無規目前而以遷延度日如營平之圖上方畧而過師於枕席如晉公之委任元戎而決機於中夜遊氛既靖則膚功可奏位上將於通侯息虎旅於遠戍俾九州罷饋餉之勞四國絕齎送之嘆勲紀太常績載盟府乃知 上之所以用公於

東村集卷六

浙者非徒以浙也浙閩安則東南安東南安則天下舉安文武爲憲將相之所以合而容民畜衆兵農之所以必不可分客曰固也其竟言之宋朱子之學傳於金履祥氏大儒繼起於婺至王文成以致知之要闢格物之實非與紫陽有殊旨也天理之精微常流行於事物唯深也故能通志唯幾也故能成務唯神也故能達天文成以一旅之師而建匡合之業非儒生乎民即爲兵而監司守令即爲將不聞以一區而徵發及於天下也公在金華則固已潛心諸大儒之說而今且以躬行實踐發揮文成之指道德一而風俗同皆於是有賴矣豈徒

浙也容曰旨哉未也其正諸忤庭先生爲韋爲弦所不  
敢知其猶是矇箴瞽誦三十年前老書生兔園冊中之  
腐談已矣

復陽郝公巡視兩淮鹽政序

宋臣之籌國者曰東南民力竭矣又曰朝廷權利至矣  
其經略西夏者則曰首詔中外勿輒言邊事唐臣之請  
討淮蔡者則曰朝天歸關必以滅賊爲期之數公者初  
不相謀也然而非寬民力則何以儲軍實非省議論則  
何以責成功非勵臣貞則何以壯主威故之數公者皆  
後世人臣之師也復陽先生學道砥節明體致用自還  
臺班所陳皆天下大計固非草野之所得聞茲奉新  
命督理兩淮鹽政吾見其炎歆之毒而濯以清冷之淵  
也亂紛之積而秩以條理之紀也盤根錯節而恢恢乎  
游又有餘地也雖然得無有瞿瞿而深念者乎吉安底  
定何以恤復業之氓長沙駐師何以來歸誠之衆此皆  
淮鹽行地也軍前之需急本色乎急折色乎官運折色  
而費何如商自輸本色而省乎官以商之折色召買本  
色而又費何如商以商之折色自輸本色而又省乎征  
勦之時旣資飽騰即恢復之後尤煩賑給將使民屯之  
則牛種無資矣何如使商之爲民屯乎將使軍屯之則  
荷戈無暇矣何如使商之爲軍屯乎官省費而官不有  
餘財乎商省費而商不有餘力乎爲民屯而民不有餘  
食乎爲軍屯而軍不有餘銳乎此其法又寧獨宜於淮

鹽行地也蓋以鹽課銀所獲不過此數使以鹽權時低昂與百貨相流通不有倉庾充而遂罷陝運者乎不有分毫不加賦而足供軍興者乎祇是官山煮海耳以一隅之齊能用之以匡天下豈以天下之大而不能用以靖一隅然而鹽使者之職歲周而畢事矣將欲為遠圖不恐悞迫期乎將欲廣生息之原不恐缺報部之額乎雖然受一事而辦一事者人臣之職也所辦一事而所周慮不止一事者蓋臣之志也故不竭澤而漁者所以為足國之長計也而不必其權宜之術也不築舍而謀者所以為克敵之勝筭也而不必其商度之繁也不

東村集卷六

五

畏難而前却者所以為討賊之大義也而不必其師中長子之仁也復陽之究心於古人者至矣精思而詳酌之豈遂以辦一事為稱厥職乎田間老友竊附贈言之義於其行也敢以古之蓋臣為規

邵翁源聯捷成進士序

予往來河間之鹽山者數矣每入其城邑過忠肅太宰王公祠下未嘗不俛躬低徊留連不能去也王公一書生耳當其循資平進致位統均亦若碌碌無奇者而上下數百年間世之名公鉅卿項背相望求所謂清德亮節初終一致誠未有過王公者此公之所以久而繫人思歟夫地氣之靈歟則必發有志之士慕則必成吾今於邵長公進士有厚望焉今者歲在辛丑春二月長公同其母舅程君來視予不肖慙慙懇懇若不以予之狂瞽蹈坎履井為嫌憎而慨然契好之者予見長公執禮

東村集卷六

六

唯謹意良厚則為之太息而言曰長公既舉南宮行且成進士非讀書中秘則經營四方任有司之事矣長公早貴而不速進棲遲田間豈非以當世之未易為而吾之所以往而應之者不可以無其本耶昔人有言貴可使賤富可使貧使吾之所以應世者衣粗食淡操作勤苦與農之最勞者同而樸遯趨走以事上官不敢即於媮積日累歲而不得志於上下者吾未之聞也勉矣長公此其本事矣長公逡巡避席而言曰小子之有此尺寸者家大人之教也家大人習先世徵辟給事君之遺訓隱德不耀耻以文名推惠閭里不可枚指而獨惓惓

以前哲之芳規督厲小子若曰忠肅王公汝師也不猶  
鄒魯之於孔孟乎予聞其言而洒然異之竊幸鹽邑地  
之靈而有志之士之無不成也鄒魯之賢類多布衣王  
公大人皆不敢望人亦顧立身何如耳即忠肅寧以太  
宰重乎邵君既就廷試成進士同邑籲之賈君來徵予  
言爲賀予因錄次與長公往復之語以應之如此是爲  
序

海月樓集序

予自還里以來痛念先君子及諸長者如大京兆雲許  
李先生民部郎兩石蘇先生嘗欲哀其遺文繪之圖冊  
以示追隨杖屨之意而李先生季子孝先茂才搜先生  
所著海月樓集拮据受梓俾予以數語引其前將求當  
代鉅公與先生交好者爲文以彰之予敬讀先生集終  
卷作而嘆拜手而言曰先生蚤負文譽中歷通顯老而  
好學晚更精詣不必規摹秦漢步趨唐宋而鎔鑄古今  
自成一家則序記誌傳諸篇班班可考也李王之精工  
鍾譚之淡泊雖云時尚亦各言志先生諸什務抒其懷

不軼於法一諷一咏雅人之致矣居諫垣殊多論列今  
誠得其疏稿彙而存之因時考事亦足以鏡得失而別  
是非而散佚旣多莫能編次且丙辰記苦雨詩之類向  
單行者亦未合刻如斯集者殆亦留什一於千百者歟  
中所載先曾大父入軒處士狀及先大母八十壽序人  
更四世事踰百年固無事聯隴西一姓之譜足以表元  
禮通家之誼矣先生與兩石蘇先生在日鬚眉皓然衣  
冠甚偉出入閭巷兒童指目先君子祇承父執進無高  
趾退無違言洛社耆德可復見乎先生者誠足以羽儀  
當世表率後進其根心發聲彬彬乎質有其文而未可

窺以雕蟲之技矣世之君子攬作述之柄者其尚有取於斯哉是爲序

東村集卷六

九

復菴集序

往在塞外與同流諸君子握雪而語我輩荷恩深厚幸不即填溝壑而中原之長吏以罪累聞者何多也然則今之所最難豈非宰邑者哉異日者得瞻桑梓其必敬止生還以來見邑事日廢而宰邑者日以不支丙午之歲黃岡復菴孫先生遵化舊事白補余邑余乃走書京邸備言邑不可爲狀宰讀之星馳而至余逆於郊洒然動色宰殆非百里才也亦何有於茲邑久之則讀先生所著說書及詩古文又久之讀先生舊集刪詩及續刻公安志益知先生之學有本源而可以施之吏治也邑

東村集卷六

十

事漸理而先生之氣不衰間語余曰吾之說書足以明程朱之理而終不以取制科吾之爲詩古文力以追屈宋韓歐之遺而未必合於作者吾之刪詩汰者十九存者十一吾之公安志因者十一創者十九如遵化之可爲而不可爲也爲之惟邑霑化之不可爲而可爲也爲之亦惟邑經營慘淡豈必有異用哉余乃慨然太息益信文學之可施於吏治也先生之爲邑出則逋負之在庭入則蠅蚋之在戶知交過門而不入妻孥啣淚以言歸尚吮毫濡墨選異索奇不殊諸生下帷時夫文章者精神之著也比興者情志之託也取之不窮而用之日



新者造化之工也巧者有餘拙者不足進者不足退者有餘經營慘淡不可言傳即何暇論古人乎且先生集中所稱莫逆交如阮仙厚菴克猶次侯西巘諸君皆余友也而相繼下世先生舊宰遵化未及與周伯衡游而見其所撰次遵化縣志亦甚服其工今伯衡留滯洪都未能回也二十年間故舊零落正如晨星而余以竄逐衰病之餘日與先生話艱辛而商文字不獨塞外時所不敢望亦豈非阮仙諸君子所冀想而不可得者哉余且願先生益勵其氣俾吏治成而文學之用大顯竊附先生以不朽余之所以瞻桑梓而敬止者庶不爲空言

東村集卷六

上

乎今讀先生集而爲之叙述其概以俟後之君子讀書論世當有見於今日之文章吏治其與古人之難易相去爲何如也

唐濟武先生志壑堂集序

山澤之癯老於藜藿終身一空囊耳求一錢不可得而暇及於鈔乎銅可爲錢亦可爲鈔錢既泉流鈔亦行地而難之者曰銅鈔創也彼以莊山之金鑄幣者非創乎以楮爲錢用工墨十五文而公私便之者非創乎米絹謂之二寶銀錢謂之二虛實可創虛虛不可創實乎即曰銅鈔創矣銀七錢三現行事例亦可謂創乎今使在行間者元老猷合計兵食之大數暫請餉銀爲爐座工本錢既漸充則銀可漸減招歸附之衆開間曠之田用物土之宜生自然之利粟既不匱則錢愈不竭而絡

東村集卷六

上

繹於道塗之協餉不可盡停乎州邑之長循良子惠駐防兵餉各項存留俱以銀七錢三炤數收支其有奉行不力稽察不嚴者一以火耗私派之例按之銀價不昂則錢值不詘費無弗節則用無弗備豐不苦於穀賤而歉亦何患於糴貴乎誠如是不亦無更制之名有利濟之實乎使天下之人視銀如錢視錢如菽粟視菽粟如水火而盈寧之俗不已成仁讓之教不已興乎淄川唐濟武先生學道林下迨三十年其學無所不窺其爲詩古文無所不精詣而尤於銅鈔之議三致意焉予之鄙陋不足以發明其說而竊推引之如此若其詩古文諸

體爲識者所競賞又何埃於愚言乎囊底索錢瓶中見栗固將與山澤之癯共之非敢以聞於當世之君子也

賀拓菴五禮類纂序

冊陽拓菴賀先生好學沉思研究五禮博極羣書手自排纂命予引其端予逡巡謝不敏也先生屢督之且曰近代儒者往往詳於史而畧於經其治經也亦往往先於文而後於用予之有事於五禮將以明經而致用也子何辭焉予瞿然曰吾何足以言禮夫是吉凶軍賓嘉非先王之自爲之也天地之宜而萬物之通也古之不能不爲古猶今之不能不爲今也今之五禮猶古之五禮也垂諸歷代者厥有定制率之天下者適其自然斯先王之道所以久而不敝者乎然而議禮之家名爲聚

訟者何也禮莫大於嚴父嚴父莫大於配天宋濮王明興獻之事一也濮之議其端競矣而猶得以並存興獻之議其禍遂酷稱宗入廟至於僭踰而不可救彼張乎敬諸人者持繼統不繼嗣謂以天子而尊崇其親則可以天子而自絕其親則不可是也如濮之議則不忍自絕於親耳如興獻之議其爲尊崇不已甚歟天子而尊其親光武身致中興何以不躋南頓君於高祖也蓋子不忍不尊其父臣不敢不尊其君統者君之統嗣者君之嗣又安得以私親加於君統乎故漢儒之治經經之用宋以後諸儒之治經經之文也徒以其文而已新法

之行皆附會周禮矣諛詞進而謬諤之論不聞綠飾勝而苟且之政雜舉豈非禮教之失歟昔魯之兩生謂禮樂百年而後興叔孫氏听然笑之彼兩生者豈不知禮樂之不可斯須去身而為是迂濶無當之論哉亦以綿蕞之儀通自饒為之吾所謂禮者固自有待耳子雲著書亦以俟後之為子雲者況禮者先王之大道乎是五禮者始於朝廟而漸於邦國倡之尊貴而建於卑賤天地之所宜也萬物之所通也其不可去者驗之斯須其久而興者積之百年審於是可以秉諸說之同異而不患於紛紜矣先生之勤於禮也其亦有所俟也哉

陽信邑宰周天子課藝序

予不佞衰遲屏廢既老失學不足奉教於君子久矣陽信邑侯周天子先生不鄙棄予以課士諸篇命予為序鄭重誼諉若以為可與語者予滋愧矣侯家毘陵人文之淵藪南國之弁冕也諸為制舉之業者他不具論遠之如唐荆川先生原本經術體認傳註慘淡經營精於結構近則有楊芝田太史予嘗推其冰雪聰明雷霆精銳芝田答書不自多也侯之課士積以歲月發其才思析理修辭布局命意即不知於作者何如亦既彬彬乎質有其文矣由是而進之詎可量乎侯固工於詩予請

以詩喻可乎何時一樽酒重與細論文或謂子美之譏太白夫筆落驚風雨詩成泣鬼神不細者能之乎試問緣何太瘦生只為從前作詩苦或謂太白之譏子美夫文章千古事得失寸心知不苦者能之乎時文亦然尺幅之內數行之間有風雨焉有鬼神焉有千古焉有寸心焉非苦無由入於細非細亦無以悉其苦也區區一日之遇合寧足以當終身之知已哉詩文之通於吏治亦猶是也批郢導窾技經宵縈之未嘗而况大軺乎惟見其難怵然為戒而善刀藏之若新發於硎也然則燈明月皎展卷握筆嗟異興奇字許句騰侯之苦心寧曰

細已甚乎今榮擢行矣猶惓惓於諸生期其有成勿相忘也侍函丈而承提誨者咏甘棠之憩益深化雨之思矣侯晝錦過里爲問荆川先生讀書處如見芝田其以是語質之

海豐縣志序代

以海豐而列於濟南所屬二十六邑之中猶黑子之著面也其由鹽慶而達潞河以望畿輔則猶襟帶之屬衣領也予既承乏文獻是徵辱諸縉紳先生朝夕提誨父老子弟燥濕相規迨茲三冬拮据瘡痍未有成績以慰夙夜意惟是掌故之弗修而紀載之弗備語云不習爲吏視已成事邑之有志又安可闕乎哉會者儒西澤張先生以所撰著示予予受而卒業已而深思喟然而嘆曰一邑猶一家也邑之有志猶家之有簿籍也故上稽之天時下緯之地理中覈之人事三才具而古今之變

悉矣其爲卷十有二爲類四十有六表誌記傳文而不飾詳而不蕪娓娓乎其言之將所以令茲土者勿負乎家人父母之義云爾而予乃重有愧焉夫雨暘不齊而水旱之備疎也秋一不登而嗷嗷待哺者幾何矣鄰壤相錯而干振之不遑及也地故瘠而增之賦前之以王莊墾畝坐重累者是何額也人才蔚起名公碩士項背相望顧絃誦之風猶微而雀鼠之習未化學道而愛人易使豈徒諉之前聞乎即縉紳先生不予鄙棄而予日與父老子弟貌赤相對所謂家人父母者將遠巡焉而俟之後之君子乎晦明風雨古猶今也山川形勝古猶

今也士女農商古猶今也凡令茲土者當時無赫赫名  
去後猶令人見思者獨何人乎即何得以時異勢殊而  
謂吾之不得行所志也彼家人父母推乾就濕顧我復  
我又何居焉然則志一邑者固一邑之志而非僅一邑  
也豈山連馬谷以眺岱宗龍灣引無棣而入滄海由一  
邑而推廣之其文獻徵諸此矣

范氏族譜序

予所居城西大松莊越盤河而南則仲亮先生之祖居  
也予每過之草樹蔽門塵埃堆案殘編蠹簡筆墨錯互  
手一冊睇予曰此吾范氏之族譜也搜羅纂次歷有歲  
時傳信尊聞幸而卒業願太史之筆以爲先人重予覽  
而瞿然有深思焉生既後時不獲見大叅公及郡丞省  
元之盛然而托在姻親預聞家範歷年既久傳世滋長  
雲仍千指胚胎前光堂構播畬皆從倣載非斯譜也其  
何以尊祖敬宗睦族辨分而昭范氏之事守歟若孔文  
谷送大叅東歸序楊太宰之寄甥手札其餘或詩若文  
師友淵源殷勤贈答皆當並載是亦家之瑤環國之琬  
琰也班氏有言國藉十世之基家承百年之業士食舊  
德之名氏農服先疇之畝畝撫斯譜也思樂育於菁莪  
念貽厥於豐芑丘木如茨伏臘未改恭桑敬梓油然而  
生矣氏族之辨始於先王聯宗之俗倡自今日斯譜也  
重大宗序昭穆非本支子姓不書非聚廬祖墓不書別  
子有考養子有考遠不敢上攀前哲近不敢妄附時賢  
譜系以明宗法以定其義不亦嚴乎仲亮大父瀘州公  
咸平時一郡佐耳薄宦萬里如閭几席室廬什器傳之  
至今仲亮積學嗜古常有志一代之史而不得用於石

渠天祿間故次其家乘以垂訓子孫心良苦矣然祖考之所貽世德之所醞或亦有乘除之數而爲子孫計者事事當留餘歟若夫詩書之澤勿替禮樂之訓彌敦高髻之飾不逐乎時尚交謫之歎不起於室人方叔召虎門高將相之勲仲舉元方庭植芝蘭之秀化行俗美買遷不羨乎陶朱後樂先憂秀才即期於文正是固作譜者無窮之志竊願予言之有徵已

賈學海易解序

辛巳之歲與學海共筆硯松月虛窗研朱點易當其會意欣然忘食及予落世網顛頓支離二十年來瀕死者屢矣所謂凶悔吝者備嘗之矣吉之先見慎於動始君子知微不俟終日每誦斯語愧悚交集昔人有言生我名者殺我身益我貨者損我神然則凶悔吝無非自取其不可幾倖者吉一而已學海之爲是解也用志良勤期於自信誠能服膺庶幾寡過以視二十年前孳孳矻矻竊時人之餘潤以博憂患者其得失爲何如也予於是慨然三歎而弁數語於其端

艾石宋公祀鄉賢記序

今海內又安化行俗美國家敦道尚德嚴重祀事其於郡邑所舉鄉賢督學憲臣必再三覆覈輿論僉同無異始詳請於撫軍仍加咨訪乃許置主入祠彙報禮部維時故粵東方伯膠州艾石宋公沒十餘年所矣州之人士追慕弗忘合詞為請遂膺盛典公之子蒲臺司論取前後申詳批答並祭告之文編次成帙將謀授梓謂予辱交於公專使鄭重俾引其端予受而卒讀最公之生平於家為孝子於國為勞臣於鄉里為仁人為長者而修飭學宮表章正訓實有功於聖門古所謂鄉先生沒

東村集卷六

三

而祀於社其饗於瞽宗也宜哉予因是而不勝今昔之嘆也同遊少壯邈若河山今之僅存者法黃石先生年七十四予不肖亦七十矣予既輕隨落葉頽若逝波八百錢馬生死同價固不敢望公之項背即黃石先生年來屏居山村搖筆染翰跡遠城市如退院老僧以視公身後之榮而聲施無窮者不大相逕庭耶語云無巖處奇士之行而矯語仁義亦足羞也然則公所為身名俱泰鄙原思之納履躡端木以升堂豈腐儒所及乎哉世之讀斯記者其亦有感於予言也夫

二老圖序

予與拙菴父母遊處久矣固嘗聞其先世所謂義門者宜其後人之敦龐純固而未有艾也壬寅冬拙菴來宰予邑時相過從因益詳其族姓之盛孝悌雍睦勿忘祖德則珠巖逸叟天山先生二老者為最著天山翁為拙菴季父而珠巖為叔大父二老者年且八十矣二老學生同年計族之人舉羊酒賀兩室其時為何時也少同學慨然以古之賢哲相期勉四方之志豈拘拘籬落間者哉天山父副憲公貴惟遺書而天山下帷攻苦以身任道所著述甚富珠巖和之如影之隨形二老者今且

東村集卷六

四

八十矣鬚髯皓然一杖一屨怪石清流喬松芳菊共保晚節以酬素志二老者誠可為圖畫歌咏以傳無窮者也拙菴宰予邑且兩期貧窘不能自存念二老不置而求予文以紹胡仲申三皓圖王杰五老圖之後奉為家慶予不文何敢望兩先生而竊歎天山貧負壯志遭世多故而為名宦所縶縛得與珠巖徜徉閭里優游太平視昔之三皓五老其難易為何如乎信哉義門之遐祉昌大未有艾者尤於二老見之矣予竄塞外者八年幸而生還年未五十而已衰劣其能扁舟渡浙望二老毋顏聆其緒論俾神充形固而且為二老賦期頤之章

乎是固所願也乃拜手而爲之叙

鄭拙菴邑宰募緣序

邑之父老子弟猶尚有餘力爲義舉者乎以吾邑之窮爲拙菴父母累艱辛困頓之狀見者傷心言者流涕不能自己乃其罰俸至二百餘金索之宦囊則空矣問之家業則罄矣垂暮之年孤身憔悴催比日急寬免無時是不獨父母之窮且更爲吾邑之累也父老子弟即不能爲義舉其將何以自爲計耶微天之祐以蘇吾邑之窮或由斯舉乎斯舉也不能爲義而爲義也義也吾父老子弟其共圖之



道南叔成進士序

維我高祖封方伯公高祖母孫太夫人孝悌之德通於神明大啟厥後以迄於今自方伯公以庚辰登第後六十四年癸未不肖繼之又二十有七年歲在庚戌道南叔舉南宮成進士需次邑宰於是吾家長幼數十人登堂致慶不肖乃從諸叔後執爵以獻而勗諸子弟曰往者國家罷八股以策論取士自己酉秋試仍舊制庚戌吾邑之提南宮者三人而道南叔預焉蓋自庚辰以來九十年僅再見也道南叔自庚子舉於鄉數上公車念兩母年俱高而吾偃蹇無以博一日歡則奈何恒中夜

東村集卷六

七

起繞室行且讀也其爲文則必示子子輒字櫛句比無所寬假道南叔則又大奮益求其至及是遂成進士予既喜道南叔之遂其奉母之心而且有以弘高祖之澤也吾本農家高祖少微賤不辭執役於官方其奔走縣庭免笞責即厚幸豈計其子之貴而身受封以迨於百年而振振繩繩如今日哉方伯公里居久而爲德於鄉者多凡賦役之不能辦者皆藉以解今則田畝日增而糧稅日逋爲明府憂是何理也讀書不刻苦而好遊談博奕夫將棋度日此老年無用者之所爲耳寸陰不惜而從牧猪奴戲又何望焉華衣履飾僕馬此足以嚇窮

鄉下邑而稍有識者笑之吾家即幸而邀先人餘福而寧可忘少微賤而執役者誰耶即不能爲德於鄉而增田益賦以困吾之一二族姓其何忍焉即不能忍饑受書如吾方伯公從吾高祖母釜底取一箸飯而束書不觀遊談無根至欲以博奕勝於人乎不肖衰且病每思謝家政而逃之空虛道南叔既幸而遂奉母之心而將有爲民父母之責治繁理劇其無辭於家督之任夫勤可以補拙而學可以破愚朴所以還醇而謙所以寡過百年間其爲盛衰反覆者不知幾矣而吾高祖之澤不替區區科名寧足恃乎哉

東村集卷六

八

東村集卷七

霽邑李呈祥吉津甫著

壽序

巡撫劉鍾宛尊堂張太夫人六十五歲壽序

往予不佞之初舉南宮也與年友濱州王青芝謁少保王翁劉先生於京師里第維時先生以少司馬家居名位尊矣延欸後進如平生飲酒間先生爲言吾之先世固濱人也自永樂時入衛遂代有顯者今且近三百年吾家未嘗一日忘吾鄉也及退而詢先生之家事則張夫人實操內政賡螽斯麟趾之章諸郎君森森玉樹矣

東村集卷七

已而先生陟尚書周歷三部皆務敦厚持大體享有榮名以道終始而張夫人之德亦益著次君鍾宛既擢高科讀書中秘至學士季君鍾山又接武焉會值

覃恩張夫人以母德晉封太夫人驚書鳳誥煌煌增輝乃

皇上親政之次年學士特膺簡命以御史中丞巡撫山東中

外士大夫皆額手洒然動色稱爲異數中丞旣星馳受事太夫人綵輿後至中丞望塵伏謁長跼道左一時吏民觀者如堵無不歡呼踴躍亦有喜極而涕者惟茲仲夏二十八日爲太夫人六十五歲設悅之辰予不佞久忝通家又稱治民有登堂獻壽之禮顧伏處田野不敢

爲諛而合東省萬衆之公言以申其頌禱竊謂移風易

俗使天下回心而向道未有捷於天性之感者也夫東

省之刁悍鬪訟官茲土者亦旣厭苦之甚則微發擊斷

一切以武健嚴急趨辦目前而不顧其後若中丞之油

油然循循然謹庭除之節而兆庶戢志如百昌之化時

雨豈非政令之所期者淺而精神之所動者深歟抑母

子至性人有同然遂有不言而喻者歟且聞太夫人進

中丞而誠之曰若知尚書之貽謀者遠乎則惟是爲郡

守藩臬力也夫官不親細務無以悉艱難不服法律無

以察情僞汝必勉之於是中丞出則端委南面布其德

東村集卷七

二

教入則擁笏垂魚率諸子孫圍繞膝下子不佞即先爲中丞望闕而祝曰虎拜稽首

天子萬年以壽

君也次爲中丞捧觴而祝曰安貞之吉應

地無疆以壽母也中丞以文學侍從之臣當密勿絲綸

之寄敢沃納誨傳在帝心被之圭袞以保東土蓋

皇上方以孝治天下藉以風示有位俾知更化善治莫先仁

讓門內之弗修而欲施及天下其道無由也即如太夫

人之慈懿中丞之孝養聚之一堂則爲至順推之宇宙

則爲太和所謂螽斯之慶麟趾之符綿綿亘亘以及永

久者豈一朝夕之效乎而要非君上之賜不及此中

承其益孜孜謹小慎微太夫人其益含飴手續訓勤示  
儉斯福壽康寧皆歸好德予卽推不文尚能賦日升月  
恒爲耄耄期頤之篇以俟添年

巡撫劉鍾定尊堂張太夫人六十六歲壽序

撫公治東省踰年政美人和嘉祥畢至田歌瑞麥室咏  
靈籙泰岱吐雲滄溟出日無不祝太夫人壽者濱州大  
叅杜涓村先生屬予不佞執爵者子爲辭予謝不敢再  
大叅曰往者茲日太夫人六十五歲設悅之辰撫公履  
任方新子乃述少保尚書公之厚德太夫人之懿訓撫  
公之色養章其敬慎著其儉勤不獨士大夫以爲善頌  
卽太夫人亦以爲惻歎而無枝飾今者子之詞不又有  
進乎予不佞逡巡而質諸大叅曰往者之壽太夫人一  
家之慶也今者之壽太夫人東省之福也自撫公履任

以來勤恤民隱而急其拯救坤維用寧水潦弗災近復  
親巡遇田夫野叟詢求得失偶見鄉塾之子弟爲課句  
讀給膏火雖公所不到之處皆如見公太夫人顧時時  
向公稱說朝廷之念東省至矣嗷嗷而哺之者幾何家  
拘係而平反之者幾何人不位而登進之者幾何賢且  
春多苦旱而今乃苦雨或謂夏行秋令此何微也語有  
之旱備水水備旱倉庾之積幾何粟而藥籠之蓄幾何  
參苓也撫公則益勤拊循廣聽納禮耆舊獎廉能宥小  
過決疑獄創宿猾懲積玩每繕疏請事齋慮審機勤勤  
懇懇意期必濟而不敢專成是以治纔期月而效應如

是之速也惟太夫人順神怡性不以筐篚玉帛爲豐而以吏治民安爲悅撫公先意承志以孝於事親者爲忠於事君太夫人之壽是合東省之萬衆而人戴一慈母矣如崗如陵曷足以擬之大叅公曰誠哉子善頌也雖然子嘗忝列於諫垣出入禁闥近在千里每切將母之思迨薄宦四方吳越燕薊奔走弗遑尤塵望雲之慕今乃解塵纓侍膝下滌七箸修藥餌母子依依聚順一堂皆撫公不匱之施太夫人純嘏之錫也由子所陳福及萬姓依子而論慶及梓里矣子乃謹從大叅君後率諸子姪羅拜而獻太夫人千齡之觴

少宰冰壺王公太夫人六十四歲壽序

嘗聞海豐太宰夢山楊先生天性純孝母夫人年百餘歲矣猶健啖公朝夕上食躬嘗以進偶不樂則拊手歌且舞母夫人大歡笑乃已一時公卿大夫皆以揚公忘卿貳之尊而篤孺子之慕而太夫人亦不知其子之長且貴而依依提抱之不忍置也雖事起於門內之偶然而敦龐純孝之風槩可推其盛已今乃於冰壺王公復見之公迎養太夫人於京邸九月二十六日爲太夫人六十四歲設悅之辰吾同郡進士十有三人皆公春闈所舉公旣不以桃李爲家植而諸進士感公知遇之恩

精白之誼謀所以祝太夫人而授簡於子爲文以侑觴子衰且廢顧辱公之交久而又從姻親之末得悉太夫人之懿行完善則又安得以不文辭乎子竊謂冰壺公之迎太夫人與楊公之侍太夫人朝夕承歡無以異也太夫人少習勤苦雖貴而操作不休且均子女無毫髮異同在京邸久則思伯子敦修季子霖公及諸女在家園久則又思仲子冰壺公雖不得常侍太夫人而之家園則安於家之宦邸則安於邸者皆冰壺公之爲之也公先以學士佐司寇今復以廷推貳太宰顧瞿然深思謂爲臣子者孰不欲祿逮其親或馳驅四方不遑將母

者有矣幸與以慈闈之樂而抒其愛日之忱微臣有母  
敢忘所自今海內能文之士豈無麗句宏篇以張公之  
孝養以闡太夫人之純福者而予獨引太宰夢山楊先  
生以爲證得無鄉曲之見不足以發崇閔之觀乎然吾  
每聞太夫人以勤劬雖善飯而稍稍重聽今既享公之  
養食則公進甘脆衣則公進輕煖將見體以康強目之  
加明者耳且加聰或時念家園則伯子季子奉以歸又  
時念京邸則冰壺公迎以往是冰壺公無日不侍太夫  
人朝夕承歡也今太夫人年僅六十有四庭闈聚順而  
化日舒長行且躋上壽而冰壺公益以展色養伯子季

東村集卷七

七

子及諸孫曾一堂雍睦振振繩繩誠人倫之盛事而慈  
壽之禎符也敦龐純厚於以順氣運之亨嘉即由鄉曲  
而廣之海宇其必有取於愚言之一得乎是固諸進士  
所以屏縟儀絀侈詞以誠事太夫人之雅懷也敬序

王母楊孺人八十壽序

吾邑有隱君子王慧卿先生蓄德不耀以明經老田野  
者歲七十有四厥配楊孺人今躋八十諸猶子子婿內  
外孫將稱觴爲壽而余從弟雲祥亦母之外孫也請予  
爲文子於是益思慧卿先生之遂其隱者賴有賢配也  
孺人爲孝廉楊先生女食貧操作固其性然自歸王先  
生見其舅艮山先生之爲學博春秋俎豆之餘饒有東  
方之一轡也慧卿先生幼讀父書旣爲明經使就博士  
職而世其業亦何異吏隱而且有以遺細君孺人倘日  
夜從吏焉安知先生之不幡然出而孺人乃一不以屑

東村集卷七

八

意能如是乎與子偕隱何可謂非孺人之遂其志也慧  
卿先生在日與子爲忘年交奕酒過從談笑無間杯盡  
壺傾剝啄信指嘗掀髯而謂子曰汝知吾鋤之用乎吾  
以耘則鋤吾以行則杖吾以映日則笠吾與客縱論古  
今則麈尾吾以指揮牧豎耕犢則鉄如意汝且安知此  
子捧腹絕倒今追味其言先生非獨能用鋤也使非孺  
人無意於東方之遺先生以用鋤者用之春秋俎豆何  
必不一飽而竟超然高舉夫耕婦鎡閉門著書寵辱不  
驚謂非夫人之賢有助歟嗟乎丈夫不自勇決亦由兒  
女所累意圖一飽身蹈危機而始思牛衣對泣不已晚

乎孺人既有以遂慧卿先生之隱德食貧操作老而益  
健耳目無損眠食無恙視嗣孫如孫視有女如有子無  
戚戚之容而有寬然自得之意不益以徵慧卿先生之  
特操歟世之爲壽者率多侈詞章踰情實有蓄德遺榮  
如慧卿先生者近在里黨知之者亦希矣況於孺人乎  
予是以從雲祥之請而娓娓敘述不已者非獨爲孺人  
壽且以表彰慧卿先生於無涯也

王母孫太孺人九十壽序

吾邑以詩書世其家者類多母儀而今童吉王先生之  
母孫太孺人其尤輝於彤管者也孺人栢舟之操六十  
餘年代子之孝備極敬順將膺 朝命爲閭黨光寵載  
在史冊傳之無窮而菊月五日適逢設帨之辰邑之紳  
士登堂稱壽而以子言爲侑子竊有感於天之祐善人  
而坤德貞一爲家之福也方太孺人之抱孺子而茹荼  
也王氏之脈如綫耳旣而童吉先生遊於泮廩於庠以  
明經高等需次廣文今且率諸孫曾娛侍左右問安視  
膳菽水承歡固不必翟弗而後貴鼎養而後豐也太孺  
人猶且操持家政較糗米鹽不肖少自暇逸豈非以勤  
儉勵其節孝者哉勤則不匱儉則常足節以導和孝以  
致順太孺人躋期頤而備百福固天道之可信者矣予  
小子自幼育於伯母太孺人以外孫畜之猶憶兒時太  
孺人啖之以棗栗今已髮種種而幸得執簡以紀太孺  
人之盛故直述其事而不敢爲文飾之詞也

邑侯黃母潘太夫人壽序

邑人之視令猶赤子之視慈母也。為慈母母也者，是邑人之大慈母也。其為大母祝也者，猶其祝慈母也。維吾緯翁黃父母所以壽尊慈潘太夫人者，是已。太夫人以德門之秀配銀臺公名世之傑，勲著中外，佐成清節，麟鳳膝前蔚為梁棟，筮仕霑化，不棄鄙陋，操作愈力，筦鑰必親，日進邑侯而訓之曰：「昔汝父之起家寧海也，子視其民以能其官，遂見稱於當世之君子，樂任城而居之。齊魯禮義之鄉，吾故土也。茲邑雖小，與寧海何擇焉？」邑侯敬受命，冬底視事。今春苦饑，侯捐貲賑貸，按行村落。

東村集卷七

十一

其無食者，人給百二十錢。夏無麥，為報旱災，格於例，得雨而不播種者，又給以谷豆之資。人數饒時，圩勢張甚，侯入郡謁上臺，力請之曰：「邑素凋敝，荒歉相仍，舊謂早螞蚱潦，圩妨今旱而又圩，秋稼盡矣。會勘覆者至，侯與冒雨行田隴間，一一指數，豈不落而箕乎？蕎麥不有花，無粒乎？其穀之遺棄不如哉？自是以東，屬於海百里間，野有菜，圃有蔬，乎魚入市，乎鹽出途，乎采采木綿得為福乎？餓者誰哺之？凍者誰覆之？乎痼瘵切身之意，溢於詞色。觀者人人感動，知侯之誠求民瘼，非以文具應故事也。侯每慨然於習俗之疎薄，侯明捷記之。

東村集卷七

十二

不可繫弛也。間懲其尤不率者，以示之警。救荒之急，在於弭盜，則嚴保甲之法，竊一雞一彘者，得以名捕而窺囷廩，以肆剽劫者，無由闖入矣。侯之治未及期月也，而已章章若此。謂非太夫人之教歟？顧侯未嘗沾沾自足，每於公事之餘，晉接文學之士，溫語和色，諮詢利弊，不少厭倦。謂吾之聞見有未及也，民之情偽有未悉也，名為舊規而實未允，銳於創始而終不繼者，其將策我以不負慈訓也。謂非太夫人之德歟？太夫人貴盛而勤儉，約而施家，衆臧獲無鮮衣高髻之飾，邑之里媼工役以事入者，則人人飲食慰藉之，無弗周也。勤以趨事，則不後時施，以及衆，則不居有侯率，是以為治邑之人，不僅起其捐瘠而已也。侯有無窮之聞，即太夫人有無涯之壽。豈徒曰佩茱萸於絳囊，升高遠望餐菊英之玉藥，怡志長齡者乎？而予獨重有幸者侯英年華，胄才藝兼人而孜孜嗜學，念循良愷悌之績，實在詩書絃誦之化，政成報最微為臺諫必且推廣德意，指陳要務，奏底定之效，而無煩餽運之勞者，經久之計，變通宜民而已。孰謂催科之嚴限不可稍緩，蠲免之常例不可少增乎？將侯之秩日益崇，太夫人之福日益茂，固由茲一邑始也。邑之人其亦與有榮焉。請揚彤管之輝，以稱設悅之慶。

又潘太夫人壽序

往者歲在己未秋九月予既爲伯觴之詞以獻太夫人矣茲者緯翁父母治邑益勤視邑之人益親邑之人戴太夫人之慈德亦益厚設悅之辰復乞予言稱壽予即不能言又安能不述邑人之所欲言乎自歲之不登而人艱食請蠲則蠲請賑則賑凡所以起其捐瘠而賜之生全者侯之爲之也孰非太夫人之爲之乎獨至今歲倍有難者夏麥枯矣而秋禾之早者始傷於旱繼傷於潦其晚者則竟萎于秋旱矣木綿之花不開秋麥之種未播是且爲來歲憂凍餓之殘黎衣食之路並窘而又

東村集卷七

三

不在蠲賑之例侯既慮之深太夫人安得不念之詳乎水旱海臻天之所無如何也撫摩愛養政之所不容已也民之疾苦除矣得無有銖兩之尚宜減者乎保甲清矣得無有酺呼之尚宜懲者乎鹽者產于土而流通于人者也得無有驢馱擔担之舊宜復者乎夫民之困於饑寒者非謂穀貴也百里之內其粟可源源而至枵腹入市而不能名一錢亦坐稿耳秋風涼冷衣不掩脛即何以禦嚴寒也侯所以我饑之我寒之者孰非太夫人之衣衣之食食之乎侯以才且廉受知諸上臺自春正月往署武定篆夏五而竣事州之人尸祝之近又署海

豐雖未及有所興除而邑之人無不洒然改觀者孰非太夫人之謹操管鑰而時加訓迪者乎侯三年政成行且奏最榮擢臺諫茂著勲猷太夫人綵輿象服壽考無疆撫令子抱佳孫享太平之盛世篤家慶之全福樂只之頌基于門內而且以徵吏治之隆矣予之所爲屢稱而不已者也敬爲序

東村集卷七

四



李母丁太君八十壽序

吾邑恩拔志充李先生爲郡丞公長子世父京兆公起家給諫子姓羣從王謝翩翩而志充先生爲之領袖孺人丁太君德毓名門地居冢婦兩氏鼎貴世際隆平有子文學吉土習春秋之業邑之後進推爲都講今者太君年八十稱觴燕喜吉土以身爲諸生若無以榮顯其親而乞子言以申之子乃告之曰人子之所以壽其母者或有所不足或有所可俟其所不足者何也士之居約也布素而菽水也其所可俟者何也科第之致身也鼎養而鍾食也不見夫俯仰之間炎炎者乎赫赫者乎

東村集卷七

十五

高臺其猶崇乎曲池其有浚乎華堂便室牛溲馬勃不雜還其中乎清歌妙舞不星飛雲散莫知所適乎今子依然環堵之宮琴書之座奉先人之伏臘供慈母之晨夕是南陔白華潔蠲以事親也有所不足者何也假令而炎炎矣而赫赫矣朝而射策矣夕而拜官矣馳驅榛莽之間牽率邊徼之地北山之什無從著之咏歌而北堂之思不敢形諸夢寐也子有膝下之歡尸養之樂望不及於倚閭思不事於搢背功名聽諸異日富貴付之將來其所可俟者何也方太君盛年夫子好客良朋翕至進雕盤之甘脆奉絳帳之絲竹太君職在中饋無不

咄嗟立辦者已而時移物換母子煢煢黃卷青燈朝鹽暮羹太君布衣操作意未嘗不恬然適也由今以追風昔如威音龍漢邈然在窮塵歷劫之間而太君乃似魯靈光巋然獨存留淳龐之美俗溯舊德於高曾即不必鋪几筵考鐘鼓而子婦扶攜瓦盆薦酒其所謂肅雍和鳴介爾景福固在高堂之上矣昔者穎封人之有母遺也介子推之以母隱也君子皆稱之乃伐許之役封人先登其遺母也已顯矣綿上之封子推莫受其將母也已苦矣孰與夫撫兒女而共團圓仁風藹然善氣郁然者乎頌太君者一以爲孝婦一以爲令妻一以爲壽母

東村集卷七

十六

於家世見喬木之澤焉於先葉見豐芑之貽焉於淑身鞠子見關雎鵲巢之化樛木螽斯之懿焉乃知人子之事親也不以日用之素爲不足而明發有懷盡之在我者亦祇爲其理之所可俟是亦春秋之志也乎吉土於是忻然再拜而書其辭

張孕光夫婦八十壽序

往者萬曆甲午先大父與海豐張先生同舉於鄉今七十有八年矣先生仲子孕光公既以巨族名德願志田園配王媼爲吾邑篤慶先生女偕德齊眉安貧樂素今者兩邑之親舊爲翁媼舉八十之觴而屬予爲賓筵之辭予因是而深有感於先人之遺澤遠也予兒時從先君子猶及見月宇先生溫然長者長而與先生季子子齊遊益悉先生之爲吏廉而與物多所濟仁者必有後則先生是已孕光翁媼自少而壯以至於今閱世變亦多矣高臺傾曲池平朱門甲第化而爲衰草寒烟者不知其幾矣而翁媼之茅屋數椽巋然於荒村寂寞之濱即與魯靈光何異孕光猶手經營位置一拳之石一泓之水春徑之桃秋籬之菊又何論平泉草木哉媼又善爲釀春米媒藥泝泝洗而進之不如束氏之補南陔所謂馨爾夕膳潔而晨餐者乎翁媼殆審分而適已怡神而葆和者歟怡怡者在前濟濟者在後猶子旣繼賢書而弘先業豈非隱德之嘉禎而人世之景福哉然非月宇先生之庶於取則將以厚積而招尤非月宇先生之慈於施則將以薄恩而餘怨翁與媼所謂安數椽之居甘藜藿之食美絮布之衣者秋毫皆先人之賜也以較

夫用智而闢捷深衷而多數自謂無窮之筭而徒取造物之忌者其所得孰多乎翁與媼其必欣然而有會於予之迂言也矣

王贊甫賈孺人八十雙壽序

贊甫王先生吾邑之詩人也或曰王先生非詩人先生少負異志早攻經史命筆爲文不涉凡近外祖大司空丁初陽先生極賞愛之補博士弟子員輒告罷壯遊四方所過都會名勝登臨顧盼發阮公廣武之嘆時人莫測其意也晚居東郭老屋數椽與里中耆年六七人杯酒雅集東阡西陌杖屨相尋城門數步地足跡之入者可數也今年八十矣平生所爲詩未嘗求知於世世亦無知之者謂之詩人何哉予曰是王先生所以爲詩人也使先生少壯時磨厲以見其長詎久處囊中乃先幾

東村集卷七

九

肥遯擺脫牢籠如香象渡河截流而過是豈局促轅下者耶試問與先生同時馳騁藝苑距躍亨衢分路揚鑣跋前疐後今之存焉者誰耶先生兄弟羣從分梨讓棗田荆姜被風雨連床今之偶焉者誰耶會中六七長者諸子承歡孫曾繞膝服青箱之世業飫舊德於高曾者誰耶數十年來世變可睹矣大兵大疫大水蟲螟旱魃饑饉相仍先生藜羹布襦嘯歌自如綠水一灣植以五柳環堵爲園顏之曰尺江垂釣其間客有過者手談竟日人是人非耳不欲聞先生又能爲小兒治痘床褥之側漫便狼籍乳媪稚子攘眩肘袂按方處劑啖之

則起先生亦未嘗自多也元配孺人侍御賈韋吾公女

偕隱之願早能如是舉案之禮白首無違是所謂內恬外愉夫唱婦隨雞鳴昧旦偕老康寧者與予獨稱爲詩人者何也錢牧齋先生序楊無補詩集標賞其警句曰閒魚食葉如游樹高柳眠陰半在池以爲文外獨絕又曰有真處士而後有真詩人無補處士也可謂之詩人矣乎王先生蟬蛻污泥之中超然塵垢之表真處士也可不謂之真詩人矣乎昔者吾友陳莓苔楊無補之流也每自誦其詩有曰倚石看雲籠斷鴈長歌振木起寒鴉倘令牧齋先生見之能無書之扇頭爭相諷誦乎阮

東村集卷七

十

太冲呼張林宗曰張仲爾一生爲詩只得草細吳門棹烟傷楚澤吟兩語耳張曰跛君欲吾稱爾潮回遠嶼青日簾驚濤紫耶以是知自古之爲詩人者其可傳正不在多先生之詩雖密之錦囊足以媲美古人何疑且不必先生所自作而後爲先生詩也如時倚簷前樹遠看原上村非詩人之瞻眺者乎開軒面場圃把酒話桑麻非詩人之怡志者乎老妻畫紙爲棋局稚子敲針作釣鉤非詩人之宜室家而樂妻孥者乎以是爲先生寫照謂先生之詩可乎然則詩人之稱非先生其孰與歸又何必近攜莓苔遠攀無補與太冲林宗諸人絮長較多

而後爲詩家之祭酒哉予嘗欲爲先生作者德會序俾覽其文者見故家遺俗名宿高士如蒼松古栢挺然於嚴霜積雪之餘者尚有其人而予竊有幸者先生子父執家叔之女爲先生幼子婦因得聞孺人懿德今日者壽筵燕喜琴瑟和鳴洗爵在堂上食在室予從諸長者之後六十四歲依稀少年白樂天所云猶有誇張年少處笑呼張丈喚殷兄不亦顧影輾然而自哂乎敬以是獻千秋之觴

濟南別駕程公壽序

濟南別駕程公來署密化邑事自春徂秋會八月十三日爲公初度邑之紳士耆庶歡然謀所以祝公者而屬予爲侑觴之辭予以爲人之相與有積歲累月而未敢獻一言者矣豈其一言之是惜而至於公則壘壘而不自已者何也邑窮且僻邑之人委瑣而不堪何足辱公之一盼公旣不厭其言之瀆而顧若有取焉者何也黃河潰決以來民之棄其田而逃者衆矣其不能逃者計無復之耳河泥填淤之後又值有秋不至於俱盡者天也然逋賦不完流亡不復官茲土者輒受累去矣迨民

之逃者漸歸賦之逋者漸完徵解如期考成報最倘亦有天幸歟抑其辛勤拮据補罅而救敝者誰也河淤旣退鹹薄仍舊且海潮時溢膏腴之壤立爲斥鹵而又苦於雨澤之不時民之荷鋤而望者其亦漸有哀鴻之志而田荒賦逋之狀或亦有不難復見於今者乎問有逐什一於四方居積而取息者乎邑之人不能賈也一尺絹一縷絲於何市之乎邑之人不能蠶也一筐菓一束菜於何易之乎邑之人不能圃也暑暍而道無陰寒凍而室無爐土不宜木乎邑之人不能樹也穀甚賤矣而薪之值日昂銀甚貴矣而錢之數日少鹽法壞而甯丁

敝海魚乏而網戶空即天地自然之利邑之人亦不能  
有也然而徵解猶不後時考成猶不居殿而邑且號爲  
難治者何也倘亦有言者不必信而信者不得言邑之  
人雖欲奉令承教其道無由歟抑父兄之教不先子弟  
之率不謹雖欲寬和愷悌莫能整齊之歟父老之所傳  
聞則謂昔之蒞茲邑者後既遷爲大官往往懷念茲邑  
之人如朱邑之於桐鄉即何其風俗之厚也今誠不古  
若矣試歷稽十年間完積逋之賦復久逃之民其不自  
爲謀而爲邑謀者何必非邑人也而邑何難治之與有  
公既悉邑之窮陋不堪而不鄙棄其人一切徵收起解

東村集卷七

三

之規務酌其宜而詢於鄰封不以苛急爲尚房號加增  
清地皆事之大者恪遵 功令嚴析秋毫務核其實而  
必使邑之人各得盡其所欲言其所已言者不拒其所  
未言者得陳也言之而即能行之者足信言之而未及  
行者無疑也此所以公之視事未久邑之人戴公遂深  
者也乃邑之人猶有祈焉者自茲以往田增而不荒賦  
加而不逋民困而不逃邑之幸也公之願也倘田或荒  
於增賦或逋於加民或逃於困公之所深念也邑之所  
無如何也公之視邑篆者屢矣其人之戴公者視此邑  
爲何如也公誠不忍鄙棄此邑之人則邑人之言諸上

臺且將詳聞之新宰之至者亦將悉察之其不復以此  
邑爲難治也是公之所以惠此邑者無疆而邑人之所  
以祝公者比於升恒昌其福祿繼侍御公之盛業而光  
大之豈不益有永也哉

東村集卷七

四

邑宰王敬公壽序

詩云樂只君子民之父母今以君子之位而行其父母之慈者誠莫若令矣今之在山左號爲治平無事而霑邑之在濟屬尤爲簡僻似可以談笑高臥而理也乃三十餘年以來其令之難易何如也竊於敬翁王老父臺有樂只之頌焉公之治霑也逾期月耳邑之人皆以爲寬和愷悌可望而知其情是以登堂稱壽不啻子之於父母也斯豈徒循例而爲此僕僕者哉邑之人亦可謂有情矣令之來初不過四海九州之人非有親知之素也一旦以尺一之符儼然而相臨如是者豈僅法度威

東村集卷七

七

力之所能爲哉夫亦恃其有情以相愛而已或自謂其能制百里之命法度威力之可以爲視其人漠然而獨逞其恣睢之意今之具曰予雄不有賴此者乎方春生養萬物莠甲宜助萌陽以育時物息事寧人敬奉天氣豈非樂只之理旣醉而備五福者哉或謂火烈民望而畏之水弱民狎而玩之故猛勝於寬也然赤子方迫於饑寒輾轉於溝壑寬之之不暇而忍言猛乎夫火烈以其明無不燭非但嚴酷也水弱以其照有弗及流於弛縱也民之所欲蠹之所惡也民之所惡蠹之所緩也民之公而求濟蠹之所專而自肥也顧爲小忠小信之術

以售其罔上損下之計三十年來不亦歷歷可指數乎而以其難治爲邑咎是果邑之難治耶何以今之登堂稱壽者不啻子之於父母也由是而推之燭之如火敢不畏焉使水而能照孰敢玩焉猛則其教誨整齊之義也寬則其體恤撫摩之仁也然則霑之人所爲歡忭鼓舞以親其上者豈非詩之遺旨哉是固澄清吏治者之所樂聞也

東村集卷七

七

邑侯劉永公壽序

今上錫福庶民廣開仁壽之域寧獨是貽背鯢齒耆舊尊宿相望於朝野即十室之邑愛其令長有頌有祝太平瑞應蓋在愷悌君子矣明府三原永公劉先生以康熙十一年八月宰吾邑十二年春不雨至於四月明府憂之甚步禱踰月雨不應遂齋戒爲文誓神以七日爲期至期果大雨鼓宮宮應鼓角角應神之聽之豈不以誠哉邑人士有稱說於明府之前者明府慨然拜手而謝謂主上以不雨焦勞面諭朝臣至於泣下禹湯之盛德也遠邑小吏敢貪天功以爲己力乎抑吾聞之

東村集卷七

七

晏子之治阿也築蹊徑急門閭之政而侈弗便也舉儉力孝弟罰偷窳而情弗便也決獄不避強禦而強禦弗便也左右所求法則予非法則弗予而左右弗便也吾何以令行而禁止教諭而政舉下之所謳吟一如上之所褒勞乎昔賢之論治也勤慎和而以緩益之夫緩其禁之必止而政之必舉者乎陰陽之相燠五行之遞乘以其漸至也使寒暑驟易朝折膠而夕燠金將無以養萬物之和而百昌於是不遂矣彼庖丁之解牛也批却導窾所以養生也乃知緩以善勤勤以趨事緩以善慎慎以研幾緩以善和和以用禮戶樞不蠹流水不腐其

動之日新乃其緩之有序也精以治身餘以治民道在斯乎仰惟國家大計念諸藩戍守之勞爲百姓久長之慮將輕徭薄賦息事寧人賣絲賣穀爲織爲耕亦以緩用也明府以三輔異才早登賢書好學沉思景行前哲知古而不知今謂之陸沉知今而不知古謂之顰蹙故鄭樵五紀每詳往蹟張說六典止載新猷兼茲博洽始號通儒施於有政方名循吏高景逸先生所云一時令名千秋嘉譽方寸有無窮之懔志子孫有無窮之福報是惟令也能之明府遺愛在建德南和壽州矣於吾蕞爾邑何有哉齊桓公見麥丘邑人而與之飲曰盍以叟之壽祝寡人邑人祝曰主君善壽金玉是賤人爲寶再祝曰主君無羞學無惡下問賢者在傍諫者得人三祝曰主君無得過於羣臣百姓夫以諸侯之尊威命靈爽可禍福予奪人而於羣臣百姓抑抑而思下焉是今茲蕞爾邑所爲歡欣鼓舞也十月七日爲明府懸弧之辰誦述昔言爲明府壽至於致治之詳後日有紀之竹帛勒之金石者年千世百未有艾也其爲麥丘也不亦多乎請絃歌之以侑明府觴

東村集卷七

七

慶雲廣文趙蒼壁壽序

國家盛際文教誕敷薄海內外罔不習絃誦而惇詩書而況近在畿輔之內身備師儒之官者乎惟蒼翁趙年臺振鐸慶雲甫踰歲子衿式其誨者蒸如也一時縣宰則緯翁黃父臺儒術吏治雅稱同志太守則公翁程先生興起彬郁之化屬邑諸生課文嘉賞先生益得發舒從事本中丞公之學而躬為訓迪蓋慶雲庠序之間翕然丕變矣嘗試考近代安定胡先生之為學師也其門人之盛為天下最而滕甫錢藻范純佑輩則學之弟子也自時厥後居師席者如王逢之朱伯原陳唐卿之徒

東村集卷七

三

相與推明安定之規旨師嚴義尊英才輩出則夫師之所以教弟子之所以學不皆有可得而言者乎安定先生嘗患隋唐以來仕進者苟趨利祿務文辭而疎經業其教授諸生一以經術為本學者之於經術也譬晝行之就日而夜行之依燈燭也豈拘拘於八股之一藝者乎而愚以為八股猶經術也夫以千百世之後而上溯洙泗之微言非程朱之說無由入而及其措之制藝執理則腐逞才則謬恃博則馳好奇則荒故非多讀書無以極錯綜變化之致非純養氣無以立中正誠一之樞經術所以經世務也而精制藝所以精經術也故不必八

股之為今而經義治事之為古也或謂昔之學者九經以為經註疏以為緯專門名家各依師說必求其淹貫服習而後已焉經術既熟然後從事於子史典志之籍弘覽廣稽皆還而中其章程括其繩墨儒者之道大備而後胥出而為名卿材大夫以效當世之用師以此教弟子以此學又豈僅八股之所盡乎而愚以為八股之所取裁程朱之緒論無異於子史典志也學者誠能由程朱之說以上溯於洙泗不搖於他岐不汨沒於利欲所謂名卿材大夫以監勲烈而垂來茲者亦何必八股之為虛而經義治事之為實也趙先生晰之矣勿以慶

東村集卷七

三

雲叢爾邑而謂門下士遂遜於滕甫諸人也勿以身方終賈之年而未逮於王定之諸人也愚且以趙先生約來歲丁卯慶雲諸生必有魁畿闈者愚亦不必閱諸生之文而後決之也秋九月中浣為趙先生懸弧之辰諸弟子及與先生遊者皆感先生之飲人以醇而謀所以為壽以愚忝在通家不敢為佞而俾為侑觴之詞愚方屏居鄉村風雨中宵深有見於中丞公庭訓之善三公子好古攻文而仲季皆就首藉以學蓋其官則教也而其志則學也孰與以民社為嘗試者乎科名鵲起羣從子姪嚮用方新凡所以祝趙先生者皆所以祝中丞公



也賓筵既秩其北向而頌南山

東村集卷七

三

耿太孺人七十八歲崔太恭人七十二歲壽序

吾之先世布衣寒素之家也自吾高祖母孫太夫人以  
來歷有內德矣惟慈惟儉惟勤綿壽考以祐於今則  
吾再從叔祖母耿太孺人七十有八吾母崔太恭人七  
十有二俱開八袞而誕降之辰適同八月以後先乎中  
秋太孺人有子三孝廉叔南英其幼也太恭人有子三  
不肖其長也吾家之衆將合詞以祝而予當執筆以紀  
其實予於是仰母德而深慶也憶吾叔祖穉賢先生與  
吾父封學士公汝諧先生其齒則伯仲也叔祖富於腹  
笥而吾父好古深思乃俱困於諸生而家固貧所以拮  
据匡襄勞於鞠育者惟母矣且太孺人篤愛幼子竟能  
引宗祀之義以南英叔繼大叔祖穉養先生後及庚子  
南英叔舉於秋闈太孺人心喜而操作砻砻逾不少休  
也予不肖從當世士大夫二十五年矣太恭人紡績未  
嘗釋手所居舊屋服用蕭然固不輒出出則敝車布緯  
從一女奴衣裳藍縷閭里族黨間不知有魚翟之輝也  
即太孺人與太恭人年高多子孫矣歲時伏臘無幾見  
見亦無多言慰勞而已可不謂豐而益約勞而益謙者  
耶而爲予若孫者顧不能力完公稅苦讀父書即何以  
效班衣之舞展負米之心耶予又憶大母羅太孺人爲

東村集卷七

三

予言孫太夫人貧窶時狀封方伯公以庶人在官方伯公初爲諸生吾曾大父處士公傭於踐更二曾大父四曾大父肩相隨也五曾大父方在抱太夫人負薪而過於市觀者咨嗟嘆息而豈知其身享祿養壽登耄耄後之子孫方興未艾又有兩母如今日者耶故以布衣寒素之家而能聲施至今者不獨天也母德也吾之爲子孫者可不以母之慈爲慈母之儉爲儉母之勤爲勤耶顧可使公稅有不完父書有不讀耶是吾家之衆所以爲祝之意而予之所以深有慶也予往從士大夫遊見壽其親者或廣徵詩章侈爲盛事予必裹言勿諛予不敢佞人之母也而敢借佞於人以自爲佞乎故驗諸吾家之衆而無異詞者祇以紀實也

東村集卷七

七

母太恭人八十二歲壽序

往者吾母太恭人七十二歲時家慶舉觴小子志之今踰十年所矣吾母髮益稀身益僂近又苦滯下之疾眠食爲減然耳目之用未甚損於昔而呻吟甫息即絡繹操作輒在手也於是吾家復稱觴以慶而仍俾予小子爲詞余以十年之間天道周於上人事備於下余伏處田野蔬水承歡即不敢遠引四方述當世之務而一堂聚順朝夕告語則小人之依或亦君子之所不遺也乎吾母嘗曰吾邑之民力豈有加於昔乎而稅歛何急也敝廬數椽而征有額也頃畝未廣而報墾衆也吾髦矣

東村集卷七

七

汝盍爲我言之予曰固也凡此皆以供軍需也軍需不匱則賦稅自平宅地自均諸長吏拮据從事夙夜靡寧者數載於茲矣下之人敢有或怠以即於戾吾母曰固也老人歲衣不過匹布日食不過升粟舉火不過束薪而茲歲旱澇相仍蟲螟爲虐穀將騰湧薪且乏絕家衆食指之煩將何以給其又何以完公賦也予曰固也米貴則數之以炊薪貴則析之以爨吾母尚弗以溫飽爲心吾家之衆敢不以節省急公爲圖吾母曰固也吾有內外孫曾以迨元孫若而人力田勤讀不墜先人之業老人每飯未嘗忘也予曰固也田必課其所入以爲出

書必通其大義以爲學吾家世習義經近始廣之以春秋諸孫曾雖庸鈍無過人之姿倘勤渠咄嗟專志攻苦是亦吾家之良疇豐歲也仲年未五十季年甫四十而皆謝去青衿旣以貧累之矣仲季之子皆受書在塾而未有泮游者又得母以力田荒之乎何可不皇皇也惟是十年之間其爲世家巨族蕩析而離居者幾何其爲通都大邑風驚而雲擾者幾何吾邑僻在斥鹵吾家又積處淡泊乃吾諸叔弟姪惓然而稱吾母之觴斯不益感造化之仁而念先澤之遺與吾母又曰吾家無饒者今一錢皆薪米之需及公賦資也汝叔弟姪輩之壽吾

東村集卷七

五

老人也不亦多乎哉予曰固也吾家之儒素久矣敬老則尊祖尚齒則篤親尊祖者天道之大原篤親者人事之隆禮未見天之所佑而憂貧人之所助而嗟卑者也小子六十有一矣衰遲屏棄既不敢乞大人長者之華袞而學殖荒落亦不敢窺南陔白華之精微惟是所見祇此所聞祇此小人有母祇言其小者近者而已亦曰吾家之所自紀而未敢聞諸操彤管而彰懿德如當世之君子者也

釋寬三叔祖樂三大叔父七十壽序

自高祖封方伯公與高祖母孫太夫人舉五丈夫子至於今繩繩益盛也方伯公以庚辰進士起家八十有七年矣大父行唯釋寬叔祖如魯靈光巋然獨存乙巳十月已稱七十之觴父行樂三大叔父壽亦如之而小子亦及五旬因與諸叔諸弟子姪謀所以壽兩老人者而予謹拜手以言曰吾家亦知兩老人之所以壽者乎三叔祖爲五曾大父嗣而有其家少年游俠好爲豪舉用是其家中落而晚獨專力於農則去城市村居操作以爲恒古人之言曰流水不腐戶樞不蠹民生在勤勤則

東村集卷七

五

能永三叔祖以之衆曰唯唯大叔乃四曾大父長孫也沉穎好學顧數奇未遇今猶能作蠅頭細字畫地而趨言訥訥不出口布衣蔬食如享珍異其事親也勞不言苦其教子也老不言貧靜則近仁仁則有後大叔父以之衆曰唯唯予曰不獨兩老人已也蓋亦有內助焉三叔祖母蘇孺人望七十近矣大叔母羅孺人踰七十者二白首相莊未倦井曰視今之女婦所爲炫服高髻冶容市語如桃源人之不知有秦也何論漢魏是宜與兩老人繪之畫圖播爲聲詩以爲吾家之慶也衆又曰唯唯予乃隨諸叔率諸弟子姪捧卮而進曰爲兩老人壽

將受賜於兩老人也以勤得久孰不宜勤靜則近仁宜勉於靜吾等之生也晚且因兩老人以上邇於封方伯公孫太夫人所以裕後而未艾者其德亦百年何遠乎受兩老人之賜誠多矣用是彙次其語各爲一軸俾三叔祖子儒英大叔父子登祥謹藏之以俟期願之祝

樂三大叔八十壽序

往者歲在丙午樂三叔壽陟七十子爲文以賀今又十年所而樂三叔八十矣回思吾大父諸父行皆未有及八十者吾先考府君比樂三叔長一歲耳少時並有白眉之譽而性行溫良好學攻文亦頗相似乃其偃蹇不遇則一也吾府君考終時年止六十有四而樂三叔獨巋然如魯靈光是誠吾家之福而樂三叔之所以致此者果何道哉蓋嘗窺於天人之際而默有會於盈虛消息之理矣樂三叔自昔善處家庭人無間言循循謙抑畫地而趨未嘗敢以色加人也老而居貧課子孫不倦數椽之屋躬勤洒掃口粗糲之味飯於肥甘身布帛之衣溫於狐貉念糟糠之誼篤於姬姜怡怡然意甚適也凡世人所爲舞智用術陽子陰奪貌爲名而實專利者固所深耻而必不爲即求田問舍析及秋毫夙夜孜孜頭鬢爲白亦若遜謝未能也愚嘗慨然而自責曰不習爲官妄思論議身竄窮荒貽憂父母孰與夫伏處閭巷而朝夕膝下者乎樂三叔則取古人致身之義以相慰勉謂是可無忝於祖德也不然叨榮祿以何爲庶幾與吾府君之志有必謂之學者乎此豈非全於天而不損於人者歟吾人之所爲不足乃天之所爲有餘者歟且

人之所最縈縈而不能釋諸懷者爲子孫計無已也樂三叔於其子之老諸生如已貴也子之拮据而糊口如已富也孫之相次而青其衿如已第也其所自足者非以爲多而其所以勿過求者乃所以爲安也誠安矣收視而明而不必張目以爲見也歛聽而聰而不必屬耳以爲聞也杖而步於庭而不必跂之立跨之不行也然則吾樂三叔之所以致此者固有得於虛以爲盈消以爲息之道而以篤吾家之福者亦豈有外於天人之理哉某是以直抒胸臆不爲飾語再拜而稱千春之觴

東村集

記

定州重建儒學兩坊記

竊嘗聞聖人之道其精微者猶奧突之藏非入室者未易窺也而詩書六藝以正天下萬世之趨猶坊表也自漢唐諸儒抱遺經於灰燼之餘辛勤註疏而不侈旨於深渺宋之諸君子或欲廢漢唐之說以爲獨紹孔孟之傳後之學者其於程朱又不無同異要之道必貴於躬修言必切於時務致知力行居敬窮理則惟是坊表之趨以馴至於奧突焉爾予與定州復陽郝子雪塞研窮匪朝伊夕酌衆說之通期斯理之是苟非賴先哲之緒言即何由上邇於孔孟乎今者再至中山展謁聖廟則見兩坊鼎建煥如翼如過者必欽瞻者必敬州之人士欣欣交贊謂是黃侯之績不可無一言以紀之子逡巡却避非所敢當已而念復陽子之意不可辭也則姑述所聞以相質可乎州志載宋韓魏公初建學宮以興起教化及蘇文忠公出帥雖視事未久而流風遺韻篇章爲富侯將以勲業繼韓公而文學歸吏治則蘇公之志也侯生於蜀之內江固嘗聞邑先達明趙文肅公談道之說而慕之夫以文肅視文忠猶伯仲也文忠當濂洛

之時而面折伊川文肅祠姚江之學而效規考亭君子之不苟同如是也其以坊表聖道豈遂有岐趨與然則以侯而論眉山內江是亦蜀之鄉魯也已而況由是以進於鄒魯者乎侯治州五載一切與民休息今當衝驛且值倥傯儲峙戒備勛勩晝夜顧獨以學校爲根本之地教化爲致治之先所謂道貴躬行言切時務者即於兩坊之建三致意焉復陽子論學之言曰自漢以來儒者輩出闡明踐履不遺餘力宗旨爛然各有終始故由姚江以邇濂洛則勿疑濂洛也由濂洛以邇漢唐則勿廢漢唐也瞻泰岱者日月麗天泳洙泗者江河行地天下萬世其羣趨於孔孟之坊表也哉

東村集卷八

二

曲陽縣重修北嶽廟碑記

國家制禮作樂懷柔百神特正北嶽祀典於大同之渾源州蓋詳歷代之文折衷諸儒之議革偏安之陋弘統一之規所謂斗運四時拱辰居於北極帝巡五嶽竣柴望乎恒山者也舊祠之在曲陽者祭告弗專祇承滋玩有奚牧馬析喬木以爲薪彼跛驅羊踏瑤堦而作磴始之燕焉弗治旣愴父老之心浸假燼以無餘將恫靈祇之感矣是豈可視爲緩務而不急圖耶維揚劉君來宰是邑展謁之日怵然深懼於是考正祀典之所由興革爲議以請諸上臺聽其說之有據而格於功令弗能

東村集卷八

三

從也劉君則又慨然曰議祀非吾職也修祠非吾責乎念邑小而貧民敝極矣不惟不可困以力役且當以備直資給之是致力於神即以成民也遂捐已貲以爲率作民之趨事偕欣子來殿亭門廡次第畢舉塗堊冊牘如煥如新工始於年 月訖於年 月會劉君以京職內遷邑人士德之弗諉文學許生介保陽文學金生請記於予予逡巡而謝者久之憶昔再游衣濡雪液今方吮筆墨濺冰花仰瞻嶽帝之神信有歲寒之契敢無詞乎竊謂五嶽之峙於地猶五星之行於天非可以人意爲之位置者也如北嶽之祀於曲陽自虞環之

率土迨夏王之從方其來尚矣昭代獨取而更定之而其制遂不可易顧豈有所詘於曲陽者哉且紫衣之有赫衛社稷也飛石之遙臨奠幽冀也其炳著之蹟遠不具論南瞻嘉山弔郭李之戰伐前趨定武追韓蘇之謀猷非民之所依而嶽帝之所式憑者乎夫以安史之禍封豕長蛇蹂躪京洛郭汾陽李臨淮義旅一擊摧其魄燄使肅宗能用鄴侯成謀俾郭李移兵進討傾叛逆之巢穴折藩鎮之藁萌則唐室再造比於貞觀而五代之亂熄矣以熙寧元祐之紛更新法互持勢成水火而韓忠憲蘇文忠前後出鎮中山力思補救使神宗能用韓

東村集卷八

四

公於王李之時哲宗能用蘇公於章蔡之際化黨同伐異之爭爲和衷寧一之治則君子道長宋業鞏固而南渡之累杜矣君子之敬鬼神一惟民義之是務焉耳天之所祐章於聚順神之所格聽於和平天無往而不存神無往而不在安得謂曲陽非嶽帝之專祠乎旅泰山者有事於配林樞羣后者必先乎佐命既有所隆於彼即不得有所簡於此亦明矣况勒乎豐碑者聖朝之鉅冊垂於兩序者先哲之雄文新甫銅根實閭宮以漢栢瑤池玉幹眉王母以唐槐而可勿加寶惜任其褻越者耶劉君之意將以存往古示來茲庶祠之在曲陽者與

渾源並垂永久已若夫述山川之盛概志典禮之大凡亦舊史所得與聞也於是乎書

東村集卷八

五

海豐縣重修儒學記

海豐之有儒學舊矣歲久傾圯弗弗治率相視爲故事先是戊申夏六月胡侯來蒞是邑祇謁先師顧瞻廟貌深懼無以美化善俗謀之博士詢之諸生皆曰宜修侯乃縮用殫貲擇人授事一錢不歛於民一役不煩於衆維時早夜協贊者司訓某好義捐輸者紳衿某督工勞勩者邑人某工始於 年 月訖於今年 月殿廡門闕堂室齋廬靡弗崇飭巍如煥如行者拭目恍瞻數仞之宮止者洗心似聆九成之奏邑人士嘉侯之績獻頌於庭侯瞿然遜謝曰是惟司馬中丞撫憲趙公之所

東村集卷八

六

風厲也藩臬郡守諸臺之所引掖也海防觀察張公尤惓惓以興學爲先務下吏奉以拮据幸無失墜九載於茲慎終毖始敢貪邑人士之勤以爲己力哉無已則盍請記於霑邑李先生予衰遲荒落茫昧無聞其於斯道之廣大精微不啻管之窺天而欲竭其蕪陋以效撰述則又若蚩之負山也侯意固不可違爰爲文以諭於衆曰予昔備官成均始識侯於教士中今二十有六年矣往嘗濟濟六館非選拔之彥則卿大夫之子弟也今雲翔而雨集者例也而資歷之典不猶班如乎外之職於學使者既復歲科之舊而錄人之數即大邑不過四三

人而登進之途不益兢兢乎蓋國家之於學校如此其

重也顧學之與廟其制何昉乎古者國子舍於王宮教於師氏而時會於大司樂萬民居於比閭教於塾師而時屬於州序以受教法以正齒位皆非常廩之士也自立學宮置左右生而郡國養士始此矣自立博士弟子員而太學養士始此矣故有養老乞言有旅酬合語蓋學校公論所出也古者祀祭享之別不相僭竇自立孔廟於故宅閭千餘載未嘗出闕里也迨以孔子爲先聖於是性牢器日增月益無異廟祧之祀矣兩廡諸儒或加三等之爵而州縣學宮槩有從祀矣蓋廟祭尊崇之

東村集卷八

七

極也然則備至聖之德而正先師之位者其惟孔子乎思樂泮水尚文事也而執訊獲醜實競武功祭菜鼓篋尊經術也而膺力經營以衛社稷士之材成則世之治定矣士者民之表也士不廢其篇籍斯民不空其杆杓士不佞於城闕斯民不諱於田畝士之業專則邦之本固矣學盛而教化行廟隆而風俗美其制之別乃其道之 也學校固不重歟海豐名邑也先達多聞輝於史乘英流繼起鬱爲珪璋紹昔聞開來哲沐浴膏澤而被服仁義邑人士之蒸動而興起者豈不與是而俱新也乎侯名公著辛卯鄉薦順天通州人



壽光縣學先賢先儒位贊石刻記

今 皇帝二十三年天下大定海內又安禮樂將興文教聿著壽光內翰儉菴魏君以書抵予謂學者誦法聖賢游觀壁水春秋兩祀趨走殿廡而於先賢先儒世系官封名稱紀贊習焉不察問之莫對是猶爲子孫而不知祖考之諱與銜也亦大可恥矣舊有木主易至襲越龔煙棹基往往而是將刻石嵌壁以垂永久夫子爲我志之可乎予因是肅然敬慨然以思往者曾忝成均之任三月朔望恪虔夙誠如在孔子以至聖而作帝師配者四哲者十此殿內者也若兩廡則分列先賢先儒啟

東村集卷八

八

聖祠則推崇至聖之所由生而以諸賢諸儒之父附焉蓋自孔子沒後二千一百六十二年漢唐以迄元明加封晉秩之典班班可稽其爲名字者幾其爲贊者幾其爲歷履者幾秩秩如也章章如也學者一舉目而如睹其衣冠焉一啟口而如聆其謦咳焉彼何人也此何人也亦可以奮然而興矣乎予之有感於中者竊惟德行言語政事文學賢若有四科君子小人儒若有兩途此非後人之言而魯論之言也然而顏子之悟未嘗絀曾子之魯師也之過非優於商之不及親炙聖人者旣殊塗而同歸後之善學者亦何妨百慮而一致乎乃經疏

傳註互詆其說而德性問學竟岐其向不惟議禮之家

名爲聚訟甚且任道之人殆同樹敵矣賢者旣不如是儒者何須云爾乎夫文莫猶人躬行未逮三人之遇必有我師以六經爲根抵而兼采諸家之長以程朱爲繩尺而博取羣儒之益其於賢也謹守其一科其於儒也希爲君子而斷不敢爲小人居敬窮理循序以致其精明體適用端本以先其要上承往哲之傳下引方來之緒如車二輪如鳥二翼異同之見悉融彼此之長交益矣况是諸賢諸儒固猶是一父之子克家之嗣也而或謂兩廡之間某也賢宜進某也否宜罷擅更前制務逞已能不又居下訕上如子孫之指摘其先人乎是又予之所大懼者也予幼習句讀白首無間徒勤仰止之思益切面牆之媿今乃效筆札之役勒貞珉以託久遠其亦有餘榮也已

東村集卷八

八

重修城隍廟記

神之道邇於民而切於人事者其惟城隍乎蓋祀典之所崇秩赫奕而尊嚴者厥有攸司而閭巷之細民不盡解也惟有是邑則有是邑之神號為城隍猶其有邑宰也宰以治明神以治幽其政殆相輔而行而邑人之有事於神之祠則猶其日趨於宰之庭也春秋祈報之必謹疾苦冤抑之必訴顧時或有弗得於宰而無弗得於神者豈非神之於民甚邇而於人事為獨切者歟吾邑城隍之祠其來舊矣閭閻歲既久蕪壞滋多廊室傾摧象設損敝祀享不虔民皆病之邑民焦顯忠矢心殫力募

東村集卷八

十一

助鳩工始於某年某月成於某年某月堂宇聿新殿寢備整兩廡繪畫如睹折獄之形容諸像莊嚴似見朝天之擁衛遠鄉近郭跂望爭來白叟黃童角崩恐後焦顯忠因請予文以記之予謂天下郡邑城隍之神其邇於民而切於人事者無弗同也而吾邑城隍之神則有異焉者遠代不具論自戊寅迄今四十年間邑有大疫大荒大兵未嘗不與鄰壤均而民之猶得保其室家完其骨肉死者故土生者故鄉不至蕩析離披咨嗟毒疾之未已者謂神之加祐於吾邑歟抑神奉若天道無私禍福或亦吾邑之人窮薄鄙陋未甚怕侈機利而神默有

以鑒之歟禮有云以禦大災以捍大患則祀之城隍之神固以禦災捍患為職者也災之不禦患之不捍神且以為職咎而災由孽與患自己作怕侈之弗戒機利之弗耻是在邑之人所宜深省痛懲洗濯砥礪忝穰匪馨明德惟馨其所以致祀享而答神貺者良有在於此歟焦顯忠一市民耳而其所為乃有諸邑人之所難者然則吾邑之人自茲一往入廟生敬明有禮樂幽有鬼神安宰之教令感神之陰臨豈不日臻於淳質而庶幾為美俗也乎即是邑之有待而興者人敦齒讓之風家永詩書之澤神道昭乎有赫而廟祀亦引於勿替已予所

東村集卷八

十一

謂邇於民而切於人事者故記之如此

東村集

跋

法黃石驅病足文跋

宋史載杜五郎隱居陽翟茅屋兩間不出門者三十年  
黎陽尉孫軫往訪之問何年不出門因指門外一桑曰  
憶十五年前亦嘗納涼其下問嘗日何營曰端坐耳然  
則杜五郎之足其病者耶其病病而後不病者耶足之  
病由於能行若以其不能行而思驅之不但益甚其病  
乎人之墮地未有遽能行者也未立而欲行是跛者之  
不立也既行而猶不足是跨者之不行也而其足之病

東村集卷八

七

遂終其身而不救誠知其病而安之必無驅焉吾見報  
國長松之下科頭而箕踞者黃山主人有不病之足存

唐濟武游記跋

予既窮且老蹶躄而不過乞食耳而可以從長者游  
耶崇山峻嶺勝地名園予之足不逮也波紋霜紛細黛  
遙青予之目不及也清商度曲密語留歡予之耳不屬  
也激昂而追古人綿麗以稱作者予之才不副也考金  
石之同異辨流峙之源委予之學不充也如是者尚可  
以語游耶殘杯冷炙到處悲辛低顏下色故人善誘予  
躡蹻而不能應高言噓枯雄盼迴春儻從如雨氣勢如  
雲予澁縮而不敢前如予者尚可以語游耶惟是念老  
挽之濟老推之念老曰二十五年以來吾友之得緒前

東村集卷八

十三

游者幾何予曰往矣車馬舟楫雨雪風塵或離或合游  
事且竣濟老曰天下誠大無以易吾鄉二東樂土無以  
易吾邑予曰歸與其游也歲在己濟老游記成於午今  
者初夏晤濟老於武定予曰讀游記吾之耳目若爲開  
焉吾之心志若爲通焉吾之學若有解而識若有觸焉  
昔之游者其果予也耶往苒之頃已易三歲訪舊而有  
逝者自夏徂秋藏舟而岸忽移藏山而負以趨者又何  
必二十五年而後聆鶴音於華表記鴻爪之雪泥哉夜  
長秉燭固是達人叩門拙詞豈非窮士如予者竟不可  
以語游也耶遂書於游記之後

樸翁吳年伯壽詩跋

樸翁先生身行道而自食其福蓋純固之德其慶闕遠也予邑編小即耳目所睹記力田而獲倉箱授經而取青紫兼收並濟旋至立效誠未有如先生者先生早夜勤劬衣粗食淡不知其爲貴長者也長公槃陸任兩劇邑賢聲大著次公海嶠偉然負卿輔之望季公左右朝夕承顏諸孫彬彬媲美先生猶時時訓督之不少假借槃陸公自陽春歸省出所爲先生壽者皆海內賢士大夫詩歌贊頌共若干首合爲一冊予讀旣乃作而告槃陸公曰先生純固之德行道而自食其福天下知之矣

東村集卷八

古

後世傳之矣予每憶侍君子應諸生試策蹇道上先生與先君子談藝語娓娓數十里不能休予從傍聽之幾不知其衛之蹟也先生數目予向先君子言孺子可教也豈不如昨日事哉予且何以報先生也予不嫻爲吏而竊願與公言吏治以壽先生夫今之爲吏之繁難荼苦孰有如秦之麟遊粵東之陽春者乎公旣一以先生之所以理家者施之於國任事如家督耐事如慈母其績固班班可考矣先生聆樂只之謠而享神明之祐遂開九表以躋期頤孰謂廉吏不可爲乎予無以報先生故讀是冊感動流連而不能自己也謹拜手稽首以誌

其後

東村集卷八

五

讀王烈女傳書後

或曰從一而終禮與曰禮也未嫁而殉不尤愈於從一而終者與曰禮期於人之所可能而不必其盡能也禮之所無而義之所安如烈女者非以求愈也未嫁而猶殉則嫁可知矣表烈女者亦非以教人之求愈也義之所安固禮之所許也過於禮而可以爲訓者禮由義生也彼肉食者謀而蹈海有布衣之仲連委質者死而斷脰有處士之王蠋以視烈女又何間焉夫女子邂逅危急計不返顧亦有捐軀無悔者矣若烈女庭闈聚順閨閨待年而一再投繯必行其志引據經訓躬踐其言若饑渴之於飲食有所甚嗜者何也斯所爲心懸皎日氣激迴風者哉即不謂烈女愈於禮何得不謂烈女愈於人乎然則烈女之所以自處固可以教爲婦之從一而終者是固先王之禮意也

東村集卷八

十六

東村集

題辭

賀拓菴全集題辭

子袁遲失學屏居荒村既不獲奉教於當世之君子惟日取遵巖震川及牧齋梅村諸先生之遺集丹黃而雒誦之竊以爲韓歐史漢之源流可邇也若其持論矯枉過甚間亦有之丹陽賀拓菴先生辱臨敝邑不加鄙棄肯以笥中詩文相示予旣受而卒業而乃知先生之所詣者深也於太宰張公行狀見用世之淵識焉於大休和尚塔銘見出世之定力焉於沈伯和遺事見人才國故之蓄於心焉於所爲詩序及自爲詩並詩餘見緣情綺麗杼軸以日新焉噫何其工也先生約身寂寞早謝塵榮退無名士之聲進無黨人之目菽水之養隱不違親雞黍之歡貞不絕俗咏雪而鼓山陰之棹凌雲以陟日觀之峰吾幸見先生遠之如見遵巖震川近之如見牧齋梅村也然以先生之集置於諸君子之間所謂不爲危言覈論又如林宗之有道矣

東村集卷八

十七

賀孟循偕隱草堂詩稿題辭

冷齋夜話載王摩詰逸詩荆溪白石出天寒紅葉稀山路元無雨空翠濕人衣相看不忍發慘淡暮潮平語罷更攜手月明洲渚生即其全集寧有加於此乎後之爲詩者連篇累牘耗工災木寧有臻於此者乎乃論摩詰者謂其見地超然如即病即實相趨空定狂走無有一法真無有一法垢又因愛果生病從貪始覺貧又何津不鼓棹何路不摧輪謂與前詩是同是別又韋蘇州詩綠陰生晝寂孤花表春餘王介甫詩隣雖生午寂芳草弄秋妍謂與摩詰詩是一是二子嘗以此嘆古人之詩

東村集卷八

六

其可傳者正不在多而今人之爲詩縱極其多亦不必可傳今讀孟循偕隱草堂稿而恍然如見古人也孟循試以數十年窮愁奔走嘔心枯鬚之所結撰置諸摩詰蘇州介甫一二語中字櫛而句比焉銖稱而龠合焉當有自得之日進而不自已者而子又安足以測其所至也哉

王贊甫先生詩存詩餘題辭

贊甫王先生示予詩存則已有劔浦之引在前矣先生又好爲詩餘自謂深解音律予年友朱先生序之曰此濟南于鱗一派也于鱗先生之詩派可易言乎詩不必艷而詩餘則以艷寫情詩不必不工而詩餘則以工取致與其兼之不如其專之也即以詩論與其兼諸體不如其專一體也劔浦在時予與之論詩者如此但未得與朱先生面析疑義耳王先生鄭重所作不意表襮於世此其所以可存也而以是譜濟南之詩派何哉

東村集卷八

九

蘇茂弘先生制藝題辭

東坡先生有云我生二十無朋儔當時四海一子由君  
今叩門若有求益以兄弟爲朋友而又以朋友爲兄弟  
人倫之樂事藝苑之豪舉也吾乃於武城蘇茂弘茂章  
兩先生見之茂章還自浙闔鑒拔之精蜚聲當世茂弘  
猶偃蹇公車以其平生所爲制藝示予若不忘楊靖公  
淵源之舊而有意乎識途之老馬者予因是太息不已  
也茂弘諸稿取裁先正擷藻名賢格方語圓詞明理透  
久宜在天祿石渠之間而或以茂章之先達嗟茂弘之  
晚遇者何耶予自髫年先君子躬督課之竹浦劒浦兩

東村集卷八

三

蘇君實爲筆硯之交予之謏陋不逮兩蘇君遠甚而倖  
獲或過之文章遇合固自有時科名寧足恃乎且東坡  
先生之在當日流離竄逐瀕死海外子由雖踐樞要席  
不暇煖也迄於今仰兩先生之聲光者比於泰山北斗  
其片語隻詞讀者珍如拱璧而所謂章子厚丞相者又  
安在哉以是觀之科名固不足恃即詩若文亦必借其  
人以傳也茂弘茂章之於黃中先生猶子瞻子由之於  
老泉也老泉之教以兩子著黃中之德亦以兩子顯所  
謂有是父必有是子有是兄必有是弟者歟芝蘭玉樹  
芬於庭階子姓振振方興未艾況結納者淵雲司馬之

才投契者晁董公孫之對眉山之盛近在武城即於茂  
弘先生制藝微之矣

東村集卷八

三

東游草弁言

醫者意也不得已而為之者也意之不至可與言醫乎  
詩者志也不得已而作之者也志之不至可以言詩乎  
惟其意故醫以扶元氣而壽斯民惟其志故詩以鼓元  
音而吹大雅是兩者嘗聞諸古人之緒論而皆未之有  
解也舊歲丹陽明我張先生拓菴賀先生偕叔弟同菴  
先後至不以老病而舍我布衣雞黍歡然素交因得聞  
所未聞若有得矣茲春明我南旋乃在棣州予不及知  
中秋之日同菴過而別予且示以東游小草予讀之而  
窺其志焉亦以推其意焉詩之道為無窮而醫之旨為  
有要也拓菴先生在予之老病將與先生言醫同菴歸  
與其更與明我言詩

東村集卷八

三

傳

蘇劍浦傳

壬子秋九月予患瘍吾友蘇劍浦日來視予冬十二月  
予病少愈劍浦之病乃大作癸丑春正月予強起往候  
之劍浦猶能自理醫藥二月初復視之則氣逆不下執  
手哽咽但曰拊予雛者是在君矣予忍淚頷之而已初  
九日黎明忽來報君疾亟予趨至則君逝矣是月之末  
竹浦返自南宮試予逆之於西村相向長號近無乾土  
已而視竹浦青衫廓落長鬚稀疏首著席暖瞻言百里  
有矍鑠據鞍之意而吾劍浦竟安在哉吾三人者童州

東村集卷八

三

為交迨於白首晦明風雨不二其音予既生還於遠塞  
劍浦亦稅駕於微官奇文共賞疑義與析方將數晨夕  
而慰素心而劍浦竟安在哉竹浦戚其手足予亦裂其  
肺肝噫吁噫吾誰與為友矣劍浦平生績學攻文視高  
第猶承蜩也而終不遇三仕名郡最得士大夫心而於  
舊賢遺老尤加禮遇即其治行高等可旦夕太守方面  
而竟以事誅宦橐蕭然敝衣糲食米鹽凌雜楮絮交互  
腐脂乾鮓李核芥子扁鵲緘膝身自料理形勞神困年  
止六十抑何窮也吾既後死而不為之述即誰復知劍  
浦者予乃按竹浦所為行略而傳之君蘇姓諱本眉先



君子封學士中憲公贈之字曰道生劍浦嘗語予曰吾見宋文山公有子名道生吾且更吾字矣因稱劍浦考民部兩石先生已酉鄉舉服官中外所至著聲母馬太宜人賢而治家有法生三子長胤眉次毓眉即竹浦君其季也兩石先生老而好學課竹浦與君為舉子業甚篤禮先君子於塾相磨切予年十八先君子命隨諸君為文會時竹浦年二十有三君年二十有一每會咏奕而至及文先成者必吾三人也丙子歲吾三人讀書西村時年少氣銳君朝夕孳孳矻矻於所謂文定文待者予鹵莽不甚留意顧手錄莊騷史漢丹鉛而洛誦之先

東村集卷八

語

君子以為食生不化弗善也即兩石先生亦以為李生文何語君獨勗勉之是在熟之而已後彭澤劉觀猷先生來為宰命題試士一見予文而賞異之謂且先蘇生鳴因以鄧潛谷先生函史手授予而君之以撫州貳守歸也橐中無長物惟史函經繹及潛谷集耳是劉先生之所以誨吾黨者也君好學深思治二載禮務為精熟丙子秋聞倅得而失之君不能無鬱鬱遂患疝自是疝弱骨見衣衣不復能豪飲矣而攻苦自如聞與竹浦及予論詩謂予李之風肆好而鍾譚之旨幽削吾於諸家取其長焉耳不必此之是而彼之非也自是二東諸君

子之為詩若文者皆屈指兩蘇矣壬午省試畢榜發子自往觀之而回君迎謂予曰子得之子予曰甚愧君君感而泣子亦泣竹浦至亦泣君自是益落落不得志戊子以副榜充貢辛卯謁選人得平陽別駕平陽大郡號為饒君溫恭自持不敢以廉加人嘗署太平聞喜兩邑篆去後人輒見思乙未陞河間府同知河間畿輔地稱難治君捕治宿盜大猾無所假借平亭大獄酌法衷情不為阿比掾吏洗手相戒每出入人輒拭目之曰是髯也短而癯殆不可犯督撫臺使者皆才君而重之薦剡屢上行且內移矣丁民部公艱歸庚子服除補江西撫

東村集卷八

五

州府君既早讀東鄉艾子所著書至則廣搜其遺文而與諸士大夫論學清操益著民話誦之有真不要之語值 覃恩授奉政大夫贈民部公馬太宜人如例君念太宜人老病將謀陳情歸養而以提舟應大軍不如數與同事者皆議罰當降調同事者或不平君釋然安之歸則侍太宜人色笑無違甲辰太宜人考終君孺子啼如喪民部公時也方君之罷撫州也予正蒙 恩旋里居先中憲憂君年四十六矣而未聞舉子子輒以書抵之曰君且歸矣君為吏廉而仁必已有子有子則以吾女妻之時果已舉子君於撫州署發書而讀之友人

江山黃子房在座相顧嘆異遂訂婚焉君長子鬻即君病亟所爲託子而欲子女過事其姑之病以理其家者也次子翼吾從叔庚戌進士南英婿也三子晬而殤於疹在君卒後君配丁氏封宜人故選郎念源先生女有婦德撫諸子如已出劍浦所著竹嘯諸集業已行世不復次贊曰子與劍浦少時猶及聞天啟甲子乙丑間事每私指數當世之貴公鉅卿謂富貴之幾何而甘以其身爲厲若念源先生之超然評論其賢於人遠矣及子備員史局編緝前錄益有感於啟禎兩朝朋黨交煽圖是日非民窮盜起馴致亂亡以爲咎在人臣懷欺事主

東村集卷八

五

欲綿周曆宜鑒有殷故不揣狂僭妄有論奏雖獲罪遠竄亦以不負吾友也子旣傷老友凋謝古道浸微後生來者不復見昔人讀書爲文之法事上治民之道予是以論而著之俾後之考文學吏治者有所觀覽焉劍浦又嘗謂予曰吾三佐郡而趨走於上官其賢而潔者無論已即甚有所誅求者予赤手侍不予索也臺使者與司理其人足以廢其官而其官終不可概廢劍浦之持論有如此者并以俟後之君子其以爲何如也

東村集卷九

霑邑李呈祥吉津甫著

行狀

內黃縣知縣繩河馬公行狀

馬公諱贊字幼參別號繩河系出扶風至宋有近者宦青州遂家焉至士能徙陽信五傳至思仁思仁生伯鑑並負雋才伯鑑生小溪公諱忭繇胄監任蘇州府幕累贈中憲大夫太常寺少卿是爲公祖小溪生心董公諱大儒己丑進士中憲大夫太常寺少卿前吏部文選清吏司郎中祀鄉賢名宦各有錄紀其事是爲公父太常

東村集卷九

一

公娶於吳止生公公生而英朗秀傑卓爾玉立書過目輒成誦爲文頃刻數千言尤嗜左國荀及諸家兼總條貫絕跡晤神以故筆端古潔靈艷無一人間烟火語太常公同部錢心卓吳繼疎梅大庾評其文皆以遠大相期許居嘗苦心葩經久而有會風雅之旨夫溫柔敦厚詩教則然公溫柔而篤信敦厚而穎達凡倫物文行語默出處咸冥契于詩其善以經術文性真如此以髣髴童子試邑郡皆第一補博士弟子員尋廩上庠自此大小試率冠諸士則聲藉藉海岱間矣於時齋中有芝產靈石上然不即脫穎丙午止列乙榜庚戌太常公以目

青誤服寒劑寢疾旬餘卒公哀毀殊甚經喪葬備盡誠禮大襄後積勞委頓幾至滅性公之居喪也不茹葷飲酒不與燕會不迓賓客始苦臥柩側已葬又臥神位側必三年而後內既除服又再泣璞歲戊午始以葩經冠二東列名第四出吳州范質公之門范爲海內冰鏡竟以台輔殉忠而總衡吳師每又一時宗匠信千里神足不伯樂不顧也後輯經書藝百篇問世又不脛而走四方是年九月爲吳恭人初度公遄歸而總衡使者學使者吳川相暨同年生八十人各以文爲壽蓋皆異數恭人爲展慈顏知更怡于舞彩也壬戌恭人病痰公迎醫

東村集卷九

二

都門日侍湯藥歲餘竟不起公喪恭人一如喪太常而遽疾亦不減恒思孑然一身何怙何恃陟彼岵岵瞻望靡及創鉅痛深傳症怔忡又春明屢擯家計蕭條其制舉業稍稍屏去乙亥以吳川相勸諭再三以爲丈夫志經世綰符半通無不可見者寧必涉迹瓊林始稱達道哉於是謁選得令內黃令三日宿怔忡微作即謂折腰困人如此遽乞休當是時洛諸上臺無不人人知公快得公者而濬曲周實逼內黃爲太常公舊遊尸祝地則內黃民又無不人人知太常公以知公快得公者交挽之且百計而公徑拂衣去不顧也既去則失宿怔忡乃

東村集卷九

三

知公不誠病直憶松菊甚即遲日八十餘若三歲矣自此日與邑士大夫清談雅謔輿會適然天下遂亦多事諸長吏憊且不測公方晏然泉聲酒杯間若閑鷗之窺溺於是人高公風難公哲云壬午信邑罹陽九戕掠殆盡公室巋然靈光祐殊自天而公不用自幸悻以憤若厭人間者雖杖能行然不以接人雖猶善飯表實不甘茲乙酉六月廿五日卒中風藥進輒眉却至二十八日辰時竟無一言而逝距公生萬曆乙酉七月十九日得壽六十有一將以今歲九月廿二日葬于邑之西原從祖兆也公心平氣和不設城府喜揮霍無苟取坐必端即抱疴未嘗不早起冠飾孝友天性事太常公吳恭人曲盡婉愉每事必請每嘉蔬果必先奉孺慕終身如一日唱隨誼篤室無媵妾待伯叔父昆弟雍雍怡怡初終無幾微忤見諸侄溫然笑語必相勗爲善嗣君一人督課不少假盛暑入侍整襟立罔敢懈偶從同輩遊歸趨少遲譙呵猝至過庭提命俱格言時時稱說漢昭烈善小惡小語以故嗣君壯孫文行與公一軌雖皆天授而公懿訓可爲世法矣尤重友誼於時名士無不知知無不禮禮無不盡間有負氣倚才人所不可嚮邇公結納愈殷曰若者吾得友之足矣於此而不竭吾情情惡

乎竭於此而不屈吾躬躬惡乎屈不惟是四方之能爲士者蓋一傾囊與意俱傾矣曰是亦吾友也輜之敢乎哉又不惟是凡昵而朝夕者奉之終身不色怠曰是獨非吾友乎輜之不忍矣蓋家大人蚤與公爲莫逆每爲不佞語交道至今日難言也如公者古俠烈何加焉御童僕必以恩然約束嚴無敢色于市者親舊窘乏笑獨必殫力周之于母族彌篤蓋公美度翩翩而內實淡素敏才恢恢而居恒謹約里閭過從忘其貴且賢爲人謀瀝心膽不啻已事弘獎後進寸技必揚解疑義辨古今娓娓不倦先是公自爲傳藏之以大燹逸今茲嗣君具

東村集卷九

述以狀徵以家大人莫逆故故雖不佞生晚又越在鄰境而得公行誼甚稔第推不文而謬當其職官敢有二事義不能辭然終推不文則亦惟是直公生平以俟世能管城不朽公者爾

鎮安縣知縣師文劉公暨配張孺人行狀

李子曰以予所睹記吾鄉蓋不乏隱君子也如章丘張元明陽信劉師文毛貴甫樂陵張伯器吾邑王慧卿周與之皆好古湛思澹於榮利然而身不離於畎畝名不通於都邑沒者已矣生者聞然豈不悲哉此數君子者今惟毛貴甫在耳師文曾一試爲令而輒罷人亦不知其爲令也面目嚴冷望者憚之至於叩門有求起人危疾未嘗不溫然長者可親也師文嘗謂予吾少年讀書歷下猶及見李于鱗先生手批左傳甚精細字折句解張元明亦嘗謂予吾將別錄李于鱗先生詩盡去世之

東村集卷九

五

所口實者而獨標其神韻使見者不知爲于鱗詩也予深有味乎其言倘以此求于鱗先生之詩若文即何至以影嚮形似爲于鱗先生詬厲也師文歿已數年今且卜塋次子明經泗瀾扶病謁予爲狀予泫然曰微子之請吾不能已予實知師文亦不獨爲師文悲也今按師文諱新國世爲陽信人考諱夢松字崑石以醫名歷下夢松父一孝明經教授篤道義嘗急友人丁司馬之難先達以詩贊之曰先生濯魄冰壺裏封識於今尚宛然邑乘載爲美談矣崑石配毛孺人爲邑中丞毛公女孫于萬曆十二年生師文幼而嚴重屹然如成人十七歲

崑石公爲擇名家女海豐張氏配之是爲張孺人未幾  
毛孺人病故師文痛不欲生孺人以笑笑新婦哀毀備  
至營葬如禮事崑石公及兩繼母皆以孝聞師文以內  
助乃得專力攻苦經史子集無所不讀已試輒冠軍補  
弟子員旋食餼崑石公心喜之曰其父醫人其子不且  
醫國乎况賢婦之勞將在于孫矣一時賢士大夫如邑  
太常卿馬心董德水程少司空王介清給諫楊休李憲  
副盧紫房侍御諸先生皆引師文爲莫逆交而執經從  
遊者戶外之屨滿矣師文亦日夜淬勵期一第以慰崑  
石公諸與師文交好者亦無不謂師文旦夕高騫也會

東村集卷九

六

崑石公病歿師文經營於外孺人拮据於內視葬毛孺  
人有加而師文痛益甚師文爲制藝岸然自異不逐時  
好爲識者所賞而棘園亦兩中副榜竟不得售或諷師  
文改圖之則慨然太息曰讀書爲文以明聖賢之指得  
失命也寧必有逢時之技哉且吾少失恃而升斗之養  
不逮於父冉冉老矣局促效顰下駒復何爲乎自是遂  
與邑憲副枕崖王先生放懷詩酒志氣愈厲繼遭兵燹  
田廬蕩廢貧不自給而不聞交諂則孺人之以也順治  
乙酉師文年六十矣以明經選授秦之鎮安令維時關  
中初闢寇盜充斥鎮安名爲邑而實無民可牧無土可

守師文寓山陽令大司馬浙閩制府趙公所因識直隸  
中州山東制府白公厥後大兵入關盜次第平師文罷  
歸乃辭趙公於山陽登太華讀古碑過三水訪文太青  
先生遺書與文俾天第五淑顏遊越三載始抵里與孺  
人夜闌秉燭相勞苦閉門却掃不預世事乞方者踵至  
則靡弗應也坦懷任真與物無競乃薑桂之性老而愈  
辣辛丑次子泗瀾例膺歲薦師文愀然曰吾家明經者  
三世矣乙巳春二月師文感疾孺人侍旦夕惟謹師文  
自書於鐸曰二十有七日果於是日終焉棺歛甫畢泗  
瀾遵疾幾殆孺人且痛且憂之泗瀾自治疾未及愈而

東村集卷九

七

孺人又繼師文逝矣泗瀾益治疾襄事將於十二月二  
十六日奉師文與張孺人合葬祖塋之次師文之志也  
謹狀

司馬大夫二瞻張公行狀

張公諱逸字二瞻濟南海豐人也其七世有諱英者自遷安徙居城東北之大流庄濱海因以鹽爲業英孫俊始入城習儒以貢入太學號柳阡居士柳阡生璜字玉菴嘉靖辛卯舉於鄉任灤州守調同州未任生叢楸叢楸生一元號似渠稱簡貞先生以公貴贈朝議大夫兵部車駕司郎中贈公生五子長諸生遵次即公次官監生連次武庠生逾次迴公七歲時遭母楊恭人喪哀痛不自勝體既弱性不好嬉狎贈公口授書皆成誦八歲就外傳嶷然有遠大之志矣十九歲壬戌補邑弟子員

東村集卷九

庚午以高等食餼癸酉以毛詩舉本房第二人三試春闈皆不得志庚辰歲大饑人相食公授徒下帷講誦贈公甘旨無缺也會丁繼母齊孺人憂哀傷倍於七歲時壬午服除癸未秋復下第先是其弟連隨大兵出關贈公憂念成疾公侍藥惟謹開解百端贈公竟不起公痛毀不欲生已而勉營喪事竣事後益肆力於學至丙戌以進士高等司理廣平時爲監司者墨而橫公持正不阿比監司固已心銜之矣會直指使者以公故人來公意且有幸也乃直指使者惡公本強不便媚更與監司合交排公公屹然不爲動剖決訟獄原情傳法抱牘吏

不敢名一錢上官亦心折莫能難者間爲民築防水壩利久遠禱蝗災致有秋丙戌成分考河南鄉試取榜首王贊等九人皆知名士廣平故有藩陽衛十八營額設軍地爲頃者九百有餘屬坐斥漳以供軍需兵燹後尺籍莫稽爲任丘臬贊所占據公廉察得實悉復其舊軍民歡若更生爲肖像祠焉司理雖與州邑不懸絕然體貴倨矣操長吏長短陰陽而進退之或且畏之若鬼神公推心所屬禮從其簡享從其薄以廣平屬邑吏起家者于今念之不忘公爲司理簿書勞攘顧時時念贈公詢知弟連無恙入居都門急拘俸贖歸兄弟抱首長號慟

東村集卷九

九

贈公不及見也恭事長兄候顏色問寒溫顧亦時時引大義相規勉撫諸幼弟煦煦而督課之不少假借戊子以治行優擢兵部職方司主事己丑晉本部督捕司員外庚寅再晉車駕司郎中公不求赫赫名而所職無不辦辛卯覃恩加服俸一級公父母皆誥贈如例無何以爭部郎禮失大司馬意指癸巳四月隨外謫矣予意是時以壇坫門戶奔走士大夫者二瞻既落落無所引附而泛然應酬縉紳間所笑謂迂濶無當者二瞻若以爲怠其爲玉菴公及簡貞公請贊頌詩若文孜孜不厭親相知者感其孝思無斁而亦有面應而心憎之者

夫夫也何不識時務也者予固不免二瞻即欲安其位得乎丙申六月補河東運副強之任分理鹽務慨然曰吾世業鹽而敢不殫厥心乎商頌其惠吏畏其清嘗一攝使篆得畢所欲為暇則修孝行書及族譜刻於署延師課子澹然不及其他庚子移福建延平府同知人莫不謂宜取道還里一別家而後行公不顧率一二僮僕由晉赴閩憑眺山水有世外思抵建平甫十日卒於官署子時已蒙恩還里矣公病且革獨語曰吾不得見吾親家翁奈何無一語及後事公二子皆殤以從弟子為嗣訓教二女俾知書循禮先是癸巳子獲罪謫徙關

東村集卷九

東公嘗以書訊予曰吾每得塞上書必盥手而誦吾女念阿翁冰雪中嘗中夜泣也子既至謫所有年自分旦暮死二瞻必收子骨乃予方生還而二瞻以遠宦長逝悲哉

封文林郎湖廣道監察御史恒瞻郝公行狀

康熙九年八月十五日定州郝復陽以書抵予曰今歲九月先大人之制且畢不孝孤浴泣將於十月之初舉墓事念吾子知先大人之深而先大人亦望子之切子其為狀以請於念東高先生為之誌墓以垂於後予乃發復陽所自述郝氏世系及恒瞻公行畧而讀之淚輒淫淫下傷哉予之無以自效於先君子也求復陽之一日不可得而復陽猶椎心泣血無以比於人之為子者何耶已而且泣且讀幾掩卷而後終之則又恍然重有感者誰使此竄逐之餘息得不卒填溝壑而又得列為

東村集卷九

編戶以可及於寢苦枕塊之餘庶幾螻蟻之知有父子者非

世祖章皇帝天地之大德

今上皇帝堯舜之至仁乎夫生悲其養而死悲其葬者人子一已之私也生無以養而與之養死無以葬而與之葬者王制天下之公也是安可以無述謹按公諱大鈞字聲遠又號恒瞻其先有成甫者當明永樂時自洪洞來定州愛唐城之深秀泉甘土腴遂卜居焉是為定州郝之始祖成甫數傳生虎字興菴興菴生汝卿字君鄰力行孝弟教家有法皆登上壽為鄉人推仰君鄰生

維榮字仁和是爲公父公爲仁和公仲子兒時機警軼羣授書輒了了十餘歲應童子試已能冠軍仁和公多賓客見公者無不聳然異之州守學博及真定司理爭以國士期公而公屢入場屋竟不能一售餽於庠既久例應歲薦公遂巡默讓適遇恩例得拔廷試上卷授別駕以公長子浴任湖廣道監察御史邀

世祖

章皇帝親政覃恩

詔封公如其官而公遂不欲仕矣

丁未春二月子聞復陽以役歸覲往訪之至唐城望其岡原逶迤溪水澄碧徐步而前公偉然侍於門予登堂拜公亦拜問復陽則曰兒浴以昨日偕友入山矣追可

東村集卷九

七

及也公遂館予于外室之西軒復陽所嘗寢處也每飯公必在公之子弟族姓姻友次第皆來晤一日者夜深人靜公自剪燭從容而詢予曰自兒浴之與子游也至以塞外爲樂土子以爲塞外何若予對曰吾初不識復陽自復陽至鐵嶺時值嚴冬地又極寒予乃見復陽坐臥一草薦又不向火已心異之既偶聚飲食復陽又獨不食肉歷春及夏復陽惟御一粗布被雖甚暑不揮扇子問之復陽久之始曰浴違家大人之教以至此也吾將以自責也復陽所爲室廬籬落皆有尺寸法度客至爲具必豐潔顧察其稚子忍饑凍不敢出聲一二僮僕

肅無譁子又問之復陽則曰浴家大人之治家固然也

復陽窮晝夜探書冊手自丹黃抄寫者數十種子勞苦之則曰此家大人之緒餘耳復陽顧以予爲可與語者子乃述所聞曰道可致而不可力索也克伐怨欲之行可以爲難而非仁也子其徐求之而俟其自獲持之過急或發狂疾已而同流穀友相繼物故剩人者以出世之學切由已之痛子輩所賴以匡闕救失釋縛解累者也而亦以病逝當是時也盲風怪霧慘日愁雲茂草黃沙陰房青火時見鬼形不聞人語子與復陽躑躅長號累歎氣盡計惟有抱石就沉耳豈其冀有今日公於

東村集卷九

七

是慨然起立淚盈睫不能下揖子就寢而罷唐城故有高原告利公攜子遍歷之有無人則問予曰子終以爲塞外何若也予曰吾居鐵嶺城之東南隅其西則復陽室也吾常引五歲兒登故壘而指示之曰自此而西南者千里而入關又千里而至山東則吾故鄉也吾家本山東人其府濟南其縣霑化吾旦暮棄骨於壑汝萬一長而有知其往求之蓋星辰月夕冰窖雪窟其言如是也語語如是也又常與復陽陟山巔望長河而謂之曰是荆棘瓦礫間有烟火井竈之氣不十年地其復爲邑而吾等且列爲編民得以例給符返故鄉而省老親



矣公又慨然長嘆曳杖而攜子歸及子與復陽追隨山間閱數十日而後返公益喜置酒高會兼招歌者而子見復陽侍公七箸每婉婉談醫理公欣然傾聽蓋公已微苦胃疾不復能豪飲如曩時矣子因是心動遂告歸公難于留子而又不忍遽別者則握手而丁寧之曰兒浴得常與子遊吾何憂乎子拜曰公善飯子必再至既別而子惘然如有失也戊申秋九月復陽乃以訃至曰先大人以七月二十日考終正寢子痛哭不能止則自恨悔曰吾之無以爲子也而又無以勗復陽之爲子也公事父仁和公孝先意承志備極色養早失恃一夜誦

東村集卷九

四

毛詩渭陽之篇且吟且痛至達曙不知曉讀古人書思見之行事則取古大臣立身致主之偉節編爲四卷曰同然集公學務有用其大者察天人去留之理慎於事先而能全家以遠害細者米鹽錢布下至漱裳褰屨皆井井秩秩確可循守是以豐儉適宜而用不匱子侍公語時偶及舉子業公曰鄧定宇陶石簣兩先生文吾所服膺也吾少以文受知於州守大司馬壽昌陳公學傳嶺南韓先生又以訟至郡時大學士少傅安丘劉公爲司理立雪予寬而獎借之吾既老不能報三公吾之子孫其世世勿敢忘公有才不獲展凡所以忠君報國者

盡以勉勵其御史子御史以職分獲罪公殊安之獨至同流者先後各有以自贖而公之子仍留公實不能不鬱輜于中其慇懃而詢子者殆以此也臣之事君無所擇於地而父之念子不可解于心也公性剛急然敦族睦姻從無間言御僮僕嚴而曲恤其隱爲小園於宅之南草亭危橋種竹藝花衛源孫徵君鍾元來過每留飲其下坐石床究白鹿鵝湖之旨公亦常以此理詢子子曰學有本原而道無同異譬之飲食其滋味也知味者忘言矣公頷之而已公生於明萬曆二十三年乙未正月二十二日卒於康熙七年戊申七月二十二日享年七十有四復陽之自述者既不敢一字諛其親而予親見公之爲人即不足以知公而亦不敢阿也竊謂公與古之有道君子何多讓焉謹撰次如右

東村集卷九

五

署曹州學正孝廉竹浦蘇君行狀

君諱毓眉字遵由號竹浦其稱可園者以園也六世祖倫倫生達達生九韶九韶生振業以諸生贈承德郎戶部主事是爲君大父贈公教授里中門下士彬彬矣仲子兩石先生諱夢龍萬曆乙酉舉於鄉歷任戶部郎中初娶周氏贈宜人生子胤眉繼娶陽信馬氏封宜人生君次生本眉則劍浦也予既表馬宜人之墓而傳劍浦矣今復爲君狀豈不悲哉君生於萬曆壬子十一月初二日申時甫四歲隨兩石先生於洪洞學舍始授書而能勤不煩呵責也旣而隨父宦京師長而歸娶爲子曾

東村集卷九

去

伯祖方伯公仲子穉止公女與劍浦同入邑庠文譽日起顧好爲詩有竹嘯詩鹿場草又學畫於江山黃紫房君旣勤攻舉子業晝夜矻矻不休間或吟弄花鳥揮染烟雲大者萬壑小者拳石吮毫潑墨手營目運子與劍浦或旁笑之君自若也屢入秋闈輒不利壬午榜發君與劍浦執子手洒淚爲別順治乙酉君中副榜與膠西法黃石東萊錢伯衡諸君子聯社論文已而入都謁故宗伯王覺斯先生談讌賦詩安石寄喟於絲竹牧之抒愁於覺夢君亦無不預焉辛卯九月君時失意予拉之南游有半船詩江南游記甲午君年四十二矣治戴氏

禮久不售是秋乃以義經見收乙未試南宮復不利丁

酉丁民部公憂庚子李孺人卒辛丑禮闈初場已見賞於主司矣又以二場罷遂乞教職偕友人往浙初有湖山尋繼有兩浙一覽詩癸卯讀書膠州硯山六閱月甲辰不第再丁馬宜人憂予時在里得弔君君齒長矣而猶孺子泣丁未不第有和陶飲酒詩先是君築可園於城隅草亭數椽竹樹環之四方之友至題咏滿壁子獨愛新城王西樵考功所爲詩每向君曰近體固以法勝以格工若其寫難狀之景於目前餘不盡之意於言外如西樵者幾矣戊申六月選授曹州學正曹故大郡士

東村集卷九

七

子習君名固已心服之而君至降顏撫接曲爲誘掖且善事上官裨贊守長歡然無間久久益欽悅凡政有所不通事有所難已必以詣君君泛應之無不意滿其大者如修學宮輯州誌課諸童子咸嘉賴之至於縑素請丘壑與詩古文詞日踵相接君樂之不爲疲也曹產木芍藥花時徧歷園圃一一取而名品之於是有乞齋草牡丹譜癸丑不第旋里劍浦已於二月病故矣予逆君於西村相抱而哭遂回曹有哭劍浦詩自是鬱鬱有失顧不自稱病乙卯秋八月以公事至省泛明湖眺華不注慨然有千秋之意予聞而欲往晤之君則行矣君

與人和易語笑煦煦而中實介然落落齟齬廣文官冷  
不無俯仰於人而君之治生纖嗇亦時以屢空爲嘆今  
春病不能上公車子亟以書解慰之曰飲水行歌安往  
而不得吾貧乎意望其過里也君不能來長子往侍疾  
君病亟猶力疾爲遺訓詩以囑之於死生之大故人事  
之幾微有達識焉以君之淹雅多通游道益廣而位不  
酬志困於青氈然當世之名公卿多識君者則君之所  
挾持豈僅一詩人而已乎夫詩亦難言之矣少年蓬氣  
溝澮時盈及運往志盡水涸木落雖求一語亦不可得  
而君以垂沒之頃出見道之言即君之所得於詩不既

東村集卷九

六

深乎君之遺詩有曰我生無可狀志傳何須有必欲乞  
鴻文煩吾寒素友夫寒則未有如子雪窖之殘人者也  
君之子既述君遺命俾子爲狀而曹之諸子弟員亦欲  
速予文以志勿忘予是以按君所爲紀年感慨流涕而  
序次之若夫志有道而無愧詞表通德而傳新句豈不  
在於素心之友也乎所著有易綱春秋彙語多識篇彙  
雅古今將略怪異聞見錄可園醫方鏡俱藏於家刻有  
竹嘯詩鹿場草吹草半船詩和陶詩湖山尋雨浙一覽  
詩可園記並詩乞齋草曹南牡丹譜君卒於康熙丙辰  
五月十四日午時距生得年六十有五謹狀

巡撫廣西等處提督軍務兼理鹽法都察院右副

都御史加四級復陽郝公行狀

公諱浴字冰滌又字雪海後自號曰復陽先世成甫公  
自山西洪洞占籍中山之唐城遂爲定州郝氏八世而  
至通議恒瞻先生大鈐辛卯恩貢考授府通判不仕生  
二子長即公次涖候補內閣中書公生負異才年十五  
六即高自期許有澄清當世之志抗懷古人視庸輩不  
屑爲也刻苦向學無間晝夜寒暑嘗於中夜沿河徒步  
庶幾一遇異物如所謂黃石公者丙戌領鄉薦己丑會  
試中式賜進士出身次年授刑部廣東司主事兼攝浙

東村集卷九

九

江司郎中篆務爬梳積弊老吏歛手言論風采傾動一  
時大司寇寶雞黨公宛平劉公皆器重之辛卯

世祖

章皇帝親政甄別臺班奇公才以部屬改授湖廣道御  
史秋七月奉 命巡按四川當是時逆賊吳三桂握重  
兵封王爵徂養寇之故智蓄擅衆之狡謀外效驅馳內  
懷觀望以致賊多於兵兵多於民巨寇劉文秀等既盪  
踞滇黔而東西南三川亦屬草竊所存者川北一區耳  
有司皆營弁委署公微行採訪廉其情實以柱後惠文  
治之吏悍民蘇兵將始知顧忌先是五年大荒撫臣請  
給民牛種以贍目前其後每一牛起租八石遂歲運至

軍前烏道輸將人牛俱罄川民同聲哀籲撫臣噤不敢出一語公特疏請豁

世祖

覽奏立賜豁免武弁董顯忠等四人以投誠題授司道目不識丁剝削殘黎惟三桂之所願指公疏請改還原職以副將用壬辰二月三桂統滿漢大兵東西兩路進至川南屯劄軍無紀律結隊脫逃肆行劫掠又憚公綜覈陰令各路不發塘報公具有逃兵劫殺及移會中止等疏以發其奸及八九月間兩路兵敗東西川俱失三桂等棄川北不顧退至綿州將回漢中時方補行辛卯鄉試公監臨鎖院官吏士子有事場屋者皆倉皇思竄

東村集卷九

三

公密檄大將整旅環守急令司道安慰逃卒且聲言秦兵大至以鎮風鶴暇時仍為士子剖析經義雜以諧笑遂連場並校得士七十有一人蜀省開科盛典自此始也聞中例不拜疏公以事關封疆特疏題叅隨遣健卒星夜賁啟要請大兵於梓劍迫之以不死於賊必死於法之語仍慮寇深路阻一晝夜七次移會踵發要其必歸由是兩路兵始回劄保寧意猶遲疑公面為拍授戰守之策有進步法無退步法譬曉竟日始決計固守十月賊從綿州一路尾至保寧踞錦屏山沿山放銃據險憑城勢張甚公與司道議事城頭火矢藥彈時時從耳邊

飛過蓋毒皆碎不為動賊復潛兵夜渡嘉陵江遶出城後公巡歷行間激發忠義十一日滿漢兵背城迎戰無不一當百賊衆殲焉文秀走免遂以大捷聞據其所以勝者三桂初非不能戰也彼蓋以滇黔之孽不靖則秦蜀之甲不解專制漢中坐食餽運財賄日積羽翼日廣右臂以撼峭函左足以窺襄洛冀投間而抵隙耳

世祖

手定太平四川久無成效見公年未三十區畫備有條理且奏事以實因勅以收拾全川之實着詳細奏聞隨拜緩策西南急策西南二疏奉有緩策急策俱有可採之

東村集卷九

三

溫旨詳在蜀人哀輯錦江疏中他如禁土豪擾害驛遞革有司無名雜派等疏痛切直陳川民至今感頌

世祖

以保寧之捷頒賞軍前聽三桂酌量賞給併賞督守城池巡按御史公以三川陷沒得不償失又賞從藩貽特疏懇辭奉有

俞旨

公既事事與三桂抵牾又密疏言其跋扈狀三桂恨無所泄乃陰令董顯忠入都摘前疏目不識丁之語具呈展辯賄通胥吏自謂識字公遂以顯忠之故降一級調用矣七月入京復命十月旋里侍養父母幸庶幾得在膝下矣甲午春二月安厝大父公於祖塋祭

葬儀節致哀盡禮適湖北撫軍缺大學士涿鹿馮公溧陽陳公大名成公武進呂公掖縣張公五閣臣合薦公才堪大用疏內有挽回大兵固守保寧收兵措餉轉敗爲功文武才猷一時僅見等語三桂深啣舊恨又慮公將柄用憚汲黯之在朝廷乃撫拾前疏指爲冒功必欲置之於死

世祖章皇帝洞察始末特從寬宥流徙盛京安置時六月初一日也是時三桂逆節未著

世祖若以公之薄譴專其閫外之寄實以公之盡言杜其不軌之萌古所謂強藩悍帥其始也以臺諫折之而有餘

東村集卷九

三

其既也以干戈取之而不足者固已早鑒而預防之矣九月至奉天僦茅屋數椽以居編籬爲門予與刺禪師往過之坐語移日不聞人聲公痛懲猛省至奮身自擲皆人所不堪兩子方孩幼督責甚嚴子與刺師每從容及之公之義方宜也獨不慮堂上兩老人聞之乎公垂涕以謝然亦不能改也時同流諸公與刺師往還無間師恒舉東坡先生語譬如原是嶺南人以相開釋迨己亥秋杪刺師病亟子與公守視之因問曰師有何未後句師張目曰吾思吾嶺南耳嗚乎出世之人初不達於人情而臣子之罪何所解於君父也公之學則殫心於

易由兩程子以上邇於孟子手所纂記積數十帙間以示予予曰孔子以前作者備矣故曰述而不作由孔子而來至於今述者詳矣是當讀而不述所謂江海之浸膏澤之潤渙然冰釋怡然理順者尚其優游以俟之凡公之致知格物洞悉當世之務者得於冰雪之中爲尤深戊申秋公聞通議七月二十二日訃音一慟幾絕適以民例請假奔喪哀毀骨立祭葬一準古禮予往唁之遠近會葬者數千人事畢復返鐵嶺辛亥

今上幸奉天謁陵公獲覲

天顏具陳蜀中前事奏對詳明音吐洪亮侍從之臣相顧太

東村集卷九

三

息有泣下者

上勒馬改容而聽

溫綸慰勉有你是讀書人豈不明白之諭勅下部議偶

以他故有阻自是公絕意西歸曰吾生平心跡既得昭

雪於

聖人之前吾即老死大荒無恨矣九月二十三日母張太夫

人訃至慟有加益不欲生蓋自公出關以來每夜必拜禱於天以祈高堂雙壽而不意兩抱終天之痛至於斯極是冬再請假奔喪一如葬通議公禮哀毀莫支公自是病而予亦不得復見公矣癸丑冬吳逆背叛騷動各

省甲寅春刑科給事中棠溪劉公首疏題薦謂公功在蜀疆宜及時進用三月奉

上諭三品以上官保舉人才前大司寇蔚州魏公時為順天

京兆力薦公謂學識才守皆所弗及又曰三桂之所仇

正

國家之所取大司馬今內閣宛平王公亦具疏保薦謂公能果敢任事精白一心乞破格召還部議俱未覆允時皇上銳意人才益心識之矣乙卯蔚州魏公晉少司農再疏保舉部覆仍執前議奉

特旨郝浴着免罪取回錄用時間五月十三日也計公自

東村集卷九

五

甲午受謫至是已二十二年矣是歲十月仍補湖廣道御史公齋沐積誠熟籌詳慮首言 聖學聖心為勘亂大本兼請召對閣部諸臣商確利弊緩急以預事應變且言休養百姓正為裕餉破賊之本因條列四事時平涼鎮臣王輔臣受吳逆偽劄跳梁秦隴間全秦為震公疏陳各路固防進剿方略尋掌陝西道事疏請督撫提鎮坐名題補現行之例宜止河南山東漕糧買運宜停布政司新舊交代宜清至捐納知縣一途尤宜早罷清仕路實所以安民生也章數十上業次第施行矣其事開軍機不當宣洩者輒密疏以聞人莫得知丁巳八月

奉 命巡視兩淮鹽課戒裝就道既入境條陳鹽政五疏奉 旨九卿詹事會同確議以行自是私販屏絕百廢具舉相沿陋規為之盡革詳在淮政集中戊午秋一年差竣例應更代奉

特旨郝浴巡鹽稱職着再留差一年公悚惶具疏懇辭復奉有才品素優巡鹽稱職特簡留差一年已有成命不必控辭之 旨尋以增課議叙兼太僕寺少卿是歲維揚各屬大饑道殣相屬至有閉戶自經者公慨然割漿首賑諸商倡義捐貲開設六廠頒示條約依次授殮肅然無譁計五閱月又於通奉淮三司分發米三千石適

東村集卷九

五

賑二十七場賴以存活者數十百萬傳於捐賑之書已未自春徂秋旱甚河渠皆涸鹽艘沮梗公親履各場設開引水畫地授工凡月餘乃得展期竣事累年所存羨金罰贖悉歸公帑各商捐挽者三捐課者七約增課六十餘萬兩五奉實心任事深為可嘉之褒五月奉

特旨陞補左僉都御史未閱月再奉

特旨陞補左副都御史庚申春復 命抵都履副憲任諸所條議如考選科道舉核部屬部選宜用正途捐納盡應停罷諸逆漸平內外俱宜安靜至流徙烏喇永行停止公力持其議得如律著為令是年粵撫竹君傳公援

勦入滇遇害貴陽

上以粵西新復爲滇黔楚閩咽喉必資才望重臣彈壓因

特簡公以往辛酉春 陛辭召對便殿問所欲言公既條

析粵中事宜及優恤秦民因謂畿輔根本重地宜厚加  
培護蓋以元臣海口萬戶之制可酌明臣潞水客談之  
議可採水利可興漕運可減樹畜教養之政可舉化行  
俗美之效可期固將推廣言之未及竟也欵奏移時

天顏開霽首肯者數四隨 賜厯馬鞍轡啣 命車騎就道

抵桂林受事時城中皆故藩家口埤堦之外蟻附而羣  
行者盡孺僮也有司率投誠委署吏治茂如民困待蘇

東村集卷九

三

公乃審察其貪婪尤著者糾劾十數人各屬始稍知潔  
已奉法隨陳調劑粵西四事謂虛糜之馬宜汰添設之  
兵宜裁要害之設防宜豫撫提之精銳宜簡

上是其議悉聽該撫酌量區處自是全省屹然以定公慮所

裁冗兵流落嘯聚乃捐米七百餘石資其口糧更遣官

沿途押送遂免他虞定藩舊旅奉撤歸旗其有貧民投

靠傭贅者預爲題請察釋及遣發時日與部堂麻公都

統包公審定去留一秉至公滿漢稱便遠近晏如粵西

灘高水淺船止三四輪一入楚江多至覆沒公力請照

永州接替舊例交卸又滇中班師劍由黔楚時黔省以

供應不給欲假道粵西公力言粵西從無郵傳萬難供  
億兩疏皆蒙

俞允壬戌部議以方隅牧宰各省撫標應全裁以節餉公  
特疏請留謂巡撫常有軍務之權標兵之設則提鎮參  
游而下無事不有開通無人不有範圍訓練調發居重  
御輕是納武怒蹶張之氣於規矩準繩之中所謂文恬  
武熙真正太平也

上可其奏勅九卿會議爲留一半他省亦如之二月補行辛

酉鄉試公職任監臨手自擘畫條約衡文主司公慎自  
矢獲雋三十人冠帶衣履公皆資給之鹿鳴之歌彬彬

東村集卷九

三

成禮西粵人文由是奮興後爲建立書院以處四方之  
來學者兩廣總督金公解任回旗移篆相授公疏請別  
賜裁酌不允勉署旬日爲前撫馬傳二公建雙忠祠

請卹殉難潯州太守劉浩平南令尹周岱生他如傳鼓  
鑄留學租改米徵銀等疏皆先後報可公以衙署西偏

藩口所遺廢屋一區因陋就簡更爲小圃即以因而名

園公餘吟咏坐臥其間丹黃舊史著爲史斷及門爲梓

其南征詩百首公顧而咲之風雲月露固非其志而公

亦以艱辛劬瘁畢智盡力年未至而慮已耗矣瘴癘侵

蒸風疾間作時患瘡癰乞休之疏屢繕惟以粵疆新造



正須綏輯

君恩深重未敢言歸癸亥閏六月瘡發於背日漸加劇七月十一日伏枕草遺疏自陳病勢危篤乞早簡賢能代理疏既發偃息床褥間惟以

君恩未報爲憾無一語及家事十五日洒然長逝距生於明天啟三年癸亥享年六十有一先是傅竹君統兵恢復需餉甚急奉有不拘何項錢糧儘其動用之旨故或軍餉不繼輒那移借貸以應及傳被陷貴陽公初履任校閱案牘傳所那借未經扣除者多支銀七萬餘其孤孀以遺累未清日夜泣訴公爲數請於朝以庫項扣

東村集卷九

宋

抵又是時大兵凱旋親王重臣雲集省會及藩兵家口移送旋京所需舟車糧糗浩繁加以南寧各郡大饑部議令地方官設法賑救嗷嗷待哺者立填溝壑公不獲已暫動庫存羨金濟一時之急未及補足而公遽不起其後署事者乃以庫項虛懸莫可究結者盡以屬之公部議革職追補矣甲子 月部議追奪誥命奉

特旨寬免乙丑 月復奉

上諭將所追補銀數全與豁除丙寅公仲子林以公櫬旋里

具疏叩 闕恭謝又奉

特旨復還原官嗚乎公於是始爲全人

國家之待公者恩禮至矣方公之按北川也所指摘者深隱識者以爲防微味者以爲激變倘非

世祖章皇帝恩同覆載獨賜生全雖曲突徙薪而何暇策後效迨公之撫西粵也所布置者濶疎信者以爲經費疑者以爲侵那倘非

今上皇帝照並日月疊加湔洗即飲冰茹蘖而誰與理前勞斯蓋

主聖臣直之殊遇錄功賞諫之盛事漢唐以來所未嘗有也公天性孝友篤厚人倫深沉雄駿曉暢古今盱衡抵掌雅以經濟自許憶與剡師煨榻拙度寒宵予嘗曰人

東村集卷九

完

之精神有所用必有所不用人之營立有所成必有所不成是其所得爲者人也其所不得爲者天也禪師太息向公後當事任其將有味於斯言迨於今公以二十餘年之寒塞生入玉門六千里外之瘴鄉魂歸丘壠所謂問白帝之眞源眺祝融之出日銀崗書院之聲磬階梅花之什復何有哉予是以感痛俯仰漬筆流涕而不能自己者也當公歿於官署相守視含殮後以庫項身受追比林洒血呼籲撰述公之行實將請銘於巨德大夫謂予與公患難之窮交以狀爲屬予七十殘年煢然在疚蕪陋無文哀不容辭詳爲論次上之史館謹狀



墓表

封太宜人蘇母馬氏墓表

子友撫州貳守蘇君季子偕兄伯子其猶子從介友捧幣造子而請季子手所爲母太宜人狀再拜稽首涕而授子曰先太宜人合塋於先大夫有日矣惟是壙中之石以累吾子以子之不爲諛也子蹠而謝受狀而卒讀慨然有動於子心也會予訪友人於中山歸則季子再過子手一編相示曰吾仲今且病方吾仲之在公車則法太史黃石方伯公爲母誌成矣請子表母之墓子遂巡而却俯而思季子作而言曰固也表母之墓非古也

東村集卷九

三

雖然將以從先大夫也表猶誌也子於是按方伯公之誌以叅諸狀而述之母姓馬氏陽信馬公女家世貴顯文武閥閥母獨以婉順著閨中年十九歸奉政大夫前民部郎兩石蘇先生先生時爲孝廉不謀食母以名家女未習爲婦也而甚能于婦封翁承德郎劉太安人心喜之曰新婦賢必大吾家兩石先生前室周太宜人遺孤纔二齡母未爲母也而慈於母孤長成是爲伯子胤眉今年五十有七矣每念母未嘗不孺子泣也母自舉仲子毓眉季子本眉愛惜備至而課其誦讀不少假仲子甲午舉於鄉季以明經起家平陽別駕所在以廉正

聞即吾黨推文章大業者必曰季子仲子猶二蘇也兩石先生司諭洪洞邑故多才母以酒漿佐首藉門下士於今不忘也先生內轉間曹長安珠桂母不以客至爲難先生偉軀音響如鐘博通練習當戎寄者欲招致爲要官先生澹然謝之曰吾有鹿門之助在先生以民部屬司餉於代太宜人管內鑰肅如也先生以註誤謫官於秦尋謝職歸田太宜人無愠於色惟具雞黍時邀老友爲眞率會以娛志焉先生好奕則棋枰具先生好書則筆硯偕先生晚得風痺則手製衣進食扶持行步口嘗藥餌先生偶恚不怡則婉言以釋如是者殆十年兩

東村集卷九

三

石先生旣捐館太宜人痛念不衰時時匡坐呼子若孫而稱先訓以廸之淚盈睫矣太宜人無女而女諸子婦操作敬戒以身爲率下逮女奴俱嫻儀度季子旣由平陽佐河間郡去里門數舍而近迎養太宜人太宜人笑却之吾自弄孫無涸涖薄宦爲也仲子久爲孝廉太宜人猶勉之如諸生時季子補任撫州太宜人意遠之終不尼其行也會子還自塞外以數行抵季子曰以吾子之善病而能貧寧須車生耳乎然吾聞仁者有後子必有佳兒請以弱息字已而皆如其言季子歸而攜兩孫以見太宜人太宜人大喜過望勝於增秩賜金也太宜

人素康強無疾偶感滯下遂至危篤長逝之時怡然不怖嗚呼跡其始終可謂賢矣子與蘇子姻親累世里閭比隣垂髫之交迨于白首責善規過今昔無異相怨相尤庶其免乎謂非太宜人敦龐醇淑之氣有以化之然耶是以不辭表母之賢以彰兩石先生之德爰紀古道以爲世勸焉

東村集卷九

五

王鶴占先生墓表

康熙辛亥秋九月二十六日鶴占王君病歿年六十有七子往哭之君之二子號而請曰先人有治命其以墓表累吾子會范仲亮爲君傳旣成君之二子將請志於施硯山侍御而以予文爲介君之墓雖未卜日而念君之囑不容辭也君諱嶙字立萬嘗顏其室曰占鶴塢故終稱鶴占焉君舉順治丙戌進士授青浦令邑初附而糧額重兵燹之餘胥吏得上下其手弊叢集如蠅毛君旣受事察知其狀銳然欲引繩批根一振舉之諸所張設具有次第是時禁網疎濶令猶得行其意君興學造

東村集卷九

五

士勸民善俗藻鑑人倫甄拔俊異亦不沾沾以簿書操切爲能也居青浦者三年且見召矣會君母馬太孺人卒於官署君遂謝邑事扶櫬還里君旣葬太孺人而青浦吏之以撮借見謫者且連染及於君當事者皆爲君白之君以一舸艦溯而南復以一蹇馳而北事得直而君竟坐是困矣庚子冬予還自塞外君來執手相勞苦予間謂君曰吾與君今日者有桑梓之可依爲太平之幸人獨不記公車蕭寺抵背一榻夜半歌呼時乎今日者亦云足矣遇不遇命也何必戚戚哉然顧視君眉宇意未盡釋也自是歲不數見君即見君亦不復能深語

君遂病久之遂不起君爲人長身巨目顧盼偉如孝友  
修潔耽書好古自爲諸生有志當世攻舉子業簡確精  
悍其以麟經魁於鄉猶射者之指的而命中也無論君  
自負其才不止於爲令即一見君者亦必不以令限君  
也而君卒以令困豈非命歟嗟乎彭澤陶令曾無三徑  
之資桐鄉朱祠稱有百年之慕君之爲青浦也當官旣  
未竟其施拂衣又不遂其懷形神之所勞敝疾疢之所  
纏綿人之云亡能無慟乎假使君得竟青浦之治入列  
郎署或爲臺諫志意可以發舒建監必大可觀寧至鬱  
鬱以歿若此耶予是以揭而書之曰青浦令王君之墓  
式而敬也

東村集卷九

書

而東村老民李

爲之表庶過而見之者不獨以君

之不遇爲可悲而老成典型如君者是固鄉閭之所宜

東村集卷十

霑邑李呈祥吉津甫著

誌銘

贈奉政大夫寶慶府同知巖石羅公暨元配孫宜

人合墓誌銘

吾邑著姓有水交頭諸羅子先大母所自出也其以素  
封稱長者惟故泮右公其貴爲大夫聲施未艾惟今郡  
丞公一日者郡丞公造敝廬而請手所爲父贈公與母  
宜人狀俾予志墓中之石子遜謝再三愧不能文而終  
不可辭謹按狀羅之先世當明永樂時自棗強遷於茲

東村集卷十

一

土水交頭去城數十里而遠以漸於海遂以鹽爲業有  
諱璞者始入城治麟經教授生徒以明經選浙江處州  
府經歷璞生繼良繼良長子綬即泮右公所謂素封長  
者也泮右公以布衣起家未聞習計然之策徵貴徵賤  
之術也而身操作屹屹早夜旣以自潤而施及族黨可  
不謂賢豪間者耶泮右公子三人長早逝次諱泰巖  
字岩石是爲贈公再次諱泰峙庠生贈公幼而穎異泮  
右公爲延師授書書一覽輒不忘早補邑諸生娶耆德  
孫公大梁女是爲孫宜人一室之內相敬如賓事父母  
惟順待兄弟惟和明萬曆丙辰歲嘗大侵人相食贈公

啓泮右公發其困藏以飼餓人是歲有劫盜百餘過贈公之廬相戒勿犯曰此羅公家父子長者贈公文譽曰起顧困於諸生鬱鬱不得志郡丞公少長即自督課之甲子秋往視郡丞公於省試冀其捷也郡丞公鍛羽歸贈公意怏怏不快者久之遂病病至十餘年甲戌冬贈公病至亟呼郡丞公而囑之曰吾其已矣爾大父大母在婦而爲子者惟若母母而爲父者惟若母爾何以爲大父大母子也者爾何以爲若母子也者爾何以爲吾逝者子也者遂逝維時泮右公翁媼老矣未幾俱病病且相繼逝矣宜人拮据治喪先後如禮至捐簪珥售膏

東村集卷十

二

腴無幾微見於顏色叔弟析產惟取其薄者理家政以嚴畫方則方畫圓則圓內外步趨皆有尺寸米鹽瑣屑不爽毫髮郡丞公雖獨子不少假借教女如子撫婦如女蓋自贈公捐館而宜人茹荼含藥三十年如一日也迨歲辛卯郡丞公以恩拔考職通府急於祿養改授河南按察司知事迎宜人至杞宜人心喜謂郡丞公曰賴爾祿吾得與爾朝夕也丁酉以覃恩贈公始贈承德郎河南按察司知事宜人始封安人郡丞公勤職罔懈陞湖廣寶慶府同知宜人意遠之謂郡丞公爾官則遷爾母則從此辭矣郡丞公長跼撫床涕泣曰見且罷去

隨母歸田里宜人曰爾不記爾父嘆一命之不需耶東西南北豈爾母所敢私郡丞公於是侍宜人抵舍意遲遲不欲行宜人色喜趨之曰吾老猶善飯爾有程期不可緩也惟爾是官職在捕盜夫盜之捕本以安民非以害民爾其記之郡丞公拜受命既至寶慶奉宜人訓銘於几案弭盜寧民業有成效矣辛丑再遇覃恩贈公贈奉政大夫寶慶府同知宜人晉今稱云先是庚子冬十月予小子蒙恩還里宜人來命予前手而諦視之且問予年因泣而言曰汝兒時汝伯母王氏貧乏不能自存汝牽衣長號語娓娓不休吾嘗念之如昨日事今

東村集卷十

三

汝年四十有四汝伯母之墓木不知何向矣是時予微窺宜人神王無恙然語次及郡丞公未嘗不淚交頤也宜人念郡丞公甚疾火症作遂於是年七月十五日終於正寢訃至寶慶郡丞公痛毀幾絕徒跣奔還苦塊中爲狀數千言歎然若有遺也予乃節而志之如此銘曰木必有本水必有源其始勿遽其徐乃蕃修德秉義隱約無言惟天陰陽大啟後昆馳以好爵寵貴陞門森森桂玉綿綿子孫白首伉儷相見九原襲其安土純嘏斯存

奉政大夫分巡嘉湖道浙江按察司僉事青芝王

公暨配張宜人合墓墓誌銘

公諱支燾號青芝濱州人高祖勝生八子季名允是為公曾祖以子貴累贈朝議大夫山西布政司叅議配汪氏贈太恭人生子學書號鳳坪隆慶辛未進士歷官僉都御史巡撫宣府勲著國史德載邑乘矣配鄭恭人生子二伯家楨明經早世後贈奉政大夫禮部儀制郎是為公父配張氏贈太宜人無子助造蘇太宜人是為公生母仲家植萬曆甲辰進士由庶常官翰林院編修世所稱直齋先生者也公生五歲而贈公歿於滄州之旅

東村集卷十

四

次公以孤僮迎喪執禮如老成人見者皆嗟異焉兩母撫公形影相弔編修公授書課讀攜之京邸每視公而嘆曰吾兄祇此子耳吾有子二然能成立繼先志者其吾兄之子乎歲至庚戌秋七月編修公一日呼公名及二子曰吾其逝矣既歿案有遺詩云病後操刀尋藥裹愁來吮筆著遺經一門節孝今如此風雨何人弔洞庭公是時僅十三歲耳歸里後刻苦下帷十七歲娶州望族張氏是為公配張宜人宜人有婦德歸公後奉兩姑無忤色無違言女紅機杼與公吟唔讀書聲夜半恒相聞也公既補博士弟子員旋食餼丁卯冬張太宜人咸

病且革公致哀備禮視迎贈公喪時有加焉公自是閉

戶制舉子業入棘闈者數矣癸酉始舉於鄉丁丑冬蘇太宜人屬疾竟不起公之侍醫藥以至含歛如事張太宜人其慟兩母以念贈公則三日不食幾滅性矣公少失父長又失母惟編修公趙孺人在公事孺人如兩母孺人亦視公如已之二子也公與兩兄弟連床風雨論文和詩同胞無以異也癸未秋八月舉南宮進士高第例選司李授河南衛輝府未及任甲申 皇清定鼎赴部改選除河南南陽府公於九月單騎之任因自矢曰吾職在理刑必期上協天理下合人心以無忝於祖若

東村集卷十

五

父南陽兵燹之餘所屬二州十邑鞠為灌莽遺黎鼠處人無固志公既受事敬禮僚長無傲容接州邑長吏一以誠人謂寬然長者也至於辨唐縣誣獄及申雪州守邑令武弁之疑事於臺使者前則反覆抗執雖被譴訶不為動甚則冒暑星馳面為剖析必得白乃已公信心質行非求報於人也顧以是見知於上薦剡屢及庚寅九月入為禮部主客清吏司主事辛卯春

世祖

章皇帝親政覃恩 誥贈公父承德郎如公官公母贈太安人妻封安人是秋八月以儀制司員外郎分較京闕得十八人多知名士是歲冬張安人病于京邸子黃

瑞侍安人囑之曰吾與汝父食貧作苦以至今日吾既無以遺汝輩汝外家寢無人異日者汝勿忘外家墳頭一陌紙即不忘汝母矣於十月二十四日遂逝癸巳遷儀曹正郎又遇

太皇太后徽號覃恩

誥贈公父奉政大夫如公官贈公母

太宜人公在部蒞事三載勤恪稱職甲午夏六月推陞浙江按察司僉事分巡嘉湖道冬十二月履任是時監司分巡猶稱兵憲公整飭武備勸課農桑早夜勤渠細務必親嘉湖多士大夫公所與往還必民生吏治之相規切者也乙未春三月海上傳警羽書狎至公督兵追

東村集卷十

六

勦擒賊獲級冠勢遂衰會王師南下說言釋騷公儲侍無缺兵至帖然民皆安堵海鹽吳山民刻石頌功誌其實也丙申夏奉撫軍檄與湖州道會勦天目太湖諸賊公在行間與士卒同甘苦凱旋奏捷因受蒸濕病癘幾殆十一月齋捧

萬壽表入

賀丁酉正月抵都水陸舟車冒雪凌霜癘疾大發便道過里信宿即行而浙撫彈章且以優游閭里爲

過端矣奉

旨調用在籍候補公怡然自如掃中丞公敞廬而居之惟以

訓課子孫爲事老尤嗜書祁寒炎暑手未嘗釋卷也癸

卯冬十二月附蘇太宜人于贈公墓力疾襄事手自劄記纖細無遺子孫請代不許也乙巳二月春遷墓編修公趙孺人于祖塋事既竣召諸子孫洒涕而言曰吾以五歲兒而有今日非予世父世母不至此吾往者將出補嘉湖夢世父手試卷長二尺許上書協合二字以授子抑予筮仕南陽所謂上協天理下合人心者豈其應乎世父之望予而謂其有成者其止此乎三月三日猶以策論課兒輩四日覺恍惚無力夜不能寐亦不服藥五日疾篤猶歷呼諸子孫而訓勉之語畢奄然長逝距生明萬曆戊戌享年六十有八公歿之七年歲在辛亥

東村集卷十

七

長子字瑞病逝子雲瑞黃瑞偕字瑞之子養珏將于十一月廿五日合葬公宜人于安平鎮之祖塋撰次公之生平而以墓銘屬子子讀其狀而有慨於心忝爲公同年生又安忍以不文辭乎三十年來游譽揚聲騁高足而據津要者何限然或高臺已傾曲池已平悲牛羊之牧而洒雍門之涕者有之矣公俊俊一老書生游陟方面雍容進退未爲不遇也然而窮素冷落猶之乎昔人所謂楊子雲祿位容貌不能動人好學深思閉門著書祇堪覆瓿耳踽踽訥訥舉止遲鈍面侮背咲豈所云賢豪間者乎而况魑魅之所嚙餘冰雪之所凍僵比微塵

而無力喻死灰以不燃者乎知已不逢老友安在何俟  
聞山陽之笛而後慟西川之路哉是為銘

銘曰芸箱家世一編書孜孜矻矻老蠹魚宵燈晝粥相  
拮据白雲一丘安且舒福蔭蘭桂事不虛名留寒歲蒼  
松如

封文林郎麟遊知縣明經樸庵吳公暨配呂太孺

人范太孺人合墓誌銘

余嘗聞諸先進謂科目不足以盡天下士而士之績學  
攻苦者不得之於其身必得之於其子孫亦猶善治田  
者之厚積於倉箱也俯仰五十年間乃見之於樸菴吳  
公公諱茂華字毓初號樸菴然人往往稱毓初也始祖  
宣遷自平度居邑之烽臺里為李氏贅婿從其姓者五  
世迨順治己丑公長子汝為成進士始疏請復其姓宣  
季子紀是為公曾大父紀子永泰是為公大父慷慨好  
義有俠士之風永泰子鳴岐字文瑞是為公考以長厚

著里中享年八十有八配張孺人是為公妣丈夫子五  
人公居四張孺人尤奇愛公嘗語母弟孝廉益亭曰弟  
之德我其視此兒于是令三子皆務農惟公與弟就鄉  
塾然以貧固不終歲讀時飯牛而誦自如塾師李先生  
以公之慧也授章句為諄諄公感之終身不忘少長則  
從明經李先生解文義矣又以貧將廢書張孺人泣而  
矢之公亦泣自奮久之始補博士弟子員娶于呂為贈  
太孺人端恪靜一旋以病逝公獨室者三年會邑人范  
公以術者言其女當貴相公而歸之是為封太孺人公  
既得孺人之助益肆力於學邑先達交口稱公延居師

席資之館穀加以廩食家稍給矣會萬曆之丙辰歲大  
役人相食公事二親所餘升斗與三兄雜糠覈而均之  
謂五弟既爲諸生猶能自活也公於制舉業逾工而數  
踏省門輒不遇戊午張孺人卒公哀毀長號曰生吾者  
父成吾者母也文瑞公痛而撫之公強起以葬孺人畢  
無悔崇禎癸酉公適爲他事所累攜長子就省試謂之  
曰若再不遇則吾與汝何顏歸矣已而長子雋事遂解  
已卯文瑞公卒公年漸長矣孺子泣如喪母時拮据襄  
事不以兄弟爲諉也公既讀古人之書而通其意則以  
其餘力用之於農蓋吾邑之爲田者謂地各有宜違之

東村集卷十

十

將無收公獨以地固有所宜顧吾所以宜之者何如耳  
於是取不宜木綿者而種木綿卒大獲即老農驚以爲  
弗及也公則以爲古人之於田功勤矣苟不讀書惡從  
知之公授書時危坐講解聲撼牆壁諸生無不悚然屬  
聽者已而謾言長語閤巷瑣事諸生輒失笑不自禁公  
乃爲申理前說而起或之野則命諸生從之野藉草而  
手一編諸生環侍琅琅而響金石耕者釋耒而觀不知  
作何語公殊自得也閱諸生文其合者則大喜譽之不  
容口或失旨輒大怒夏楚不及手提其耳甚之或口齧  
其面公亦不自知也公慷慨根於天性意所不可奮髯

抵几無所鯁避則不能無側目矣間有受公恩而背去  
者迨其執經就問公亦未嘗追憾也子姓羣從皆依恃  
公而諸生之經公拍授者往往取高第迄於今益顯公  
蓋實有以自得而豈影響剽竊蹈常襲故之所能致哉  
范太孺人不知書然代公課諸子讀有誤輒覺之譙訶  
之不少假視諸子婦如女而訓督之如子治家井井後  
雞聲而寢先雞聲而起滌釜析薪皆有程度家既饒而  
身膺封推布搯作諸女婦無鮮衣高髻之時飾也崇禎  
辛巳公以明經當赴禮闈試時開軒徵辟不次用人公  
年雖六十餘姿容如壯夫或諷之曰此非平津丞相舍

東村集卷十

十一

牧豕而廷對時乎公遜謝之而已是歲饑如丙辰公賑  
施多所全活壬午仲子汝亮舉於鄉癸未秋偕伯子上  
公車而皆不第公感病幾殆甲申 盛朝定鼎至順治  
己丑長子捷南宮後令麟遊聲家之所有爲輸積逋公  
與孺人每慰勉之謂爾以廉養其爲甘旨也多矣麟遊  
之民爰肖像而祠令君丁酉以 覃恩封公如其官母  
封太孺人公語孺人吾昔遊學臨淄爲童子師書聲恒  
至丙夜鄰之翁媪間以茗菓餉予彼時望一青衿如天  
上今老矣顧以吾子貴其將何以逮吾親太孺人以勞  
致疾卒於戊戌正月十七日距生萬曆癸未十二月初



十日年六十有四公傷之甚已而自寬謂諸子孫曰吾年七十有九日月幾何而以鬱鬱速之行乎長子奔喪自麟遊相持一痛旋怡然適也因命為孺人卜兆於邑東二十里宋庄之阡曰吾將與子偕矣暇日為遺訓以示子孫其於讀書務農交友御下居官行己之道詳焉會長子令陽春歸復補廬江以疾卒公時已八十有六哭之慟遂臥床褥不能起至丙午九月十四日考終正寢距生萬曆庚辰七月二十四日享年八十有七公歿之十五年歲在庚申公長孫琮隨公叔子汝楨及孫琰謁予布幣陳狀拜且泣曰自先君之逝也仲兄罷南宮

東村集卷十

七

試為令江寧不幸而賁志以歿已酉子珣舉於北闕而又天折家之不造觀遭閔凶窵窵之事淹焉至今子孫之罪也今將於康熙十九年十一月十一日舉先君之柩併遷前母呂柩合葬於先母宋庄之阡惟是墓門片石乞公文以不朽余手狀而悲之謂聞見之不詳而身之不達無以揚先德也寧謂人子之事其父母與父母之望其子者必出於科第而後慰耶即公之所得與魏科應仕者孰多耶而謂科目足以盡天下之士哉吾讀公之遺訓而推其意富而好行其德學而不矜其智家以仁讓為先里以雍和為美分梨遜棗而安步於徐行

禦侮惡難而推心於同氣斯固公劬躬燾後之深思而後之人所以念茲弗諼者固在此而不在彼歟予以邑里年家子侍公色笑而又辱在肺腑之親願為公效筆札之役顧以放逐餘生年且六十有四不惟父執長者邈不可睹即肩隨兄弟物故盡矣聰明不逮學殖日荒乃誌公之終始而銘之豈不怛然有餘愧乎銘曰危樓在野展眺四宇安宅同歸終古托處若者鸞翔若者鳳翥雲車風馬來侍笑語和氣之符其趾振振良苗之懷其畝畝的農之守畔儒之書紳既富方穀福於後人

東村集卷十

七

官生心植焦公暨元配張孺人繼配張孺人合墓

墓誌銘

公諱日培字篤之心植其號也父諱馨辛丑進士歷任都察院右副都御史巡撫寧夏所稱蘅止先生者也母鞏封淑人公大父鎮泉公諱瑄曾大父維德公諱崢皆以中丞公貴贈通議大夫如公官而焦之先有始祖成者以冀之棗強人來居章丘數傳而至光普是爲維德公父蓋孝弟力田世有隱德云公爲中丞公長子次諱日芬建昌司理今侍御毓瑞君父也公生而穎慧授之書輒成誦弱冠補博士弟子益治舉子業入棘闈者數

東村集卷十

古

而未獲售自後中丞公宦轍所至必以公隨及中丞公叙西夏績公乃得廢成均期滿例應赴部授職公不忍違中丞公淑人膝下遂罷不仕中丞公鞏淑人爲公娶邑諸生張春鯨女婉順嫺內則佐公事中丞公鞏淑人孝謹生二子一女公與次公友愛無間中丞公甚適也甲戌八月孺人病逝公內慟之不敢拂兩尊人意又娶歷城叅議張公存智孫庠生琦女孺人性端恪所以事

哀毀骨立旋入都請卹予祭予葬贈工部左侍郎廕一

子入冑監歸營葬事準禮而致其哀會葬者皆謂中丞公有子矣中丞公旣畢葬次公以建昌司理之官公爲董家政而期望猶子毓瑞君特異君遂以丙戌捷於鄉已丑成進士入史館公長子毓慶以恩拔授永新令公送而勉之曰江右初定而永新爲新造邑汝其服中丞公之訓以往勿爲先人羞及金逆之難作而永新令以身殉之時值匆匆不及旌也公痛長子甚而以舟行感風濕疾庚寅孟夏鞏淑人壽終公旣踰艾且病其哀毀有加於中丞公歿時殯歛以至合葬務如禮嘔血不卹

東村集卷十

五

也而張孺人又以病逝公自是治城南別墅栽花種竹與二三老友徜徉其間而邑宰呂公爲顏其堂曰醉耕公洒然若遺世者會次公歸自建昌公見之且喜且悲每舉連床風雨之句以爲遊宦而知有故園老年而知有兄弟已而次公病且歿公哭之不已則輒嘆曰吾嚮者病手足賴吾弟爲持行不病也今而後吾眞病矣吾無手足矣公自次公歿則愈念中丞公時以教子孫曰自中丞公仕宦以來凡市田產恒倍其值必不以空糧爲售者累諸子孫其常體此意且汝等不見鄉里子弟乎不好詩書而親師友則將遊狹邪而近小人是其害

且及其親諸子孫皆凜凜焉公敦倫誼而好施子女初  
字寧及壻失明而其母來辭婚公不可嫁女而經紀其  
家視壻猶子也視女弟如弟視女弟之夫如女弟也族  
黨姻友以緩急告者無弗應如養業師劉竹潭而卒墓  
之爲外王父輩及女叔之室于胡者築壙俱從厚則又  
不俟其家之言之也公居恒恂恂顧能斷大事決危疑  
往者辛巳歲饑盜蜂起邑無戰守具盜詭言受撫給縣  
宰爲變宰誤信之不爲備公爲密設方畧盛兵往盜計  
奪乃就撫諸因公一言而全大體者更僕難數矣公既  
老而愈念中丞公睦族和宗一遵先訓建家廟修族譜

東村集卷十

六

歲時祀事無愆期因而置酒談讌公爲之述往事叙先  
德歷歷如在目兵燹之餘遺骸相望公惻然令人周視  
而遍瘞之公好爲德而自奉儉勤治生雖纖細不忽自  
庚寅感疾以來善自顧養未覺衰也已酉十月病胃而  
飲食如常時十一月病乃漸加子毓楨等晝夜侍進湯  
藥公乃曰吾行休矣勿以藥爲也汝等其慎守中丞公  
之教即我在耳時猶子毓瑞君視疾公諄諄囑之曰汝  
祖歟歷中外三十餘年而得一中丞汝父僅一司理汝  
少年登第讀中秘書爲御史又以賢勞內擢需次卿寺  
是祖父之勞而貽汝以逸也汝其勿忘先人以勗楨等

毓瑞君泣受教遂于二十六日考終正寢今者歲在庚  
戌毓楨等卜於十一月十九日合墓公與兩孺人于中  
丞公賜阡之側禮也公既塋有日公之子毓楨乃不遠  
數百里以太史唐君書來布幣陳狀請予誌公墓中之  
石子僅一識公公誠長者然予往來章丘屢矣每聞邑  
人頌中丞公厚德而子皆賢自中丞公歿迄今已三十  
年邑之事變反覆何限而中丞公之家獨完謂非公之  
賢而能之耶科名有數公之得不得未可知以公之才  
使早隨選人例其所以成就亦何可量而一意事親不求  
榮祿跡其始終巖處奇士矣公又無意於誄德之謚而

東村集卷十

七

仍稱蔭生以表中丞公之澤其不忘中丞公者意獨至  
然則公之賢於人者不已遠乎是宜銘銘曰  
是惟焦公與兩孺人之佳城山逶迤而蟠玉泉洵潔以  
濯纓樹鬱然其翠幄風冷冷以鳴箏旣蘊德而弗耀斯  
抱朴以遺榮于啓後之人兮敦雍睦而振家聲

漢許李公暨配羅孺人王孺人墓誌銘

往者萬曆癸丑海內號為治平無事而吾邑之舉南宮者四人就中大京兆給諫雲許李先生獨壽名位亦最著予生也後猶得從京兆公遊而自為兒時則習知京兆公弟七先生先生韶秀衣履鮮潔偶過予舍先君子迎候惟謹予從旁竊識視之以為異不謂六十年來升沈今昔離合生死之感遽如斯也一日者先生伯子沐仲子浹幼子澆造予拜且泣手所為先生狀以授之曰墓中之石子其為誌予受而讀之有云誣立言之君子孤等為何如子也者誣立言之君子實以誣先君子孤

東村集卷十

六

等為何如子也者用是以狀之所述參予耳目所睹記信不誣已志曰李漢許公者名魯杰字尊漢世為霑化之久山里人大父孟華積學勵行以明經任靈璧壽張司訓則門下彬彬多賢士父反觀以伯子京兆公貴贈太僕卿董宗伯思白所為傳康義先生者也康義公多大度恢諧調笑意藹如也五丈夫子先生其季也康義公既以伯子京兆公早慧不督責於諸子則亦撫摩憐愛之而已京兆公課仲弟嚴讀書不中程輒令長跪將加撻焉康義公過而為他語以解之其於先生亦未數毀然也先生事康義公則甚莊事母聶恭人先意承志

病侍醫藥沒致哀毀有餘痛也既免喪補邑博士弟子員已而以例入成均時京兆公方居諫垣有聲間謂先生盡謁選人授一職自效先生遜謝曰吾退而修觴政是亦為政也先生雖豪於飲手杯酌卒度未嘗有酒失也暇則為岱嶽之遊南渡大江弔古金陵歸而慨然太息曰吾行休矣安在半畝之宮不可以為園乎則為短垣茅舍於北郭抱甕而引清泉種樹而摘嘉菓額之曰是亦園初弟八先生既早逝仲兄郡丞公又歿先生與叔兄周許先生奉京兆公朝夕無間會京兆公壽終先生慟有加時時流涕而謂諸子曰吾懶不任官非辭榮

東村集卷十

九

也拙不謀生非逃富也即今者秋毫皆伯賜也吾何以事焉已而叔兄病不起先生愈益悲居恒鬱品因是善病病中好觀史傳日手一編閱至褒譏當意體若為適即雙步蹀躞猶時命籃輿出眺林壑間殆病且革諸子環泣請遺言曰生寄死歸耳溘然而逝時為康熙甲辰閏六月二十六日距生萬曆壬辰十一月初七日享年七十有三先生初娶邑羅公緻女早卒年二十有二繼室利津王公玳女聶太恭人性嚴重難事孺人以新婦婉婉獨當太恭人意先生性蕭散不治家人生產孺人東內政米鹽瑣屑井井如也於所生子女保持而訓迪

之甚備乃遽以疾卒孺人生于萬曆乙未九月二十七日卒於崇禎癸酉五月十六日享年三十有九予自兒時識先生又與先生壻陳君志交為筆硯友陳君有逸才為五七言詩甚有思致而早卒丁君仲昭近且以易魁東省諸子多工詩古文辭仲子幾舉者數矣而其學益勤是以先生隱約終其身而充然有以自得亦可以觀先生與孺人之教矣茲於康熙十四年十月初二日合葬於城北之阡爰系之銘曰

有子之賢以為貴也圖史之有餘不戚戚於不足也素德之不匱以為後之貽也左琴瑟以雍和於萬年之

東村集卷十

十

室也豐碑寵章其可俟而未有已也

淑若李公墓誌銘

予以壬午舉於鄉今四十四年矣其在海豐者為故侍御匪莪李君子因識其兄淑若公雖未通譜誼若伯仲託在姻婭益篤篤情好匪莪逸才曠致詩酒自豪而淑若斤斤禮法言笑不苟望之肅然奉為畏友匪莪仕途偃蹇復蚤謝世墓本拱矣車過腹痛予每用潛然賴以保護遺孤支持門戶者淑若耳不謂久病遽爾長逝君之子爾蕙等衰經叩門求子為誌墓文以襄大事子衰眊失學深愧作者而不忍辭也其子引曾南豐之言曰古之論著人之行義者往往撫拾見聞務為奇異而不要

東村集卷十

十

諸中庸子以為庸德固甚難耳又曰昔譚友夏之狀其親也每以不真為戒子以為真莫真於庸德也志其人者亦志其人之真而已君之先世為直隸之河間人徙居海豐數傳而至贈江西道監察御史震陽公是為君父震陽公以文學有聲諸生間不遇以歿丈夫子五人君行四諱全昌字淑若震陽公捐館舍時方二歲母翟太孺人躬督課之君幼不好弄儼若成人長而長軀豐髯儀觀甚偉遭家中落諸艱蝟集遂身任冗事而俾匪我專心制舉之業壬午匪莪以毛詩舉於鄉丙戌成進士

世祖章皇帝御試詩稱

旨簡授西臺已而巡視河南繡衣還里賓客盈座淑若以章  
縫踞其前雍雍怡怡如也壬辰充貢肄業成均者五載  
丙申考授府通判需次銓用壬戌夏奉部檄截留赴選  
而以病不能應或以不展其志為君惜予則謂君之志  
豈必一別駕而後展哉衣履樸素酬對迂疎里閭年少  
指顧揶揄又焉能與時之賢豪強壯盛氣者優顏婢膝  
突梯滑稽俯仰於上官之鼻頭足底乎故仕也不如其  
已也君既蚤失怙事母太孺人備極色養病則盡誠殫  
則盡力自少及壯同氣無間儉於自奉而推以周急訓

東村集卷十

圭

戒諸子諄諄以功過格陰陽文太上感應篇勉其見諸  
行事君固謹於言動或為人排難解紛消釁脫罪亦不  
以勞怨為嫌予猶憶君病時過而問之為述志壹動氣  
氣壹動志君頗然其說是以沉疴七年足不踰戶而卒  
感風疾以終君於養生之理不可謂無所得矣予之親  
友多在海豐如君與匪莪尤不鄙棄予而予竊有見於  
君之兄弟有無通共豐約均等未嘗不內愧之如公之  
勤於治生篤於訓子每與內君屏當箱篋計數米鹽病  
革之日家具秩序草聖數行留之斷壁清泉一井汲之  
中庭顧以一舍之地視為畏途聞訃洒泣憑弔缺然足

則其足悲者已茲於康熙乙丑之孟冬卜墓於邑東郊  
之新阡其地距匪莪墓不數百武子乃為志而銘之庶  
幾九原可作不以予言為諛也銘曰

半通之綸四尺之土唱和壘麓猶在環堵嶺有桃花豐  
碑是睹爵曰孟侯石獸孔武視此孝友相並終古

東村集卷十

圭

首泉李公墓誌銘

昔壬午鄉舉武定有同年生二焉一爲小司空梅岑王公其一則今浙督大司馬鄴園李公也當是時鄴園年最少俯仰四十年間梅岑墓木拱矣而予亦扶杖行吟曬藥垂老獨鄴園以元老壯猷聲實炳著是不可以推其先德之所自耶若夫修布衣處士之行有先民長者之目則首泉五公是已公諱才魁父諱登雲以長孫司馬公貴贈通議大夫兵部右侍郎兼都察院右副都御史母蕭氏贈太淑人生子五人公其幼也初居城東陶家堤躬耕以養父母事有難者獨身任之不以諸兄爲

東村集卷十

五

誘贈司馬雙泉公甚器重之俾移居城內新街父母相繼考終公哀毀有加壬午以後郡遭兵侵迨癸未冬司馬公以孝廉讀禮公與之經營窀穸始獲襄事蓋諸兄皆不幸早世叔姪焚箕相依爲命公念之未嘗不泣下況瀾也公孝友順祥而強力治生郡人習爲賈公操之以本富以是積資稍稍裕則郡之所興復橋梁寺刹往往取給焉甲辰夏秋大旱饑民之求食者流移載道公出米麥千餘石爲粥賑之存活者萬衆大中丞周公上其事於 朝賜爵旌之子嘗嘆比年以來穀賤銀貴官無倉庾民無蓋藏一旦而有方數百里之水旱嗷嗷者

東村集卷十

五

立盡於溝壑耳安得復有如公之好行其德者以哺之哉公仁心爲質樂施不厭不惜捐金脫人於厄如青陽店之數十家是也佃戶獲盜田者以告公婉辭諭遣之其人卒爲良民郡舉鄉飲延公賓席公不獲已爲一赴至於民之疾苦未嘗不爲守盡言之也癸丑甲寅之交大司馬移鎮衢州身當寇衝公聞之輟食而顧諸子曰自汝伯兄司李金華吾常往視之見其持法嚴而不苛意其必有立也今且爲 朝廷檣柱闕越晝夜治軍書鬚髮盡白吾老矣恨不能執殳行間汝輩可不毀家以供軍乎久之封疆底定大司馬以勞加秩公率諸子姪望 闕拜稽顙額手而誨之曰吾固不嫻於書史然聞臣之事君必致其身子之事親不違其志吾家世布衣賴父兄之所遺乃食其報於司馬今日者秋毫皆 君賜也田廬器用衣服僕馬視舊何如有當減無當增耳其於三子則又提耳而命之婢僕走使不能無過念吾之言必無笞罵公晚年究心佛乘講養生之學以中牧禪人爲方外友與子及淄川唐濟武先生游從莫逆也丙辰冬十一月予兩人偕過之公握手而喜音吐琅然娓娓不倦時雖稱病予以爲無恙也今秋七月患滯下之病不能寐者久之病中訓飭諸子益力諸親友之來候

視者必手而囑之曰無忘老夫於異日者其必以老夫之言戒吾子病且革神明不亂猶子來視榻旁公猶自力遣之歸室既歸而後告諸子曰吾年踰七十行復何憾且汝輩之視吾勤矣而又何可累汝兄也於九月二日終於正寢公三子之黃之藻之卜於康熙十八年四月初六日將葬公於北郭之新阡件繫公之行誼而來乞銘予既悉公不能辭也乃爲之志而銘之曰  
出郭門望故里生有終歿則始坐高原臨清沚茂喬松蔓葛藟駉鸞鶴御麋鹿振繩繩宜孫子

功貢張拱垣先生墓誌銘

先生諱壁星字拱垣曾大父元錫貢士齊東縣尉大父洲孝廉禮縣令父所志貢士世爲太原平定州人先生與子交三十年音書千里無歲不通辛亥冬先生始以病相聞壬子六月先生長子從雲衰經到門望子拜且長號予驚泣詢先生則曰以四月十二日逝矣傷哉先生享年七十有五不爲不壽先生之志則豈以老而遽已哉先生生際平時家方通顯顧不爲絢綺之習裹糧負笈從趙儕鶴先生於高邑長而有志四方感秦晉多事患在桑梓則慨然以武備自任諸所爲出奇制勝單

騎降渠因山設險用寇爲兵皆有成畧非漫嘗也及予見先生時固已就野人服矣議論騷發顧盼偉奕予嘗竊歎以爲有種世衡城青澗不泉不休之氣蓋卓然有用於世非剽竊章句之腐儒也先生旣以擒僞功充貢稱病乞休不就選人而意所欲試者不肯盡罷平定人故不解織葛募良工爲之而葛成又將爲縲絲絳褐之屬皆有緒而未就先生又善爲食治蕎之精拖絲削王士大夫相過者必饜飫而後快先生殊自得也先生貧而好客與人交終始不背負保定董方伯寓平定時以數百金畀先生妻子不與知後方伯卒於秦喪過平定



先生舉良田美產還其子子愕問故先生乃始言所以而予獨以先生之才當其壯盛使得如范文正公者與之同心戮力大之鞏固封域次之撫綏民庶豈詎出种世衡下哉乃不得用而沾沾於繭絲機杼泝泝烹鉗以耗餘年豈不惜哉豈不惜哉先生既老習養生家言病且革呼子孫談笑而逝先生之子將以閏七月十九日塋先生於藏雲山之新阡與兩夫人同穴而予爲之銘銘曰赴赴壯武寂而學僊安居緩步丹竈芸編逍遙委化浩歌登筵皎然者在如日斯懸

張母房太孺人墓誌銘

嗟乎母之愛其子母之恒焉耳子不忘其母子之恒焉耳母沒而母之愛逾彰子不忘其母而母之德逾著則惻乎有餘焉耳若吾邑敬熙元配張母房孺人是已孺人父道東母郭氏幼端慧異常女及笄歸於敬熙是時敬熙長兄民部公未顯家故寒素孺人事舅姑交謂新婦賢且能也民部公成進士之官敬熙與孺人留子舍侍養則兩尊人益歡孺人顧自瞿瞿若有所不敢釋然于懷者已而兩尊人與民部公先後歿孺人既佐敬熙侍疾治喪備竭心力乘隙而崎嶇者全起民部公諸子

家且覆敬熙乃率兩子奮身禦侮孺人輒爲籌畫事勢之宜以相權柱因思向所爲瞿瞿者不棄營荆以待補縫儲其旨蓄以禦窮冬其亦有瞻言百里之智也歟敬熙方以諸子困於雀鼠孺人每慰藉之而望諸子日切仲子才能文則慮其荒于嬉也諄複譙訶不啻捶撻之及也念父房翁早逝孝事郭母養生送死無餘憾焉遇妯娌姻戚和而無溢禮役僕婢嚴而無苛政顧以積勞致病久之不愈及革張目而謝敬熙曰予之不得終事君也命也其尚圖所以繼予事者訣諸子而丁寧之曰伯也其事爾父仲也其繼伯父以事爾父惟是孩穉者

累汝兩人矣遂瞑孺人歿後六年次子曉既成進士且就選人敬熙乃卜于康熙十五年三月十八日墓孺人于祖阡飭事盡禮復命二子述孺人之懿行手以見予拜且泣而請曰吾母之過期而遲於墓者固以吾父之不忍于遠亦以痛不孝孤也今非以一第爲足慰吾母于地下也惟先生其哀之予不容辭爰序次而志之而知其有餘悲也伯也事父於家其忍不爲悅愉乎仲也事父于官其忍不爲循良乎是皆孺人之教也已往予女之嫁以至病且天子時在塞上不及見然聞孺人之視子女誼有加不亦足以徵孺人之德也乎是爲銘

東村集卷十

三

銘曰維母有子克昌於後貽之熊丸仰思俯究愛以義方志非貴富杯棬澤存松栢豐茂揭此銘石賁襄勿朽

張母韓孺人墓誌銘

孺人姓韓氏陽信人諸生諱相東之季女也年十八歸霑化張氏工部主事遷員外郎夢諧公諱弘弼之繼室也夢諧以甲戌進士高第令高陽元配表孺人病歿夢諧撫一子四女咏蘆花而求淑貞乃得孺人孺人至則若習爲母者承事兩尊人則又若習爲婦者自是隨夢諧宦途升沉閱十餘年甲申夢諧公奉部差受事儀真孺人率家人千指寄居泰州大兵南下人情汹懼孺人整束行李與夢諧會而返於故鄉其處變不惶惑又有如此者夢諧既歸田念父母暮齒不忍違子舍惡榮名

東村集卷十

三

孺人默喻其意亦惟治酒食供賓客優游閭里咏歌太平而已癸巳冬夢諧遘危病且革手孺人而泣曰女以婦而代予子者以母而代予父者遂逝孺人茹荼含藥孝養兩尊人益謹已而相繼壽終自合殮以迨襄事無餘憾也家奴負恩外侮相乘鼠牙雀角火焚波立孺人盡出囊中遺貲付之長子力圖申雪而後已孺人均視子女若已出嫁嫁以時而督課其力學勤苦則往往有戚容焉心念母家餽遺有節督御僕婢意常在寬顧居恒鬱鬱幽憂成疾卒於康熙癸卯十二月二十九日距生萬曆乙未正月二十日享年四十有六耳然以夢諧

公永訣之所誦諱可謂無負矣孺人子晚造子謁而請  
曰將以月日祔子母於先君子之穴顧稱先君  
子之官則母當稱宜人先君子而未得稱其官也母亦  
不敢不從先君子也先生其有以旌之子聞其言而重  
有感焉所謂以禮愛其親者非耶乃敘述以志而爲之  
銘

銘曰後母前子有衣猶單處危履變吝費則殘惟母爲  
絮以禦子寒惟母爲石以砥凶瀾年雖不永遺蔭斯寬  
佳城伉儷千載堅完

周與之先生墓誌銘

先生名中行字與之周爲邑著姓家於海上世多長者  
父龍侯公詩丁未進士歷官霸州兵備副使所至有廉  
直聲竟用得禍母吳恭人生先生無他子女病風痺沒  
先生幼不好弄顧善病病即好養生家言仰青雲視白  
日脫屣塵世而欲去之者數矣長遭家難身爲獨子持  
門戶往者壬申之歲先生年三十矣始與予同爲博士  
弟子員而先生哀然舉首大京兆雲許公與龍侯公暨  
先大父故城公故嘗同舉於鄉者也念先生才且賢俾  
冢嗣信涉君廷先生同舍朝夕督課之先生雖用高等  
食餼於榮進泊如也先生早失怙恃無兄弟事諸母惟  
謹待諸女弟如弟間嘗手挈三子忱怡怡者慨然太息  
流涕而謂予曰吾無父而乃知天之覆我也無母而乃  
知地之載我也且予本農家自先大夫食祿以來不耕  
而食不織而衣皆君賜也吾恨不能效尺寸以酬風志  
此三子者皆不才以辱子子爲之師忱長子也從子未  
幾駸駸知向往矣忽天折先生既不善治生家日以貧  
去朱門就蓬華配傳同志操甘勤苦嘗持鋤執筐理菜  
甲摘豆莢以相娛樂先生貌不踰中人性而易質任自  
然每親友聚處當其歡洽先生奕且飲時相嘲謔先生

左髭長於右捧腹絕倒口開不合即無不人人甲熟也者然至於權豪有力以非義干之輒毅然不可奪世或目之爲木強人矣先生好書多所通解手錄精整卷帙完潔友人有來借書及以疾請方者雖中夜必手書裁報如暇時予既東徙與定州郝雪海侍御商畧陽明王先生之學爲言本於先生先生以書示予曰子之及此宜也顧所學如何耳吾將策蹇訪令威之鶴病未能也奈何予復書曰陽明王先生之後有溫陵李長者其遺言皆宿昔所篤好然不善學之亦足以悖道今欲推二先生之旨以上邇於洙泗其必由程朱乎其必由程朱

東村集卷十

書

乎先生念予甚次子恂又夭折居恆鬱鬱已亥夏六月先君子逝秋八月先生病亟遂逝是歲冬十一月嶺南利人禪師化於瀋嗚呼痛哉予竄庸劣蹈坎赴井先君子既以爲憂先生亦時時以古人之道相戒而剝師從患難中調護備至若謂予之可與言者而皆棄我去矣予今雖生還入不見嚴父出不見良友嗚呼尚忍言哉尚忍言哉今者歲在辛丑冬十一月先君子襄事先生子懷怡懷愷暨孫銓將以是月廿六日塋先生於北郭之新阡予爲之誌而系之以銘

銘曰彼皎皎者仙翁乘雲氣挾飛龍胡爲乎閔此一杯

之宮生修身而善世今卒順化而寧終藏虛舟於大壑  
兮又何俟乎赤松

東村集卷十

三五

祭文

祭大司寇劉老師文

三十年爲一世以云久也顧升沉聚散人閱世也陵谷滄桑世閱人也世閱人而不畱人閱世而易老謂不朽者能有幾乎抑以富貴吾所自有所不知者壽所不可必得者多男乎壬午之秋始覲公顏山立玉映雅度翩翻彼一時也艷桃李之方榮而羨仙舟之難攀矣已而黃流橫潰汴人爲魚赤眉雲擾漢室成墟此一時也慟荆棘之滿路而思周道之如馳矣曾幾何時而身躋卿寺游膺華要陟司空旋登司寇保傳崇階拖紳腰玉

東村集卷十

三

矣禮有引年道貴知幾乞身林下優游自適匪曰鴻冥亦云高臥矣五旬之後舉子者四伯也在濮仲也在廊爲叔爲季詩禮庭趨麟趾既徵鳳毛殊有矣年登八袞終始榮名國之耆舊鄉之儀型談笑長逝不怖不驚誰爲怛化庶幾達生矣世以人古人以世享所不知者乃得其壽所不可必者乃玉樹之充盈是皆我夫子厚德之符而非智力之所能爭予輩小子瞻依何從美漢州之吏治守澹泊之素風舉椒苴而遙奠如或見曳杖之雍容

祭恒瞻郝太公文

得者時也失者順也以人之有身計之得爲人則失未始有人矣得有身則失未始有身矣以身計之得壯則失少矣得老則失壯矣而況於壯者之未必老少者之未必壯而況於少之所矜壯則以爲兒戲壯之所圖老則以爲澹咎耶故理無是非也得是則失非得非則亦失是也事無成敗得成則失敗得敗則亦失成也道無屈信得屈則失信得信則亦失信也而況於道之不必信事之不必成理之不必是耶其得也孰予之其失也孰奪之其若得而若失也孰設機而覆之其屢得而屢失也孰握算而推之然則翁之怡然達化而獨取於東坡赤壁二賦者豈非以其言之有當於心耶逝者如斯而未嘗往也是未始得也盈虛者如彼而卒莫消長也是未始失也飛鳴而過我者非子也耶是未始有人與人之身也然則翁之踴厲奮發以古之聖賢自期者安知非少之所寶而壯之所擲耶然則翁之精澁詳密以學之有用爲本者安知非壯之所持而老之所釋耶然則危身致主而不居其効憔悴流離而不厭其窮翁旣念茲在茲亦安往而不浩然其自得耶東坡又有言曰譬如原是嶺南人豈非以得蜀則失嶺南

東村集卷十

三

其窮翁旣念茲在茲亦安往而不浩然其自得耶東坡又有言曰譬如原是嶺南人豈非以得蜀則失嶺南

得嶺南則亦失蜀而不必其不嶺南耶東坡又有言曰此間有甚麼歌不得處豈非以得歌歌於此失歌歌於此而不容其不歌耶然則翁之獨有取於東坡赤壁二賦者或亦以東坡之爲蜀人而未能忘蜀耶小子則猶然齊人也事翁如父視翁之子如兄弟今於翁之返其大宅不徒爲煢煢失怙之悲而直述所聞安時處順之論非獨慰翁且以告先君子也

祭粵西撫軍復陽郝公文

嗚乎弟之不肖而偃然活至今日草土殘年遂踰古希者誰之賜耶昔人有言生我者父母知我者鮑叔予之不肖固無可知世無雪翁誰復知我者耶予犬馬之齒長於公者六齡我先君子生於丙申少於太公恆瞻老伯者一歲予事老伯如父乃老伯則引予爲友公之視予猶兄予之畏事公則何敢曰弟耶冰天雪窖相依爲命晦明風雨久要弗忘非我兩兄弟耶我方以身後託公朴誠致主鈞黨化洛蜀之爭敦篤凝道異同息朱陸之訟善勞之端態色去其伐施有無之際俗念釋其伎

求而乃舍我以先逝徒抱此無窮之遠望耶公之高明雄駿籠蓋千人予之卑鄙庸陋無能爲役公當哭我而乃使我哭公耶公之功在社稷德在倫常穹山大澤游陟莫測其高深烈日秋霜灌卉皆憫其嚴厲海內之所推服百代之所景仰初無俟於衰朽之荒言乃往者爲老伯狀高念東先生志之今又揮淚以狀公耶若夫患難之熱嘗咀其荼苦困衡之交致喻以艱危雖父母不敢告妻子不及聞者豈連篇累牘之所能盡耶鍾子期死而伯牙不復鼓琴公其休於大宅矣予又將誰言之而誰聽之耶公之貌在予目公之志在予心公之精英

靈爽在予夢寐既握手以丁寧復袒胸而披示誰謂我能言之而公遂不能聽之耶義方之訓棒痕掌血之猶新哲嗣之思搶地呼天之俱至雖易名之典若有俟於續議而清廉之操備見褒於溫綸公之所爲竭忠畢志瘡痍經營者不已炳烈於丹青耶公真可休矣其偕心周侍御隨刺師上人駢鸞駕鶴以翱翔於八極之表燦爲景星郁爲慶雲以福蒼生而贊平治者耶炙鷄絮酒千里式臨對生芻之一束慟其人之如玉徘徊於堯城唐水之間者不餘此焚焚之一老耶

祭侍御心周劉公文

朋友之誼當患難而益切死生之感至垂老而益痛不孝弟聞公之訃迫於大襄安得不椎心泣血而攀號之無從也哉弟不孝居先慈憂始踰小祥其不獲侍公笑語而叙塞外之艱辛以至今日之終暝者實以先慈暮年不敢擅離膝下也公之念我實殷而我之思公曷極哉塞外時朝夕過從肝膈與共者雪海及公耳弟犬馬之齒長於雪海五齡而雪海又長於公三齡是公之年爲最少也乃雪海以六十一卒於廣西之撫署公亦以六十一終於里門之正寢餘此殘形遂稱古希良朋凋落老而不死亦獨何哉公之事業著於山右之澄清竟以是獲罪而公未嘗一言以自明也公之學問本於夏峰之誠正將因以見道而公未嘗一語以自多也塞外時予因公艱於舉子嘗與公約若我輩幸得生還當奉觀音大士關漢壽建祠立像公旣旋里而不忘予言且有以有子今述公之懿行而請銘於長者者是也公之弟新膺選拔蜚聲藝苑將繼公之武騰驤亨衢公之所以孝事兩尊人而啟佑於後昆不亦振振繩繩而未艾哉雪海身後以庫項未清致有浮言今蒙國恩昭雪復官公之所繫慮而未釋者可以與雪海相慶於九原矣長

子春承乏武陟履任未幾瞻望佳城執紼於役弟如不  
即朽尚圖一叩里門徘徊於杉松古刹之間而以辦香  
拜我公也公其鑒之而俟之耶

祭雲許李年祖文

國有老成鄉有典型嗟此孤露大厦已傾予小子俯仰  
身世之淒楚感懷耆舊之凋零所爲怵心而刺骨者蓋  
不禁其隕涕以霑膺嗚呼痛哉翁與予翁猶弟與兄翁  
之齒少予翁者一齡總角偕遊於郡庠甲午鄉書並龍  
侯周翁以同升予翁落落人謂難合翁獨與之周旋而  
相能猶子之愛迨於予父每惓惓於清白之遺經嗚呼  
痛哉予翁長逝四十載之墓碣已平予父之服歲再周  
而窀穸未營翁歸然爲劫運之靈光者享耄耄而考終  
乃厚德之所憑嗟予小子猖狂冥行爰撮人禍以陷天

刑翁念遠海音問相仍勞予臧獲豆醢肉羹囑其長饒  
以勵黃精嗚呼痛哉翁之冢嗣謙抑靡盈力疾從禮蹶  
焉欲興季也好學芝玉繩繩高門後福嶽豎川增予小  
子於是酌椒液揚菊芬駕風車御雲旗招翁之靈神而  
侑之以辭曰柳棲左肘兮滄桑庚蟻關洛蜀兮玄黃爭  
顧東園兮松栢冬榮出自西郭兮鬱鬱佳城邀八極兮  
騎飛鯨光芒萬丈兮是爲歲星



祭僕翁吳年伯文

奮跡卑寒之中崛起諸儒之上談經則玉塵生風談藻而金莖比潤羅奇才於絳帳擁群鳳於膝前榮封祿養克昌厥後服先疇之猷畝食舊德於高曾有如 老年伯之備福餘慶者乎采輶遲其將發清霜肅以戒途彌浩氣於六合棲游魂於大宅斯 老年伯之考終全歸者乎余誼屬猶子契結姻親雖志有道之藏實愧中郎之筆又以肺病委頓呻吟勉扶曳以叩奠莫躬效於執紼椒馨致其敬生芻輪其誠寫哀挽之詞亦將以和彼薤露之歌乎蓋嘗聞東坡先生之述淵明矣謂人生

東村集卷十

畧

所寶不過軀故臨化消其實此知道之言也震之所謂億喪貝而躋九陵也貝既喪矣勿逐而七日得喪貝而貝得非所謂形亡而不亡者乎又嘗聞樂啟期之自適矣以九十之年爲帶索之舞謂於萬物之中得爲人於人之中得爲男子於男子之中得年九十何弗足也離之所謂鼓缶而歌也大耄之嗟何可久非突如其之來無所容乎又嘗聞夫畏壘之民矣子然仁者去之畫然計者離之淳淳悶悶物不疵癘而年穀熟中孚之所謂及豚魚也利貞而涉大川非超生死之鯨波而誕登於先覺之岬乎適來夫子順也適去夫子時也非朝聞夕死

可通乎晝夜之道者乎若人情之反覆世態之炎涼較短長於尺寸判彼此於眉睫又何足以掛達人之胸次而效劍首之一呖乎至德之符輝乎山川無涯之智結爲大年

東村集卷十

畧

祭信法李君暨配馬夫人合窆文

自君之歿於今十年矣方垂歿時遠賓在位諸友預席忽哽塞以不言迨彌留而長逝死生大故訣於須臾豈不悲耶君之感疾初亦有因人之無良所遇不辰蓋由於長安之旅次遷延者十載而一旦之殞身豈不痛耶今子泮游君僅聞之迨今有孫君所未知然而假山顛其聳秀巖洞塞其逶迤松折竹萎燕泥蛛絲豈非咫尺之間邈若河山之不可期耶拒粒蜜餌餽餽芬案憐子竄逐歲時間遣每見子子握手噓唏青松亦契喑首無欺豈復判雲泥於眉睫變寒暑於鼻息者耶君篤於事

東村集卷十

哭

親終身嬰孺之色因心友愛不爲詭激之行寧先人而後已每消忌而弭爭即緩急之告未必盡厭其求而有無之數時或自戚於胸豈非孝友溫知之無間於家邦者耶君逸才博學數踏省門而不遇晚授一官躡蹻寒糴而未能然而仕宦之多凶而多懼孰與君之正寢以全終者耶落花芳樹妙舞清歌窺羅襦之襟解襲薌澤於微聞五斗未醒一石不醉斯亦公子之翩翩而少年之豪舉矣葉子之關昉自昔年盛於近世君喜爲之妙有巧思創立賞格人稟節制君乃關曲室列長几剪明燭薦嘉旨窮日極夜刻鏤析銖僮僕領意給使無倦每

勝負一巡衆方喧呶互相訾議君爲追成敗之由示以料敵多中之智如孫子之臥輜車而稱軍師祭酒也蓋自君感疾之後以板輿爲雙足未嘗廢此戲也今孰與賞花晨而樂月夕以消憂心而耗餘日者耶初君多女而遲舉子乃委曲而謀諸夫人及夫人之愛其子甚於愛其女保抱扶持俾之成立感君之亡積苦不支繼君長往克遂同穴然而煢煢一子早抱雙孫君與夫人可以告京兆公徐淑人與九原曰孫曾之方興而未艾也豈非膠木之盛德螽斯之遐祉而君與夫人必且慰意於松栢之間而俟於振振繩繩之無窮者耶

東村集卷十

哭

祭劍浦蘇司馬親家暨配丁宜人合窆文

嗚乎俗之敝而友道之不古也久矣方吾輩之論交也父兄之教猶先子弟之率猶謹其時爲何時乎已而升沉聚散患難死生鷄鳴惡風雨之音伐木敦金石之誼其心爲何心乎親家暨尊夫人琴瑟靜好白首同穴伉儷之義庶無憾矣親家晚得子而不及見孫今方振振繩繩其未艾也親家父教母慈無窮之憂亦可共慰矣獨是長子泮游且有子女而次子猶未也親家冥漠之中得勿有遺慮乎長子之當奮勉者必不可以青衿而自止次子之當攻苦者亦必不可以未成而自畫今茲

東村集卷十

哭

竭蹶襄事兄弟孔懷遵禮備物致誠致慎由此而加謹近正人聞正言行正事讀父之書守母之杯棬佳兒佳婦宜子宜孫豈非清白之餘蔭孝友之貽謀乎今之時非我輩論交之時也我輩之心非今人姻婭之心也俯仰四十年間方千里之內唯法黃石與弟在耳黃石爲志弟爲傳俱不敢有飾詞也竹浦曾爲行畧而其墓木拱矣逝者未必無手足友生之聚而後死者轉淩其形孤影隻之嗟誰與論文而和詩誰與酌酒而敲棋長髯可挹罄欬猶聞西村杯土馬鬣初封車過腹痛寧不悲乎椒酒之獻灑此老淚執紼之役囑諸兒輩

東村集附刊

孫光祀 號作庭山東平陰人順治乙未進士仕至兵部右侍郎

少詹李公暨配周淑人合葬墓誌銘

曩崇禎壬午舉於東闈者九十人官詹李先生與余具焉官詹早貴明年讀書中秘又十二年余始成進士時官詹已爲醫巫閭遷客三年矣又五年官詹蒙

恩賜還余方長諫垣家於濟上手書往來不絕官詹歸二十七年而卒又二年周淑人亦病故其長君進士脊滯於武陟歸攜般陽唐太史狀來徵墓中石銘義不可辭余又懼衰耄多忘復緘商公老友范子仲亮而後措筆

東村集附刊

誠慎之也按狀公諱呈祥字其旋癸未會南宮選入庶常房司林太史增志又字之曰吉津甲申春三月冠陷京師攜家逸歸

皇清定鼎求先朝舊臣以是冬如都應

詔明年乞假回籍又明年起補編修戊子典北闈鄉試歷陞國子監祭酒辛卯遷少詹兼侍講學士充實錄副總裁得與聞國政會

詔求直言遂具有辨明滿漢一體疏奉

旨飭行都察院叅政特以疏劾事下西曹法司具重讞以

上

世祖章皇帝心知公枉惻然動容御筆親改謫徙盛京時癸

巳三月卽日赴謫所八年庚子秋得

旨李呈祥免罪釋回九月具疏入謝卽奔太公喪修葬事

奉母太恭人晨夕歡二十有六年畢兩尊人苦塊中事

逾年公病不起矣公世爲密化壩上里人六世祖璉高

祖允現俱以曾伯祖芳貴贈四川布政使司左布政使

曾祖蘭處士早卒祖元忠萬曆甲午舉人任故城縣知

縣父咸英恩貢生詔封內翰林秘書院侍講學士三子

公居長初爲諸生督學翁公鴻業奇公文優擢之旣而

受知於邑宰劉公覽玄劉宰邑不久去惟以識公爲喜

東村集附刊

臨別手函史以贈期以館閣器錢督學啟忠歲試彙科

四冠諸生案遂聯蜚

賜二甲高等膺館選文章德器爲舉朝所推重方春警報

日急時相魏藻德課館員以周子通書爲問公有皇流

涕曰此何等時猶作此迂濶事晨朝見鈴柝沉沉閣門

晝扃於朝房見李忠文邦華聲淚俱下亡何闔逆墮帝

都酷刑比諸紳餉公以貧脫於難及寇敗

鼎新尋奉徵書太公勉之曰天仇旣復子其行義時矣

遂拜

朝命復列清班典畿試崇正文體號稱得士晉大司成條

奏監規請復太學諸生月米自公始也直學士承顧問

一日

世祖訊春秋賢大夫子產諸賢姓氏數對詳明

天顏悅懌總裁史局力破從前門戶成見遇有大議侃侃

不爲貴近人屈奉

旨陳言具辨明滿漢一體疏引光武不以吏事干功臣爲

言失用事者意遂陷以獄居遼瀋八年冰天雪窖力學

益勤而德施日溥自非見道之深抑何風雨晦冥不貳

其行有若是耶會

世祖軫念建言獲罪諸臣分別具議及

東村集附刊

旨下僅開釋三臣魏少司馬季給諫俱已前死惟公一人

生入玉門寰海歡呼道路踴傳無不手額而頌

天慈家居多歷年所爲德於鄉不一而足終日批讀先正

書於鄴架牙籤鉛槧丹黃手迹俱徧間與夙友講論獨

出見解嘗言漢儒皆有師傳其說不無偏駁然近而可

循恒有實際宋人遂多臆說自謂密接不傳然虛而難

副易爲名階此所以議論多而門戶盛也生平不講學

不聚生徒不矜著作言學必以躬行實踐爲真教家必

以朴儉敦勤爲義與人相對端凝直亮道氣靜深終日

無世俗一語蓋純乎其爲篤行君子也謫所刻有木齋

詩稿歸來刻有東村集未梓者卷帙尚多皆藏於家公  
生於萬曆四十五年九月初十日卒於康熙二十六年  
六月三十日享年七十有一元配詔封淑人周氏安陽  
縣丞邑人周公爾楫女十八歲歸公家事翁姑以孝處  
娣姒以和五十餘年色養無違勃磳不作待勝妾庶子  
女如已出持家嚴正有法歷患難無幾微怨尤見顏色  
布衣蔬食終身不異寒素前公三歲十二月二十三日  
生後公二年四月初七日卒壽七十有五嗚呼余識官  
詹自壬午始也今誌公之墓重有感焉當時土寇蜂起  
士之赴省試者鮮宿食處所謂白骨露於野千里無雞

東村集附刊

四

鳴者咸目在也所在城守濰縣保衛爲多公固出濰宰  
周公元亮門手書寄云安難民不可不委曲得所待客  
兵不可不忍辱耐煩周公深加嘆許以謂數語已見經  
世大猷明年春會期再展八月公車北上燕都大疫比  
戶連染殭屍委巷邑有老孝廉客死僮僕俱盡公親爲  
含殮誦陽明瘞旅文以自解昔范文正公做秀才時便  
以天下爲已任公之抱負殆與相同而好義樂施亦不  
少異余故連類及之公歷任少詹兩遇

覃恩詔晉三品封階俱未領

誥辭意有待也三韓詩文深自創悔有使臣還自遠左

章皇帝曾問李呈祥近作何况噫遷謫本非

聖主意也公歸里月吉令晨每焚香叩頭感

世祖仁恩三十年如一日也使公久蒞秘院終事史局無論  
學問淵源論斷不苟且板蕩大故鼎革新猷歷歷在聽  
睹中纂次必有成書而不意終老丘園賁志以沒所可  
爲痛哭者此也茲卜癸酉年十二月初三日巳時合葬  
於盤水之新阡堂斧畢如千年耿焉是宜銘銘曰  
渤海之孺九河交臂篤生偉人允顯於位論思崇班簪  
筆金匱潤目疎節直腸坦臆忠言嘉謨獨輸衆忌茹米  
八年明發不寐惟

東村集附刊

五

帝念哉子其汝貫舊績未憖新思難既  
孝陵幽都藏弓劍地公今從焉左右允陟賢子文孫克明  
克類銘石寤宮以貞百世

唐夢賚號豹崑山東淄川人己丑進士仕至翰林院檢討

少詹李公暨配周淑人行狀

司馬子長論李都尉宜徐觀其後效復於史傳紀其績杜少陵謂房相不宜罷復疊為詩歌咏之攷二公皆以其事蒙譴而篤禁之忱逮及友誼如是余竊不自料每謂有如溘焉朝露幸不後於霑化少詹事李先生者將敷陳生平乞先生為傳不謂余視息猶存翻以遺狀見屬也先生既歿閱二歲先生之配周淑人相繼告終嗣孤李進士大令春孝廉頌先後兩造余廬布幣以狀請似謂余為知先生者且曰先生之治命也其何辭按進

東村集附刊

六

士所述先生六世祖璉高祖先現俱以伯曾祖庚辰進士四川左布政使芳貴封方伯曾祖蘭為方伯介弟貴而不倨里黨有修士之目祖元忠甲午舉人令故城以清剛不容於上官解組歸父咸英俱

詔封中憲大夫內翰林院侍講學士晉封嘉議大夫詹事

府少詹事祖母羅氏母崔氏俱

詔封太恭人晉封太淑人先生賦資瑰異自其授句讀蓋

塾師避席者數矣蚤歲補諸生好上下古今研窮司馬班范諸史及扶風北海賈孔等注疏封宮詹公難之曰業是且將安適先生對兵不貴拙速耶封宮詹公

為之破顏色劉令觀歎奇其才出鄧潛谷函史手授曰以成子志當是時識者已以國器目之矣方崇禎庚辰之歲周淑人已來歸歲大饑家纔析箸屋六楹田六十畝俯仰無資糠粃榆屑以永朝夕淑人脫簪佐之先生關鍵下帷一燈熒熒自若也壬午三試皆弁其案遂雋秋闈癸未捷南宮與館選退朝而嘆不圖時事遂至於此門戶重於封疆議論多於實政新進佞倖無所措手噬且歸耕於盤河久山之間耳無何有甲申三月之事先生手輓輓輅與周淑人提攜出都歸謁高堂拭目驚泣謂豈冀復生還矣乎會

東村集附刊

七

世祖章皇帝殲賊定鼎地方薦舉舊臣是歲冬赴闕乙酉夏假歸丙戌起補翰林院編修周淑人從戊子典試北闕得士李子培初等榜出在廷咸稱得人焉再遷侍讀陞國子監祭酒條奏監規請復太學諸生既廩凡郡國貢入選拔諸生其文不雅馴者或發回肄業或徑行學使革黜曾不少為假易也已丑余獲以後進公謁先生於邸舍時王冰壺少宰同為庶常稱述先生儀度雍容聲款畢肖蓋余心竊嚮往之久矣辛卯遷侍講學士一日侍從

世祖顧問子產諸賢姓氏先生具奏最詳

天顏懌悅同列驚服不殊三桓七穆之博則家食稽古之力於此一驗云是秋

頒詔江南時先生祖母羅太淑人春秋高矣椿萱俱慶子姓蕃衍建節過里省視寢門渤海之間傳為盛事壬辰陞詹事府少詹事兼翰林院侍講學士充

實錄副總裁與聞國政凡遇九列會議援據典故叅以時宜交戟之下聳然觀聽是歲也余已以纂修史曹一再言事報罷不獲晉接色笑而歸歸後聞

詔察明季殉難諸臣故東閣大學士范景文等二十餘人命賜祭子謚先生於是有感激聖恩之疏中有云求忠

東村集附刊

八

臣必於直諫之門如原任檢討臣唐夢賚跡雖似乎漬擾心實出於效忠願與許作梅等一體錄用等語事雖格於議不行然鮑叔之知同於生我即亦不知疎迹踪跡何以得此於先生也無幾奉

世祖皇帝面諭滿漢諸臣胥當一體復下詔求直言先生遂具有辨明滿漢一體之疏已奉

旨飭行矣而言臣駁奏事下西曹具覆從重議章上

先帝御容惻然親灑宸翰改徙盛京即日琅璫就道周叔人以病不能從其泣而觀者如堵無不誦

天王之聖明時癸巳春三月事也先生自分抒寫忠悃肇

於此疏而雪窖冰天即已肇於此行然初移撫順再遷奉天後居鍊嶺三徙而踐履篤實格物致知之學殊得力於此時時與粵釋剩人研悅宗乘教外別傳之旨習心汰盡生意現前濫然若不知為塞外也者暇日與同流君子若魏少司馬琯季給諫開生郝侍御浴皆前後以建言蒙譴者省愆砥節詩文往復又有萊陽左公懋泰伯仲等形影相依慰藉羈旅居常語友人曰吾儒苟實心求道無論永嘉報書可稱考亭益友即姚江定論亦為晦菴功臣何事區別門戶為哉其學識融貫力破紛紜之見有如此然皂帽行吟遙望中原如天上曾攜

東村集附刊

九

幼子今孝廉頌登山指示曰東南雲際下有泰山清河之北敝廬存焉先人丘壠實處於此兒其志之噫詞亦良苦矣蘇子瞻有云譬如原是嶺南人又云有甚歇不得處誠未易言也顧自先生東徙後關外孤臣時屢

聖慮每有出使自遼左歸者

世祖先皇帝輒問李呈祥近作何狀一日延問詞臣李呈祥年幾何矣會庚子夏歲輔亢旱

詔查建言得罪諸臣所司列奏十餘人奉

旨李呈祥情罪頗輕着免罪釋回餘若斟斟魏公廣陵季公雖同被

恩命而令威蘇耽止識華表歸鶴已耳此梁蒼巖相國有  
穀子蒙恩惟爾在之贈也先是封官詹公告終計至遠  
左先生已擬令長公今進士脊以代父歸葬叩闕無何  
遂有生還之命人以爲忠孝至誠所感云九月入都誦  
闕詞

恩歸而讀禮辛丑 鼎湖龍馭烏號難攀而先生亦棲遲  
田間老矣按先生早歲嘗臥病移時一日遽起命拂設  
座一若與故明楊左諸公揖讓者所言皆往代熹廟間  
三案事家人心駭之不敢問也後詣請室長公具饌橐  
入觀先生指所臥土塋曰此楊左故榻也噫事豈偶然

東村集附刊

十

哉方其未具疏前數日有利津李生現田者數能前知  
先生於客坐試問之生書二句云洗耳自同高士潔披  
襟不讓大王雄一時不解其義無幾遂赴山海之役未  
至關前遣者乃高士潔既抵謫所後至爲王侍郎舜舜  
在關東舊名雄事亦異矣迨先生

賜環後薄遊姑蘇語尤太史展成前事太史曰是余向時  
同社會文次所作浴乎沂風乎舞雩二句題中聯也夫  
叔子之環乃在隣樹次律之瓷中有僧書茫茫造物或  
謂休咎類有宿命者豈其然耶先生天懷肫篤厚於門  
內而急友生所分祖產盡以推叔父斐英兩弟食貧爲

東村集附刊

十一

之經紀不倦居塞外八年封官詹公與太淑人之喪傳  
物竭志會葬者詎止千車當癸未公車時京師大疫同  
邑趙孝廉主僕歿於客邸無敢往視者先生躬爲之含  
殮卒無恙也居塞外猶施棺槨藥贖難婦爲尼釋剩人詩  
云解將腰帶文犀重添得空門水月清其實錄也先生  
歸田後與余訪道吳越嘗遇故人子於途感嘆踈躐立  
解襖被爲作數札然後別此余所知者也每道陽丘必  
過故人張元明之里每寄詩筒必稱余友范仲亮云何  
其居東盛友尤善於郝撫軍雪海先生之生入玉門也  
先於雪海者十有六年雪海之塋也不遠千里盛暑往  
會之然竟以是病病且卒先生之於友生可謂生死患  
難以之矣乃自遼海生還以後雖屏跡菰蘆而桑梓水  
早紛榆疾苦時時不能釋於中其或情抑不能上達者  
往往形之寤嘆籌畫如其身事不必其人之知也所著  
詩文有木齋詩稿東村集歸田錄旗亭僧館草聖數行  
有目者幾欲以碧紗籠之嘗與友人論詩謂王李之風  
肆好鍾譚之有幽峭吾於諸家取其長焉爾至於隧道  
片石麗牲尺碣得其一瀟者榮於華袞蓋先生之緒餘  
也夫使漫無建豎而錢券固寵史籍繫豈無人然彭鏗  
窺井亦有盡期蘭臺君子未免惜之耳以視先生蓋何



如也暇日嘗顧余於長白山之范文正泉堂福地諸刹  
蠟展殆遍余從遊先生於八里別墅飲蘇孝廉之海棠  
下藉落紅爲茵已而偕之武定十方蘭若爲支許之好  
相樂也而最久者偕高念東先生丁巳南訪之役穆陵  
關前聯吟並轡山陰道上對奕方舟焚焚前夢約及一  
載向使李將軍歸里出獵龍門房相瑄小駟載酒浣花  
不知其樂云何耳余嘗謂先生曰人患情少吾輩正患  
情多民胞物與之學固已爲張橫渠西銘所誤如何先  
生灑然一笑而已憶余屏居以來疏陳余事有若蘇給  
事環中諸編修震坤其具藁而未上聞有若成侍郎愚

東村集附刊

三

崑而先生則指名入告者也然是事諸嗣君皆不知先  
生固未嘗語之然則先生之闇修隱德亦烏能一一件  
繫臚陳以受教於當世之燕許哉先生之來也有故其  
往也有所海龕石屋白傅風流蓉城青驪曼卿容與其  
尚或鑒余也夫周淑人自癸未出都即長齋緇佛兩遇  
覃恩而珠翹翟褱却而不御然而甘旨願親膠木遽下酒  
漿雜佩以貽賓友古人剪髮剡薦之風庶幾近之先生  
諱呈祥字吉津自塞外歸別號東村今與周淑人合墓  
於邑西八里莊北之新阡即向歲與先生醉吟花陰處  
也痛如之何

范明徵

號雪厓同邑人明經未仕

李吉津先生外傳

康熙丁卯歲夏抄少詹事古津李先生卒長君進士春  
作宰武陟有事不獲歸纂次先生生平行實甚悉外有  
一二逸事余所得於目在者附錄之先生皙瘦寡髭鬚  
長顴短視神韻穆深眉間一黑子大如巨豆少好瞑目  
靜坐如老僧狀初喜讀溫陵書稱說象山陽明家言謂  
吠影者爲過當崇禎辛巳春病劇見大洪蓼洲諸君子  
於坐中語喇喇不休旁聽者驚爲譫爲囁而非也又自  
言過崇關荒嶺入一古刹有神作老嫗狀指示以詩曰

東村集附刊

三

田田點下洛陽天拋却楊花在眼前點點不離風未水  
一丈二尺四尺圓曰此爾終身事先生受而莫解秀才  
時每爲余道之余謂君是再來人此禪關也久當自驗  
又言經遊古梵宮見一老僧握手與語語歷歷可記似  
夢非夢其病急而元神出舍耶抑困劇而魂氣遠遊耶  
不則恍惚迷留而妄生景緣耶癸未秋登進士官詞林  
冠報沓至同年進士陳丹衷請募犒兵入衛授御史職  
以行見公抵掌談兵務公笑謂取水西江適借以通身  
南徹耳臘暮緘丁幼水書曰宜與公又繼韓城之故轍  
矣是初七日夜也陞九級上復何等耶噫先生其有憂

患乎投鼠不忌庸將及矣甲申春御餞李建泰於端門見其綬髮縷飛送官從諛先生獨識爲兵散之兆二月搖光拆司天奏帝座移魏藻德寢聞兵戈聲先生作書訣家待命三月京師陷俟斃旦夕賊自一片石敗而逃先生攜家步歸余逆見於蘇家園道其再生事甚苦是秋鼎定徵舊官由編修侍讀祭酒晉侍講學士陞少詹事以辨明滿漢一體疏失用事者意疑其右漢臣也滿臺宜把漢効其狗情竊權當法司議用事者傳重典以上

世祖心知其枉改批徙田盛京即日都觀者嘖嘖歎息行

東村集附刊

古

至遼陽寺果見老僧握手與語語皆十三年前夢中事余寄先生書曰公忘向年詩乎田田者田其田也點下布之種也此明一侍講事特借構爲講耳洛陽古東都學士看花賦詩之地此一侍講學士也楊花眼前則詹事時也拋却者舍此而去耳點點者幾及之辭也風主發而水主流謂幾及大禍而不離手發遣流徙也一丈二尺四尺共一丈六也四四爲丈六公四十四歲意可得賜還乎又八年庚子果以四十四歲蒙恩赦還嘻顯晦平陂前定之矣先生在盛京有送高含章詩緘余與幼水曰三十以前予死可追三十以後予活何爲鳴

呼先生之不死於三十以前者命也其垂死於三十以後者時也困羈八年

勅賜得歸者數也

聖主之知也賢臣之報也此中有天焉嗟夫古之論士必徵其品而不以其跡鶴之鳴於陰也鴻之漸於遠也鷺之振於飛也鵲潔者其質耶孤矯者其性耶抱絕羣之思而甘與物以磨頓者其必歷之遭耶世或欲得而籠之人或意得而狎之終不敢以凡羽目之者亦其天全也里居過從解衣脫帽抗談在昔覆杯臥瓶廬陵歸田之錄眉山誌林之書自適已志而已白首古稀故人零

東村集附刊

五

落先生貽予詩云吾黨論交三十年鶴占劍浦今已矣開卷還如見故人魂來寒夜燈明裏垂老念故讀書不輟前身匪幻後禪豈遙來往人間遨遊天上迄今秋風月夜行吟鈎盤河畔猶彷彿先生杖屨間爾

東村集跋

霑化李宮詹木齋先生東海耆尊石渠舊史事

世祖朝官至青宮少尹尋以言事謫陪京卧雪窖冰天歲閱八稔每有使自關外来

跋

先帝溫語垂問者至再庚子

特恩賜環方將柄用會龍馭上賓攀髯莫及遂墮鼎湖放歸田里種樹耘瓜於濕沃之陽領袖人群狎主鷗盟但平生薑桂成性慎所予可不輕題目人海內知名士瞻企龍門阻於峻

絕莫可梯接潮洞莫從者比比也僕

小子孤忠下走謏劣非材不堪世數念先生從祖方伯公與先祖司徒公庚辰同譜誼雅蘭世好先生居謫所獨與中山郝復陽陳留劉心周兩侍御邯鄲俠少任匪莪博羅剩人禪師

跋

二

為忘形性命交蓋復陽與僕為內兄弟雖間闕相隔不絕書郵往來先生從復陽所披余拙作謬相贊可輒以國士相期許手翰先施遙結末契先生不以僕為通門後生輒舒雁行列及歸田霑化去唐城不遠六百里先

生耽龍源之勝每命中車來遊僕造  
亦假屋促居先生好我樂數晨夕雖  
茅茨寒齋木榻瓦鐺烹葵剪韭酌醴  
焚枯高話窮日夜其贈余句有云若  
水淡須同味後如蘭香挹話心初及  
與抵掌天下事不禁骨騰肉飛髮植

跋

三

如竿杵回撞胃鉤章劇句敲筆舐墨  
聲擊戛相應論文必根柢經史出入  
於韓柳歐蘇諸子之間食息濡染不  
離典訓談詩務以少陵為宗法寢食  
漢魏三唐於有明前後七子多所抵  
牾而少推與來遊龍源動破旬時燕

趙學者躡屐來謁不蹈故常油油然  
與之偕或杯酒獻棋或剡燭賦詩永  
夜忘倦唐城秋尋諸草同人倡酬之  
所為作也甲寅秋杪僕嘗跨衛造請  
先生引手登堂相見甚驩太母夫人  
健在舍飴弄孫曾元莫辨諸郎君八

跋

四

人森森玉立長君思行以進士舉他  
俱嚙齒奮臂聲赫士林一堂五世天  
倫至樂先生擢畧一切角巾方袍日  
挈忘年朋從逍遙於山顛水涯林圃  
別墅間僕至親賓招邀無虛刻移日  
分夜焚膏繼晷傾弄倒篋盡出全集

屬余論次會以他故旋復別去遲十  
二年丙寅天時人事顯晦不常郝復  
陽中丞撫粵終於官輿歸塋龍源  
先生效范張之約素車來臨與小子  
相見之頃追憶舊遊三人竟去其一  
不覺揮涕失聲臨岐執手約在秋以

跋

五

為期挈余赴長君武陟任所取道朱  
仙鎮往遊吳越謀刻全集即拙集亦  
付剞劂別未三月而先生凶問踵至  
嗟嗟黃鵠一去青冥無際即思憑豐  
隆憩飛廉以寄長號于寥廓其誰聽  
之哀如之何戊寅庚辰十郎君西音

孝廉兩顧草堂以東村全集州次部  
居屬序于僕僕以旁午不羈之身奔  
馳四方竟失良晤癸未西音成進士  
榜發年歲父子先後適週一甲子是  
知文章科第自有真傳正不肯父子  
衣鉢前後弓冶箕裘有異也今春僕

跋

六

歸自金城稅駕丘園遶遶郝中羨天  
部假歸里居時相過從出先生全集  
編次勉綴數言卷尾以見前輩流風  
汲引後進之深淳篤摯如此若以為  
鹽鷄之目即可蠡測滄海而辨其涯  
涘也心滋慙已

康熙甲申初秋燕南學人金憲孫頓

首拜誤於龍源之蜨莊



七

東村集十卷 山東巡撫  
採進本

國朝李呈祥撰呈祥字其旋一字吉津號木齋諸化  
人前明崇禎癸未進士改庶吉士入

國朝官至詹事府少詹事是編詩文各五卷詩分十  
集曰邸中藁使程自刪木齋詩稿游中山草唐城  
草秋尋草南游詩紀行詩秋游詩東村詩集前各  
有小序查慎行序稱與李攀龍王士禎前後闕足  
今觀所作慎行非定評也



ZW 21181888574869